

T. 113

چفتخيلک

از
مصطفی راسم

۳۱۰ شکلی حاویدر

معارف نظارت جلیله سنک رخصتیه طبع اوتشندیر
رخصتیه نومروسی ۲۴۴

برنجی طبعی



استانبول

(مهراڻ) مطبعه سی — باب عالی جاده سنده نومرو ۷

۱۳۰۲



هر حقوقی صاحب اثر داند در

برنجی جلدك فصولی صحیفه لرینی کوسترن فهرستی

• • مقدمه

انخطار

- یکی اولچینرک تعریفی
برنجی کتاب اقلیم و انک رراعتد تائیری ۱
- برنجی فصل اقلیم ۰۱
- ایکنجی فصل ارتقاعی بین ایدر ۲۸
- اوچنجی فصل تبدلات هوایی وقتندن اول کسب وا ۳۸
- ایتمدنک و سائنطنی بیان ایدر
ایکنجی کتاب طویراقری بین ایدر ۲۹
- برنجی فصل علم کره ارشدن اهل رراعتد لازم اولان ۵۰
- ایکنجی فصل طویراقری تقسیمات و ترکیبی ۰۷۳
- اوچنجی فصل طویراقری خواص حکیمی ۱۰۴
- دردنجی فصل طویراقری تشخیص حسیه تحلیلات کیم ۱۲۴
- اوچنجی کتاب کوبره و مصلحاتی بین ایدر ۱۴۲
- برنجی فصل نباتی کوبره ۱۴۸
- ایکنجی فصل انسان و حیوان فسقیری ۱۷۴
- اوچنجی فصل چفتلک کوبره لری ۲۲۱
- دردنجی فصل مصلحات یاخود معدنی کوبره لری ۲۶۱
- بشنجی فصل محاط کوبره لری ۲۸۳
- دردنجی کتاب آچدر ۲۹۲
- برنجی فصل آچدر ۲۹۳
- ایکنجی فصل طویراق احراق ۳۰۴
- اوچنجی فصل کول و بانجیقلی حیویق طویراقری سولردن ۳۱۱

- ۳۱۵ — بشجی کتاب حفر تراب بیانده در
- ۳۱۸ — برنجی فصل حفريات انواعی
- ۳۲۵ — ایکنجی فصل صبان ایله طوپراق حفری
- ۳۴۴ — اوچنجی فصل طوپراق حفرنده دقته شایان نقطه لر
- ۳۶۹ — اتنجی کتاب تطهیر تراب بیانده در
- ۳۶۹ — برنجی فصل سورکی
- ۳۷۶ — ایکنجی فصل مردانه (یوارلاق)
- ۳۸۱ — اوچنجی فصل چاپه له
- ۳۹۹ — دردنجی فصل تبدله یاخود طوپراق طولدیرمه
- ۴۰۴ — یدنجی کتاب نباتاتک صورت نشو ونمسی و کیفیت تغذیسی ■ بیانده در
- ۴۰۴ — برنجی فصل نباتاتک نشو ونمسی
- ۴۱۰ — ایکنجی فصل نباتاتک فعل تغذیسی
- ۴۳۰ — سکرنجی کتاب زراعت متناوبه بیانده در
- ۴۳۱ — برنجی فصل نوبت زرعک نظریاتی
- ۴۵۵ — زراعت متناوبه بی اتحاده مجبوریت ویرن اسباب و علت
- ۴۶۴ — ایکنجی فصل زراعت متناوبه به داخل اولان نباتات
- ۴۶۹ — طقوزنجی کتاب تخم اکک وفدان دیکمک بیانده در
- ۴۶۹ — برنجی فصل اصول زرع
- ۴۹۰ — ایکنجی فصل اصول غرس
- ۴۹۴ — اونجی کتاب حبوبات زراعتی بیانده در
- ۴۹۴ — برنجی فصل بوغدای
- ۵۳۲ — ایکنجی فصل چودار
- ۵۳۹ — اوچنجی فصل آریه (شعیر)
- ۵۴۶ — دردنجی فصل سونتر (ملز)
- ۵۴۷ — بشجی فصل یولاف (علف)
- ۵۵۱ — اتنجی فصل قره بوغدای (هلده)
- ۵۵۶ — یدنجی فصل مصر بوغدای
- ۵۶۸ — سکرنجی فصل پرنج

- ۵۸۲ — طقوزنجی فصل داری
- ۵۸۶ — اوننجی فصل سپورکه یاخود عرب داریسی
- ۵۸۹ — اون برنجی کتاب چایرلر بیاننده در
- ۵۹۰ — برنجی فصل صنایی چایرلر
- ۷۰۵ — ایکنجی فصل طبیعی چایر و مرعالر
- ۷۶۴ — اوچنجی فصل طبیعی چایرلرک ادارهسی
- ۷۷۴ — دردنجی فصل صولامه
- ۷۸۳ — اون ایکنجی کتاب اصول حصا دیاننده در
- ۷۸۳ — ملاحظه عمومی
- ۷۸۸ — برنجی فصل اکین حصادی
- ۸۰۷ — ایکنجی فصل چایرلرک حصادی
- ۸۱۸ — اون اوچنجی کتاب ضرب خرمان و محافظه محصولات بیاننده در
- ۸۱۸ — برنجی فصل خرمان ایدنجه قدر اکینلرک محافظه سی
- ۸۳۱ — ایکنجی فصل خرمان و تطهیر ذخایر
- ۸۵۲ — اوچنجی فصل ذخیره نك خرماندن صوکره محافظه سی
- ۸۶۶ — دردنجی فصل اوت و چایرلرک محافظه سی





مقدمه

ر عرصہ دہرودرکہ اور وپادہ حرف و صنایع حیرت بخش عقول
اولہ حق بر درجہ ترقیہ واصل اولمش و خلقمزک اجنیلرلہ اختلاطی
الجات طبعیہ سندن اولہ رق مواردات تکثر ایتدکجہ یالکر
انظاری تزیین و حقیقت بین اولنلر نزدندہ دکر سزلکنی تبیین
ایلیان بعض مصنوعات و منسوجات غربیہ کویلمرزه وارنجہ یہ
قدر عادتاً سوقاقلرہ یاییلور درجہ دہ چو غالمش اولسی و قتیلہ
اقطار عالمہ و سیما اروپایہ اخراج اولنان معمولات و منسوجات
داخلیہ مزی نظردن دوشوروب شمیدیکی اوروپا فابریقہ لری
مقامندہ اولان متعدد دستکاهلر مزی تدریجاً سد و بند ایلہ
بوکونکی حال تدنی یہ کتور مشدر .

کرچہ صنایع مزک حال حاضرینک وقایہ سیلہ برابر استحصال
وسائل ترقیسی یولندہ دولتجہ خیلی ہمتلر صرف اولتمقدہ
ایسہ دہ نہ چارہ کہ بز بر قدم ایلر ولدکجہ اوروپا لیلر ساحۂ ترقیدہ
ایکی اوج درجہ ایلر و آدیم آتمقدہ اولملرینہ نظراً صنایعجہ انلرہ
رقابتک عدم امکاتی اکلا شملغلہ بزم ایچون صنایعک ترقیاتنہ
دوام ایلہ برابر چفت چپوغہ صارلمقدن بشقہ چارہ قالمشدر فاما
اوروپا لیلر زراعتلرینی دخی صنعتلری نسبتندہ ایلر ولدوب مالک
اولدقلری بعض چوراق و قیصر طویراقلرینی وسائط اصلاحیہ

ایله الیوم دنیانک اڤ منبت و محمولدار اراضیسی حالته قویه رق
نیجه نیجه اشجار مثمره و نباتات نافعه یتشدیرمکده اولمیزیته
باقیلورسه و قوف قدیمه مز ایله انلره یتشمه نك امکانسزلنی امید
استفاده مزنی اشکال ایتمکده و حال حاضر معارفه مزده براز دهلا
دوام ایدر ایسه ک او استفاده یی دخی اقوام شمالیه ایله دنیانک
او بر اوجنده کی خلقه قایدیره جفمز اظهر من الشمس
کورنگمکده در .

زراعتک سعادت آتیه لری امیدنی صرف قرانلقده براقان
شو حالک اشعه معلومات فیه و عملیه ایله رفع و تنویری قیدینه
دوشه رک فن زراعتده اوروپالیسیرک حال حاضر تر قیلرینی بزم
چفتجیلره اکلاته بیله جک صورتده آرادم طرادم خیرالله افندی
مرحومک فلاحنامه سندن بشقه میدانده ترکجه بر اثر بوله مدم
اثر مزبورک مندرجاتی دخی فرانسزجه اسکی (مه زون روستیق)
نام کتابک غایت مجمل اوله رق بعض پارچه لری اولوب حصول
مقصده کفایتسزلکندن ناشی بویله بر اثرک یکیدن میدانه کتور.
لمسی لزومی اکلاشلمسیله بضاعه سز لکمه باقیه رق و هر دورلو
مشکلاته مقاومت ایدرک بوکونکی کون فن مزبورده اوروپاچه
دستور مقامنده اولوب الده ایدیلان متعدد کتب معتبره فیه
و عملیه ایله بر طاق رسائل جدیده دن مستعیناً بتوفیق الله اجمالاً
ترجمه وارباب و قوف و تجربه دن اغتنام اولسان معلومات محلیه
دخی ضم و علاوه ایدیلهرک (چفتجیلک) نامیله من غیر حد
میدانه کتوردیکم مصور اثرک یکر می یدی کتابدن مرتب

زراعته متعلق جلد اول و ثانینی اکاله موفق اولدم حیوانات ايله اعمالات صناعیه دن باحث اولان جلد ثالثی دخی دردست تحریر واکالدر .

مستغنی عرض و بیان اولدینی اوزره مملکت مزده شمدی یه قدر فنونه متعلق میدان انتشاره وضع اولسان آثارک عوامجه تفهم مزایاسی قابل اوله میه حق صورتده مصطلح یازلسنه نظراً بونلر یالکزر خواصه منحصر قالب طاققه زراعه متعلق آثاری طبع و نشر دن مقصد ایسه استفاده عمومیه بی تأمین استحصال اولدیغیچون کتاب مزبورده هرکسک اکلایه جنفی و حتی برکوی امامنک کویلی یه تفهیم ایده بیله جکی صورتده اسامی والفاظ ممکن مرتبه غایت ساده و ترکیه اوله رق التزام و تحریر ايله دائرة امکاندن خارج اولان بعض اصطلاحات واسامی فیه ایچون دخی ایکنجی جلدک زیلنه لاجل العلاوه برده لغت ترتیب اولمقده در .

معلومات حاضره مزک ترقیات فنییه تمامیه توفیق و تطبیق ممالک مزک قطعات مختلفه سنده نمایذر اولان اجناس نباتیه وانواع ذخایرک و اصول زرع و اداره جه اتخاذ اولان قواعد ايله مرعی و معروف اولان عادات واسامی مختلفه نک تا مفرداتنه وارنجه قدر مطلقاً بیلنمسنه متوقف اولوب مأخذ مز اولان کتب معتبره ایسه اوروپانک یوزلرجه ارباب فن زراعتنک اجتماعیه ترتیب و اکال اولنمش کتابلر اولدیغنه نظراً مفردات معلومات محلیه نک شخص واحدک فکرنده جمعی قابل اوله میه جفندن

عمومیت اعتباریله ممکن مرتبه استحصال ایدیلان معلومات
حلیه کوره اوروپاچه مستعمل اولان قواعد مخصوصه
زرعیه نك ملکمزده نه درجهیه قدر قابل تطبیق و قبول اوله
بیله جکی تصحیح و تصریح قلمشدر .

مندرجاتی زراعت نظارت جلیله سنده ارباب فندن مرتب تشکیل
بیوریان قومیسینونک مظهر تقدیر و تحسینی اولش ایسه ده
ینه دکر سزلکی عرض و اعتراف ایله برابر ابنای وطنک
انظار استفاده سنه وضعه جسارت ایتدیکم شوکتابک تلفیق
و تألیفه بوندن اون سنه اول خامه کش ابتدا اولدیغم حالده
طبع و ختامی عصر کمالات حصری جداً و حقیقهٔ مبدأ ترقیات
عثمانیه دنیلیمکه شایان اولان شوزمان معارف نشانده ولی نعمت
بی متمز پادشاه اقدسمز سلطان غازی (عبدالحمید) خان ثانی
اقدمز حضرتلرینک هرشیدن زیاده معموریت ملکیه سنی
مؤدی اولان زراعت و حراثت امور معتنا بهاسنه حصر نظر
عاطفت و اهمیت بیور مقده اولدقلری برزمان سعادت نشانه
مصادف اولسی و خصوصیه دیباچه سنک نام نامی حمید الخصال لریله
معنون بولنسی بو عید کمبضاعه ایچون تمامیه تحدیثی غیر قابل
ایفا بر نعمت جهانها صایلیر .

انظار عواطف نثاری هم خاصیت اکسیر فیض عال العال
اولان پادشاه حکمتپناه اقدمزک ترقیات و تعلیات ملیه مز
وسائلی استحضارده اک زیاده تأثیرات نافعه سی کورلمکده اولان
بوکی اثار خیر دتارک تعمیم انتشاری حقده مصروف بیوریان

اجل هم سنیهلری یالکتر عاجزلری ایچون دس عموم ارباب قلمجه مداراعظم تشویق وترقی وبوکتابک دخی استفادۀ عمومیہ ایچون ازبابی میاننده تعم نشرینه دریغ همت بیورلیه جنی بدیهی اولسنه نظراً رسیده حد ختام اولان واشبو برنجی جلد قدر اهمیتی وبرینک دیکرینه لازم غیرمفارق کبی نسبت ومربوطیتی زیل کتابده کی فهرس خلاصه سنک مطالعه سیله اکلاشیلان ایکنجی جلدک دخی بونک نشرینی متعاقب میدان انتشاره وضعه صرف مساعیدن کیرو طورلیه جفتی عرض ایله معروضات مقدمه یه نهایت ویررم امید وارمکه کتاب مذکورده ارباب معارفک نظر خبرتترینه چاره حق سهو ونقصانی بضاءه سزلکمه حمل ایدرک قلم کشیده عفو وتصحیح اولورلر .

اخطار

کتابمزده استعمال ایلدیکمز حرارت ترازوسی (میزان الحراره) ۱۰۰ درجه حسابیله اولان (سانتیگراد) نام حرارت ترازوسیدر .



اوزان و اکیال جدیدہ تعریفاتی

قوللانديغمز اولچیلر دخی هب یکی اولچیلر اولديغندن
چفتجی ورنجیرلرجه قولای بلله نوب استعماله آلمشق ایچون
نکر اولسان اولچیلری بعض آثار قیه دن اخذ ایدرک اشبو
مقدمه مزده قیصه وفائده لی صورتده تعریفنه مجبور اولدق .

آرشون

(آرشون) بر یکی آرشون ۱۰ یکی کراه و بر یکی کراه
۱۰ یکی پارمق و بر یکی پارمق اون یکی خط و بر یکی خط ۱۰
یکی نقطه در .

دیمک اولیورکه بر یکی آرشون ۱۰ کراه یاخود ۱۰۰
پارمق یاخود ۱,۰۰۰ خط یاخود ۱۰,۰۰۰ نقطه در شو حالده
مثلا ۱۴ کراه بر آرشون ۴ کراه یاخود ۱۴۰ پارمق و ۱۱۵
پارمق بر آرشون ۱۵ پارمق یاخود ۱۱ کراه بش پارمق ایدر
شمدی بویکی آرشونی اسکی اندازه و آرشونلر ایله قیاس
ایده ملده فرقنی بوله لم .

چارشو آرشونی — بر اسکی چارشو آرشونی یکی آرشون
حسابیله ۶۸ پارمق یاخود الی کراه ۸ پارمق ایدر یکی آرشون
۱۰۰ پارمق اولنجه اسکی چارشو آرشونی یکی آرشوندن ۳۲
پارمق اکسیک دیمک اولور .

چارشو آرشونی اکثرا باصمه قوماش کی شیر اولچمکده

قوللانلديغندن شو حسابجه اسكى چارشو ارشونيله اولچيلان
اوج ارشون باصمه وكرپاس پارچهسى همان ايكي ايكي ارشون
قدردر ويكي ارشون ايله ارشونلنان ايكي ارشون برقوماش
پارچهسى اسكى چارشو ارشونيله اوج ارشوندن پك از نقصان كلور.
اندازه — بر اندازه ايكي ارشون ايله ۶۵ پارمق يعنى
۶ كراه ۵ پارمقدر شو حسابجه اندازه اسكى چارشو ارشوندن
۳ پارمق اكسيك اولمسييله اندازه نك بر بوچنى بريكي ارشونى
تماميله طولديرمن ايكي بوچق پارمق اكسيك كلور .

قلفه ارشونى — اراضى مساحه سنده يعنى طوپراق
اولچمكده قوللانيلان اسكى ارشون اشبو قلفه ارشونيدر
بوارشون يكي ارشون حسابيله يتمش بش بوچق پارمقدن براز
زياده يعنى بريكي ارشون بر قلفه ارشونيله (ربع) درتده
برقسمندن پك اذرر .

شو حسابيه باقيلور ايسه اشبو قلفه ارشونيله ۱۶۰۰ ارشون
مربعنده اولان براسكى دونم يكي ارشون ايله همان ۱۲۱۲
ارشون و ۸ كراه ياخود ۸۰ پارمق ايدر .

دونم

(دونم) بريكي دونم ۲۵ اولك و بر اولك ۱۰۰ يكي ارشون
مربع محلدر شو حسابجه بريكي دونم ۲۵۰۰ يكي ارشون ايدر
شمى بويكي دونمى اسكى ارشونه تحويل ايتديكمزده بريكي
دونم اسكى قلفه ارشونيله ۳۲۹۷ ارشون ۲۷ پارمق ۷ خط
ديك اولور .

اسکی دونم ایسه یکی دونم حسابیله انجق ۹ اولك ۱۹
پارمق مربع یری طولدیرر .

(جریب) بر جریب یر درت یکی دونم صاییلور که یکی
ارشون ایله ۱۰۰۰۰ ارشون ایدر .
اوقه

(اوقه) بر یکی اوقه ۱۰۰۰ یکی درهم و بر یکی درهم ۱۰
دنك بردنك ۱۰ بوغدای بر بوغدای ۱۰ حبه و یارم اوقه ۵۰۰
یکی درهمدر .

بریکی اوقه دیمك ایچ یوزندن اکی بوی و درینلکی بریکی
کراه یاخود اوزر پارمق اولان برقابك اغزینه قدر الدینی
اینیقندن چکلمش خالص صویك اغیرلغیدر .

اسکی اوقه — براسکی اوقه اسکی درهم ایله ۴۰۰ درهمدر
فقط یکی درهم ایله ۱۲۸۳ درهم ایدر و بریکی اوقه اسکی
درهم ایله ۳۱۲ درهمه وارر شو حسابجه شمدیکی بریکی اوقه
اسکی درهم ایله ۳۱۲ واسکی اوقه یکی درهم ایله ۱۲۸۳
درهم دیمك اولور .

براسکی اوقه ۱۲۸۳ یکی درهم اولنجه براسکی یارم اوقه
۶۴۲ بوجق یکی درهم ایدر واسکی یوز درهم دخی ۳۲۱
یکی درهمدن پك از زیادهدر .

اسکی درهم — براسکی اوقه ۴۰۰ اسکی درهم و ۱۲۸۳
یکی درهم اولغله براسکی درهم اوج یکی درهمدن از زیادهدر
و بریکی درهم اسکی درهمك (ثلثه) اوچده برینه پك یقیندر .

قطار

(قطار) بریکی قطار ۱۰ یکی بطلمان و بریکی بطلمان ۱۰
 یکی اوقه اولنجه بریکی قطار ۱۰۰ یکی اوقه دیمک اولور .
 اسکی قطار — براسکی قطار ۴۴ اسکی اوقه اولوب
 براسکی اوقه دخی ۱۲۸۳ یکی درهم اولنجه براسکی قطار
 یکی اوقه ایله ۵۶ اوقه ۴۵۰ درهم یعنی یارم یکی قطار ۶ یکی
 اوقه ۴۵۰ یکی درهمه بالغ اولور .
 بریکی قطار ایسه ۱۰۰ یکی اوقه وهر یکی اوقه ۳۱۲
 اسکی درهم اوله جفندن بریکی قطار هان ۷۸ اسکی اوقه یعنی
 براسکی قطار ۳۴ اسکی اوقه وادر .

چکی

(چکی) بریکی چکی ۱۲ قطار و بریکی قطار ۱۰ بطلمان
 و بریکی بطلمان ۱۰ یکی اوقه اولغله بریکی چکی ۱۰۰۰ یکی
 اوقه اولور و بریکی چکی بش قسمه ایریلهرق هر قسمه (طارتی)
 دینور بو جهسته بریکی چکی ۵ طارتی وهر طارتی ۲۰۰ یکی
 اوقه ایدر .

اسکی چکی — براسکی چکی ۴ اسکی قطار و براسکی
 قطار ۴۴ اسکی اوقه اولنجه براسکی چکی ۱۷۶ اسکی اوقه
 بالغ اولور براسکی اوقه ۱۲۸۳ یکی درهم اولنجه براسکی
 چکی هان ۲۲۶ یکی اوقه وادر شو حالده براسکی چکی
 بریکی طارتیدن ۲۶ یکی اوقه زیاده ایدر یعنی بریکی چکی
 هان ۴ اسکی چکی و ۷۶ اسکی اوقه واصل اولور و بو حساب

اوزره بر یکی طارقی ۱۵۶ اسکی اوقه اوله جفندن براسکی
چکیدن ۲۰ اسکی اوقه قدر نقصان بولنور .

کیله

(کیله) بر یکی کیله ۱۰ یکی شینک و بر یکی شینک ۱۰ یکی اولچک
و بر یکی اولچک ۱۰ یکی قوطی و بر یکی قوطی ۱۰ یکی ظرفدر .
دیمک اولورکه بر یکی کیله ۱۰ یکی شینک یاخود ۱۰۰ یکی
اولچک یاخود ۱۰۰۰ یکی قوطی یاخود ۱۰۰۰۰ یکی ظرفدر .
هرکس بیلورکه صوکی شیلری واکین دانهلرینی دایما
کیله شینک و اولچک ایله اولچرلر یوقاریده دخی دیدیکمز
وجهله بر اولچکک اغزینه قدر الدینی خالص صویک اغیرلنی
بر یکی اوقه اولدیغندن سائر شیلرک وزنی دخی صودن خفیف
واغیر اولملرینه کوره ثقلتجه تخلف ایدر .
بونلرک بعضیلرندن بر اولچک قدرینک طارقیلری اتیده کی
جدولده کوسترلمشدر .

اسکی درهم	یکی درهم		
۲۵۰	۸۰۰	غاز	بر اولچک
۲۸۷	۹۱۹	زیتون یاغی	» »
۲۸۹	۹۲۵	قولزا یاغی	» »
۳۱۲	۱۰۰۰	خالص صو	» »
۳۱۸	۱۰۲۰	سرکه	» »
۳۲۰	۱۰۲۷	دکر صوی	» »
۳۲۲	۱۰۳۲	اینک سودی	» »
۳۲۳	۱۰۳۴	کچی سودی	» »
۳۲۵	۱۰۴۱	قیون سودی	» »

اسکی کله لریز هر یرده بر بویده و بر حسابده اولیوب
غایت مختلف بولندیغندن بوراده بحث ایده جکمز اسکی کله
استانبول کله سی اوله جقدر .

اسکی کله — اسکی بر کله استانبول کله سی یکی اولجی
حسابیله ۳۷ و بر یکی کله دخی ۱۰۰ اولچک اعتبار اولندیغندن
بر یکی کله ۳ اسکی کله دن بر مقدار نقصان اولور یعنی بر یکی
کله بر اسکی کله نك ایکی مثلیله یدی عشری مقدار یله همان
بر ابردر انك ایچون بر اسکی کله یکی کله نك اوچده برندن
براز زیاده اولور .

اسکی شینك — استانبول کله سی حسابیله بر اسکی شینك
بر یکی شینكدن از نقصاندر چونکه بر اسکی کله بر یکی کله نك
اوچده برندن براز زیاده اولوب بر اسکی استانبول کله سی
۴ اسکی شینك و بر یکی کله دخی ۱۰ یکی شینك اعتبار اولمغله درت
اسکی شینك ۳ یکی شینكدن خیلی زیاده اوله جغندن استانبول
کله سی حسابیله بر اسکی شینك بر یکی شینكه غایت یقین اولور .

اسکی قوطی — استانبول کله سی حسابیله بر اسکی قوطی
یارم اسکی شینك اولوب بر اسکی شینك دخی بر یکی شینك ایله همان
برابر اولدیغندن بر اسکی قوطی یارم یکی شینكه یقین و یا خود بر یکی
شینك ۱۰ اولچک و بر اولچک ۱۰ یکی قوطی اولمغله بر اسکی
قوطی تقریباً ۴ بوجق اولچک و یا ۶ یکی قوطی به معادل اولور .



چَفِجَتِيلِكْ

برنجی کتاب اقلیم وانک زراعتہ تأثیری بیانده در

برنجی فصل اقلیم

معرفت زراعتک اساسی اقلیمک طبیعتی بیلمکدر .
اقلیم دنیانک هرطرفی احاطه ایدن و غایت اینجه اولدیغندن
طولایی کوزه کورغیان هوانک تعاقب ایدن یاشلق (رطوبت)
قوریلِق (یبوست) و تبدلاتیلَه موازنت الکتریقیه نَک درجات
تغیراتنه دینور بونکله برابر بر محک مزاج هواسنی اکلامق
ایچون اول محک دنیانک ایکی اوجندن یاخود اورته سندن
درجَه بعدینه و دکردن نه قدر یوکسک اولدیغنه و درت جهتن
یعنی کون طوغیشی کون باطسی یلدز و قبله دن قنغیسه قارشو
بولندیغنه نظر اولنور .

جو هوا وانک زراعتہ تأثیری — کره نَک یعنی دنیانک
اطرافنی قابلیان و چوقدنبرو حیاتک اساسی عد اولنان هوا
صافی حالنده (ازوت) هوای ممائی و (مولدالمحوضه) هوای
حیاتی نام غازلردن عبارت اولوب بونلردن ماعدا (حامض فحیمی)
کومور غازی و صابون قبارجقلری کبی کوزه کورغمز غایت

کوچک کیسه جک کردن عبارت بخار خالده صوایله دخی طولو .
درکه (*) نباتاتک مدار حیاتیدر .

هوانک تأثیرات کیمیویه سی — هرکسه ایوجه اکلاتمق
ایچون بوراده هوا وانک مرکب اولدینی ماده لره دائر
تفصیلات ویررز شویله که مومک یانمنسه مساعد بولنان جسمه
(مولدالموضه) یعنی هوای حیاتی دینورکه انسان و حیوانک
دوام حیاتلرینه سبیدر ومومک یانمنسه مساعد اولیان نسنه
(ازوت) یعنی هوای مماتی دیرلرکه بوهوا انسان و حیوانی
یشاده مز بویکی جسمک برلشمسندن هوای نسیمی یعنی نفس
الدیغمز هوا وجوده کلیورکه انسانک تنفسنه و نباتاتک فیضنه
باعث اولان هوا بودر کتانبمژک هرقتی محلده هوا لفظی کچر
ایسه اساساً شوایکی ماده دن مرکب هوا دیمک اولوب بشقه بر
شی دکلددر .

هوانک درتده بری هوای حیاتی ایله طولودر باقلور ایسه
هوای حیاتی پک چوق صرف اولنمقده اولدینمقده مقداری
ازالمق لازم کلور حالبوکه اشاعیده بیان اولنه جنی وجهله
هوای حیاتی برطرفدن صرف اولندقجه دیگر طرفدن حاصل
اولمقده در .

هوانک دیگر اوچ قسمی هوای مماتیدر بونک نباتات
اوزرینه اولقدر تأثیری اولیوب بوهوانک بولنمدینی محله دخی
نباتات حاصل اوله بیلور هوای حیاتی یالکر اولدینی خالده

(*) غاز دیلان هوا کبی کوزه کورنمز وال ایله طوتلز بر جسمدر .

غایت یاقیجی اولدیغندن هوای مماتی انک شو تاثر شدیدی
تعدیل ایتک ایچون خلق اولمشدر ظن اولنور .

هواده بونلردن ماعدا (حامضی فحمی) یعنی کومور غازی
وبخار حالنده صودخی بولندیغنی سویلمشیدک بوراده دخی
حامض فحمی ذکر کی کچدیکی جهته بر از حامضلردن بحث
ایده جکر فقط کوزلجه دقت اولملیدرکه کتایمزه الت طرفلرنده
حامضلرک اسمی ذکر اولندیغنده نه دیمک اولدیغنی اکلاشلسون .
جسم بسیط دینلان شول بر جسمدرکه کندوسنه بشقه بر
جسم قارشامش اوله مثلاً کوموش کوموشدر کوموشدن ینه
کوموش چیقار بشقه شی چیقماز اما بوغدایدن چوق شی
چیقار بوغدایک اجزاسی آریلور ایسه هوای حیاتی مماتی
وکومور کی درلو درلو جسملر بولنور انک ایچون بوغدا
جسم بسیط دکل بر جسم مرکبدر شمدییه قدر کشف اولنان
جسم بسیطک عددی التمش بشه بالغ اولوب جمله سنه اجسام
بسیطه یاخود عناصر بسیطه دیرلر هوای حیاتی صافی اولدیغنی
حالده بونلرک بریله برلشور ایسه حامض وحمض تشکیل ایدر
دیمک اولیورکه حامض وحمض هوای حیاتیکنک بر جسم بسیط
ایله برلشمسندن وجوده کلیور .

حامض آجی واکشی بر ماده در ماوی بویا و منکشه
شروینی قرمزیه و حمض دینلان کذلک آکشی بر ماده دخی
قرمزیه تبدیل اولنان ماوی بویا و شروینی اصل رنگنه یعنی
تکرار ماوییه دوندر .

هوای حیاتی هر قننی جسم ایله ترکیب ایدرایسه اوجسمک
اسمیه مشترک اولور مثلا حامض فحمی ایکی قسم مولدالمحوضه
وبرقسم کوموردن وحمض فحمی اوج قسم مولدالمحوضه یعنی
هوای حیاتی وایکی قسم کوموردن مرکبدر اما بوکومور
اوجاقلرمیزده یاقدیغمز کومور ظن اولنسون واقعا اوده کومور
ایسه ده صافی کومور اولیوب برقاچ جسم ایله مرکبدر بزکومور
دیدیکمز وقت اصل خالص کوموری مراد ایدیورزکه اجسام
بسیطه دن یعنی یوقاریده ذکر ی کچن التمش درت جسملردن
بری اولوب بیاض وغایت خفیف بر جسمدر مثلا الماس بر
نوع کوموردر یاقلدینی وقت کول براتیوب کاملا هوای حیاتی
ایله ترکیب ایدرک (حامض فحمی) یعنی کومور غازی اولوب
اوجا کیدر اجسام مرکبه نك اکثرنده بوکومور ماده سی
بولنور .

بونلره حامض وحمض تعیرندن مراد لذتلی غایت یاقیجی
وسرکه کی اکسی اولدینی ایچوندر حتی سرکه دخی حامضدن
صاییلور حامض غایت یاقیجی ایسه ده بالعکس حمض اوقدر
یاقیجی دکدر شمدی هوای حیاتی کومور ایله برلشدیکنده
حامض فحمی اولدینی اکلاشلدی تیمور ایله ترکیب ایدر ایسه
تیمورک اسمیه مشترک اولوب اوحالده (حمض حدید) وکیرچ ایله
(حمض کلسی) کوکرد ایله (حامض کبریتی) یاخود حمض کبریتی وهکذا
بویله دینور حامضله صوکی اولور ایسه روح هوا کی کوزه
کورغمز ارلور ایسه غاز وصلب یعنی قتی ایسه طوز دیرلر وهر

قنى جسم ايله مركب اولور ايسه انك اسميله مشترك ذكر ايدرلر .

حامض ايله حمضك اجتماعنده بر طاقم املاح معدنيه يعنى طوزلر وجوده كلور فقط بو طوزلر يمكه قاتديغمز طوز دكلدر كرچه كيمياجه اوده طوز ايسه ده بر طاقم شيلر ده واردر كه انلره دخى طوز ديرلر مثلا تباشر بر طوزدر اسمنه (فحم ملح كلسى) ديرلر بواسم تباشرك مركب اولديغى اساس ايله حامض معناسنى افاده ايدر يعنى حامض فحمى ايله كيچ اولديغى بيلديرر تباشر سر كه ايله اريديلور ايسه يعنى تباشرده موجود اولان حامض فحمى طرد اولنور ايسه يكي بر طوز حاصل ايدر كه بوكا (حامض ملح كلسى) اكر حامض كبريت ايله حل ايديلور ايسه ديكر بر طوزه مالك اولورزكه (كبريت ملح كلسى) تسميه اولنوب بوندن الچى ياييلور اكر حامض فوسفورى قوللانور ايسه (فوسفور ملح كلس) وجوده كلور كه حيوان كيكلرينك قنى اولان جهتلرينك اكثر قطعه سى بوندن تشكل ايدر بو تفصيلات معدنى طوزلرك نه ديمك اولديغى ايوجه اكلا تمشدر ظن ايدرز .

حامض فحمى يوقاريدة ذكر اولنديغى وجهله مولد الحموضه ايله كوموردن مركب اولوب احتراق وتنفس طريقه دائما حصوله كلكدده در انسان وحيوانك تنفسنه مساعد اولنديغى جهته چوغى هلاكى موجب اولوب انحق يرادلى نباتاتك فعل تغديسه يعنى بسله مكه معاونتدن عبارتدر كونك آيدينلغنده

نباتاتك يشيل قطعه لرى يعنى بېراق وتازه سوركونلرى حامض
خېمىيى اموب ايچىندە بولغان كومورينى اخذ وحفظ ايله هواى
حياتىيى دفع واخراج ايدر ايلروده نباتاتك تغدى فعلياتىندن
بىت اولنە جىنى صرەدە تفصيلات ويريله جىكدر .

هوانك تاثيرات حكيمه سى — يوقارىدە تعريف ايلديكمىز
هوانك تاثيرات كيميويه سندن ماعدا برطاق تاثيراتى دهاواردركه
اكادە تاثيرات حكيمه دينور .

برنجيسى هوانك ثقلتى يعنى اغرلغيدر هر نه قدر طويل
ايسە كە بى تضييق ايدىن هوانك اغرلغى ۳۲ قدم وصو ايله
مملو بربورينك اغرلغيله برابردر هوانك شو ثقلتى دوام حياتك
اعظم اسبابىندىر زيرا بواغرلغە نقصان كلور ايسە انسان
وحيوانك قانى ونباتاتك اوزىنى حاوى طمرلر پاطلايىچە قدر
كريله جىكى اثبات اولمشىدر هوانك اغرلغى آرتدقچە حيوانات
فوق العادە متأثر اولور وهوانك خفيفلىكى دوام ايدر ايسە
نباتاتك بيومسى كچىكور بوندن طولايى هواسى اغر اولان
آلچاق محللردە يتيشان نباتاتك بويى اوزون اولوب طاغ تپەلرندە
ويوكسك محللردە نشوونما ايدىن اغاج وفدانلرك بويلرى قيصه
قالور والحاصل هوانك اغرلغى انبساطى وانقباضى نباتاتك
اوزلرينك حرىكتە بيوك تعلق واردر .

هوانك اغرلغى كونسك خىزيران وكانون اولك طقوزنجى
كونلرندە بولنديغى نقطه لىر التندە قطعاً دكشميوب فقط اورالر-

دن قطبلره یعنی یرک اوجلرینه طوغری اوزاقلاشدقجه هوانک دکشمکده اولدینی حس اولنور .

وبوتبدلات بردرجه عرضده اولان یوکسک محللرده الحاق یرلردن زیاده طویلدینی کبی یازین قیشدن زیاده فرق اولنور بوندن بشقه هلال وبدر زمانلرنده هوا اغر اولوب بالعکس هلال وبدر ارالرنده خفیفلشور برده هوانک اغر لغنک اختلافه روزکارلر باشلیجه سبب اولور .

روزکار — روزکاری اوچه تقسیم ایدرلر برطاقی علی العاده اسن روزکارلردرکه حرکاتی دائم وتأثراتی منتظمدر دیگر طاقی برقاج آی متادیا برطرفدن وینه برقاج آی متادیا عکسی طرفدن اسر دیگر برطاقم روزکارلر ده واردرکه بر محله اسدکری حالده سمت حرکت موسم وزمانلری دائماً بر دکدر .

حرارت وبرودندن طولایی هوانک انبساط وانقباضی روزکار ظهورینه سبب اولدینی کبی هواده اولان الکتریک تأثیریه هوانک حرکاتی دخی روزکار کتورر فی الواقع دنیانک بر نقطه سنده حرارت ایله هوا انبساط ایدرک بوشالیدینی محله سائر نقطه لره هواسی هجوم ایدرک روزکار پیدا ایدوب هوانک درجه انبساطی نسبتنده شدید اولور .


روزکارلر هواده بولنان اجسام مختلفه یی یکدیگریله امتزاج ایتدیروب ویریوزنده بولنان غازلری دخی هوایه چکوب یا غمورلرک اعتدالنه سبب اولور اگر روزکار اولمز ایسه بواعتدال

دخی اولیوب دنیاڼک بعض محلنده انسان و حیوان یاشایه من
یعنی تنفس ایدیه میه جک صورته غاز ایله طولار و بعض یرلری
یاغموردن کلیاً محروم ایدر .

روزکارلر مرور ایلدکلی محللره نظراً بشقه بشقه خواص
ایله متصف اولورلر شویله که صیجاق و رطوبتلی بولندیقی وقت
نباتاتک بیومسسه معاونت ایدر رطوبتدن خالی اولور ایسه
طوپراغی فوق العاده قوریدوب فدانلرک فلز نئسنه مانع و پیرا-
قلری صولوب چیچک و میوه لرینک و قنندن اول دوکلسنه بادی
اولور انسانلرک سعی و عملی شدتلی بورا و فورطنه لرک تأثیراتی
منع ایتمکدن عاجز ایسه ده عادی روزکارلرک دفع مضرتنه بر
درجه یه قدر قادر در طاغیر اورمانلر روزکارک شدتنه
مانع طبیعی اولدیغندن چفتجیلر بولندقلری محلك هواچه
طبیعتی بیلدکلی حالده استفاده لریچون انلری استعمال
ایده بیلورلر مثلاً دیوار یاتقی و مخصوص اغاچلر دیکرک
صناعی اورمانلر وجوده کتورمکله روزکارک شدتندن
ترلا و باغچه لرینی محافظه ایده بیلورلر .

هوانک اغراغنی و روزکارک اسدیکی جهتی
بیلیمک ایچون (میزان الهوا) هوا ترازوسی استعمال
ایدرلر هوا ترازوسی (۱) دنیلان الت که ایچی هوادن
خالی اولوب یالکز الت اوچنده کی خزینه سی
بر مقدار حیوه ایله ملو بللور بر بوریدر اشوبلورک
حیوه خزینه سی اشاغی اوله رق بر محله اصلدقه

جیوه سی بورینک ایچنده اشاغی یوقاری اینوب جیقه رق بر
نقطه ده طوروب هوانک اغرلغی کوستر
واغرلغی چوغالوب ازالدجه جیوه دخی
اشاغی یوقاری اینر چقار .




شکل ۲

صوکره دن بو بورینک التنه بر دائره
ربط ایتمشلد درکه (۲) جیوه حرکت ایندجه
ساعت یلقوانی کبی دائره نك اورته سنده
بولنان ایکنه دخی حرکت ایدرک اطرافنده
یازیلو اولان نقطه لری کوستر یعنی هوا ملایم
ایسه ملایم یازیلو نقطه اوزرنده طورر .

روزکار ترازوسی دنیلان (میزان الریح)

نام الت دخی (۳) روزکارک شدتی واسدیکی طرفی بیلدیرر



شکل ۳ روزکار ترازوسی

بوکا فرلداق دخی دیرلرک ایریسی وثقلته
غایت خفیفی ایودر انک ایچون ایکنه سی غایت
سربست وسهولته حرکت ایتمک ایچون قائماً
طوغریجه برینه وضع اولنلیدر .

هوانک تبدلاتنک هر نوع عملیات و مز-

روعاته دخل وتعلق درکار اولدینی جهته

هر چفتجینک ایشنی ومحصلنی اولورینه

براقیوب هوانک تبدلات وتغیراتی اولجه بیلهرک اکا کوره

حرکت ایتسی الزم اولدیغندن هوا ترازوسنی تعریف وتفصیلدن
مرادمن شو مقصدی اکلاتق ولزومنی اثبات ایتکدر انک ایچون
اشاغیده دها اهون برهوا ترازوسی تعریف ایده جکرکه
یایلوب قوللانلمسی پک قولایدر .

یارمشر درهم کافوری ونشادر وکهرچله طوزلری النوب
هربری بشقه بشقه صافی اسپرتو ایچنده اریدلدکن صوکره
جملهسی ایجه واوزون برشیشه بوری ایجه دوکلوب قارشدر-
یلور ویششهنک اغزی موم ایله قبادیلهرق روزکاره قارشو
بریره وضع اولتورکه اشبو شیشهدهکی اسپرتو هوا دکشهجکی
صرمه اتیده بیان اولنان احوالک کافهسنی کوستر شویله که
شیشهدهکی اسپرتو براق وشفاف ایسه هوا آحیق وکوزل اوله-
جغه وبالعکس بولانقجه کورینور ایسه یاغموور یاغهجغه دلالت
ایدر اکر اسپرتو شیشهنک دینده طوکار ایسه هواده شدتلی
صوغوق اولدیغنی ایجه وخفیف بلوط شکلنده پارچه پارچه
بولانقلق کورینور ایسه فورطنه ظهور ایده جکنی افاده ایلر
شوبلوطلر یغنی پارچه پارچه بولانقلقلر بیوک وقوی ایسه یاغموور
نزولنه وبلوطلر شیشهنک یوقاریسندنه طمر طمر اولور ایسه
شدتلی روزکار اسه جکنه دلالت ایلر شیشهنک ایچنده عادی
بولانقلق کورندکده هواده زیاده رطوبت اولدیغنی وبولانقلق
بلوط هیئتده شیشهنک اغزینه طوغری چیقدیغنی تقدیرده
هوانک یوکسک طبقه لرنده شدید روزکار اسدیکی اکلاشیلور.
تعریف اولنان شو هوا ترازوسنک اعمال واستحضاری

قولای و مصرفی پک از اولدقدن بشقه کوستره جکی علامتله
صحیح اولدیغندن حیوولی هوا ترازوسی بولنمان یرلرده اشبو
هوا ترازوسنک یاییلوب استعمالی توصیه ایدرز .

هوانک یاشلق وقوریلغی — هواده دائما بخار حالنده بر
مقدار صو بولنبدیغنی یوقاریده سولمشیدک بوصو هوا قدر
نباتاته لازمدر صوبی تشکیل ایدن هوای حیاتی ومولدماء
عموم نباتات وحیوانات ایله اجسام حیوانیه ونباتیه ده دخی
بولنور .

بعض نباتات کاملاً صو ایچنده یشادیغنی کبی عموم نباتات
دخی بدرجهیه قدر صو ایچنده یشایه بیلور ایسه ده هیچ بر
نبات یوقدرکه کوکندن صو المدقه یشایه بیلسون .

طوپراغک رطوبتک موسمه کوره قوه انباتیهیه بشقه
بشقه خدمتلی واردر حرارت زماننده چیلنمسنه یاردم ایدر
وکوبره لرك مواد غذائییه سنی حل ایله کوکلری بسلر طوپراغک
مساماتی آچهرق کوکلرك تازه پورچکلرینی هوالندیرر فقط
لزومندن زیاده اولور ایسه بالعکس تخمیر ایله نباتاتک طوپراق
التنده بولنان اقسامنی چوریدر یاخود عمرینی ناقص براقور
وغیر خشبی اعضاسنک طیانقیزلغنه ومحصلونک ادنالغنه سبب
اولور .

صوغوق موسملرده طوکک سوء تأثیرینی آرتر برده
رطوبتک قلت وکترتی طوپراقلرك کیفیتلرینه دخی تأثیر ایدر مثلاً
رطوبتلی طوپراقلر صوغوق اوله جفندن محصولک کمالی کجکدیرر

فقط اكا مقابل قوراكلرده سائر طوپراقلردن زياده قوه انباتيه .
لريني محافظه ايدرلر رطوبتلى اولميان طوپراقلرك حاصلاتي
ايركن يتشور ايسهده صيچاق موسملرده فدانلري قوراكلدن
محافظه ايدمه يرك قوه انباتيه لري طورر و اكثريا محصولي تلف
اولور على العاده رطوبتلى طوپراقلرك محصولي ايري وقوري
طوپراقلرك كي اوراق الور ايسهده اولكندن دها اوزلي اولورلر
انك ايچون بوديقه لري كوزه الهرق اقتضاسنه كوره رطوبتك
ازالمسنة ويا چوغالمسنة چالشمق لازم كلور .

هواده بخار حالنده بولنان صولرك ييراكلره تاثيري عينيله
طوپراقلده كي رطوبتك كوكلره اولان تاثيري كي در بوصولر
كرك بالذات وكرك ايچنده حل اولمش برطاقم غازلر ايله نباتاتي
بسلر يازين هواده رطوبتك كترتي چيچكلرك دولكسنة
وحاصلاتنك تناقصنه سبب اولمز ايسهده خواص طبعيه سني
اودرجه تغيير ايدر كه حفظي مشكل وممكنسز اولور كذاك
قوراغك كترتي دخي اولقدر وبلكه دها زياده مضر در زيرا
طوپراق حفريني واكمي تاخير ايدر وخلي مدت دوام ايدر
ايسه نباتاتك ييراق كي يشيل قطعه لري هودان رطوبت اله ميوب
ذاتسنة موجود اولان رطوبتي دخي تبخر ايلر يعنى هوايه
منقلب اوله رق فدان كاملا قورر .

غايت صيچاقلرك دوامنده دخي ييراكلرك افعال تبخريه سي
بك زياده متأثر اولوب فدانلر بيومكدن قالور وحتى اولوقت
كوكلريني دخي صولامقده فائده اولمز زيرا طوپراقلده كي

رطوبت فدانك محتاج اولدينى صويك انجق برقسمنى اودهيه
 بيلوب ديكر قسمنى ايسه ييراقلىله هواذن المغه متوقف
 اولديغندن قوراق شديد اولدينى تقدبرده هواذن رطوبت
 اله ميسوب كوكلك طوپراقدن اله جنى رطوبت ايسه كفایت
 اتمه جكندن فدانلر بالطبع بوزيلور بناء عليه نباتاتك طوپراقدن
 يوقايرسنى دخى كاملا صولامق فائده ليدر .

قوراقدن نشأت ایدن تبخر منع ايديله بيلور ايسه حتى ياز
 اورته سنده بيله ييراقلى چيم وچليك غرسى ممكندز يشيل فدان
 ايله اغاچ دخى ديكيه بيلور وبو وجهله قورى وخالى طوپراقلى
 فدان غرسيله اعمار ايديلور طوپراغك قوريلنى هوانك قوراقلى
 نسبتنده اولوب بونلك ايكيلى دخى صيجاغك شدت ودوامى
 نسبتنده نزاید ايلر بوسيدندرکه قبله طرفلرنده قوراق يلدز
 طرفلرندن ده زياده اولديغندن اورالرك نباتاتى ديكر اقليم
 نباتاتنه بکزه مز شويله که صيجاى يرلرده نباتات خشى جسيم
 اغاچلردن عبارت اولمغله كوكلى طوپراغك درين طبقه لرينه
 اوزانديغندن غایت قوراقده مدار حياتى اولان ياشلى اوراده
 بولور بو محللردن صوغوق اقليملره كيدلده تدریجاً بيوك
 اغاچلرك جسامت وعددى ازالوب كيت كیده اودونلى اوليان
 يشيل فدانلره تصادف اولنور .

بلوط — هوانك حرارتى چوغالدينى وقت ايچنده كوزه
 كورغمز غایت كوچك كيسه جكلر حالنده بولنان بخار دخى هوايه
 قلب اولور بالعكس حرارت ازالديغنده طوبلانوب بلوط دومان

ویاغموړ تشکیل ایلر بلوطلر یالکز بورا ویاغموړ احداثدن عبارت اولیوب کوندز نباتاتی ضیاء شمسک حرارتندن محافظه ایله تبخیرینی منع وکیجه لین فدانلری آیاز ایله طوکمندن صیانت ایلر دومان ایسه بلوطلک اساسیدر رطوبتی چوق اولدیغی وقت یوکسله میوب الحاق محللرده قالور خفیفلندکده هوایه یوکسلوب بلوطلری وبالعکس بلوطلر اغرلغندن طولای نزول ایدرک دومانلری تشکیل ایلر .

دومانلرک اغر قوقولرندن اکلاشلدیغنه نظراً کندولرنده موجود اولان بر طاقم غازلر طوپراغک قوه انباتیه سنی آرترر ایسه ده برطرفدن دخی حاوی اولدیغی رطوبت چیچکلرک دوکلسنه ومیوه لرک چوریمسینه سبب اولور .

یاغموړ — هوایه طاغیلان بخار صوغویه رق وبلوطلرک الکتریک تأثیراتنه تصادف ایدرک یاغموړ اولوب ایچنده حس اولتمیه جق صورتده غایت آز اکثراً هوا حامض فحمی وارمیش سائر معدن طوزلری بولنور .

ساحله یقین محللره زیاده یاغموړ دوشدیکی کبی اووالردن زیاده طاغلره وچبلاق یرلردن اورمانلره ده اچوق یاغموړ دوشر محققدرکه صیجاق محللره یاغان یاغموړلرک مقداری صوغوق یرلره یاغان یاغموړدن زیاده در .

صیجاق یرلردن (سنت دومنیک) ده ۳۰۸ هندده (قالکوته) ده

۲۰۵ ایتالیا (ناپولیده) ۹۵ (پارسیده) ۵۳ (پترسبورغده) ۴۶

بارمق یاغموړ یاغار شو حسابدن اکلاشیلورکه دنیانک اورته سندن

اوزاقلاشدقچه یواش یواش یاغمور ازالور فقط صیق صیق
نزول ایدوب پک اغیر تبخر ایده جکندن انک ایچون صوغوق
یرلر صیجاق یرلردن زیاده نمناک اولور .

قبله طرفلرنده صوارلمقسزین زراعت قابل اولمدیغی حالده
یلدز طرفلرنده قوراقده سهولتله زراعت ممکندر افریقا قطعه .
سناک اورته سنده واسیا قطعه سنک یلدز طرفلرنده بعض یرلر
وارددرکه اورالرده همان هیچ یاغمور یاغماز ایسه ده اکسیک
اولیان چیک ورطوبتلی دومانلر نباتاتی بسر .

ممالکمزده زراعتیه اک فائده لی یاغمورلر ایلک و صوک بهار
یاغمورلریدر قیشن یاغمور طوپراغه درینجه نفوذ ایدرک یازین
کونشک حرارتندن حاصل اوله جق قوراققلغه مقاومت ایلر .

هوانک رطوبت ویبوستنک تعینی — میزان باران یعنی
یاغمور ترازوسی دینلان آلت برسنه ایچنده بر
محله نزول ایدن یاغمورک مقدارینی تعین ایدر.
اشبوالث (۴) باقر یاخود تنکه دن معمول
وتپه سی همان بش پارمق دورنده برخونی وبر
پارمغک بشده بری دورنده اشاغیسنده دخی .
بر بوری اولوب بورینک اک التنه دخی بر
موصلق وضع اولنمشدر .




شکل ۴
یاغمور ترازوسی

بوالث سپرسز اچیق برمحله قونیلوب یاغمور یاغدیغی کونلر
۲۴ ساعتده بر اوکلین باقیلوب حساب اولنور مذکور بوری

برچوق پارمقلره وپارمقلر دخی خطرله تقسیم اولندیغندن بورینک بر پارمغنی طولدیرن یاغمورک یوزده بر قسمی خارجهده یره نزول ایتمش اولهجنی جهته بوریده نهقدر یاغمور طوبلا - نور ایسه اکاکوره بالحساب طیشاروده یاغمش اولان یاغمورک مقداری اکلاشیلور فقط بر محله سنوی نزول ایدن یاغمورک مقداری هر سنه مساوی اولوب شوقدرکه آی بآی یاغان یاغمورلر ییننده فرق اوله بیلور یوخسه سنوی حساب اولنور ایسه یاغمور همان هر سنه بر مقدارده نزول ایدر انک ایچون یاغمور ترازوسنک زراعتجه اوقدر اهمیتی اولیوب اصل لازم اوله جق (میزان الرطوبه) نام نم ترازوسیدر .

نم ترازوسی هوانک قوری و غناک اولدیغنک درجه سنی تعیین ایلدیکندن ارباب زراعتی کرک قوراغک و کرک رطوبتک سوء تأثیرندن محافظه ایچون اهمیتی بر واسطه در .



اک مکمل و مستعمل اولان نم ترازوسی اولجه صودن کچورلمش بر قیل ایله حرکت ایتدیریلان اشبو التدر (۵) قیل هوانک نیمله کرلیوب قوریلغیله طوبلانه رق باغلی اولدینی ایکنه بی برنج دائره ده مرقم درجه لر اوزرنده کر دیرر .

شکل ۵ نم ترازوسی

حرارت هوانک زراعته تأثیری — حرارت ارباب حکمت نظرنده طار تلمز بر سیاله اولوب کثرتله جو هواده بولنور

منبعی کونشدر اجسام اوزرینه بشقه بشقه ایکی درلو تأثیری
اولور برنجی اجسامک اجزاسی اراسنه کیرک بربرندن
آیروب طاغیدر طوکش شیلری ایدر وصوی تجیر ایدرک
جرمنی آرتزر دیکری صیجاقلفیدر .

ایلك بهار کلوبده هوا وطوپراق ایصنمغه باشلادقده
اولوقته قدر ساکن وایقوده اولان نباتات وَاغاجلر اویانوب
یشیلنمکه باشلر طوپراقده کی کوبره لر حل اولوب فدانلرک
کوکلرینی بسلر واصلی تخم ومیوه لرک لایقیله اولسنه یاردم
ایلر فقط شدت وسورکلی حیواناته مضر اولدقدن بشقه نباتاتی
دخی تلف ایدر .

برودت - یعنی صوغوغک تأثیری حرارتک عکسیدر
ممالکمزده صوغوغک تأثیری اکثریا ازر ازر آرتدیغدن اوقدر
تهلکه لی دکلدر و صوغوقلر یاقلاشدقچه فدانلرک اوزلری کوکلرینه
چکیلرک یراقلری صراروب دوکلور واولوقت اغاچ وفدانلر
اویقویه طوتیلورلرکه خیلی وقت بوزلقسزین دوام ایلر فقط
صوغوق بردن بره وشدتله کلدکده اتیده ذکر اولنه جفی وجهله
نباتاتی تلف ایلر .

مزاج هوانک دکشمسی عرضک درجاتی وموقعک دکردن
ازچوق ارتفاع ووضعتی وموسملرک تسلسلی نسبتنده دراکرچه
بعض نباتات هراقلمده وهریوکسک یرلرده یتشه ییلور ایسه ده
اکثریسی حدود طبیعه سنک خارجنده بیویوب تفیض ایده مز
جمله یه معلومدرکه صیجاق اقلیملرده یتشان نباتات صوغوق

اقليلمرده يتشمز مكرسه كه صيحا ق جامل قشلاق ر اچنده
طوتيله .

عرض نه ديمك اولديغى هر كسه اكلامق اچون بوراده
سوزمى براز اوزاته جغز شويله كه دنيا قاربوزشكندنه يوارلاق
برطوب اولوب بوطوبى يلدزدن قبله يه طوغرى تلم اورته سندن
ايكى يه بولن مفروض خطه (نصف النهار) وكون طوغيشندن
باطى يه يعنى شرقدن غربه طوغرى كذلك تام اورته سندن
ايكى يه ايران خطه دخى (خط استوا) دينور شمدي بوطوبك
اورته سى ديمك اولان خط استوان شمال وياجوب يعنى يلدز
وياقبله جانبلى نه كيديله رك بوخطدن هر ۵۷۰۰۰ قولاج اوزا-
قلاشدقه بر درجه عرض اولور كه خط استوان دنيا نك يلدز
طرفنده كى نهايته قدر ۹۰ درجه عرضدر حساب اولندقدنه
طقسان كره ۵۷۰۰۰ قولاج ايدر كذلك قبله جهتي دخى ۹۰
درجه اولديغى حالده ايكىسى ۱۸۰ وديكر يوزيده ۱۸۰ اولنجه
دنيا نك چوره سى كاملاً ۳۶۰ درجه اولور .

دكز يوزندن اعتباراً (*) يريوكسلدكه حرارت
دخى ازاله جغه نظراً درجه عرض مساوى اولوبده
ارتفاعى تخلف ايدن يرلر ك مزاج هوا سى دكشه جكي كى
درجه عرض وارتفاع دخى مساوى اولسه مواقعك
میلنجه اولان اختلافى ينه مزاج هوانك دكشمس نه سبب اولور

(*) چونكه دنيا نك صودن طيشارى اولان مسكون قمنك اك اشاغي سى
دكر ك يوزى ديكدر .

فقط زراعتجه اصل اهميت ويريله جك نقطه مواسمك زمان
حلوللريد .

يازوقيشلارك دوامى — اهل رصد يعنى منجملر كوشك
مارت طقوزنده بولندينى نقطه دن ممالكمزه طوغرى آيرلدينى
زمانى ايلك بهار صايارلر ايسه ده ايلك بهار يالكز موقعك
بولندينى درجه عرض كوره دكل حتى سنه دن سنه يه ياغمور
رطوبت صوغوق وحرارتك نتايجنه كوره مختلف وقلرده
حلول ايده جكندن كسدير مه طريقه اهل زراعت ايجون اصل
ايلك بهارك باشلانغچي فدانلر صويوريمكه باشلدينى زماندر .

ديكر طرفدن يازصيجاقلرى صوك بهارك نهايته وبعض
محلرده قوه انباتيه سنه نك اوچده ايكي قسمنه قدر اوزانور
حتى نباتات ييراقلرينى دوكمزدن اولطوكلر يتشور .

سنوى يعنى يالكز برسنه ياشايان فدانلر شوقيصه عمرلرينى
ايلك بهار ايله شوموسم اراسنده اكال ايدرلر بعض فدانلر
اقلیممذك صوغوقلرينه تحمل ايتدكلرندن اويله فدانلرى صوك
بهارده اكك لازمكلور زيرا قيشدن اول اكيلان اكين مارت
يعنى ياز اكينندن ده ا محصولدار اوله جنى كبي قيشه طيانان
چيچك واچاچ تخملىرى دخى صوك بهارده اكيلور ايسه هم
ايركن وهمده ده ا كوزل تفيض ايدوب چيچكلر آچار .

سينن فدانلر كوكلىرى برچوق سنه لر ياشامسيله سنوى
فدانلردن ايريلور يارم وتام خشى يعنى اودونلى فدان و آغاچلر
يالكز بدنلرينى وبعضيلر ييراقلرينى دخى قيشن محافظه ايدرلر .

ایلك بهارك حرارت ویاغمو رلرینك تأثیریله ایلك اول
چیچك ویرهك بدنلری اویانغسه بعده متعاقباً ایكنجیلری
سورمكه ونهایت بدن وداللری یكى كوزلر ایله طوناغسه باشلر
يازك صیجاق كونشی فدانلرك نشو وئاسنی قوتلندیروب یكیدن
دال ویراق ظهورینی منع ایله چیچك ومیوه لرینك یتشمسنه
معاونت ایدر صوك بهارده تخملری ادراك ایلر ونباتاتی قیشك
صوغوقلرینه تدریج ایله الشدیرر .

اوزون بریاز ماهر برچفتجینك برچوق فائده سنی موجب
اولور اولو صوكه قلان محصولی برضرر كورمكسزین لایقیله
وسهولته اله كچورر ثانیاً بشقه اقلیمدن كتوریلان ییانجی فدا.
نلرك چیچك ومیوه لرندن حصه مند اولور .

معتدل برصوغو غك دوامی نباتاتك اویانغسنی تأخیردن
بشقه برضررتی اولمز زیرا فدانلر اویقویه طالدقلری زمان قوه
انباتیه لرینی كوزلجه محافظه ایدرلر .

صیجاغك كثرتی اوزون صیجاقلرك یرینی طوته بیلور
چونكه برفدان محصولی تمامیه اولدرمق ایچون کندویه مخصوص
ومحدود برحرارته محتاجدر اودرجه حرارتی بولدیغی كی كرك
چوق فقط قیصه وكرك معتدل اوزون اولسون محصولی
اولدورر مثلاً (موسقوده) یاز موسمی پك قیصه فقط غایت
صیجاق اولدیغندن اکیلان آرپه ایکی آی ظرفنده ادراك ایندیكى
حاله بزده یتشمك ایچون ازدن اوچ درت وبلكه بعض یرلرده
بش آیه محتاجدر .

صوغوقلر شدتلی اولوبده بیوک اغاچلرک درینده بولنان کوکلرینک اوجلرینه قدر سرایت ایدرک مضرت ویرر ایهده طوکلرک شدت ودواملری کوکلره اوقدر تأثیر ایتمز .

چیک، قراغو، طوک — معلومدرکه کیجهلین هوا آچیق وطورغون اولدیغنده یر یوزنده بولنان اجسام اخذ ایتدکلری حرارتدن زیاده هوایه حرارت نشر ایده جکلرندن اجسام بالطبع هوادن ده صوغوق اولورلر بعض اجسام وخصوصیه نباتاتک یشیل قطعهلری حرارت اخذینه کافی استعدادلری اولد- یغندن هواده بولنان صوبخاری اوزرلرینه اوتوررق طوکار موسمنه کوره چیک ویاخود قراغو اولور .

چیک نباتاته پک فائده لیدر یاغمور اولمدینی و قتلر چیک یاغمورک بر درجه یه قدر یرینی طوتار قراغو ایهسه تهلهک لیدر صباحلین کونشک ضیاسی طوقانوبده بردن بره بخاره تحول ایتدیکنده حرارتنک برمقدارینی اخذ ایدوب متضرر ایدر .


طوک دخی قراغونک بر نوعی اولوب صوطو کدقده جرمی شیشوب بر درجه یه کلورکه طاش ومعدنلری قرار وچاتلادر حتی ایچنده کی صو طوکدینی کبی دستی یاخود کوپی پاره لدینی معلومدر .

ایمدی نباتات هنوز او یاندینی اشناده شدتلی صوغوقلر اولور ایهسه نباتاتک اوزینی طوکدیروب اوعیه نباتیه سنی چاتلادر اگرچه نباتاتی قراغونک مضرتندن وقایه ایچون دومان کونشک ضیاسنه حائل اوله جغندن طولایی نباتاتک

اطرافنده اوت صمان یاقه رق ضررینی ازالتق کبی باغچوانلر
بیننده بعض اصول واریسه ده واسع اکین ترلارنده بونک
اجراسی مشکل اوله جفندن کونش طوغمزدن اول اوزون
وزیاده جه اغر برایک ایکی اوجلرندن ایکی کشی طوتوب اکین
صاپلرینک تپه سندن ایلرو کیرو کردیررک طوبلاغش اولان
قراغو طاغیدیلور .

شدتلی طوکلرک برضررتی دها واردرکه حین ظهورنده
طوپراغی قبارتوب یاخود چاتلادوب صوک بهارده اکیلان اکین
دانه لرینی تلف ایدر لکن بوکا مقابل ایلروده قوتلی طوپراقلرک
سورلسنه سهولت ویردکدن بشقه برطاقم ضررلی قورد و بو-
جکلرک تخملرینی دخی کلیاً محو ایلر .

قارک ایسه قیشن ترلاری یورغان کبی ستر ایتسی غایت
فائده لیدر زیرا یکی یتشان یشیل اکین وفدانلری قراغو و طوکک
مضر تندن وقایه ایلر برابر طوپراقده کی حرارتی نباتات ایچون
محافظه و نباتاتدن چیقان غازلری هوایه طا-
غتمیوب حمایت ایلر قارصوغوق اقلیملر ایچون
جناب حقک برعایت الهیه سیدر دنیله بیلور .



شکل ۶
حرارت ترازوسی

هوانک حرارت وبرودتنک تعینی —
هوانک درجه حرارت وبرودتی (میزان الحرارة)
حرارت ترازوسی دنیلان الت واسطه سیله
بیلنور (۶) اشبو الت بللوردن یاپلمش بربور

اولوب بورینک براوجی قبالی ودیکر اوجی ینه بللوردن یوارلاق ایچی یاریسنه قدر غایت بیوک طوکلره طیانان مایعاندن بری مثلا اسپرتو یاخود حیوه ایله طولو برخرینه ایله نهایت بولشدر .

الت مذکوره (سانتغراد) یعنی یوز درجه حسابیله صفر نقطه سنده طوکی یاخود (رومر) حسابیله ۸۰ نقطه سنده قاینار صوبی کوسترر اشبو صفر نقطه سیله ۱۰۰ یاخود ۸۰ نقطه لری اراسنده بولنان مسافده کی اشارت لر یاخود رقلر هواده حرارتک ازالوب چوغالدیغنه کوره خزینه سنده بولنان حیوه ویا اسپرتو بورینک نهایتنه طوغری چیقوب اینسیله حرارتک درجاتی بللو ایدر .

ضیا یعنی آیدینلق — کونشک ضیاسی بالجمله مخلوقاتک دوام حیاتلرینه مدار اعظم درضیاتک منفعتی معدن قویلرلنده ویاخود طار وقرانلق محللرده اقامت ایدن آدم لر ایله آچیق وهوادار یرلرده اسکان ایدنلره نسبت اولنورایسه پک قولای اکلاشلور کذلک اخوردن هیچ چیقمیان اینک وقیونک سود ویانگی وکو- لکلی یرلرده بسلمش حیواناتک اتلری آچیق و آیدینلق محله بسلمش حیوانلرک اتی سودی ویانگی قدر لذیذ اوله مز بونک کبی ضیادن محروم اولان نباتاتک میوه سی دخی ضیالی محللرده یتشان فداندلرک میوه لری قدر رنگلی وطاتلی ذکلدر بودخی کولکلی یرلرده بیویان نباتاتک قوی ضیالی محللرده نشو ونما ایدن فداندلردن پک اشانگی واز اولمسیله اثبات اولنور حتی

بولزومی نباتات كندوكندويه دخى اثبات ايدر شويله كه مخزنلرده
حفظ اولئان پتاتلر چيملنوب ضيائك كلديكي طرفه وزينت
ايچون اوطلرده اليقونيلاڭ چيچك فدانلرينك باش داللى
پنجره لره طوغرى اوزاتلرر و غايت صيق قورى واورمانلرده
يتشان فدانلر دائماً يقينده بولئان اغاچلرك ارالرنڊن آيدينلغه
طوغرى اوزانمغه و تپه لرنڊن آشمغه چالشورلر .

نباتاتك شو حاللرينه باقلور ايسه فدانلر پك صيق غرس
اولئامق كر كدر فقط ضعيف و نازك و اينجه اليافلى مثلاً ايلك
اعمال اولئان كئان و كنوير صيق ديكيور .

ضياسر يرلرده نباتاتك قوت اله مامسى هوادن ايسنديكي
قدر حامض فحمى يي اخذ ايله تحليل ايدمه ديكيچوندر ايشته
اورمانلرك صيق يرلرنده بولئان اغاچلرك كومورى اطراف
و كنارلرنده وسائر آچيق يرلرده بيويان اغاچلرك كومورنڊن پك
آز اولسى بوكا دليلدر طوپراغى ضياسر ترلالرك محصولى دخى
پك اشاغيدر .

بعضيلرك تجربه لرينه نظراً آيدينلغك پك پارلاق و كثرى
تملك چيملنمسنه مانع اوله جفندن باغچوانلر تخم ياصدقلىنى دائماً
يلدز پويراز طرفنه مائل يرلرده حاضر لرلركه او طرفك آيدينلغى
قبله جهتي قدر پارلاق اوله مز هالبوكه تملك كيچ چيملنمسنى
قبله طرفك آيدينلغك كثرته حمل ايدمه جكلرى يرده رطوبتك
قلتنى سبب طوتسه لر حقلى اوله بيلورلر حاصلى قرائلق برطوپراق
نه قدر كوزل قازيلوب تخفيف ايديلور و نه مرتبه كوبره نور

وصنی حرارت ایله ایصیدیلور ایسه ینه ضیا کورن طوپراق
قدر منبت اوله من .

کونشك ضیاسی جمله نك بیلدیکی اوزره رنكسزویا بررنكلی
اولیوب یدی درلودر وهر برینك نباتات و حیوانات اوزرینه
تأثیراتی بشقه بشقه در حتی امریقالی چفت صاحبی برجنرال
بوندن یکریمی سنه اول غریب بر تجربه ایدرك منكشه رنكك
حیوانات و نباتاته حددن زیاده تأثیری اولدیغنی تحقیق واثبات
ایتمشدر .

شویله که نیسان ایچنده بیوك بر جاملغه ۳۰ عدد کوکسز
اصما چپوغی دیکوب جاملغی منكشه رنكلی جاملر ایله سترایدنر
بش آی صوکره چوقلر ۱۵ آرشون قدر اوزانوب و ۷۵ خط
ابریشوب جاملغك دیوارلرینی تاجاتیسنه قدر قامش و فرداسی
سنه همان ۴۵۰ اوقه قدر اوزوم و یرمشدر مذکور جاملق آلآن
طور مقده و شوفیض و برکت اوزره دائماً محصول و یرمکه
اولدیغنی کتابلر یازیور .

حیوانات اوزرینه اجرا ایلدیکی تجربه یه کلنجه بوندن اون
بش سنه اول تشرین ثانینك اوچنده ینه چاتیسى منكشه رنكلی
جاملر ایله قبالی براخوره اوچ و عادی بیاض جاملی دیگر اخوره
دخی ینه اوچ رأس طوکرز قومیشکه صوکره کی طوکرز اولکیلر .
دن دردر اوقه زیاده ایمش اشبو ایکی اخورده بولنان جنوارلری
برر درلو بیه جك ایله بسلیوب باقش اولدیغنی حالدہ الی آی
صوکره طوکرز لری طار تدقده منكشه رنكلی جاملر ایله قبالی

اولان اخورك طوكزلى اوپر اخورك طوكزلى ۷ بىق
قې اغر كلىش واولكى ۴ قې فرقى دىخى علاوه اولندقدە اغر-
لغك مجموعى ۱۱ بىق قې يە بالغ اولمشدر .

مرقوم جنرالك دىكر برتجربەسى دها واردركه غايت زبون
وارىق اولوب هر كسك ارتق سمرسنه اعتمادى قالمىان برطنايى
مذكور منكشه رنكللى جاملر ايله قبالى اخوره قويوب برقاچ
كون ظرفنده كسب صحت وقوت ايتش و ۵۰ كون صوكره
وجودى ۱۵ خط ايرىلشمشدر .

جوهواده منتشر اولان سياله الكترىقنه نباتاته
تأثيرى — هوانك هر طرفه يايىلان ويلدرمك اساسى يولتان
الكترىق طارتلمز برسياله اولوب ير وهوا جملة انكله طونودر
قوه الكترىقنه يعنى صاعقه جذب ودفع خاصه لرينه مالك اولد-
يغىچون جذب ايدن قوتنه مثبت ودفع ايدنه منفى دنيلور .
الكترىقك نباتاته تأثيرى هنوز اكلاشيله مامشدر واقعا
بورالى هواده فدانلر عادتدن زياته سهولتله اوزانور بدنلرى
قوتلشور وميوه لرى دها چابق كماله كلور ايسهده سببى حالا
معلوم دكلدر هر حالده الكترىقك چوقلنى فدانلره ضررلى واز-
لنى فائده ليدر ظن اولنور .

شمال طرفلرنده اولاندن وصوغوق موسملرده وقوعبولا-
ندن زياته دنيا نك اورته سنه ياقلاشلقجه كرك فائده لى كرك
فائده سز متعاقباً پك چوق بورالر اولور خطوط انقلاب يعنى
كونشك خزيران و كانون اول آيلرنده مرور ايلديكى يرلر دائماً

فناك اولديغيجون اوقدر بورالره احتياجي يوغيسهده هواسى
ملايم ومعتدل اقليملرده بورا اكسك اولور ايسه صوبولماسنه
وبو حال مواشينك هلاكنه سبب اولور فقط هر حالده بيوك
بورالر وساغناق ياغمورلر اطراف چوقورلري صو ايله طولد-
يره جغندن طولايي نتيجهلري ينه مضر در .

مزررو عاتك نشوونماسنه باشليجه ايراث مضرت ايدن طولودر
زيرا برقاج دقيقه ظرفنده حاصلات كليهي اتلاف ايدمجي كي
اغاچ وفدانلرده دخی برطاق ياره لر پيدا ايدر كه خيلي زمان
ايولشه مز صاعقه نك بنالري ياقوب ييقوب خراب ايتمك كي
مضرتي دفع ايجون (عكس الصاعقه) يعني يلدرم چكن نام الی
استعمال ايدر لر مذكور الت كر كي كي قزل اولنجه قدزاآشده
قزدير يلوب صوكره صويه صوقله رق در حال ميخلادز (مقا
طيس) طاشلريله اوچ كره دلك اولنوب خاصه سي كندوسنه
نقل اولمش اولان سونكو واري معمول تيموري برقازق ويا
صريفك تپه سنه قاقه رق عادي ويا پرنج تلک براوجني مذكور
تيموره وديكر اوجني قويي ويا صو ايله طولو بر چوقوره صو-
ققدن عبارتدر كه ذكر اولنان تيمور يلدرمي كندوسنه چكوب
مذكور تل واسطه سيله چوقوره نقل ايدر ك محو ايلر .

شوراسنه دقت كر كدر كه اشبو تيمورك ارتفاعك ايكي مثلي
قدر واسع اولان بردآره ايجنده تيموردن يوكسك برنسنه
بولنسون يوخسه تيمور هر نه قدر يلدرمي چكر ايسه ده يلدرم
يوكسك يره نزول ايتمك ايستر .

ایکنجی فصل ارتفاعی بیان ایدر

ارتفاع یعنی یوکسکلک چفتجینک نظر دقتی جلب ایدر
بر مسئله در مصر بوغدای پرنج و داری آسیا و افریقاده زیاده
محصول ویردکلری حالدہ اوروپانک شمالندہ یعنی یلدزجہتلرنندہ
حاصلات ویرہ میور برچوق جبوبات و سبزہ و پانجارکی اتلی کوکلر
بر مملکتک بعض نواحیسنندہ اولدینی حالدہ دیگر محللرنندہ اولمیور
جبوبات حرارت هوا وضیا معتدل و دکرہ یقین اولان و آزار
یاغان یرلردہ ایویتشور امریکا و روسیہنک شمال قطعہ لرنندہ
صوغوقلرک شدتندن و موقعلری یوکسک اولوب اتلی آی متہادیآ
قار التندہ بولندیغندن بوغدای و آرپہ کبی جبوبات فدائلری
تحمل ایدہ میوب تلف اولیورلر .

بوغدای چودار آرپہ یولاف ولوکه قیشن درجہ برودت
صفردن ۲ درجہ اشاغی اینسون الویررکہ یازین حرارتک
درجہ سی ۱۱ و ۱۲ درجہ دن اشاغی اینسون پک، اعلا یتشورلر
اکثریا آرپہ یازین حرارت ۸-۹ درجہ دن یوقاری چیقیمان یرلردہ
حصولہ کلور موسقو ممالکنندہ کی (لابونیا) ۶۸-۶۹ بچق درجہ
عرضہ اولدینی و ۱۱۶ قولاج دکردن یوکسک بولندی
حالدہ اووالرنندہ جبوبات ایله یرالماسی یتشور . بر محل دکردن
نہ قدر یوکسک ایسہ درجہ حرارتی اونسبتندہ اشاغی دوشر
وحیوانات و نباتاتہ اکاکورہ تأثیر ایلر (مثلا بروسہ اوواسی

۴۰ درجه ۱۲ دقیقه عرضده اولدیغی حالده کشیش طاغئک ۳۰۰ قدم یوکسلکی ۴۰ یجق و ۶۰۰ قدم ارتفاعی ۴۱ درجه عرضی کوسترکه هواسنک اعتدالی بروسه دن شماله طوغری بردرجه ایلرو یرک هواسیله برابردر) انک ایچون معتدل اقلیم اووالرنده بولنان نباتات صیجاق اقلیملرک اودرجهده یوکسلک طاغلرنده دخی یتشه بیلور و حقایقه نك بعض طاغلرینک اتکلرندن تپه لرینه قدر دنیانک هر اقلیمنده یتشان نباتات بولنه بیلور .

۵۰ درجه عرض و بوعرضده دکردن ۶۰۰ قدم یوکسلک بوغدای حصولیچون انک نهایت درجه صاییلور بوقدر مرتفع یرلرک بوغدایی غایت خفیف اولوب الحاق محللرده اکیلان بوغدایدن برآی صوکره ادراک ایده بیلور .

دکردن ۱۵۰۰ قولاج یوکسلک یرلر دائما قار ایله قبالیدر بونک الت طرفده سنوی ۷ و ۸ ای قار التنده بولنان مرعالر ودها اشاغیسنده چام صنوبر میشه کورکن وامشالی اغاچلر بولنور چونکه بوآغاچلر بردرجه حرارت ایله از مختلف رطوبت ایستر .

برموقعک ساحلده یاخود ایچرولرده بولنسنک اقلیمه بیوک تأثیری اولور ساحلده حرارت مساوی وطوپراغی قسماً آزکونش التنده بولندیغدن صیجاق معتدل اولور ودکز دخی ساحلک حرارت هواسنی محافظه ایتدیکيچون ایچرولر کی طوکلر شدید اولز انک ایچون اطه لر ویالی جوارلری دکردن

اوزاق اولان ايجرولرک اقلیمندن ده مساوی دهامعتدل ودها
 رطوبتلی اولدیغندن زراعتی اڤ زیاده الویرشلی یرلردر .
 طوپراغک مرکباتنک زراعتی تأثیری — یرک اوست والتندہ
 بولنان طوپراغک طبیعتنک وحتی برمملکتک طوپراقلری ترکیبا.
 تنک زراعتی بیوک تأثیری وارد ینار طاغ جوارلرینک
 وصیجاق معدن صولری بولنان مجللرک التندہکی طوپراقلرک
 درجہ حرارتی طوپراغک یوزینہ تأثیر ایدہ بیلور التندہ کلیتلو
 کیل طبقه‌لری بولنان طوپراغک محصولیله تباشر طبقه‌لی طوپرا.
 قیلرک مزروعانجه محصولی براوله مز .

طوپراق تنبتک اساسلرندن بری اولدینی جهتله طوپراقلر.
 دن کتاب ثانیده معلومات تفصیلیه ویره جکر بوراده یالکز
 شو قدر دیرزکه قوملی قوری اووالر ایله برنوع قیغان کبی یراق
 یراق ایریلور طاشلی طاغلرک محصولی جابق یتشور حالبوکه
 کیلی ورطوبتلی اووالر ایله غرانیتلی طاغلرده حاصلات کیج
 قالور .

مواقع — طاغلرک کرک بولندینی یرک وکرک طاغلردن
 اوزاق اولان مملکتلرک زراعتیله خیلی دخلی وارد دره‌چای
 وایرماقلرک منبعلری طاغلر اولدینی کبی روزکارلرک اسدیکی
 سمتری ویاغمورلرک ازوچوق نزولنی تعیین ایدن ینہ طاغلردر
 بوخاصه لرندن بشقه بیوک طبیعی سیرلر تشکیل ایلدکلرندن انلرک
 واسطه‌لریله اقلیملرک درجہ حرارتی تعدیل اولور .

طاغلر نه قدر یوکسک اولور ایسه یاغمورلرده اونستده

چوق ياغەجى جەتەلە بايرلرنده اولان چىلاق اراضىنك قوم چاقل و طوپراقلىرى سولر ايله برابر اووالرى باصوب ميللەيە. جكندن طاغلرك چىلاق يرلرينە اغاچ ديكيلەرك اورمان شكلنە قونور ايسە شو محذور مندفع اولور .

فرانسەدە اسكيدن موجود اولان اورمانلرك بر چوغى سوكرەدن قطع اولنديغندن اليوم چىلاق قالدېغى جەتەلە بلوطلر اوزرنده طورميوب كچيور و بونلرى طورديروب ياغموره تحويل ايدەجك اورمانلر كسلمش اولديغندن كونشك ياقيجى شدت حرارتى چىلاق طوپراغك تا ايخنە تاثير ايدىيور بيكارلر قوربيور يازين ايرماقلرك محراسندە صويك انجق اوچدە برى بولنيور روزكارلر سايەلرى التندە سرينك الدقلى اورمانلرى بولەمدقلرندن ياز موسمندە اطراف وجوارينە اسكيسى كچى سرينك وبركت كتورميوب بالعكس اشبو صيچاق چىلاق طوپراق اوزرندن اسدكلرندن اطراف ترلاومزرعەلرك پك زيادە قيزوب قصير قالملىرينە سبب اوليور انك ايچون ترجمە ايلە يكمز كتاب فرانسەيى قورقودن اشبو قصيرلقدن محافظە ايچون چىلاق قلان طساغلى تكرر اغاچ ايله تزين ايتكى وبوندن بشقە زراعتە الويرشلى اووالرى دخى چىلاق براقيوب هوانك تعديل وزراعتك ترقيسيچون سھولتلە طوتار اغاچلر ديكلمسنى نصيحت ايليور .

زده دخى برطاق اورمانلى طاغلر وار ايديكە باقلەمدىغندن طولايى شونك بونك بالطەسى التندە كسيلوب كيت كيدە چىلاق

قاله رق فرانسه ده وقوعه کلان مضرتک بزده دخی وقوعبولمقده اولدینی کوریلور شومضرتک اوکنی المق ایچون کویلو و شهر لرك حوايچندن صاییلان بالطه لقلردن ماعدا اورمانلرك راست كله قطعنی منع ایتک هرکسه وخصوصیله اطراف وجوار خلقنه واجبدر زیرا بر مضرتک وقوعندن اول چاره سنی دوشنمک اقتضا ایدر .

هله بروسه ایپک فابریقه لرینک کشیش طاغندن نیلوفر صوییه ایندی ریلان جام وکولکن اودونلرندن طولای کیت کیده طاغک اوقسی چلاق قالوب اطراف کویلرینه ودها ایلرولره پک چوق مضرت ایراث ایده جکی شبهه سزدر استیملی فابریقه لرك اودون ایله اداره سی ملکمزدن بشقه بریده کور لمدیکنه باقلور ایسه ممالکمزک منابع ثروتی اولان اورمانلریمزک قیمتی خلقمز حالا بیله مامشدر .

طاغ طور اقلرینک انتظام سزلنی جهتیله زراعتلری اووا زراعتلرینه بکزه مز پک یوکسک طاغلرك مزروعاتی علی العموم ضعیف اوله جغندن اويله يرلر يالکز ياز ايچنده يايلاق اوله بیلور طاغلق يرلرده اوافق زراعته اكلو يرشلی يرلر ايکی متوازی طاغ سلسله لری اراسنده بولنان وادیلر در فقط بو وادیلرك موقعلرینه زیاده دقت کرکدر چونکه قبله یه قارشو اولان بویله وادیلر اواقلیمک بیوک واسع اووالریله طاغلرندن زیاده صیجاق اوله جغندن انجق زیتون وانجیر یتشان يرلرده زراعته مناسب اولور ۴۶ درجه عرض اقلیمک یلده قارشو طاغ

وادیلرنده اصره لر اوزوم یتشدیره من کون طوغیشنه قارشو اولان وادیلر کوندز حرارتنک برقسیمله بردرجهیه قدر ایصینور یلدز وباطی جهتلی ایسه یلدزدن زیاده صیجاق اوله من بونکله برابر بعض یرلرک کون طوغیشی روزکاری غایت صوغوق اسر وباطی روزکارلی ایسه اولدجه صیجاق اولور اومثللو موقعلرک شوایکی جهتلرینک صیجاقلی همان برکیدر . میلان سپرلر — ترلارک آزچوق میللری کندو کندویه یتشان طوبلی یاخود صره ایله دیکیلان اغاچلر وحتی چالیر کی کوزل سپرلدر سایه صالدقلی یرلرده هوانک شدت جریانه حائل اوله رق محصولی برکتلی ایدر یوقاریده ذکر اولندیغی وجهله اورمانلرک قطعی بویوزدن دخی زراعته ضررلیدر .

انکلمترده ترلاری کون طوغیشی ویلدز روزکارلندن محافظه ایچون اطرافنه اوافق بوی اغاچلردن اورمانلر یپارلر یاخود چالیرلر دیکوب بعضا دخی چیتلر اعمال ایدرلرکه اشبو اورمان وچیتلر سایه صالدقلی ترلارک بوی کندی یوکسکلرینک اون ودها زیاده مثیلدر مثلا ۱۰ ارشون یوکسک چیت واور مانجقلا ۱۰۰ ارشون بویده ترلاری طوک وروزکاردن محافظه ایدرلر ترلارک حرارتلرینی وقایه ایدوب طوبراغی اوقدرقور تمز ونباتاتک محتاج اولدقلی غازلری تجیر یعنی هوایه اغمه براقز شوملاحظاتنه نظراً اويله صوغوق وروزکاری چوق یرلرده ارباب زراعت ترلارینی پارچه پارچه تقریق ایدوب

اطرافه غایت صیق اغاچلر دیکملرینی توصیه ایدرز اشبو اغاچلر ۲۰-۵۰ قدم بیویوب خیلی اودون دخی ویره بیلور فقط ترلار سپرسز قلامق ایچون دفعه اودوننی قطع ایتمایلدر بو اورمانلرک اراسنده حیوان اوتلاتق ایچون ۹۶ قدم عرضنده برپارچه آیریلهرق اره صره بونجه اکیلور واورمانلرک ایچ طرفه میوه اغاچلری دیکله رک کلیتلو حاصلات النور .

بالعکس الحاق و دوز یرلرده هوا جریانسه مانع اولماق ایچون اغاچلرک زائد دالری قطع اولسوب لزومندن زیاده سی چیقاریلور اغاچ چوق اولان یرلرده رطوبت دخی چوق اولور انک ایچون او یله یرلرده اغاچلرک عددینی ازالتمق اقتضا ایدر بتاق و جیویق یرلر هوایی دائماً صوغوق طوته جفندن اصولری ا قیدیلوب طوپراغی اصلاح اولنور ایسه هم ا کینه کلور و همده هوایی مضر غازلردن یعنی فنا قوقولردن قورتار .

تمایلات جهتیه — یوقاریده ذکر اولندیغی اوزره واقعک درت جهتن برینه قارشو بولمنسی بالطبع هواسنی دکشدرر اغاچلرک اودونلا شمسنه و خواص مخصوصه لری اوزرینه مذکور درت جهتنک بشقه بشقه تأثیری اولور بوده یالکز کونش ایله اولمیوب بلکه روزکار یا غمور طوک و امثالی حادثات مختلفه نك دخی دخل کلیسی واردرکه اتیده برر برر ذکر اولنور .

جهات اربعه دن (شرق) کون طوغیشی — کون طوغیشی جهتنک علی السویه هواسی سرین وقور یجه در زیرا کونشک حرارتی آز اولدیغی وقتکه صبا حلین در اول سمته متوجه اولمغله

سرین اولور روزکارلی آکثریا طوپراغی قورودر جهت مذکو-
رده فدانلر ایلک بهار کیچ او یاندینی جهتله صوگ طوکلردن
قورقوسی اولیوب بالعکس کوزک ایلک طوکلری طوقانور بعض
سنه اولورکه بو طوکلر هنوز الویره جک قدر قبوقلاشماش
ولزومی قدر خشب پیدا ایتماش کنچ فدان و سنوی
سورکونلری قورودر بو جهتده اغاچلر کوزل و جسامتی
اولور ایسه ده میوه لری کیچ قالور .

(شمال) یلدز — یلدز طرفی هوانک جریان و تبدلاتجه
کون طوغیشی جهتیه بکزر ایسه ده اندن زیاده صوغوقدر زیر
بو جهت کونشک شعاعندن اکثر وقت محروم اولدینی جهتله
رطوبتی چوق و روزکارلی دخی شرقک روزکارندن صحیحاً
نمنا کدر یلدزه مقابل بایرلرده اغاچلر سریعاً جسامتلنور ایسه ده
اودونلری خفیف و کوشک اولور .

(غرب) باطی — باطی جهتی کونشک اک حرارتلی وقتیه
مصادف اولدینی جهتله طوپراغی سریعاً قورودر برکت ویر-
شون اوجهته پک چوق اسن باطی و باطی لدوس روزکارلی
علی السویه زیاده جه نمناک اولمسیله هوانک قوراقلغنی براز تعدیل
ایدر بوروزکارلرک اگرچه فائده لری اولمز ایسه ده شدتلی و زیاده
یاغمور کتوردیکندن قومسال طوپراقلرده یتشان اغاچلری
کوکلرندن دویرر بونکله برابر اغاچلرینک اودونلری صیق

فی بیوک اغاچلرک کوزلجه یتشمیرینه

مساعد دكلدر زيرا اوجهته كوش شدت وقوتله اصابت ايلديكندن ايلك بهاركلور كلز كوزلر سريعاً اويانوب اولوقت اكثرا وقوعبولان صوك طوكلردن متضرر اولور بوجهته طوپراق غايت صيحاق وقورى اولدينى كې شديد وفورطنهلى روزكارلر دخى پيدا اولور اغاچلرينك اودونلرى اغير ايسهده پك يواش ايريلشور واز بويلانور فقط اصمه زيتون وميسوه اغاچلرى كوزل یتشور .

شودرت جهتك نباتات اوزرينه اولان درجه تأثيراتى دكردن ارتفاعنه كوره در مثلاً يلدز طرفنده اولان هوا ايله قبله طرفى هوا سنك بيننده اولان فرقى الحاق يرلردن زياده يوكسك يرلرده طويارز .

نباتات واسطه سيله تعيين اقاليم — بالاده كى تفصيلاتدن اكلا: شلدينى وجهله برچفتجى بولندينى يرك تعيين آب وهواسنى ونباتات اوزرينه اجرا ايلديكى تأثيرينى بيلمسى خيلى وقت نظريات ايله اجرا ايده جكى تجربه يه متوقف اولوب بوكا وقت وزمان متحمل اوليه جفندن برطاقم قواعد مراجعت لازم كلوركه اوده اول موقع اهاليسنك عادات وعملياتى وكندو كندويه يتشان نباتاتك كورونيشدر .

اصل مقصدمز مملكتمزك ارباب زراعتنه كندو وطنلرچون معلومات كافيه اعطاسندن عبارت اولديغندن نه دنيانك اك صيحاق يرلردن وكونشك بزدن نهايت اوزاقلاشدينى محللردن

ونهدە اك صوغوق اقليملردن بحث ايتىوب يالكىز بونلرك ايكىسى
اورتەسى معتدل اقاليم حقنەدە بيان معلومات ايدە جىز .

شدتلى وجوق روزكارلى يرلردە اكثر اغاچلر قىصە طيقناز
وبويسز اولوب زىادە دال بوداق سالار وبوداللىر روزكارك
اسدىكى نقطەنك عكسە يىغى روزكارك كىتدىكى جەتە ميل
ايدوب اكثر اوطرفە طوغرى اوزانر بالعكس اووا والچاق
وروزكارسز محللكر اغاچلىر بويلى ويوكسىك بدىلىرى كوكە
طوغرى اينجە داللىرى آز ويىراقلىرى ككىش وواسعدر .

بىر مەلەدە موجود فدان واغاچلرە بىر كوز كىردىر مەكلە
اويرك طوپراغى نىمكە وياقورى اولدىنى درحال اكلاشلور
شويەكە نىمكە يرلك اغاچلىرى غايت قوتلى اولوب بالعكس قورى
اولان يرلردە اغاچلرك سنوى سوركونلىرى پك ضعيف
قالور .

ئىلى فقط خوشلاندىنى جەتەك عكسى طرفە دىكىلى اولان
نباتات صولوق و سنوى سوركونلىرى اوزون فقط ضعيف وصولى
رنكلرى صارى ياخود صولغون اولور داللىرى آز وبرى دىكر-
ندن اوزاق و چىچكلرى قىلىل اولوب آچلدىغىندە ويا دىها
صوكرە اكثر يا دوكلور وداخلى انتساجلىرى كوشك و جىلدلىرى
دىخى خاوسز اولور .

طاغلرك هواسنە يقىن هوالى يرلردە فدانلر قىصە وكوكلر-
ندن باشلايەرق زىادە دالى و طىيىتلىرى قورى وسرتدر چىچك
وميوهلىرى امثالە نىسبە زىادە بيوك و تىخلىرى ايرى ولايىقىلە

اولوب نادراً دوکلور پیراقلرینک و بدنک اوزری اکثریاتوکللی و تپه‌لری سائر قطعه‌لرندن زیاده خاولیدر .

فدانلرک زنک و رایحه‌لرندن دخی اقلیمی اکلامق ممکندر شویله‌که نباتاتک خوشلانیدیغی جهتہ مائل دائماً هواسی آچیق یرلرده بولسان فدانلرک رایحه‌لری کسکین و دواملی ورنکلری زیاده قوی اولوب بعض نباتاتک چیچکلری بالطبع بیاض ایکن قوتی جهتیه قویلاشور صیوانیه فصیله‌سندن صاییلان فدانلر اکثر بوعلایمی کوستر میدانوس و امثالنک چیچکلرینک تپه‌لری پنبه‌لشور .

اوچنجی فصل تبدلات هوایی وقتندن اول کشف و استخراج اتمه‌نک وسائطی بیاننده‌در

بالاده بیان اولنان علایم سماویه الت واسطه‌سیله ده ایو کشف اولنور فقط شوعلایمی اولجه بیلیمک یالکر الت مذکو . رده منحصر اولیوب طشره خلقندن کندو تجربه‌لرینه استناداً هوانک دکیسه‌جکی کشف ایدنلر بولنور ایسه‌ده* بولندیغمز اقلیم کبی کثیرالاختلاف اولان مالکده یالکر کندو بیلکجکلکته اویق کفایت اتمیوب بوبابده هرکسک بیلدیکنی بیلیمک و بو وسیله ایله هر یرک حالی اوکریمک فائده‌دن خالی اولمیه‌جغندن بز دخی کرک الات قیه‌دن و کرک بیلنلردن اوکرندیکمزی اتیده ذکر ایدرز .

آلات قیه‌دن استخراج معلومات — برنجی هوا ترازو-
سیدرکه جیوه‌سی علی‌العاده صباحدن وقت زواله ۲ ساعت
قاله‌رق یوقاری چیقوب صوکره زوالدن ۲ ویا ۴ ساعته قدر
اینر وینه زوالدن ۲ یاخود ۴ ساعت صوکره چیقمنه وبعده
اینمکه باشلر اکر شو حرکات منتظمه دکیشور ایسه فرداسی
هوانک تبدل ایده‌جکی اکلاشیلور اکر جیوه تحول نقطه‌سنده
بولنوبده اندن اشاغی اینمکه باشلر ایسه عادتا یاغمنور یاقلاشدیغی
کوسترر هوا ایولشدکجه جیوه دخی اورته نقطه‌یه چیقار یلدز
وقره یل روزکارلری جیوه‌یی دائماً اورته نقطه‌دن یوکسک
قبه لدوس وکشیشلمه روزکارلری ایسه دائماً اونقطه‌نک التنده
طوتار هوا فورطنه‌لی اولور ایسه جیوه سرعتله اشاغی یوقاری
اینر چیقار و فورطنه بیتمکه یاقلاشدقده جیوه ینه نقطه‌سنه
کلور یاز کونلرنده جیوه اشاغی اینر ایسه فورطنه‌یی وقیش
ایچنده یوقاری چیقار ایسه صوغوقلری واشاغی اپندیکنده
قار و بوزلرک ارییه‌جکی کوسترر.

فورطنه‌لی هواده جیوه‌نک بردن‌بره اینسی فورطنه‌نک
چاقق کچه‌جکته وکوزل هواده دفعهٔ چیقمنی هوانک ایولکنک
چوق سورمیه‌جکته علامتدر اکر جیوه فنا برهواده یوکسلور
ایسه مذکور هوانک اوزایه‌جغنی و بویوکسکلکده ۲ و ۳ کون
دوام ایدر ایسه کوزل و دائم برهوانک عودتتی ارئه ایلر
بالعکس کوزل برهواده جیوه برویا ایکی کون متدایاً اینمکه دوام ایدر

ایسه زیاده یاغموړ نزولی وبلکه شدید روزکارلرک اسه جکی
کوستر .

ایکنجی حرارت ترازوسیدرکه یالکز جو هواده بولنان
حرارتک دکشدیکئی کوستر ایسه ده حرارتک دکشمی مثلاً
علی العموم هوا غایت صیجاق ایکن صوغومی یاخود صوغوق
ایکن ایصنمی وخته کوره یاغموړ ویا قاره دلالت ایدر .

اوچنجیسی روزکار ترازوسیدر فرلداقلر اسن روزکارک
اسدیکی جبتی کوستروب هرطرفدن علی العاده اسن روزکارلرک
تأثیراتی معلوم اولدیغدن روزکار دکشدیکئی کبی هوانک دخی
دکشه جکی اکلاشیلور .

دردنجیسی رطوبت ترازوسی اوله جقدرکه بوالث واسطه .
سیله دخی یاغموړ ودومانک یاقلاشدینی معلوم اولور .

اجسام طبعیه دن مستخرج علایم — روزکار علایمی .
ابتدا کونش صولغون طوغوبده صکره قرمزیشور دائره سی
غایت بیوک وطلوعنده یلدز طرفی قرمزی قان رنگنه مشابه
اولور بعض دفعه اورته سی صولغون واطرافنده بر ویا دها
زیاده دائرملر یاخود قرمزی چیزکیلر وچوقور وایوقلر
کورینه رک ایکی مساوی پارچه یه منقسم اولش کبی یعنی عکسی
مشاهده اولندینی حالده فورطنه ظهورینی ارأه ایلر .

یاغموړ علایمی . کونش اسمر وصو ایله طولوکبی کو .
رینور طوغدینی اثناده قرمزی وبعض سیاه صره وشعاع
ایله قاریشق اولوب التنده اغر وصیق بلوط بولنور وشرق

طرفده كوك قرمزی اولور ایسه بردن بره یاغور نزول ایدر
فقط چوق سورمز اما هوا آزر آزر قبانوب کونش آی
ویلدزلر یواش یواش بولانور ایسه اولوقت علی‌العاده ۶ ساعت
قدر یاغور نزول ایدر .

کوزل هوا علایمی . کیجه‌لین هوا اچیق و صباح‌لین
کونش دخی براق و پارلاق اولوبده کون طوغدینی وقت
اطرافنده بولنان بلوطلر باطی‌یه طوغری حرکت ایدر اگر هر
طرفدن مساوی وسعتده بوکا بردائره مراققت ایدر ایسه کوزل
هوانك دوام ایده‌جکی کوسترر و همده اخشام اوستی غروب
ایده‌جکی وقت باطی طرفنده بولنان بلوطلر قزارر .

ماهتابدن مستخرج علایم — روزکار علایمی . آی طو .
غدینی وقت غایت قالین و قرمزی‌یه مائل کورینوب هلالک
اوچلری ایجه سیاهجه و اچیق قرمزی‌یه مائل بردائره ایله
قرداشلنور واکر مذکور دائره ایکی قاتلی و یا قیرق‌کی پارچه‌لی
کورینور ایسه فورطنه‌یه دلالت ایدروهر آی باشنده روزکار دکشور
یاغور علایمی . آیک چوره‌سی صولغون و اوچلری
اکری بوکری اولور واکر اطرافنده بردائره بولنورده
اولوقت قبله روزکاری اسم‌کده بولنور ایسه فرداسی
یاغور ظهور ایده‌جکته اگر روزکار قبله لدوسی اولور و آی
انجق دردنجی کیجه کورینور ایسه و آی ظرفنده یاغور کژتله
یاغوجنه دلالت ایدر .

کوزل هوا علایمی . آیک لکه‌لری ایوجه کورینور واون

دردنجی کیجه سی اطرافنده پارلاق بردآره پیدا اولور یاخود هلاک اوچلری دردنجی کون سیوری مشاهده اولور ایسه ایو هوانک اون بشنه قدر دوام ایده جکنه دلیلدر بودآره ایلک نقطه تحولدن (*) اوچ کون صکره ویا بدردن اوچ کون اول زیاده پارلاق اولور ایسه ایو هوایی خبر ویرر اکثریا آیک برنجی واون بشنجی کونندن صکره یاغمور یاغار و صوکره هوا کوزل اولور .

یلدزلردن مستخرج علایم — یلدزلر قالین وصولغون ویا اطرافی بردآره ایله چورلمش اولور ویا زین روزکار شرقدن اسوب یلدزلر عادتدن زیاده بیوک کورینور ایسه ناکهان یاغمور ظهورینه دلالت ایلر یلدزلرک چوقلغی وغایت پارلا . قلقلری ایو هوا ایله ایازه علامتدر .

بلوطلردن مستخرج علایم — روزکار علایمی . بلوطلرک اغیراغیر حرکتی یاخود باطی ویا قبله طرفندن بردنبره ظهوری واکثریا صباحین قرمزی رنگده بولملری روزکار ظهورینه دلالت ایلر شدید روزکاردن صوکره صاغناقلی بر یاغمورک یاغمسی فورطنه نک حتامه یاقلاشدیغی خبر ویرر .

یاغمور علایمی . استخراج وکشفک اک برنجی منبعی بلوطلرک حرکت و تبدیلدر بلوطلر یاغموری حامل اولدقلرندن تبدل هوانک اک اصح دلیلی اولمق اوزره قبول اولور هر نه قدر بونلر سهولته تبدیل شکل ایدوب دوام ایتمزلر ایسه ده

(*) آی هر یدی کونده نقطه سیرینی دکشدیرر

ممکن مرتبه منظره‌لری یعنی کورونش‌لری اتیده‌کی باشلیجه
علامی بیان ایدر .

مغموم قبالی برهوا ایله روزگار اسر ایسه صوکره یاغمور
نزول ایدر بلوط‌لر بیوک صخره طاش‌لره بکزر پارچه‌لره
آیریلوبده بربری اوزرینه ییغلمسی کذلک قبله طرفدن کلمسی
یاخود ناکهان یول‌لرینی دکشدیرملری یاغمورک تقریبی کویستر
اخشام‌لین برچوق بلوط‌لر پویراز طرفده کورینور ویا قرار-
تیلی اوله‌رق شرق طرفدن کلور ایسه کیجه‌سی وباطی جهته
ظهور ایدر ایسه فرداسی یاغمور یاغه‌جغه دلالت ایلر اگر
یوک یوالاغی شکنده کورینور ایسه یاغمورک ایکی یا اوج کون
صوکره نزول ایده‌جکته علامت اولور یازین یاغمورلری چوق
اولان مملکت جوارنده برچوق بلوط طبقه‌لری تشکل ایدر
ایسه‌ده رطوبتی از اولدیفندن دوشه‌جک یاغمور سورکسر
اولور صباح‌لین هوا طورغون ایکن یاغمور یاغار ایسه دوام
ایتمیوب بلوط‌لر دخی کونشک طلوع‌یله پراکنده اولور زیرا
هوانک یوکسک طبقه‌لری خفیف‌لنوب بلوط‌لرک طاغلمسینه سبب
اوله‌رق هوا آچیلور فقط هواده برچوق بلوط طبقه‌لری
بولنور ورطوبتلی روزگارلر اسر ایسه یاغمور خیلی وقت سورر
شوقدرکه بوبلوط طبقه‌لری سرعت مختلفه ایله حرکت ایدرلر
ایسه یاغمورک دوامیله برابر اره صره کسیلور .

اگر یاغمور کونشک طلوعندن بر ویا ایکی ساعت صوکره
یاغار ایسه زوال وقتنده هوانک اچلمسی مأمول اولوب فقط

کونش طوغدقن صوکره یاغمور بر ایکی ساعت سورر ایسه
 اخشامی بوله جنی اکلاشیلور یاغمور شاید شدید بر روزکار
 ایله قبله طرفدن ورود ایدوبده ایکی اوچ ساعت سوردکدن
 صوکره روزکار قالور ویاغمورینه دوام ایلر ایسه ۱۲ ساعت
 ودها زیاده سورر فقط نادراً ۲۴ ساعته وارر.

کوزل هوا علایمی . کونش باتدینی اشناده بلوطلر یالذللی
 کبی کورینور یاخود طاغیله جنی اکلاشیلور اگر اوافق و بیاض
 بلوطلر روزکارک مقابلنه حرکت ایدر یاخود کونش دهها
 غروب ایتمزدن کؤک یوزی پارچه پارچه بلوطلر کبی کورینور
 ایسه کوزل هوانک دوام ایده جکنه شهادت وکوکک بو حالنده
 هر نه قدر فرداسی هوا کوزل اولور ایسه ده ایکی یا اوچ کون
 صوکره یاغمور یاغه جغه دلالت ایلر .

دومانلردن مستخرج علایم — یاغمور علایمی . دومانلرک
 یوکسک طاغ تپه لرینه چکلمسی بر ایکی کون ظرفنده یاغمور
 نزولنی واکر هوا قوری ایکن بردنبه یوقاری چیقار ایسه
 اکسزین یاغمور یاغه جغنی کؤسترر .

کوزل هوا علایمی . دومانلر طاغیلوب کورنمز اولور
 ویاغموردن صوکره الحاق محللره نزول ایدر یاخود کونش طو-
 غمزدن اول ویا باتدقن صوکره چایر وصولردن بیاض دومان
 چیقار ایسه فرداسی صیجاق وکوزل هوا اوله جغنی کؤسترر
 کذلک پنجره لرک ایچ طرفنده طولنن رطوبت دخی اولکون
 هوانک کوزل اوله جغه دلالت ایلر .

روزگار علایمی . هوا فورطنه لی اولدینی وقت جو هواده مخالف روزگار اسر بلوطلر مختلف نقطه لره ویاخود فرلداقلرک کوستردکلری جهتک عکسنه حرکت ایدر ایسه فورطنه و بورا ظهورینی خبر ویرر .

انواع نباتاتدن مستخرج علایم — چاک چیچکی فاره قولانی یاغمور تقربنده چیچکلرینی قارلر انک ایچون فاره قولانی فقرانک هوا ترازوسی مقامنده در .

ذی روحدن مستخرج علایم — هر جنس قوشلرک وجود لرینه هوانک نفوذی کثیر اولدیغندن هوانک تبدلاتی سائر حیوانلردن زیاده حس ایدرلر کیجیلر آوچیلر و شهرلرک خارجنده اقامت ایدنلر یعنی کویلو وچوبانلر دائماً قوشلره مراجعت ایدرلر بز دخی اشاعیده کی معلوماتی انلردن الهرق بورایه درج ایدیورز .

روزگار علایمی . صو قوشلری دکر وکول کنارلرنده خصوصیه صباحلین طوبلانوب اکلنورلر انقود واوردک او ائنده مضطرب اولوب اوترلر قارغهلر هوانک یوکسک طبقه . لرنده اوچارلر دکر وکول کنارنده طولاشورلر دکر و طاتلی صو بالقلری اکثریا ومتعاقباً صویوزندن صحرارلر ایسه فورطنه و بورا ظهورینی اعلان ایلر .

طورغون هوانک علایمی . روزگار اسدیکی ائنده مارطی قوشلرینک دکره عودتی وکوستپکلرک یوالرندن چیقملری وکوچک قوشلرک علی العاده اوتملری ویونس بالقلرینک فور-

طنه ده صو اوزرنده اویناملری هوانك ایولكنك عودتی بیان
ایدر .

یاغمور علایمی . صوقوشلری صولردن آریلوب قره یه
کلورلر قره قوشلری وباشلیجه قاز وادکلر صویه کیروب شدتله
باغرلر قوزغون وقارغهلر طویلانوب همان غائب اولورلر صبا.
حلین کسک کسک ویاخود عادتدن زیاده اوتوشورلر بالقجین
وغم خور غایت الحاق اوچارلر قرلانغجلر صویک یوزینی تراش
ایدر کی سرعتله اوچارلر کوچک قوشلر یووالرینه عودت
ایلرلر کوکرجینلر یوالرندن طیشارو چیمزلر طاق وککلکلر
قومه یواریلانوب قنادلرینی اورلر چایرچالق و سرچه قوشلری
کیجه لین عادتدن زیاده وبربری ارقه سی صره قوتلیجه اوترلر
صقصان والاقارغهلر آزچوق بریره طویلانوب شدتله باغرلر
اشکلر عادتدن زیاده اکیروا کوزلر برونلرینک دلیکلرینی آچوب
قبله جهته باقارلر یاتوب یالازلر آتله حدتله کیشنه یوب ایاقلرینی
یره اورلر قیون وکچیلر زیاده صچرایوب دوکوشورلر کدیله
یوز وقولاقلرینی تمیزلوب کوپکلر یری اشلرلر فاره لر عادتدن
زیاده پاتردی ایدوب قوربنه واولوبنه خندقلرده اوترلر
صولیجانلر کثرت اوزره طوپراقدن چبقوب اورمچکلر اغ
ایشلمکدن قالب اغلرینک کنارینه چکیلورلر قارنجه واریلر
علی العجله یرلرینه عودت ایدوب سیککلر زیاده ایصرغان اولورلر
سیوری سیککلر عادتدن زیاده ویزلدارلر .
کوزل هوا علایمی . قرلانغجلر یوکسکده اوچارلر زیرا اول

وقت قنادلی بوجکلر هوانك يوكسك طبقه لرنده بولنورلر
اوکیکلر یواش اوچارلر سیوری سیککلر کونش باتدقدن صو-
کره هواده اوینارلر چایلاق و بالقجینلر اوتهرک اوچارلر اشک
ویبان اریلری صباحلین چوغالورلر اورمچکلر هواده و نباتات
اوزرنده بولنوب راحتله آغ اوررلر .

علام مختلفه — علام مذکوره چوق ایسهده باشلیجه لری
شونلر در :

اخشابك یعنی اغاج و کراسته نك شیشمی طاش و تیمور
اوزرنده رطوبت بریکمی و موزیقه الائی کیریشلرینک قیرلسی
رسملرک کاغذ و بزلیرنک یومشامسی طوزک صولانسی ضیا
اطرافده بولانق دائره لر بولنسی و کوللرک بولانوب چامور-
لنسی هب یاغور علامتلر نندر .

هوانك اغیرلنی طوپراقلرک چاتلامسی فورطنه نك قریباً
ظهورینی اخبار ایدر یازین لدوسی ایکی ویا اوچ کون متدایاً
اسدکن صوکره میزان الحاراده یوقاری چیقوب بلوطلر بیوک
وبیاض ییغین تشکیل ایدرک طاغ کبی کورینور یاخود ایکی
مختلف نقطه لردن ایکی ماین بلوطلر نمایان اولور ایسه بورا
و فورطنه وقوعبولور .

شمدییه قدر اجرا اولنان تحقیقاته نظراً شرق روزکاری
آز وقبله روزکارلری اک چوق فورطنه یه سبب و واسطه اولد .
قلری اکلا شلمشدر .

روزکار شدتلی اولوبده صارییه مائل بیاض بلوطلر یواش

یو اش حرکت ایدر لر و کونش طوغمزدن اول سمانك شرق
جهتی صولغون اولور و کونشك ضیاسی اغر بلوطلر اراسندن
گورینور ایسه طولی ایله برابر بیوجك فورطنه اولور یازین
بیاض بلوطلر طولی بی قیشن بلوطلر ماوی یه مائل بیاض
اولوبده هوا ساکن بولنور ایسه قار نزولنی کوسترر .

ایلك بهار وقیش ایچنده بلوطلرك رنكلری ماویسی
بیاض اولوبده جسملری خفیف و بسیط ایسه اینجه قارك ظهور .
رینه دلالت ایدر که بوقار طوکش دومانندن عبارتدر .

وقتندن اول یبان قازی وسائر سیار قوشلرك کورنمی
واوفاق قوشلرك بریره طوبلانمی و قرك دائره سنك پارلاقنی
وهالاک اوجلرینك سیوریلکی ویدزلرك چوقلنی و شمال
جهتلرنده اوافق والچاق بعض بلوطلرك حرکتلری و بوبلوطلر
زیاده ایکن قارك اینجه نزولی طوک و صوغوق علامتدر .

روزکار لدوس ایکن قارك قوش باشی کبی نزول ایتمی
و کونشك صولی کورنمی و روزکارك قبله طرفندن اسمی
یاخود تبدیل جهت ایتمی قارلرك اریه جکنه دلالت ایدر .



ایکینچی کتاب طوپراقلری بیان ایدر

صو و قیالرك قابلا دینی محللردن ماعدا یرك دیگر قطعه .
لرنده بولنان ماده یه طوپراق دینور .

طوپراق توز کبی اینجه اولدینی حالده , مختلف ماده لردن
وحل اولمش چوریش مواد آلیه دن یعنی حیوانات و نباتات
بقایاسندن تشکل ایتدیکی جهتله بر یرك طوپراغی دیگر محلك
طوپراغنه بکزه مدیکی کبی منبتلکی دخی مرکب اولدینی موادك
مقدار و احواله و مزروعاتك نوع و جنسنه کوره از چوق
دکشور شو احوال مختلفه یه نظراً فن زراعت طوپراقلری
مرکب اولدقلری اجزانك هر برینك طبیعتی و طوپراغه
و مزروعاته تأثیرینی تحقیق و تدقیق ایدوب برطاقم صنفله تقسیم
ایلمشدر .

بر طوپراغك قیصیر اولسنك سببی نظریات و عملیات ایله
بیانه میوب یالکر طوپراغك تحلیلالات کیمیویه سیله یعنی اجزاسنی
بشقه بشقه آروب نه دن عبارت اولدیغنی بیلمکه اکلاشیلور
ایمدی طوپراغك نه مقوله اجزادن تشکل ایلدیکی بیلمك
چفتجی ورنجبر ایچون غایت اهمیتلی وحتی ثروت و سامانی
تأمین ایدن نقطه لردن بری اولدیغندن بو بابده معلومات تفصیله
اعطاسنه مبادرت اولنور .

فصل اول علم کرم ارضدن اهل زراعتته لازم اولان

معلومات

یر یوزنده طبیعی موجود اولان درین یاریق و خندق
یاخود کرم سو و کرم معدن چیقارمق ایچون قازیلان درین
چوقور و قوییلر و بورغو ایله اخیلان دلیکلر یرک آلت اوستی
وهر طرفی بر ماده معدنی دن مرکب اولدیغنی اثبات ایدر بو
دعوا اوله محلله یالکر بر کوز کردیرمکله اکلاشیلور زیر
یر یوزنده کوردیکمز مختلف قیا و طوپراق بر جنسدن
اولدیغنی معلومدر مثلاً بر یرده طوپراق تبشیر یاخود مارن
اولدیغنی حالده براز اوزاقده تصادف اولنان طوپراق بیاض
صاری و یا قرمزی قوملر و دیگر یرلرده تورب قره طاش چاقل
مرمر قیغان و بلاندز طاشلرندن عبارتدر .

اشبو مختلف مواد معدنی نك تشکیل ایلدیکی از چوق
واسع طبقه لر بعضاً افقی یعنی دوز و بعضاً عمودی یعنی دیکنه
اوزانوب بعض یرلرده دخی آز چوق اکری و اکتریا کال انتظام
ایله بربری اوزرینه قات قات اوتورمش بولسورکه قیا تعیر
اولنور بعضاً بوقیالر یالکر بر نوعدن مثلاً تبشیر معدن کوموری
یاخود قیا طوزندن عبارت اولور اکتریا دخی ایکی یاخود ده
زیاده مواد معدنیله ترکیب ایدر مثلاً صوان طاشنده
اولدیغنی کچی که بو طاش کوز ایله فرق اولنور اوج نوع معدندن

مرکبذر انک ایچون قیالر ایکی یه تقسیم اولنوب برینه بسیط
یعنی خالص دیکرینه مرکب یعنی بشقه بر جسم ایله کاملاً
قاریشق دیرلر .

کره ارضک قبوغنی تشکیل ایدن سالف الذکر قیالردرکه
بونلرک بعضیسی تبلر یعنی چوکه طریقیله وسائرلری دخی یر
التنده ینار معدنی آنلرک تأثیریه تشکیل ایتشدرد فقط مذکور
قیالرک بر چوغنی صولرک دینه اوتورمش دورلو دورلو مادهلردن
پیدا اولدیغنی کوستریورلر قیالرک تشکیل ایلدیکی اشبو طبقات
مختلفه بی برطاقم طوپراقلره ایررلر .

شویلهکه (بللوریه) طوپراقلر دیکلری مقدا اریوب
بعده طوکه طریقیله تشکیل ایدوب علی السویه دیک ویا آکری
بر وضعیتده بولنورلر بو طوپراقلرک اکثریسی دنیا ده هنوز
حیوانات و نباتات یرادلزندن اول تشکیل ایتدیکی روایت
اولنیور زیرا بونلرک ایچنده (اجسام آلیه) دن یعنی حیوانات
و نباتات بقایاسندن بر نسنه یه تصادف اولنماشدر بو طبقه لرک
حاوی اولدقلری انواع پلاندر صوماکی صوان وامثالی دنیانک
اک سیوری یوکسک طاغلیغنی تشکیل ایلدیکی کبی یر التنده
شمدی یه قدر انسانک واصل اوله مدینی اک درین یرلرنده دخی
بولندیغنی کشف اولنشدر وانواع صنعتده استعمال ایچون یر
التدن چیقاریلان دورلو دورلو معدنلر اشبو طبقه ده بولنور .
چوکندی طوپراق دینیلان صو دیننده اوتورمه طریقیله
تشکیل ایدوب ایچنده حیوانات و نباتات اثری بولنور اشبو

اثر لر بالق وصالیا نقوز طاقه لرینه منسوب قبوقلی حیوانان دن
ودیکری باشلیجه اکرلی اوتی جنسندن اولوب ایوم دنیاده
اولان جنس لرینه قطعاً مشابهلری یوغیسه ده طبقه یوکسلدکجه
یعنی یر یوزینه یاقلاشدکجه موجود اولان اثر لر ایوم برحیات
اولان امثال لرینه بکر لر .

اشبو چوکندی طوپراق لر غایت قالین واسع طبقه لر تشکیل
ایدوب ارالرنده یازی قره طاشنه بکر لر لوحه لی طاش لر کیرجلی
وتباشرلی طوپراق لر ایله مارن وقوم قبالری وانواع رنگده
کیلر معدن کوموری الحی و یانوب کومور اوله رق هیثیله
طوپراق ایچنده قالمش اغاچ یاخود قره ساقز کبی مواد متنوعه
بولنور .

وقتیله سولر ایله چکیلوب محال مختلفه یه بیغلان بالاده
ذکر ایتدی کمز چوکندی طوپراق لرک اجزاسندن تشکیل ایدن
طبقه لره میلی طوپراق دینور بوطقه لرک ایرماق آغزلرنده
محرا وکنارلرنده بولان قوم بیغیلرینه مشابهلری واردر
بوطوپراق لر قوم وچاقلدن عبارت اولوب بعضاً ایچنده بیوک
والیوم دنیاده کی نوع لرینه مخالف حیوانلر ایله طاتلی صو
قبوقلی بوجکری و دکر حیوانانی اثر لری واردر .

ینار طاغ طوپراق لرینه کلنجه پک اسکی وقته یاخود
صوکره دن آتسک تأثیر یله تشکیل ایتمش طبقه لر در اشبو طوپرا-
ق لرک بعضیی دنیاده انسانک یرادلشندن اول ویاخود وقوعی
خاطره کلیان بر زمانده ظهوره کلوبده ایوم سوکش اولان یانق

طاغلردن تشکل ابتدیی کی سائرلری دخی بو کونکی کون
کوز اوکنده یانمده اولان طاغلرک اطرافه طاغندقلری کول
وسرپندی ایله پیدا اولمده در .

بونکله برابر اشبو طوپراقلر منتظماً طبقه طبقه صره ایله
بری دیگرى اوزرینه اوتورمش اولدینی اکلاشلمسون زیرا
اکثر یوکسک یرلرک وباخصوص مرتفع طاغلرک یوزلرینی تشکیل
ایدوب کوزمزه کورینان طوپراقلر قیا بللوری طوپراقلریدر
بو طاغلر غایت دیک واوچورملی وطبقه لری پک آز اکریدر
چوکندی طوپراقلر ایسه برچوق یرلره یاییلوب یرک اکثر
یوزینی واووالر ایله آز یوکسک مدور وبایلر تپه لری تشکیل
ایتمشدر میللی طوپراقلر دخی بعضاً اشبو چوکندی طوپرا .
قلرک اوزرینی قبادینی مثللو بعضاً دخی طوغریدن طوغری به
بللوری قیا طوپراقلری اوزرنده بولنور بولرنده اووا وکو .
چک مدور تپه لر تشکیل ایدرلر ینار طاغ طوپراقلرینه پک آز
یرده تصادف اولنور اشبو طوپراقلر سائر طوپراقلری اورتوب
اکثر یا خوئی شکلنده سیوری طاغلر تشکیل ایلرلرکه ایچندن
پوسکورن مواد ایله کیتدکجه ایریشورلر .

حاصلی یرک یوزی طاغ بایر واووالر ایله اکری بوکری
چارپیق چیقق غیر منتظم بر شکلده قالور ودائماً طوپراقلرک
یوزی کیتدکجه دکشیور بوکاده باشلیجه سب هوا وآتشک
تأثیریدر ایشته زراعت طوپراقلری صو هوا وآتشک تأثیریه
یر یوزنده بولنان قیالرک اوفالمسندن ایلرو کلیور .

فقط زراعت طور اقلرینک ترکیب کیمیویسنی یعنی نه مثللو شیلردن عبارت اولدیغنی اکلایه بیلیمک ایچون اولامذکور قیالری تشکیل و ترکیب ایدن انواع جسملرک طبعترلرینی بیلیمک لازمدر انلریده اتیده ذکر ایدرز .

صوان (سلیس) قلور

شاب حمض حدید

کیرچ حمض مانعاز

ماغزبا (انکلیر طوزی) حامض فوسفوری

پوتاس (قالیه) حامض کبریتی

سوده حامض فحی

بالاده مذکور اجسام معدنیه نك کیفیت و طبعترلری اتیده بشقه بشقه تفصیل اولنور .

(سلیس) صوان

اشبو سلیس مولدالموضه و سلیسیوم نام جسم بسیطدن ترکیب ایتیش برحامض اولوب کیمیاچیلر بوکا حامض (سلیسیق) دیرلر خالص اولدیغنی حالده قیا بللوریدر .

صوان دکرمن طاشی تباشرلی طور اقلرک اراسنده دوز ومنتظم طبقه طبقه بولنان چاقل و بیلکو طاشلری و دورلورنکلی قوملری دخی تشکیل ایلر الحاصل طور اقلده بولنان معدنی مواد و انواع طاشلر آز چوق بر مقدار صوان ایله مرکبدرلر شو تعریفدن اکلاشیلورکه صوان بر جوهر معدنی اولوب همان هر نوع طور اقلده بولنور .

خالص حالده ال طوقانديريلور ايسه هيچ برشي حس اولمز بياض رايحه سز ولدتسز بر طوز اولوب قوريديلوب آتشد قيزارديلور ايسه صو و حامضلرده قطعاً حل اولمز يالكز مركب اولديني اجزانك برندن هنوز آيرلديني وصوايله برابر قوريدلديني حالده مختلف حامضلرده براز ارييه بيلور قوري وايجه طوز حالده ايكن مساماتلي جسملر كي صويك بخاري الور ايسه ده انك ايله تركب ايتمز ياش بريرده ثقلتي ۱۰۰ ده ۱۰ آرتار فقط الديني صويي بو حالده خميت كيرجدن ۲ وشا بدن بش قات زياده براقور صوان قوم ايكن جسامته كوره صويي مختلف درجه ده حفظ ايده بيلور قومي زياده قالين اولد. يني حالده ۱۰۰ ده انجق ۲۰ و غايت ايجه سي ۳۰ قدر صو چكر .

منبت طوپراقلرده ۱۰۰ ده ۷۰ دن زياده صوان ويا قوم بولنور ايسه صوانلي يا خود قومي طوپراق تسميه اولنور بو صوان يكديكردن تشخيص ايديلور برچوق شكلره كيرمشر اولو آزچوق ايري بياض سرت اولوب جامي كسر قطعاً اريز و دائماً شوحالي محافظه ايدوب تغير ايلمز ثانياً غايت ايجه طوز يا خود صوايله قاريشق طوكوق طاش شكلنده اولور كه صوده آزچوق ايري ثالثاً شاب كيرج. ماغزيا پوتاس وسوده ايله مركب بر حالده بولنور زراعت اولنان طوپراقلرده كورديكمز (محلول) اجزاسي ايرلمش صوان قبالردن قوپوب صو و حامض

پوتاس بوندن حاصل اوله بیکار چای وقویی صولرنده دخی بولندیغی مثللو صوانلی طاغلردن یاغمورلر ایله اینوبده طوراً. قری صولایان میلرک منبتلکی دخی بوندن ایلروکلور .

مشهور کیمیاچیلرک تحقیقاتنه باقلور ایسه هر نوع مزروع طوراًقلرده مختلف مقدارده صوان بولنو و اگر اریش اولور ایسه کوکلری واسطه سیله طوراًقلدن فدانلرک صوینه قاریشه. بیلور بیراق چورکلرنده صوان بولنسی بیراقلرده باشلیجه چوق صوان محلولی بولندیغنددر .

اکی صاپلرنده دخی چوق واردر مثلاً یولاف صاپنده ۱۰۰ ده ۴۰ واربه صماننده ۵۷ چودار ککنده ۶۴ وبوغدای صمانی ایچنده ۱۰۰ ده ۶۸ و ۷۰ قدر صوان بولنور .

ساز (ذنب الحیل) آت قویروغی خورما وسائر برطاقم اغاج و بیراقلرک جلدلرنده زیاده بولندیغیچون اول درجه سرت اولورکه بولنر ایله اکثراً اغاج ومعدندن معمول اشیا جلا ایدرلر .

اکی صاپلرینک اینجه لکیله برابر طوغری ودیک طور. مسنک سبی بو صاپلرده صوان بولندیغنددر بعضیلری جلدلر. نده صوان بولنمیان ویاپک آز بولنان اکی صاپلری یاتراعتقادنده بولنمشر ایسه ده ایدیلان تجربه لره نظراً صاپلرک سببسز یاتمی صوانک یوقلغندن ویا آزلغندن اولیوب صوان یالکر صاپلرک بیراقلرنده بریکرک بدنلرینه آغیرلق ویردیکندن اولدیغی کلا.

شامشدر شو حالده اغیرلق ویرن یراقلر قوباریلور ایسه صابیر
یا تمقدن قورتارلش اولور .

شاب

شاب دورلو صنعتلرده قوللانیلور برحمض معدنی اولد.
یغندن (آلومینوم) اسمیله یاد اولنور اشبو حمضه خالص ایکن
نادراً تصادف ایدیلور فقط مرکب، اولدینی حالده انواع طاش
ومعدنی طور اقلرده مثلاً کسمه وچینی وصاری بویا ولوله
طوپراغی وکیللرده چوق بولنور .

خالص شاب بیاض خفیف طادسز قوقوسزدر صوده
اریمز یالکز صوروب ملایم برخور تشکیل ایدر همان هر ماده
ایله امتزاج ایلر آتشد قوریوب اولقدر سرتلنورکه صوده
اریمدیکي کبی غایت تأثیرلی کسکین روحلره دخی خیلی وقت
مقاومت ایلر آتسه کوسترلمدیکي حالده صویه قونیلوبده خوری
حامضلره وقالیه صولرینه وضع اولنور ایسه اولوقت سهولته
اریر .

کیل

زراعتجه اهمیتی درکار اولان کیلرک باشلیجه اساسی
شابدر اشبو کیلر اتی المقدار شاب صو وصوان ایله مرکبدر
خالصنه کیمیاچیلر (سیلیسیت آلومینوم) دیرلر .

صوان ۱۰۰ ده ۴۶ دن ۶۷

شاب « ۱۸ « ۳۹

صو « ۶ « ۱۹ قدردر

بولنردن بشقه صوانلی شابلر مرکباتنده باشلیجه قوم خالص
صوان کیرج خمیت کیرج یعنی حامض فحیمی حاوی کیرج
ماغنیزیا حمض حدید و حمض مانقاز کی مختلف المقدار ماده لر
بولنور بعضاً مذکور کیللرده مرکبات کبریتیة معدنیه دن
(ایپریت) بیاض اورن پولی فلدسباتیق بقایاسی قره ساقز و حیوا.
نات و نباتات چورکلری موجوددر ۱۰۰ ده ۴ قدرده پوتاس
بولنور .

اشبو پوتاس سلیسیت حالنده کیللری تشکیله مساعد اولان
فلدسپات بیاض اورن پولی و دیگر شابلی و صوانلی قیلاردن
سرعتله آریلور کیلر یر یوزنده چوق اولدیغندن همان هر نوع
طوپراقده بولنور اکثریا دوزکون فقط غایت قیصر تپه لر تشکیل
ایدر باشلیجه یکی و منبت طوپراقلرک آزالنده دوز و غایت
گکیش طبقه هیئتنده اولور غایت صیق و قیلکندن صولر اشاغی
اینه میوب بو طبقه لرک اوزرنده بریکدیگندن بورغوا یله طوپراغی
دلوب قوییلر آچارلر .

کیلر باشلیجه شونشانلر ايله طانلور ال طوقانده
یاغلی اولدیغی کی طرناق ايله قازلدیغی وقت بر درجه ده پارلار
وصو ايله یوغرلده غایت اوزلی یاشقان بر خمور حاصل
ایدرکه چکدکجه هر طرفه اوزانور آتشدن قیزدی ریلور ایسه تکرار
صوده خمور اولیه حق درجه ده پکلشور اوحالده چاقق طاشی
سورلدکده بیاغی قفلجملر چیقارر .

ایشته کیلرک بودرجه یاشقانلی قولایجه حق قازلمسنة

مانع در صبان کچدکجه طوپراقدن بیوک وجسامتلی تزکهر چیقارمه.
جغندن اینجلمک مشکل اولور قوروینجه دخی اولقدر سرتلورکه
صبان سورکی تأثیر ایتمز کیلر ثقلترینه نسبة ۱۰۰ ده ۷۰
قدر صوالور پک اغیر قورر صوده اریمز ایسه ده اینجه سی یغی
توزی صوی بولاندریر انک ایچون طوپراق یوزندن اقان صولر
دائما بولانق اولور جای ایرماق کنار واغزلرنده بریکن میل
بایرلردن اقوب کلان بعضاً غایت ایجه کیلرلدن عبارتدر صوی
پک زیاده چکه جکی جهته دله طوقاندرلرله رطوبتی چکوب
الور کیلرک اکثریسندده مخصوص بررایجه وارددرکه سورکلی
قوراقلردن صوکره یاغور یاغنجه طوییلور .

کیلرک خاصه لری بیننده غایت اهمیتی بر خاصه وارددرکه
یاغور ایله کلان یاخود کوبره چوریمکله حاصل اولان نشادر
روخی چکوب حفظ ایدر اگر پک زیاده قورر یاخود آتشد
یارم قیزدیریلور ایسه زیاده لشور کیلده نشادر روحی اولوب
اولمدیغی اکلامق ایچون برقاج پارچه کیل برشیشه اینجه
قونلوب یاقیجی قالیه طوزیله ایصالدیله رق خفیف بر آتسه
کوستریلور اگر اینجده نشادر روحی وار ایسه شیشه دن چقان
دومانه یاش تورنسول کاغدی طوتلنجه کاغدک رنگی قرمز
ایکن ماوی یه دوز .

کیلرک انواعی چوقدر بعضیسی آتشد اریمز وصو ایله
غایت یاشقان برخور تشکیل ایدرکه بونلره چوملکچی طوپراغی
دینور سائرلری ایسه قوتلی آتشد ایر سبی دخی کندولرنده

حمض حديد وکيرج بولنمسيدير بويله کيللره اوزلى طوپراق
ديرلر وبرطاقى دخى خميت کيرجى حاوى اولدقلرندن اوزر-
ينه روح دوکلنجه شدتله قاينار بولنره دخى مارن دينور .

على العموم طوپراغى زياده قوتلى ياغلى صوغوق ورطوبتلى
طوتان وباخصوص چوملکجى طوپراغى ناميله معلوم اولان
کيللردر اکر برطوپراقده ۱۰۰ ده ۵۰ قدر خالص کيل بولنور
ايسه اکا کيللى طوپراق دينور کيل وکيللى طوپراقلاک زياده
سرت ويوغون طوپراقلردر کيللردن اکثريا اينجه قوم کي
مرکب اولدينى صوانى آيرمق ممکن دکل ايسه ده مرکب اولميو-
بدنه قاريشق بولسانلرى (*) ييقامه ايله آيرمق قابلدنر کيللرى
وجوده کتورن شابى فدانلر اوقدر جذب ايتديکى کوللرنده
پک آز شاب بولنمسيلاه معلومدر .

کيرج

کيرج دنيلان ماده (قاليؤم) تعير اولنان جسم بسيطک
حمضيدر مذکور حمض هيچ بر وقت خالص بولنمز وهروقت
دورلو دورلو حامضلر باخصوص حامض فحى کبريتى فوسفورى
آزوتى وسليس ايله مرکب اولوب برطاقم طوزلر تشکيل
ايدر .

(*) مرکب ديمک بر ماده بر جسمک کافه اقسامنه حلول ايتک يعنى شکرک
صوده اريوب صويک هر قسمنه قارشيدنى کي قارشتمقدر قاريشق ديمک ايسه
بر ماده بر جسمک کافه اجزاسنه حلول ايتک دکل فقط بعض قسمنه يعنى قوم
طوپراغه قارشيدنى کي قارشتمقدر .

خالص کیرج غیرمنتظم وکول رنکنه مائل بیاض اوافق
پارچه لردن عبارت آجی ویاقیجی بر ماده در اشبو خالص کیرج
انتساج عضوینی سریعاً تغییر ایدر ایسنده هوایی کوروب
رطوبت و حامض خمی بی سهولتله النجه اسکی حالنه عودت
ایدر .

صوایله ترکیبه اولقدر استعدادی واردرکه صوبی سر -
یعاً چکوب فوق العاده حرارت نشر ایدرکه بیاض بر طوزه
تحویل ایلر اشبو طوزه سووگ کیرج دیرلرکه ارتق یاقیجیلنی
قالماشدر .

نباتات طویراقده بولنان خمیت کیرجی اخذ ایلدکلری
عندالتحلیل کیرج بر اقدقلرندن اکلاشیلور بویولده کثرله خمیت
کیرجی الان اکثریا چایر یرنده استعمال اولنان بقله یونجه وامثالی
فدانلردر .

(خمیت کیرج) یرک کرک یوزنده وکرک درین طبقه لرنده
چوق بولنور کذلک هر نوع نباتاتده اولدینی کبی یومورطه
استریدی صالیاقوز و سائر قبوقلی بوجکلرک قبوقلرینک ترکیبا
تنده دخی پک چوق واردر بوطوز دورلو دورلو شکلدرده
اولور مرمری باصمه کسمه یونتمه بنا وقایق طاشلرینی تباشری
و کیرجلی مارن دنیلان طویراغی تشکیل ایدن خمیت کیرجدر
بویله طویراقلره علی العموم کیرجلی طویراق دینور .

برطویراغک کیرجلی اولدینی اوطویراغک هر نوع روحلدرده
قاینایه رق کاملاً ارمیسیله اکلاشیلور اشبو طویراغک محلولی

یعنی اریمشی براق اولوب کول صوبی و حامض کبریتی یعنی زاج
یاغی طاملا دلده دقه دینه بیاض بر ماده طویلانور که شو حالده کی
طوپراق کیرجلی در .

بو طوز هر نه قدر صوده اریز ایهده بیکار واقار صولرک
بعضلرنده حامض خمی چوق اولدیغندن اچقده قالدیغنده
کیرجی وار ایه دیبه اوتورر بوندن اوتوری برچوق یرلرده
(توف) تعیر اولنور غایت بیوک وجسامتلی بیغینلره تصادف
ایدیلور که جمله سی اشبو کیرجدن عبارتدر بویله کیرجلی صولر
ایچمکه و نباتات صوارمغه کلز .

کیرجلی صو شو اوچ نشانه ایله طانیلور اولا براز وقت
اچیق هوا ده براق دلده یا خود آتشد قایناد دلده کور یله جک
درجه ده دینده برچو کندی براقور ثانیاً حمایت نشادر ایله
قولتیجه بولانور ثالثاً ایچنه نشادر روحی دوکلده در حال
بولانغز ایهده بر یا خود ایکی ساعت ظرفنده قابک اطرافنده
کوچک و بللور واری بعض جسملر ترک ایدر بولر ایه فحیت
کیرجدن عبارتدر هیچ زراعت اولنور طوپراق یوقدر که انده
اشبو فحیت کیرج بولمسون فقط هر طوپراقده برسیاق اوزره
دکلدر .

زراعت طوپراقلرینک اکثر یسنده کیرج اوافق بیوک پارچه
وقوم هیئتنده بولنور ایهده اکثر یا کوز ایله کورنمز درجه ده
غایت کوچک جزؤ شکلنده طوپراغک سائر اجزاسیله ترکیب
ایتمش بولنور کیرجک هیئت مختلفه سی طوپراغه بشقه بشقه

خاصه لر ویردیکندن آلسقان برچفتجی مذکور کیرجک هیئت
و شکلی دقت ایله تحقیق ایتک کرکدر اینجه توز کیرج نباتاتی
کوزل بسر انک ایچون لزومی مقدار اینجه توز کیرجی حاوی
اولان طوپراقلر سائر کیرجلی طوپراقلردن زیاده منبت
و محصولی اولور .

برطوپراقده ۱۰۰ ده ۵۰ دن زیاده کیرج بولنور ایسه
اوطوپراق کیرجلی یاخود تباشرلی طوپراقلردن صاییلور .

(کبریت کیرج) الجی

اشبو الجی دینلان طوز زراعت ایچون غایت اهمیتلی
معدنی برطوزدر حامض کبریتی ایله کیرجک یعنی (حمض
قالحیئوم) ترکیندن حاصل اولور و طوپراقده کثرت اوزره
بولنور چوکندی طوپراقلرک اوزرنده قالین طبقه لر و بعضاً
آز واسع و مدور تپه لر تشکیل ایدرلر .

مذکور طوزک فحمت کیرجدن تفریقی غایت قولایدر چونکه
الجی روحلری کوردکده فحمت کیرج کبی هیچ قاینامز
و طرناق ایله سهولتله قازینور نته کیم فحمت کیرج طرناغه
طیانور .

الجی بیاض طادسز صوده اریمز واک شدید آتشدنه پارچه
لنوب یوز المز برطوزدر خالصی ۱۰۰ ده ۲۰ صو چکر فقط
خمورلنمز بوکا چیک الجی دیرلر فرونده یاقلدینی زمان مذکور
صوینی غایب ایدرکه اولزمان پیشمش الجی اولور اشبو پیشمش
الجی توز ایدیلوبده کندو مقدارینه مساوی صو ایله قارشیدیر .

لدوده بر قاچ دقیقه ظرفنده صیق و غایت سرت و مقاومتی بر خور تشکیل ایدر آکر بوخور اچقده بر اقلور ایسه آتشک تأثیر یله ضایع ایتدیکی صوی تکرار الور اندن صوکره بر دها صو قالدیرمز .

آلچی هر نه قدر صوده از اریر ایسه ده یر یوزنده اقان صولرک اکثر یسنده اریش اولدینی حالد بولنور بیکار و کیرجلی طوپراقلرده بولنان قوییلرده دخی واردر بویله صو کوچ هضم اولنور سبزه پیشیرمه دخی کلز صابونی کوپورتمز قابلرک اطراف و دیلرند صیق بر طور تی بر اقور بویله صولرده بولنان مواد نشادر روحیله دیبه چوکر دیلور الجیلی قویی صولریله سنین یعنی چوق سنلر یاشایان نباتاتی صوارمغه کلز زیرا فدانلر اولا ضعیف بر حالد سوروب نهایت تلف اولدینی تجربه اولنمشدر سنوی یعنی بر سنه یاشایان فدانلره کلنجه بو فدانلر غدالرینک اک بیوک قسمنی یراقلریله هوادن الدقلری و طوپراقده ازوقت قالدقلریچون بو صولردن اوقدر متضرر اولمز ایسه ده بقله فاصولیله و بو کبی نباتاته مضردر چونکه بویله صولری کورن فدانلرک دانه لری کوچ پیشر .

بو اغیر صولری استعمال ایتزدن براز وقت ایچنه حمیت سوده علاوه ایله اصلاح ایدرلر علی السویه بهر انبار صویه بو طوزدن ۳۲۲ درهم قاتلدینی کبی الجیه یه تأثیر ایدوب دیبه چوکر در او وقت صویی پشقه قابه الوب قوللانورلر .

هر طوپراقده الجی بولمز و حتی الجیلی طوپراقلرده دخی

خمیت کیرج قدر الجی چوق دکلدرد فقط مستتا بعض طوپراقلر
بولنور که الجیسی چوق اولدیغندن قوری واز صیقی اولوب
کیرجلی قومی طوپراقلره بکررلر بویله طوپراقلر صیجاق
مملکتلرده صولاندینی یاخود التنده صولاق طوپراق بولندی
حالده قورویوب قیسیر قالور فقط صوغوق مملکتلرده براز
تازه کوبره ویریلور ایسه قایسی شفتالی کبی بادی چکر دکلی
میوه اغاجلرینی کوزل یتشدر

یرک التنده بولنان الجی هوا کورمدیکندن موجود اولان
حیوانات و نباتات بقایسی رطوبتک تأثیرله اکثریا تغیر ایدرک
(قالچیؤم سولفور) تحویل ایلر که شو حالده نباتاته پک
زیاده مضرت ویرر زیرا بتون قلو سولفورلر نباتاتک کوکلرینه
طوقانور ایسه چورودر (قالچیؤم سولفور) یعنی کبریتیت کیرج
هوانک تأثیرله فشی چوقور بتاقلق و علی العموم بتون طورغون
صولرک اطرافه نشر ایلدکلی فنا قوقولره سبیت ویرن کبریتی
مولدالمایه تحویل ایدر بو کبی ماده لر وصولر صیقجه هواندیریلور
ایسه قالچیؤم سولفور حامضه دونه رک کبریتیت کیرج حاصل
ایتمسیه فنا قوقولر مندفع اولور

فوسفوریت کیرج

اشبو فوسفوریت کیرج بر نوع کیرج طوزی اولوب طوپراقده
اصل کیرجدن پک از بولندی حالده یالکر اولمیوب همان دائماً
فوسفوریت ماغزیا یتور وشاب ایله مشترکدر

بو طوز بر یرده نادرآ کلیتلو وطوبلیجه بولنور بولندی
 زمان دخی عادی مرمرکی ده سرت قیالر تشکیل ایدر
 اوافق دانه وپارچهلری هر یرده واردر تباشرلی طوپراقلرده
 بیاض تباشر یاخود تباشرك التده بولنان یشیل قوملر ایچنده
 دوزکون طبقه شکلنده کورینور ایچنده از چوق بوجك قبوقلریله
 طوفاندن مقدمکی حیوانات بقایاسی بولنان چوکندی طوپراقلرده
 پك ازدر قیا بللورنده دخی بولنوب مرکباتیله زراعت اولنان
 طوپراقلمزی تشکیل ایلر انك ایچون منبت طوپراقلرك
 اکثریسنده بو طوزك بولندیغه تعجب ایتمایلدیر خصوصیه
 طوپراقلرده بولنان حیوانات و نباتات چورکلری بو طوزك
 خلقتنه معاونت ایدیور چونکه حیواناتك یومشاق وقتی
 اعضاسنك وخصوصیه کمیکلرینك مواد اساسیه سندن بریده
 بو طوز اولوب اغیرقلرینك (ایکی خمسی) بشده ایکسی
 کیرچدن عبارتدر

انسان و حیوانك قان سدیك وامثالی مایعاتنده بولندی
 کبی عموم نباتاتده و بولردنده بعضیسنك از جمله صاپلی
 نباتاتك دانهلرنده پك چوق واردر مثلاً بوغدای کولنده کیرج
 ماغزیا پوتاس سودا و تیمور ایله مشترک اولدیغی حالده ۱۰۰ ده
 ۴۷ وبتون کوزل و منبت طوپراقلرده ۱۰۰۰ ده یارمدن اوچه
 قدر فوسفورلی کیرج بولنور خالص ایکن بیاض لذتسز قوقوسز
 و صوده کاملاً اریموب یالکز روحلر ایچنده اریر بر طوزدر
 بو وجهله حامضلر ایچنده ارییان فوسفوریت کیرج نشادر

روحيله قوش باشى قار كې دىبە چوكر ديلور حامض خمى
 دكر نشادر طوزلرى بولان صوده دخى ارير ياغمور صولرنده
 دائماً حامض خمى و نشادر روحى بولنديغىچون طوپراقده
 بولان مذكور فوسفوريت كىر جى حل ايله فدانلره ايصال ايلر
 اورته حساب ايله ۱۰۰۰ قيه طوپراقده ۱ قيه حامض فوسفورى
 بولنور و بوقدرى دخى فدانلرك احتياجه الويرر .

{ ماغنيزيا } انكليز طوزى

بو اسم (حمض ماغنيزيومه) ويريلور هيچ بروقت يالكنز
 بولنمىوب حامض سليسيت خميت كبريتيت ازوتيت و فوسفوريت
 ايله مشترك بولنور خميت ماغنيزيا اكثريا خميت كىر جى ايله
 مشتركدر مقدارى اندن زياده اولور ايسه طوپراغه ايلروده
 ذكر اولنه حق كىفياتى ويرر .

كبريتيت و ازوتيت ماغنيزيا قلوور ماغنيزيوم كې ارىش
 اولدغى حالده بىكار و چشمه صولرنده دخى وارددر عموم معدن
 صولريله منبت طوپراقلرده فوسفوريت ماغنيزيا فوسفوريت كىر جى
 ايله مشترك بولنور سدىكلرده فوسفوريت كىر جى چوق اولد
 يغندن كوبره و طوپراقلر بونكله پك زنكىن اولور فدانلرده
 وپك چوق حبوبات دانهلرنده دخى وارددر بوطوز بولنمىان
 طوپراقده نباتات يتشمز حبوبات كوللرنده بولان فوسفوريت
 ماغنيزيا اتى المقداردر .

	۱۰۰ ده
مصر بوغدايى	۴۶,۳
بوغدايى	۴۳,۳
ارپه	۲۲,۴
يولاف	۲۰,۸
نخود	۳۲,۴
فاصوليه	۳۱,۳

فوسفوريت ماغنيا كندو كندويه اريميوب فوسفوريت
 كيرجك اريديكى شيلر ايله اودخى قولايقله ارير خالص
 ماغنيايه كلنجه بياض يومشاق غايت خفيف لذتسز قوقوسز
 صوده همان اريمز كيرج كې منكشه شروخى يشيله دوندر
 آجى برطوزدر .

فحميت ماغنيا كيرجه پك زياده بكرر فحميت كيرج دخی
 بياض همان اريمز لذتسز و غايت خفيفدر آتشد قيزارتيلور ايسه
 حامض فحمى يى ترك ايدرك ياقيجى ماغنيا كيرجى اولور شوقدر
 واركه بوكيرج عادى كيرج كې صو كورر ايسه قيزوب قبارمز
 وكسيلمز اك خفيف روحلر ايله قاينا يوب فحميت كيرج كې
 حامض فحمى ايله مملو صولرده ارير فحميت ماغنيا منبت طو .
 پراقلرده پك آز بولنور بولندينى وقت طوپراغك قوۋا ابتايه سنى
 آرترر مصرده نيل مباركك مشهور طوپراقلرينك قوۋا ابتايه .
 لرى بو طوزك زياده بولمنسندن ناشيدر .

فحمیت ماغزیا فحمیت کیرج ایله مشترک و مساوی بولندقلری
طوپراقلر زراعته اوقدر یرامز .

{ قالیه } پوتاس

اشبو پوتاس بسیط برجسم اولوب مولدالموضه ایله
(پوتاسیوم) نام معدندن مرکب برجسمدر بوحمض برچوق
معدن و قیالر مرکباتنده برطاقم حامضلر خصوصیه حامض
سلیسیت ایله برابر موجوددر کذلک حس اولنه حق قدر اسکی
ویکی تشکل ایدن هر نوع کیل و کیرجلی طاشلرده ده بولنور
تباشرده دخی ۱۰۰ ده ۱۰ قدر موجود پوتاس اولدینی
کورلشدر .

اشبو طوز هر نوع منبت و خصوصیه غایت محصولدار
اولان طوپراقلرده بعضاً انحق بیکده برقاچ نسبتنده بولنور
بعض یرلرک طوپراقلرنده بالطبع پک چوق ازوتیت پوتاس
یعنی کهرجله واردر مثلاً چین هندستان عجمستان عربستان
مجارستان اناطولی ودها سائر یرلرده اولدینی کبی اکثریا طوپرا-
غک یوزنده بیاض اینجه طوکوک پیرا حققلر هیئتنده کورینور
لذتی اچیدر هان دائماً ازوتیت کیرج ماغزیا ونشادر ایله
مشترکدر یر یوزنده کی صولرده اریش اولدینی حالده و حیوانات
ونباتات اعضاسنده دخی بولنور ،

پوتاس نباتات کوللرنده فحمیت پوتاس هیئتنده پک چوق
واردر ایشته زیاده اریان اشبو فحمیت پوتاس صوده طور-

دجّه کول صوبی واشبو کولک صوبی تخر ایدوب قورودقدّه
چارشولرده صاتیلان قالیه اولور .

سوده

سوده حمض سودیئومدر پوتاسه بکزر معدن و قیالری
ترکیب ایدن اجسامدن بری اولوب صوان شاب کیرج ماغزیا
و پوتاس ایله برابر بولنور .

کذلک کیلدرده و کیرجلرده دخی مشترکاً موجوددر برطاقم
طوزلر و باخصوص کبریتیت فوسفوریت و قلورر (دکرتوزی)
کبی طوزلر تشکیل ایدر سوده حیواناتده دکرتوزلر و کنار
لرنده نشو و نما ایدن فدانلرک کوللرنده خفیت هیئتده بولنور
ایشته تجارتده سوده دینلان شو ماده دائماً مذکور فدانلردن
استحصال اولنور و بونکله طیانقلی صابونلر یاییلور .

پوتاس و سوده علی العموم (القالیس) اسمیله یاد اولنه رق
شاب کیرج و ماغزیا کبی حمض معدنیلردن سهولتله تفریق
اولنور چونکه پوتاس و سودا صوده لایقیله اریسوب لذتلی
دخی طوزلی اولدقدن بشقه نباتی ماوی رنگلری یشیله تحویل
ایلر منبت طوپراقلرده (قلوریت سوده) یعنی عادی دکرت
طوزینه پک آز تصادف اولنور فقط طوپراقده بو طوزدن
۱۰۰ ده ۲ دن زیاده بولنور ایسه اولوقت ارپه بوغدای کبی
صایی فدانلر بیومکدن قالور بویله طوزلی طوپراقلرده یالکز
کندویه مخصوص بعض نباتات یتشور .

مشهور کیمیاچیلرک تجربه لرینه نظراً طوپراقلرده سوده پوتاس قدر چوقه اولیوب فدانلری بسلمکده دخی انک یرینی طوته مز چونکه دکر کنارلرنده یاخود سائر طوزلی طوپراقلرده یتشان فدانلردن بشقه سائر فدانلرده پک جزوی ویاخرد هیچ سوده بولمز .

حمض حدید وحمض مانغانز

بو ایکی حمضلر برلکده اوله رق طوپراقلرده چوق بولنور ایسه ده حمض حدید کلیتلو اولدینی حالده مانغانز یالکتر قیلرده فقط پک آز بولنور .

حمض حدید زراعت طوپراقلرنده حمض اخیر هیئتنده کرک یالکتر وکرک حامض فحی صوان و فوسفور ایله برابر مشترکدر خالص حالده صوسز رنگی قرمزی و مرکب اولدینی حالده رنگی اسمر صاریدر قیا طاش صاری بالحق وکیللرده کورینان رنگلر شوا ایکی حمض حدید اخیرک حالیدر .

فحیت حدید قیلرده ویر یوزنده بولنان صولرده دخی موجود اولوب حامض فحی واسطه سیله حل اولور تیمورلی صولرک اقدقلری محللرک دیب و کنارلرنده بر اقدقلری صاریجه بویالی جلدی اثر اشبو حمض حدیددر .

حمض حدید بعض طوپراقلرده کبریتیت هیئتنده دخی بولنوب طوپراقلره یشیل بررنگ ویرر چوق اولور ایسه طوپراقلر قوه انباتیه دن بتون بتون قالور از اولور ایسه

قوة انبائیه یی ارترر زیرا نباتاتک غیر خشبی اقسامی سرعتله
یشیلندیرر و بویوزدن هواده بولنان حامض فحمنک اریسمیه
فحمنک نباتاته حلوته یادرمد ایدر .

منبت طوپراقلرک الت طبقه لرنده تیمور حامض اول حالنده
وبعض حامضات حیوانیه و نباتیه ایله مشترکاً بولنورکه اولوقت
اکا (حامض اولیق) دیرلر اسمر اولور صبانک قالدیردیغی
تزکله قویورنک ویرر حمض حدید متنوع طوپراقلرک تحلیللا .
تنده ۱۰۰ ده ۳ دن ۱۴ بعضا ۹ دن ۱۱ قدری کورلمشدر .
برخیلی زمان حمض حدیده خصوصیه حامض اول حالنده
ایکن نباتاته مضر نظریله باقلمقده ایدی صوکرده دن بالعکس
طوپراقلرک قوة انبائیه لرینی ارتران وسائطدن اولدیغی اکلا .
شلمشدر .

رطوبتی هوایی کوردکده مائیت حمض اخیر حدیده تحول
ایدیور فقط بوتحول منحل صو اولمدقجه وقوعه کلمدیکندن
بوصویک مولد الحموضه سی هوانک ازوتیه برلشهرک غدای
عظیمی اولان نشادری حصوله کتورر حمض حدیدلرده بر
چوق نشادر دخی بولندیغی محققدر .

بوندن بشقه طوپراقلره قاریشان مواد حیوانیه و نباتیه
بقایاسی تدریج ایله چوریوب بر قسمی یکی محلول ماده لر
ودیکرلری حامض فحمی و ازوت هیستی کسب ایدر حمض حدید
اخیر حامض اوله تحول ایدرک مواد مذکورده نک چوریمسنه
سبیت ویرن مولد الحموضه یی حصوله کتورر بوصورتله حمض

حدید اول هوادن الدینی مولدالموضه بی مواد مذکوره یه ایصال ایله تحویل ایلر .

ایشته بربرلرینه قاریشوب برلشملری ایله قیا وسائر معدن و طوپراقلری ترتیب وتشکیل ایدن باشلیجه مرکبات کیمیائیه بونلردن عبارت اولوب بیلرلنده اولان فرق ایسه مرکب اولدقلری مواد معدنیه نك مقدارجه ازلق و چوقلغیدر بورایه قدر طوپراقلرک صورت تشکیللری و مرکب اولدقلری مواد معدنیه نك کیفیاتی برتفصیل بیان ایلدک بوندن صوکره طوپرا. قلرک تقسیماتی ومنبت وزراعته صالح اراضینک ترکیباتی تفصیل ایده جکر .

ایکنجی فصل طوپراقلرک تقسیمات و ترکیباتی

دنیاده دورلو دورلو طوپراقلر موجود اولوب هر برینک نباتاته بشقه بشقه تأثیری اولدیغندن چفتجیلرک اشبو طوپراقلری وفائده لری بیلملری لازمدر منبت طوپراقلر متنوع اجزادن مرکبدر طوپراغک اصلی قیا اولوب قیالر ایلک حاللرنده قوی وقتی اولدینی حالد صوکره دن طوپراغه تحول ایدر .

صورت تحولی دخی شویله درکه طاشلرک اوزرنده دورلو دورلو تحف منظر ویوصونلر حاصل اولوب رطوبت اخذ ایلدیکی جهتله قارک کونشک هوا وصویک تأثیریه طاشلرک یوزی قازینوب چوریمکه باشلر منظر ویوصونلر دخی چوریوب بربرینه قاریشهرق غایت اینجه ومنبت بر طبقه طوپراق وجوده

كلور و بونك ايچنده دها بيوك يوصونلر ظهور ايدر بونلردخى
برطرفدن چورر وبرطرفدن طوپراغنى ارترر بعده آكرلى
اوتلرى وصوكره چالى چربى وجود بولور بويله بويله هر سنه
چوغالوب مرور زمان ايله زراعته الويرشلى طوپراقلر حاصل
اولور .

بو طوپراقلر بولندقلرى موقعلرك صرپلغندن ياغمور وروز-
كارك شدتندن اشاغى اقوب ويوكسك طاغ وتپهلردن چوقور-
لره طوغرى اقان سيللرك تصادف ايلديكى طاشلىرى قوپارمسندن
صويك اوكنه دوشوب يوارلنان وبربرينه چارپهرق آشينوب
پك كوچك وخرده خرده پارچه لنان طاشلر بونلره قاريشوب
اطراف صحرالرده وسائر اووا وچوقورلرده بريكور قالور ظن
اولنوركه بزم دره جكلريمزك وواديلريمزك طوپراقلرينك اساسى
اشبو خرده طاشلردن عبارتدر .

الچاق محللرده طوپراق درين وچوق اولوب موقع
يوكسلدكجه طوپراق دخى ازالور بعض طاشلر كوشك اولديغندن
پك قولاي طوپراق اولور .

طوپراقلر اساساً كيل صوان وكيرجندن عبارت اولهرق
اوچه تقسيم اولنور بر طوپراقدنه بونلردن هر قئيسى زياده
بولنور ايسه اكا كوره كيللى قوملى كيرجلى طوپراق دينور اشبو
اساسدن بشقه طوپراقلرك دها بر چوق مركباتى اولوب بوراده
تفصيلى اوزون ايسه ده چفتجيلر ايچون پك اهميتى اولديغندن
بونلرى تركيب ايدن اجسام ايله تاثيراتنى وهر برينك درجه

قوتنی تعریف و بیان ایتکه مجبورز دها توربلی ماغزیالی وسائر
طوپراقلر وار ایسه ده اکثریا نادر بولنور .
کیلی طوپراقلر — کیل صوان شاب و تیموردن مرکبدر
برقازغان ایچنه قونوب صو ایله قاینادلسه شو اجزا یکدیگرنندن
آیرلنز تحلیل اولندقدده ۱۰۰ ده ۵۸ صوان ۳۶ بچق شاب و ۵
بچق حمض حدید بولنور ایدی اشو کیلی طوپراقلر صافی ویا
صافییه یقین اولدینی حالدده زراعتیه قابل دکلددر رنکی اکثریا
اسمر صاری ویا قیزلی اولور طعمی قوقوسی کیل کبی در دله
یاشور .

غایت سرت وصیق بر طوپراق اولدیغندن بر پارچه سی الده
یوارلاق یاییلور ایسه چوق وقت طیانوب شکلی بوزلنز قوراقلرده
غایت ککیش یاریق وچاتلاقلر پیدا ایدوب یاغمورلرده قبانور
آیاغه وچفت آلاتنه یاشوب قالور قوری ایکن آغیرلغنک هان
ایکی قاتی صو چکر چاموری ملایم واسنک اولور فاینادیغی
زمان آیریلور درجه ده ۱۰۰ ده ۱۵ قومی اولسه بیله ینه حقیله
زراعت اولنه مز فقط قوم قارشدیرلغله اوزلی طوپراق نامنی
آله جغندن بالتجربه آتیده بیان اولنان نباتاتی یتشدیرر .
بو اوزلی طوپراق سنه نك اوچ موسمنده یعنی یازدن ماعدا
و قتلرده یاش و صوغوق اولور بعض وقت برکتلی محصول ویرر
ایسه ده کیچ ینشور و کیفیتی دون اولور آغاجلرینک اودونی
اوقدر صاغلام اولمیدیغندن طیانقسز وکوکلردن سریعا متأثر
واکثریا علتلی اولور .

اكنلر مساعده سنلرده كوزل يتشور فقط دانهلری آز
اولور اوراقدن اول صولری چكرك ایری کورینور ایسه ده
صوكره قوروینجه دانهلری كوچلور یالکز صمانی ایچون اکیلان
حبوبات دخی اعلا اولور ایسه ده صمانلری اوزسز اولور بو
طوپراقده يتشان پتاته طورپ وبونك کبی سبز ه ومیوه لر ایری
فقط لذت وقوتلری آذرر .

بویله کیلی طورپراقلره زراعته شایان جسیم اورمان اغاجلریدر
زیرا بیوك آغاجلرك سائر فدانلره نسبةً كوكلری قوتلی
اولدیغندن خیلی مسافه قوللر صالوب یاییلور بونلردن بشقه بقله
ویونجه انواعی کبی سنوی وسنین بر چوق یشیل سبز ه دخی
يتشور .

بو کبی طورپراقلری قازمق سورمك كوچكدر زیرا بهارده
وقیشده غایت صیق سرت ویوغون بر چامور پیدا ایدرکه
صپان بوللق ایشله مز بالعکس یازین اولقدر قتی وقوی اولورکه
وقت مساعده اولسه بیله ایشلمسی هم مشکل وهمده مصرفلی
اولور .

ایمدی بونوع طورپراقلری زراعته یرار برحاله قومیق ایچون
اولا برچوق دفعه صپان سورکی ایشلدوب اینجلدکدن صوكره ایسه
وایری قوم کسمه وکیرج قارشیدریله رق اصلاح ایدیلور
کیرجلی کسمه زیاده قارشیدریلور ایسه فائده سی چوق اولور
زیرا طورپراغك اجزاسنی کوشه در .

کیرجك دخی برچوق فائدهلری واردرکه بونلردن اشاعیده

بحث اوله بقدر بوکبی قی طوپراقلره یشیل کوبره ویرمک
یعنی بقله وسائر حبوبات اکوب چیچکه کلدیکی کبی سوروب
طوپراغه قارشیدیرمق بیوک فائده ایدر زیرا یشیل کوبره هم
کوبره وهمده مصلح یرینی طوتار فقط الحاق یرلرده بولنان
درین کیلی طوپراقلر صوغوق ورطوبتلی اوله جفندن اوحالده
بویشیل کوبره لر اصلاحه کافی اوله مز زیرا بوکوبره لر چورو-
ته جک قدر طوپراق صیجاق دکلدن انک ایچون یشیل کوبره لر
کیرج یاخود قیون بارکیر کوبره سی ویایاتق کیمک توزی کبی
طبیعتلری صیجاق کوبره قارشیدیردقن صوکره استعمال
اولنور بالعکس یوکسک یرلرک آز درین کیلی طوپراقلریچون
صیجاق کوبره لر مخاطره لیدر بویله یوکسک طوپراقلرده
یوقاریده دیدیکمز بقله وسائر حبوبات اکیلوب چیچکه کلزدن
اول سوریلوب طوپراغه قارشیدیریلور ایسه اعلا اولور .
کیلی طوپراقلر ایچنده بولنان قوم وکیرجک کثرت وقلته
کوره برقاچ قسمه ایرلشدر .

۱ — تیمورلی کیل . بعض کیلی طوپراقلرده (حمض حدید)
تیمور پاصی چوق اولدیفندن رنکی قرمزی سیاه و آزچوق
قویو صاری اولور رنکته کوره قیزل سیاه وصاری طوپراق
دیرلر صولاق وجیویق دکل ایسه نباتاته ضرر ویرمن فقط
تیمور پاصینک زیاده سی وطوپراغی جیویق اولسی هر حالده
مضردر بو طوپراقلرده کستانه وحوش کبی جسم اغاچلر

یشور اکین ایچون مارن ویا کوبره ایله اصلاح ایتزدن استعمال
اولنماسنی توصیه ایدرز .

۲ — کیرجلی کیل . کیل ایله کیرجک مقدارینه کوره
قوتلری مختلف اولور حاوی اولدینی کیرج ایخه ایری قوم کی
ایسه زراعتجه اشاغیده ذکر اولنان کیلی قوملردن همان چوق
فرق ایتمز فقط کیل ایله کیرج بری بریله قویاً اتحاد ایدر ایسه
بعض مارنی طوپراقلرک خواصنه مالک اولور .

بوطوپراقلر اوزلی طوپراقلر قدر و بلکه دها زیاده یاغمور
صولری یقیوب کوکلرک نهایته قدر برنوع چامور تشکیل
ایدرکه یاغمورلی سنه لرده حاصلاتندن لایقیه فائده کوریه من
ایلك بهار غایت یاش اولدینی جهتهلر اکیمه کلیه جکی کی صوک
بهارده دخی قابل دکل ایسه ده یاغمور باشلامق سزین غایت ایرکن
طاوینی بوله رق اکمک لازمکلور شو حالده بیله یاشلغک کثریله
ایلك بهار طوکلرندن زیاده متأثر اوله جفندن اکثریا حاصلات
انه من ایلك بهار یاغمورلری خندقلر واسطه سیله خارجه
اقیدیلوب حرارت هوا صوینی آلور ایسه اولوقت چابوق یتشان
نباتات یعنی قره بوغدای و پتاته و بعض چایر فدانلری دخی
اکیلور .

بعض یرلرده همان صافی قوملر التنده ذکر اولنان کیلی
کیرجلر بولنورکه ایکسیده ایشه یرامن بویله یرلره ایو طوپراق
علاوه سیله برایکی سنه التی اوستنه کتوروب بربریله قارشده
یریلور ایسه قابل زراعت اوله بیلور .

۴ — قومی کیل. زراعتجہ قوتلی و خالص طوبراقلر نامیلہ
 کیلی قوملر ایکی یه آیریلور قومی طوبراقلر صو طولی برقاب
 ایچنده برقاج دقیقه قارشدیریلور ایسه قومی اغیر اولدیغندن
 دیبه چوکوب کیلی صوده قالور ایچنده اوچده بر ودیکرنده
 بردن یاری یه قدر ایخه قوم و صوان بولنور .
 قوتلی طوبراقلر همان کیرجلی کیلر کبی در ایشلمسی سائر
 طوبراقلردن زیاده کوچ و مصرفلی اولور مساعده لی یعنی
 نه چوق یاغمورلی ونه ده چوق قوراق اولیان سنه لرده ایوجه
 قازیلور ایسه غایت محصولدار اوله بیلور آریاغمورلی یازلرده قوتلی
 طوبراقلر نباتاتی الویره جک قدر رطوبتلی طوته رق حاصلاتی
 آرتیر فقط زیاده قوراق و یاغمورلی سنه لرده محصولی آزا اولور بوندن
 بشقه بویله طوبراقلره پک آز نباتات زرع اولنور نباتاتک
 بعضیسی بوکبی طوبراقلری اصلاحه . مساعده اولمدیغندن عادی
 وقوقولی یونجه اکیلور ایسه کوکلی درین کیدوب طوبراغک
 اجزاسنی تفریق ایله خفیفندیرر و صوکره کی سنه کوزل مزرو .
 عات یتشدیرر .

بویله طوبراقلره بوغدای ویولاف مناسبدر فقط یازین
 رطوبتلیجه اولدینی حالده سنین صایی فدائلر دخی ایوکلہ
 جکندن اوتلاق ایچون چایر اکمک دها ایودر .
 بقله نخود بورچاق مرهمک هندبا لخته قوتلی طوبراقلره
 دیکیلور وسائر کوکلی ینور نباتات اکیلور قولثا خشخاش
 خردال وامثالی دخی یتشه بیلور اگر موقعی دوز والچاق ایسه

زیاده رطوبتی اولور خصوصیه اوکلین کونشدن و طاغ واورمان سایه‌سنده اولوبده رطوبتی چکن روزکارلرک جریانندن محروم ایسه اوحالده صوغوق طوپراقلردن صاییلور صولری اقدیلهمز ایسه قواق سکود وامثالی خفیف اودونلی اغاچلر غرسيله اعمار ایدیلهرک هیچ اولمز ایسه اودوئی نور .

خالص طوپراق . قوملی طوپراقلر ایله قوتلی طوپراقلر بیننده همان کیلی قوملر کی برطوپراقدر اولکی قدر اغیر و صوغوق دکلدردن ایچنده یوزده ۱۰ — ۳۰ قدر کیرج واردردن بو طوپراقلرده هر نوع نباتات و میوه اغاچلریله اکی و صنایعه مخصوص فدانلر کوزل حاصلات ویرر و هر نوع کوبره بی قبول ایدر مصلحاته نادراً احتیاجی اولور چونکه ترکیباتنده اوج عنصر یعنی کیل قوم کیرج اکثریا براده‌ده در .

قوملی طوپراقلر — قوملی طوپراق دیدیکمز ایچنده قوم و صوانی کیل و کیرجدن زیاده اولان طوپراقدر فائده و ضرری دخی کیلی طوپراقلرک عکسیدر اولو صوی طوته میوب یاغموور و سائر صولر قابوردن سوزیلور کی سوزیلوب کچر ایلک بهار چاق ایصینور ایسه‌ده یازین در حال قورر .

صوغوق و یاغموورلی اقلیملرده قوتلی طوپراقلر کی نباتات یتشدیرر ایسه‌ده صیجاق معتدل یرلرده یتشدیره‌مز حالبوکه اولوقت قوتلی طوپراقلر یم یشیل طورر قوملی طوپراقلر ایچنده بولان قومک جنسنه کوره صاری اسمر و بعضاً کیرجلی کی بیاض اولور آوجه آلدیغنده کیلی طوپراق کی طوبلانمیوب

در حال افانور قوریسی دله ویاشی ایاغه وچفت الاتنه یاشمز
قازلدیغنده تزکلمیوب اینجولور بو طوپراقلری قازمق اکمک قولای
ومصارفی آزدرد نه قدر یاش ویا قوری اولسه کیلر کی آلاته
مقاومت ایده مز زیرا فوق العاده خفیف اولدقلرندن هوانک
غازلرینی سهولتله چکر .

دائما اویساق اولدقلرندن فدائیلری لایقیله طوته مز قوتلی
طوپراقلر کی تخم اکزدن اول دوزلتمک ایستمز یالکر تخلری
ستر ایچون بر طرمیق کزدیرمک کفایت ایدر ایسه ده طوپراق
پک خفیف اولدیغندن طرمیق یرینه اغاج طاش یاخود تیموردن
اغیر سورکی استعمالی دها ایودر قوتلی طوپراقلرک قوه انباتیه .
سنی وقایه ایچون اک مهم ایش زیاده یاشلقدن قورتارمق اولوب
قوملی طوپراقلر ایسه بالعکس الویره جک درجه ده صولاق
طوتلمق لازمدر .

بو طوپراقلرک اویغونسزلقلری صولامغله دفع اولور بونلر
ایچون صوکوبره دن دها اینرودر زیاده صو ویرملی ویا زین الدن
کلدیکی مرتبه کونشک طوغریدن طوغری به تأثیرندن محافظه
ایدملیدر باغچوانار بویله طوپراقلرک اوزرینه اکین صاپاری
یایارلر ایسه ده بیوک وککیش ترلاره کوره ممکن دکلدرد .

بعض محللرده طوپراغک پک آز التده صو بولندیغندن
ترلانک اوزرندن طوپراق التوب سطحی صویک یوزینه
ایندیریلرک طوپراغی دائما رطوبتلی طوتارلرکه صو ارمقدن

دها ایودر بویولده آز منبت طوپراقلر اك اعلا طوپراقلر ك حاصلاتنك بش مثلی محصولات ویرر .

بو طوپراغك خفیفلكی واجزاسنك كوشكلکی جهتیله قیشن بریكن صولر طوكهرك طوپراغی برقاچ پارمق قباردوب كوكلری آچیقده براقدیغندن صاپلرك قورومسنه سبب اولور .

بعضلرینك ازالتمده بالعكس کیلی طوپراق بولئوب اچیه جق صبان اولكلری برایی دفعه دها دریجه صبان ویا پوللقدن كچوریلور ایسه اتنده کی کیلی طوپراق یوزه چیقار بو وجهله ایکی اوچ سنه ظرفنده اصلاح اولور گرچه شومدت ظرفنده لایقیله محصول النهمز ایسه ده صوكره دن کلیتی حاصلات النهرق اولکی نقصان قبادیلور شاید قوم درین ایسه بویولده اصلاحی خیلی مصرفه توقف ایده جكندن اوحالده صرف نظر اولنق لازمدر قوملی طوپراقلری قیلاشدیره جق هر نوع مصلحدر ایودر خصوصیه کیرجلی کیل ورطوبتی زیاده حفظ ایدن قره صیغیر کوبره لری ایو مصلحدر لر غایت کسکین کوبره لرك قوملره فائده دن زیاده مضرتی اولور خصوصیه قوملر نه قدر قوری وصیجاق اولور ایسه مضرتی اولقدر چوغالور بوجنس طوپرا .

قار برقاچ نوعدر .

۱ — کیلی قوملر . کیلی قوملر خالص طوپراقلره بکرر یالکر قومی کیلدن زیاده در یاری یاریه قومی اولنجه خالص طو . پراقلردن فرقی اولمز فقط قومی چوق اولدینی حالده انلردن آیریلور شویله که یاش اولدینی وقت خالص طوپراقدن دها از

چامور لنور قوری ایکن اجزاسی خفیف و کوشک اولمغله آوج
ایچنده صیقشدیرمغله اوفانوب سرت دانه‌لی توزه تحول ایلر بونلر
خفیف‌کی جهتیله بعضاً خالص طوبراقلدن زیاده ایشه یرار خالص
طوبراقلرده یتشان هر نوع محصول کنویر کتان و امثالی ایله
خفیف و اوزلی طوبراقلردن خوشلنان نباتات دخی یتشور
اک ایو کنویر و کتان یتشدیرن طوبراقلر ۱۰۰ ده ۴۹ عادی
قوم ۲۶ کیل و ۲۵ کیرجلی اولنلردر .

بو طوبراقلر اورته حالدده خشین اولمغله غاز و یاغمورلر
کوزل تاثیر ایدر کولرک اک ایخه صیجاقلری بالسهوله ایچنه کیر
صوبی چکدکلری حالدده کیلی طوبراقلر کی لزومندن فضله طوتوبده
طبقه طبقه توقیف ایتمز فی الواقع ایلك بهار عادی قوملی
طوبراقلردن کیج ایصینور ایسه‌ده کیلی طوبراقلردن ده اول
وسهولتله قیزوب صیجاقلرده انلر قدر رطوبتی محافظه ایدر
نباتاتک اویندینی زمان کوبره‌لری معتدل وصیجاق بر رطوبت
ایچنده طوتدیغیچون مولد الحوضه و هوا سهولتله طوبراغه
کچوب تحلیل ایلر انک ایچون بویله طوبراقلری زیاده
قازمغه حاجت قالمز همده هر نوع کوبره‌لره کلور زیرا پک از
چورک کوبره‌لرک تأثیرینی تأخیر ایده‌جک قدر صوغوق اولمدینی
کبی کسکین کوبره‌لرک تأثیراتی مخاطره‌یه قویه‌جق قدرده صیجاق
دکدرلر بو طوبراقلره اتیده مذکور طوبراقلر کی زراعته
اک صالح و اعلا طوبراقلر نظریله باقلور

برده جای و ایرماقلرک میلرندن قوملی کیلی طوبراقلر

تشکل ایدر که سببی اکثر چایلر بو نوع قوملی طوپراقلری صولایوب چکلدکدن صوکره براقدیغی میلک ترکیباتنده کیل وکیج بولمیسدر بونکله برابر زیاده جه کوبره و مختلف مقدارده چورک نباتات طوپراقلریله قاریشقدر اشبو میل طوپراغه قازشدقه قوتی فوق العاده ارتار بو طوپراق زراعته پک ایوکلدیکندن داری آرپه (هلهده) قره بوغدای شالغم پتاته و ایاغلردن سکوت قواق میشه قره قاین دیش بوداق کولکن ایاغلرینه غایت موافقدر

۲ — فونده قوملری . بونوع طوپراقلر باغچوانلر ایچون برنجی درجهده اعلا طوپراقلردن صایلور ایسهده زراعته کلز ترکیبنده ایجه قوم ایله بر مقدار شاب حمض حدید و نباتات چورکی وارددر مساعد و قتلرده اکثر فدانلر ایچون منبت اولوب فقط بعضاً آز درین اولسیله صولر کجه میوب قیشین بالحقلی طوپراقلر منزله سنه تنزل ایدمجه کی یازین دخی پک زیاده قورر .

بعضیلرک افاده لرینه کوره بویله طوپراقلره بر قاق سنه متعاقباً داری و پتاته یا خود (هلهده) قره بوغدای اکیلوب ینه بر قاق سنه خالی براقیلور دیکر لرینه نظراً برنجی سنه پتاته ایکنجی سنه داری یولاف یا خود شالغم و اوچنجی سنه ینه داری اکیلور ایسه طوپراق غایت محصولدار اولوب ۱۰ یا خود ۱۵ سنه باقی قالمق ایچون بر اورمان یاییلور .

فونده قوملری پک درین ایسه حوش میشه کستانه صاری

وساحل چامی کبی آغاچلر ایچسون پک ایو طوپراقدر بونک
آغاچلرندن اودوندن بشقه ساقز دخی آتور .

۳ — خالص قوملر . بونلر اکثیا دکر کنارلرنده اولوب
پک کوشک و کوبره سز اولدیغندن زراعته یرامز ایسه ده ایلروده
ذکر ایده جکمز اصول اصلاحیه ایله ایو طوپراق حالته کتو-
ریله بیلور .

کیرجلی طوپراقلر — بو طوپراقده فحیمیت کیرج سائر
مواددن پک زیاده اولدیغندن اکثیا بیاض طوپراق دینور او
قدر آغیر دکدر چابوق توزالور و آووج ایچنده یوارلاق یابلدیغنده
طیانموب کندو کندویه اوفانور عموماً قوری وزراعته غیر
قابلدر چونکه درین دکدر آز آلتسده یومشاق بیاض طاش
یاخود کیرج ییغنتیلری بولندیغندن رطوبتی سریعاً چکوب
الور .

کیرجلی طوپراقلر اکثر یرلرده باشلیجه ایکی دورلودر بری
اوافق طاشلیدر که کیرجلی قوم دیرلر دیکری ایجه توز کبی در
فقط کیرجلی قوملرک صوانلی قوملردن فرقی اولدیغندن انلردن
بوراده تفصیلات و یرمک بحی تکرار دیمک اوله جغندن صرف
نظر ایدوب کیرجلی طوپراقلردن صاییلان تباشر مارن وتوفلی
یعنی برنوع بیاض یومشاق طاشلی طوپراقلری تعریف ایده جکر .
تباشرلی یاخود آق طوپراق — بونک اکثیا اوچده ایکسی
کیرج و بریسی مقادیر مختلفه ده ایجه قوم کیل بعضا ماغزیا اولدینی
یالتجربه تحقیق اولمشدر بویله طوپراغک همان هیچ قوتی

اولیوب کرچه پتاته آرپه یونجه قره بوغدای یتشدیرر ایسه ده
 پک آشای وضعیف اولور آغاج جنسندن یالکر چام صنوبر کبی
 آغاجلر یتشور صوبی کورنجه چامور اولدیغندن نباتاته ضرری
 طوقانور قورودینی حالدہ یوزنده قوی وقتی بر طبقه تشکیل
 ایلر که زیاده کیلی طوبراقلر کبی چاتلار هوا و یاز یاغمو رلری
 نفوذ ایده من یوزی دخی پک صیجاق اوله جفندن هر حالدہ
 مضر در .

طوکلرک دخی بو کبی طوبراقلره سائر طوبراقلردن زیاده
 تأثیری اولور طوکلر بو طوبراغی اولدرجه قالدیررکه آز درین
 . کوکلر بتون بتون آچقده قالور اک بیوک محذوری کیرجلی
 ویانق طوبراق کبی هوادن مولدالموضه چکه مدیکی و کوبره .
 لری دخی چارچابوق حل ایلدیکدر اجزاسی اویناق اولدیغندن
 کوبره یی دخی ضایع ایلر انک ایچون تباشرلی طوبراقلر چوق
 کوبره یه محتاج اولور مصلح علاوه سی دخی مشکل اولدیغندن
 انک یرینه مناسب کوبره لر استعمال اولنه رق اصلاح ایدیلور .
 مثلا تباشرلی بر طوبراغک الت طرفه و یاغمو ر صولرینک
 جریان ایلدیکی محللره طوغری اوزون خندقلر آچوب شدتی
 یاغمو ر و بورالردن اورالرده بریکن میللری الب اوافق بیغینلر
 یایمق صوکره قتی کوبره لر ایله قارشیدروب ترلانک اوزرینه
 یایمق ایجاب ایدرکه خیلی امک و مصرفه محتاجدر .

مارن . مارن نه دیمک اولدینی و ترکیاتنده نه مقوله اجزا
 بولندیغنی کوبره لرک مصلحات فصلنده بیان ایده جکر کیل ایله

قاریشق اولور ایسه اکثریا صارییه مائل بیاضجه اولور یاز یاغور لرلیه اوفانوب انی متعاقب قوراقلوده سرتلور اوحالده تباشرلی طوپراقلر کبی چاتلامز ایسه ده کیلی طوپراقلر کبی زیاده صو چکر بوندن ورنکی بیاضجه اولدیغندن کونشک حرارتی اله میوب صوغوق قالور وتباشرلی طوپراقلر کبی طو کدن قالقوب فدانلرک کوکلرینی آچقده براقور وانک کبی یانق طوپراغیده بولمز .

کیلی آز ویرینک یوزی اکری اولور ایسه کرچه صولر دریجه نفوذ ایدر فقط اوحالده قباروب اجزاسنک اغیرلغندن طولای بری دیکرینی ایتهرک اشانغی طوغری اقوب کیدر مارنلی طوپراقلر اوقدر محصولدار اولیوب مرکباتنده زیاده جه کیل بولنور ایسه کیلی . کیرجلی طوپراقلردن صاییلور کیل یرینه فحمت کیرج بولنور ایسه تباشرلی طوپراقلری آندیرر . توفلی طوپراقلر . توف بیاضجه قوری برماده اولوب طوپراقدن زیاده طاشه یقین در علی العاده خالص طوپراقلرک التنده بولنور بوکا یومشاق طاش دییه بیلورز چونکه طوپرا . قلرک آز التنده بولنور ایسه اولقدر صو چکرکه برقاچ ساعت صوکره طوپراغک یوزنده رطوبتدن اثر برامز .

اصلی تباشردر تباشرلی طوپراقلرک التنده بولنور ایسه همان بنا طاشلری قدر سرت اولور یوزه کتورلدیکنده خیلی زمان طوپراغی قیصیر ایدر .

مارن وتباشر ایو مصلحر ایسه ده توف بوخدمته دخی

کمز بوکا براز کیل وقوم قارشیدیریلور ایسه نباتات یتشدیره جک برحاله کلور مرور زمان چوق قازمه وجوق کوبره توفلی طوبراقلری اصلاح ایدر الویره جک قدر درین اولور ایسه خفیف طوبراقلرک مزروعاتی یتشدیرر یونجه شالغم وامشالی دخی اولور ایسه ده اغاچلره وخصوصیه قازق کوکلیلرینه کمز یوکسک ومناسب موقعده بیاض اوزوم ایچون باغ اتخاد اولنه بیلور .

چاقللی وطاشلی طوبراقلر — اشبو طاش وچاقلرک اصلی صواندر برچوق قیا وطوبراقلرده بولنور طاشلی طوبراقل ایچنده اوافق طاش بولنان طوبراقلره دکل اک چوغی بویه طاش وچاقلردن عبارت اولان طوبراقلره دینور زراعت نظرنده ایری قومی طوبراقلردن فرقی انلرده بولنان فندق قدر ایری مدور طاشلرک جمله سی بونلرده کی کبی برجنس وطبیعتده دکلدر چاقللی طوبراقلر آقوب کلدکلری طاغلرک طبیعت تراپیه سنه کوره بعضاً صوانلی شایلی وکیر جلدلرلر اویله طوبراقلرک اک چوغی صوان اولوب براز کیل ایله دخی قاریشق درلرکه بوکیل قیالرک توز المسندن یاخود صولرک بر اقادینی میللردن ظهوره کلور ایسته بوندن طولای چاقللی طوبراقلر اکثریا قومی کیلی طوبراقلردن صاییلور .

بوطوبراقلرک جنسلرینی ظاهره چیقاران ایریجه چاقللر منبت طوبراقل ایله قاریشق اولمدینی حالدده اغاچ غرسندن بشقه ایسه یرامن خصوصیه تسویه سی کوجدر صبان وپوللغک

حرکاتنه مانع اولور هله اوروپا صپانلری همان هیچ ایشلهیه من زورلانوور ایسه قیریلور طوپراقلی زیاده ایصینوب قوراقلره طیهانه من حاصلی بویه طوپراقلر مضر و سموکلی بوجککله انواعه و مودی حیوانلره مسکن اولور فقط قاین قره اغاج سکود میشه یتشه بیلور بونارک تخمی بولمنز ایسه چام جنسی دیکیلور میوه اغاجلرینه و باغلره ایوکلور کرچه چوق اوزوم ویرمز ایسه ده طعم و کیفیتلری پک اعلا در شرابلری شیریه و بکیزی دخی مقبولدر .

ایخه چاقیللی طوپراقلر شدتلی صیجاقلر کلزدن اول ایرکن ادراک ایدن چودار ارپه کبی اکین یتشدیرر صوغوق طوپراقلره قارشیدیریلور ایسه سرت و یوغونلغنی کیدرر یاغموور طوک و سائرمدن قیریلوب توزالان طاشلر طوپراقلری پک اعلا ایدر مثلاً کیرجلی طاش پارچه لری سهولتله توزالدیغندن قوتلی و کیلی طوپراقلری ایولشدیره جکی کبی کیلی قیغان طاشلری دخی کیرجلی طوپراقلری اصلاح ایلر .

پلاندزلی طوپراقلر — پلاندز طاشنک توزی غایت سرت کیلی بر قوم حاصل ایدر بو قوم کیرجلی یا کیلی — کیرجلی مصلحله یا خود کلیتلو کوبره ایله اصلاح اولمنز ایسه ایشه یرامن اساساً طوپراقلری پلاندزلی اولان مملکتلرده چودار قزلجه دن بشقه بر شی یتشمز اووالرنده بولنان خدایی و صناعی مرعا و چاپرلر شدتلی صیجاقلرده رطوبتسز قالمزلر ایسه کوزل

اوت يتشديرر بويله طوپراقلرده يالكر ميشه وكستانه اغاچلرى
كوزل اولور .

ولقان طوپراقلى — يانق طاغ طوپراقلى على العموم
خفيف طوپراقلدرر سياحه رنكلرندن بللو اولور سهولته
توزالور قوملى وياكىلى — قوملى طوپراقلر كې زراعت اولنور
كافيجه رطوبتلى اولدينى حالده سائر طوپراقلر ك اكرندن
زياده حصلات ويرر حبوبات بقله انواعى وخفيف طوپراقلرده
يتشان عموم ادارملى نباتات اسكى ولقان طوپراقلرنده پك اعلا
اولور (سجلىاده) آتته ينار طاغلك جوارنده يتشان كستانه
اغاچلى قدر جسيم اغاچلر هيچ بريرده كورلماشدر .

تيمورلى — كىلى قوملر — بو طوپراقلر ك قوملى طوپراقلردن
فضله ايكي اويغونسزلى واردربرى حمض حديددن الدقلى
قراچله ياخود مورچه رنكلرى ديكرى طبقه طبقه بولنلرديركه
بو ايكي اويغونسزلى طوپراغى پك چابوق وشدله قيزديرر بوندن
بشقه حمض حديد بعضاً بتون بتون قوه انباتيه ي منع ايدر
بو كې طوپراقلرده اورمان يتشديرمكن بشقه فائده كوريله مز
كستانه اغاچى پك اغير بيور ايسهده اودونى ايو اولور قاين
وامثالى اغاچلر پك ايو اولمز ايسهده چابوق يتشورلر .

آز صىجاق كوبره ايله اصلاح اولنور ايسه چودار اكيكه
بيلور فقط يازى قوراق كيدنجه قورر صىقجه صولانور ايسه
اعلا ميوه وكوكلى ينور يشىلك يتشديرر .

صولاق طوپراقلر — تپه دىبلرنده اولوبده التى كيل ياخود

کیلی مارن واوزرنده برقدم توربلی طوپراق بولنان طوپراقلره حیویق طوپراق دینور اطرافنده کی تپه لردن اقان یاغمو رصولری اتنده کی کیلی طبقه ده قالب صوکره کورنمز متعدد کوزلردن یوزه چیه رق اوستنده کی طوپراغی ایصلاق طوتار بویه صولاق حیویق طوپراقلرک منبت طوپراقلره تحویلی پک قولایدر بوده اینجه اولکلر آچهرق صوینی آقیدوب برقاچ آی بویه جه ترک ایتمک ویاخود کیرج علاوه ایلمکدر .

بالحق طوپراقلر — بالحق طوپراقلر الحاق یرلرده بولنور ایچنده دائماً طورغون صولر اولدیغندن بعض اغاچلری یتشدیرر ایسه ده اکین یاپه مز بو طوپراقلر قیصرلغندن بشقه هوایی دخی فنالشدیروب انسان و حیوان ایچون برطاقم خسته لقلره سبب اولور اصول اصلاحی آچهلر فصلنده ذکر ایده جکر .

دکر کنارلرنده بولنان طوزلی بالحقلرک اوکنه سدلر یاییلوب صولری ایلرو کلکدن منع وایچنده بولنان طوز یاغمو رلر ایله اقیدیلوب یاخود اورالرده زراعتی عادت اولان فدائلر دیکیلهرک سوده سی دفع ایدیلور ایسه پک منبت طوپراق اوله بیلور .

اسکی طوزلی بالحقلرده بیتن اوتلرک صمائی حیوانلر ایچون پک لذیددر انکلتزه سواخلنده بویه طوزلی بالحقلرده یتشان چایرلرده زبون اریق بیکیرلر اوتادرلرکه سرعتله سمیروب ایولشورلر جلب حیوانلرینی دخی کسمزدن اول بر مدت بو

چايرلرده رعى ايدرلر كه اتلرى لذيز و اعلا اولور بويله چاير صاحبلى بو يوزدن پك چوق استفاده ايدرلر .

يانق ياخود قره طوپراقلر (اترىء محترقه) (اومس) —
 اوت اغاج دال يپراق چيچك ميوه قوقلرى والحاصل نباتاتك
 فى الجمله اعضاسى بر مدت هوا ورطوبته قارشو ترك اولندينى
 حالده يواش يواش چوريوب يانق طوپراق دنيلان برنوع قره
 طوپراق پيدا ايدر كه اكثر اورمانلرده برطاقم عارضات واختيارلق
 جهتيه ييقيلوب خراب اولان آغاجلرك بر اقدىنى يانق طوپراق
 پك چوقدر .

نباتاتى بسليوب يتشديرن شمديكى طوپراق اولكى حاصل.
 تك چوريوب طوپراق اولمسندن ايلروكلشدر زراعت اولنان
 محللرده قوهء انباتيه نك آز چوق باقى قالمسى بوندن نشأت ايدر
 هله قرمزى بياض وسائر رنگلى طوپراقلرك بوزنده آشكاراً
 كورينان قره طوپراق ايسته هر سنه يتشمكده اولان لزوملى
 لزومسز اوت وفدانلرك چوركيدر كه يانق طوپراق ديدكلرى
 بو طوپراقدر آتشد سھولته يانوب اوت وبوينوز قوقوسى كې
 قوقو طاغيدر قره يانق طوپراق سويلديكمز كې نباتاتك دال
 ويپراقلرله سائر بالجمله اعضاسنك يواش يواش چوريمسندن
 نشأت ايلديكى اكلاشادقندن صوكره اوچ كيفيت اوزره حاصل
 اولديغى دخى ييلمك لازمدر .

۱ — هواده رطوبتك باخصوص كيرج وسائر معدنى
 طوزلرك تأثيرله يانوب موازنهسى بوزيله رق مقدارى اكسلمسيه

فحمیت تزايد ايدر بووجهله نباتات چوريهرك سياه اريز
بركوبره اولور اما هنوز كاملاً ياغماش ومزروعاتى بسلمك
استعدادى ده قزنا مشدر .

۲ — اشبو چورك آچيقده بولنديغدن هوانك تأثيريله
حوامضك تولدينه سبيت ويروب پك زياده كومورلشوركه
طوزلى صولرده ارير ايو يانق طوپراق آز پوتاس ايچنده اريديلور
ايسه خمورى غايت سياه اولدينى حالده قتيلا شور وچالقا ندجه
كپوكلر پيدا ايلر صوبي سوزيلوب ايچنه براز حامض قونيلور
ايسه قيزلى اسمر قبارجقلر حاصل اولور وسوزلمش صوينه (آسيد
اوليق) ديرلر كه بونك بر قسم كليسى آز بر قاليه ايله تحليل
ايديله بيلور شو قرار مش طوپراق اصل يانق طوپراق اولديغدن
مزروعاتى بسلر .

۳ — ايچنه صولر كيرمسيله قوتى ضايع اولان يانق طو-
پراقدر كه هوايه ترك اولندينى حالده ينه اسكى منبتلكنى اعاده
ايدوب اصل يانق طوپراق خاصه سنه مالك اولور .

اكثر باغچهلرده تصادف اولنان قره طوپراق هنوز تاميله
چوروماش نباتات انقاضييله اجزاسى آيرلمش ويا آيرلماش يانق
طوپراق اولوب اينجلمش يعنى طوپراق اولمش اولنلرينك تركيبا-
تنده برازده كيرج بولنور بويله قره طوپراق صوده آز طورى
براقور فحميت نشادر ايله قولاي حل اولور .

فحميت نشادر چوريمه نك دوامندن حاصل واكثريا ياغمور
صولريله دائماً طوپراقلره واصل اولور انك ايچون فحميت

نشادرك قره طوپراغه اوچ دورلو تأثیری واردد بری قره طوپراقدہ قالان کوبرہ نك اجزاسنی آیروب توزہ تحویل ایلر دیگر کی کیرجدہ بولنان مرکباتک تحلیلنی تسهیل ایدر اوچنجیسی کندودہ بولنان قالیه نك تأثیریلہ ہوادہ کی مولد الحموضہ بی اخذ ایدرك نباتات چورکلرینی مکمل یانق طوپراغه تبدیل ایلر .
بعض ارباب کیمیانك ایتدکلری تجربہلرہ نظراً تکمیل چو .
ریسوب اجزاسی آریلان قره طوپراق اتی المقدار مواددن مرکبدر .

۱۰۰ دہ	
حامض فتحمی	۵۳,۳
مولد الماء	۴,۸
مولد الحموضہ	۳۷,۴
آزوت	۲,۵
	۱۰۰,۰

کیلی طوپراقلر چوق یاش اولدیغندن باقیلور ایسہ نباتاتی چابوق چوریدوب طوپراق ایتسی لازمکلور ایسہدہ بو طوپراغک اجزاسی پک صیق ویوغون اولدینی جہتلہ هوا لایقلہ ایچنہ کیرہ میہ جکندن نباتاتی پک کیچ چوریدر فقط قومی یاش طوپراقلردہ کیرجلی قوملردہ سریعاً چوریوب طوپراق اولور بونکلہ برابر حیوانات ونباتات انقاضی مختلف الحل مواددن مرکب اولدیغندن بری دیگرندن از چوق کیچ چورر .

بوندن بشقه قره طوپراغی حاصل ایدن نباتاتک طبیعتلرینه کوره طوپراقلری دخی مختلف اولور مثلاً فونده چورکی زیاده تاننلی نباتات بقایاسندن حصوله کلوب طوپراغی اکشی اولدیغندن هر نوع مزروعاته یرامز بالعکس بورشدیریجی اولیان نباتاتک طوپراقاری لطیف اولوب هر نوع مزروعاته کلور .

یوقاریده دخی ذکر اولندیغی وجهله متروک ترلارک یوزنده وایشلک ترلارک طوپراقلرینه قاریشق حالده کوردیکمز قره طوپراق کاملاً یانمش یعنی چوریمیش اولمیوب بر قسمی هنوز تامیله اینجلمامش نباتات قطعه لرندن عبارت اولدیغندن انلرده بر طرفدن هوا ورطوبتک تأثیریه حل اولور و بر طرفدن دخی طوپراغک یکیدن یتشدیردیکی نباتات دخی زمان ایله چورر وهلم جرا تبدلات و تغیرات مذکوره اکسیک اولدیغندن تکمیل چوریمیش قره طوپراق مزروعاته غدا اولدجه هنوز چوریتامش اولنلر دخی چوریوب حامضی فحیمی وکولرکک اخذ ایده مدکلری سائر مصید و مینت غازلری اردی اراسی کسمیه رک یواش یواش نشر ایدر و طوپراغی خفیفلدوب هوا و صویک قولایقله ایچنه کیرمسنه یاردم ایلر .

فقط طوپراقده کندو کندویه حاصل اولان نباتات و حیوانات چورکندن عبارت اشبو قره طوپراق ایشلک مزروع ترلاره کفایت ایتمز واقعا الویره جک قدری موجود اولان طوپراقلردن برنجی دفعه ده کوزل و بول محصول النور ایهده طوپراغک قوتنک بر چوق قسمی خرجانش اوله جفندن کله جک سنه

محصولی اولقدر برکتی اولمز کیتدکجه قوتی اکیسه رک آز وقته
طوپراق قیصر قالور ایشته سبی بودرکه طوپراغک بو وجهله
صرف اولنان قوتی کوبره ایله یرینه قورلر .

زده ایسه کوبره ویرلیوب دیکلندیرمه تعیریه ترلاری
برایکی اوج بعضاً یرینه کوره بش سنه حالیه هیرک یاخود
نطس ایدرلر بونک سبی بودیکلندیرمه مدتی ایچنده ترلارده
یتن اوت وظهور ایدن بوجک کبی سائر حیوانات لاشه
وچورکلرپله ترلارک بر درجه یه قدر کوبره لمسیدر لکن بیهوده
ترلا بوش براقلوب یوزندن استفاده ایدیه میور هر حالده
ترلاره کوبره ویرلسه یاخود فصل مخصوصنده بیان اولنه جنی
وجهله نوبت اسولنجه اقتضا ایدن دیگر مناسب اکین زرع
اولنسه ترلار هیچ بوش قالمیوب دائماً سورملکه طوپراقلری
دخی خفیفلشه جکندن ایلروده هم سورمکده وهمده اکمکده
سهولت قزانلمش اولور.

برایکین یانق طوپراقده اولدینی قدر دیگر طوپراقده
برکتی اولمز بوغدای ۱۰۰ ده سکر یولاف چودار ۲ یانق
طوپراغه محتاجدر ایمدی برطوپراقده نه قدر یانق طوپراق
اولدینی هیچ دکل ایسه بر درجه یه قدر بیلیمک لازمدر اوده
ذکر آتی اصول ایله بیلنور .

شویله که تجربه اولنه جق طوپراقدن معلوم المقدار مثلاً ۵۰
درهم الوب کونشده کوزلجه قورتدقن صوکره اولجه قاینا.
دیلوب سوزیلرک براق ایدلمش براولچی کول صوی ایله برقاج

دقیقه قایناتدقندن صوکره بر قدح ایچنه قویلی اکر یانق طوپراق وار ایسه قاینادیلان صو اسمر بر رنک ایله بویانور وایچنده نه قدر یانق طوپراق بولنور ایسه قدحده کی صویک رنکی اوقدر قویو اولور بو وجهله بر قاج طوپراق تجربه اولندبغنده رنکترینک قویولغنه کوره زراعتجه قاجنجی درجهده طوپراق اولدیغنه حکم اولنور .

اشبو یانق قره طوپراق هربرده بر مقدار و سیاقده بولمز اورمان و توربلی طوپراقلرده همان ۱۰۰ ده ۵۰ - ۷۰ قدر باغچه و ترلا کبی هر وقت اکیلان یرلرده اکثر یا ۲۵ و غایت کیلی طوپراقلرده دخی ۱۰ - ۱۲ قدر انجق واردر چونکه اورمانلر هر سنه طوپراغه زیاده دال و یراق دوکدیک کی ایشلک ترلارلرده دخی فدانلرک کوک یراق واکزلری قالور انک ایچون بوبله طوپراقلرده یبانی اوت یتشدیرن کیلی طوپراقلردن چوق اولور .

تورب — یر یوزنده بولان نباتات هوانک مولدالموضه - سنک تأثیریه چوریوب یانق طوپراق اولدینی یوقاریده ذکر اولندی بو نباتات صو ایچنده قیزوب چورر ایسه تورب اولور یانق طوپراق فوق العاده بر قوه انباتیه یی حاوی اولدینی حالده تورب عکسنه کندینه مخصوص اولان بعض نباتاتدن بشقه بر شی یتشدیرمز توربلی طوپراق ایچنده زیاده نباتات چورکلری بولند - یغندن طولای ایلک نظرده سهولته اکلاشیلور اسنک اولدیغندن قوریدینی کبی آغیرلغنک چوغنی غائب ایدوب خفیفلشور رنکی


اسمر قره اولدنی جهته حرارت وبرودتی بر دوزیه اغیر قبول ایلدکلرندن یازین سرین قیشین سائر طوپراقلردن صیجاق اولور .

تورب اودون بولنیمان وبهالی اولان یرلرده اودون یری طوته جغندن حین حاجتده قوللانلق اوزره جمله سی بوزلیوب یاقلمق ایچون بر مقداری حالیه براقلور فقط توربلی طوپراقلرک الی استعماله صالح طوپراق اوله جغندن اوزرندن توربی آلدقدن صوکره آلتنده کی زراعت اولنه بیلور .

بر قاج خط قالین اینجه یاخود ایری قوم وکیرجلی ماده لر دکر چاموری وباشلیجه بر مقدار کیل طوربلی اراضی یی منبت ایده بیلور بعضاً بو مثللو اراضیده یتشان اوتلر ممکن مرتبه کاملاً یاقیلوب بعده چابوق چیقان نباتاتک برنجی دفعه قازمه وصبان ایله اخراج اولنان کوکلری جمع اولنه رق پوللق ایله دور اولنان تورب ترکی ایله قارشیدرلدقدن والویره جک قدر قوریدقدن صوکره آشاغیده بیان اولنه جنی وجهله تکرار یاقیلوب کوللری ترلانیک یوزینه یاییلور صوکره ایکنجی دفعه سوریلوب بهر دوغنه ۱۵ آنبار قدر مارن صاچیلهرق برازده کوبره علاوه اولنور .

توربلی ترلا بو ترتیب ایله اصلاح اولندقدن صوکره ایلک سنه پتاته وطورب کی هر نوع نباتات یتشدیرر فقط قوتی ضایع ایتامک ایچون آرا صره کیرجلی ماده لر علاوه ایتلیدر . طوپراغی کوشکلکدن قورتاروب ایوجه اوتورتمق ایچون

ترلانك اوزرنده اورته آغير تك ياخود ايكي واوچ يوارقلى
(شكل ۷) برسوركي كزديريلور طوبراغنى ياقق وكيڭ علاوه



شكل ۷

ايتمك ايله اصلاح اولنان بومثللو طوبراقلرك حاصلاتى بلكه اون
بشقات آرتار ويواش يواش فنا وصولى اوتلر غائب اولور
صرف توربلى طوبراقلرده اصلا آغاج يتشمز.

توربلى طوبراقلرك قيصر اولسى اكشيلكنددر بر ديكر
يولده يعنى اولا خندقلر آچهرق صولرى آقيديلوب بعدد قوم
ياخود كيل مارن كول ديرى كيڭ علاوه ايديلور ايسه اكشيلكى
كيدر او حالده غايت منبت بر طوبراق اولور كيڭرجمه خصو.
صيلا طوبراغنى ياقمه اك باشلى خدمتدر بو وجهله اصلاح اولنان
توربلى طوبراقلر غايت خفيف طوبراقلر كي اوله جفندن يومرى
كوكلى نباتاتك جمله سنه ايوكلور بركتلى آرپه يولاف يتشديرر
فقط يازين كونسك صيجاغيله پك زياده قورويه جفندن الويره جك
قدر رطوبتلى طومتق لازمدر .

بعض يرلرده اصلاح اولتمش توربلى طوبراقلره يونجه وسائر

اوتلر اکوب چایرلق اتخاذا ایدرلر عمر اوتی پک کوزل اولور
کوک بويا دخی يتشور صولری کافی درجهده آقیدلینی زمان
قزل آغاچ سکود قواق وخشی بیاض بعض اغاجلر دخی
دیکیلور .

تراب معدنی یعنی یر آلتی طوپراقلری — یر آلتیده بولسان
طاشلرک یاخود قوی وقتی طوپراقلرک طبقهلرینه معدنی طوپراق
دینلور بولنر دائماً نباتاته تأثیردن خالی دکدر طاش کبی قتی
اولنجه اوراده صولر بریکوب جریان ایده میه جکندن اوستنده
بولنان منبت طوپراقلری دائماً نمناک طوتار .

منبت طوپراغک طبقه سی انجه وآز درین اولوبده آلتنده کی
معدنی طوپراق طبقه سی قوی وقتی قیالردن عبارت دکل ایسه
اولوقت طوپراغک درینلکی آترمق فائده دن خالی دکدر شو
حالده یا مذکور معدن طوپراغنی قازوب یوزه کتوررک ترک
ایتمک ویاخود هر سنه تدریجاً درین قازمغله اصلاح ایلمک لازم
کلور هر قازلدینی سنه اگرچه محصولی آزالور ایسه ده ایلروده
استحصال اولنه حق فوائد بو نقصانی قات قات اکمال ایدر .

بعضاً منبت طوپرافلرک آلتنده کیرج یاخود مارن دنیلان
کیرجلی طوپراق طبقه سی بولنور اگر یوزده کی طوپراقده هیچ
کیرج بولنمز یاخود مقداری پک آز اولور ایسه بویله طوپراغنی
اصلاح لازمدر زیرا مارن طوپراغک آلتنده قوی وقتی ایسه ده
یوزه کتورلدیکی کبی توزالوب یوزده کی طوپراغه قاریشور
بعض یرده دخی کیلی طوپراقلرک آلتنده قوم طبقه لری بولنور

اكر بوقوم ۳۰—۴۰ خط درین اولوبده سوریلور
واوستنده کی کیلی طوپراغه قارشدیریلور ایسه فوق العاده منبت
بر طوپراق اولور .

منبت طوپراقلر بعضاً پك يوققه اولوب التنده قوم طبقه سی
بولنور که قوراقلرده چابوق قورر ایسه ده رطوبتلی موسملرده
کوزل ومنبت اوله بیلور .

پك ايخه وقوملی طوپراقلرك التنده صویي توقیف ایدر
کیل طبقه لری واردد اکر یری بایر واکری دکل ایسه صولر
حوض کبی ییغیلوب طوپراغك يوزينه چقار بویله طوپراقلر
فنا وقیصیر اوله جفندن صولری اقیدلنز ایسه برشیئه یرامز .

اکثریا طاغ ووافق دوز تپه لرك التنده برطاقم طاشلر بو-
لنور که یوزنده انحق برقاچ پوس ايخه قره طوپراق واردد اکر
بوطاش پارچه لری کیرجلی ایسه اکثریا اوستنده کیلر قیریق یاریق
طاشلردر بومثللو طوپراق صویي کوزل سورار وچایرنوعندن
اولیا اوتی وایاچ کوکلری طوپراغه ایوچه نفوذ ایلر .

ییراق یراق آیریلور بر نوع کورك کیلی طوپراق که کسمه
دخی دیرلر خفیف بر طبقه ایله منبت طوپراغك اوستنده
بولنور بو فئالق صبانی براز درین کزدیرمکه دفع ایدیلور
یعنی طوپراغی پارچه پارچه قیریلوب التنده کی ایو طوپراق ایله
قارشدیریلورق اصلاح اولنور .

الت طبقه لری یوارلاق چاقل طاشلردن عبارت اولان منبت

طوپراقلر و لو کیلی دخی اولسه ضرر ویرمز چونکه بویله
چاقل طبقه‌لری زائد سولری سهولته چکوب آقیدر .
منبت طوپراقلرک احوالی — زراعت صالح طوپراق کرک
کندو طبیعتنده و کرک کیموی ترکیاتنده انواع تحولات
کوستر ایسه ده هر منبت طوپراغک آتیده ذکر اولنه جنی
وجهله سکر نوع کیفیت شام اولسی لازمدر .

۱ — فدانلرک کوکلری سهولته طوپراغک ایچنه اوزانغی
ایچون (مساماتلی) خفیف وفدانلر روزکاردن دورلاماک
ایچون طبیعتی صیقیجه اولمیدر یعنی نه چوق کوشک ونه ده
غایت صیقی اولمالیدر مثلاً آی چیچکینک کوکلری درین
کیتیموب بدنلری دخی آغیر واوزون اولدیغندن کوکلرینی
طوپراق ضبط ایتمز ایسه آزر روزکار ایله دوریلور نته کیم ضعیف
طوپراقلرده دخی بویله اولور .

۲ — یاغمور سولرینی الویره جک مرتبه ده طوتلیسدرکه
هردائم بر قاج خط آلتنده یاشلق بولنلی ویا یاغموردن سوکره
چامورلانیوب صیجاق هوالرده دخی چاتلامامیدر زیرا
طوپراق چامور اولدینی حالده ایچنه هوا کیره مز چاتلادینی
تقدیرده دخی کوکلره تصادف ایدرک قوبارر شو ایکی حال
فدانلری بیومکدن آلیقویدینی تجربه اولمشدر .

۳ — هواده وکوبره لرده بولسان غازلر طوپراغک ایچنه
ایوجه تأثیر ایتمک ایچون طوپراق دائماً خفیف حالده بولندیرلمیدر .

۴ — بیومکده اولان فدانلر کونشدن درجه کفایه ده

رطوبتی بر صیجاقلق آلق ایچون طوپراغک یوزی صارمراق
یاخود قمرال اولمیدر .

۵ — فدانلر محتاج اولدقلری غدایی اخذ ایچون یاتق
طوپراق دنیلان نباتات چورکلری بولمیدر .

۶ — طوپراق غایت منبت اولق اوزره ذکرى کچن اوج
نوع طوپراقدن یعنی کیل کیرج وقومدن کیرج دها زیاده
بولمیدرکه کوبره لردن حاصل اوله جق حامضلى محافظه ونشر
ایلسون .

۷ — صایدیغمز احوال یالکز طوپراغک یوزینه منحصر
اولیوب فدانلرک کولکرینک واصل اوله جنى درینلکده دخى
بولمیدر مثلاً: قبا یونجه نك کولکری بر آرشون درین کیدرهاوج
۶۰ خطدن زیاده پانجار ۴۵ شالغم طورپ ۳۰ واکینلر یعنی
بوغداى آرپه یولاف وامشالی ۲۰ خط قدر طوپراغک ایچنه
اوزانور .

بعض طوپراقلر واردرکه یالکز یوزى منبت اولوب آلتنده
ایسه بر طاقم طاش پارچه لری بولنور بویله طوپراق کولکری
درین واتلی اولیمان نباتات ایچون ضرر سزایسه ده پتاه
طورپ وشالغم مثللو اتلی کولکی نباتاته یرامن آنک ایچون
طوپراقلرک بوکی احوالرینه دقت لازمدر .

۸ صایدیغمز منبت طوپراقلرک التی ساده کیل یاخود قتی
وسرت طاشلر اولدیغی حالده صولری چکمیوب اوستنده کی

طوپراغی صولاق طوته جفندن محصولاتی بر باد ایدر فاما التندن
صولری چکن طوپراق غایت منبت و محصولدار اولور .

اوجنچی فصل طوپراقلرک خواص حکمییه سی

بالاده طوپراقلرک تقسیمات و ترکیات کیمیائیه سندن یعنی
نه مقوله اجسام واجزادن عبارت اولدینی سویلدک شمیدیه
خواص حکمییه سندن یعنی هوا و غازلری چکمک و حفظ ایتمک
کی احوال عمومیه سندن بحث ایده جکر منبت طوپراقلری
مربکات کیمیائیه سندن زیاده خواص حکمییه سی یکدیگرندن
تفریق ایدر طوپراغک علی العموم یوزده بر قاج قسمندن ماعدا .
سنگ خدمتی فدانلرک کوکلرینی طومتق و بسله ییجی شیر ایله
صو و غازلری جذب و حفظ ایتمکدن و شور قاج قسم دیدیکمزک
خاصه لری دخی نباتاتی بسلمکدن عبارتدر شویله که طوپراغی
ترکیب ایدن اجسامک طبیعتلرینه خلل کلمکسزین طوپراغک
خواصی دکشه یلور بوکا چوملکچی طوپراغی بر مثالدرکه ۱۰۰ ده
۵ یا خود ۶ مقداری تباشر ایله قارشیدرلده ایو طوپراغه لازم
اولان موادی حاوی اولمش اولیور یعنی مرکباتنده هرفدانی
یتشدیرمکه و بسله مکه یرار ماده لر بولنیور حالبوکه سرت
واغیرلغندن قازیمی اکیمی مشکل اولدینی کی فدانلرک کوکلری
دخی اغیرلغندن طولایی نفسلنه میوب بوزولیور .

اگر بو طوپراق قیزارنجه قدر آتشد طوتلور ایسه توزکی
اولوب خفیف و مساماتلی و غایت قوری بر طوپراق تشکیل

ایدرکه شو طوبراق اک سرت وقتی طوبراقلری اصلاح ایده بیلور
طوبراقلرک اصلاحاتندن بحث ایتدی کمزده بوکا بکر احوال لرخی
دخی تفصیل ایده جکر بوراده یالکر شونی بیان ایدرزکه کرک
کو کرد کومور کرک صافی قوم وسائر صوده ارمیان جسملرک
توز کبی اینجه سی صو و آزوتلی کو بره ایله قارشیدیریلور ایسه
اریوب نباتاتی بسله مکه براز قوت کسب ایدر .

برده مرمر و مرمر نوعندن قیاق طاشی وانواع قیا
قیرقلری و دیوار طاشلرینک ایری و سرت پارچه لری ثقلترینه
نسبه ۱۰۰ ده ۲۵ — ۳۰ قدر صوقالدیردقلری حالده اینجه سی
۱۰۰ ده ۸۰ — ۹۰ قدر صوچکه بیلور حلبوکه ایکسیده
کیمیاجه متساوی مواددن مرکب ایکن توز کبی اینجه اولدینی
حاله ایش دکشیور ایشته بو حال طوبراغک خواص حکمیه
سندن صاییلور .

طوبراقلرک ثقلت اضافیه سی — خواص حکمیه نک برنجیسی
ثقلت اضافیه در ثقلت اضافیه طوبراغک بر قسم حجمک اغیرلنی
مساوی حجمده بولنان صویک یعنی یارم باردق طوبراغک یارم
بارداق صویک اغیرلغه قیاس اولنمسنه دینور بو ثقلتی تعیین
ایچون مثلاً ۲۰۰۰ درهم صو آلور برقاب اینجه یاریسنه قدر
یعنی ۱۰۰۰ درهم صو قونور ایسه قابک دیگر ۱۰۰۰ درهملک
بوش محلی انحق ۲۷۵۰ درهم قوم طولدیره بیلور .

ایمیدی شو ۲۷۵۰ درهم قومک طولدیردینی بوش محل
۱۰۰۰ درهم صویک طولدیردینی یر قدر در شو حالده قوم صودن

ایکى كره و اوج چىرك زىاده آغىر اولدىنى اكلاشىلور قومك
ثقلت اضافیه سى ۲۷۵۰ و صویك ثقلت اضافیه سى ۱۰۰۰ درهم
دىك اولور شو حسابیه كوره انواع طوپراقلرك ثقلت اضافیه
لرى جدول آتیده مذکوردر .

ثقلت اضافیه	طوپراق	ثقلت اضافیه	طوپراق
۲۸۲۲	كىرچلى طوپراق	۲۷۵۳	صوانلى قوم
۲۲۰۰	ياغىز قوملى كىل	۲۶۰۳	كىللى طوپراق
۲۶۵۲	ياغلى كىل	۲۰۶۸	اىنجه كىرچلى»
۲۵۹۰	قومىز كىل	{ ۲۴۰۰ ۲۵۲۵ }	منبت طوپراق
۲۳۳۲	باغچه طوپراغى		
۱۲۲۵	يانق طوپراق	۲۲۳۲	كومورلى ماغىزىا

طوپراقلرك طبيعت و تركىباتى اغىرلقلرىنىك دلاىله اكلا-
شىلور طوپراق نه قدر اغىر اولور اىسه اوقدر قوملى در خفیف
قورى و صىجاق طوپراقلرده قوم زىاده اولور كىللكه سرت
رطوبتلى و صوغوق طوپراقلردر قومى از اولدىغىدن خفیف
و كىرچلى طوپراق و اىنجه ماغىزىالى كىرچ و يانق قره طوپراق
جمله سندن زىاده خفیفدر .

طوپراقلرك ياشقانلق حالى — طوپراقلرك ياشقان اولوب
اولدىنى سهولته اكلاشىلور شویله كه طوپراغى بر مقدار
صو ايله ایصلادوب بر پارمق دورنده برطوب ایدنجهیه قدر

ازوب یوارلاق یاپه رق کونشده یاخود آتشد قوروتقدن
صوکره پارمق ایله صیقملی در قومی و غایت خفیف طوپراقلرک
اجزاسی کوشک اولدیغندن بعضاً کندو اغیراغیله ویا خفیف
صیقمغله ازیلوب توزالور .

ایو منبت طوپراقلر از چوق تضیقه طیانور ایسه ده
قوتلیجه صیقیلور ایسه اوفانور اوزلی وقوتلی طوپراقلر ایسه
سرت بر جسم ایله دوکلدکجه اوفانز اوفانسه بیله کاملاً
توزالمیوب کوچک کوچک پارچه لره ایریلورکه پارمق ایله توزاتمق
ممکن دکلدر .

مذکور یوارلاق طوپراق قیزارنجه قدر آتشد قیزدیر .
یلوبده صوغودقدن صوکره صویه اتلدیغنده قومی ایسه اجزاسی
درحال و غایت کیرجلی طوپراق ایسه دها کیج آیریلور
بلکه پارمق ایله صیقمق لازم کلور کیلی وقوتلی طوپراقلر شو
حالده شکللری بوزمدقدن بشقه بالعکس دها زیاده سرتلشور
کیرجلی طوپراقلر بیاض قیزل اولنجه قدر آتش کورر ایسه
کیرج وجام کبی شفاف اولور کیلرر وکیلی طوپراقلر قیزارمزدن
اول نه قدر قتی ایسه دها زیاده قتیلاشور . طوپراغک خفیف
وقوتلی اولسی یاشقانلغک درجاتی اوزرینه حکم اولنور
آوادانلغه از یایشان طوپراقلر خفیف طوپراقلر درکه قولای
سوریلوب قازیلور اما پک زیاده یایشانلر قوتلی طوپراق اوله .
جغندن کوچ حفر اولنور .

برطوپراغک سرتلکی صویی جذب و حفظ ایتسنه نسبت

اولسه من زيرا توز حالده بولان کيرجلی طوپراقلر و نباتات چورکی یعنی یاقق قره طوپراقلر هر نه قدر کیلی طوپراقلر کی صو چکر ایسه ده انلردن خفیدر فقط صوی چکمیله بعض طوپراقلر صیقیشوب سرتلور مثلا قوری قوملرده اولدینی کی فی الواقع بولر قوری ایکن پک کوشک اولدقلری حالده صوی کوردکلری کی اجزاسی بر برینه صیقیشوب سرتلشور یاشقان طوپراقلر تیور ادواتدن زیاده اغاج آوادانلغه یاشیور .

منبت طوپراقلرک سرتلکی حاوی اولدینی کیلک مقدارینه کوره در کیلی زیاده اولان طوپراق دها زیاده غلیظ ویوغون اولور .

طوکلرک تأثیر یله طوپراغک سرتلکنک ازالسی — یکی سو-ریلان طوپراق طوکه تصادف ایدرایسه تزکلری سرت ایکن سهولته توزالور بونک باشلیجه سبی ایسه یاشلغیدر زيرا اولجه قوریان تزکلر صوکره طوکردن اوفاللز اما یاش طوپراقلر طوکیدقه شیشوب اجزاسی بر برندن ایریله جفندن سرتلکی ازاله رق اوفانور انک ایچون صوکه بهارده ترلاری سورمک پک فائده-لیدر زيرا طوپراق سورلدیکندن اوتوری دریجه طوکه رق ایلک بهار طوپراغی خفیف و مساماتلی طوتار واول بهار تکرار سورمکه حاجت براقز .

اکر بویله طوپراقلر ایلک بهار تکرار سوریلور ایسه ضرری کوریلور چونکه کوزین سوریلوبده طوکردن خفیفلان طوپراق یاش ایکن ایلک بهار یکیدن سوریلنجه تکرار طوکه


تصادف ایتمز ایسه اولکی خفیفلکنی غائب ایدرک طاش کبی
قالور ایلک بهار بای حال قازلق اقتضا ایدر ایسه سورلدکن
صوکره طوکه تصادف ایتدیرمکه چالشمی یاخود پک ایوطاوانی
بولمیدر اگر ایلک بهار سوریلان یاش طوپراق کیلی طوپراق
اولور ایسه مضرتی دها زیاده اولور .

طوپراق یاقیلنجه دخی خواص حکمیه لرینک اکثریسی
دکشور حتی صافی کیلکه اک سرت طوپراقدر یاقیلنجه سرتلکی
کیدوب توزالور وصو کورمکه تکرار سرتلمز انکلتزده بویله
طوپراقلری یاقغله اصلاح ایدرلرکه ایلروده اصول احراقی
تفصیل اولنه جقدر .

کیل ایله کیرجدن عبارت اولان طوپراقلر قوروینجه اینجلور
زیرا کیل خمیت کیرجدن زیاده صیقی اولغله دها زیاده وسهو .
لتله آریلور .

صولرک نفوذینه قابل طوپراقلر — نباتاتک بیومسی صو
هوا وغازلر ایله محلول سائر معدنی طوزلرک تا کوکلرینه قدر
وصولنه متوقف اولدیغندن طوپراغک یوزینی دایما اینجه وکوشک
طوتقی ایجاب ایدر .

قنقی طوپراق صویی حفظ وقغیسی دفع ایدر اولدیغنی بیلیمک
ایچون هر درلو طوپراقدن بر طارتیده مثلا برراوقه قوری طوپراق
النوب هربری ایری ایری برر اوقه صو ایچنده قارشیدیرلدقندن
وبرچیرپیده دوز ایکی اغاج اوزرینه قونیلان الککر ایچنه



شکل ۸

وضع اولنوب
التلرینه برر
تکنه (شکل ۸)
قونلقدن صو-
کرة طوپراغک
یوزی بوزلاماق

وصودوکر ایکن دائماًوزطوروب چوقورلاشماق اوزره (شکل ۹)



شکل ۹

شکلده کی اودون پارچه سیله اراصره دوز
لدیله رک اوچر قیه صو ایله هربری
خفیفجه صولانور صوسوزلدیکی ائشاده

کچن وقت طوپراقلرک نه درجه صو چکمکه قابل اولدیغنی تعیین
ایدر یعنی الک اول صوی سوزن طوپراقده قومک واک کیچ
سوزن طوپراقده کیلک زیاده اولدیغنی اکلاشیلور مقبول اولان
ایسه هرایکیسی بیننده اورته حالده صوی سوزن طوپراقدر .
برطوپراغک یوزده نمقدار صو حفظ ایلدیکی دخی بیلیمک

مهمدر انک ایچون یوقاریده ذکر اولنان الک ایچنده سوزیلوب
ارتق طاملامقدن قلان ایصلاق طوپراقدن ۵۰۰ درهم طوپراق
آلوب اولجه طاره سی انمش یاصی برطباغک ایچنه وضع ایله
فرونده ایستر مطبخ اوجاغنده تمامیه قورودیلوب بعده طار-
تیلور اکر شو ۵۰۰ درهم طوپراق صوکره کی طارتشده ۴۰۰
درهم قالور ایسه اشبو ۴۰۰ درهم طوپراق ۱۰۰ درهم صو
قالدیردیغنی یعنی ۱۰۰ ده ۲۵ صو چکدیکی اکلاشیلور .

ایدیلان تجربه اوزرینه هر نوع طوپراغك ايجديكي صويك
مقداری آتیده ذکر اولنور .

طوپراق	۱۰۰ صو	طوپراق	۱۰۰ صو
کیرجلی قوم	۲۹	صوانلی قوم	۲۵
کیلی طوپراق	۶۰	یاغسزکیل	۴۰
ایجه کیرجلی طوپراق	۸۵	یاغلی کیل	۵۰
منبت طوپراق	{ ۵۲ }	قومسزکیل	۷۰
	{ ۴۸ }	باغچه طوپراغی	۸۹
یانق طوپراق	۱۹۰	کیرجلی ماغنزیا	۴۵۶

شوحسابه نظراً کیلی طوپراغك قبول ایلدیکی صويك
مقداری منبت طوپراغك چکدیکی صويك مقدارینه معادل
و موافق کبی کورینور ايسه ده کیلی طوپراق هر بسله یجی موادی
شامل اولدیغندن منبت طوپراقلرك ترجیحی لازمکلور کیلی
طوپراقلرك قومی ازالدجه صويك مقداری ترايد ايدر .

کیرجلی طوپراغك آلیقویدیغی صويك مقداری طوپراق
نه قدر ایجه اولور ايسه اوقدر آرتار ماغنزیا دن بشقه اك زیاده
صو چکن طوپراق نباتات چورکندن عبارت اولان یانق قره
طوپراقدر .

طوپراقلرك قورومغه قابلیتلی — طوپراقلرك صويي
چکمکه درجه قابلیتلی بیلمك لازم اولدیغی کبی صويي
ترك ایتمکه یعنی چابوق واغیر قوریمقده استعدادلرینی دخی

اوکرمک مهمدر زیرا سریعاً قوریان طوپراقلر اک قوری
واک صیجاق طوپراقلر اولدینی مثللو زیاده وقت صوبی طوتان
طوپراق دخی نمناک طوپراقلردرکه انلرک اصلاحی شوقابلیترینی
بیلمکه متوقفدر .

شمدی یه قدر اجرا اولنان تجربه لره نظراً شو نتیجه لره
دسترس اولغشدر ۱—صوان و کیرجلی قوملر زیاده صو غائب
ایتدکلرندن چارچابوق قوریوب چوق صیجاق اولور ۲—قوم
کبی اینجه کیرجلی طوپراق خیلی مدت صوبی طوتوب کیلی
طوپراقدن ده ا غیر قورر ۳—کیلی طوپراقلر قومی نه قدر
آز ایسه اونستده کیج قورر ۴—یانق قره طوپراقلر پک کیج
صوبی غائب ایدر ۵—قوریمیوب اک زیاده صوغوق ونمناک
قلان کیرجلی ماغزیالردر .

طوپراقلرک قوریمیسه حجملرینک ازالسی — اکثر طوپراق
قورینحه پک زیاده صقیشوب برطاقم یاریقلر پیدا ایدر اشبو
یاریق وچاتلاقلر چوق وککیش اولور ایسه کوکلرک واسطه
تغذیه لری اولان اینجه صچاق وپورچکلرینی قوپاروب تلف
ایلر طوپراقلرک چاتلاملرینک درجه سی اصول اتی الذکر ایله
تعین اولنور .

بردرجه ده ایصلاق هر دورلو طوپراقدن مساوی
حجمده وطاوله زاری شکلنده پارچه لر یاپوپ آرشون نقطه لری
کوسترر آرشون ایله کوزلجه اولچدکن صوکره ۱۰ - ۱۸
درجه صیجاق فقط کولکده اوطه وصفده برقاچ هفته ظرفده

قوريدیلور بعده غایت دقتله ینه اوارشون ایله تکرار اولچیلور
شوحساب ایله استحصال اولنان نتیجه شودر .

۱۰۰۰ ده

۱۰۰۰ ده

اکسیلان مقدار	اکسیلان مقدار
۶۰ یاغسز طوپراق	۵۰ ایخه کیرجلی طوپراق
۱۸۳ صافی کیل	۸۹ یاغلی طوپراق
۲۰۰ یانق طوپراق	۱۱۴ کیلی طوپراق
۱۲۰ منبت طوپراق	۱۵۴ ماغزیالی طوپراق
	۱۴۹ باغچه طوپراغی

اشبو جدولده کورلدیکی وجهله قنی طوپراق زیاده
صیقیشوب چکلمش ایسه اوطوپراق زیاده یاریق وچاتلاق پیدا
ایدر .

ملاحظات — کیرجلی وصوانلی قوملرهمان هیچ یاخود پک
از صیقیشوب خفیفجه تضیق ایله توزالور حساب مذکورک
نتیجه سی شودر .

۱ — طوپراقده بولنان مواد عمومیه دن اک زیاده اجزاسی
صیقیشانی یانق طوپراقدر زیرا قوریدیغی زمان حجمک بشده
بری قدر اکسیلور وایصلاندقده پک زیاده قبارر توربلرده
کوریلان قبارمه نك باشلیجه سبی ذکر اولنان خاصه در فی الواقع
یاش بر هوانن صوکره اورتالق صوغور وقورر ایسه مذکور

طوپراقلرک یوزی بر قاق پارمق قدر قبارر شو حالندن بشقه
طوتدینی صو دخی قبارمسنی ارترر .

۲ — نباتات چورکی بولنیمان طوپراقلردن اک زیاده
صیقیشان کیلی طوپراقدر طوپراغک شو حالی قوم یاخود
کیرجلی طوپراق علاوهسیله زائل اولور .

۳ — طوپراقلرک جملرینک ازامسی یالکر صو طوتملرندن
دکلدر زیراکیرجلی طوپراق اینجه اولدینی حالده هر نه قدر زیاده
صو طوتار ایسه ده جملرینک تناقصی ۱۰۰۰ ده ۵۰ درجه یی
کچمز کیلی طوپراقلر ایسه ۱۰۰۰ ده ۱۸۳ صو توقیف ایدر .


۴ — مارنک توزه تحولنه سبب صیقیشمیدر زیراکیرجلی
وقوملی طوپراقلرک اکسیلمسی جملری مساوی اولدیغندن
اجزاسی ایریله رق کندو کندویه توزالور .

۵ — کیرجلی مارن طوپراغک سرتلکنی ازالندقدن ماعدا
صوی دخی زیاده توقیف ایلدیکی چون حامضلرک ظهورینی تسهیل
ایدر بو خاصه ایسه قوملرده یوقدر .

طوپراغک رطوبتی جذب ایتسی — اشبو خاصه نباتاتک
نشو ونماسنه پک فائده لی اولوب هله صیجاق موسملرده غایت
الزم اولدیغندن کیجه لین طوپراغک آلدینی رطوبت کوندز
بوغولنان صویک یری نی طوتار .

طوپراقلرک نه قدر رطوبت چکدیکی آتیده کی واسطه یقینه
ایله اکلە شیلور شویله که غایت قوری وتوز کی اینجه طوپراقلرک
انواعندن اوج قاتلی بر دوز بیاض تنکه اوزرینه (شکل ۱۰)

متساوی المقدار طارتلمش برر طبقه طوپراق یایلوب الته صو.
قونورو اشبو تنکه ۱۵ - ۱۸ درجه صیجاق بر محله وضع ایله
متساویاً استیجاب ایتمک شرطیله اوزرینه قبهلی جام بچوریلور
۱۲-۲۴-۴۸ یاخود ۷۲ ساعت



شکل ۱۰

صوکره طارتیلور ایسه نه قدر رطوبت
جذب ایلدیکی میدانه چیقار .

بالتجربه انواع طوپراقلرک جذب

ایلدیکی رطوبتک مقداری جدول
اتییه درج اولندی .

۵۰۰ درهم طوپراق ۳۶۰۰۰ نقطه مربع بر تنکه اوزرینه
یاییلدینی حالده جذب ایلدیکی رطوبتک مقداری

۱۲ ساعت ۲۴ ساعت ۴۸ ساعت ۷۲ ساعت

	درهم	درهم	درهم	درهم
صواتلی قوم رطوبت الماز
کیرجلی قوم	۱,۵	۱,۵	۱,۵	۱
یاغسز کیل	۱۴	۱۴	۱۳,۵	۱۰,۵
یاغلی کیل	۱۷,۵	۱۷	۱۵	۱۲,۵
کیلی طوپراق	۲۰,۵	۲۰	۱۸	۱۵
صافی کیل	۲۴,۵	۲۴	۲۱	۱۸,۵
کیرجلی اینجه طوپراق	۱۷,۵	۱۷,۵	۱۵,۵	۱۳
ماغزیلی »	۴۱	۴۰	۳۸	۴۳,۵

یانق طوپراق	۶۰	۵۵	۴۸,۵	۴۰
باغچه طوپراغی	۲۶	۲۵	۲۲,۵	۱۷,۵
منبت طوپراق	{ ۱۱,۵	{ ۱۱,۵	{ ۱۱	{ ۸
	{ ۱۰	{ ۱۰	{ ۹,۵	{ ۷

طوپراق رطوبتی ایلک ساعتده زیاده چکوب کیتدکجه ازاله رق نهایت بر قاق کون صوکره هیچ رطوبت المز اولور کذلک کیکه لری زیاده رطوبت چکر سبی دخی کیکه لر کوندز قدر صیجاق اولدیغیدر .

اڤ زیاده رطوبت اخذ ایدن یانق طوپراق قدر کیلرک نه قدر قومی از ايسه اوقدر رطوبت چکر فقط ینه یانق طوپراق قدر آله ماز کیرجلی و صوانلی قوملر پک از رطوبت الدقلرندن محسولسر قوری و صیجاق اولور .

طوپراقلرک غازلری جذب ایتلری — طوپراقلر هواده بخار شککنده بولان صولری جذب ایلدکلی کی غازلری دخی جذب ایتک استعدادنه مالکدرلر .

بو غازلر ایچنده اتیده بیان ایده جکمز وجهله نباتاته اڤ زیاده تأثیری اولان غازمولد الحموضه یعنی هوای حیاتی اولدیغندن اڤ صوکره ایدیلان تجربه لره نظراً هر نوع طوپراغک جذب ایتدکلی مولد الحموضه نك مقداری بروجه آتیدر .

آغیرقلری حسیله طوپراقلرک بهر یوز قسمنک ۳۰ کون ظرفنده جذب ایلدکلی مولد الحموضه

الجي	۲,۷
کیرجلی قوم	۵,۶
ضعیف یاغسز کیل	۹,۳
ایجه کیرجلی طوپراق	۱۰,۸
یاغلی کیل	۱۱
کیلی طوپراق	۱۳,۶
صافی کیل	۱۵,۳
فحیت ماغزیا	۱۷
باغچه طوپراغی	۱۸
یاتق طوپراق	۲۰,۳

غازلری جذب و حفظ ایتمه‌نک فائده‌سی پک ظاهر در زیر
 هواده بولسان مولد الحموضه تخلرک چیمئلریچون و حامض
 فحی ایلله ازوت دخی نباتاتک بسنوب قوتئلریچون الزمدر
 ایسته بوندن طولایی درین چوقورلرده بولنوب قوتدن
 دوشمش طوپراقلر بر مدت قازیلوب هوالندیریلور ایسه
 محصولدار اولور .

مولد الحموضه‌نک حیوانات و نباتات اعضاسنک درجه کمالی
 بولملرینه و تخلرک چیمئلرینه یاردم ایتدیکی بر چوق
 تجربه‌لر ایلله اثبات اولمشدر سوروب التی اوسته کتورمک
 ایلله هوایه کوکس ویرن طوپراقلر هواده‌کی مولد الحموضه‌یی
 جذب ایدرک منبت اولورلر طوپراقلری قازوب سورمک زراعتجه

اك اهم بر ايشدر زيرا مولد المحوضه پك اغير ويالكر بر ايكي
پارمق طوبراغك ايچنه كيرديكي وقت تصادف ايتديكي مواد نباتيه
ايله برلشديكي زمان بر طاقم غاز مركباتي وخصوصيله حامض
فحمي بي وجوده كتورر .

زراعت اولنان طوبراقلرك طبقه لرينه باقيلور ايسه هوانك
تأثيراتنه تصادف ايدن طوبراقلرك چوقور ودرينده بولنان
طوبراقلردن زياده بركتلي اولديغي اكلاشيلور بوكي چوقور
ودريندهكي طوبراقلرك ولو كه مركبات كيميائيه لري درجه
مطلوبه ده اولسه بيله هوانك تأثيراتنه كوكس اچدجه منبت
اوله مزلر .

كيلى ويانق طوبراقلر لايقيه مساماتلي اولدقلى حالده
هوا سهولته تأثير ايده چكندن اك محصولدار طوبراق اولورلر
انك ايچون طوبراقلرك هوانديرلمسى زراعتجه پك مهم وفائده لي
اولوب كرك سورمك وكر ك خندقلر قازمق ياخود اغاج ديكيله چك
اولور ايسه بر قاچ اي اول چوقورلريني اچق ايله شو مقصد
حصوله كلور بو وجهله دائما قازيلان طوبراقلرك فوائد سابقه لرندن
بشقه قوراق رطوبت وهوانك تبدلاتي تأثيراتيله اوفانوب
مساماتي آچيلور وكوكلكر نفوذينه وغازلري اخذ وجذبه ده
زياده قابل ومستعد اولور .

طوبراقلرك حرارتي جذب وحفظده مالك اولدقلى
استعداد — هر دورلو طوبراغك حرارتي اخذ وحفظده اولان
استعدادلري هر حالده وخصوصيله ايلك بهارده نباتاتك اويانوب

بیومسنه پک زیاده تأثیری اولدیغندن چفتجینک نظر دقتنه شایاندر .

میل وطبیعتنه وهوانک حرکات وجریاننه وکوندزک وقت وساعتلرینه نظراً طوپراقلرک درجه حرارتلری مختلفدر بو حکمت تمامیه ولایقیله معلوم اولدیغندن بوبابده بر قاعده مخصوصه تعین اولنه مز ایسه ده ایدیلان تجربه لره باقیلور ایسه اتیده بیان اولنان صنوف اوزره تعین اولنه بیلور .

زراعته صالح طوپراقلرک اک اوست طبقه سنده حرارتک درجه سی کوندز هوانک درجه حرارتندن زیاده وکیجه لین عکسیدر یعنی کیجه لری هوانک حرارتندن اذدر بعضاً یاغمورلر طوپراغک یوزینی هوا دن زیاده صوغوتور ایسه ده چوق دوام ایتیوب بنه درجه سابقه عودت ایدر .

قارک قالینلیغی نه قدر زیاده اولور ایسه اولسون نتیجه سی بر اولدیغندن قار طبقه سی طوپراغی زیاده صوغومقدن محافظه ایدر سوزمز طوپراغک یوزینه مخصوص اولوب ایچنده کی صیجاقلق ایسه قیشین هوا دن زیاده ویا زین آذدر .

طوپراقلرک کونشک ضیا سندن الدقلری حرارتک درجاتنه باشلیجه درت سبب کوسترلر برنجی رنکلی ایکنجی ترکیبات کیمویوله ری اوجنجه درجه رطوبتی دردنجی ضیا نک طوپراقده تشکیل ایلدیکی مختلف زاویه لردر .

برنجی طوپراقلرک رنکلی . طوپراقلرک حرارتی جذبه استعدادلری یوزلرینک رنکندن اکلا شیلور بر طوپراغک رنکی

نه قدر قويو ايسه استعدادی اونسبتده آرتار في الواقع سياه
سطحدر زياده حرارت الوب بياضدن اول ايصنور بياض
بر قابده بولنان كيك حرارتی ۱۶ درجه دن يالكز بر چيرك
آرتوب سياه قاب ايچنده بولنان كيك صيچاقلنی ايسه ۲۴
درجه يه چيقار .

قره طوپراقلرك حرارتی چابوق كچموب ضيانك تأثيری
دوام ايتدكجه صيچاقلنی باقي ودرجه سی يوكسك اولور ايشته
بوسيه مبنی دركه صوايله طولو برجنس فقط بری قره ديكری
بياض كونه قارشو قونيلان ايکی دستيدن بياض دستيده کی
صويك حرارتی سياهده كندن آزدر .

مجرباتنددركه بياض بر سطح سياهه بوياندقده حرارتی جذبه
استعدادی ۵۰ دن ۱۰۰ درجه يه قدر آرتار انك ايچون
باغچوانلر بذليه بقله چيك وسائر بوكي فدانلری چابوق
يتشدیرمك ايچون طوپراغك يوزينه سياه رنگلی بعض شير
مثلا تورب كوللری وكومور توزی كی مادهلر ييارلر كذلك
ايلك بهار ياقلاشدقده تمخلری ایركن اكك ايچون بعض
چفتجیلر قارك اوزرينه كومور توزی اتوب چابوق اريتمك
ايستلر .

اوروپانك صوغوق يرلرنده قرمزى اوزوم اصمه لرینی
الوان طوپراقلره ديكدكلری كی بياض اوزوم اصمه لرینی دخی
دها اول يتشدیرديكيچون رنگسز طوپراقلره ديكمکی عادت
ايدنملر در اك قوتلی شراب قويو رنگلی طوپراقلرك اوزوملرندن

حاصل اولدینی مجربدر پتاتلر دخی طوپراقك رنكنه نظراً
۸ - ۱۵ کون قدر ایر کیچ یشور .

ایکنجی طوپراقلك ترکیبات کیمیویہ لری . طوپراقلك
مرکب اولدقلری اجزانك کیفیت وطیعتلرینه کوره دخی درجہ
حرارتلری تخلف ایدر کیرجلی قوم هر طوپراقدن زیاده
حرارتی جذبہ مستعد اولدیغندن نہایت درجہده اعتبار ایله
سائر طوپراقلك درجہ قابیلتری اکا نسبت اولنہرق جدول
آتی ترتیب اولمشدر .

حرارتی جذبہ استعدادی

صافی کیل	۶۶,۷	۱۰۰,۰۰	کیرجلی قوم
باغچه طوپراخی	۶۴,۸	۹۵,۶	صوانلی قوم
کیرجلی ایغہ طوپراق	۶۱,۸	۷۳,۲	الچی
یانق طوپراق	۴۹,۰	۷۶,۹	یاغلی طوپراق
کیرجلی ماغزیا	۳۸	۶۸,۴	کیلی طوپراق

اشبو جدولدن اکلاشلدیغنه کوره اولاک زیاده ایصینان
قوملر اولدیغندن قوملی طوپراقلر یازین فوق العاده قوری
وصیجاق اولوب کون باتدقدن صوکره دخی خیلی وقت صیجاق
قالور ثانیاً عموماً طوپراقلری ترکیب ایدن مواددن آز ایصینان
یانق طوپراقدر جرمنه نسبة سائرندن از حرارت چکر ایسهده
مقلته نسبت اولدیغنده اک زیاده حرارتی جذب و حفظ ایلدیکی


تین ایدر ثالثاً کیرجلی ماغزیاکه عموم طوپراقلردن کیج ایصینور رابعاً هر نوع طوپراقلرک ایصینوب صیجاق طور مقده اولان استعدادلری ثقلت اضافیهلری درجاتیه متناسبدر یعنی اک زیاده اغیر اولان طوپراقلر زیاده حرارت جذب ایدر لر قوملر کبی که هر طوپراقدن زیاده اغیر اولوب اک زیاده ایصینوب صیجاق طوران دخی انلردر .

اوجنچی طوپراقلرک رطوبتی . طوپراغک یاشلنی درجه سنه کوره ایصنمسنه مانعدر بر جنس یاش طوپراقلر ینه کندو جنسندن فقط کاملاً قوری طوپراقلردن از ایصینور بوجهله برجنسندن اولان یاش وقوری طوپراقلرک یننده کی حرارتک ۶ - ۸ درجه یه قدر فرقی اولدینی کورلمشدر .

ایمدی رنکی آحیق اولان وصوی زیاده طوتان طوپراقلر غایت اغیر ایصینور که مارن ایله قاریشق کیل و کیرجلی مارن بونوع طوپراقلردندر شو حاله نظراً وقتسز یاغان یاغمورلر طوپراغی صوغودوب محتاج اولدقلری حرارتی دفع ایلدیکندن مزروعاتک ادراکئی تأخیر ایدر اوزوملرک اولسنه ۲۴ - ۲۷ درجه حرارت لازم اولدینی جهته اغستوس صوکنده یاغان یاغمورلر طوپراغی سریندوب اوزوملرک ادراکئی کیکیدرر ایدیلان تجربه یه نظراً یشیلک ایله یوزی قابلی طوپراغک ۶۰ پارمق التسه اولان صیجاقلغک درجه سی چیلاق طوپراغک اومقدار عمقده بولنان حرارتدن زیاده در بوفرک سبی

نباتاتك كوكلرى سولرك وبرودتك طوپراغه كچمسنه مانع اولمليددر .

دردنجي ضياء شمسك تاثيريله طوپراغك يوزنده حاصل اولان زوايانك وسعتي . طوپراغك ميلي يعنى اكريلكي حرارتي اخذ ومحافظه يه خيلي تاثير ايددر اجرا اولان تجربه لردن اكلاشليدغه كوره پك دوز طوپراقلر زياده ايصينوب پك باير طوپراقلر اوقدر ايصينمز زيرا كونشك ضيائي دوز طوپراقلره طوغريدن طوغري يه اصابت ايلر .

ايمدى طوپراقلرك ايصنمسنه شودرت سبيلرك اك تاثيريلسي طوپراقلرك رنگ رطوبت وشولكيدر برطوپراق نه قدر خفيف ايسه حرارتي دخي  اونسبتده جذب ايتديكي يوقايرده ذكر اولنديغي كي بوراجقده دخي اودرجهده چابوق وصوي جذب وحفظ ايتكه مستعد اولان طوپراقلرده استعدادلري نسبتده يواش قوريدغيغي بيان ايدرز .

طوپراقلرك سرت وقبيلغي اغيرلقلري نسبتده اوليوب على العموم زياده كيللي طوپراقلر پك قتي وبالطبع زياده درين طوپراقلر زياده ياتق طوپراقلي اوله جقلرندن قازيلوب دريندليان طوپراقلردن زياده منبت صايلور وهر دورلو نباتاته وخصوصيله يومري كوكلي محصولاته فوق العاده موافق كلور .

دردنجی فصل طوپراقلرک تشخیص جنسیله تحلیلات کیمیویه سی

طوپراقلرک تشخیص جنسی — طوپراقلرک خواص و طبیعتلری رنک و اجزاسنی بر برینه نسبتله و یاشقانلغک درجاتیله اکلامق ممکندر .

شویله که رنکلی اسمرجه یاخود صاریه مائل اولوب برقاچ پارمق درین سریخه بولنان و آووج ایچنده صیقیلوب پارمق ایله توز ادلسی ممکن اولان طوپراقلر برنجی درجه ده محصولدار اولور بالعکس طوپراغک اجزاسی بر برینه یاییشق اولمز یاخود پک زیاده یاییشور ایسه قیزدینی کبی چاتلار و یاغمورلر ایله چامورلار انوب آیاقلره وادواته یاییشور که زراعته یرامنر طوپراق غایت کیلی و نمناک اولدینی حالده صبان قازمه بل وسائر آلات حضریه ایله ایجلمیوب بالعکس ایری ایری تزک و کسکلر پیدا ایدر .

صبان ایله دویریلان تزکلر پارلاق اولوبده خیلی وقت سوکره کندو کندویه اوفانمز ایسه طوپراغک کیلی اولدینی و آز و قتده توزالور ایسه کیرجلی یاخود مارنلی ایدوکی اکلا- شیلور یاش ایکن قازیلان طوپراغک تزکلی پارلاق کورنمز ایسه خفیف یعنی قومی یاخود قوم وکیلدن عبارت اولدیغنه دلالت ایدر قازیلان طوپراغک تزکلی قوریوبده چاتلار

ایسه قوتلی ویبوک تڑک یامیان وقوراقده چاتلامیان قوملی
طوپراقلره مشابیه واز چاتلایان قوملردر قازیلور ایکن آوادانلغه
یایشان طوپراقلر زیاده کیلی وبالعکس یایشمیان ویا پک آز
یایشان زیاده قوم وکیرجلی ویانق طوپراقلردر .

آق طوپراقلر اکثریا کیرج و آلچی بی وصاری به یاخود
قرمزی به مائل طوپراقلر حمض حدید ایله کیل وکیرجی حاویدر
سیاه واسمر قره طوپراقلر اکثریا یانق طوپراقلر اولوب فقط
الچاق وبتاق یرلرده کورینان سیاه واسمر طوپراقلر تورلی
طوپراقلردر .

یوقاریده دخی ذکر ی کچدیکی وجهله طوپراق یاقلدیغی
زمان قرارر ایسه یانق منبت وقیزارر ایسه تیمورلی یاخود
اوزرینه سرکه ویا زاج یاغی دوکلدکده قاینار کبی فقردار ایسه
کیرجلی یاخود مارنلی اولدیغنه حکم اولنور .

یاغموردن صوکره طوپراق نه قدر وقت یاش قالور ایسه
قوتلی وتیز قوربیانلر ودیش آراسنده چتردی ایدنلر قوملیدر .
طوپراقلرک بعض نباتات ایله تشخیص نوعی --- خدایی
نابت یعنی کندو کندویه بیتن اوتلر دخی طوپراقلرک جنس
ونوعی چفتجی به طانتدیریه بیلور .

صوک بهار آوجی اوتی قان طامله سی قوقولی چالقیجی اوتی که
اسکی دیوارلرده چیقان یبانی شبویه بکزر وخطه سودا
(شکل ۱۱) صیغیر قویروغی وکوزل ماوی چیچکلر اچار
خیزران فدانلری بولنان طوپراقلر وجوار اورمانلرده قرمزی به

مائل صاری رنگلی زیتون شکلده میوه ویرر ارکک قزلق



(شکل ۱۱ سیفیر قویروغی)

اڭاجی وترلارک جوارنده کی تپه لرده کوچک میشه شقایق
وقیشین چیچک اچان چوبلمه جنطیانه و بیاض اقوزی قولاغی
چشیر و میوه لری یاغ بویامقده استعمال اولسان کوه کی قناری


(شکل ۱۲) بولان يرلرک طوپراقلى کيرجلى اولديغنده شبيه
يوقدر .



(شکل ۱۲ کوهی فناری)

اطراف وجوارنده ييراقلى قورد بوغانه بکزر بياض
دوکون چيچکي و بش عضو تذکیرلى سکود که ييراقلى
ديکیرلرندن زياده يشيل و غایت پارلاقدر و قرمزى يوکسک اوتى
(شکل ۱۳) يبانى اوکوزکوزى وکوزل قرمزى صالحملى مرور

و کستانه اغاجلری بولنان طوپراقلر صوانلی یعنی چاقق طاشلیدر.
 آکر صالقم مروری و قمرزی یوکسک اوتی بولنان طوپراقلرک
 اطراف وجوارنده کی قوریلرده زیاده یبان مروری (شکل ۱۳)
 اولور و حصاد اولسان اکیئر اراسنده صاری پاپادیه چیچکی
 بولنور ایسه اوطوپراقلر ییراق ییراق ایریلور بر نوع کسمه
 طاشلیدر .



(شکل ۱۳ قمرزی یوکسک اوتی)

تپه اطراف وجوارنده دوه طبانی (شکل ۱۴) و یبان
 مروری (شکل ۱۵) بش پارمق اوتی طاپورا دیدکلری
 چوبان طور به سی یاخود اوزون یاشقان یبانی تره وهندبا


یومری کوکلی بورجاق و بذلیه چیچکری شکنده کوزل چیچکری
اچاریر کستانه سی بولنان طوبراقلره کیلی طوبراق نظریله
باقیلور .



(شکل ۱۴ بیان مرهینی)

بالچق طوبراقلر ایسه ۲۵ قدم اوزاقدن تشخیص اولنور
زیرا او یله طوبراقلرده اکثریا صو یونجه سی و دکره متعلق

پوپولاژ دینلان (شکل ۱۷) نبات و مسکيه يا خود کبريت اوتی
وفاره قولاغی بولنور .



(شکل ۱۵ دوه طبائی)

توربلی طوپراقلرک اولکیدن فرقی چوق دکلدر بولنرده
دخی پنپوق اوتی (شکل ۱۸) یبان مرسینی وروصول دینلان
برجنس نبات واکثریا اغاجلرده بولنور برنوع غایت خرده
یوصونلر و بدن و ییراقلری خاوی نباتات یتشور .

قوملی طوپراقلرده دخی یبانی منکشه وقوزی قولاغی
چوق واردر .



(شکل ۱۶ بیان مروری)

طوپراقلرک تحلیلآت کیمیویه سی — طوپراقلرک بر طاقم
روحلر وسائر عملیات ایله هر بر اجزاسنی بشقه بشقه آیرمه
تحلیل دیرلر اشبو تحلیل بمشده چفتجیلرک اکلایوب کندو
کندولرینه یاپه بیله جکاری بر اصول تحلیل کوسترمک کفایت
ایدر دیسه ده بعض اهل فن ومراق طوپراغک کافه اجزاسنی

آیرمق مرادنده بولنور مطالعه سیله اصول تحلیلک جهت فنیه سنی
بوراده تذکاره مجبورز بونکله برابرینه رنجبرلره الویره جک
صورتده قولای وکندولرنجه ممکن الاجرا بر اصول تحلیل دخی
آتیده کوستریله جکدر .



(شکل ۱۷ پوپلاژ)

اجسام بسیطه و مرکبه نه دیمک اولدینغی یوقاریده تفصیل
ایتمشیدک شمدی تکراری اقتضا ایتمز طوپراقلرده موجود
اولان اجسام بسیطه و مرکبه نک بولندینغی نوع و مقداره کوره
خاصه ترکیبه لر دخی تحویل ایدر .

اصل اجزاسی کیل قوم و کیرجدن عبارت اولان طوپراقلر

تحلیل اولندقدہ ترکیاتندہ بعض معدنن چاقاق طاشیلہ
شاب کیرج انکلز طوزی (ماغنزیہ) حمض حدید و بعضاً دخی

حمض مانغاز و مواد املا.

حیدن (خمیت کلس) کیرج

طاشی (کبریت کیرج)

آلچی فوسفوریت کیرج

(*) وکبریت پوتاس ایلہ

مواد حیوانیہ و نباتیہ

بولور .



(شکل ۱۸ پنپوق اوتی)

ایمدی اجزاسی آریلہ جق

طوپراق ترلانک برطر.

فدن دکل برقچ یرندن

و ۶ - ۷ پارمق ایچندن

برر پارچه النور چونکہ

اووالردہ طوپراغک یوزی

بعضاً ایچندہ کی طوپراغک

جنسندن اولور ایسہدہ

چایرلردہ ایرماق کنارلرندہ

وصحرا تپہ لرندہ بر ترلادہ

(*) فوسفور اکثریا انسان و حیوان کیکلرندہ بولنور قرانلقدہ ایشیق کبی
پارلار بعض کیچدل مزارقلدردہ کورینور بونک ایلہ برلوحہ اوزرینہ یازویازلسہ
ویا رسم یاپلسہ قرانلق یرلردہ ضیادار اولور .

اکثریا دورلو دورلو طوپراقلر بولندینی کورلمشدر
اشبو طوپراق نمونه‌لی بر برینه ایوجه قارشیدرلدقدن
وتحلیل اولنه‌جق مقدارینی طارتدقدن صوکره بر قاب ایچنه
قونوب قورودیلور اما یواش یواش قورومتلیدر که طوپراقده
موجود اولان (مواد آله) یعنی نباتات بقایاسی آیریلوب غائب
اولسون زیرا چارچابوق قورودیلور ایسه صودن بشقه‌دها
ضایعاتی اولور قوریدقدن صوکره تکرار طارتیلوب یاشلغنک
آغیرلنی اکلاشیلور بعدۀ اشبو قوری طوپراقده اولان ایجه
وایریجه چاقلر ومختلف طاشلر برر برر ایریلوب بشقه‌جه وزن
اولنور اشبو طاشلرک جنسنی وترکینی اکلامق ایچون طوز
روحنه اتیلور که کیرجی وار ایسه قاینایوب اوچار صوان ایسه
حالیله دیبه چوکوب قالور .

مذکور قوری طوپراق دخی بر مدت صو ایچنده چالقانوب
بر دقیقه و آز اکسیک بر مدت ترک اولندیغده ایچنده بولنان
قوم درحال قابک دینه چو که جکندن سوزیلوب قومی تفریق
ایله قوریدلدقدن صوکره طارتیلور واشبو قوم دخی طوز
روحنه قوندقدۀ کیرجی وار ایسه حل اولور یوغیسه دیبده
قالور .

غایت ایجه اولان طوپراغک اجزاسی وحیوانات انقاضی
قومدن خفیف اولدقلر ایچون قوم کبی سریعاً دیبه چوکیوب
بر مدت صوده قاله جغندن بولنری دخی آیرمق ایچون مذکور
صو کچه یاخود برکاغددن سوزیلور بوسوزیلان صو آتش

کورمیه رڪ حاليله بخاره قلب اولنجه قدر ترك اولندقدہ ایچنده برابر سوزیلوب قلمش اولان معدن طوزلریله اریمش حیوانات و نباتات ماده لری طور تی کبی باقی قاله جفندن انلر دخی طار . تیلور .

شمدی کیروده قلان و چفتجیلرا یچون اهیملی اولان صوی سوزیلوب آیریلان ایجه طوپراقدر صوده اریمیوبده اشبو طو . پراقدہ قلمش اولان حیوانات و نباتات بقایاسنک مقدارینی اکلامق لازمکلور بو طوپراغک بر مقدار معلومی مخصوص برقاب ایچنه قونیلوب رنکی آغارنجه قدر آتشدہ یاقیلور و یاقق ایله ضایع اولان آغیرلنی ایچنده بولنان حیوانات بقایاسیله اوصرده انلر ایله برابر یانمش اولان کیرجک حاوی اولدینی حامض فحمیدن عبارتدر شمیدده حیوانات و نباتات بقایاسنک مقدار صحیحنی بیلیمک ایچون ینه او طوپراقدن یعنی یانماش طوپراقدن مقدما یاقیلان مقدار قدر طوپراق اخذ اولنوب اکثر اجزاییلرده بولنان صوایله قاریشق خفیف و معلوم المقدار صولی طوز روحی ایچنده تحلیل اولندقدن سوکره تکرار وزن اولتور شو موازنده اکسیلان مقدار اولکی ترتیب ایله غائب اولان مقدار دن تنزیل اولندقدہ باقی قلانی طوپراقدہ موجود حیوانات و نباتات بقایاسنک مقدار صحیحی و تنزیل اولنان ایسه حامض فحمی دیمک اولور .

شو آتشدہ اغارتلمش اولان اولکی طوپراغک باقی قلان مقداری بللوردن معنول اوافق یوارلاق برکیمیاجی شیشه سنده

قاینار طوز روحی ایچنه آتلدقده صوان طاشندن ماعدا طور ا. قده نه وار ایسه حل اولور یعنی روحه قاریشور یالکر صوان شیشه نك دینه چوکه جکندن برکاغددن سوزیلوب روحن ایرلدقن صوکره ایمیقدن چکلمش صیجاق صوده ییقانوب قوریدلدقن صوکره طاریلور .

(ثانی فجمیت پوتاس) دنیلان برنوع طوز صو ایچنده ایریدیلوب مذکور طوز روحن ایچنه دوکلدکده اولجه روحن ایچنده اریش اولان مواد ایریلوب دیبه چوکرکه بونلرده حمض حدید اخیر وشاب ایله کیرجدن عبارتدر اگر ایچنده ماغزیا واریسه دیبه چوکیوب روحنه محلول قالور و اودخی طوز روحی قایناتقی ایله دیبه چوکر دیلوب تفریق اولور .

(ثانی فجمیت پوتاس) واسطه سیله اولجه دیبه چوکن شو طور تیلرکه حمض حدید اخیر ایله شاب و کیرجدر کاغذ ایله سوزیلرک ایرلدقده بونلر دها یاش ایکن هراجزاجیده بولنان (پوتاس قوستیق) یعنی یاقیجی کسکین قالیه طوزینی بر مقدار صوده ایریدوب طورقی ایچنه آتیه رق آتشد بر از قایناتقدن صوکره حمض حدید اخیر و کیرج دیبه چو کوب یالکر شاب پوتاسده قالور . بوچو کندی دخی سوزیلوب ایرلدقن صوکره پوتاسک


ایچنه (قلور الماء آمونیاک) دنیلان اجزایی بر مقدار صوده ایریدرک علاوه ایلدیکمزده شاب دخی ایریلوب دیبه چوکر شمدی آیرلیان یالکر حمض حدید اخیر ایله کیرج قالور بونلرده یکیدن قاینار طوز روحنه قونلدقده ایکسی دخی منحل اولور بعده

بوکا بر مقدار نشادر روحی علاوه ایدیلور ایسه حمض حدید
اخیر دیبه چوکر و طوز روحی مقدما یاپدیغمز کبی (ثانی)
خفیت پوتاس) محلولی اینجه قویدیغمزده کیرج دخی دیبه
چوکوب ایش بتمش اولور .


بالاده بیان اولسان اصول اوزره هر بر ماده آیریلهرق
ایوجه قوریدیلوب دقتله و بشقه بشقه طارتملیدرکه طوبراغک
اجزاسی نمقدار اولدینی حساب ایدیلهرک اکلاشلسون .

طوبراغک بو وجهله تحلیللاتنده استعمال اولنهجق اجزا
اهون فیثات ایله هر بر اجزا خانهده بولندینی کبی قوللانیلان
ادوات دخی بهالو دکدر .

ادوات مذکوره دن (شکل ۱۹) شکله کوستریلان الت
کندو اوجاغنه یرلشدرلمش فغفور دن معمول کاسه دروننده
طوبراقلر قوریدیلبور دیکری (شکل ۲۰) اوزون ویوارلاق
وجامدن معمول بیوک برقدحدرکه سوزدیرمه طریقیله



(شکل ۲۰)




(شکل ۱۹)

طوبراقدن قومی آیرر اوجنجی (شکل ۲۱) اوجاغی اوزرنده


اوافق برصراحی کبی کیمیاچی شیشه سیدر طوپراغی طوز
روخنده تحلیل ایچون استعمال اولنور دردنجی (شکل ۲۲)
دخی قباقلی اوافق بر فوطه در باشلیجه طوپراغی یا قق ایچون
قوللانیلور .

اڭ صوکره کی (شکل ۲۳) مذکور فوطه نڭ اوجاغی
اوزرینه وضعی هیئت کوستر .



طوپراغڭ یالکز قوم کیل و کیرجنی آیرمق ایچون قیصه جق
بر اصول تحلیل دها واردرکه بو باده قوللانیلان الت
(شکل ۲۴) شکلده کوستریلان الت اولوب هرکس ایچون
استعمالی قولایدر شویله که ۱- رقیله کوستریلان ایاقلی طبله
دوز برماصیه وانڭ اوزرینه دیی موصقلی ۲- تمیز برشیشه
قونورکه بو شیشه نڭ اغزی منطری اولوب دلیکندن برشیشه
بوری کچورلمشدر موصلغڭ الته دخی ۵۰ پارمق بویده خونی

واری بر بوری قونیلوب بونك الت اوجنه دخی قاؤجق



(شکل ۲۴)

واسطه سیله براکری بوری واشبو اکری بورینك دیگر اوجنه
بویوز واری ۳- آغزی منطری ومنطرك دلیکندن دیرسك
کی خارجه چقمش ۴- برشیشه ربط اولسوب دیرسكك
التنه دخی برشیشه قدح ۵- قونیلور .

بعده اجزاسی ایریله جق طوپراق آتشد اوجنه قورید .
یلوب بونك ۱۰۰ درهمی ۳- رقیله کوستریلان بویوز واری
شیشه نك ایچنه اتیلور اندن صوکره ۲- تمیز شیشه یه سوزلمش
صو ویا یاغموور صوبی قونیلوب موصلنی اچیلور صو موصلغك
التنه کی بوریدن طوپراق قونیلان بویوز واری شیشه یه

آقدجہ طوپراغی تحلیل ایدوب بولانق اولدینی حالده شیشه نك
 دیرسکلی بوریسندن ماصه نك اوزرنده کی قدحه اقرار واقدینی
 صرده طوپراقده اولان قوم شیشه نك چوقور یرندن یوقاری
 حیفه میوب اوراده تراکم ایده جکی وصو آقه آقه نهایت براقلا.
 شدینی کبی طوپراغک کیل وکیرجی قومندن تمامیلہ آیرلمش
 اوله جنی جهته موصلق قبانوب شیشه ده قلان صو دوکیله رنك
 قومی التوب قوریدلقدن صوکره طارتیلور قدحده قلان
 بولانق صو ایسه کیل وکیرجدن مرکب اوله جفندن اول امرده
 وزن اولندقدن صوکره قدحک ایچنه طوز روحی طاملادیلور
 طوز روحی طاملادجہ فحمت کیرج غاز حالده تخر ایدر
 یعنی کیرج بوغولنوب دومان کبی هوایه اغار بوغو کسلدیکی
 انسادہ قدح تکرار طارتلدیغنده اولکیدن نه قدر اکسیک
 کلور ایسه اشبو نقصان کیرجک مقداری دیمک اولوب صوده
 صافی کیل قالمش اولور اولجه قوم طارتلمش صوکرده کیرجک
 مقداری اکلاشلمش اوله جفندن کیروده نه قالور ایسه قدحده
 قلان کیل دیمکدر مثلاً قوم ۲۰ کیرج دخی ۱۰ درهم ایسه
 قدحده صویه قاریشق کیل ۷۰ درهم قالمش دیمک اولور .

اشبو الت بولنمیان یرده بر درجهیه قدر ایکی صو قدحی
 ایچنده دخی طوپراق تجربه اولنه بیلور معلوم المقدار طارتلمش
 قوری طوپراغی بر قدح ایچنه قویوب اوزری صو ایله
 طولدیریلهرق تکرار طارتیلور بعده صویی طوپراق ایله
 قارشدیروب بولاندیریلور صویک صالندیسی کچه جک قدر

ترك اولندقدە ايچىندە بولنان قومی آغیرلغندن طولايى قدحك
 دینه چوکر او حالده قدحك بولانق صوینی اصول ایله دیگر قدحه
 الوب قومی قورتدقدن صوکره طارتوب قید ایدیلور واوتهکی
 قدحه النان صو تکرار طارتیلوب اوزرینه طوز روحی طاملا-
 دیلور روح طاملادقجه قدحدن دومان چیقار تادومان کسینجه
 قدر روحی طاملاتمقده دوام ایدوب بعده قدح دفعه طارتیلور
 اولکی طارتیدن نه اکسمیلش ایسه اکسیکی طوز روحیه بخاره
 قلب اولان کیرجیدر قومك وغائب اولان کیرجك مقداری
 حساب اولندقدە باقی قلانی قدحدهکی بولانق صوده بولنان
 کیلدر .

اوچنچى كىتاب كوبره و مصلحتى بيان ايدر

بر يوزنده ايلك اول ظهور ايدن فدانلر شېه يوقدر كه
 ياشامق ايچون محتاج اولدقلى غدايى هوا و طوپراقده بولمشر در
 ديمك اوليور كه دنياده نباتات ظهور ايتزدن اول حوايجلىرى
 حاضر و تدارك ايدلمشيدى البته جناب حق عالم نباتاتى ير ادينى
 زمان بو عالمك مدار معيشتى دخى خلق ايتمشر نباتاتك غذا
 اتخاذايتدكلى نسه هر نه اولور ايسه اولسون ونه دن تولد
 ايدر ايسه ايتسون بونلره عموماً فشق و كوبره دينور .
 نباتاتك سود اناسى مقامنده اولان طوپراق پشينا ويرديكى
 كىرو الاجنده اميدى بر كالدركندو كندويه بيتن بر اوت
 وفدان بدن يوراق چيچك و ميوه لىنى يتشدير مك ايچون
 طوپراقدن هر نه آلور ايسه اير كيچ ينه كىرويه ويرمكه مجبور در
 طوپراقدن هر نه چيقار ايسه بهمه حال ينه طوپراغه عودت
 اېده جكندن طوپراغك قوتى ضايع دكل بالعكس آرتار زيرا
 ويرديكى شيلردن بشقه نباتاتك هوادن اخذ ايلديكى مواد
 غدايه يى دخى برابر كىرو آلور حاصلى برفدان يتشديكى محله
 دوشوب چورر ايسه طوپراقدن الدينى سرمايه يى فاضيله برابر
 اوده مش اولور بوندن اوتوريدر كه خالى يرلر و اورمان طوپراقلىرى

سنه دن سنه يه قوتليور وانك ايچون ضعيف طوپراقلره
اغاج وچاير ديكيلهرك قوه انباتيهلري آرتريلور فقط شوحال
النان نسنه يي كيرو ويرمك شرطيله در يوخسه كرك نفسمزي
وكر ك حيوانا تمزي بسله مك ايچون طوپراغك يتشديرديكي
نباتاتي الوب كيرو ويرمز ايسه ك بونلرك طوپراقدن قرض
الدقلى سرمايه نك اعاده سنى منع وحقندن محروم ايتمش
اولورز .

ارباب زراعت دفع احتياج ايچون انلره مخصوص تشكيل
اولنان منافع صندوقلرندن جزؤى فائض ايله اچقه استقراض
ايدرلر اكر الدقلى اچقه يي وعده سنده ينه صندوقه اعاده ايتملر
ايسه لى الحاحه بردها صندوقده پاره بوله مينه جقلىر كى براق
سنه ترالريمزدن الديغمزى كيرو ويرمز ايسه ك ارتق انلر دنده
هيچ برشى اله ميه جغمز كون كى آشكاردر بركت ورسونكه
جناب حقك محض لطف وعنايتى اوله رق ممالكمز دنيانك اك
معتدل ومنبت نقطه سنده بولنديغندن ترالرمز كوبره لمديكي
حالده دخى ينه كيله ده ۳ - ۴ يرينه كوره ۵ - ۶ اكين ويره .
بيلور وايك بهار ياغمورلرى معتدلانه ياغار وهوالر اويغون
كيدر ايسه كيله ده ۸ - ۱۰ غنيمت عد اوليور فقط بالعكس
ياغمورلر لايقيله دوشمز وهواده براز قوراق كيدر ايسه
چونكه طوپراقلرده ذاتاً قوت قالمديغندن اكينلر تلف اوليور .
چايرلرك اوتلرى بيچيلوب يرينه كوبره ويريور حالبوكه
كيت كيده محصول اله ميه حق بر زمان كلوركه اولوقت عقلمز

باشمزه کلور ایسه ده نه فائده کی سبب اولدیغمز مضرتک دفعی
ایچون برچوق فداکارقلری کوزه المغه مجبور اولورز .
اک اولیکی دنیایه (امریقایه) هجرت ایدن فرنکله (اوهیو)
یرماغنک سواحلنده بیکلرجه سنه لردنبرو موجود اولان اور-
مانلردن بشقه عصرلرجه دوام ایدوب انسان بویه یتشمش چایرلر
دخی بولملر و بوچایرلرهرسنه یتشوب چورومکده وینه یتمکده
اولدقلرندن خلق اولندقلری زماندنبرو بدن و پیراق چورکریله
بسلمش اولدقلری طوپراقلرک قوه انباتیهلرینی توکنمز ظن
ایتملر ایسه ده الی سنه ودها آزمدت زراعت اولدقدن
صوکره قوتدن دوشوب الیوم بتون بتون زراعتدن قالمشردر
ایشته شومالیدن اکلاشیلورکه اکیلان ترالارک خرج اولنان
کوبره لری کیرو ویرلمز ایسه کیت کیده قوتدن دوشه جکلری
شبه سزدر .

برطوپراغک قوه انباتیه سنی محافظه ایتک محصولک بر
قسمنی ویاخود انک یرینی طوته جق بشقه برشی اعاده سیله
اولور انک ایچون طوپراغه کوبره ویرمک هر حالده الزمدر .
چایر و مرعایلرینی کوبره لیان و سنوی برقاچ دفعه چایرینی
یچوب الان مرعاسنی غائب ایدر حالبوکه حیوانلرینی مرعاده
اوتاران صرف اولنان اوتک برقسمنی حیواناتک اوراده کوبره
براقسیله اعاده ایتش اولور .

ایمدی طبیعته اویق ایچون اوروپالیلر قره صیغیر مایسینی
کوک و اوتلریله بسلدکلری ترلا وچایرلره و یونجه ایله بسلمانلرک

فشقیرینی یونجه لقلره یولاف چودار وآرپه ایله کچینان حیوان کوبره لرله اتمک ییین انسان نجسیرینی اکین وکتان کنویر چورکلریله صمان شالغام وقولژا قبوقلرینی یاغ چیقاریلان نباتات ترلالرینه اوزوم جبره لرله اصمه چپوقلرینی فوچی دیی (طورتی) واسکی اغاج کوللرینی باغله میوه قبوقلریله چور چوپلرینی میوه اغاجلرینه ومطبخ ایله بازار یرلرنده متروک سبزه سپورندیلرینی سبزوات باغچه لرینه ویررلر فقط بوقاعده بی تمامی تامنه اجرا ممکن اولمیدیغدن هر ترلانک ویردیکی محصولک نوعنی وطوپراغک ضایعاتنی نظر دقتدن ایرمیه رق الده بولنان کوبره لری اکا کوره استعمال لازمکلور .

یوقاریده دخی افاده اولدینی وجهله نباتات نشو ونما ایده بیلیمک ایچون محتاج اولدینی مواد غدائییه نك بر قسمنی هوادن ودیکر قسمنی طوپراقدن اخذ ایده جکی جهتله اگرچه رنجبر هوانک ترکیباتنی نباتاتک احتیاجنه کوره تعدیل ایده منر ایهده طوپراغنی اولسون زراعته فائده بخش اوله جق صورته قویه بیلور .

انسان وحیوان ایچون ماکولاته دائر زراعتک حاصل ایلدیکی شیلر مولدالموضه مولدالماء ازوت کومور وفوسفور ابله ده سائر اوراق تفک مواددن عبارت اولوب اشبو موادک تدریج ایله چورومه سندن حاصل اولان حامض خمی صوسیدیک وفشقی ایله برلشور که بونلرک جمله سی یدیکمز ات اتمک سبره میوه وسائرده دن حاصل اولمشدر .

مواد مذکوره ییقلمش بر بنانك مولوزینه تشیه اولنه بیلور
زیرا خراب اولمش بنانك مولوزندن یکی بر بنا یاپیله جنی کبی
انسان و حیوانك دفع ایلدیکی زواند و فضلات دخی طور اغه
قارشیدیریلور ایسه یدیکمزك عینی ودها اعلا نباتات وجوده
کتورر .

آخورلریمزده بولنان چورچوپلرك وقوقش کوبره لرك
اکین سزوات ومیوه یتشدیرمکه یاردم ایدیشی حیرت و تعجبه
شایان دکلیدر نباتات محتاج اولدیغی موادك بر قسمی طبیی
هواده بولوب الور لکن دیگر قسمی طور اغه کوبره یایه رق
وجوده کتورمك بزم ایچون شایان دقت بر ماده اولدیغندن
بو کتابمزده کوبره لرك انواعیله تاثیراتی اوزرینه تفصیلات لازمه
ویره جك ایسه کده کوبره لرك حال و شانیه صورت استعماللری
لایقیله بیلنمك ایچون اول امرده خصوصی بعض معلومات
اعطاسنه مجبورر .

کوبره لرك حال و شانیه تاثیراتی حقنده ملاحظات —
کوبره لرده بولنان محلول یعنی ارمیش ماده لر طوغریدن طوغری یه
نباتاتی بسلا ایسه ده قتی اولنلر بو خدمتی کورمك ایچون
قیزوب یاغسی یعنی چورومسی لازمدرکه مواد اصلیه لری یکدیگرندن
آیریلوب غاز حاصل ایلسون انك ایچون (اجسام عضویه)
حیوانات و نباتات چورککری رطوبت و حرارت هوا ایله ایرکیج
منحل اولور ایسه ده حیوانات اعضاسی نباتاتدن زیاده سهولته
و مواد نباتیه نك قوی و سرت اولنلری پك کیج چورر شو حاله

باقيلور ايسه حيوانات ونباتات بقاياسى سربستجه چورويوب
برى برندن ايرلزدن اول كوبره يرنده استعمال اولنه ميه جنى
اكلاشيلور .

بونلر بريده طويلانوب ييغين ياپيلور ايسه قولاي چورر
بوکا دليل ايتنيلور ايسه متفرق وپريشان اوله رق شوراده
بوراده ترك اولنان چالى چرپي و صمان قيرنديلري خيلي مدت
چورومديكي فقط ييغين حالده سريعا قيزوب و طمارلري چاتلايوب
اطرافه غاز و بخار نشر ايدرك قراروب كوبره يه تحول ايتمسيدر
دينله بيلور .

بونكله برابر كوبره لرك چورومكسزين استعمال اولنماسى
ضرورى دكلدر زيرا طوپراق ايچنده دخي چورويه چكي جهتله
نباتاته دهها زياده فائده سي اولور طوپراقده چوروديكی حالده
تجرايدن حامض فحيمى و نشادر غازي طاغيله جنى يرده طوپراقده
قالوب فدانلري بسلر .

برده كوبره لر فدانلرك احتياجى نسبتنده چورر ايسه
فائده سي دهها زياده اوله جغندن هر نوع كوبره لردن بحث اولنه جنى
صرده بونلرك سريعا چورودلسى ويا كچيكديرلسى حقدنه
بعض فوائد دخي درميان اولنه جقدر .

ترالره ويرهله جك كوبره لر مياننده سرعتله چوروين
آزجه واغير چوروينلري چوقه ويرهيلور بونلرك اركيج تماميله
چوروملري مركب اولدقلري موادك يانمش ويا يانماش اولملرينه
متوققدر كه چفتجي ايچون دفته شاياندر شو مباحثه ده بر چوق

اختلاف افکار اليوم باقى ايسهده مقصدمز ارباب فنونه بر کتاب عرض ايتک اوليوب اهل زراعته معلومات مفیده ويرمکدن عبارت اولديغندن طوپراقلى اصلاح ايدن مواد معدنيه ايله برابر کوبره لرى عمليات نقطه نظريه بروجه آتى بش صنفه تقسيم ايدرك هرصنفى آيرو آيرو فصللر ايله ذکر ايدرز .

برنجى فصل نباتى کوبره لر

برنجى صنفدن صايلان نباتى کوبره لر يشىل اوت وسبزه دکر اوت ويوصونى ميخانه شکر ونشاسته فابريقه لر ينک خورده ودوکنديلى اوزوم الما وسائر حبوباتک جبره وکو . سبه لرى قورى ييراق اغاج طلاشى وچوروکى پلاموط قبوقلى اغاج ودکر نباتاتى کوللرى وسائره دن عبارتدر .

يشيل کوبره لر — يشىل کوبره لر هنوز تاميله تخمه کلکسزين یرى قازيلوب طوپراغه قارشديريلان نباتاته دينور بونوع کوبره پک اسكى وقتدن برواليوم اوروپاده استعمال اولنمقده در يشىل کوبره لر هرطوپراغه کلور ايسهده سرين سرت طوپرا . قلردن زياده خفيف طوپراقلرده وصوغوق مملکتلردن دها ايو صيجاق یرلرده فائده سی کوريلور همده آرابه ايشلميان انکبه لك یرلره ديکیرلرندن دها قولای نقل اولنور .

يشيل کوبره ناميله استعمال اولنان نباتات بوزق يعنى اسكى يونجه قره بوغداى شالغم مردمک صارى وبياض اجى

بقله قولثا طورپ لخته سی اوت قامش وامثالی نباتاتدر یشیل کوبره ایچون یالکز برجنس نباتات استعمال اولنه جنی یرده هر حالده بر قاج جنسی بردن قاریشق استعمال اولنور ایسه دها مقبولدر .

المانیاده یشیل کوبره لری قاریشق استعمال ایدرک پک چوق فائده سنی کوردکلرندن انلرک تجربه لرینه امثال لازمدر . کوبره یرنده استعمال اولنه حق نباتاتک چابوق وچوق یراق پیدا ایدنلری دیگرلرینه ترجیح اولنور وزراعت اولنه حق ترلاره اکیلوب صبان سورمزدن اول سورکی ایله اولایاتریلور یاخود دها ایوسی صبانک حرکنه چپارزلق ویرمامک ایچون اولای بیچیلرک یرنده بر اقیلوب بعده طوپراغه کوملور یشیل کوبره اتخاژ اولنه حق نباتات طوپراغک طبیعته کوره تعین اولنور مثلاً قتی کیلی طوپراقلر ایچون مردمک، کوچک بقله بذلیه قولثا دنیلان برنوع یبانی کلم یبانی شالغم قره خردال ویونجه وامثالی وخفیف وقوملی طوپراقلر ایچون بیاض وال یونجه چودار اجی بقله قره بوغدا ی اسپرکول طورپ وبونلره مماثل نباتات انتخاب ایدیلاور .

اشبو یشیلکی تمامیه چیچکندیکی زمان طوپراغه کومک لازمکلور زیرا چیچکدن اول پک کورک وصولی وقوه انبا . تیه سی اذدر چیچکدن صوکره ایسه سرتلوب کیچ چورویه جکی ککی حاوی اولدینی قلو ی ماده لری دخی از اولور پوتاس فابریقه جیلری فدانلرک بو حالتی تجربه ایلدکلی جهته پوتاس

اخراجیچون زرع ایتدکلی نبتاتی نه چیچکدن اول ییچر
ونه ده صوکره برافورلر .

اشبو یشیلکی زرعدن مقصد طوراغی کوبرملک اولد .
یغندن فداتلر چیچکه کلنجه قدر طوراقدن جزئی برشی
الوب اکثر غداسی هوادن اخذ ایدر چیچکدن صوکره ایسه
طوراغک قوتی چکوب یورمغه باشلر انک ایچون چیچک
آجدینی زمان طوراغه کوملمک اقتضا ایدر بونکه برابر
کوملور کوملمز همان تخم اکمالیدر چونکه اوزرینه سورکی
چکلدیکی وقت کوملان نباتات یرندن اوینایوب یوزه کلک
احتمالی واردر انک ایچون براز چورومسنی بکلمک لازمکلور .
نباتات مذکوره یی مطلقا کومله جک ترلایه اکمک لازم
دکلسدر بوتلارلرک جوارنده دخی اکیله بیلور صوکره ییچلوب
ترلاسنه نقل اولنور از جمله هاوج شالغم طورپ یراقلری ایله
دره کنارلرنده بولان صو سازلرینی بویولده استعمال ایدرلر .
دره وایرماق صولری نه قدر صیغ و نمقدار اقتدیلی ایسه
ایچنده اوقدر نباتات ظهور ایدر بواوتلری ایلك بهار غایت
یشیل ایکن طویلایوب پتاه زرع اولنه حق قوری وخفیف
طوراقلره یررلر وبو نوع محصول ایچون خصوصیه قوراز
سنه لرده یشیل کوبره دن دها الویشلی برکوبره اولدیغنی روایه
ایدرلر واقعا یشیل کوبره طوراغی رطوبتلی طوتار ایسه
محصولک ادراکیله برابر قوتلری دوکنور یعنی هر اکیمه
یکیدن یشیل کوبره ویرمک لازمکلور .

صورت استعمالی دخی شویله در پتاه ترلارنده اولجه درت
 یارمق درین صره ایله خندقلر اچیلوب اشبو یشیل کوبره
 دیبلرینه یاییلور بعده پتاهلر کوبره نك اوزرینه اکر طوپراق
 قوری ایسه البته قونوب اوزرلری طوپراق ایله اورتیلور پتاهلر
 یارم قدم اوزاندینی زمان بردفعه کوبره صوبی ایله شربتنبوب
 هر فدانك دینه طوپراق ییغیلور شو قدرکه یشیل کوبره
 قرق سکر ساعتدن زیاده آچیقده قالور ایسه قوتی ضایع
 اوله جغندن بچلدیکی کبی درحال طوپراغه کومك اقتضایدر.

یشیل کوبره اینانلمیه حق صورتده سریعاً قیزوب طوپراغی
 ایصیده جغندن پتاهلر درعقب چیملمکه باشلرکه بو درجه قوت
 وسرعت سائر کوبره لرده بولنمز بوندن بشقه طوپراغك رطوبه
 بتی محافظه ایتمکه پتاهلری خفیف طوپراقلرده مضرت فوق
 العاده سی اولان قوراقدن قورتارر یشیل کوبره نك قوتلی
 طوپراقلرده او قدر فائده سی کورلمز ایسه ده خفیف طوپراقلرده
 خصوصیه قوراق سنه لرده فوائد عظیمه سی انکار اولنمز .

ساز قامش چشیر قاطر طرناغی چام صنوبر داللری دخی
 یشیل کوبره یرینی طوتار فقط سرت اولدقلرندن خرده خرده
 ازوب اوفالتمق ایجاب ایدر قولایلق اولق ایچون آراهه وبارکی
 کرن وکچن یوللره وچفتلك حولیلرینه یاییلوب تکرلک وایاق
 التده چیکتمکه دخی ازمک ممکندر .

یشیل کوبره لرک براکیمدن یعنی برسنه دن زیاده قوتی
 اولمیدیغی ادعا ایدرلر واقعا معتدل اقلیم وخفیف طوپراق

وقوراق سنه لر ايله كوكلرى پك درين كيتيمان فدانلر حقنده بوادعا
 طوغرى ايسه ده رطوبتلى وصوغوق اقليملر وسرين طوپراقلر
 ايله ياغمورلى سنه لرده وكوكلرى درين كيدن فدانلر حقنده
 طوغرى دكلدر شوقدر واركه يشيل كوبره لر طوپراق
 واقليملى مساوى اولان برمحلده متنوع نباتاته ويريلور ايسه
 نتيجه سى براوله مز چونكه بوغداى ترلاسنه ويريلان يشيل
 كوبره نك قوتى آز دوام ايتديكى حالده باغلره ويريلانلرك
 قوه انباتيه لرى خيلى مدت سورر سببى دخى اصمه كتو-
 كلرينه ويريله جك يشيل كوبره درين كوملديكدر بوغدايلره
 ويريله جكلر ايسه از درين كومله جكندن قوتى دوامسز اولور .
 برده يشيل كوبره لره چفتلك كوبره لرينه نسبة يارم كوبره
 نظريه باقيلور حالبوكه اويله دكلدر يشيل كوبره كرچه بعضاً
 يارم كوبره يرينى طوتار ايسه ده بعض دفعه تام وبلكه ايكي قات
 كوبره خدمتى كورر صيق كيلى طوپراقده وياغمورلى سنه ده
 يشيل كوبره باركير فشقيسنك درتده وحتى سكزده بريرينى
 طوته مز فقط خفيف كيرجلى طوپراقده قوراق سنه لرده باركير
 فشقيسنك مضرتى كوردليكى حالده يشيل كوبره نك پك چوق
 فائده سى اولور .

پانجار هاوج شالغم طورپ پتاته وير الماسى كى كوكلرچون
 زرع اولسان نباتاتك دخى ييراكلرى هم يشيل كوبره وهمده
 اوتدن صاييلور برجريب يرك پتاته ييراق وبدنلرى همان ۸۰۰

قیه قوری کوبره حاصل ایدر واو قدر یرک پانجار یراقلری
دخی قوری اولدینی حالده ۲۶۰۰ قیه بالغ اولور .

یشیل کوبره لر الدقلری مواددن زیاده طور اغه مواد
نافعه اعاده ایدر لر بو استعداد لر یله برابر طور اخی سرین
طوته رق دائما رطوبتی محافظه ایلر قور اقلرده کیرجلی قومی
صوانلی وکسمه طور اقلری اکثر یا کورلمکده اولان تعطیل
قوتدن صیانت ایدر شو قدر وارکه بوشیلک بعض
حوامض ظهورینه سبب اولدقلرندن طور اخی اکشیدر کیرجلی
طور اقلره کرچه بو او یغونسزلق او قدر تاثیر ایتمز ایسه ده
قوتلی کیلی وکسمه طور اقلرده وقوع بولور انک ایچون یشیل
کوبره لر بر از کیرج یا اغاج کولی یا خود بار کیر کوبره سی
قارش دیر یلور ایسه بو او یغونسزلق زائل اولور .

یشیل کوبره لرک باشلیجه فائده لری و بزجه اک قیمتلیسی
نباتاتک طعمنی و کندولرینه مخصوص اولان لطافتی اصلا
بوز ماملر یدر که شایان اهمیتدر .

نباتات مذکوره نک قوه غدائیجه زنکینلکلرینک درجاتی
بیلنمک ایچون حاوی اولدقلری آروتک مقداریله بهر جریبه
نه مقدار یشیلک کومک لازمکه جکی جدول اتیده کوسرلمشدر .

بهر جریب ایچون	ده	قیه
ازوت		
خشخاش یراخی	۱,۹۳	۱۳,۶۳۰
« هاوج	۰,۸۵	۱۴,۱۰۰

قوژا پیراڻی	۰,۷۵	۱۵,۹۹۹
« مادیا	۰,۵۷	۲۱,۱۳۵
« پتانه	۰,۵۵	۲۱,۸۱۶
خدای مرعا چاری	۰,۵۳	۲۲,۶۴۱
پانجار پیراڻی	۰,۵۰	۲۴,۰۰۰
آچقده قوریش قره بوغداي	۰,۴۸	۲۴,۹۹۹
قوری یونجه کوکی	۱,۶۱	۷,۴۵۲

دکر اوتلری — ساحل قیالری اوزرنده یایشق بر طاقم اوتلر بولنورکه بوللری طالغله سوروب کناره کتوردکلرندن ساحله جوار کویلولر طوبلایوب استعمال ایدرلر بواوتلر یشیل کوبره صنفندن ایسهده مرکبات کیمیائیه سی اولکیدن فرقلی اولدیغندن بوندن دخی ابروجه بحنی مناسب کوردک .

دکر کنارنده طوبلنلر اوتلر قیالردن قوباریلان اشنه ویوصونلر قدر مقبول دکلدر چونکه صوایچنده یوارلانمقله جوهر تغیری غائب ایتمش اوله جفندن کناردن النالر اولجه حیوانات الله یاییلوب صوکره قوللانیلور اما صولر چکلدیکی وقت قیالردن قوباریلان اوتلر درعقب استعمال اولنه بیلور اگرچه نظریات یعنی کتابلر بو ترجیحی تعیین ایتیمور ایسهده عملیات یعنی تجربه بو سوزمزی تصدیق ایدر پک تازه اولمدینی حالده دیگر نباتات کوبره لرینه ترجیح اولنور .

بو کوبره لر کتان کنویر وآرپه ترلارینه کوملور ایسه برکتلی محصول النور حتی اوسکوللری جوق وصاغلام اولور .

انكلتره سواحله پك چوق زماندنبرو استعمال ايديورلر
وبونلر ك يارديميله قوتدن دوشوك هر نوع ترلاريني محصولدار
ايلورلر ايرلاندهده همان بوندن بشقه كوبره استعمال اولندي
يوقدر حتى آق دكر ياليرنده دخي قوللانيلور چايرلر ك طعمي
لذيذ ايديور پتاهلري سائر كوبره ايله كوبره لي ترلار ك پتاهلرندن
ايري اولور و لختهلر ك دخي لذتلي اتريور .

بعض يرلرده قوريسي دخي استعمال ايدرلر ايسهده ياش
اولديني حالده بهر جريه ۱۶ - ۲۰ انبار ويريلور كه ۳۰۰۰۰
قيه كوبره يريني طوتار فقط بو اوتلر ياشيل كوبره لر كي
طوغريدن فدانلره ويرليوب طوپراغه كوملور زيرا پك طوزلي
اولدقلرندن فدانلره تماس ايدر ايسه ضرر ويرر برده طوپراغك
قوة انباتيه سي تعطيل اولماق ايچون دفعه چوق ويرليوب آزر
آزر ويرلملدر اكر طوپلانلديني زمان استعمال اولميه جق ايسه
طوپراق كيرج ياخود كوبره ايله قارشديروب ييغين ياپيلور
ولزومنده مخلوط كوبره كي استعمال اولنوراك ايو يوليده بودر
چونكه بزم چفتجيلر بو كوبره يي استعماله ايشقين اولدقلرندن
يالكر قوللانمغه واز دقتسزلكه محصوللريني برباد ايدرلر انك
ايچون بشقه كوبره بولمديني و ضروري قوللانمغه مجبوريت
كورلديكي زمان يقينه ديديكمز كي طوپراق كيرج و بشقه
شيرله قارشديره رق و بر مدت ييغين حالده طوته رق صوكره
استعمال ايتلمدر .

دكر اشنه لر ينك انسجهلري پك كوشك اولديغندن سهولته

چورر ترکیباتنده براز دکر طوزی پوتاس وسولفات ده پوتاس واردر وایچنده بر چوقده کوچک بوجک و صدف قبوقلری بولنور موسم استحصالی دخی مارت ونیسان آیلریدر چونکه اندن اول پک چوق بالقی یومورطه لرینک مسکنی اولمغله اولوقت قوپاریلور ایسه یومورطه لر تلف اولور قوتی سنه سنی تجاوز ایتدیکندن هر سنه تکرار ویرلمک لازمکلور .

بو اوتلر سائر طوپراقلردن زیاده رطوبتلی طوپراقلره ایوکلور همده بارکیر کوبره سی ودکر قومی وکیرج ایله قارشیدیریلور ایسه ده ااعلا اولور حاوی اولدقلری ازوت والقالینجه دیکرلرندن اوستوندر مرکباتنده اتی المقدار مواد بولنور .

مواد عضویه	۷۴,۲۴
سوده وپوتاس	۹,۱۶
حمض حدید وشاب	۵,۱۰
خمیت کیرج وماغغزیا اثری	۳,۳۰
صوان (سلیس)	۸,۲۰
	<hr/>
	۱۰۰,۰۰

تخم وکوسبه لر — دانه لرده دخی مواد آزوتیه ونباتیه وفوسفات واردر که (رشیمی) کوزینی بسلیوب قلزلدیرن بوماده لردر انک ایچون بونلر دخی کوبره یرنده قوللانیله بیلور . بعض یرلرده اجی بقله دانه لرینی قوه انباتیه لرینی دفع ایتک یعنی کوزینی کورلتمک ایچون حقیفجه قاوروب یاخود قاینار

صویه اتوب سنوی اکیئلرده کوبره کبی قوللانورلر اغاجلری خصوصیه لیون پورتقال انواعی وزیتونلری کوبره ملک ایچون دیلرینه کومرلر بر جریب یره همان ۴۰۰۰ قیه دانه کفایت ایدر .

یاغ چیقاریلان نباتاتدن قولژا یبانی شالغم کتان کنویر خشخاش کتانجک تخمیری مادیا یر فستق دانهلری جوز قاین قوزالاغی و سائر یاغلی تخم و چکردکلرک صیجاق و قوری طوبراقلرده دکل ایسهده صوغوچه ورطوبتلی طوبراقلرده پک زیاده فائدهلری کوریلور فقط کوبره یرنده استعمال اولنه حق بوکبی دانهلرک اکثرینک یاغی تامیله چیقارلمدیغدن یاغلری نه قدر چوق اولور ایسه قوتی دخی اوقدر از اولهجنی کبی اکیلهجک تخم ایله قارشیدیریلور ایسه تخمیرک چیململرینه مانع اولور انک ایچون یاغلرینی تامیله چیقارمق اقتضا ایدر .

بونکله برابر اشبو تخم و چکردکلر جنسلرینه کوره یکدیگرندن فرقلیدر مثلاً یر فستقنک کوسبهسند ۱۰۰ ده ۸,۳۳ ازوت بولندیغی حالده فک خلاقی اولهرق ۲,۴۹ ازوتی حاوی اولان قولژه کوسبهسی قدر قوتی اولمدیغی روایت ایدیورلر . انکلتزه فرانسه و بلجیقاده بو کوسبهلری پک چوق استعمال ایدرلر وایکی صنفه آیدرلر بری صیجاق کوسبهلرکه خشخاش کتانجک وکنویر کوبره لیدر بونلرک تأثیری سریع اولدیغی جهتله بر سندن زیاده طیانز دیکری قولژا ایله کتان کوسبهلیدرکه صوغوق کوبره لردن صاییلوب یواش یواش

تاثیر ایلدیکندن صیجاق کوسبه لردن زیاده یعنی قوتی ایکی سنه دوام ایدر .


کستان کوسبه سی قولژادن دها زیاده تأثیرلی اولوب دیکرلری ایسه اوقدر اینو دکدر کنویر (کندیر) قاین یرفستی و صوسامککیلر اشاغی کوبره لردن صاییلور .

بزه قالور ایسه یاغلی دانه کوسبه لری اصل کوبره یرنده دکل یاردجی کوبره لردن صاییلدر زیرا صوغوقدن بوزولان اکین ترلارینه یاخود برنجی دفعه کوبره ویرلمش اکینلری چابوق او یاندیرمق و قوتلرینی آترتمق ایچون یالکز اوله رق ایلك بهارده ویریلور کوسبه لر مخلوط یعنی بری دیکرینه قاریشق اولیه . رق استعمالده دخی فائده لری اولور ایسه ده فرانسه و بلجیقا چفتجیلرینک استعمال ایلدکلی کبی حیوانات سیدیک و فشق صولریله قارشیدیریله رق ویریلور ایسه چوق فائده سی کوریلور هر جریبه علی العاده ۸۰۰ — ۱۰۰۰ قیه ویریلور ایسه ده توتون وایجه کتان ایچون صولی کوبره لردن بشقه مقداری ۱۲۰۰ — ۱۶۰۰ اوقیه قدر اتریلور .

حیوان سیدیکی و موردار صولر ایله قاریشق استعمال اولنه بیلور ایسه ده کرك ازیک و کرك توز ایکن تخم ایله قارشیدیریلوب ترلایه صاحبامیلدر ایدیلان تجربه لر اوزرینه ایکی صورته استعمال ایدیورلر بری کوسبه لر دکرمنده ویا اکین خرمانلرنده دوکن ایله ازیلوب توز ایلدکدن صوکره ایلك بهار هنوز او یانوب چیملمش اکین اوزرینه ویا اکیندن

اول ترلاره صاچیلور فقط تخمدن اون اون ایکی کون اول
 صاچلملیدر چونکه توز کوسبه کونش کورمکسزین تخملری
 صارار ایسه چیملمسنی بتون بتون منع ایدر دیکری دخی
 بوکوسبه لری صو یا سیدیک یاخود کو بره صولریله طولوفوچی
 ایچنه اتوب صولی اولدیغی حالده آرابه ایله ترلایه نقل ایدیلهرک
 اوزون صاپلی قوغه وچامچاقلر (شکل ۲۵ — ۲۶ — ۲۷)
 ایله یاغمورکی صاچیلور شو حالده تخملرک چیململرینه
 اصلا خلل کلز بعض یرلرده اکیلی مصر اولکلرینه دخی
 نشر ایدرلر .

هوا ورطوبت کورمکسزین تخملره اولان



سوء تأثیراتی کوسبه
 دانه لرنده قالمش اولان
 یاغه اسناد ایدیورلر
 بونک صحتی فقره آتیه دن
 اکلا شیلور شویله که
 بر چتغی انبارنده
 بولنان رنکسز صولوق
 بوغدای خیفجه یاغلی
 برکورک ایله کورکلیوب

(شکل ۲۵ — شکل ۲۶ — شکل ۲۷)

پارلاقمش اولدیغندن مشتریسنک کوزینه ایو کورنمکله تخملق ایچون
 ساتون الور حالبوکه اکیلدکن صوکره حیقمدیغندن مشتری

حيله يي اكلايوب دعوا ايدرك بوغدايك پاره سيله برابر ضرر وزياني صاتانه حكم ايتديرمشدر .

كوسه لر اكثريا قالي وياش هواده ترلاره صاحيلور و صا .
چلدقدن صوكره ياغمور كورر ايسه پك اعلا اولور خالص
وخفيف طوپراقلره پك ايو يرايور ايسه ده سرت وكيلى طوپرا .
قلرده او قدر فائده سي كورليور لكن استعمالندن ۸ — ۱۰
كون اول ثقلنك التيده برنسبتنده كيرج ايله ايوجه قارشديريلور
وياسيديك وصولي كوبره لر ايله برابر ويريلور ايسه كيلى
طوپراقلره دخى فائده سي اولور .

ميخانه شكر ونشاسته فابريقه لر ينك قوقش بولاشق صو
وجبره لرى دخى كوبره در فقط جبره لر اكثريا حيواناته يدير .
يلوب انلرك فشقىلرى كوبره يرنده قوللانيلور حيواناته
يديريلاندن ماعداسى يعنى قيزوب يه يراميانلرى دخى كوبره
يرنده خفيف طوپراقلر ايچون استعمال اولنه بيلور يالكر
اكشيلكى دفع ايچون سوكمش كيرج ياخود اغاج كولى ايله
قارشدير مق لازم كلور كول كيرج بولندينى وقت حيوان
سيديكى صابون صوبى ياخود بر قاج هفته حيوان فشقيسيه
قارشق طوتيلور ايسه ده اعلا اولور .

نشاسته فابريقه لر ينك بولاشق صولرى وپتاته جبره سي
دخى كوزل كوبره ير نى طوتار بر چوق سنه لر دنبرو نشاسته
فابريقه لرى صولرندن بشقه كوبره ويرلماش اولان بر قطعه
طوپراق قوه انباتيه نك درجه غايه سنه واردينى كورلمشدر

اگرچه اشبو طوپراقده اكين صاپلری دائماً یاتمقده اولدیغندن
اوتوری حبوبات زرع اولته میور ایسه ده پک اعلا سبزوات
یتشدیکی تصدیق ایدیورلر .

پتانه نك اسپرتوسی الندقدن صوکره قلان جبره سنك پتانه
ترلارینه چوق فائده سی واردر ایکی سنه متمادیا پتانه مزروع
برتر لایه اوچنجی سنه دخی پتانه اکیلوب بوجبره ایله صولانمش
اولدیغی حالده ۴۱۰۰ ارشون یردن ۶۰۰۰ قیه حاصلات
النمشدر بوکوبره خفیف قوملی طوپراقلره پک الویرشلی ایسه ده
سرچه قوشلری وطرطیللردن محافظه ایچون درعقب طوپراغه
کومک اقتضا ایدر .

عمر اوتنك آرپه صوینده استعمال اولنان فستقلری دخی
چایر وترلاره چوق یرایور ایسه ده ینه عمر اوقی ترلارنده
استعمال ایتک ایودر .

یرا ایچون صوبی النمش آرپه دانه لری دخی آرپه وبوغدای
ترلارینی کوبره ملک ایچون غایت مفید یاردجی کوبره اوله
بیلور بعض یرلرده بهر جریب ایچون ۳۰ — ۴۰ انبار
استعمال ایدرلر .

اوزوم ومیوه جبره لری — شراب یاخود الما صوبی یایمق
ایچون منکنه لرده ازیلوب صولری النان اوزوم ومیوه
جبره لرینك فن زراعت قواعدینه تطبیق آینه یرلرینه اعاده سی
اقتضا ایدر فرانسه نك بعض محللرنده باغلره اوزوم
جبره سندن بشقه کوبره ویرمزلر بو جبره نك شراب بکمز

وسائر اعمالاتك لطافت و ترا كنده فوائد عظيمه سی كورلدیكنده
شبهه یوقدر انخیر اغاجلرینه دخی ایوكلور دیرلر كذاك كوبره
وبتقلق قامشلیلله قارشدیروب زیتون اغاجلرینه ویرلرله
طوپراقده سریعاً چورر .

الما وارمود شرابلرینك جبره لری دخی میوه باغچه لرنده
طبیعی كوبره یرینی طوتار فقط اكشیلكنی دفع ایچون کیرج
اغاج کولی و حیوان فشقیسی قارشدیردقدن صوكره كوزین
اغاجلرك پیراقلری دوكلدیکی زمان دیبلری برازقازیلوب كوملور
اغاجلرك كوكلری رطوبت و مواد غدائیه بی كندویه چككلكری
جهتله بوجبره لری یالكز دینه كوموب طوپراغه یایق اقتضا
ایتمز .

چورك میوه لر دخی كوبره یرینی طوته جفندن بونلر یبانه
اتلمیوب بركنارده جمع و حفظ اولندقدن صوكره کیرج یاخود
اغاج کولی ایله قارشدیروب یاخود اره صره كوبره صولریله
شربتلیوب قاسمدن صوكره میوه اغاجلرینك دیبلرینه
كومرلر .

قهوه جبره سننده دخی ۱۰۰ ده ۱،۸۵ ازوت و ۱۶،۲
حامض فوسفوری و ۲۳ خمیت کیرج اولدیغندن بو دخی
كوبره دن صایلور وایکی اوج سنه فائده سی كوریلور .
سالف الذکر كوبره لك حاوی اولدقلری ازوته نسبة
مقدار استعمالی جدول اتیده مندرجدر .

بهر جریب ایچون		
قیه	یوزده ازوت	
۲۶۴۰	۴,۵۱	صوبی الخمش ارپه دانه لرنده
۳۴۲۰	۳,۴۹	خاشلانوب قوریدلمش اجی بقله دانه لرنده
۶۵۵۵	۱,۸۳	اچیقده قوریمیش اوزوم جبره لرنده
۷۰۱۷	۱,۷۱	--
۱۶۲۶۰	۰,۷۳۸	اچیقده قوریمیش زیتون چکر دکلرنده
۱۹۹۹۵	۰,۶۰	اک اعلا عمر اوتی جبره سنده
۲۰۳۳۷	۰,۵۹	اچیقده قوریمیش الما جبره سنده
۶۴۶۶	۱,۸۵	قهوه جبره سنده

قوری پیراقلر — نباتاتک یشیل قطعه لری قوری وخشی
 قطعه لرندن دها مقبول وقوتلی کوبره اولدقلری درکاردر
 ابرکتی اوتلری تخمه کلدیکی ومرسین پیراقلری آرتق بیومکدن
 قالدینی وقامشلر ایوجه یاندینی وسائر تازه ویشیل سبزه دوکندی
 وسپورندیلری موجود بولندینی حالده کوبره یرنده استعمال
 اولمیدینه و نباتاتک دال بوداق کی قوری قطعه لرینه اهمیت
 ویرلمدیکنه تعجب اولنور .

صوک بهار نهایتنده قوری پیراقلری طوپلایوب حاضر
 ایدیلان برچوقوره جمع ایله حالیه ویاخود اراسره بولاشق
 چرکاب وچاشور صولریله صواریلوب چورودلدیکی زمانده نازک
 فداتلر وخصوصیه چیلک وچاوش اوزومی آصمه لریچون

پك قيمتدار بر كوبره اولور اوروپاده چام و صنوبر اغاچلر نك قورى پيراقلىرى دخی غایت مقبول كوبره دن عد ايدرلر .

اورمان جوارلر نده بولسان كويلولر صوك بهارده دوشن اغاج پيراقلىرى بريكديروب بوللردن پك چوق استفاده ايدرلر ايسه ده بو حال اورمانلر ك قوه انباتيه سنه ضرر ويره جكندن يعنى بو پيراقلر اورمانلر ك كندو كوبره لرى اولديغندن طوللا .
مق جائز دكلدر .

برده هر اغاج پيراغى بلا تفريق بر قوتده اوله من جوز پيراقلىرى پك آجى اولديغندن استعماله يرامز لكى جوزلر ايچون فائده دن خالى دكلدر قواق پيراقلىرى صوك بهارده ستر ايتدكلرى چايرلر ه مضرت و ير دكلرى كوريلور بو خصوصه ارباب تجربه جمله متفقد ر انك ايچون قواق پيراقلىرى طوللا نوبده كيرج كول و يا چركاب صولريله قارشديريلور ايسه هم اعلا بر كوبره استحصال اولنش و همده چايرلر شو مضر اورتيدن قورتارلش اولور .

اوقومشلىرىمىز ك بعضيسى كوبره لرده نه قدر زياده ازوت بولور ايسه قيمتلى او درجه زياده اولديغنى افاده ايدرلر شو حاله باقيلور ايسه ميشه پيراقلىرى نك قيمتى قره اغاج پيراقلىرى قدر اولمايلير چونكه قره اغاج پيراقلىرى ميشه پيراقلىرى نك زياده ازوت واردر حالبوكه اصحاب تجربه بو فكر ك عكسنى اثبات ايديور انلر ديورلر كه ميشه پيراقلىرى قره اغاج پيراقلىرى نك

دها زیاده قوتلیدر بزده دیرزکه تجربه نظریاتدن اوستون اولدیغندن ارباب فندن زیاده اصحاب تجربه یه اعتماد ایتلیدر .

قوری یراقلر قیش اورته سنه بر اقلمیوب صوک بهار نهایتده طویلانلملیدر زیرا یراق یرده نه قدر مدت زیاده قالور ایسه اونسبتده قوتدن دوشر قوری یراق ایله قاریشق کوبره لر هر طور یراق ایچون ایودر .

آتی الذکر اغاجلرک دال و یراقلرنده بولنان آزوتک وهر جریبه اعطاسی لازمکلان یراقلرک مقداری شودر .

بهر جریب اییون	قیده	ازوت ۱۰۰ ده
۶۸۷۰	۱,۷۴	احیقده قوریمیش اکرتلی اوقی یراغی
۸۸۲۰	۱,۳۶	ارمود اغاجی یراغی
۹۸۳۴	۱,۲۲	قاطر طرناغنک بدن و یراقلری
۱۰۱۹۴	۱,۷۷۷	قاین کورکن یراقلری
۱۰۲۰۰	۱,۱۷۵	میشه یراغی
۱۰۲۵۴	۱,۱۷۰	چشیر دال و یراغی
۱۵۹۹۹	۰,۷۵	تازه قامش
۱۶۶۴۱	۰,۷۲۱	آقاسیا یراغی
۲۲۳۰۲	۰,۵۳۸	قواق یراغی
۳۲۴۳۰	۰,۳۷	قوری یر الماسی بدنلری
۴۴۹۴۳	۰,۲۶۷	چورک بوزق قامش

چوقور کوبره سی — فرانسه نك بعض محللرنده اكين
 ترلارلنك كافه سنه كفایت ایده جك درجه ده کوبره تدارك
 ایده مدكلرندن او حوالیده حیوان فشقیسی یرینه ترلار ایچون
 یبانی وسپورکه واکرلئی اوتلری ودها سائر نباتاتك بدن وچو.
 ركلرنی برچوقوره بریکدیرهك فشقی بولاشق وصابون وسائر
 کیرلی صولر ایله صولایوب سوقاق سپورندیلری انسان حیوان
 نجاستی اسکی حصیر پارچه لری اوجاق قورومی کیرج آلچی
 والحاصل هر دورلو شیلری بونلره علاوه ایدرك مخلوط بر
 کوبره پیدا ایدرلر واشبو مخلوطی برقاج کونده بر ارا صره
 سديك وفشقی صولریله اوج دفعه صواروب بش التی کون
 ظرفنده قیزه رق عادی کوبره قوقوسی نشر ایدر اوج دفعه
 صوارلدقدن صوکره کوبره نك قیزغینلی ۷۵ درجه یه وارر
 ایچنده کی شیلر سرت وقتی دکل ایسه اون بشنجی کون استعمال
 اولنه بیلور وار ایسه اوج هفته پاخود برآی انتظار اولنور
 ایوجه چورودکده سبزه وبستانلر ایچون اعلا کوبره اولور
 بو ترتیب یالکر فرانسه ده دکل بزده دخی اکثر بستان باغچوانلری
 بویولده چوقور کوبره لری استعمال ایدرلر

اڭاج ویحقی طلاشی چورکی پلاموط قبوغی تورپ کول —
 بزده شمديکی حالده استعماله احتیاج اولمیان اڭاج طلاشی اورو.
 پالیر حیوانات سديکی ولغم صولریله چورودوب کوبره یرنده
 استعمال ایدرلر.

مرور زمان ایله اسکی اڭاچلرك ایچی چورویوب غایت

اعلا يانق طوپراق حاصل اوليورکه باغچوانلقده پک چوق قوللانورلر فقط زراعته الويره جک قدر نادر بولنور پلاموط قبوغی دخی باغچوانلغه عائد برکوبره اولديغندن بوراده نه کردن صرف نظر اولنمشدر .

تورپ مصلحاتدن معدود اولديغی جهتله مصلحات معديه میاننده ایلروده ذکر اولنه جقدر .

اوجاق قورومنی دخی کوبره یرنده استعمال ایدرلر ايسه ده جزئیات مقوله سندن اولوب فقط سائر کوبره لرك اکشیلکی کیدرمک ایچون استعمالنی توصیه ایدرز .

کوللره کلنجه بوللرده سوده پوتاس کیرج ودها سائر برطاق مواد غذائی و مصلحه بولنديغندن یبانه اتلمیوب حفظ ایله استعمالی اهدر یاز قیش کوی و چقتلکلرده یاقیلان بونجه اودون و کوموردن سنوی خیلی کول بریکورکه کوبره یرنده اتیده تعریف ایده جکمز یولده استعمال اولنور ايسه خرج اولنانک ۵ - ۱۰ قاتی تضمین ایدر کولی خارجدن تدارکه حاجت یوقدر زیرا کیجه کوندز اوجاقلر کول ایله طولار مصرفه حاجت براقز کند و کندویه اله کلور زنکین برکوبره در ایوجه دوشونیلور ايسه کولک قیمتی اکلاشیلور .

کول ندن حاصل اوليور؟ اودوندن، یا اودون نره دن؟ البته طوپراقدن، ديمک اولورکه اودون یعنی اغاج طوپراقدن نه المش ايسه تماميله کولنده موجود اوله جفندن کول اک زنکین کوبره لردن صایلسه سزادر طوپرانی هم اصلاح ایدر و همده کوبره لر

مرکباتنده صوده اریر واریمز اتی الذکر مواد معدنیه واردر .

اریمیان مواد	اریمیان مواد
فحمیت پوتاس	فحمیت کیرج و ماغزیا
» سوده	فوسفوریت کیرج و ماغزیا
کبریتیت و فوسفوریت پوتاس	محرق کیرج و ماغزیا
قلورورده سودیوم (دکرتوزی)	سلیس
وپوتاسیوم	

سلیسیت پوتاس	حمض حدید و مانعاز
» سوده	منقسم کومور

شواییکی صوی موادك مقدارى دخی کولی ترك ایدن
 اغاجك جنس ونوعنه کوره تخلف ایدر .
 اتی الذکر اغاجلك ۱۰۰۰ قسم کوللرنده صوده اریمیان
 واریمیان موادك مقدارى شو جدولده محرردر .

اریمیان	اریمیان
۵۰۰	چام چرا
۱۰۸	۸۹۲ اخلامور
۱۲۰	۸۸۰ میشه
۱۳۶	۸۶۴ صنوبر
۱۵۵	۸۴۵ آق کورکن
۱۶۰	۸۴۰ قاین
۱۸۸	۸۱۲ قزل اغاج
۱۹۰	۸۱۰ بوغداى صاپی

ارییان وارییان مواد معدنیه میاننده بولنان مواد مختلفه .
 نك مقداری دخی جنسه کوره مختلفدر .
 متنوع کوللرده کوریلان حامض فوسفورک مقداری دخی
 شودر :

حامض فوسفور بیکده

آصمه چیوغی کولنده	۷۸	الی	۴۲۲
کاذب آبنوس	۱۸۴		
دوت اغاجی	۱۸	الی	۱۱۶
قرل اغاج	۷۷		۱۱۰
کورکن	۸۸		۱۰۰
عادی میشه	۸		۷۰
آق کورکن	۵۱		۵۷
فندق	۴۸		۵۵
صنوبر	۱۰		۵۰
چام چرا	۱۸		۴
قاین	۴۳		
یشیل میشه	۲۸		
اخلامور	۲۸		
کستانه	۱۹		
میشه قیوغی	۰		

کول صوبی کورنجه مرکباتنده قابل مذاپ اولان موادک

کافه سی اریر اوحالده بوکولی صویه چاشور صویی دیرلر
چاشور ییقادقن صوکره اتارلرکه پک یازق ایدرلر بوکا حجمک
۷—۸ مثلی صوقاقوب کوبره وکوبره مخلوطنه دوکلسه کوبره لر
پک زنکین اولمش اولور .

بعض یرلرده اوزوم اصمه لرینی کول ایله کوبره لرلر
واوزوملری کاله ایرمکه باشلادیغی زمان کوللرلر .

کولک کوبره یرنده استعمالی پک اسکیدر یکی دنیا یرلورلی
مصر بوغداينک صاپ وپراقلرینی یاقوب کوليله ترلرینی وافر یقاده
سیاهلردخی قوری اوت کوللریله طوپراقلرینی کوبره لرلر باقیکر
وحشیلر بیله کولک قیمتی بیلورلر اشته کول هم کوبره همده
مصلح یرینی طوتدیغندن کیرجسز کیلی سرت یاش وصوغوق
طوپراقلرده پک ابو تأثیری کوریلور هواسی رطوبتلی طاغلق
یرلرده غرانیت وصوانلی طوپراقلره مزروع یونجه توتون ویاغ
چیقاریلان نباتاته وقوتسز مرعالره زیاده فائده ایدیور ینور
نباتاتک قوتنی آرتدیغی حالده دوام اولنورایسه برقاچ سنه یبانی
ومضر نباتات ظهورینه مانع اولور توربلی وقیصر طوپراقلر
بونکله اصلاح اولنور انکلتزده ایری قوملی طوپراقلر ایچون
ایلک بهار بهر جریبده ۳۵ فرانسه ده هربر کیله سی ۴۶ — ۵۰
قیه اولق شرطیه جریبده ۲۵ کیله کول استعمال ایدرلر .

صوغوق یرلرده بقله صمانی وخصوصیه خیلی پوتاسی
اولدیغندن طولانی خشخاش بدنی کوللرینی کتان وتوتون
ایچون پک چوق قوللانورلر بعض یرلرده صیغیر کوبره سی

وقوری تذك کوللری دخی استعمال اولنور المانیاده آرپه
 صاپلرینی ترلاده یاقوب کوللرینی صپان ایله خفیفجه طوپراغه
 کومرلر آمریقاده شکر قامشنی صیقوب شکرینی الدقندن صوکره
 ازیک قامشنی یاقوب کولنی شکر قامشی ترلارنده استعمال
 ایدرلر بونک کولی سلیسیت آلقالین ایله پک زنکیندر .

چاشور کولی . چاشور صوبی الدقندن صوکره دیبده
 قلان کولدر بوکولک هر نه قدر دگری واریمان طوزی از
 ایسهده دیری ویکی کوللر کی فدانلری یاقدیغیچون شایان
 استعمالدر .

بعض ارباب زراعت چاشور کوللرنده صوده اریر هیچ
 مواد ملحیه اولدیغی درمیان ایشلر ایسهده ایدیلان تجربه لره
 نظراً چاشور کولنده آلقالین طوزلرینک بر قسم جزؤیسی
 اریوب قسم اعظمی ایسه اریمک ایچون زیاده صو و برچوق
 قاینامغه محتاج اولدیغی اکلاشلمشدر بولردن صویه طیانان
 (سلیقات ده پوتاس) اولدیغندن چاشور کوللرنده پک چوق
 بولنور وخیلی وقت نباتاته حسن تأثیری اولور صابون
 فابریقه لرینک مستعمل کوللرنده کیرجک بر قسمی کومورلی
 اولدیغی جهتله تأثیری ده زیاده در .

علی العموم چاشور کوللرنده بولان مواد معدنیه جدول
 آتیده کوسترلشدر .

کومور	۵,۷۰
آقالین طوزلری	۲,۲۰
قوم	۳۱,۸۰
خمیت کیرج	۳۹,۲۰
حمض حدید شاب و فوسفوریت کیرج	۱۶,۹۰
خمیت ماغزیا و ضایعات	۴,۲۰
	<hr/>
	۱۰۰,۰۰

اعلا چاشور کوللرنده آزدن ۱۰۰ ده ۱۰ خمیت کیرج بولنسی اقتضا ایدر چاشور کولی هر نوع طوپراقلره کلور ایهده کیلی وسرت طوپراقلرده پک زیاده فائده سی کوریلور و قیشدن بشقه هر موسمه یتشان هر نوع محصوله یرار ایلك بهارده ایرکن مرعا و چایرلره وارپه ایله یولاف و مصر بوغدایی ترلا- لرینه نشر ایدیلور یاز موسمنده یبانی شالغم و قره بوغدایه صوک بهارده بوغدای و چوداره ویریلور .

هرکولک دکری بردکلدر مثلا میشه کولنده فوسفات پک نادر اولدینی حالد کورکنک کولنده آغیرلغنک بشده بری قدر فوسفات اولدیغیچون میشه کولنه ترجیح اولنور کورکن اغاجنک ۱۰۰ قیه کولنده بولنان فوسفات کریز فشفیسنک ۴۰۰ قیه کولنده کی فوسفاتله برابردر بوغدای صمانک ۲۰۰۰ یاخود دانه سنک ۱۰۰۰ قیه سنده انجق بوقدر فوسفات بولنور .

صو کورمیان چایرلر ایچون چاشور کولی اک اعلا

کوبره در کول رنجبری حیوان فشیسی استعمالدن مستقی
ایدر زیرا بونک تأثیریه فدانلر محتاج اولدقلری بتون کومور
وازوتی هوادن اخذ ایلر بر جریب چایر اصلا کوبره استعمال
اولمقسنین ۲۷۰۰ قیه قوری اوت حاصل ایدرکه بونده ۱۰۶۲
قیه کومور و ۲۴ قیه ۷۷ درهم ازوت و ۱۸۴ قیه مواد
معدنیه واردلر لزومی تقدیرده صولامق و چاشور کولی ویرمک
ایله اوچایردن بونک ایکی قاتی الیه بیلور صوایله کولک درجه
تأثیرینه شو تجربه من شاهددر .

اگر چایر فدانلرینک طوپراقدن اخذ ایلدکلی مواد
معدنیه اعاده اولمز ایسه چایرلر تدبیر ایله قوتدن دوشوب
محصولی ازاله جفندن چاشور کولی استعمالی لازمکلورکه بو
واسطه ایله هم طوپراغک صرف ایلدیکی مواد معدنیه یرینه
قونلمش و همده محتاج اولدقلری کومور وازوتی هوادن اخذ
ایچون نباتاته بر استعداد ویرلمش اولور .

چاشور کولنی طوپراق قوریجه ویا آز رطوبتلی اولدیغی
حاله ال ویا کورک ایله ترلایه صلچوب بعده سورکی ایله پک
خفیف کومرلر تخم زرع اولندقدن براز وقت صوکره یاغمور
ایستر اگر قوراقلر اوزانور ایسه چاشور کولنک قطعاً تأثیری
اولمز .

بهر جریب یر ۳۲ انبار چاشور کولی الویرر فقط
طوپراق یاش سرت و کیرجسز ایسه مقدارینی ارترمق بالعکس
قوری وخفیف طوپراقلرده ازالتمق ممکندر .

چاشور کولسك تأثیری ازدن ۵ سنه دوام ایدر اکثر محللرده بشقه کوبره قارشیدیرمقسزین استعمال ایدرلر فقط مارن وکیج کبی کوبریه قارشیدیریلور ایسه اکین سبزه وصناعی چایرلر ایچون طوبراغی فوق العاده زنکین ایلر .

ایکینچی فصل انسان و حیوان فشقیلری

. بوفشقیلر نجاست کوکرجین طاوق و دکر قوشلری ترسیله ماندیره قیونلری بیکیر اینک مایسی و کوبره لری سدیك قان لاشه بوینوزکیمک وتوزی کبریتیت نشادر نشاسته طوریتسی توك ییاق بز پارچه لری خام ایپک بقایاسی قوش توکی چورك بالق ایپک بوجکلری لاشه لری دری صوی یاغلی وسائر کیرلی صولردر . نجاست . کریز یاخود لغم فشقیلری — نجاست اک قوتلی کوبره دن اولدینی جهتله بیوک زراعتده پک چوق استعمال ایدرلر بعض یرلرده بوندن اکراه ایدوب اهمیت ویرمزلر ایسه ده هرکسک قازانجه مانع اولان بواکراهک کیت کیده بر طرف ایدیله جکنی مأمول ایلرز کوبره یرنده نجاست استعمال اولنان شهرلر پک تمیز اولدینی حالده قوللانلیمان یرلرده موردارلق چوقدر خلقلک بعضیسی لغم صولریله کوبره . ننان ترلارلرک محصولی ییمکدن امتناع ایدرلر فقط سائر کوبره ایله قارشیدیریلهرق استعمال اولنور ایسه نباتاتک طعمنی تغیر ایتیه جکندن امتناع عبث اولور .

۱۰۰ قسم قی نجاستك مرکباتی شودر :

	صو	۷۳,۳
صوده ارییان مواد	۰,۹ صفراء اود	۵,۷
	۰,۹ البومین ماده هلمیه	
	۲,۷ ماده خالصه	
	۱,۲ طوز	
اطعمه نك معده ده ارییان موادی (بقایای		۷,۰
عضویه)		
مجرای معاده قاتیلان غیر مذاب مواد مثلاً مخاط،		۱۴,۰
راتنج صفرائی، شحم، مواد حیوانیه وسائر		

طوز دخی اتی الذکر مواددن عبارتدر :

فحمیت سوده	۲۰,۴
قلورور سودیوم	۲۳,۵
کبریتیت سوده	۱۱,۸
فوسفوریت نشادر ماغزیا	۱۱,۸
فوسفوریت کیرج	۲۳,۵
صوان کبریتیت کیرج	اثار
	<hr/> ۱۰۰,۰

انسانك یدیکی اطعمه نك کولیلہ مذکور اطعمه دن حاصل
اولان نجاستك عند التحلیل مرکباتنك مقدارنده کورینان
اختلاف دخی جدول اتیده مندرجدر .

نچاستده	اطعمه ده	
۲۶,۶۹	۳۹,۷۵	بوتاس
۵,۵۳	۳,۶۹	سوده
۱۲,۴۸	۲,۴۱	کیرج
۶,۶۶	۷,۴۲	ماغنزا
۰,۹۷	۰,۷۹	حمض حدید
۳۵,۶۲	۴۲,۵۲	حامض فوسفوری
۹,۰۵	۱,۸۶	حامض کبریتی
۲,۹۷	۱,۱۲	حامض خمی
»	۰,۴۴	صوان

کریز فشقیلری تازه واسکی ایکی صورتدهده استعمال اولنه بیلور یاخود اشاغیده ذکر ایده جکمز وسائط ایله موردار قوقولری کیدرلدکدن صوکره قوللانیلور بو وجهه قوقولری دفع اولمش نچاسته (قره کوبره) وبرقاچ سنه اچقده قوریدیلا نه دخی (کریج کوبره) دیرلر .

تازه نچاستده خمیت سوده دکر طوزی فوسفوریت کیرج نشادر وماغنزا بولندیفی ایدیلا ن تحلیللادن اکلاشلمش ایسه ده مقدار ودرجاتی پک مختلفدر انسانک یدیکی طعامه کوره نچاستک کیفیتی دخی دکشور مثلا بیوک مسافر خانه لرك کریز- لریله عسکر قشالاری حبسخانه وخسته خانه کریزلری وزنکیلر ایله فقرا کنفلری میاننده چوق فرق واردر کیرلی صولر ایله بولاشق کریز فشقیلرینک قوتی آزدر .

فرانسه نك بعض مملكتلرنده بر ادمك سنوی صولی وقتی
نجاستی ایکی لیرادن زیاده ایدر تازہسی چابوق تأثیر ایلدیکندن
پیراقلری ایشہ یرایان توتون و قولزا کبی فدانلره و یریلور
وطوکیدن طوپراقلری سرتلوب ضعیف قلان نباتات ایچون
تازہ نجاستدن فائدهلی کوبره یوقدر .

اشبو نجاستی طوپراق یاخود فشی و یبائی اوت ایله
قارشیدروب استعمال ایتمکده اگر ایه بر کونه سبب اوله مزهم
قوتلی و همدہ خفیف طوپراقلره الویرشلی ایسه ده کرپیچ کوبره
دینلان قوری نجاستی توز ایدرک کیلی و تازہسی خفیف طوپراقلره
ایوکلور تازہ سنک قوتی چوق و تأثیری چابوق و کسکین اولدینی
جهتله چوق وقت دوام ایتمز یشیل نباتی کوزل بسیر ایسه ده
قوتی چابوق صرف ایلدیکندن فدانلر تخمه کلنجه قدر بونکده
تأثیری قالمز .

نجاست قوش قونمز مارول اسبناق شالغم و بذلیه طعمنده
قولای حس اولنور توتوی دخی آجی و تأثیری اولور فرنکلرک
طعمدن ایوآکلایان چفتجیلری اکین دانه لیرنی اغز لیرنه الور
الماز قنی کوبره دن حاصل اولدینی بیلورلر حتی کریر فشقیلریله
کوبره لسان چایرلرده اوتاریلان اینکک سودینی بیله طانورلر
بروسه افیون قره حصاری ودها سائر ممالکمزده
سبزوات و سائر مزروعاعده کریر فشقیلرینی پک چوق استعمال
ایدرلر کرچه یالکز لخنه (کلم) صوغان صارمساق و پراصه
طعملرنده برشی طویلمز و بعض کیمسه لره بوندن اکراه کلز


ایسه ده ینه بز دیرز که انسان ییه جکی سبزواته نجاست ویر ماملیدر.
یاخود یوقاریده دیدیکمز کبی کیرج طوبراق وسائر فشق ایله
قارشدیر یلوب موردار قوقولری دفع ایدلدکن صوکره
قوللانمیدر کتان کنویر و قولزا کبی نباتاتی کریز فشقیسی پک
محصولدار ایدر .

کله لم صورت استعماله و استعمالنه بوفشقیلر لغم و چوقورلردن
چیقارلدینی انده استعمال اولمز اوروپانک بعض یرلرنده قیشین
طوکدن سرتلمش بوغدا ی چودار ترلارینک بهر جرینبی
۱۵۰ — ۱۸۰ انبار تازه کنف کو بره لریله صولادقلرندن
اورالرده ۳ انبارلق بر فوجی ۱۵ — ۲۰ غروشه ساتیلور که
۱۰۰۰۰ — ۱۵۰۰۰ ارشون ترلایه کافیدر اورالرک چفتجیلری
ایلک بهارده ارپه و کنویر اکیلی یاخود پتاته دیکلی ترلاره
بر قاچ هفته اول کریز بوشاندیسی ویرلر که غایت فقیر اولان
اهالیسی بو طریق ایله الدقلری محصول یوزندن الی سنه ظرفده
پک زنکین اولملردر .

فرانسه نك جنوب طرفلرنده نجاستی مسکت اوزومی
اصمه لریله زیتون وانخیر اغاجلرینه دخی ویرلر و دیگر یرلرنده
پک از اوده توز حالنده یاخود قوقولری کیدرلمش اولدینی
حالد قوللانورلر حالبوکه بلچقا المانیا انکلتزه وایتالیاده پک چوق
نباتات ایچون استعمال ایدیورلر نجاست پک قتی ایسه حیوان
سیدیکی وصولی ایسه قولزا و خشخاش کوسبه لریله قارشدیر یلوب
استعمالندن اول قیزمق ایچون اوزری ایوجه قبالی و صیوهلی

چوقورلره قونور بوجوقورلرک طیشاری طاغندقلری فنا
متغن قوقولری دفع ایچون چوقورلره کومور وآلچی توزیله
زاج یاغی اتارلر .

اکثریا تخمدن اول وصوکره یاغ چیقاریلان فدانلر ایله
توتون وشکر پانجاری ترلارینه ویرلر فقط فدانلری یاصدقلرندن
الوب اصل ترلارینه دیکدکن صوکره چوقورلرینه ویرمک
دها ایودر تخمدن اول ویریله جک ایسه برقاچ کون اول طوپراق
سوریلوب اگر کوشک ایسه مردانه وسورکی ایله برقاچ دفعه
باصدیرلدقن صوکره آراهه ایله صولی فشقی طولو فوچی
(شکل ۲۸) ترلایه یناشدیریلور وبریناشمه اوته بری نقل ایچون
چنکلی بر تکنه بی (شکل ۲۹) اشبو فوچیده کی صولی فشقیدن



(شکل ۲۸)



(شکل ۲۹)

طولدیرر وچفتجی دخی ۲—۳ ارشون اوزون صاپلی چامچاقلر
(شکل ۲۵—۲۶) ایله تکنه دن الوب طور دینی یرک هر طرفدن
۷ ارشون مربع محله قدر صاچار تکنه بوشالدفجه چراق تکرار
طولدیرر و بویله بویله تکمیل ترلا شربتلتور .
بعض چفتجیلر بو کوبره بی ویردکن صوکره هنوز ترلا


ایصلاق ایکن اوزرنده سورکی کزدیرلر فقط کوبره صولی اولدیغندن طبعی طوپراق صوره جنی جهته سورکی کزدیرمه حاجت یوقدر .

هر فوجی ۱۲۵ قیه اولق اوزره تقریباً ۱۵۰۰۰ ارشون یره ۱۳۰ — ۱۶۰ فوجی الیرر قولثا ترلارینه فدانلر چیملمکه باشلادینی وقت ایلک بهار فقط قالی بر هواده بو فشقی یی یاغمرور کبی صاچارلر توتون ترلارنده ایسه بر خدمتجی فدان دیکه جکی قازیق ایله دیبلرنده آچه جنی برر چوقوره دیکر بر یناشمه برر کچه دوکهرک ایاغی ایله طوپراغی باصدیرر .

اشبو صولی فشقی تخمدن اول ویرلیدی حالده دانه لری بر قاج کونده چیملندیرر چیملندکن صوکره ویریلور ایسه فدانلری جانلاندیروب قوت فوق العاده ایله بیوتدکن بشقه اک قوراق و قتلرده دخی یرینی سرین طوتار شوقدرکه چوق طیانیه جغندن سنه سی ایچنده یتشان محصوله مخصوص اولوب صوکره کی اکین ایچون دخی یکیدن کوبره اعطاسی لازمکلور .

فدانلر اصل یرلرینه دیکلوبده طومغه باشلادینی زمان فقط بلوطلی و دومانلی بر هواده دخی بو کوبره استعمال اولنه بیلور شوقدرکه کونشلی هواده چامچاق ایله صاورمق ایو دکلدز زیرا یراقلری کیرلتوب بوزار توتون ویر الماسنه ویریه جکی زمان هر ایکی صره فدانلر اراسنده اولکلر اچیلور یاخود دها

ایوسی اولجه دیدیکمز وجهله آیری آیری چوقورلر آچیلوب
دوکیلور کوچک زراعتده بیوک فوچیلر یرینه اوافق فوچیلره
طولدیروب چکچک ایله (ال ارا به سی) (شکل ۳۰) ترلارله
کوترلر .



(شکل ۳۰)

چینلور بوبابده
بر اصول استعمال
ایدیورلرکه پک
ایودراوراده باشلیجه

کوبره نجاستدر اشونجاستی استعمالدن اولکیل ایله قارشدیروب
(تاقو) نامیله بر نوع ترك اعمال ایله ایوجه قورودوب هر
مملکتده صائارلر بونلری الانلر توزادوب استعمال ایدرلرکه
ترلارنده یبانی اوت کورلما سی بوکا مینیدر بو یولده کریز
فشقیلری هم بشقه ماده ایله قاریشوب قورییه رق قوقوسی زائل
وهمده نباتاتک طعمی حقنده یوقاریده ذکر ایتدیکمز محذوردن
سالم اولور .

کوکرجین ترسی — کوکرجین ترسلری طاوق وهندی
وبونلرکی قاز واوردک ترسلرندن ده اوستوندرفقط بوتخلف
یلرینک جنس ونوعنه کوره در چونکه زنکین وقوری دانه
ایله بسلنان کوکرجینلرک ترسلری ازچوق اوت ایله کچینان
سائر قنادلی حیوانلرک ترسلرندن از صولی ودها صیجاق
وقوتلیدر .

کوکرجین ترسی سائر کوبرلرکی یاغمور وکونش

آلنده قالمیوب دائماً کوکرجینلکده صاقلاندیغیچون زنکین
وقوتلی اولور بعض یرلرده دخی کومسلی تمیز طوتمق ایچون
ترسلرینی اوراده براقیوب طیشاریده ییغین یاپه رق اوزرینی
چیک الچی ایله قاریشق بر طبقه طوپراق ایله اورترلر و ممکن
مرتبہ قیزمزدن اول قوللانورلر چونکه قیزوب چوریان
کوکرجین ترسنده یوزده ۸ توك و قلم بولندیغی حالده قیزمیان
ترسلرده ۱۰۰ ده ۲۵ تازه توك قلم بولنورانك ایچون قیزمزدن
اول استعمالی ایودر .

تازه کوکرجین ترسلری اتی الذکر مواد ایله مرکبدر .

۷۹,۰۰ صو

۸۱,۱۱ مواد عضویه (خشبی و قلم بقیه سی حامض

بولی و بولیت نشادر)

۲,۲۸ مواد ملحیه (فوسفوریت و فحمیت کیرج

القالین طوزلری و سائرہ .

صوان قومی ۰,۶۱

۱۰۰,۰۰

قوری کوکرجین ترسنده علی العاده ۵,۳۵۰ ازوت بولنور
ایسه ده بونك مقدارینی ۸,۳۳۰ ابلاغ ایدرلر بونده بو قدر
ازوت بولمنسی ترسنده کی بیاضلق خالص حامض بولی اولدیغندندر
۱۴۴۰ قیه کوکرجین ترسی حال طبعیسنده ۳۰۰۰۰ قیه عادی
کوبره یرینی طوتار بونلرک تأثیرینی فرق ایتیان چفتجی یوقدر
فقط ایستلیدیکی قدر بولندیغندن بر ترلای مستقلاً کوبره لیه میوب

دیگر کوبره‌لره معاونت صورتیله یعنی قیشدن متأثر اولان
وقوتدن قلان فدائلر ایچون استعمال اولنور .

کوکرجین ترسنه بشقه کوبره قارشیدرمزلر بونلری ایوجه
قوریدوب بعده کورک و سائر واسطه ایله توزالده‌رق چیملمش
نباتات اوزرینه ال ایله ویاخود تخم اکدیکی وقت مارت ونیسانده
کوملمکسزین طوپراغه صاحیلور بو یولده استعمالی قاریشق
اولسندن ده فائده‌لیدر دیرلر .

برده کوکرجین ترسی غایت صیجاق اولدیغندن دقت ایله
استعمال اولملیدر هر محصوله یارار ۶۰۰ — ۶۵۰ کوکرجینک
سنوی بریکن ترسلری فرانسه‌ده درت بحق لیرا قدر ایدیورکه
بر آراهه یوکی کوبره‌در اکثیا کتان توتون ترالرینه ویرلر
۷۰۰ — ۸۰۰ کوکرجین درت دونم یری کوبرملکه کافیدر .
قنادلی حیوان ترسلری حبوبات اکیلان رطوبتلی صوغوق
سرت وقتی طوپراقلره پک کوزل، تأثیر ایدر یونجه‌لره الچی
وکولدن زیاده فائده‌سی اولور .

کوکرجین وطاوقلرک الله صمان طلاش قوم کنویر و کتان
قتیقی ایله یتاق یاپوب واراصره کوبره‌سیله برابر قالدیروب
اکثیا زمان استعمالنه قدر قبالی یرده حفظ ایدرلر معدن
کوموریه قاریشق طاوق و کوکرجین ترسلری یونجه‌لقلره پک
ایوکلور فقط صاحیله جنی وقت هوا یاغمورسز طورغون
ورطوبتلی اولملیدر .

بلجیقاده بو کوبره‌لری قولثا کتان وامثالی صنایع فدائلره

ویرلر لزومی قدر موجود بولنان یرلرده کتان ترلارینک دوغنه
۵-۶ کیله کوکرجین ترسی و یروب غایت بول حاصلات الوردلر
اکیلری ضعیف قلان ترلار ایچون بر یچق ۲ کیله الوردلر .
باغلره ویرلدیکی زمان شرابنک طعمنه پک زیاده تأثیری
اولدیغنی روایت ایدیورلر سده بعضیلر سوء تأثیرندن احترازاً
صافی استعمال ایتیموب بشقه مناسب کوبرلر ایله قارشیدیرلمسنى
توصیهده بولنیورلر بزه قالور ایسه یالکر اصمهلر ایچون دکل
کتان وسبزه ایچون دخی قاریشق استعمال ایتیلیدر .

تازه کوکرجین ترسی قوللانغنه کلز ممکن مرتبه قوریدوب
ایختلمیلیدر برده قوراق هوالرده ویرلمیوب یاغموردن برقاج
کون صوکره طوپراغه نشر ایتیلیدر بو حالده چاپوق تأثیر ایدر
ایسهده قوتی چوق دوام ایتمز اکثریا صاحیلان کوکرجین ترسی
توزینی طوپراغه کومزلر بعضاً دخی خفیف طرمیق ایله آزجه
کومرلر اگر اوزری پک چوق اورتیلور ایسه کوبره ضایع
اولور اورتلمیوبده قوراقلر دوام ایلر ایسه فائدهسى اولمدقدن
بشقه اکیلری دخی یاقار انک ایچون قبالی برهواده حین نشرنده
وپک از کوممکده دقت کرکدر .

سبزه باغچهلرینه کوکرجین ترسنک پک چوق فائدهسى
واردر ترسی ایوجه توزادوب صو طولو قوغهیه برقاج آوج
اتیلوب قارشیدیریلور بعده قوغه نك لوله سیله چیملمش
فدانلرک کوکلری صواریلور بو طریق ایله هر نوع سبزه فدانلری
قوتله بیور خصوصیه قباق خیار وصوغانلر ایچون پک ایدور.

طاوق وھندی ترسی — طاوق ترسی کوکرجین ترسی
قدر قوتلی دکل ایسه ده حال و کیفیتجه اکا پک یقین در انک
استعمال اولندی یی رده بودخی قوللانیلور طاوق وکوکرجینلر
نه مقوله دانه ایله بسلنور ایسه ترسلرینک اونوع حبوبات ترلا.
لرینه اعطاسی دها مناسبدر .


ترسلرینک مرکباتنده آئی المقدار مواد بولنور .

صو	۷۲,۹۰
مواد عضویه	۱۶,۲۰
مواد القالینیه	۵,۲۴
صوان قومی	۵,۶۶
	<hr/>
	۱۰۰,۰۰

قاز اوردک پیسلکارینی تصادف اولنان یرلرده طولیلامق
لازمدر چونکه بولر ایچرودن زیاده طیشاروده کررلر کو.
مسلی سپوریلوب ترسلری طولاندینی انده کوبره ایله
قارشدریلور یاخود سیدیک ایله طولو صارینجلره اتیلور تازه سی
چایرلر ایچون مخاطرهلدر کوکرجین وطاوق ترسلری دخی
بویله در تازه لری بروجه محرر مضر ایکن قوریسی پک فائده لیدر .
بزده غوانو دینلان دکر قوشلری ترسی واردرکه بونک
ایله اوروپالیر پک چوق اخذ واعطا ایدرلر تأثیری کوکرجین
و طاوق ترسی کی در بو قوشلر آفریقا ویکی دنیانک ایصسر
اطه لرنده بولندقلرندن نیجه بیک سنه لر دنبرو اورالرده برچوق
قوش ترسی تراکم ایتشددر بزم مملکت مزه بو نوع قوش ترسی

کلیوب شمدیکی حالده احتیاج دخی اولمدیغندن بوراده تفصیلندن
صرف نظر اولمخشد.

اکرتی آغیل یعنی ترلا کوبره لری — اکرتی اغیل کوبره
لنه جک ترلارده یاییلان اکرتی اغیلره دینور بعضاً حیوانات
ترلارده اوتلادیلورکه فشقی وسیدیکلری اوراده قالور و بعضاً
قیونلر بشقه یرلرده رعی ایدیلوب کیجه لری اکرتی اغیل یاییلان
ترلارده بارندیریلور بزده اوروپاده بو عادت اسکدر فرانسه نك
بعض محللرنده و خصوصیه پارس جوارنده تخم اکمزدن اول
ترلاده اکرتی اغیللر یاپارلر قورد قورقوسی اولیان یرلرده




(شکل ۳۱) شکله

کوسترلدیکی کبی
قازقلی و اطرافی
ایپک آغ ایله قبالی
اغیللر یاییلور فقط
قورد قورقوسی

اولان یرلرده چپوقدن (شکل ۳۱)

اوریلی چیتلر (شکل ۳۲) استعمال اولنور .



(شکل ۳۲)

ترلاری اغیل یایمزدن
اول حیوانلرک سیدیک
وفشقیلرینی ایوجه صورمق
ایچون ایکی دفعه صباندن
کچورمیلدر براغیلک بیوکلکی

حيوانلرک جنس ومقدارينه و او جوارده بولان اوتلرک کيفيته وموسم وطور اغنک طبيعته کوره اولور حيوان نه قدر چوق ايسه اغيله اکا کوره ياپلملى زيرا حيوانلر آغيله نه پک سيرک ونه ده پک صيق بولندير لامليدر .

دیشی قيونلرک کوبره لری صولی اولديغی کبی سيدیکلری دخی چوق اولديغندن ارکک قيونلردن ده ايو اغيله يرارلر انک ايچون دیشی قيونلرک آغیللری ارککلردن ده بيوک ياييلور چوبانلر بوفرقی ايو ييلورلر .

دیشيلر ارککدن زیاده اوتلادقندن بشقه قرن ومعدله لری دخی انلرککندن ده بيوکدر دیشيلر قالقارقالقمز ترسلوب بوشانور ارککلر ايسه پک کيچ قالور انک ايچون اغيل ياييلان محل ايوجه کوبره لنه جک ايسه ارککلر صباحلين پک ايرکن آغیلدن چيقارلامليدر ايلک بهار اوتلر پک صولی اولدقلری جهتله قيونلر زیاده کوبره وسيدیک براقه جقلرندن آغیلک بيوجک اولسی لازمکلور .

ياز موسمنده قيونلر کون باتدقندن بر ساعت صوکره آغيله کوتريلوب کيجه ياريسندن ايکی ساعت اول ترلر انک برقسمنده وصباحه قدر ديکر قسمنده ياتريلور يازين ايسه کون باتديغی کبی حيوانلر آغيله سوريلور بريکن کوبره لری بردوزی به ترلايه ياييلور حيوانلر پيسلک ايچنده قالماق ايچون چوبان کيجه لين برقاچ دفعه وصباحلين آغیلدن چيقارلردن يارم ساعت اول حيوانلری قالدیرمليدر بو وجهله حيوانلر قالدقجه ويرلرینی

دكشدر دكجه بوشانورلر صباحلین یردن چيك قالقمده حوا.
نلری آغیلدن چیقارمزلر زیرا اولوقت حیوانلر پك آج اولد.
قلرنندن چيكلی اوتلری حرص ایله ییوب خسته نورلر .

برده آغیل یاییلان ترلارك طوپراغی ایوجه اصلاح اولمش
یاخود چوق زمان خالی قالمش ایسه قیونلر آغیلده سیرك وبالعکس
ضعیف یاخود بوش قالمش ایسه صیق طوتیلور بیوك بر
سوری بی آغیلده براقه نك فائده سی چوقدر خصوصیه آغیل
کوبره سی ماندیره کوبره سندن ایودر .

تمخدن اول وصوکره دخی قیونلر ترلارده یاتریله بیلور
تمخدن اول یاترلیدی حالد کوبره لری درعقب وهوا نه قدر
صیجاق ایسه اوقدر چابوق کوملیدر هوا یاغمورلی اولسه دخی
صولر کوبره بی سوروب کوترمامك ایچون ینه سریعاً کومك
لازمدر تمخدن صوکره پك یاش یاخود قوراق هوا ده یاترلر .
برده تمخلر چیملنور چیملنمز آرتق قیونلری قالدیرملیدر
یاکزر خفیف طوپراقلرده بوغدايك ایلک چیملری قیونلره
یدیریلور ایسه هم فشق براقور وهمده کرغلریله طوپراغی
اوتوردر بویولده قیونلره اکثریا ایلک بهار اکیئلری یدیرلر .

حیوان براقیلان ترلارك کوبره لری ایکی سنه قدر قوتدن
دوشمز بوترلارك بوغدایی بشقه کوبره ایله کوبره لی ترلاردن
دها اعلا اولور بیوك زراعتلرده برترلای ایکی کره آغیلاندر.
میوب دیگر ترلاری دخی قیون کوبره سیله کوبره ملك ایچون
نوبت نوبت آغیلاندرلر .

ترلارده بووجهله اكرتى آغىللىر ياتاق موجود يتاق كوبرم لرى اولمدينى و ترلار غايت اوزاق يرلرده بولندينى زمان اولور يوخسه ترلار يقينده اولور ويتاق كوبره لرى موجود بولنور ايسه آغيله احتياج قالمز اما حيوانلرى بسلمكه كافى ترلارده اوت بولنور ايسه او حالده حيوانلره اوتارتمق فائده دن خالى دكلدر . آغىل كوبره لرى خفيف طوپراقلره پك اليرشليدر زيرا كوبره دن بشقه قيونلر كز نيسيله طوپراق باصيلور بونكله برابر چاپوق تاثير ايدن كوبره لر معتدل اقليملر خفيف طوپراقلره ينه ايوكلز بزه قالور ايسه ترلارده ياتريلان حيوان كوبره لرى كيلى قوملى طوپراقلره مناسبدر .

حيوان ياتريلان ترلارده يبانى اوت نلدر بىتر قولزا يبانى وبستانى شالغم ويولاف حيوان ياتريلان ترلارده پك ايو اولور فقط بوغداينك اونى اوقدر ايو اولمز كرچه آره دخى پك اعلا اولور ايسه ده آره صويى فابريقه جيلرى استعمال ايتملر .

بعض محللرده يالكز تخم اكيمنه يقين ترلارده حيوان ياترلميوب اسكى چاپرلرده وبىچلمزدن اول يونجه لقلرده و ايلك بهار اكين تخملى چيملنديكى زمانده قيون كزدير لر كه شو صورت خفيف طوپراقلره پك ايو كلور حيوانلر ترلانك اوز رنده كز نيكله طوپراق خفيفجه اوتوروب رطوبتى محافظه ايدر و اكينلر قوت آلور اورته بيوك برقيونك بريكيجه لك كو بره سى تام درت كوشه بر آرشون محله كافيدر بو حساب اوزره ۱۰۰ قيون بريكيجه ده ۱۰۰ آرشون يعنى براولك ىرى كوبره لر .

بيکیر کوبره سی — بعض چفتجیلر بیکی کوبره سنک تأثیری اولمديغندن بحثله اهمیت ویرمز لر بونلرک ادعالرینه کوره بیکی قاشاندینی نباتات ابو قوتلنوب قویو یشیل اولور ایسه ده فشق براققلری یرده عکسی کوریلور حالبوکه بوادعا خطادر واقعا ترلا وچایرله دوشن بارکی فشقینسک اخور کوبره لری قدر تأثیری وقوتی اوله من ایسه ده بو حال یلرینک نوعنه ویاشرینه کوره در ظای کوبره سی بیوک بیکی قدر قوتلی دکلدر .

بو کوبره نک قیمتی بیلان بعض فقیر کوییلر سوقاق و جاده لرده بولدقلری فشقیلری طوبلایوب اکدکلری اوراق تفک طوپراققرینه ویررک فائده لنورلر حتی چیچک باغچوانلری سرین وکیلی طوپراققر ایچون بیکی کوبره سنی ثنا ایدرلر و بونکله یک اعلا منطار یتشدیرلر .

دانه یی ایوجه اوکوتیان حیوانلرک کوبره لرنده صاغلام دانه لر بولنوب طوپراققه چیمکنه جکندن چاپه لمغه مجبوریت ویرر صانورزکه بیکی کوبره سی استعمالنده باشلیجه محذور بودر .

قره صغیر مایسی یاخود ترکی — قره صغیر مایسنی بیکی فشقیسندن اوستون طوتارلر فقط آیری آیری ترک کبی یریکدیریلان قره صغیر مایسی سیدیک ایله قاریشق اولاق اخور مایسی قدر قوتلی اوله من .

بعض محللرده چایرلری کوبره ملک ایچون اینکلری چایرلر ده براقورلر ۱۰ اینک برکونده ۱۵۰ ارشون محلی کوبره لر حیوانلره یدیرمک ایچون مخصوصاً اکیلان شالغم ترلارینه

اینکتر بر اقوب مایس و سیدیکر یله اورالری کوبره لرلر بعض محالرده اینک و اوکوزک بو وجهله ییغیلان کوبره لرینی ترلارله یایارلر اودون قط اولان یرلرده مایس تزکیرینی قوریدوب یاقارلر و کوللرینی قره بوغدا ی یونجه وطیعی مرعاله و یرلر تاثیر ی اغاج کوللریله بردر صیغیر کوبره سی مخلوط یعنی قاریشق کوبره یاغنه و منظار زرعه ایوکلور .

انکتره قره صیغیر آخورلرنده حیوانلرک التسه قفس کرویت کبی یتاقلر یاپوب بو طریق ایله مایس و سیدیکرینی یر آلتده انشا اولنان صارنجلره آقیده رق یتاق کوبره سی قارشده یرلمق سزین استعمال ایدرلر .

انسان سیدیکی — علی العموم ارباب فنون و اهل تجربه انسان سیدیکنه غایت تأثیرلی و اعلا کوبره نظریله باقارلر زیرا انسان سیدیکی اجزای مختلفه دن یعنی برچوق شیلردن مرکب اولدیغندن دورلو یمک انسان و حیواناته یرادینی کبی نباتاته دخی فائده لیدر .

انسان سیدیکی تازه ایکن حال طبعیسنده مرکبات آتیه نی

حاویدر :

صو	۹۳,۳۰
جوهر بول	۳,۰۱
حامض بولی	۰,۱۰
غیر محدود مواد حیوانیه	
حامض لبن یا خود لبنیت نشادر	۱,۷۱

مخاط مثانه	۰,۰۵
کبریتیت پوتاس	۰,۳۷
کبریتیت سوده	۰,۳۲
فوسفوریت سوده	۰,۲۹
فوسفوریت نشادر	۰,۱۷
فوسفوریت کیرج و ماغنیزیا	۰,۱۰
قلورور ده سودیوم	۰,۴۵
قلوریت نشادر	۰,۱۵
صوان	اٲار
	<hr/>
	۱۰۰,۰۰

اجالی

صو	۹۳,۳
ازوتی زیاده اولدینی حالده مواد عضویه	۴,۹
مواد معدنیه	۱,۸
	<hr/>
	۱۰۰,۰

فوسفوریت کیرج و ماغنیزیا صوده اریمز طوزلردن ایسهده
سیدیکه بولنان حامض ایله اریر بناءً علیه بو حامض سیدیکه
اسکیمسندن حاصل اولان نشادر ایله قاریشور ایسه بوفوسفوریتلر
ایله نشادر ماغنیزیا فوسفوریتی از چوق دیبه اوتورر .
سیدیکه مواد ازوتیه سی نشادره تحول ایلدیکی و نشادرک
کوبره لرك الك تأثیرلی ماده سی بولندیغنه نظراً صباح سیدیکلرینک
کیفیت حال و مقدار ازوتلری جدول اتیده مذکوردر .

سن	صاحب	سیدیك کیفیتی	ده ازوت
ادم	باش	۴۶	۱,۸۴
كذلك	»	»	۱,۵۷
ادم	»	۲۱	۱,۰۲
كذلك	»	»	۱,۰۲
چوجق	»	۸	۰,۷۰
كذلك	باش	۸	۰,۴۵
چوجق	آیلق	۸	۰,۱۶
كذلك	»	»	۰,۱۵
مٹانه سی	باش	۴۵	۰,۵۹
طاشلی آدم			
شكر علتنه دو	»	»	۱,۰۰

چاراولان قادین

علی العموم ای دیلان تجربه لره نظر آسیدیكده آتی المقدار ازوت

بولنور .

صبح سیدیكلرنده	۱,۴۵
عمومه مخصوص كنفلرده	۰,۷۲
یالكر قتی نجاستده	۰,۴۰
عینی سیدیك وقتی نجاستده	۱,۳۳
سیدیك نشادیننی غائب ایتمكسزین انحق ۲۴ ساعت حالیه	
طوره بیلور اندن صوكره قیزار و نشادری اوچار بونده کی	
فحمیت نشادری اوچور مامق پك قولایدر سیدیكده حامض یاخود	

اهون مواد ملجیه علاوه اولندقدہ اوچیجی فحیمیت نشادرینی
قلوریت نشادره تحویل ایدرک الیقور بونک ایچون هرانبار
سیدیکه آتی المقداز مواد علاوه ایدرلر .

۴۰ — ۵۰	درهم	آلچی یاخود
۴۰ — ۵۰	»	کبریتیت سوده
۳۵ — ۴۰	»	زاج قبریس
۳۵ — ۴۰	»	کبریتیت توتیا وماغزیا
۳۰ — ۴۰	»	حامض قلورماء
۱۲ — ۴۵	»	حامض کبریتی

انتخاب اولنان مواددن بری سیدیکه علاوه اولندقدہ بردکنک
ویا قازیق ایله ایوجه قارشیدریلور حامضلردن زیاده طوزلرک
انتخابی دها اپودر چونکه حامضلر آشنیدریجی ومخاطره لیدرانک
ایچون آلچی کبریتیت توتیا وانکلز طوزی غایت ایخه توزحالنده
علاوه اولنور انکلز طوزی اک تاثیرلی طوزدر کبریتیت حدید
کی ابدستخانه طاشلرینی قیزارتمز .

سیدیکه خانه لره یکی سیدیک علاوه اولندقدہ اونسبتده بر
مقدار دخی ذکر اولنان طوزدن قاتلمق لازمدر سیدیکک حاوی
اولدینی فوسفوریتلر ایله قیزیشندن طولای حاصل اولان
نشادری غائب ایتمک ایچون سیدیکک ایخه قلور مائیت ماغزیا
قونوب قارشیدرلقدن اوج بش کون صوکره سیدیک سودکی
اولور وفوسفوریت نشادر وماغزیا سریعاً چوغالور وبرای
ختامنده مواد مذکوره تمامیه دیبه چوکر اوحالده صوی

دو کیلوب چو کنیدیسی هوا یاخود کونشده قوریدیلولر بوچو-
کندی بریکن سدیك بیکده ۷ قسمی اولدیغندن اکین وسائر
محصولات ایچون پک تأثیرلی وقوتلی برکوبره در زیر بونده
نباتاتی بیوتمکه اک زیاده فائده لی اولان ایکی ماده واردرکه انلرده
حامض فوسفوری ونشادر در .

بونکه برابر سیدیك موجود اولدیغی حالده طوغریدن
طوغری به استعمالی اهون وسهیل برطریق اولوب شوقدرکه
بخاری اوچامق ایچون ایچنه توتیا یاخود انکلز طوزی قاتمق
لازمکلور .

انسان سیدیکه شربتنه جک طوبراقلر سیدیك مقدارینه
کوره اوچ درت قات صو علاوه ایدیله رک یاغمورلی یاخود قالی
برهواده شربتنور و حیوان سیدیکلری کبی استعمال اولنور .
حیوان سیدیکی — مرعا وترلالرده اوتلایان حیوانلرک
ایشه دکلری یرلرده نباتات سائر یرلردن پک چابوق بیودکلر-
ندن حیوان سیدیکی پک تأثیرلی برکوبره اولدیغی اکلاشلمشدر
لکن نه قدر اولسه ینه انسان سیدیکی قدر قوتلی اوله من
حیوان یتاقلری سیدیکی نه قدر صورار وچکر ایسه ده ینه
برچوغی التنده کی طوبراقده قاله جغندن بوسیدیکی ضایع ایتمامک
ایچون مخصوص صاریجلره المق دها ایودر ،

حیوان سیدیکنک مرکباتی یالکر حیوانلرک جنسلرینه کوره
دکل آتی الذکر جنسنک صحت ویملرینک نوعیه سیدیکلرینک آز
چوق وجودلری ایچنده توقیفیه دخی تخلف ایدر .

ایدیلان تحلیلاتده استخراج اولنان مرکباتی شودر .

جدول

بیکر	اوکوز	اینک	طانه	
۹۱,۰۷۶	۹۱,۷۵۶	۹۲,۱۳۲	۹۹,۳۸۰	صو
۴,۸۳۱	۵,۵۴۸	۴,۱۹۸	۰,۲۳۶	مواد عضویه
۴,۰۹۳	۰,۶۹۶	۳,۶۷۰	۰,۳۸۴	مواد معدنیه
۱۰۰۰,۰۰	۱۰۰۰,۰۰	۱۰۰۰,۰۰	۱۰۰۰,۰۰	

قیون	کچی	طوکر	
۹۶,۰۰	۹۸,۲۰۳	۹۷,۸۸۰	صو
۲,۸۰	۰,۸۷۷	۰,۵۲۴	مواد عضویه
۱,۲۰	۰,۹۲۰	۱,۵۹۶	مواد معدنیه
۱۰۰۰,۰۰	۱۰۰۰,۰۰	۱۰۰۰,۰۰	

سیدیکی تشکیل ایدن مواد عضویه مخاط مٹانه و غیر معین برطاقم مواد حیوانیه و حامض بول حامض لبن و هیپوریک کچی حامضات عضویه و خصوصیه بللورلنمکه قابل زیاده آذوتلی و یالکز سیدیکه مخصوص جوهر بول تعیر اولنان بر ماده دن عبارتدر . مواد معدنیه ایسه کبریتیت و فحمیت و لبنیت ده پوتاس و سوده دکر طوزی لبنیت و مائییت قلور نشادر فحمیت کبرج و ماغزیا صوان و بعضاً حدید و مانغاز آثارندن مرکبدر طوکر سیدیکندن بشقه سائر حیوانلرک سیدیکلرنده فوسفوریت یوقدر .

آتیده کی جدولده حیوانلرک اسامیسی سیدیکلرینک زئکینلکنه کوره صره ایله ذکر اولنور .

مواد صلبه	مواد عضویه	مواد معدنیه
بیکیر	اوکوز	بیکیر
اوکوز	بیکیر	اینک
اینک	اینک	اوکوز
قیون	قیون	طوکر
طوکر	کچی	قیون
کچی	طوکر	کچی
طانه	طانه	طانه

آزوت و حامض فوسفورلک درجائی و بهر درت دونم ایچون اقتضا ایدن کوبره نك مقداری دخی جدول آتیده کوستر .
لمشدر .

بهر جرییده اوقه فوسفور آزوت

۴,۵۹۰	»	۲,۶۱	پک آزسوا یجن بیکیر سیدیکی
۷,۴۴۰	»	۱,۵۵	یولاف واوت ایله بسلنان بیکیر سیدیکی
۸,۱۳۰	»	۱,۴۸	یشیل یونجه و یولاف ایله بسلنان بیکیر سیدیکی
۹,۱۵۹	۰,۰۵	۱,۳۱	قیون سیدیکی
۱۳,۰۳۵	»	۰,۹۶۵	پتاته و بوزاغلیق اوتیه بسلنان اینک

۲۷,۲۷۰ » ۰,۴۴ سودی ایچون بسلنان اینک
۵۲,۴۰۱ ۲,۰۹ ۰,۲۲۳ آرتوزلی پتاته ایله بسلنان

طوکر

جدول مذکوره نظراً حیوانلرک یلرینک سیدیکلرینک
طبیعتنه بک چوق دخل و تأثیری اولدیغی کوریلور قوری اوت
ایله بسلنان حیوانک سیدیکی یشیل بیان حیواندن آز ایسه ده
سیدیکنده طوز و آزوت آندن چوقدریم عقینده کی سیدیکده
صباح سیدیکندن دها آزمواد عضویه و ارایسه ده بونده بر مقدارده
پوتاس اولدیغندن خفیفجه طوزلیدر .

اینک و بیکیر سیدیکلرینک مرکباتی دخی شونلردر .

قوری اوت و پتاته یشیل یونجه و یو .

ایله بسلنان اینک لاف ایله بسلنان

سیدیکی بیکیر سیدیکی

۱۸,۵ ۳۱,۰ جوهر بول (۱۰۰ ده ۱۷ بچق

آزوتی حاویدر)

۱۶,۱ ۱۵,۵ ثانی فحیت پوتاس


۴۱,۱ ۴۱,۷ قلویات و ملح ترابی

۹۲,۱۳ ۹۱,۱۸ صو

۱۰۰,۰۰ ۱۰۰,۰۰

بعض محللرده سیدیک طویراغه کچمامک ایچون حیوان
یتاقلرینک التسه مولوز یاخود اوت ییارلر فقط صیغیرلر یشیل
اوت و شالغم کبی اتلی کولک و آرپه کوسبه سیله بسلنور ایسه

سیدیکلری اوقدر چوق اولورکه اک اعلا یتاق صورامن انک
ایچون وقتی اولنلر حیوانلرک یتاقلری التده خرج ایله صیوهلی
صارنجلر (شکل ۳۳) یاخود آز مصرفلی چوقورلر یاپلرینی
توصیه ایدرلر.



(شکل ۳۳)

اینک سیدیکنده یوزده
۵ بیکیر سیدیکنده ۶
ماده انباتیه بولندی
معلوم ایهده قلان صولر.
ینک صودن زیاده بر

فائده لری اولمیدیغی ادعا ایتمایلدیر زیرا شوحسابه باقیلورایسه بر
یوک بیکیر کوبره سنه انجق ۲۰ یوک بیکیر سیدیکی معادل اوله ییلور
حالبوکه بوقولی اهل تجربه دن کیمسه قبول ایتمیور ارباب فن
نه دیرلر اینسه دیسونلر نظریات دایما عملیاته توافقی ایده مز مثلاً
۱۰۰ قیه یشیل یونجه قوریدیغی وقت ۲۲ قیه قالیور یشیل ایکن
۱۰۰ قیه سی بر حیوانی بسلدیکی قدر قوریسنک ۲۲ قیه سی
بسله یه میور دیمک اولور که ضایع ایتدکلری صولرنده بسله یجی
مناسب ماده لر وار ایمشدر حیواناتی بسلان صولی ماده لر نیچون
نباتاتی بسله یه مسون یعنی کوبره لرک نیچون یالکز قتی موادنده
ماده غدائییه اولسونده صوینده بولمسون؟ البته واردر .

حیوان سیدیکلرینک مقداری یملرینه واغیرلقلرینه کوره در
۴۲۰ قیه کلان بیکیر ۲۴ ساعتده تخمیناً ۴ یجق قیه و ۶۰۰

اوقه لى بىر اينىك ۱۲ بېقى ۲۸ قىيە بىر قىيىن يارم و ۶۰ اوقه
كلور بىر جنوار ۳ بېقى قىيە سىدىكى ويرر .
حيوان سىدىكلرى نادراً يالكىز استعمال اولنور انكلتره
اينىك اخورلرنده حيوانلر كالتنه كوبره يتاقلرى قونلمىوب قىس
كرويت اوزرنده ياتردقلىرى سىدىكلرى اخوركالتنه بولان
صارنجلره اقوب بىرىكور اخورلر ادا صره ييقاندىغىده كىروده
قلان قىيى كوبره لىرى دىكى سىدىكلره قازشمق ايجون صارنجه
دوكلور واشبو صولى كوبره نىك كىله سنه يارم قىيە عادى طوز
قاتيلور بعض محللرده دىكى صارنجلره كىرىز فشقىلرله حيوان
لاشه لىرى اتارلر كه چابوق چورر وصولى كوبره نىك قوتى
آرتىر .

حيوان سىدىكى خالص قوللانلمىوب مقدارىنىك اوج درت
قاتى صوايله قارشىدىرىلور زىرا صافىسى فدانلرى ياقار تازه سى
دىكى بش هفته دن ايكى اى قدر صارنجلرده قالدقن صوكره
استعمال اولنور وفحمت نشادىرى اوچامق ايجون سىدىكى
صارنجلرىنىك ايجنه الحى ياخود زاج قبرىس آتيلور .

اشبو صولى كوبره لىر هاوج پتاته كتان قىش اكنى صناعى
وخداىى مرعا وچايرلره پك الوىرشلىدر فقط عموميت ايله
خبر ويررز كه تخمه براقلان پتاته لره حيوان سىدىكى مناسب
دكلدر يالكىز كوك وپىراقلىرى مطلوب اولان فدانلره ابو كلور
باغچوانلقدە پك چوق استعمال اولنور .


كوى وچفتلكلرده صولى كوبره لىرى طورغون لطيف

رطوبتی و قبلی کونلرده استعمال ایلرلر غایت صیجاق و پک
صوغوق کونلرده ایسه فائدهسی اولمز سببی دخی قیزغین
کونشک حرارتیه چارچابوق بوغولانوب غائب اوله جفی
وصوغوق کونلرده ایسه ذاتاً فدانلر ساکن اولوب کوبره یی
اخذ و جذب ایده میه جکیدر .

دوز ترلارده اشبو کوبره لر فدان صره لری ارالینه
اولکلرینه و یا فدان دیبلرنده چوقورلر اچغله مصرفنر سهولته
ویریه بیلور ایسه ده اکری بوکری یرلرده بک کوجدر اوحالده
بر طاقم طلومبه لر استعمالی اقتضا ایدر که مصرفی اولور
بو خصوصده بر چوق و سائط استعمال ایدرلر ایسه ده بزجه
اک اهون طریق فوچیلر ایله ویرمکدر صولی کوبره ایله
صولانان توتون لطیف و انسان سیدیکیلر کوبرلنن براز یاقیجی
یعنی سرت اولور آکینره حین زرغنده یاخود براز اول قولزا
پانجار و شالغملره چیملندیکی وقتده ویریلور شوقدر که یراقلرینی
ایصلا تماملی یاخود یاغمورلی هواده ویرلملیدر .

هر دونم ایجون ۵۰ — ۶۰ انبار قدر صرف اولنور
حین استعمالنده یوقاریده شکللری کوستریلان اوزون صاپلی
چامچاقلر ایله ایوجه قارشیدیروب قوغه و یا طلومبه ایله
صاریجاردن سوزکیلی فوچیلره (شکل ۳۴) الندقدن صوکره آراهه
ایله ترلارده کوتریله رک موصلقلری اچیلوب ترلانی بک براو جندن دیکر
اوجه کز دیرمکه متساویاً صواریلور یا صدق و فدان دیکیلی کوچک
ترلارده سوزکیلی فوچیلر ال آراهه لرله نقل اولنوب ویریلور .

حيوان سيدیكى پك چابوق تأثير ایلدیکندن قوتی دخی
چابوق دوکئور بر سنه دن زیاده طیانمز فقط چایرلرده ایکی



(شکل ۳۴)

سنه قدر فائده سی کوریلور مرعا کبی قتی طوپراقلرده چوق
وقت طیانور ایسه ده صبان کورن طوپراقلرده اوقدر دوام ایتمز
قان — قان مواد معدنیه وآزوتیه ایله زنکین غایت تأثیرلی
وقوتی خیلی مدت طیانور برکوبره اولدیغندن بونی ضایع ایتمک
حقیقه بیوک خطادر کوی شهر سلخخانه لرنده بریکن قانلری
ضایع ایتمیوب اوروپالیر کبی استعمال ایدلسه پک چوق فائده
سی کوریلور .

تازه حیوان قانی اتی الذکر مواددن مرکبدر :

۷۹,۰۳۷ صو

صوده اریر واریمز مواد ملحیه
صوده اریان مواد
مواد دهنیه

۱,۰۹۸

البومین ۱۹,۳۴۳

لیفین ۰,۲۹۵

قرمزی ماده لویه ۰,۲۲۷

۱۰۰,۰۰۰

متنوع حیوان قانلرینک مرکبات اجمالیسی

صو ۷۳,۷۵

مواد صلبه ملحیه وعضویه ۲۶,۲۵

۱۰۰,۰۰

قسم عضوینک تقریباً حاوی اولدینی موادک مقداریده

شودر :

کومور ۵۲,۷

مولدالماء ۰۶,۰

مولدالموضه ۲۲,۴

ازوت ۱۸,۹

۱۰۰,۰

مواد معدنیه سی دخی فوسفوریت القالین فوسفوریت
کیرج ماغزیا وحدید دکر طوزی کبریت و فحمت القالین دن
عبارتدوکه نباتاتک فلزلنمنسه اک زیاده لزوملی مواددندر .

ذکر اتی حیوانلرک قانلرینک ۱۰۰۰ قیه سنده بولنان سالف

الذکر مواد معدنیه نک مقدار ودرجاتی :

۸,۶ طاوق ۷,۹ دیشی قیون

۸,۲ طانه ۷,۸ بیکی

۸,۰ طوکر ۷,۴ قاز

۸,۰ آدم ۷,۲ کوپک

۷,۹	کدی	۷,۰	اوکوز
۷,۹	کچی	۶,۰	طوشان

فوسفوریت ایله اك زیاده زنکین اولان طوکوز قاز طانه
طاوق دکر طوزی وسوده سی چوق اولنر دخی طاوق کدی
کچی ودیشی قیون قانلیدر .

سلخ خانه قانلرنده ۲,۹۵ ازوت ۱,۶۳ حامض فوسفوری
بولنورکه بوقانك ۳,۹۹۰ ودائما مستخدم بیکیر قانی ۲,۷۱
ازوت واولقदार حامض فوسفوری بی حاویدرکه انجق ۴۴۲۲
قیه سی برجریب یری کوبره لیه بیلور .

قانی اوج طریق ایله استعمال ایدرلر برنجیسی صولی
ویا بختی حالده ایوجه طوپراغه قارشیدیرمق ایسه ده قورد
وکوپککردن محافظه لازمدر زیرا بونلر قانی بولمق ایچون ترلایی
اشه لیوب بوزارلر ایکنجیسی فرونده هراوج کیله قیزدیرلمش
طوپراغه برانبار قان قارشیدیرمق اوچنجیسی قانی قوریدوب
قوری بریرده حفظ ایله لدی الحاحه توزادوب قوللانمقدر شکر
قامشی ایچون بو یولده قان استعمالی پک نافعدر .

طوپراغی فرونده قیزدیروب قانه قارشیدیرمق ویا خودقانی
مستقلاً قورتمق حقنده برطاقم وسائط استعمال اولنور ایسه ده
بزده قان استعمالی هنوز عادت اولمیدنی کچی بیوک زراعته کافی
قان بولنه میه جغندن کوبره قطلغنده کوچك زراعت ایچون
استعمال اولنه بیلور قان باشلیجه کیلی صوغوق طوپراقلره یرار
ایسه ده یاشلق هواده خفیف طوپراقلرده دخی فائده سی کوریلور

حيوان لشرى — طوپراق محصولك ینه طوپراغه اعاده سى
 لزومى يوقا ریده سويلمش ايدك حيوان لشرى دخى پك ايو كوبره
 اولديغندن عدم استعمالى ضايعاتدن صايلور بعضاً قضا وخسته لق
 ايله بيكر اينك طانه طوكر قيون وقادلى حيوانلر اولور .
 اكثر يا قنادلى حيوانلرى اوتيه برويه اتوب كوپكلره
 ترك ايدىورز طانه وطوكر كيلرني بعضاً پارچه لمق سزين
 خسته اغاچلرك دىبلرينه كومىورز بيوك حيوانلرك دخى
 دريسنى الدقدن صوكره خالى يرله اتوب كوپك قورد
 وقارغهره براقيورز حالبو كه حيوان لشرى پارچه لنوب طوپراق
 وديرى كيرج ايله قات قات بر چوقوره كوملور ايسه اتى اى
 ويا بر سنه صوكره پك قوتلى بر كوبره پيدا ايدر كه قوتى
 ازالتمق ايچون لى الحاحه تكرار طوپراق علاوه اتمكه مجبور
 اولورز لش كوبره سيله كوبره لنان ترلالرى كوپكلر قارشدير مامق
 ايچون اطرافنه چاليدن چيت ياپمليدر .

التي ايدن بر سنيه قدر بو لشلرك كميكلى تماميله
 چورميه جكلرندن بونلر ايريجه طوپلانوب قوريدلقدن صوكره
 ياقيلور بعده اغاج طوقق ايله دوكلوب كوللرى كوبره لى طوپراق
 ايله قارشديريله رق استعمال اولنور لشلرك قوريان وتوزالان
 اتلرى دخى ايو كوبره در لکن رطوبتلى يرده صاقلانور ايسه
 چابوق قيزار بعض محللرده كوپك بوزاغو كى كوچك بويدم
 حيوان لشرى اختيار ضعيف اغاچلرك دىبلرينه كوملر
 بو يول پك فنادر زيرا بونلر اوراده قيزوب فائده يرينه كوكلره

ایراث مضرت ایلدیکندن اغاجلرک دها چابوق قوریملرینه
سبب اولور .

بویونوز طرناق کیمیک کیمیک کوموری توتقال قیرندیلی —
یالکز صیغیر بویونوز لریله بیکیر طرناقلرینه محتاج اولان
رنجبرک حالی شایان تأسف اولدینی کبی بونلر الده موجود
اولوبده استعمال ایتمیانلرک حالنه دخی تأسف ایدیلور .

قصاجخانه لرده قان نعلبند دکانلرنده طرناق یونندیسی طراحچی
ودوکه حیلرده بویونوز کیمیک یونقه وپارچه لری بولنور که بونلر
غایت زنکین و مشهور کوبره لردن صاییلور بویونوز و طرناقلرده
ایکی خاصه واردر که بری زیاده حسن تأثیری دیکری خیلی
مدت طیامنلریدر چونکه بر کوبره نک تأثیری زیاده اولمغله
قوتنک خیلی وقت طیامنسه خلل ویرمز یالکز چابوق تأثیر
ایدن کوبره نک دوامی از اولور چابوق چوریان و سهولتله
اجزاسی ایریلان کوبره نک قوتی فدانلر سریعاً الوب بتورر
حالبوکه بویونوز و طرناق یونقه و یونندیسی کبی کیچ چوریان
کوبره یالکز هوا صیجاق ورطوبتلی اولدینی زمان نباتاته تأثیر
ایدر هوا صوغودینی کبی تأثیری دخی طورر سهولتله چوریان
بر کوبره نباتاتک بیومسنه باقیه رق الویرر که یاغموور کورسون
حل اولوب قوتی طاغیدر حالبوکه طرناق و بویونوز یاغموورلی
هوالره طیانونب مساعد هوالرده و نباتات اوایاق اولدینی و قتلرده
اریسوب تأثیر ایدرلر اوحالده بر چوق جوهر غذا صرف ایلر
ایسهده فدانلرک صوی اغیر جولان ایتدیکی زمان هیچ برشی

صرف ایتمز اېشته بوینوز و طرناقلرک باشلیجه خاصه لری شو ایکی سوزدن اکلاشیلور .

کله لم مرکباتنه بوینوزی ایکی صورتله تحلیل ایتملر در که بری شودر .

مواد عضویه	۳۵,۸۴
خمیت کیرج	۷,۷۱
فوسفوریت کیرج و ماغزیا	۴۶,۱۴
صو	<u>۱۰,۳۱</u>
	۱۰۰,۰۰

ایکنجیسی دخی جدول اتیده محرر در .

کومور	۵۱,۵۷۸
مولد الماء	۶,۷۱۲
مولد الحموضه و کوکرد	۲۴,۴۲۶
ازوت	<u>۱۷,۲۸۴</u>
	۱۰۰,۰۰۰

کیمیک طراغنگ رنده طلاشنده یالکز فوسفوریت ائاريله برابر ۱۴,۱۷ و دیگرینک تحلیله کوره ۱۴,۳۶ ازوت و ۶۴,۱۴ فوسفوریت بولمشددر بیکیر طرناغنده دخی ۱۶,۷۰ و اوکوز بوینوزنده ۱۷,۱۰ ازوت واردر بهر جریبه ۸۳۴ قیه بوینوز و طرناق او فاندیسی ویرلر .

بونده اصل کوچلک طرناق و بونوزلری توز ایدوبده
طوپراغه قارشیدر مقده ایدی یقینه اکا دخی برچاره بولمشلردر
اولا کندو محوری اوزرنده دوزر قهوه طاوہسی کبی تیمور
برطاوہده قاوروب بعده ال دکرمنده (مرداس یاخود یارغو-
جاق) سهولتله اوکودیلور و بوصورتله آزوتندن هیچ برشی
غائب اتمیور .

ارباب زراعتدن معروف برذات طوکر و بیکر طرناقلرینه
فوق العاده براهمیت ویریسورده قورومق درجه سنه کلش
اولان برشفقالو اغاجک کوکلری دینه قیشین درت طوکر
طرناغی قویدیغندن اغاج بوندن تازه حیات بولوب قوتلندیکی
حاله جوارنده بولان دیگر برخسته اغاجک کوکلرینه برال
آراہہسی یانق کوبره قومیشیکن طرناق قدر حسن تأثیر
ایتمدیکی وینه خسته وضعیف برالما اغاجک کوکنه درت عدد
بیکر طرناغی قونلدیغی حالده اوزمانه قدر کورلماش درجه ده
اغاج درت بش سنه متمادیاً زیاده میوه ویردیکی و بو طرناقلردن
برسی اولوقت چیقاریلوب اوچ درت سنه ده خدمت ایدہ جک
قدر قوۂ انباتیہسی هنوز موجود اولدیغی کوردم دیور طوکر
طرناغی باغ کتوکلرینه دخی فوق العاده تأثیر ایلدیکی سویلیور
ایستیان تجربہ ایدہ بیلور .

حیوان بونوزی بوغدای ترلالرینه و چارلره ویریلہ جکی
صرہده یوقاریده بیان اولندیغی وجهله اوکودیلوب یاخود
طراقجی دکانلرینک یونتی وقازنتلرینی الوب قیشین ترلارہ

یایلمدر بوغداى ترلارنده خصوصيله خدایى مرعالرده شایان
حیرت فائدهسى کوریلور .

قوش قوغزلر ایچون دخی قوچ قیون بونوزلرینک فائدهسى
تصدیق ایدیورلر آچیلان چوقورک آلتنه بر طبقه قیون بونوزى
یایلدقدن صکره اوزرى درت پارمق قالین برقات طوپراق ایله
اورتیلوب قوش قوغز کوکلىرى دیکلور .

حیوان کیمکلى . حیوان کیمكى پک مقبول کوبره اولدیغندن
انکلترده پک چوق استعمال ایدرلر انکلیزلر ترلارینک صرف
ایتدکلى فوسفاتلرینى بومیکلر ایله اعاده واسكى قوتلرینى
استحصال ایدرلر اسقوجیاده کیمکلى پک بهالودر .

آتى الذکر حیوان کیمکلى مرکباتى شوندن عبارتدر .

بالق	طوکوز	اوکوز	انسان
۴۳,۷	۴۶,۶	۳۳,۳	۳۳,۳ قاینار صوده اریبان ققرداق
۴۸,۰	۴۹,۰	۵۷,۴	۵۳,۰ تحت خمیت کیرج فوسفوریت
تریباسیق			
۵,۵	۱,۹	۳,۸	۱۱,۳ خمیت کیرج
۲,۲	۲,۰	۲,۰	۱,۲ فوسفوریت ماغزیا
۰,۶	۰,۵	۳,۵	۱,۲ ملح قلیوی
۱۰۰,۰	۱۰۰,۰	۱۰۰,۰	۱۰۰,۰

قصابخانه لرك تازه كميكلرنده دخى مواد آتیه واردر .

۳۰	غایت آزوتلی انسجه حجروه
۱۰	یاغ
۶۰	مواد ملحیه (اکثری فوسفوریت کیرجدر)
۱۰۰	

بعضیلر کیمیک فوسفادینی بعضیلر دخی آزوتی ترجیح ایدرلر بزه قالور ایسه ایکسیده فائده لیدر بعض طوپراقلر واردرکه یانق طوپراقلری پك چوق اولدینی حالدده فوسفاتدن محرومدرلر بو طوپراقلره قاینادیلوب یاغلی النان کیمیکلرك یاغی النامش کیمیکلردن هم فائده سی کثیر وهمده تأثیری سریعدر حالبوکه فوسفاتجه زنکین ویانق طوپراقجه فقیر اولان طوپراقلرده یاغلی کیمیکلرك فائده سی کوریلور ایسه ده اولکی قدر چابوق تأثیر ایدمه زیرا مواد حیوانیه ونباتیه چورکلری یاغلی ات وایلیک ایله برابر بولنور ایسه کونشده اریبوب نشادره تحویل ایچون برچوق زمانه محتاجدرلر انک ایچون طوپراقلرك طبیعتلرینه کوره کیمیکلر بعضاً فوسفات وبعضاً آزوتلریله حسن تأثیر ایدرلر ایشته بوندن طولاییدرکه قاینادلش ویا کونشده قوریدلمش اسکی کیمیکلره قاینانامش ویا تازه کیمیکلر ترجیح اولنور . کیرجسز طوپراقلره کیمیکلر کوزل تأثیر ایتدیکی کبی کسمه وپلانندزلی طوپراقلرده دخی فائده لری چوقدر بوغدای شالغم ویشیلکله کیمیکلر ایویرار نه قدر زیاده بوغدای ونه

قدر چوق سود الور ایسهك طوبراقدن اونستده فوسفات
 اخذ ایتیش اولورزكه بونی طوبراغه اعادهیه مجبورز انك
 ایچون بوغداى اکیلان وسودلریچون چوق اینك بسلنان
 چفتلکله کیمیک پک لزوملی کوبره در شوقدر وارکه کیمیک
 تاثیرى چوق وقت دوام ایتدیکندن خالص استعمال اولغیوب
 چفتلك کوبره لری و نباتات چورکلریله قارشیدریله رق بر مخلوط
 یاییلور ایسه پک اعلا اولور بو کوبره لر ایله نباتات چورکلرنده
 بولنان حامض خمى فوسفاتی اریدوب سریعاً تأثیر ایتدیرر
 عکسی حالده فوسفات ارمیه جکندن نباتات هیچ فائده کوره مز.
 ارباب فنوندن برى مطالعات آتییه در میان ایدیور عمومك
 رأینه واهل تجربه نك افاده سنه کوره کیمیکلرک غوانو دنیلان
 دکر قوشلری ترسی کبی شالغمه پک ایو کلسی فدانلرک اکمال
 حیاتلریچون محتاج اولدقلری موادك کیمیکلرده بولنمسیدر
 حالبوکه ایدیلان تحلیلالاته باقیلور ایسه کیمیکلرده الویره جک قدر
 مواد معدنیه بولنمدینی جهتله بشقه کوبره لر ایله قارشیدر.
 لمقسزین استعمالی ایو دکدر از جمله قالیله برطوبراغه شالغم
 اکیلدیکی حالده بوشالغملرک ۲۰۰۰۰ قیه سی طوبراقدن ۱۵۰ قیه
 پوتاس وسوده اله جقلرندن بونلری طوبراغه اعاده ایده جک
 کوبره ویرلیوبده یالکز کیمیک کوبره سی ویریلور ایسه طوبرا.
 غك قوتدن دوشه جکی درکاردر انك ایچون کیمیکه عادى طوز
 وسوده یاخود بوماده لری حاوی سائر کوبره قارشیدیرمق
 ایجاب ایدر .


کمیكلرك صورت استعمالی مختلفدر بعضیسی کمیكلری او او جانغنده یا قوب کولنی کومور و اودون کوللریله قارشیدیره رق طوپراغه صاچارلر دیکرلری دخی کمیكلری قوری چالیلر اوزرینه قویوب آچقده یا قدقندن صوکره اغاچ طوقاق ایله دوکوب اوفادرلر وتوزینی عادی کوبره یه قارشد. یرلر بویکی صورتده هیچ مشکلات یوقدر اما کمیكلرده بولنان مواد عضویه نك جمله سی یا نغله ضایع اوله رق یالکر فوسفاتی باقی قالور .

شومخودورک دفعیچون کمیكلر تازه ایکن دوکوب توز ایدملی یا خود بروح ایله ایدملیدر اکثریا کمیكلری یرده ییغوب اوزرینی طوپراق ایله اورتهرک قیزنجهدر ترک ایدرلرکه صوکره سهولته توزالور بعضاً دخی قیزغین کوبره ایچنه کومر. لرکه اوراده ارییوب کوبره یه قاریشور بعض یرلرده دخی حیوان سیدیکی چوقورلرینه آتوب برایکی هفته ظرفنده ایدرلر یا خود کیك کوموری کی استعمال ایدرلر .

کمیكلری توزاتمی ایچون الماس فاجته سی کی معمول چیویلی برتیور کتوک و بوکتوک بکرر دیگر تیمور تخنه قابلی برطوقاق استعمال ایلرلر بواصول کوچك زراعتبه مخصوص پك زحمتی برایشدر .

بیوك چفتلکلمده کمیكلری چلیکدن معمول قبا اکلی و خلرونی یونتوق دیشلی بردکرمن (شکل ۳۵) ایله اوکودرلرکه بو دکرمن بردستگاه اوزرنده بولنوب برصو چرخنی واسطه سیله حرکت

ایدر اشبو دیشلی دکرمنک اوزرنده بولسان ایکی دیکمه لی
برخطیلک اورتسند ساج قابلی بیوک بردلیک وبونک اغزنده
دکرمن خونییی کبی برتکنه بولنورکه اوکودیله جک کمیکلر




(شکل ۳۵)

اولا برطوقاق
ایله اوفادلدقدن
صوکره بوتکنه یه
قونورکه اورادن
چرخک دیشلری
اوزرینه دوشهرک
اوکونوب توزی

التنده کی کوفه یه دوکلور .

کمیک توزی نه قدر ایجه اولور ایسه اوقدر قولای وبر



(شکل ۳۶)

دوزی یه ترلایه یاییلور و او
قدر چابوق اریسوب تأثیر
ایدر انک ایچون ایجه سی
مقبولدر فقط ایری کمیکلر
هرنه قدر کیچ ایریر و اغیر
تأثیر ایلر ایسه ده ایجه سندن
دها زیاده طیانور .

بومقصد ایچون دها اهون
وتکلف سز برالت ایجاد اولمشدرکه
۲۷۰ غر وشه ویررلر (شکل ۳۶)

باشلیجه پارچه‌لری شونلردر برنجی تپه‌سی دوکه تیموردن
اولوقلی - ب - برکتوک - آ - وبونک اوزرنده دوبک ایشی
کوررینه دوکه تیموردن تکنه‌سی - ج - واردر ایکنجی
الماس قاچه‌سی کبی ساده واورته‌سی خاچواری
ایکی قاتلی فاجته‌لره منقسم بر طوقاق - د - در. اوچنجیسی
اغاچدن معمول اسنک یای شکننده برصریق - ه - اولوب اورته
سندن طوانه - و - مربوطدر طوقاق بونک کیریشه باغلی
اولدیغندن اصیلی طورر بو کریش - ز - واسطه‌سیله طوقاق
کیمک طولی دوبکک ایچنه سهولته ایندیریلوب قالدیریلور بوال
ایله کونده ۲۰۰-۳۰۰ قه کیمک دوکوله‌بیلور .

بوالترلی ایدینه‌میانلر ۱۰۰ قه کیمکی ۵۰ قه زاج یاغی
قاریشق ۱۵۰ - ۲۰۰ قه صو ایچنده اریتمکدن بر قاق‌کون
صوکره صبان ایله طوپراغه کومزدن اول بر اوقدر ده صو
علاوه ایده‌بیلور بو طریق ایله استحصال اولنان کوبره دخی
مقبولدر .

اگر کیمکی طوپراغی اصلاح ایچون مثلاً کیلی قتی طوپراغی
خفیف طوپراقلره قلب ایچون استعمالی مطلوب ایسه او‌حالده
کیمکی توزاتمعه حاجت اولیوب ایریجه ایریجه قیریلهرق طوپراغه
باییلوب صبان ایله اذرین کوملهرک بعده طبانلانور یعنی اوزرینه
سورکی چکیلور بو طریق ایله کوملان کیمک انجق ایکی اوج
سنه صوکره کوبره کبی تأثیر ایده‌بیلور .

اگرچه میکده مواد معدنیه از اولدیغندن معدنی کوبره‌یه

محتاج طوپراقلرده کیمکی مواد معدنیه ایله زنکین کوبره لره قارشیدیرله رق استعمالنی نصیحت ایدرلر ایسه ده اوقدر معدنی کوبره یه محتاج اولیان طوپراقلر ایچون کیمک یالکتر استعمال اولنه جنی تقدیرده بهر جریبه ۱۲۰۰ — ۱۵۰۰ قه کیمک اعطاسی لازمکلور اگر توز ایسه بو مقدارک اوچده بری تنزیل اولنه بیلور ایشک طوپراقلرده تأثیری اوچ و خدای مرعالرده الی سنه دوام ایدر اگر چه کیمک تأثیری ۱۰ و ۲۵ سنه قدر دوام ایده جکی افاده ایدرلر ایسه ده درجائی ایلك سنه لری قدر اوله مز ترلا و چایرلره کیمک توزینی دائماً ایلك بهارده نشر ایدرلر .

انکلتره واسقوچیا ده کیمک توزینی شالغم تخم لینه قارشیدیررق تخم ماکنه سیله برابر اولنکلرینه اگر لر کیمک چابوق تأثیری مطلوب ایسه استعمالدن اول بیوک ییغین یاپوب ایصلاق طوپراق ایله قارشیدیرله رق قیزوب حل اولمغه باشلاخجه قدر بکلنور اوحالده طوپراغک احتیاجنه کوره بهر جریبه ۱۳ — ۲۰ انبار قدر ویریلور .

ات و کیمکلرک قاینامغله چیقاریلان کف یاخود کوپوک وحلمه لری دخی اعلا کوبره اولور .

شکر فابریقه لرنده شکر تمیزلدکلری کیمک که بوکا قره کیمک و کیمک کوموری دخی دینور بونده زیاده فوسفوریت کیرج بولندیغندن یکی اچیلان فوندهلق وسائر بیانی اوتلی آچه لره بک نافعدر زیرابو طوپراقلرده بولسان نباتات چورکلری

فوسفوریت کیرجی قولایچه حق اریده جکنده شبه یوقدر
فونده آچهلرینک بهر دوغنه بر کيله کمیک کوموری
ویریلور ایسه پک کوزل محصول النور فقط چوقدنبرو ایشلک
ترلا طوپراقلرینه یراماز چونکه اسکی طوپراقلرده فوسفوریت
کیرجک لزومی اولدیفی کبی بونی حل ایده جک حامض فحی
دخی نادرر اکین ترلارینک محتاج اولدقلى فوسفوریت
کیرج کمیک کومورنده موجود اولدیغدن یکی آچهلر بونک
ایله کوبره لنور ایسه بر قاج سنه متادیا محصول النه بیلور .
برده ایچنده قاز طاوق هندی کرن فونده لقلرده کمیک
کومورینک فائده سی اولمز سبی ایسه بونلر فونده وچار
ایله یملندکلرندن اورالرده نباتات چوروکئی و فوسفوریت کیرجی
تحلیل ایده جک حامض فحی از بولندیغدر بونکله برابر
ترسلرنده بک زیاده فوسفوریت کیرج اولدیغدن کیرجی
اریده جک حامض فحی بی پیدا ایچون چقتلک کوبره سی
لازمدر .

کمیک کوموری تخی اکوب اوزرینی اورتمک ایچون
سورکی چکيله جکی زمان ویرلملیدر .

یوک پچاوره لری — یوک نه در ؟ بر حیوان محصولیدر :
ایستریقانسون ایستر طراقلاسون بوکلسون اثواب شال فانیله
وچوراب اولسون طبیعتی دکشدیرمیوب اولدن نه ایدیسه
صوکره ینه اودر: مادامکه یوک بر حیوان محصولیدر البته
بر کوبره وحی ال مقبوللرننددر حیوانلرک لشی قان قیل بوینوز

وطرناقلىرى ايو برکوبره اولدينى حالده قيونلرک يوکى نيچون انلرکى ايو برکوبره اولمسون! واقعا بر چوق سنه اول ارباب زراعت طون شالوار ويوک چوراب اسکيلرينى کوبره يرنده قوللانه جقلىرىنى وحين حاجتده يعنى بشقه کوبره بوله مدقلىرى حالده يالکز بوکوبره ايله ايش کوره بيله جکلرينى کندولرينه سويلان اولسه تعجب ايده جکلرى شهبه سز ايدى شمدى ايسه تعجبه دخى محل قالمدى .

بوندن قرق اللى سنه اول کاغد فابريقه لرينه سرمايه اچون کوى وشهرلرده طولاشان پچاوره جيلر يالکز کتان پنوق پچاوره لرينى صاتون الورلر ايدى حالبوکه شمدى بويولده پچاوره لر زراعته پک فائده لى برکوبره اولدينى اکلاشلمشدر . اى وقت اولديکه يوک کوبره کى استعمال اوليور ايديلان تجربه لره نظراً يوک پچاوره لرى هر طو پراق ايچون الورش حقنده شمدى به قدر بيلديکمز کوبره لرک اک اعلا سيدر بونکله برابر خفيف طوپراقلردن زياده قوتلى طوپراقلره ده چوق تأثير ايدر پچاوره ايله کوبره لسان طوپراقلرک محصولى يالکز خاصه سندن دکل مقدارجه دخى سائر کوبره لر ايله کوبره لسان طوپراق محصولندن چوق اولور بوندن بشقه سائر ايو کوبره . لردن زياده طيانقلى واستعمالى دخى اداره ليدر .

بردونه ۷۰۰ قه پچاوره ويريلور ايسه تکرار کوبره اعطاسنه حاجت قالمق سزين بش دفعه محصول النه ييلور سائر

کوبره لر کبی تدریجی ۲ - ۳ دفعه ویرملک اقتضا ایتیموب
دفعته ویرملک کافیدر .

بوچاوره لر چوقور برمحله قونوب اوزرینه براز صو
دوکیلور ۸ کونه قدر قیزوب اندن صوکره چوریمکه باشلايه .
جفندن عادی کوبره لر کبی ترلاره یاییلور فقط ایوجه طوپراق
ایله قارشق ایچون ترلای سوزمزدن اول پچاوره لر یرتیلوب
اوافق اوافق پاچهره تقسیم ایله پتاته ایچون صبان ایله اولککر
اچیلدجه یاییلوب اوزرینه پتاته لر دیکیلور عمراتی واکینله
دخی ویریلور فقط حبوبات ایچون یالکر استعمال اولنیوب ایکی
اوج آی اول سائر کوبره لر ایله قارشدیرلدقن صوکره ویرملک
اقتضا ایدر .

بش التی آراهه کوبره ایله قاریشق ۱۲۰۰ - ۱۵۰۰ اوقه
یوک پچاوره سی درت دونم یری کوبره ملکه کافیدر بوکونکی
کون انکله ده عمر اوتی ترلارنده پک زیاده استعمال ایدیورلر
اورالده سنوی ۲۰ میلیون اوقه پچاوره صرف اولنور وهر
دوغه ۳۵۰ - ۴۰۰ قیه پچاوره ویریلور پتاته وبوغدای
ایچون خفیف وکیرجلی طوپراقلده پک اعلا تاثیر ایدر .

یوک پچاوره لری دومانلی ویاغمورلی یرلرک یاخود ساحله
یقین محملرک عموم خفیف طوپراقلرینه ومعتدل قوری اقلیملده
ایسه کیلی طوپراقله ایوکیلور فقط هرفدان ایچون بردرجه ده
الوریشلی اوله مز عمر اوتی پتاته قولزا یبانی وبستانی شالغم
لخنه وصلیه طاقه سنه حتی لیون پورتقال اغاچلرینه دخی

فائده لیدر پچاوره لر پك آغیر جور و دکلرندن تأثیرلری ۵ — ۶
 سنه دوام ایدر بر قاج سنه یاشایوب کوکلری پك درین کیتیمان
 نباتات ایله یاصدق فدانلر یچون پك اعلادر بالعکس چابوق یتشان
 و ترلاسنده چوق طور میان نباتاته او قدر فائده سی اوله من
 بویله فدانلر ایچون قوری پچاوره لر تخم و قتنده ویرلیوب صوك
 بهار اکیمی ایچون اغستوس وایلك بهار ایچون تشرین اولده
 طوبراغه کوملور ایسه بومدت اراسنده پچاوره لر ایصلانوب
 قیزار و چوریمکه باشلرکه تخم اکیلدیکی زمان تأثیری کوریلور اگر
 تخمدن اول پچاوره ویرمك مطلوب یاخود ممکن دکل ایسه
 او حالده بر چوقوره قات قات ییغوب هر قات آراسنه بر قاج آووج
 اودون تورب یاخود معدن کوموری کوللری یاییله رق اوزرینه
 صیجاق و یا ایلیق صو دوکیلور بو وجهله ۵ — ۶ هفته نهایتده
 چوریوب ایو کوبره اوله جفندن حین استعمالنده در عقب
 تأثیری اولور .

بلجیقاده اشبو پچاوره کوبره لرینی باشلیجه میوه اغاچلرینه
 و پتاته لره ویررلر .

پچاوره لر هر نه قدر اکسز کوچك اولور ایسه او قدر
 ایودر یالکتر پتاته اکیلان قتیجه طوبراقلرده اکلی پارچه لر
 طوبراغی اویناق طوته جفندن یومریلرینك ایریلشمسینه
 فائده سی اوله بیلور .

توك و نشتا سه جیره سی ایپك تل و طرطیللری قوش توكی
 بالق کیمك و چورکلری یاغلی بولاشق و کیرلی دری صولری

دخی کوبره یرنده استعمال اولنور نشاسته جبره سی طوپراغک
 قوه انباتیه سنه یاردم ایدر اوروپاده تازہ وقوریسی النوب صا.
 تیلور تازہ سنی قوریسنه ترجیح ایدرلر انکلترده ۱۰۰۰ اوقه سی
 ۷۰ - ۸۰ غروش ایدیور .

ایک دخی حیوان محصولی اولدیغندن لزومسز چورکری
 ایک فابریقه لرندہ بولنورکه بوده کوبره در طریطیل وفشقیلری
 دها زیاده سریع التأثيردر دوت پیراقلریله بسلنان بوجک ایک
 وفصلاتی دوت وایلانتوس پیراقلریله کچنان طریطیلرک لش
 وچورکری نی ایلانتوس باغچه لرینه ویررلر .

حیوان توکری وخام تفتیک پارچه لری دخی پاره ایدر
 فقط پک اغیر چوریدیکندن سائر کوبره لز ایله قارشیدروب
 استعمال ایدرلر قوش توکرینک لزومسز چورچوبلری دخی
 کوبره یرنده قوللانیلور .

بالق کیمک وچورکری دخی مقبول کوبره در پره تانیبا
 اطه سی سواخلنده سردالیه رنگه وسائر دکر بالقرینک لزومسز
 دوکندیلرینی غایت فائده لی کوبره یرنده استعمال ایدرلر
 اسقوجیا سواخلنده ۴۰۰۰ ارشون برترلایه ۳۰ انبار قدر
 مورینا وطورنه بالقرینک ینلمیان ات کیمک وباشلرینی ویررلر
 انباری همان ۸ غروش ایدر شالغملر ایچون تاثیر پک ثنا
 اولنور شو حالده صبان کچر ایکن اچدینی اولکله کورکه
 اتیلورکه صبانک عودتنده دوبردیکی دیگر اولکک طوپراغیله
 اوزری اورتیلوربعده ال ویا تخم طولابی ایله شالغم تخمیری اکیلور .

بالق چوركلرى ازوت وفوسفورلى مادهلر ايله پك زنكىندىر
بزم دكرلرك سواحلىده كلتلو بالق چىقدىنى حالده فضلاتى
استعمال اولمىوبده دكر كنارلىرىنه دوكلهرك مملكتك هواسى
افساد اولدىغنه تأسف اولنمىمى؟ اميد ايدىركه اشبوكتامىزك
انتشارندن صوكره هر كس بومقوله چورك چارىق دوكندىلرك
زراعتجه نه قدر قيمتدار شيلر اولدىغنى بيلوب توصيه من وجهله
استعمال ايدرك كيسه ثروتلرىنى طولدىرلر .

قيون ييقادقلىر يىرلرده بولنان كىرلى وبولاشق سولرى
دخى غايت تاثيرلى اولدىغندن قى كوبره لره قارشىدىرلهرق
استعمال اولنور .

اوچىنچى فصل چفتلك كوبره لىدر

چفتلك كوبره لى قيون كچى بىكىر اشك قاطر اينك
طوكز اخور كوبره سى وقوقش كتان سولرىندن عبارتدر
بونلرده ايكى قسمه ايريلور برينه صىجاق دىكرينه صوغوق
كوبره دىرلر صىجاق كوبره لر از سولى وقىزدىنى زمان غايت
شديد حرارت نشر ايلان قيون كچى بىكىر اشك قاطر
فشقىلرلدر قره صىغير مائىسله اخوردهكى سيدىكلر دخى صوغوق
كوبره لردن صايلور .

انواع حيوانات مستخدمه كوبره لرىنك اولامركباتى بيان
ايتدكن صوكره هر برىنك بشقه بشقه اصول استعمال وكيفيا-
تى ذكر ايدىجىز .

چفتلك حيوانلرينك فشقىلرنده اتى الذكر مواد بولنور .

قيون	طوكز	بيكر	اينك	
۶۸,۷۱	۷۵,۰۰	۷۸,۳۶	۷۹,۷۲۴	صو
۲۳,۱۶	۲۰,۱۵	۱۹,۱۰	۱۶,۰۴۶	موادعضويه
۸,۱۳	۴,۸۵	۲,۵۴	۴,۲۳۰	مواد معدنيه و قلوبيه
۱۰۰,۰۰	۱۰۰,۰۰	۱۰۰,۰۰	۱۰۰,۰۰۰	

حيوان فشقىلرنده بولنان مواد ملحيه كبريتيت فوسفوريت
خميت قلورر القالين و تحت پوتاس سوده كيرج وانكليز طو .
زندن عبارتدر .

حاوى اولدقلى آزوت و حامض فوسفورك مقدارى دخى

شودر :

حال طبيعى سنده ازوت	حامض فوسفورى	بهر جريب ايچون	
۱۰۰ ده	۱۰۰ ده	قيه	
۰,۳۲	۰,۷۴	۳۷,۵۰۰	اينك قى كوبره سنده
۰,۴۱	۰,۵۵	۲۹,۲۵۰	سيديك وصولى كوبره سنده
۰,۵۵	۱,۲۲	۲۱,۸۱۰	بيكرك قى كوبره سنده
۰,۷۴	۱,۱۲	۱۶,۲۰۰	سيديك وصولى كوبره سنده
۰,۸۰	۳,۸۷	۱۷,۱۳۰	طوكرك قى كوبره سنده
۰,۳۷	۳,۴۴	۳۲,۴۳۰	سيديك وصولى كوبره سنده
۰,۷۲	۱,۵۲	۱۶,۶۵۰	قيونك قى كوبره سنده
۰,۹۱	۱,۳۲	۱۳,۱۷۰	سيديك وصولى كوبره سنده

جدول مذکور در بالا شیلیور که متنوع کوبره مواد مرکبده یکدیگر نردن فرقلدر .

قیون کوبره سی — قیون کوبره سی غایت قوتلی بر کوبره در جبهلری (قینی) قوریجه اولدیغندن یتاغه گلز قبالیده پک یواش چورر اما آچیقده بر اقلور یاخود صولانور ایسه سهولتله قیزمغه باشلر .

قیون کوبره سنده شبهه سز عموم آخور کوبره لرندن زیاده ماده واردر بیکر کوبره سی قدر صیجاق دکل ایسه ده تأثیری اندن زیاده اوزوندر بو کوبره استعمال اولنه جنی وقته قدر یرنده بر اقلوب حیوان ایاغی التنده از یله رک رطوبت الدقجه قیزمق علامتلی کوستر .

قیون کوبره سی هر طور اغه کلور فقط قره صیغیر فشقیسنه نسبة کیلی سرت وصوغوق طور اقلر ایجوق پک ایودر یبانی شالغم وقولزا ایچون عموم کوبره لره ترجیح اولنور رطوبتلی وخفیف طور اقلرده ۶ آراهه قیون کوبره سی ۹ آراهه بیکر کوبره سنک یرینی طوتار .

یاغ چیقاریلان نباتاته دخی پک فائده لی ایسه ده پانجاره ایو گلز چونکه شکری قره صیغیر فشقیسیله کوبره لنان پانجارك شکر . ندن آز اولیور آرپه سنک نشاسته سی دخی چوق اولیور وبعض دانه لری بروقتده چیملمدیکندن آرپه صوی فابریقه لرنده اوقدر مقبول طوتلمیسور بوغدایی دخی اینک و بیکر کوبره لری بوغدایی قدر دکرلی اولدینی کبی خوری دخی قبار میوب اتمکی یاصی اولیور همده فرونده چاتلایور .

اوتلاق برقیون سنهده ۴۰۰ — ۵۰۰ قیه کوبره ویره.
بیلور علی السویه بردونم یره ۴۰۰ قیه قیون کوبره سی
کافیدر .

کچی کوبره سی — بو کوبره دخی تاثیرجه قیون کوبره سنه
یقین ایسهده بونده ییاق توکی بولمندیغدن انک قدر زنکین
اوله مز بعض یرلرده کوزل یاز وقیش طورپی یتشدیرمک
ایچون ترلاسنده اینجه دکنک ایله برر دلیک آچوب هر دلیکه
برر تخم براققدن صوکره درعقب اوزرینه کچی کوبره سی
قونیلور بو کوبره پی بویولده استعمال ایدنلر دائماً ثناسنی
ایدیورلر کچی کوبره سی سبزوات ایچون حقیقه پک ایو
کوبره در .

بیکیر فشقیسی — بوسیچاق کوبره نك قیمتی بیلیمان آدم
یوقدر فقط هر بیکیرك فشقیسی برسیاقده اولیوب حیوا.
نلرك یم ویتاقلرینك کیفیتنه واستخداملرینك درجانه کوره بشقه
بشقه در پوسته حیوانلرینك فشقیلری برنجی چوق یملنان بیکیر.
لرك یتاقلری ایله ایوچفتلك حیوانلرینك کوبره لری ایکنجی وفقیر
کویلیلرك حیوانلری چوق ایشلیوب فقط آزیم کوردکلرندن
کوبره لری اوچنجی درجهده صیجاقدر بعض پوسته حیوانلرینك
فشقیلری اوقدر صیچاق اولورکه کندو کندویه آتش آلوب
ینار .

ارباب فك وچفتجی اوسته لرینك افاده لرینه کوره بیکیر
فشقیسی تأثیری سریع وآز دواملی فقط قوری وصیچاق

اولدیغندن خصوصیه کیلی طوبراقلره پک ابو یرار بزبواقلاره
تمامیه اشتراک ایدمیز زیرا بیکیر کوبره سی کیلی رطوبتلی
طوبراقلره یرادینی حالدہ بلاتفریق خفیف طوبراقلره ده یرامدینی
ادعا اولناملیدر کرچه طبیعتی ذاتاً قوری وصیجاق اولدیغندن
صیجاق اقلیملرک خفیف طوبراقلرینه یرامز ایسه ده آزچوق
صوغوق و یاز یاده یاغور یاغان و دومانلی اولان محللرک خفیف
طوبراقلرینه ابو کلور .

بیکیر کوبره سی قوراقدن قورقوسی اولیان هر طوبراغه
وسرعتله یتشمسی مطلوب اولان عموم تر فنده نباتاته نافعدر
باغچوانلقده که طوبراقلری دائماً صولانور تأثیری سریع اولدیغندن
انلر ایچون بیکیر کوبره سی پک مقبولدر دکل یالکر سبزواته
و یررلر بوندن صیجاق یتاق و یاصدقلر دخی یاپارلر .

برآرشون انبار تازه بیکیر کوبره سی ۴۰۰ و یاری یانمش
کوبره اورته حساب ایلہ تخمیناً ۵۵۰ اوقه کلور والته کونده
۲ بچق قیه یتاق یاپیلان بیکیردن یتاغیلہ برابر سنه ده ۸ - ۹
بیک اوقه کوبره حاصل اولور .

هر دونم ایچون ۵۰۰۰ اوقه تازه فشقی چوق دکلدر ۸,۷
بیک اوقه و یریلہ جک اولور ایسه ده اعلا اولور .

دوه اشک و قاطر فشقیلری دخی اولکی قدر و بعضاً ده
مقبولدر اسکی و یکی باغچوانلر یتاق اعمالیچون بیکیر کوبره سنه
ترجیح ایدرلر .

اینک و اوکوز مایسی — اینک اوکوز دیدیکمزده

طومبای (مانده) دخی برابردرکه عمومئه قره صیغیر دیرلر
بونلرک مایسلری زیاده صولی واولکیلردن از قیزدیغیچون
صوغوق کوبره لردن صایلور عموم اهل زراعت وچفتجیلر
قوری وصیجاق طوپراقلره وچوق صو ایستیان و سیرینلکی
سون فدانلره ویرلمسنی توصیه ایدرلر تزکلرینک قوتی حیوانلرک
میلرینه تابعدر ضعیف اوتلاقده اوتاریلان یاخود قیشین صمان
ایله وقتی کچورن اینک سمیردیجی نباتات ایله بسلنان اینک
تزکی قوتنده تزک ویره مر .

اینک اوکوز مایسی خصوصیه اسکی اولور ایسه غایت
مقبولدر ایشته چفتلک کوبره سی بوکا دیرلرکه بلا احتراز نازک
اصمه لره پک ایوکلور قره صیغیر تزکک باشلیجه برقاچ
خاصه سی واردر برنجیسی یواش یواش چوریدیکندن قوتی
طوپراقده خیلی مدت باقی قالور ایکنجیسی هر دورلو زراعته
وهر طوپراغه کلور اوچنجیسی چوق صولی اولسی جهتیله
هر دورلو یتاق کوبره لرله امتزاج ایلرکه بیکیر وقیون کوبره لرنده
بوخاصه یوقدر دردنجیسی دائماً برسیاقده تأثیر ایدوب تخلف
ایتمز بشنجیسی تزکلری کلیتلو مواد متروکه یی حاوی وقوتلی
کوبره لردر خلاصه بر حیوان یدیکنی فشق ایله اعاده ایلدیکنه
باقیلورسه قره صیغیرک تزکلرینه علاوه ایتدکلری رطوبتدن
اوتوری بیکیر وقیوندن زیاده کلیتلو یتاق کوبره لری پیدا
ایلدکلرینی تصدیق ایتامک محالدر .

صواته قونیلان یعنی کسمک ایچون بسلنان براوکوزک

برانبار اسکی کوبره سی تقریباً ۸۰۰ اوقه کلور ایشلک براوکوز
یتاغیله برابر سنه ده ۱۰ - ۱۱۰۰۰ اوقه فشقی ویره بیلور.
چالشدیرلیان براینکک یتاغنک تزییدینه کوره ۱۲ دن
۱۳۰۰۰ اوقه ودها زیاده فشقیسی اولور پک چوق یشیلک ایله
بسنان و یومیه ۵ قیه یتاق ویریلان اینکک تزکی ۲۰۰۰۰
اوقه یی تجاوز ایدر بو تزکدن بر دونم ایچون ۸ - ۱۰ بیسک
قیه استعمال اولنور .

طوکر کوبره سی — طوکر ترسی هرکسک نظرنده اوقدر
شهرت اله مامشدر بعضیلر پک صوغوقدر بعضیلر دخی نباتات
ایچون یرامز دیرلر بر طاقی دخی طیانقسنزلخی سویلرلر بو
سوزلر طوکرلر فنا وصولی اوتلر ایله بسنان یرلر ایچون جائز
اوله بیلور ایسه ده عموماً تصدیق اولنه مز .

اینک تزکی ویریلان طوپراق و نباتاتک عینی طوپراق
و نباتاتده طوکر ترسنک اندن ایکی سنه ودها زیاده تأثیری
دوام ایتدیکی اهل تجربه حکایت ایدیور شوراسی صحیحدرکه
طوکر کوبره سی ترلالرده فنا و خسیس اوتلر ظهورینه سبب
اولور حالبوکه اسکسی استعمال اولنور ایسه بوفنالق وقوعه
کلز .

طوکر چفتلکلرک ایو بسلی حیوانلرندن معدود اولمدیغندن
فشقیسی دخی اورته صنف کوبره لردن صایلور کنویره ایو
تأثیر ایدر و خدای مرعالره دخی اعطاسنی توصیه ایلرلر فقط
دیگر کوبره لر ایله قارشیدریله رق ویریلور ایسه ایو اولور

کوستبکلر طوکرز کوبره سی اولان یره یناشمدقلرینی روایت ایدرلر .

برانبار نه قدر طوکرز کوبره سی الاجفی بیلمز ایسه کده یالکز برطوکرزک سنوی فشقیسی تقریباً ۸۰۰ — ۱۴۰۰ اوقه کلور بردونم یره ازدن ۵ — ۶ بیک اوقه طوکرز فشقیسی الویرر .

کوبره صولری و باغچوان شربتلی — یاغمورلر ایله فشق بیغینلرندن اقان صولر چفتلک وکوی حولیلرلرنده فنا قوقولی بریکندیلر پیدا ایدر بوصولر صاریج سیدکلرندن طیانقلی ایو کوبره در بویله آقا آقا بریکن صولر دقتله محافظه اولنهرق چابوق یتشمسی مطلوب اولان فدانلره ویریلور .

بعض چفتجیلر بوصولری قوراقلرده کوبره بیغینلرینی صولامق ایچون محافظه ایدرلر ایسه ده بوصورتله اکثریا طوپرا. غه صیزوب یاخود خارجه اقوب تلف اولور بویله قیمتلی برکوبره نك ضایع اولسی شایان اسف دکلیدر چونکه بیلمه مزاک بوکی اهمیتی شیلرده یالکزکندو ثروتی دکل هرکسک استفاده. سنی رخته دار ایتدکدن بشقه صحت عمومیه بی دخی افسادایدلیکی محققدر .

کویلور و خصوصیه چفتلک صاحباری بو کبی کوبره صولرینه قطعاً اهمیت ویرمدکلری حالده باغچوانلر بوصو ایله خسته یاخود کچیکمش فدانلرینی صوارمغله احیا ایدرلر ایشته باغچوان شرتی دینلان نسنه صو ایله طولو بر فوجی ایچنده

برمدت هوانك تاتیراتی التنده بر اقلمش کوبره دن عبارتدر .
 بعضیلر بوصولرك زیاده کسکین ویاقیچی اولدقلرندن فدانلری
 یاقوب تلف ایدر بهانه سیله استعمالندن صاقورلر فی الواقع
 چقتجیلر یاغمورلی کونلرده اکیسلرینی صوارمغه احتیاجلری
 اولدیغندن قوراقده بوصولر ایله صوارلر ایسه مضرتی
 کوررلر و حاوی اولدقلری برچوق قالیه دن طولای ییراقلری
 قورودرلر لکن هر فایولیه قوللانیلور ایسه ایو اولور یعنی
 اشبوصولره اغیرلقلرینه کوره درت بش قات صو علاوه ایدرك
 قبالی ویاغمورلی هواده مزروع یونجه وچایرلره ویررلر ایسه
 یامقدقدن بشقه پك زیاده فائده سنی کوره جکلری درکاردر .

یتاق کوبره لری — حیوانلرك سیدیکلری ایریجه حفظ
 اولمیان یرلرده اوروپالیلر اخورلرده حیوانلرك التنه فشقی
 صولرینی ایو صوارر برطاقم اوت و صماندن برر طبقه یتاقلر
 یاپارلرکه حیوانلر بونلرك اوزرنده یاتوب فشقیلریله پیسلندجه
 دریلرینی کیرلتمامک ایچون حین حاجتده اوزرینه بر قاج آووج
 صمان آتارلر و بوی تاقلری ایجابنه کوره بر هفته قدر حیوانلرك
 التنده بر اقوب صولری ایوجه صور دجه دکشدیررك یرینه ینه
 انلردن یکی یتاقلر یاپوب اسکی یتاقلری کوبره وصولریله برابر
 ییغین ایدرلر اشبو ییغینلرده فشقیلرك و صور دقلری صولرك
 تأثیریه یتاق اوتلری دخی چوریوب کوبره اولورکه بونلره
 یتاق کوبره سی دیرلر بو طریق ایله پك چوق کوبره استحصال
 ایدرلر بزده ایسه بو اداره لی اصول اکثر یا بیلنمیور بو خصوصده

بزه انلره اویار ایسهك بر چوق فائده قزانورز انك ایچون
 بوبایده اتخاذا ایلدکلی اصولی بروجه اتی تعریف ایدرز .
 یتاق کوبره لرینك کیفیت وقوتی حیوانلرك یلرینه عافیتلرینه ویتاقلرك
 صور دقلری فشقیلرك درجه سنه کوره در كرك دریلری ییسنلماك
 ایچون اوزرینه برقاچ آووج صمان اتلمش اولسون وكرك یالكر
 صاپ و صمانلی وكركه قوری قامش ساز اكرلتی اوتی بوزوق
 اوت قوری پیراق یوصون سپوركه اوتی قاطر طرناغی وامثالی
 اوتلردن بولنسون هر حالده قوتجه یکدیكرندن فرقلیدرلر کوبره
 صولرینی ايو صوران وفشقی ایله لایقیله امتزاج ایدن اوتلر
 سبازلرندن ده ایدور .

اهل تجربه بو خصوصده بوغدای ارپه ویولاف صاپ
 و صمانلرینی اوستون طوتارلرخشبلی وسرت شیر ایله صویی کوج
 صوران سپوركه اوتلری او قدر مقبول اولیوب اولکیلر
 بولنمدیغی یرلرده ضروری بولر قوللانیلور یوصون ایسه ده
 اشاغیدر زیرا سپوركه اوتندن ده کیچ چورر قولزا ویبانی
 شالغم صمانلری مجرد ماندیره لره ايو کلور چونکه قیونلرك
 اوزرنده كزغملریله ازیلور قره بوغدای صمانی وقوری اوت
 قامش وساز دخی صویی ايو صورامز قوری پیراقلردن پك اعلا
 یتاق اولور شوقدركه میشه پیراقلری بو خصوصده قاین پیراقلرینه
 کوزین طویلنانلر قیشدن صوكره طویلنان پیراقلره مریجدر
 قاطر طرناقلری چیچكه كلدكلرنده یالكر چیچکلی بدنلری
 وچوق پوتاسلی اولان یبان مرسینی پیراقلری واکرتلی اوتلری

دخی ایودر شوقدرکه بونلری استعمالدن اول قورتمق لازمکلور
یوخسه سیدیك صوره میه جفندن کوبره لری قوتسز اولور .
اهل تجربه نك افاده سنه کوره مذکور پیراق و صمانلر ۲۴
ساعته اتی المقدار کوبره صوی چکرلر .

۱۰۰ ده

صو	قیه
۲۲۰	بوغدا ی صمانی
۲۸۵	آرپه صاب و صمانی
۲۲۸	یولاف صمانی
۲۰۰	قولزا صمانی
۱۶۲	دوکلان میسه پیراقلری
۱۰۰	سپورکه اوتی
۲۵	صوانلی قوم
۴۰	مارن
۵۰	نباتی قوری طوپراق

شوجدوله نظراً ۱۰۰ قیه بوغدا ی صمانی یتاغنك یرینی
مواد سائرهدن اتی المقداری طوته بیلور .

قیه

۷۷	ارپه صمانی
۹۶	یولاف صمانی
۱۱۰	قولزا صمانی
۱۳۰	میشه پیراغی

سپورکه اوتی	۲۲۰
قوم	۸۸۰
مارن	۵۵۰
نباتی طوبراق	۴۰۰۰

حيوان الته ياييلان حبوبات صمانرينك ۱۰۰۰ قيه سنده
مواد آتیه وارد ر .

بوغداي صماني: چودار صماني: ارپه صماني

	قيه	قيه	قيه
البومين	۳۱	۱۵	۱۹
فوسفوريت وديكر طوزلر	۶۰	۳۰	۴۰
غير ازوت خشب	۷۸۶	۷۶۹	۷۹۹
صو	۱۲۳	۱۸۶	۱۴۲
	۱۰۰۰	۱۰۰۰	۱۰۰۰

جدول مذکورہ نظراً حبوبات صماني ازوت ومواد
ملحيه دن طولايي غايت زنکين اولديغندن دکل صاپک ايچنده
اولان خفيف بوشلق حيوان سيدیکلريني وفشقیلرينک صولی
ويومشاق قسمی ایوجه سوروب حفظ ایدرک قوتلی چوق
کوبره حاصل ایدر اولديغندن يتاق ایچون ترجیح اولنیور .
آئی الذکر نباتات مختلفه نك حاوی اولدقلری مواد ملحيه
وحامض فوسفوری وازوتی ییلنوب اکا کوره استعمال اولغلق
ایچون جدول اتی بورایه ادخال اولغشدر .

مواد ملحیه: یوزده	حامض فوسفوری: یوزده	ازوت: یوزده	بهرجریه رقیه	
۳,۵۱۸	۰,۲۲	۰,۲۴	۴۹,۹۹۸	یکی بوغدای صمانی
»	۰,۲۱	۰,۴۹	۲۴,۴۸۰	اسکیسی
۵,۲۴۱	۰,۱۵	۰,۲۳	۵۲,۱۷۰	ارپه صمانی
۵,۷۳۴	۰,۲۰	۰,۲۸	۴۲,۸۵۵	یولاف »
۲,۷۹۳	۰,۱۵	۰,۱۷	۷۰,۵۸۷	چودار »
۵,۷۳۴	۰,۵۷	۰,۸۵	۱۴,۱۱۵	بوغدای قاووزی
۴,۸۵۵	۰,۰۳	۰,۷۸	۱۵,۳۸۴	داری »
۳,۸۷۳	۰,۳۰	۰,۷۵	۱۵,۹۹۹	قولزاصاپ و پیراغی
۳,۹۸۵	۰,۸۶	۰,۱۹	۲۱,۰۵۰	مصر
۵,۱۰۱	۰,۲۸	۰,۱۰	۱۲۰,۰۰۰	بورجاق »
۳,۲۰۳	۰,۲۸	۰,۴۸	۲۴,۹۹۹	قره بوغدای
۳,۱۲۱	۰,۲۲	۰,۲۰	۶,۰۰۰۰	بقله »
۳,۸۹۹	۰,۴۸	۱,۰۱	۱۱,۸۰۰	مرجک »
۴,۹۷۱	۰,۴۰	۱,۷۹	۶,۷۰۲	بذلیه »
»	»	۰,۱۰	۱۲۰,۰۰۰	فاصولیه »
۱,۷۳	»	۰,۵۵	۲۱,۸۱۶	پتاته »
۲,۷۶	»	۰,۳۷	۳۲,۴۰۳	یرالماسی »
»	»	۰,۹۵	۱۲,۶۳۰	خشخاش

شو جدولہ باقیلورسہ بقلویہ یعنی مرجک بذلیہ وامثالی
وصلییہ یعنی قولزا بدن و پیراقلری قرہ بوغدای پتاته یرالماسی
دیگر عمومہ ترجیح اولنور سببی دخی ازوت وحامض

فوسفوری ایله زنکین بولملریدر فقط کندولری ذاتنده صولی وازقتی اولدیغندن قورینجه اکسیلور بونلر حیوان الته حبوبات صمائی کبی ایوکلز یتاق ایچون هر حالده حبوبات خصوصیه چودار وبوغدای صمائی ترجیح اولنور فقط بونلر بولنمیان یرلرده ضروری انلر دخی قوللانیلور .

سپورکه واکرلتی اوتی اغاج یراقلری قاطر طرناغی قامش یوصون بیجقی طلاشی ودها سائر برطاقم اوتلر صماندن زیاده ازوت ایله زنکین اولدقلردن بونلری یتاق یایمقدن ایسه کوبره یرنده استعمال ایتک اولادر .

اکرلتی اوتی اکثر یرلرده واورمان جوارلرنده پک چوق بولنورقلیوی طوزلر ایله پک زنکین واکین صماندن زیاده کبریتیت پوتاس فحمیت وفوسفوریت کیرجی حاویدر ۱۱۰ درجه حرارتده قوریدلدینی حالده ۱۰۰،۲۳۳ آزوت ویرکه حبوبات صمانک بش قاتی دیمک اولور اکرلتی اوتی ایله قاریشق حیوان کوبره سی عادی کوبره دن پک اعلادر .

نباتات مذکوره نك مرکباتی دخی شونلردر .

آزوت:	پوتاس:	حامض فوسفوری:	موادملحیه:
یوزده	یوزده	یوزده	یوزده
۱,۰۰	۰,۴۸	۰,۱۸	۳,۶۱ سپورکه اوتی
»	۰,۶۹	۰,۱۶	۱,۸۹ سپورکه قاطرطرناغی
»	۲,۵۲	۰,۵۷	۵,۸۹ اکرلتی اوتی
»	۲,۷۰	۰,۴۱	۲۰,۴۴ اولامه یونجه (ذنب الخیل)

دکتر یوصونی	۱۱,۸۰	۰,۳۷	۱,۷۱	»
قاین پیراگی	۵,۷۴	۰,۲۴	۰,۳۰	۰,۸۰
میشه پیراگی	۴,۱۷	۰,۳۴	۰,۱۵	۰,۸۰
چام پیراگی	۱,۱۸	۰,۱۹	۰,۰۲	۰,۵۰
صنوبر پیراگی	۴,۸۹	۰,۴۰	۰,۰۷	۰,۵۰
قامش	۳,۸۵	۰,۰۸	۰,۳۳	»
قاره	۶,۹۵	۰,۴۷	۳,۳۱	»
ساز	۴,۵۶	۰,۲۹	۱,۶۷	»
سسیرپ	۷,۴۴	۰,۴۸	۰,۷۲	»
قواق پیراگی	۹,۳۰	»	»	۰,۵۳
ارموداغاجی پیراگی	»	»	»	۱,۳۶
چمشیر پیراگی	»	»	»	۱,۱۷
اقاسیا پیراگی	»	»	»	۰,۷۲
چایر اوتی چیم	»	»	»	۰,۵۳
قوری میشه بیجق طلاشی	»	۰,۰۴	»	۰,۵۴
قوری چام طلاشی	»	۰,۰۳	»	۰,۱۶

توربدده ۱۰۰ده ۸۱ — ۹۲ ماده عضویه و ۷ — ۱۸
 مواد معدنیه اولدیغندن ماندره لرده يتاقلغه پك اعلاكلور
 و اوحالده چایرلر ایچون اك ایو کوبره اولور .
 بعضیلر یوقاریده اسملرینی ذکر ایلدیکمز متوع فدانلری
 یشیل اوله رق قوللانورلر زیرا قوریسی کیج حل اولور سرت

اودونلی فدانلری خیلی زمان حیوانلر التده برامق لازم
کله جکندن بویله لرینی آراهه تکرلکی التده ازوب قیروب اویله
استعمال ایتلیدرکه سریعاً چوریسون .

بعض یرلرده دخی اوت یرینه حیوان الته طوپراق یابارلر
اوحالده کیلی طوپراقلی ترلار ایچون قومی وکیرجلی طوپراقلر
یتاغه ایوکلور بویولده کوبره لسان طوپراق یتاقلر هم کوبره
وهمه مصلح یرینی طوتار .

طوپراق یتاقلرینک اک زیاده فائده سی کورینان محل
استعمالی قیون مانديره لیدر چونکه سیدیکلرک مورداروقوسنی
اخذ ایله خفیفلندیرر مانديره لرك زمینی طاش دوشمه لی اولد.
ینی حالده طوپراق یتاقلر سیدیکی تماميله چکه میوب اوچده
ایکیسی ضایع اوله جنی کبی قتی کوبره لری دخی انجق سیدیکلر.
ینک بشده بری قدر اولدیغندن بوصورتله کوبره نك هان
یارسی ضایع اولمش اولور حالبوکه مانديره لرك زمینی دائماً بر
طبقه طوپراق قوم یاخود تورب ایله ستر اولنور ایسه سید.
یکلرک انجق پک آزی ضایع اولوب قصوری محفوظ قالدقدن
بشقه حیوانلر هروقت یکی وقوری طوپراق اوزرنده یاتمش
اوله جقلرندن صحتلری دخی محافظه اولنور .

بوکی یتاقلرک اوزرینه اگرچه اینجه برطبقه صمان یاخود
بشقه براوت یاییلور ایسه حیوانلر ده اتمیز طوتلمش اولور .
یتاقلری دخی شویله اعمال ایدرلر آخورکوزلجه ییقاندقدن
صوکره حیوانلرک الته خفیف بر طبقه صمان یراق ویاسائر

نباتات يايوب اوزرىنى قورى طوپراق ايله اورتىرلى بونك
اوزرىنه حيوان باشنه ويارم انبار طوپراق حسابيله برقيه چىك
آلچى توزى صاحب تكرر برطبقه صمان ايله اوزرىنى قاترلى
نوقت حيوانك اياقلىرى يتاغه كومولور و فشقى چوغالور ايسه
اوحالده تكرر قورى طوپراق و آلچى يايلوب اوزرىنه يكيدين
صمان اورتيلور آخور بوشادلىغى زمان شومركباته هرقاچ انبار
طوپراق قارشىدىرلىش ايسه هرانبار ايچون براوقه دخى طوز
قارشىدىرلىور .

هر برحيوان برهفته ظرفده يارم انبار ودها زياده
طوپراغى كوبريه تحويل ايدركه عادى كوبره دن دها قوتلى
وطيانقلى اولور بوسورتله كوبره لر اون قات آرتدقدن بشقه
بك چوق صمانده صرف اولنر .

فقط طوپراق يتاقلرى دائماً اورتىلى بولمىسى ايجاب ايدى .
جكندن آخورلرده چوغالوب خيلى يرطوتار برديكر محفوظ
محلە نقلى دخى بك آغير اولديغىدن صمانلى يتاق كوبره لرندن
دها مصرفلى اولور وانلر كى سيدىكلرى لايقله صورده ميوب
ايصلاق اولديغىدن حيوانلر ياشلق ايچنده قالور بورالىرى
ملاحظه ايديلهرك اكا كوره اعمال واستعمالى توصيه اولنور .
كوبره لرك آخورده محافظه سى — اك ابو چفتجى آزمصرف
وزحمتله چوق كوبره ايدىمنه نك يولنى بيلان چفتجيدر كوچك
كوبره كومهلرينك اهميتى يوقدر بركت بيوك ييغىنلرده در
زراعتك اسرارى اوبيوك ييغىنلرك ايچنده اولديغىدن انسانه

حیرت ویره جك شیلر هان جملة انلردن ظهور ایدر .
 بویوك ییغینلردر که فنا طوپراقلری اعلا طوپراقلره تبدیل
 ایلر بر بشاق یرینه ایکی بشاق ویردیرر وبراتمک پیشیریلان
 اوده ایکی اتمک پیشیردر ایشته قطلغه میدان ویرمیان
 وچفتجینک یوزینی کولدیرن بویوك کوبره ییغینلیدر کوبره لر
 قطلغک (پادزهری) پانزهری ترلارک حیات و برکتک اساسیدر
 انک ایچون هرشیدن زیاده کوبره لر دقت لازمدر .

شوفکر مزی رد ایده جك هیچ برچفتجی بولمیدینی حالده
 بعض محللرده کوبره لر لزومندن زیاده آخوردده حیوانلر آلتنده
 بر ایلور حالبوکه یتاقلری قالدیروب تازه لیمیان یرلرده کلیتلو
 کوبره ایدنمک ممکنسزدر بونی بعض چفتجیلر تصدیق ایتده
 کلری حالده کوبره لر برچوق وقت آخورلرده حیوانلر
 آلتنده بر اقلرینی یاغموردن محافظه اسناد ایدیورلر فقط
 کوبره لر یاغمور صولرندن محافظه ایچون مطلقا حیوان
 آلتنده بر اقق لازم دکلدرد صوندرمه لرده یاخود اکر تی اورتیلر
 آلتنده دخی محافظه اولنه بیلور برده کوبره یی حیوان آلتنده
 زیاده مدت بر اقلغه پک چوق سیدیك چکه جکلرندن کیفیتلری
 اعلا اوله جغنی ادعا ایلورلر بوراسی تصدیق اولنه من چونکه
 برشیک برحد و تمحلی واردر مثلا سونکر تحمل ایده جکی صونی
 الدقدن صوکره ارتق صو چکه من حیوان آلتنده بولنان یتاقلر
 تمحللری قدر سیدیك صوردقدن صوکره قصورینی ترك ایده
 جکندن فضله سی طوپراغه صیزوب و دیوار آرقه لرینه وخارجه


آقوب ضایع اولور زیاده سیدیکی کوبره نك محافظه سی دخی کوچدر نه قدر چوق تازه صاپ ساز قاطر طرناغی فونده اوتی ایله اطرافى محافظه اولنسه فضله سی مطلق ینه صیزوب طاغیلور. خفیفجه اکری قالدیرم دوشمه لی آخورلرایچون فضله سید. یکلری طوپراق صوره جغندن قورقلمز زیرا اوراده یاییلان خندقلر واسطه سیله سیدیک قویسنه واورادن لدی الحاحه طلومبه وقوغه ایله الثوب طوغریدن ترلاره ویریلور یاخود کوبره لره قارشیدیریلور فقط طاشدن قویی یامغه اقتداری اولیانلر قویی وصارنیج یرینه تیمور چنبرلی فوچیلر دخی قوللانه بیلورلر .

کوبره لری آیلرجه آخورلرده حیوان التنده براقق فنا اولدینی کبی یتاقلرینی هرکون یاخود ۲ — ۳ کونده بر قالد. یرمق دخی جائز دکدر صیق صیق یتاق قالدیرلمغله کوبره چوغالور ایسه ده قوتسز قالور سبی دخی یتاقلرک کوبره صو. لرینی لایقیله چکمکه وقت براقلما مسیدر .

چوق وقت حیوان ایاغی التنده براقیلان کوبره لرک کوفلنمدیکی ادعا ایدیورلر حالبوکه آخوردن چیقارلدقندن صوکره اوزری ایوجه باصدیریلوب بعده کوزلجه ومنتظم استیف ایدیلور ایسه اصلا کوفلنمز شوقدرکه سرت صمان یتاقلرینک کوبره لری آخوردن بشقه بریرده چوریمیه جکندن چورینیجه قدر آخورلرده طوتلمسی لازمدر .

برده آخورلرک صیجاقجه هواسی التنده بولنان کوبره لر

عادی صوندرمهده وروزکار قارشوسنده بولنان کوبره لردن
دها ايو اولديني افاده اولنپور بوراسی طوغریدر کوبره لر
اخورده فقط حیوان التنده دکل (شکل ۳۷) شکله
کوستریلان اخورلرک ارقه طرفده محافظه اولنور ویتاقلر تازمه
لندجه اسکسی بری بری اوزرینه بیغیله رق قوتلی وزیاده کوبره
استحصال ایدیلور بویولده بیغیلان کوبره لرک اخورلرده
قالسنجه حیوانلره برمضرتی اولمز سیدیکلری دخی صارنجلرده
بریکدیلولر ایسه فائده سی قتمرلشور .



(شکل ۳۷)

شکل مزبورده کوستریلان اخورک تعریفنه کلنجه حیوانلرک
اوکنده تخته یاخود خراسانی دوشمه (شیا) واردرکه
بونک اوزرینه حیوانلره یدریله جک اوت وسائر قونور بونک
التنده کمرلی برقوغوش ویا دهلیز بولنورکه اوراده دخی
حیوان ییه جکی شالغم پتاته کبی کوکلر حفظ اولنور حیوانلر
اوکدن ارقیه طوغری خفیفجه اکری دوشمه اوستنده یاتریلور
حیوانلرک سیدیکلری اخورک ارقه طرفده یاییلان ککیش

و براز چوقورجه برچكیده یاخود او واسطه ایله التنده کی صارنجه اقرار اکر سیدیک اشبو چوقورده بریکدیریلور ایسه حیوانلرک التندن هرکون کوبره لری التوب سیدیکک ایچنه اتیلور و کوبره چوغالدجه قالدیریلوب ییغینک اوزرینه ییغیلور .

بواصول ایله کوبره دن هیچ برشی ضایع اولمز کیفیتنی پک اعلا اولور اکر حیوانلره مناسب مقدار یتاق دخی ویریلور ایسه سیدیکی کاملاً صوروب کوبره نك مقدارینی آرترر یاخود بشقه جه لزومی اولور ایسه یوقاریده تعریف اولندیغی وجهله سیدیکلر اخور التنده اعمال اولنان صارنجلره اقدیلور .

کوبره ییغینلرینک صورت اعمال واداره سی — اوروپاده کوبره لرك قبالی یرلرده طوتلمسی لزومی هرکس اکلا نجه قدر خیل سنه لر مرور ایلدیکی درکاردر امید ایدرزکه کندو منفعتلرینه بوراده بیان ایده جکمز اصول اداره یی چفتجیلریمز اوکرندیکی زمان اوروپالیر کبی اھمال ایله وقت کچورمیوب درحال او یولده عمل ایله مستفید اولورلر زیرا کوبره لرك محافظه سنه اهمیت ویریلان محللرده زراعتک ایلرولدیکی قیمتی بیلنمیان یرلرده کیرو قالدینی هر وقت کوز اوکنده کوریلور . ایو برچفتجی برخسیسک کیسه سنه ویردیکی اهمیت قدر کوبره سنه اهمیت ویرمیلدر زیرا چفتجینک التونی ثروتی حتی عظمت واعتباری کوبره سایه سنه در فرانسه ده برتحف آنالر سوزی واردرکه : قوجه یه ویره جک قزکز وار ایسه کوبره کزه ایو باقیکر : دن عبارتدر بز بوسوزی : اولندیره جک اولادکر

وارايسه کوبره ايدنگه چالیشکر: دیمکه دخی ترجمه ایده بیلورز هرکس بیلورکه انسانلرک حوایچ یومیهرلندن بشقه مدت حیاتلرنده عادتدن فضله برچوق مصرفلره مجبور اولورلرکه چفتجیلر ایچون بومصرفلری قپاده بيله جک سرمایه کوبره نك چوقلغنده در .

تعریف ایده جکمز کبی دوزکون ییغین شکلنه قونلمیان یاغمور وکونشدن محافظه ایدلمیان کوبره لرك غائب ایده جکی قوتندن بشقه ده برچوق محذورلری واردر یاغمور کوبره نك جوهرینی الوب اوتیه برویه طاغندی شیله طورسون کوبره لرك موردار صولری صولری ایچیلان چفتک وکوی قوییلرینه اقوب صویک نفاستنی تغیر ایدر وایاق آشیغه قدر باتمقچه حولی واخلور کنارلرنده کزیلمز درجه ده چامور پیدا ایلر بونکله برابر قوقولری هوایی افساد ایله برطاقم خسته لقلر ظهورینه سبب اولور .

کوبره لری ییغین یایمغه اک مناسب یرلر اخورلرک ارقه سی ویلدزه قارشو اولان جهتلیدر ییغینلری اکلی والچاق یایموب طار ویوکسک یاپلیدر چونکه اکلی اولور ايسه کونشدن قورر وکوبره لرده کیرجله پوتاس وبونلر کبی طوزلر بولندیغندن یاغمورلر ایله کوبره نك بوکبی جوهرلری اقوب ضایع اولور حالبوکه طار ویوکسک ییغینلره یاغمور وکونش او قدر تأثیر ایتمز .

بووجهله طار ویوکسک یاپيله حق ییغینلره قات قات کوبره


یغیلدجه کوف طوتامق ایچون ایاق ایله تیلهرک اوستی و اطرافی صیقجه باصدیریلور و تپهلری بالق صیرتی کبی ایکی طرفه آکری یاپیلوب چیم تزکریله ستر اولنور و اطرافی دخی حیوان تسلطدن مصون اولق ایچون چالی چرپی ایله قپادیلور بویولده یاپیلان باصقیلی ییغینلر پک آز صو الوب و آز صیزدیغندن ضایعاتندن قورقلمز .

اینک و طوکر کوبره لری کوفدن متأثر اولمز وقیون کوبره سی اکثریا ماندیره لرده محفوظ اولدیغندن او قدر قورقمز ایسه ده بیکیر فشقیسی اکثریا کوفلنمکده اولدیغندن انک ییغینلرنی هر حالده باصقیلی یاپیلدر حیوانلرکیمی نه قدر قوری و بولندقلری اقلیم نه قدر معتدل و هواسی صیجاق اولور ایسه کوبره ییغینلرنی او قدر زیاده باصدیرمق لازمکلور .

بعض چفتجیلر بیکیر کوبره سی نه قدر باصدیریلور ایسه باصدیرلسون صیق صیق صولانمدجه کوفلندیکی ادعا ایدیورلر حالبوکه بیکیر کوبره سی دیدیکمز کبی ییغین یاپیله جنی وقت دفع محذور ایچون ۲۵ — ۳۰ پارمق قالین کوبره طبقه لری اراسنه ۵—۶ پارمق بررقات طوپراق یاخود میشه و کستانه چوروکی قونه رق کوزلجه باصدیریلور ایسه کوفلنمکدن بشقه کوفلی کوبره لر دخی بووجهله صو ویرلمکسزین ایکی آی ظرفنده اصلاح اولنور بونکله برابر صولامقده دخی برضررت یوقدر بلکه سوزکلی قوغه لر ایله اینجه یاغور کبی صواریلور ایسه فائده سی کوریلور .

بعض محللرده کوبره ییغینلرینک اوزرینه طوبراق یاپوب
درت طرفی چامور ایله سیوارلرکه بواصول کوبره یی قیزمقدن
الیقویدیغیچون کوزل براصولدر .

بعضیلرک افاده سنه کوره یاغمور وکونش کورمیان مخزنلره
ییغیلان کوبره لردها ایو وصاغلام قالدقدن بشقه زراعته فوئدی
معلوم اولان بر چوق کهرچله دخی پیدا ایدر شو حال
کوبره نك یاغمور وکونش کورمیه رك قبالی یرده بولنسندن
نشأت ایده جکی جهته مطلقا مخزن ایچنده طوتلمق لازم
کلیوب درین واوستی قبالی چوقورلرده دخی حفظ اولنه بیلور
انک ایچون آخورلرک یاننده ایچلری خرج ایله صیوملی واوزری
اورتیلی کوبره چوقورلری یاپوب کوبره لری اوراده یاغمور
وکونشدن محافظه ممکندر بویله چوقورلر آزمصرف وزحمتله
یاپسایه جغندن زنکین فقیر اهل زراعت بویولده چوقورلر اعمال
ایده بیلور .




(شکل ۳۸)

کوبره لرک آچیقده
قالسنده بیان ایلدی کمز
مضر تلرندن بشقه طاوق
قورد کوپک قارشده
یرمسی کبی محذورلری
دخی وارددر چوقور
یاپسایه میان یرلرده (شکل

۳۸ — ۳۹) شکلره کوستردیکمز اکرتی سپرلر واسطه سیله

دخی کوبره لر یاغمور کونش وسائر حیواندن محافظه اولنه.



(شکل ۳۹)

بیلور بو حالده کوبره

یغینی یاییله جق یرک

اورته سنه صره ایله

چتال قازقلر دیکلوب

یغین یابلدقدن صوکره

اطرافی دیوارکی باصد

یر یله رق صیوانوب

اوزرینه طیشاری

طاشقین سازدن چاتیلر انشا اولنور یاخود بالق صرتی شکلنده
چیم تزکلیله باصقیلیجه اورتیلور .

تازه کوبره ییغینلردن صیزان صولر غایت مقبول کوبره در
صناعی و خدایی مرعا و چایرلری صولامغه پک ایوکلور بعضیلرک
افاده سنه نظراً ۱۲ بوی و ۷ اک و ۱ بیق آرشون یوکسک
یاییلان ییغینلردن سنوی ۱۵۰ فوچی یعنی ۹۰۰ انبار کوبره
صویي استحصال اولنورکه فرانسه ده ۲۰۰۰ غروشدن زیاده
ایدر بوصولرده اوت ییان حیوانلرک سیدیکلرنده بولناندن
زیاده فوسفاته تصادف اولندیغندن سیدیکلردن ده ا قیمتلی
صاییلورکه بونی ضایع ایتماکه غیرت لازمدر اگرچه ضایع
اولیه جق ایو بریرده محافظه اولنوبده بونک ایله چایرلر
صولانور ایسه عادتدن میلیونرجه زیاده اوت استحصال اولنور
وبرطام فشقیلر علاوه سیله مقداری آرتیلور اگر قتیلاشور

ایسه استعمالندن اول صو علاوه ایدیلهرک صولاندیریلور .
 بعض چفتلکدرده بیکر و حیوانات سائره آخورلرنده
 يتاقلرك سيديك ايله ایصالنمش یاخود فشقی ايله پیسنلنمش
 قسمنی هرکون قالدیرلرکه پک فنادر زیرا بونک صمانی چوق
 وقوتی آزاوادیغندن طوپراغی ایوجه بسلیه مزبونکله برابرچوق
 زمان طوپراغی قبارتر و ایچنه هوا کیرمسنی ورطوبتك تجرینی
 تسهیل ایدرکه طوپراغك ویره جکی محصولك آالمسنه باشلیجه
 سیدر .

بعض چفتجیلر دخی زحمت و مصرفدن قاجینوب کویا
 اداره و تصرف ایچون حیوان يتاقلرینی ترلارله کوبره ویره
 جکلری زمان قالدیرلر بودخی فنادر بو حال آخورلرک
 ککیش اولسنی و حرارتك چوغالمسنی و کوبره نك کوفلنمسنی
 موجب اولورکه قیشین آخورلره کیریلوب چقیلور ایکن
 طیشاریده کی صوغوق هوا بردن بره حیوانلره تصادف
 ایدرک مخاطره لی کوکس علتلرینه دوچار ایدر بوبابده اك ایو
 صاغلام اصول یوقاریده تعریف ایلدی کمز وجهله يتاقلری وقت
 وزمانیله قالدیروب بیغین ایتمکدر .

ایری و ایچنه کوبره لر — هنوز تامیله چوریمیوب يتاق
 صمانریله برابر قاریشق برچامور تشکیل ایلان فشقی به ایری
 یاخود صمانری از چوق قیزوب چوریان وبل ايله سهولته
 اوفالدیلان کوبره لره ایچنه کوبره دیرلر شواییک جنس کوبره لرک
 کندولره مخصوص خاصه لری بولندیغی جهته یرینه کوره بری

دیگرینه ترجیح اوله رق استعمال ایدیلور .
ایری کوبره لرك کیلی طوپراقلره حکماً تأثیری اولدیغندن
اوله طوپراقلرك منبت طبقه سنی طاواندیریوب جو هوانك
تأثیراتی تسهیل ایله یاشلغی کیدررك اصلاح ایدر وایر چو .
رییوب سریعاً تأثیر ایتیه جکندن چابوق یتشمیان فدانلر ایچون
ایودر .

ایری کوبره تازه اولدیغندن صیجاق یاصدق اعمالنه محتاج
اولان باغچوانلر عسندنه پك مقبولدر اگرچه خفیف وصیجاق
طوپراقلرك یوزینه اورتی کبی یایلدیغی زمان کونك شدتلی
صیجاغندن طوپراغی قورر ایسه ده ایچنه کوملور ایسه هوانك
طوپراغی قورتمق احتمالی اولمسيله اوحالده فائده یرینه مضرتی
اولور فقط ضروری کوملمك لازمکلور ایسه طوپراق اییر
مردانهلر ایله ایوجه باصدیریلور .

ایجه یعنی اسکی کوبره لرك اجزاسی متفرق ویومشاق
اولدیغندن نباتاتك حاضر غداسی صاییلور چونکه آذربسو
کورمسيله درحال کولکرینه واصل اولوب فدانلری بسلر
خفیف طوپراقلره اکیلوبده قیشك صوغوقلردن بوزلمغه یوز
طومش اولان وچابوق یتشمسی آرزو ایدیلان وایچ درت آی
ظرفنده ادراك ایدن چایر وسبزوات کبی فدانلره پك ایوکلور
بونکله برابر ترلاسی یاغمور کورر یاخود ایجابنده صواریلور
ایسه انسانه حیرت ویره جك صورتده حسن نتیجه سی
کوریلور .

کوبره لر لایقيله چوریوب اینجه کوبره حاله کلنجه قدر جرمی ۱۰۰ ده ۲۵ اکسیلور یعنی ۱۰۰ آرابه تازه کوبره چورینجه ۷۵ آرابه قالورکه خیلی ضایعاتدر بزه قالور ایسه کوبره بی ترلایه نقل ایتزدن اول خفیفجه قیزدیروب یعنی ایچنده کی یتاق صمانلری قراروب تللری یومشاینجه قدر بکلیوب اندن صوکره قوللانمیلدر بونکله برابر چوق چورتمامیلدر بوصورتی هرچفتجی قبول وتصدیق ایلر ظن ایدرز .

ارباب فنون کوبره لر قیزوب چورینجه برچوق ازوت غائب ایده جکلرندن تأثیری اولمیه جغنی ادعا ایدرلر فی الواقع بوکوبره لر برمقدار فحیمت نشادر ضایع ایدر ایسه ده بوضایعاتک اوقدر اهمیتی یوقدر چورییان کوبره لر یاغموور صولرینک تأثیرات تحلیلده سندن بشقه برشیدن قورقزلر فدانلر ایچون ازوتک لزومنی انکار ایتمز ایسه کده کوبره لرک تأثیری یالکز ازوته حصر ایتمز زیرا فدانلر هوادن دخی مقدار کافی ازوت اله بیلورلر حاصلی بو مسئله هنوز نزاع التده قالب حل اولنه مامشدر ارباب فن قیزان کوبره لرده حاصل اولان نشادر روحنک ضایع اولمامسیچون برچوق واسطه لر کوسترلرکه یوقاریده ذکر اولتمشیدی اک اهون واداره لیلی کوبره لری طوبراق ایله ستر ایتمکدر .

فرانسه نک بعض محللرنده ایری تازه کوبره لری کیلی یاخود قوتلی واینجه کوبره لری خفیف والتلری طاشلی طوبراقلره ویررلر حتی بواينجه کوبره لرک اوچده ایکسی دکل تماميله

چورمیش وایغلمش اولدینی حالدہ قوللانورلر ولدی الحاحه چورتک ایچون اینجه اینجه تزکله تقسیم ایدرک قورودرلر اقضا ایتدکجه ترلارله نقل ایتزدن اول برقاج دفعه التی اوسته کتوررلر بویولده جوریدیله جک کوبره لر اخور یاخود چوقورده بر اقلمیوب حولینک یوکسک بر محله ییغیلور کوبره قیزمغه باشلر باشلامز اوافق اوافق تزکله تقسیم ایله بونلر قوریوب اینجدکجه آیریمجه ییغین یاییلور و بش التی دیشلی بر طرمیق ایله ایوجه قارشیدریلور بو ایکنجی ییغین طار اوزون ودرت کوشه لی یاییلوب یاغموردن محافظه ایچون بالق صیرتی کبی اوزری تسویه اولنور ییغین مارتده یاییلور ایسه مایسده وصورکه تموزده هرا یکی آیده بر قارشیدریلوب دکشدریلهرک واستعمالنه اون اون ایکی کون قاله برقاج دفعه التی اوسته کتوریلهرک ییغین یاییلورکه اووقته قدر کوبره لایقيله قیزوب سیاهنور صوک بهار اکیمی زماننده ییغین بوزیلوب آراهه ایله ترلارله نقل اولنهرق کورکله طوپراغک یوزینه یاییلور .

اشبو چورک اینجه کوبره نك صو کورمدکجه تأثیری اولمز انک ایچون یالی کنارلرنده ویاغمورلی اقلیملرده پک نافع اولدینی حالدہ قوراق یرلرده او قدر فائده لی اولمز بلچیق سواحلنده مرعا وبتاته ترلارینی بونکله کوبره لرلر .

کوبره ییغینلرینک بری برینه قارشیدریلسی — کوبره لرک جنسلرینه کوره بشقه بشقه قوت و تأثیرلری اولدینی

هیچ کیمسه انکار ایده من انک ایچون طبیعتلری مختلف کوبره لری قاریشق ییغین یایمق ایو دکلدن بزه قالور ایسه کوبره لری کندو جنسلینه کوره بری برینه یقین آیری آیری ییغین ایتملیدر اشاغیده کی تفصیلاتدن اشبو سوزمزه صحتی تسلیم اولنور چونکه بیکیر کوبره سی صیجاق اولدیغندن صوغوق کیلی طور اقلره یرادیغی کبی صوغوق اقلیملرک قوری وخفیف طور اقلرینه دخی نافعدر شوقدرکه هواسی معتدل مملکتلرک خفیف طور اقلرینه یرامنر بوغدایه پک کوزل تاثیر ایلدیکی حالده کتانه الویرمنر .

قیون کوبره سی رطوبتلی طور اقلره پک ایو کلور ایکن بیکیر کوبره سی قدر آکینلره حسن تاثیر اولدیغی حالده قولزا یبانی شالغم خردال ولخته یه بکزر نباتاته اندن ده اعلایرادیغی انکار ایده میز قره صیغیر کوبره لری قوری طور اقلره فائده ایدوب او کبی هر طور اقلده نازک محصولاتک طعمنه خلل کتورمنر ایو بسلنان طوکز کوبره سی تازه یونجه لقلره قیش ایچون ایو براورنی اوله جنی کبی ایلک بهار قوری چایرلره وخصوصیله کنویر وکتانلره پک اعلایر کوبره در کوستیکلری دخی مزروعاتدن اوزاق طوتار .

ایشته کوبره لر حقنده فکر مخصوصمنر بودر حال بویله ایکن کوبره لری قاریشق ییغین ایتمک فائده یرینه مضرت المق دیکدر کرچه نباتاته مخطوط اولدیغی غدایی ویزر افسه ک بوزلنر اما حظ ایتدکلی غدایی ویردیکمز کبی کوزل تفیض

ایده جکگرنده شبهه یوقدر کوبره لری آیری آیری ییغین یابدیغمزده نره لرده استعمال ایده جکمری بیلورز اما قاریشق اولور ایسه بوصله سز قبودان کبی حرکت ایتش اولورز .

بونکله برابر قاریشق کوبره لردن دخی دیگر صورتله فائده کوریلور فقط آیری اولدینی حالده ایستدیکمز کبی قارشدیروب مخلوط یابه بیلورز آشه طوز قاتمق قولایدر فقط برکزه طوز آشه قاریشور ایسه آیرمی مشکل اولور انک ایچون شو ملا . حظه مزه ایوجه دقت ایدوب کوی وچقتلکلرده ممکن مرتبه کوبره لری آیری آیری ییغین ایتلیدر .

قاریشق کوبره نك بر محذوری دها واردرکه صوغوق کوبره لر صیجاق کوبره ایله قاریشوب صیجاق کوبره لری کیج و صوغوق کوبره لری چابوق قیزدیرر حاصلی هر جنس کوبره یی بشقه بشقه ییغین یاپوب محافظه ایتک بزجه ایودر .

کرچه لزومنه کوره مخلوط کوبره ده استعمال اولنور ایسه ده بویله مخلوط کوبره لر نه کبی شیلردن عبارت اولدینی اشاغیده فصل مخصوص ایله ذکر اولنه جقدر .

یملرینه نسبة حیوان کوبره لرینک مرکباتی — اخیراً ایدیلان تحلیلاته نظراً یولاف و صمان ایله بسلنوب آلتنه یومیه ۲ قیه یتاق ویریلان تازه بیکیر کوبره سنده مواد آتیه بولنور .

آزوت یوزده

۰,۶۷ ۲۹,۲۴۷ مواد آلیه (عضویه)

۰,۲۳۳ حامض فوسفوری

حامض کبریتی	۰,۰۷۸
قلور	۰,۰۷۴
پوتاس	۰,۰۷۴
سوده	۰,۰۴۷
کیرج	۰,۵۳۰
ماغزیا	۱,۲۵۷
صوان	۱,۳۶۷
حمض حدید و مانغائز	۰,۰۴۰
صو	۶۷,۰۵۳
	<hr/> ۱۰۰,۰۰۰

صمان ویر الماسیله بسلطان ویومیه ۳ قیه بوغدای صمانی
یتاغی اولان بر اینکک تازه کوبره سنک مرکبائی :

ازوت	یوزده	
۰,۳۴۱	۱۶,۴۲۵	مواد عضویه (آله)
	۰,۱۲۲	حامض فوسفوری
	۰,۰۶۸	حامض کبریتی
	۰,۰۴۸	قلور
	۰,۳۲۷	پوتاس
	۰,۰۲۴	سوده
	۰,۲۶۹	کیرج
	۰,۱۳۴	ماغزیا
	۰,۶۹۰	صوان

حمض حدید ومانغائز	۰,۰۲۷
صو	۸۱,۸۶۶
	<hr/>
	۱۰۰,۰۰۰

صمان ایله بسلنان ویومیه ۲۲۵ درهم صمان یتاغی اولان
بر قیون کو بره سنک مرکباتی :

آزوت	یوزده	
۰,۸۳۲	۳۴,۴۷۵	مواد عضویه
	۰,۲۰۳	حامض فوسفوری
	۰,۰۹۶	حامض کبریتی
	۰,۰۹۰	قلور
	۰,۷۸۸	پوتاس
	۰,۰۶۰	سوده
	۰,۶۶۶	کیرج
	۰,۲۸۱	ماغنیزیا
	۱,۶۶۱	صوان
	۰,۰۳۵	حمض حدید ومانغائز
	۶۱,۶۴۵	صو
	<hr/>	
	۱۰۰,۰۰۰	

یشمش پتاته ایله بسلنوب یومیه ۴۵۰ درهم بوغدای
صمائی یتاقلنی اولان برطوکرک تازه کو بره سنک مرکباتی

آزوت	یوزده	
۰,۷۸۶	۲۳,۳۲۲	مواد عضویه (آلیه)
	۰,۲۰۷	حامض فوسفور
	۰,۲۳۴	حامض کبریتی
	۰,۰۸۹	قلور
	۱,۶۹۶	پوتاس
	۰۰۰۰	سوده
	۰,۱۷۹	کیرج
	۰,۲۳۴	ماغنزیاء
	۱,۱۲۵	صوان
	۰,۰۲۷	حمض حدید ومانگاز
	۷۲,۸۸۶	صو
	۱۰۰,۰۰۰	

کوبره لرك صورت استعمالی — صیجاق یعنی بیکر قاطر
دوه اشك وقیون کوبره لری صورت مخصوصه ده سرت قی
وحتی یا غمورلی اقلیم لرك خفیف طوپراقلرینه و صوغوق یعنی
اینك اوکوز و طوکرز کوبره لری خفیف و صیجاق طوپراقله
مناسب اولدقلرینی یوقاریده سویلمش وایری تازه یعنی صمانلی
کوبره لر قوتلی طوپراقله ایوکلدیکی کبی اینجه اسکی کوبره لر
دخی حاوی اولدقلری طوزلری اریتمک یاردم ایده جک رطوبتلی
ویاغمورلی کثیر اقلیم لرده کی خفیف طوپراقله فائده لی اولد.

یعنی بیلدیرمش ایدک فقط بوقدر ایضاحات کافی اولدیغندن
آئیده کی بش مسئله یی تفصیل ایله اکمال معلومات ایدرز .

برنجی: کوبره یی ترلایه کوترمک ایچون اک مناسب زمان
قنی زماندر ؟ ایکنجی: برترلایه صوک درجه ده نه مقدار کوبره
الویرر ؟ اوچنجی: کوبره لر ی صیق یاخود سیرک ویرمکدن
قغیسی ایودر ؟ دردنجی: طوپراغه نه قدر درین کوملیدر ؟
بشنجی: طوپراقلرک یوزینه یایوب براققده بر فائده وارمیدر ؟

۱ . صمانلی کوبره یی تازه ایکن سرت ویوغون طوپراقلره
ویرمک ودر حال کوممک ایجاب ایدر خفیف طوپراقلره
تازه کوبره یرامز زیر یاغورلر ایله چارچابوق طوزلری
اریوب التده کی منبت اولیان طبقه لره سوزیلور بعضاً یر
طارلنی جهتیه کوبره لر در عقب طوپراغه ویرمک لازمکلور
بو حالده ویریه جک طوپراقلر خفیف ایسه تخمدن بر قاج آی
اول اوزرینه یاییلوب صبان ایله کوملدکن صوکره اوزری
مردانه ایله صیقجه باصدیرلملیدر که کوبره چوریمیوب اکیم
وقته قدر قوتنی محافظه ایتسون .

علی السویه کوبره لر اغستوس صوکنده یعنی کوز اکیمندن
اول وایلک بهار ایچون قیش نهایتده ویریلور ایلک بهار
ویریلان کوبره لر بعضاً قیشین نباتاتک اعاده قوتلریچون ویریلور
کوبره لرک صورت استعمالی حقنده کی قاعده عمومیه به باقیلور
ایسه چابوق چیمینلور جنسدن اکیله جک تخملر ایچون کوبره
سنی بر قاج کون اول یاخود تخم ایله برابر ویرمیدر .

ایلك بهار یرینه دیکمک ایچون تشرین اول وئانیده اولای
یاسدقلره اکیلان سبزوات تخملرینه درعقب کوبره ویرمک
ایجاب ایتمز ۸ — ۱۰ کون قزانق ایچون شباط صوکنده
بر اورتی کوبره ویرلمسی کفایت ایدر الویررکه تخملر
چیملندیکی زمان کوبره کوکلرینه واصل اولسون بشقه
بر شیئه احتیاجلری اولمز خدایی مرعا اوتلرینک کوکلری پک
درین کیتمدکلری جهته شباط صوکنده یاخود مارت اولنده
کوبره ویریلور ایسه چایرلر فائدهلور .

یکی اکین چایرلرینه کلنجه کوکلری ضعیف اولدیغندن
کوبره سی قیشدن صوکره ویرلملیدر فقط اسکی اکین چایرلرینک
کوکلری اوزون ودرین اولدیغندن بونلری صوکه بهار ونهایت
کانون ئانیده کوبره ملک لازمدر ایشته سنب بودرکه میوه
اغاجلریله باغ کتوکلرینه کوبره نی قاسمده ویررلر بویله درین
کوکلای اغاج وفدانلره ایلك بهار ویریلان کوبره نك فائده سی
اولمز .

۲ . کوبره انواعندن بحث ایتدیکمز زمان نوعنه
کوره بهر دوغنه ۵۰۰۰ — ۱۰۰۰۰ اوقه کوبره ویریلور
دیمش ایدک حالبوکه بعض اوروپا چیفتجیلری باغچه لری کی
ترالرینه دخی زیاده یعنی دوغنه یکر می یکر می بشییک اوقه
ودها زیاده کوبره ویریورلر بز بوراده زیاده کوبره ویرمکه
منفعت اولوب اولدیغنی تدقیق ایده جکر .

ارباب فن محصولاتک طور اقدن الدقلری مواده کوره

کوبره ویرمک لازم اولدیغی درمیان ایدیورلر مثلا بر دونم
طوپراقدن بوغدای پتاه و سائر محصول شوقدر ازوت فوسفات
شوقدر بوندن شوندن المسیله بوزولان موازنه یی یرینه کتورمک
ایچون طوپراقدن النان مقدار موادک طوپراغه کیرو ویرلمسی
توصیه ایلورلر بز ایسه یکی اچیلش بر طوپراغک قیمتک
الی سنه زراعت کورمش بر طوپراقدن زیاده اولدیغی افکارنده
بولندیغمزدن ارباب فک قولیله قناعت ایتیموب هر سنه محصولک
طوپراقدن الدینی موادی مع زیاده کیرو ویرملیز دیرز .

واقعا بر حیوان نه قدر چوق اوت ایچنده بولنسه طویدقدن
صوکره اوتلامیوب یاتوب کویش کتوردیکی کپی پک چوق
کوبره ایچنده بولنان بر فدان دخی احتیاجی قدر کوبره دن
مواد غدائیة الوب زیاده سنی ترک ایدر ایسه ده بو زیاده بیهوده
یره صرف اولنش اولمز زیرا طوپراغه چوق کوبره ویرلمسی
یالکز نباتاته غذا اعطاسندن عبارت اولیوب منبت طوپراغی
قوراقلرده رطوبت و سرتلکی محافظه وصوغوق هواده
کوبره نك اسمر رنگی و حرارتیله صیجاق طومتق ایچوندر همد
طوپراق پک سرت وقتی ایسه کوشه در و بالعکس خفیف ایسه
صیقشدریر نهایت حل اولان طوزلری محافظه ایدر ایشته
طوپراغک قوه انبائیة سی شو واسطه ایله محافظه اولنه بیلور
یکی آچیلان بر طوپراغی قوتدن دوشورمکسزین هر سنه
بو یولده محافظه لازمدر بر کره قوتدن دوشدکدن صوکره
کوبره ایله اسکی حالته کتورمک مشکندر .

فرض ایدملکه بر محصوله لزومندن زیاده کوبره ویرمیهلم
یا زراعتدن مقصدمز بر سنه کچنهجك قدر محصول المقمیدر؟
کلهجك سنه هوا قوراق ویا قیش بك شدتلی اولور ایسهکه
بو احتماللر هر زمان واقعدر اوحالده نتیجهسی نه اولور؟ هوا
قوراق کیدر ایسه کوبره یی اریدهجك صو بولمیدیغندن تأثیری
اولیهجق : یاغمورلی اولور ایسه صولرك دائماً صیزمهسیله
طوپراق بتون بتون قوتدن دوشهجك : قیش شدتلی اولدیغندن
طوپراق ایصینه میوب تخملر چیملندیکی زمان هنوز کورپه ایکن
علتلنوب نهایت محصول فالشهجقدر همده مقصدمز نفسمزی
کچنیدر دکن بشقه دیگر احتیاجاتمزی تدارك ایچون خارجه
محصول صاتمقدر انك ایچون طوپراغه زیادهجه وصیقه کوبره
ویرمکه اوزرنده بر یانق طوپراق طبقهسی تشکیل ایتک وبوطبقه
تشکل ایدر ایتز متمادیا آرتروب محافظهسنه چالشمق ایله اولور
بر کره یانق طوپراق طبقهسی تشکل ایتدکن صوکره ازجه
فقط صیقه کوبره ویریلان یرلرده کوزل نتیجهلر کورلدیکی
حالده ۲-۳-۴ سنهده بر کره کوبرلنان یرلرده اوقدر حسن
نتیجه کورلمز .

بونکله برابر حددن زیاده صیق صیق کوبره ویرمکدهده
محذور واردر چونکه کیت کیده طوپراق یالکز یانق طوپراقدن
عبارت قالور ایسه صوی طوتوب تخزینه مانع اولور انك ایچون
ویریلان کوبره نك درجانه کوره طوپراغی دائماً خفیف
طوتهجق شیلر ایله اراصره اصلاح لازمدر .

۳. طوپراقلره سیرك یاخود صیقجه کوبره ویرمکدن قنغیسی مناسب اوله جغنی بیلیمکدر: کوبره لرك زیاده جه وصیقجه ویرلمسنى سویلیمشیدك فقط بو بابده بر ایکی سوزمنز ده واردر کوبره لرك آزلنى طوپراغنى صوغودر و زیاده سى یاقار دیرلر بو سوزى تماميله تصدیق ایدمنز ایسه کده هر حالده کوبره نی آز وصیقجه ویرمك سیرك وچوق ویرمکدن ده فائده لی اولدینى درکاردر زیراتخم و قتنده چوق کوبره ویریلور ایسه یاغمورلر کوبره نی ایصلادوب جوهرینى بعضاً صبان اولکلرینه و طوپراغك آلتنه کوتروب اکثر قوتى طاغیدر و نباتاته اوز ویره جك محلولات غدائیة اول درجه طوزلر ایله قاریشورکه نباتاته واصل اوله من از وصیقجه ویریلور ایسه بو اوینوسزلقلردن قورقلمز .

هنوز تازه و کوربه نباتاته زیاده کوبره ویرمك یکی طوغان چوجقلره ات پلاو کبی نسنه یدیرمکه بکزر اوافق فدانلرك کوچك چوجقلر کبی احتیاجلری محدود اولدیغندن بونلره لزومى قدر غذا ویرملى و بیویوب احتیاجلری ارتدجه کوبره دخى اکا کوره آرتلملیدر فدانلر چیچکه کلدکلى وقت طوپراغنى یورمغه وداه و تخم باغلادده طوپراغك بتون قوتى آلمغه باشلر یعنی هنوز ییشیل وکنج ایکن از ییه جك ایله اکتفا ایدر بوکنج فدانلره ابتدای حاللرنده زیاده کوبره ویریلور ایسه فدانلر کوبره دن اوقدر فائده لئه میهرک قسم کلیسى محو اوله جغسندن فدانلر قوت آنجه ییه جك بوله مزلر خصوصيله یاغمورلى سنه لرده بتون بتون غداسز قالورلر .

تمخندن اول طوپراغك يوزينه فقط آز وفدانلر بيويوبده قوتلمكه باشدقلى وقت ايلك دفعه دن براز چوق ونهايت تماميله يتشوب چيچكه كلكلرنده دها زياده ويرمك اقتضا ايدر بواصول اكينلر ايجون برطاقم مشكلاتى موجب اولديغنى بيلورز فقط بونلره سنوى بردفعه كوبره ويريله جكنه ايكي دفعه ويرلمسند كوجلك يوقدر زيرا سنه ده بردفعه كوبره ويرمك كفايت ايتمز حبوبات قيشين هيچ برشى صرف ايتيوب ساكن طورديغندن ترلارينه صوك بهار بر وايلك بهارده بردفعه كوبره ويرمك اقتضا ايدر چاپه يه محتاج اولان فدانلره ايسه سنوى برقاج دفعه كوبره ويريله بيلور .

۴. دردنجي سؤاله كله لم كوبره لرى نه قدر درين كومك اقتضا ايدجكنى تماميله تعين ايدمىز زيرا كوبره نك از چوق درين كوملمسى طوپراغك وزرع اولنان فدانلرك طبعته تابعدر خفيف آزچوق ضعيف وقوراقدن متأثر اولان طوپراقله خصوصيله كوكلى آز درين كيدن نباتات اكيلور ايسه كوبره سى دخی خفيف يعنى آز درين كوململى در اكر درين كوملمش اولسه طوپراغك يوزى چاپوق قوريه رق فدانلرك بيومشنى تعطيل ايدجكندن قورقيلور قازق كوكلى نباتات ايجون كوبره يى زياده جه درين كومك لازمكلور قيشدن اول كوملان كوبره لر هاوج وشالغملرك كوكلى نى اوزادوب ايريلشديرديكى تجربه اولمشدر .

۵. كوبره لرك اورتى كى يوزده براقلمسند آزوت غائب

ایده جکشی ارباب فن افاده ایدرلر ایسه ده پک چوق فائده سی
کوردلیکنی اهل تجربه سویلیور کوبره یاش اولوبده صیقه
کوبره ملک ممکن ایسه کوبره یی برمدت طوبراغک یوزنده برامق
وبالعکس قوری واز ایسه همان کومک ایودر یاش کوبره نک
اورتی کبی قوملی قوری طوبراقلرده و صوک بهار نهایتده یکی
اچیلان ترلارده پک چوق فائده سی کوریلور وایکنجی سنه سنده
غایت اعلا محصول ویریور .

دردنجی فصل مصلحات یاخود معدنی کوبره لدر

معدنی کوبره لر کیرج فالون یعنی طوبراق ایچنده بولسان
صدفی اسکی قبوق قیرندیلری قوم مارن قرون یاخود بیاض
مارن سوقاق چامورلری معدن کوموری کوللری الچی
فوسفوریت کیرج نیترا تده پوتاس سوده عادی طوز ویشمش
طوبراق ایله میللردن عبارتدر اوتهدنبرو اشبو معدنی کوبره لره
مصلحات دینلمکده اولدینی کبی بوکونکی کون دخی بعضیلر
بونلره یالکز مصلحات نظریله باقدقلری جهته میخانکی تأثیری
اولور یعنی قتی وسرت طوبراقلری خفیف ویومشاق طوبراقلری
قتیلاشدیردینی ویالکز او یاندیریچی اولوب نباتاتی اعاشیه قطعاً
تأثیرلری اولمدینی ظنیه سائر کوبره لردن آیرمشلردر حالبوکه
معدنی کوبره لر حیوان و نباتات کوبره لری کبی نباتاتی بسلیکی
هرفدان کوللرنده بونلرک موجود اولمسیله اثبات اولنه بیلور
فقط معدنی کوبره لرک یوقاریده افاده اولندینی وجهله سرت

طوپراقلری یومشادوب و یومشاق طوپراقلری یوغونلاشدیردینی انکار اولنه مز ایسه ده بوتأثیر حیوان و نباتات کوبره لرنده دخی موجود اولدینی مسلمدر زیرا صمانی و اودونلی کوبره لر کیلی طوپراقلری یومشادینی کبی کلیتلو کوبره دخی خفیف طوپراقلری قتیلاشدیرر .

بونکه برابر بزه اصلاحه محتاج برچوق اراضی اولوب بونلری اصلاح ایده جک قدر کلیتلو کوبره استحصالی مشکل ومتعسر اولدیغندن طوپراقلری معدنی کوبره لر ایله اصلاح ایتک لازمکلور اما طوپراغی اصلاحه باشلامزدن اول استعمال ایدیه جک ماده نك اجزا و خواصنی بيلمك لازمدر .

اشبو عملیات آغیر ایشلر اولدیغندن یومیه ایله صاحبك و خصوصیه کیراجینك ایشلرینه الویرمز بزه طوپراغی اصلاح ایده جک شیلرک سهولتله نقلیچون یقینه بولمنسی وبونلرک جنسی و خواصی معلوم دکل ایسه چونکه اصلاحك ثمره سی ایلک سنه دن کورنمکه باشلایه جغندن اول امرده اوافق برترلاده تجربه اولنسی و مواد مذکوره نك نقلیه طوپراغك اصلاحی حقنده اختیار اولنه جق امك و مصرف استحصال اولنه جق فائده یه تقابل ایدوب ایتیه جکی اولجه دریش و ملاحظه اولنق اقتضا ایدر .

کیرج — کیرجک زراعتیه اولان حسن تأثیری پک اسکیدنبرو معلومدر کیرج صوغوق شیلری ایصیدوب قتی اولنلری یومشادر دیرلر ایسه ده اصلی یوقدر کیرج نه برشیئی ایصیدیر

ونهده قتی شیلری یومشادر شوقدرکه کیرجک کیرجسز خفیف
صیجاق طوپراقلره و صوانلی قوملره حسن تأثیری انکار
اولغز .

طوپراق کرک قتی کیل کرک صوانلی قوم کسمه و یاغرانیتی
اولسون کیرجدن محروم اولور ایسه آجه اتمک وصو ساغه صو
لازم اولدینی کبی بو طوپراقلره دخی کیرج او قدر لازمدر
هله اکتلر ایله کوکلری ینور نباتات و ضایعه استعمال اولنان
فدانلر و سبزوات ایچون پک الزمدر طوپراقده کیرج بولغز ایسه
کرچه فدانلر یاشایه بیلور ایسه ده کیفیتلری ایو اولز و حاصلاتی
دخی ایستیلان درجهیه واره مز .

کیرج نباتاتی بسلدکن بشقه تحلیلی لازمکلان موادی
اریدوب حامضلرک سوء تأثیراتی منع ایدر دیری کیرج لاشه
واوتلری چارچابوق چوریدر اکشی صولرک اکشیلکنی کیدرر
ایشته بوندن طولاییدرکه اورمان وفوندهقلری آچدیغمزده
اوراده برچوق قوری پیراقلر و چوریهجک اسکی اغاچ
پارچهلری بولندیغیچون کیرج استعمالنه مجبور اولورز بو آجهلرده
وتوربلی طوپراقلرده بتاقلقلرده واسکی چایرلرده پیراقلر
قوریهرق اکشیک پیدا ایدرلرکه بو اکشیک یانی اوت ساز
ویوصونلره یرار ایکن زرع ایتدیکمز ایو فدانلره مضر
اولدیغندن شو اکشیلکی دفع ایچون کیرج استعمالی ضروریدر .
طوپراقده پک زیاده نباتات چورکی بولنور ایسه هر دونم
ایچون ۲۵ - ۳۰ اکر کیرج یالکز طوپراقده اولان اکشیلکی

دفع ایتمک یاخود کیرجسز طوبراغی کیرجلمک ویا طوبراق وکوره ایله مخلوط یایمق ایچون استعمال اولنه حق اولور ایسه سوکماش اوله رق ۱۵ - ۲۰ کیله قدر استعمال اولنور مخلوط کوره لر ایچون ۱۰۰ ده ۱۰ کیرج کافیدر طوبراغی ۸ - ۹ سنه ده بر کیرجلرلر ایسه ده ۳ - ۴ سنه ده بر فقط بهر دوئم ایچون ۸ - ۱۲ کیله استعمال اولنور ایسه هم طوبراق دائماً خفیفجه کیرجلمش وهمده دفعه چوق مصرف ایدلماش اولور.

بعض چفتجیلر سوکماش کیرجی طاش وچاقل کی پارچه پارچه ترلاره آتوب سوکزدن اول صبان ایله طوبراغه کومرلر شو حالده کیرج متساویاً یا یلماش اولور که فنادر ایوسی ترلارده کیرجدن آتیم اتم افاق کومه لر یاپوب اوزری برقاچ کورک طوبراق ایله قبادیله رق هوایه ترک ایله قاروب اوستنده یارقلر پیدا ایتدجه ینه طوبراق ایله یارقلر طیقانه رق نهایت توز الدقن صوکره طوبراغیله برابر متساویاً ترلایه یایمقدن چونکه کیرج توزالدجه شیشوب قبارمق طبعی اقتضاسندن اولمغله قاروب یارق پیدا ایتدجه طیقامق لازمدر.

برانبار کیرج توزالنجه بریچق انبار قدر قبارر کیرجک بووجهله طبعی توزالمسنه نهایت ۳ هفته کافیدر.

بعض محللرده کیرج کومه سنک تپه سنده خونی واری دلیک آچهرق ایچنه صو یاخود سیدیک قویدقن صوکره کیرج طولدیروب سوکیدرلر برطاقلری دخی سوکوک کیرجی اکنی

یچلمش آکیز اوزرینه ییالارلر بعضیلری دخی کیرجی بتون قیشین
 آچیقده براقوب ایلك بهارده ترلایه کومرلر بوصورت مناسب
 ایسه ده یکی آچیلان ترلاره هر حالده قیشدن اول کومك اقتضا
 ایدر کیرج پك درین کوملور ایسه چابوق سوزیله جکندن
 ضایعاتی چوق اولور انك ایچون آزجه کوملی ویایلدقدن
 صوکره ترلانك یوزنده کی طوپراغه چاپه ایله ایوجه قارشیدر .
 ملیدر بزم اعتقادمنه قالور ایسه کیرجی طوپراغه یایدقدن
 صوکره درحال کومملیدر زیرا یاغمور کورر ایسه هنوز
 طوپراغه قارشمنسزین ایصالنوب چامور یاپه جفندن فائده سنه
 خلل کلور خفیف وقوملی طوپراقره ایسه کیرجی آز ویرملی در
 زیرا بو طوپراقر صیجاق ویوفقه اولدقلرندن کیرجك چوقلنی
 محصولی یاقه حق درجده مضر اولور .

دیورلرکه کیرج بابالری زنکین فقط چوجقلری فقیر ایدر
 یعنی کیرج قوللانلینی وقت ترلا محصولدار اولور ایسه ده
 صوکره قوه انباتیه دن قالور حقیقت شودرکه یانق طوپراغی
 چوق اولان ترلاره زیاده کیرج ویریلور ایسه چابوق قوتدن
 دوشر وبرکره قوتدن دوشدکدن صوکره اسکی حاله اعاده
 ایتک زمانه محتاجدر فقط کیرج ترلا کوبره لندیکی زمان آزجه
 ویریلور ایسه هم بابالری همه چوجقلری زنکین ایده بیلور .
 فالون — دکر کنارلرنده وطوپراق ایچنده بولنان کیرجلی
 بوجك قبوقلرینه فالون دینور بونلر بعضاً قوم وطوپراقسز
 ویالکر بولندیغیچون معدن کوبره لری صره سنه ادخاله مجبور اولدق.

فالون کیرجدن دها تأثیرلی وزیاده طیانقلی اولدیغندن هر وقت کیرجه ترجیح اولنور کیرج کبی فقط کوبره ایله قارشیدیریلهرق کیلی طوبراقلره ویریلور هر دوئم ایچون ۱۵ انبار کفایت ایدر ایسه ده قوتلی کیلره دها زیاده ویرلر .

قبوقلی قوم — بعض سواحله کیرج بولندیغندن کیرج یرینه دکر قوملری استعمال ایدرلر بو قوملرده بولسان بوجک قبوقلری مقدارینه کوره آز چوق کیرجلیدر بولنرک کیرج و طوزی پالاندز و کسمه طوبراقلرده اصلا بولندیغنی جهته اوله طوبراقلر ایچون پک زیاده فائده سی اولور یالکز یاخود کوبره ایله قارشیدیریلهرق استعمال اولنور هر دوئم ۱۰—۱۵ آراهه ویریلور کرک خفیف و کرک قوتلی طوبراقلرک جمله سنه الویرشلی در تأثیری ۷—۸ سنه دوام ایدر .

سواحل قوملرنده دکر طوزینک تأثیریه حل اولماش بوجک قبوغی قیرقلری بولندیغندن بو قوملر ییقانوب طوزی ازاله اولندقدن صوکره غایت تأثیرلی برکوبره اولور .

برده دکر وایرماق قوملری دخی بر چوق قبوق و مرجان قیرینتیلرینی حاوی اولدقلرندن تحلیلی قولای و تأثیری زیاده برکوبره ایسه ده چفتلک کوبره سی یرینی طوته مز بولنرده حمیت کیرج چوق اولدیغندن قبوقلر سرعتله چوریوب بر خیلی آزوت دخی حاصل ایدرلر چفتلک کوبره لری آغیر حل اولوب نشادر حصولیچون بر چوق زمان مختلف تأثیراته محتاج اولدیغندن بو قوملر آندن دها چابوق حل اولهرق سریعاً تأثیر

ایتدیکنی اثبات ایدیورلرکه محتنده شبهه یوقدر .
 بو قوملرک هر نه قدر قوه غداثیه لری آز ایسه ده تاثیرینک
 سرعتی جهتیله زراعته فائده لری درکاردر کوبره سی بولمیان
 چفتجیلر یرینه کوره بو قوملری استعمال ایدرلر ایسه فائده سنی
 کوررلر .

مارن — مارنک خواص حکمیه سی وفائده سیله صورت
 استعمالی حقنده بر چوق جلد کتابلر یازمشلردر فی الواقع
 اهمیتلی بر ماده ایسه ده اوزون اوزادییه تفصیلاتنه کیرشمک
 استفاده یرینه چفتجینک ذهنی تشویش دیمک اوله جفندن
 تفصیلدن اجتناب ایدرک یالکر اک لزوملی فائده لرینی خلاصه
 ذکر ایدرز .

مارن غایت مختلف رنگلی بر طوپراق اولوب صارمتراق
 بیاض رنگلیسی دیکر لرندن ایودر مارن کیل و کیرج ایله
 قاریشق اولدینی حالده طوپراغک آز درین یرلرنده بولنور
 و کیرج کی هوانک تاثیریه درعقب توزالور .

طوپراقده مارنک وجودینی اکلامق ایچون قولای بر
 واسطه واردر شویله که مارنلی ظن اولنان بر پارچه طوپراق
 خفیف آتشد یواش یواش قوریدلدقدن صوکره ایکی پارچه یه
 تقسیم اولنور و هر بر پارچه سی ایوجه سیلنمش قوری برر قدحه
 وضع ایله برنجی قدحه طوپراغک نصفی ایصلاده جق قدر صو
 قونوب دیکر قدحه دخی بر قاچ طامله طوز روحی طاملدیلور
 اگر طوپراقده مارن وار ایسه صو قدخنده بولنان طوپراق

در عقب اریه جک و دیگر قدحده کی قاینایه جقدر طوز روحی
یرینه کسکین شراب سیرکسی دخی استعمال اولنه بیلور .

۱۰۰ ده ۱۰ — ۲۰ و ۴۰ قدر خمیت کیرجی حاوی اولان
مارنه کیلی مارن و ۱۰۰ ده ۵۰ — ۸۰ قدرینی حاوی اولانه
دخی کیرجلی مارن دینور برده کسمه لی مارن واردرکه بونده
کیرج پک قطدر .

کیلی مارن او قدر مقبول دکدر غایت خفیف قوملی
طوپراقلر ایچون قوللانیله بیلور ایسه ده حین استعمالنده زیاده
دقت ایتلیدر یعنی آزدن برسنه آچیقده بر اقلدقن صوکره درت
بش سنه ده بر آزار آزار ویرلملیدر او یله طوپراقلره ۱۵ — ۲۰
۲۴ و ۳۰ سنه ده بر کیتلو مارن ویرمکدن ایسه ۴ — ۵ سنه ده
بر آزار آزار ویرلسی دها ایودر .

کیرجلی مارنک نه قدر زیاده کیرجی اولور ایسه اولقدر
مقبولدر هر طوپراغه یعنی کیلی قوملی پالاندزلی کسمه لی طوپراقلره
ویکی آچه لره پک زیاده حسن تأثیر ایدر فقط ذاتاً کیرجلی
اولان طوپراقلره کیرجلی مارن ویرمک اقتضا ایتمز ویریلور
ایسه طوپراغی اصلاح یرینه برباد ایدر بویله شیلرده اول
اصلاح ایدیله جک طوپراغک مرکباتی بیلوب اکا کوره مواد
مصلحه استعمالی لازمکلور .

طوپراق وکیرج ایله مخلوط یاپان چفتجیلر بیلیمه رک عادتاً
یکیدن مارن یامیش اولورلر بو وجهله یامه مارنلرک طوپراقلری
منبت اوله جغندن در عقب استعمال اولنه بیلور فقط یردن

چیقاریلان مارن بر خیلی مدت کونش وهوانك تأثیراته ترك اولندجه قوه انباتیه بی کسب ایده مز برده کیره میدجی طوپراقلری یاری یاریه سوکش کیرج ایله قارشیدریلور ایسه ایو بر مارن اولوب انجق اعمالدن بر سنه صوکره قوللانیلور اگر مارن کیرج فرونده یاقیلور ایسه درعقب استعمال اولنور .

مارن دخی کیرج کبی استعماله کوره بعضاً مضر اوله بیلور بونك ایچون دخی کیرج کبی پدرلری زنکین وچو جقلری فقیر ایدم جکی سویلنور ایسه ده او یغونسزلق مارنده اولمیوب انی لایقيله استعمال ایده میانلرده در بعض چفتجیلر طوپراقلرینه مارن ویردکدن صوکره ارتق کوربه ویرمه حاجت قالمز ظن ایدیورلر کرچه ۵ — ۶ سنه ایو محصول آله بیلور ایسه ده نهایت طوپراقده کی یاتق طوپراق محو اوله جغندن قوتدن دوشر . برده ایوجه هوا وکونشك تأثیراته بر اققسزین بعضیلر طوپراقلرینه کلیتلو مارن ویروب بیلیمیه رك قوه انباتیه سنی تعطيله سبب اولورلر مارن آزدن بر سنه کونش وهوانك تأثیراته وضع اولنوب صوکره آزار آزار طوپراغه ویریلور ایسه جسن تأثیر ایده جکنده شبه یوقدر .

مارن کیل وکیرجدن عبارت بر مخلوط اولوب یردن چیقا . رلدینی زمان هنوز هوا وکونش کورمماش اولدیغندن شو حالده مارندن فائده بکلیانلر بوندن قالینجه بر طبقه یاپه رق سنه ده ایکی دفعه بل ویا قازمه ایله ایوجه قارشیدروب انجلدر اوزرندن بر سنه کچدکدن صوکره هر دوئم ایچون ۲۵ — ۳۰

آرايه قدر متساویاً طوپراغه یایوب بر قاج هفته صوکره صبان
ایله خفیفجه کومر بوسورت ایله کیرجدن محروم اولان
طوپراغه اشبو مارن ایله صافی کیرج ویرلمش اوله جغندن
محصول اعلا اولور فقط کیرج مکمل بر کوبره اولدینی جهته
مارن ویرلامش کبی هر سنه ترلایی کوبره ملک اقتضا ایدر .

بعضیلر کیرجلی مارنک مارنلی طوپراقلره الویرمדיکنی
درمیان ایدیورلر واقعا کیلی کسمه لی پالاندز وقوملی طوپراقلره
اولان تأثیری قدر کیرجلی طوپراقلره تأثیر ایتیمور ایسه ده بونلر
ایچون دخی فائده سز دکدر زیراً فرانسه نك بورغونیا باغلی
شومدعایه بر مثالدرکه یری کیرجلی طوپراق اولدینی حالدۀ دائماً
مارن قوللانوب فائده سنی کوریورلر .

بعض یرلرده مارنی قیشدن اول سورمکسزین آکین ترلا-
لرینک یوزینه ییارلر هر دوئم ایچون ۱۰—۱۳ آنبار مارن
ویردکدن صوکره اگر قیشک طوکلی ایله ویا قارک اریسیله
مارن توزالمر ایسه ایلک بهار اوزرنده مردانه کزدیریلوب
توزادیلوب بعده ترلا چاپرازینه سوریلهرک مارن خفیفجه
کوملور مارن ویریلان ترلایه بقله وپتاته آکیله جک اولور ایسه
مارنک اوزرینه کوبره ویرک اقتضا ایتمز ایسه ده آکین آکیله جک
اولدینی حالدۀ هر حالدۀ کوبره ویرلملیدر .

طوپراغه ۱۲ سنه ده بر مارن ویرمک فائده دن خالی دکل
ایسه ده آز درین طوپراقلره اکثریا ۸—۹ سنه ده بر هریکی

دو نمہ ۸۰ کیلہ یعنی ۸ آنبار مارن ویریلور ضعیف طوپراقلرہ مارن وایو طوپراقلرہ کیرج ویررلر .

فرانسه نك بعض محللرندہ یوز وقیراچ یرلری وفونده لقلری ابتدا آچوب بعدہ طوپراغك اوزرندہ آغستوس وایلولده مارندن کوچك کوچك کومہلر یایارلر براز هواہی ترك ایلہ پارچہ۔ لندقدن صوکرہ قازمہ ایلہ اوفالدوب یایارلر و بر قاق دفعہ سوروب طوپراغك طبقہ منبتہ سیلہ ایوجہ قارشدیررلر اکین ترلارینہ دخی مارن یاییلوب بر مدت صوکرہ کوملور بعدہ اشبو مارنلی ترلایہ ایلک بہار یولاف سبزہ یاخود قوقوروز اکیلور ایسہ فائدہ سی کوریلور اگر مارن قیش اورتہ سندنہ ویریلور ایسہ کلہ جک صوکرہ بہاردہ بوغدا ی اکیلہ بیلور کرچہ ۳ — ۴ سنہ اعلا محصول آلتور ایسہ دہ اکثریا مارنی ترلارہ کوبرہ سز ویردکلرندن بر قاق سنہ ظرفندہ طوپراق بتون بتون قوتدن دوشوب قیصیر قالور اورالردہ ہر دو نمہ ۱۰۰ و بعض محللردہ ۱۵۰ — ۲۰۰ آنبار مارن ویررلر .

بعض یرلردہ دخی طوپراغہ مارن ویرلر کدن صوکرہ ۳ — ۴ سنہ کوبرہ ویرمز لرکہ فنادر ایلک سنہلر مارنلی طوپراقلرہ یارم کوبرہ ویریلوب بر قاق سنہ صوکرہ تام کوبرہ ویرمک لازمدر .

قرون یاخود بیاض مارن — یومشاق کیرجلی بر طاشہ قرون و بعضاً بیاض مارن وقرہ دکز سواحلندہ یاغلی طاش دیرلر و مصلحات مقامنہ ترلارہ یایارلر بوندن کیرج دخی

اعمال ایدر لر قاریشق و غیر منتظم بر طاقم پیراق و نباتات بقایاسنی
حاویدر بو طاش بعض محللرده فوق العاده بیوک ییغینلر تشکیل
ایلدیکندن بونک پارچه اوفاندی و توزی کیرج و مارن کبی
کیلی قومی و صوانلی طوپراقلره پک ایو کلور .

کتابمز صاحب اولدقلری طوپراقلرک نه کبی ماده لر دن
عبارت اولدیغنی بیلنلره کوره مصلحات استعمالنی توصیه ایدیور
یوخسه طوپراغک کیفیتنی بیلیمانلر بو مثللو ایشلره قارشماملی
ویاخود بیلنلردن اوکر نلیدر طوپراغک اجزاسنی و ویر یله جک
مصلحاتک کیفیتنی بیلیمیه رک بویله ایشلره کیریشلر (دمیاطه
پرنجه کیدر ایکن اوده کی بولغوردن اولمق) کبی ضرر کورر لر
اولا طوپراغک کیفیتنی بیلوب اقتضا ایدن مصلحاتی اکا کوره
قوللا نلیدر .

بعضیلر ایشتدیکی شئک اصل واساسنی بیلیمیه رک طوپراغنی
اصلاح ایده جکم دیو کیلی قتی ویا کیرجسز قومی طوپراقلره
اعطاسی توصیه اولنان مارنی ذاتا کیرج و مارنلی طوپراغه
ویرر لر وطیبی فناغنی کوردکلری کبی قونو قونشوسنه اعلان
ایدرک بونجه تجربه لر ایله اتخاذ اولنان قواعد عمومیه یی انکار
قیدینه دوشوب اهمیتله ایدی لان توصیه یه مخالفت سمتیه کیدر لر
حالبوکه فئالق استعمال اولنان مصلحاتده دکل یرنده قوللا .
نلما مقده در طوپراقلر بحثده کوستردیکمز بونجه تفصیلات اول
امرده طوپراغک اجزاسی نه مقوله ماده لر دن عبارت اولدیغنی
بیلدیر مکدرکه آتی بیلدکدن صوکره استعمال اولنه حق مصلحات

دخی بیلنور ویولنده قوللانیلوز ایسه عقللره حیرت ویره جک
صورتده فائده سی کوریلور .

یول وسوقاق چامورلری — بو چامورلرک کیفیت یول
وسوقاقلرک انشاآنده استعمال اولنان موادک طبیعتته کوره
مختلفدر .

صوان وچاقاق طاشی ودرکمی چاقیللر ایله دوشدیلان
سوقاقلرک چامورلری صوانلی وکیرج طاشلریله یاپیلانلرک
چامورلری کیرچلیدر بو چامورلر نه قدر چوق چیکنه نوب
ایخلوب هوانک تاثیرنده قالور ایسه اولقدر ایو اولور خصوصیه
اوزرنده کیدوب کلان حیواناتک سیدیک و فشقیلری دخی
چامورلرک کیفیتتی اصلاح ایدر .

بوندن طولاییدر که ایچنده پک چوق قیون وصیغیر کرن
کویلرک چامورلری حیواناتی اولیان کویلرک چامورلرندن ایودر
هر سنه بویونوزلی حیوانلری مرعالدده طومتق پک فائده لیدر
جاده یول و حیوان بازاری چامورلری نه دن مرکب اولور
ایسه اولسون هر طوپراق وزراعته الویرر ایسه ده کیلی
طوپراقلره جمله سندن زیاده فائده ایدر .

معدن کوموری کولی — بو کوللر زیاده کیل وحمض
وکبریتیت مثنی حدید انکلیز طوزی وکیرجدن عبارتدر بونلرده
اکرچه دکرلی کوبره اوله جق مواد یوق ایسه ده هر حالده
اهمیت ویرمامکده اولمز زیرا حاوی اولدقلری کبریتیت مثنی
حدید وکیرجک کیلی قوملی پالاندزلی وکسمه لی طوپراقلر ایله

نخود بذلیه بقله بورچاق یونجه واولیا اوتی کبی محصولاته یبانی و بستانی شالغم قولزا ولخنه لره چوق فائده سی وارد ر .
 کیرج والچی بولنیان یرلرده معدن کوموری کوللری چفتلک کوبره لرله قارشیدریلور ایسه فائده سی کوریلور .
 آلچی — آلچی کیرج زاج یاغی و صودن مرکبدر یرده بیوک ییغینلر و قیالقلر تشکیل ایدرک عصرلردنبرو چیقارلمقده در آلچی زراعتده خصوصی بر کوبره صاییلور بعضیلرک ادعاسی کبی یالکز اویاندیریجی دکلدرا کر اویله اولسه ایدی عموم محصولاته تأثیری مساوی اولمق کرک ایدی حالبوکه اویله اولیوب آلچی یالکز بقلیه وصلیبیه فصلیه لرینی یعنی بقله بذلیه شالغم قولزا ویونجه کبی نباتاتی بسلیکنندن بو طاقه مخصوص کوبره لردن صاییلور .

عموم نباتات بر نوع ماده ایله کچینه میوب هر برینک مخصوص غدالری اولدینی معلومدر بعضیسی بر غدادن خوشلانیدینی حالده دیکری حظ ایتز ایشته بوندن اوتوری بعض طوپراقلرده قوتله بیویان نباتات دیکر طوپراقلرده بیویه میور .

آچینک بقله و شالغم جنسندن اولان نباتاته هر نقدر حسن تأثیری وار ایسه ده بر طاقم اویغونسزلقلری دخی کوریلور .
 ایری کوکلی فداندلرک تپه یراقلرینی ویشیل قطعه لرینی بیودیور ایسه ده دانه لرینی سرتلشدیریور بذلیه بقله و فاصولیه دانه لری کوچ پیشور برده حیوان میی ایچون آلچیلی طوپراقلره

اکیلان نباتات حیوانلری بر طاقم خسته لقلره مستعد ایدیور بعضاً باش دونغسی و سر سملک کتوریور حتی بلجیقاده آلچیلی شیل یونجه یی بیان طوکرلرک کبر دکلری کورلشدر دیورلر واقعا آلچی دانه لری سرتلشدر دیکندن ایو پيشمه کلدیکی صحیح ایسه ده حیوانلرک باشلری دونغسی و طوکرلرک کبر می بشقه سبیه مبنی اولق کر کدر چونکه اوته دنبرو قوری ایله کچنان حیوانلرک دفعهٔ یشیله صالیور لمسندہ خصوصیه آلچیلی یونجه یدیر لمسندہ بعض خسته لقلره اوغرایه جقلرنده شبهه یوقدر آنک ایچون چار فصلنده بیان اولنه جنی وجهله قوری بیان حیوانلری یشیله تدریج ایله آکشدیر مق لازمدر .

آلچی کرک چیک و کرک پيشمش فقط دائماً توزی قوللا نیلور ایلک بهار هنوز اویانان و چیمیلان یکی یراقلره قبالی یاخود چیکلی بر هواده بهر دونمه یارم کیله آلچی توزی نشر اولنور قوری ویانق طوپراقلی ترلارله فائده ایدر ایسه ده زیاده رطوبتلی و ضعیف طوپراقلر تاثیر ی اولدیغی کبی یاغمورلی و صوغوق سنه لرده دخی فائده ایتمز آلچی نه وجهله تاثیر ایدر مسئله سی هنوز حل اولنه مامشدر .

ارباب فنوندن بعضیسی آلچی بر نوع کیرج اولدیغی بعضیسی دخی مرکباتنده بولنان زاج واسطه سیله تاثیر ایلدیکنی و بر طاقمی دخی جو هواده بولنان مواد انباتیه یی یره چکر بر واسطه اولدیغی افاده ایدیورلر انکلز کیمیاچیلرندن بری آلچی یاغمور صولریله اریوب نباتاته حلول ایلدیکنی در میان ایلمسنه قارشو

یکی کیمیاچیلر فدانلرک کوللرنده آلچی بولمديغنی اثبات ایلورلر و بعضیسی دخی آلچی یاغموور صولریله طوپراغه نازل اولان خمیت نشادری ثابت ایدر بونکله برابر خمیت نشادر هر محصولده مختلف المقدار اولدینی حالده آلچیده محدود بولنور حاصلی بر دیکریده آلچی چورک مواد معدنیه ایله برابر کیرجه تحویل ایدرک کیرجک ایشنی کورر دیور بو حالده بوغدا و آریپیه دخی بقله فاصلیه کبی حسن تأثیر ایتلی و کیرجلی طوپراقلرک سبزواتی نازک ولطیف اولدینی کبی آلچیلی طوپراقلرک سبزواتی دخی سرت اولمالی ایدی .

والحاصل بو بابده افکار مختلف اولدیغدن بالاده ذکر ایتدیکنز انکلیز کیمیاکرک فکری صحتیه قریب اولمق کرکدر چونکه کیمیا زراعت نام کتابده تحلیل ایدیلان بعض آغاج اوزلرینک همان کافه سنده آلچی بولمديغنی یازیلور مادامکه آغاجلرک کولکری آلچی چکوب قبول ایدیور البته نباتاتک کولکری دخی جذب ایده یلور .

آلچینک بشقه خدمتلی دخی واردر مثلاً کوبره لر قیزدینی وقت خمیت نشادری غاز اولوب هوایه طاغلماق ایچون کوبره بیغیلری بر طبقه آلچی ایله ستر اولنور ایسه خمیت نشادر صویه تحول ایدرک کوبره ده قالور بعض چفتجیلر هر کوبره طبقه سی آره سنه الچی توزی قورلر ایسه ده کیمیاچیلرک افاده سنه کوره کوبره لرده و خصوصیه اینک کوبره سنده نباتاته اصلاً فائده سی اولیان کبریتیت پوتاس آلچی سببیه ظهور ایدرک

فحمت پوتاسی غائب ایتمکه فائده یرینه مضرت کوریلور بوبابده
 برشی دییه من ایسه کده هر حالده سیدیک صارنچ وچوقورلرینه
 آچی دوکمک مضردر فقط (موسیو کیدیو) نک افاده سنه
 باقیلور ایسه کوبره آچی ایله قاریشق استعمال اولندیغنده
 از مدت طرفنده بر مملکتک محصولاتی درت قات آرترر
 تجربه سی کوچ دکلدرد.

بعض محللرده آچی بولندیغندن اوزاق محللردن صاتون
 الوب نقل ایتک بر طاقم مصرفله سبب اوله جغندن اوجوز
 آچی تدارک ایتک ایچون بوراده قولای بر یول کوستره جکر
 یعنی زاج یاغنی توصیه ایده جکرکه پک اعلی آچی یرینی طوتار
 شویله که هر طوپراقده از چوق فحمت کیرج بولندیغندن
 اوزرینه زاج یاغنی دوکلدیکی انده در حال فحمت کیرج آچی به
 تحول ایلر براولچی زاج یاغنه بیک اولچی صو علاوه اولنوب
 یونجه وچایرله بقله فاصولیه قولزا ولخته کبی نباتات ترلارینه
 ویریلور ایسه پک چوق فائده سی اولدقدن بشقه آچی کبی
 مساعد هوایه انتظار لازمکلمیوب قوراق ویاغمورلی هوالرده
 دخی ویریلورکه اصلا تأثیراتی تغیر ایتمز.

صولی فشقیلرک ترلاره نقلی تسهیل ایچون ایچنه آچی
 آتیه رق قتیلاشدیرلمسنی توصیه ایدیورلر واقعا بواصولک تسهیل
 نقلیاتجه فائده سی انکار اولنه میه جغندن بو خصوصده پیشمش
 آچی توزی قوللانیلور ایسه هم فشقی قتیلاشدیرر وهمده
 فحمت نشادری حفظ ایدر.

غازی النمش اولان کیرج دخی ۶ آی قدر هوایه عرض اولنور ایسه بقله قولزا جنسندن اولان سبزواته آلچی کبی تأثیر ایدر .

فوسفوریت کیرج — میککر بختده فوسفوریت کیرجک حاوی اولدینی خاصه انباتیه یی سویلمش ایدک افادتمزی تکرار ایتیه رک بوراده دخی دیرزکه فوسفوریت کیرج یالکز حیوان میککرنده دکل دنیانک اکثر یرلرنده کلیتو بولنور اشبو حاضر فوسفوریت کیرجه اصلنه مرکباتنه کوره طاش طوز و تحجر ایتیش مواد نجسیه دینور اسپانیا انکلتره اسوج و فرانسه ده بوندن پک چوق معدنلر اولدینی کبی ممالکمزک اکثر یرلرنده دخی وارد روم ایلی جهتده آلپ هله نیک (پندوس) طاغریله وندیک دکزی اراسنده و بالقان طاغریله طونه نهری ییننده کی تباشرلی طوپراقلرده بولنور اناطولی طرفه کلنجه استانبول بوغازینک شرق جهتی یقینندن یعنی قره برون و ککبوزه دن کوسه طاغنه واردو قضا سندن جریان ایدن (ملت) ایرماغنه قدر قره دکر ساحلی بویجه اوزانان واسکندرون کورفزی ایله فرات نههرینک وسط علیاسی اراسنده بولنان اراضی تباشریه ده چوق واردر .

فوسفوریت کیرجک زراعتده استعمالی پک یقیندر سبی دخی دکر قوشلری ترسی میک کوموری و توزی غایت بهالو اولدیغندن انلرک یرینه بونک استعمالی یولنی بولمشلردرکه خفیت کیرج ایله الچینک یرینی طوتار اعلا برمصلحدر .

فوسفوریت کیرجک اک فائده لی صورتده استعمالی قیزمغه باشلیان کوبره لره توز ایدوب قارشیدیرمقدر بو وجهله اریوب کوبره یه قاریشان فوسفوریت کیرج کیمیک توزی وشکر فابریقه. لرینک کیمیک کوموری یرنده استعمال اولنه بیلور.

آزوتیت پوتاس وسوده — (کهرچله) کهرچله ده زیاده آزوت اولدیفندن زراعتیه پک بیوک خدمت ایدیور فقط کیمیاچیلر کبی فائده سنی یالکز آزوته حصر ایتیموب مرکباتنده بولنان پوتاس وسوده نك دخی دخلنی انکار ایتامیلدرانک ایچون کهرچله نی کوبره ویا مخلوطلره قارشیدیرلمسنی توصیه ایدرز.

کهرچله بتمز توکنمز نه قدر صرف اولنور ایسه ینه اوقدر حاصل اولور اخورلرده مخزنلرده دیوارلرده کولکده بولنان کوبره لرده وترلالرده کهرچله حصوله کلور اسپانیانک جنوب قطعه سنده قیشین یاخود ایلک بهارده ۲—۳ کره سوریلان طوپراق کهرچله ایله طولار قیصری شهریه جوار کویلر اراضیسی کهرچله ایله طولودر افیون قره حصارى صندوقی چال طرفلرنده دخی پک چوق کهرچله واردر.

کهرچله نی شویله اعمال ایدرلر — اینجه کیرج ایله ازکیلی طوپراقدن کول و صمان قاریشق خرج ایله اوافق واز قالین سدلر یاییلوب صیوانور واوستی چاتی ایله اورتیلوب اراصره صولانور بو طوپراقلر برسنه ظرفنده کهرچله یه تحول ایدر اگر خرجنه کول قارشیدیرلمز ایسه ازوتیت کیرج حصوله کلورکه کهرچله دن ده ااعلا کوبره اولور کهرچله یانق طوپراق یعنی

طوپراق اولمش کوبره ایله قارشیدریلوب پانجار تخیلیله برابر
 اکیلور ایسه فوق العاده کوزل محصول النور برده کهرچله یه
 سوده (کبریتیت سوده) وکوکورتلی سوده قارشیدریلوب
 بوندن پتاته ترلارینک هر دوننه ۴۰ قیه قدر ویریلور ایسه
 محصولی غایت قوتلی اولور فداندلرک بویلی ۲ ارشون قدر
 یوکسلور وهر اوجاقدن ۷۶ قیه یغنی دونمندن ۵۰۰۰ اوقه
 قدر پتاته النور .

دکر طوزی — اطعمه ده قوللانیدیغمز عادی طوز طوپراغه
 زیاده ویریلور ایسه نباتاتی تلف ایدر اسکی وقتلرده خراب
 اولان بر شهر یاخود لغتلی بر خانه نک یرینه بیله اوت بتمامک
 ایچون طوز اکرلر ایدی صولامق ایله طوزلری النهمیان
 طوپراقلر قیصر قالور فقط طوز آز ومناسی مقدار قوللانیلور
 ایسه پک اعلا فائده سی اولور خصوصیه قره ودکر لخنه سی
 وقوش قونماز کبی اصللری دکر قیسی اولان نباتاته پک ایو
 کلور طوزک چوکندیسنی وبوزوق صلاموره لری ودریلرک
 طوزلی صولرینی اتماملیدر کوبره لر ییغین یاپلیدیغی وقت برقاچ
 آوج طوز آیلور ایسه اصلاح اولور سیدیک دخی طوز
 قارشیدرمغله اعلا اولور .

طوزک زراعته فائده سی تصادفی کشف اولمشدر شویله که
 اسویچرده بر چفتچی کمرکدن طوز قاچردیغندن طولایی مأ
 مورلری طرفدن تحری اولنسیله قباحتی ستر ایدرک جزای
 نقدیدن قورتلماق ایچون طوزی سیدیک چوقورینه آتمش

و بیچاره چفتجی طوزی غائب ایتدکدن بشقه کوبره سنی دخی بوزدیغنه تأسف ایلمش ایدی فقط چوقورده زیاده سیدیک بولندیغدن طیشاری دوکمه دخی قیامیوب استعمال ایلدیکی جهته مزروعاتی فوق العاده کوزل اولدیغدن طوزک نباتاته حسن تأثیری اکلاشلمغله اولوقتدنبرو استعمال اولنمقده در حتی طوزلی مخلوط کوبره ایله کوبره لنان بر ترلادن بره ۲۸ آلدیغی صحیح اوله رق روایت ایدر لر .

طوز طوغریدن طوغری یه می یوقسه بالواسطه می نباتاته تأثیر ایدیور بومسئله هنوز مختلف ایسه ده طوزی یالکر اوله رق قوش قونغاز دکر وقره لخته لینه وشالغملره ویریلرک کوبره کبی تأثیر ایلدیکی وطوزلی صو ایله سواریلان کوبره طوزلنمین کوبره دن دها زیاده تأثیری واعلا اولدینی تجربه اولنمشدر شو حالده طوزک نه یولده تأثیر ایلدیکی آرامق کیمیا . جیلره عائد اولدیغدن بزه لازم اولان جهتی ایدی لان تجربه لره کوره قوللانمقد ر .

پیشمش طوپراق — یکی طوپراق لر آتشی کورنجه منبت اولور لر بوکا شاهده اورمانلرده ظهور ایدن یانغین یرلرینک در عقب نباتات یتشدیرمسیدر اسکی فرون مولوزی اسکی چورک کیره مید و طوغله قیرندی لری طوپراغی منبت ایلدیکی حالده بونلرک اصلی اولان چیک کیل بالعکس طوپراغی قوتدن دوشورر .

انكلترده بعض اهل مراق قتي كيلى طوپراقلرك اوست



طبقه سنى ياقغله منبت طوپرا-
غه تحويل ايدرلر ايسهده
كندولرينه پك بهالى اوتور-
ديغيچون بو صورتى توصيه
ايتميز يالكز كيلى مارنى
(شكل ۴۰) شكلده كوستر-

(شكل ۴۰ كىل ياقه جق فرون)

يلان اوجاقلرده ياقغله مصلح

مقامنده خفيف طوپراقلره ويرلسى اخطار ايدى بيلورز .

ميل — بو اسم يالكز ياغمور صولرينك كتوردىكى طوپراقلره
منحصر اوليوب چوكندى طوپراقلر چوقور بتاقلق سوقاق
وايرماق چامورلرى دخى سوزندى طوپراقلردن يعنى ميلردن
صايبيلور صولرك ايرماق وچايلرك باصدقلرى ترلارده
براقدقلرى ميللر مركباتلرينه كوره مختلفدر مصرده نيلك مىلى
اصلا كوبره ايستمز ايسهده هر چايك مىلى بركلدر بعض
ميللر زياده قوملى وپك ضعيف اولديغندن يالكز كيلى طوپراقلرك
اصلاخه مدار اولور .

چوقور و خندق چامورلرنده اكثريا چورك نباتات و اوافق
حيوانات بقاياسى بولنديغندن هر طوپراق وهر محصوله كلور .
دره چامورلرى ايوجه قوريبوب برسندن ايكي سنه قدر
آچيقده براقيلور ايسه پك اعلا بركوبره اولور سوقاق چامور-
لرى ايسه يوقايرده ذكر اولنمشدر .

ياغمور صولريله آقوب كلان ميللرده يانق طوپراق چوق
اولديغدن زنكيندرلر بو ميللري باير ديبلرنده چوقورلر قازه رق
بركديروب استعمال ايتمليدر .

بشنجی فصل مخلوط کورده لر

مخلوط کورده لر کورده اوله بيله جك بر چوق شيلری
بر برينه قارشدير مقدن عبارتدر چفتجی کورده آرار ايسه هر يرده
بولور قپوسی اوکنده کی چوپلکی حویلسنده کی چاموری کو-
مسلرده بولنان پیسلکی یولی اوزرنده آقان چرکاب صولرینی چشمه
لغملرنده کی بریکندی یی کوی میدانلرنده کی چامورلری سوراق
وچیت کنارلرنده کی خسیس وتلری کورریبانی شالغم قولزاصمانلری
چاشورلغملرینک و حوضلرک چوکندی لری صوقامشلی شوراده
بوراده بولنان یوصونلر بنا مولوزی طامله التنده چوریوب
دوکلان کیره مید و طوغله پارچه لری نباتات یتشیرمیان چلاق
طوپراقلر هر کسی یزار ایدن سوراق چامورلری ایرماق وچای
دیننده کی قوملر کیرج اوجاقلری یانندیسی اورمانلرده بولنان
اغاج طلاشی ایله کومور توزی قوری ییراقلر لشلر چورک
کوکلر بوزق سبزوات سپورندی لری یوک واسکی مشین پارچه لری
فس قوندوره اسکیلری قوش توکی بوینوز طرناق سیدیک
قان چاشور و بولاشق صولری اوزوم ارمود واما جیره لری
چورک میوه اسکی البسه ودها بعض شیلرک جمله سی اعلا

کوبره در حالبو که بونلری طوبلایوب قوللانغه کیمسه تنزل
ایتمور کونلر اولور که کوی وچتکلرده انسان و حیوانک
هیچ ایشی بولنمز بویله کونلری فرصت بیلهرک اشبو سپورندیلری
طوبلایوب مخلوط یعنی قاریشق بر کوبره بیغنی یایمق ایشلنان
کونلردن زیاده پاره قزاقق دیمکدر .

مخلوط کوبره چفتجینک کوچک کوزه دیجی ویارد محیسیدر
هرکسک الله کچه ییلور اوجوز بر کوبره در کوبره سی اولیان
بر چفتجی دائماً بویله مخلوط کوبره ایدنمیدر زیرا بو مخلوطلر
هر طوبراغه وهر محصوله الویرر احتمالدر بعض کبرلی
چیفتجیلر بو حاله کولر نه باس وار وارسون کولسون الویرر که
رنجبر ایشی کورسون زیرا قونشوسی بر آراهه کوبر ایدینور
ایسه مخلوط یایمله اکا مقابل کندوسنک اوج درت آراهه وهمده
اندن دها اوجوز ودها قیمتدار کوبره سی اولمش اولور .

چفتجی بکر وعمرک یاخود قوسطی و بدروسک کولمسنه
اهمیت ویرر ایسه هیچ بر شی بجره میوب الی بوش قالور
حالبو که کندو ایشی کورمکله بکر وعمر ویاخود قسطنی
وبدروسی خدمتده بیله قوللانمیلور .

هر بری بشقه بشقه کوبره اوله بیله جک شیرک آیری آیری
استعمالی کوچ اولدیغندن بر برینه قارشیدیرلدیغی حالده فائده سی
چوق بر کوبره اولور مخلوط کوبره فدانلر ایچون متنوع
اطعمه ایله طونانمش سفره یه بکزرکه هر بری کندو اشتها سینه کوره
کوکلریله ایستکلرینی الور کرک عملیات وکرک نظریات ایله قبول

واثبات اولتمشدرکه عموم نباتات بر درلو یییه جک ایله بسلمیوب
هر برینک کندویه مخصوص بر بشقه یییه جکی اولدیغندن
برینک خوشلانمدیغندن دیکری محظوظ اولور حالبوکه مخلوط
کوبرده ایسه هرفدان ارادیغنی بولور .

ایمدی حبوبات یعنی قره ترکه ایچون اک اعلا مخلوط شوندن
عبارتدر ۱۵—۲۰ پارمق یوکسک برقات طوپراق ییغیلوب
اوزرینه قاریشق بیکیر واینک کوبره سی یاییلور بونک اوزرینه
ینه برقات طوپراق ییغلقدن صوکره اوستنه زیاده جه چاشور
ویا معدن کومورنی کوللری یاییلوب اوزری برقاچ کورک
طوپراق ایله اورتیلور بعده قیرق یاخود یاتق کیمک وایری
قوش توکلری اسکی صیوه صمانی چاموری چورک قوری اوت
واینک مایسی قونیلور بونلرک اوزرینه برطبقه طوپراق واوستنه
براز اسکی یاخود یکی کوکرچین وطاق ترسی ودها اوزرینه
قولزا شالغم قره بوغدای صمانلری وینه طوپراق صوکره
کیرج ده صوکره چورک یاخود خرده کیره مید طوغله
پارچه لری بونک اوزرینه صغیر ودها اوزرینه بیکیر کوبره سی
ینه طوپراق واوزرینه کول وینه یاتق یاخود خرده کیمک قوش
توکی وسائر قونیلهرق بوی اکی نه قدر اولور ایسه اولسون
بوصورتله ییغین بریچق ارشون قدر یوکسلدیلور بونکله برابر
مواد مذکورنک براییکیسی بولمز ایسه بولنانلرایله اکتفا اولنور
فقط جمله سی بولنور ایسه ده اعلادر بر مخلوطک مرکباتی نه
قدر چوق ومختلف اولور ایسه او قدر ایودر برده ییغنی بر

کونده یاپوب بترمه مجسوریت یوقدر اله چکدکه یواش یواش
 یاییلوب اکال ایدیلور لکن هر ایکی یاخود اوچ طبقه تمام اولدجه
 اوزرینه زیادهجه حیوان سیدیکی یاخود چاشور و بولاشق
 صوی دوکیلور ییغین بتدکدن صوکره اوستدن اشانی طوغری
 برقازق ایله چوقورلر اچیلوب کوبره صولری ایدینلدکجه
 طولنجه قدر صواریلور و صوی چکدکجه بر قاج دقیقه صوکره
 ینه صواریلور وهکذا ییغینک اوزری کولله نجه یعنی ارتق
 صو قبول ایتمز درجه به کلنجه قدر بو یولده عمل اولنور
 ۸ کون صکره ینه صواریلوب اوچ درت ای حالیه براقیلور
 بعده قوری وصیجاق برکونده ییغین قازمه ایله ییقلوب الی
 اوستنه کتوریلرک ایوجه قارشیدیرلقدن صوکره قوریمق
 ایچون برهفته قدر هوا به ترک ایله صوکره ترلارله کوتریلوب
 کوچک کوچک کومه یاییلهرق بعده یاییلور شو ۳ — ۴
 آی ظرفنده ییغینه طوقلمیوب استعمالندن برهفته اول قارشد.
 یریلوب ترلایه ویرمیلدر .

حیوانلره یدیرمک ایچون شالغم طورپ کبی اعلا و قوتلی
 کوکله استحصالی مطلوب ایسه آتیده تعریف ایده جکمز مخلوطی
 یامیلدر شویله که اینک جنوار ترسی تورب یاخود آغاج کوللری
 مخزن طورپراغی مولوز طوغله کیرمید قرنیدیسی چورک کوك
 سوراق چاموری نجاست و کیرج بر برینه قارشیدیریلوب ییغین
 یاییلور فقط انسان ییه جکیچون اولور ایسه کوکله طعمی
 تغیر ایدن واکراهی موجب اولان نجاست قارشیدیرماملیدر .

بعض يرلرده نجاست دخى قوللانيلور ايسه ده اورالرده اصول وعادت ايكنجى طبيعت اولمغله برديه جكمز يوقدر اما انسان نجاستى قارشديرليمان كوبره نك سبزواتى اعلا اوله جغنده شبهه يوقدر .

پتاهه ايچون سرت وقتى طوپراقلره مخلوط كوبره الويرمز مكر كه بو مخلوطلره قاطر طرناغى فونده وساز بدنلرى قارشديريله شو حالده طوپراق كوشيوب قبارر برده اولجه بيان ايتديكمز كې پتاهه ديكيله جك ترلالره ايرى يعنى صمانلى كوبره ويرمك ايجاب ايدر فقط طوپراغى خفيف ايسه اولوقت مخلوطلرك فائده لرى اولور اوله خفيف طوپراقلره آتيده ذكر اولسان مخلوط ده ايو يرار .

ايجه آخور كوبره سى چاير چوركى تورب كولى نجاست خندق وچوقور چامورى وهر نوع نباتات سپورنديسى آچيقده قارشديريلوب اوزون طار واوستلرى بالق صيرتى كې ييغينلر ياييله رق چورينجه قدر ايكي اوچ دفعه بوزيلوب قارشديريلوب بعده قوللانيلور .

قولزايستانى ويىبانى شالغم كې ياغلى وآز ياشايان نباتات ايچون غايت ياغلى كوبره لازمدر بو كې نباتاته قيون كچي كوبره سى نجاست باغرساق حيوان لشى ايرى قوش توكلرى اوراق يوك بچاوره مشين اسكى كچه پارچه لرى ياغخانه پوصه سى بيكي طرناغى كيرج ياخود كيرجلى طوپراق چامورلى براز آلچي طوزى تورب ياخود اودون كولى چورك چاير دره قومى

و کیرج اوجاقلوی فضلاتیه مخلوط کوبره ویریلور بونلرک بعضیسی اگر ممکن ایسه جمله سی استعمال اولنور هر حالده بچاوره و بز قرقندیلری اکسیک اولما ملیدر انک ایچون بونلر لزوملی شیلر اولدیغندن کویلولره اسکی یوک اثواب وچورابلری یبانه اتمیوب استعمال ایتمک اوزره حفظ ایتلمیخی توصیه ایدرز بو مخلوطی دخی اولکی ییغینده بیان ایلدیکمز کبی قات قات طوپراق ایله ییغین یاپوب کوبره سیدیک بولاشق وچامور صولریله بر قاق دفعه صولامق لازمدر .

کله لم بویا اخراج اولنان نباتاته بونلر وخصوصیه امبربارس کوک بویا وجهری فدانلری کیرجلی طوپراقلردن محظوظ اولور کرچه امبربارس کوک بویا کیرجسز طوپراقلرده دخی بیویوب ایو یتشور ایسه ده بویالری آز وطونق اولور آنک ایچون بویا فدانلرینه ویریلان مخلوطلرده زیاده کیرج بولمق اقتضا ایدر بو مخلوطلردخی آخور کوبره سی طوپراق سوکمش کیرج معدن کوموری کولی کیرجلی مارن وسوقاق چامورلرندن یاپیلوب صیقجه صولانور .

اکمه چایرلره الویریشلی مخلوط اینک وطوکر فشقیلری دیری کول الحی توزی سوکمش کیرج قوروم یسانی اوت یاغش میک وکمیک کوموری وطوپراقدن مرکب اولمیدر بونلرک مقداریخی تعریف اقتضا ایتمز زیرا برندن از دیکرندن چوق قونیلور ایسه باس یوقدر اشبو مخلوط قات قات ییغلدقدن صوکره کوبره صوینی ویوقاریده ذکر اولنان سائر صولر ایله

بولجه صولاندقدن صوكره استعمالندن ۲—۳ هفتيه اول چايه ايله قارشديريلوب قوللانيلور .

خدایي مرعالرايچون زياده طوكر ترسی قولزا یبانی شالغم واکین صمانلری اینجه قوم کیرج اوجاغی جروفي ايله بر مخلوط یایلوب بعده اولکندن دها آز براز کیرج وبر مقدارده الچی بوزق قوری اوت صغیر کوبره سی وچوقه آغاج وتورب کو. للریله خفیف طوپراق علاوه ایدیلهرك قارشديريلوب اراصره صولانورکه ۵—۶ ای طرفنده اعلا کوبره اولور .

خدایي چایرله بو کوبره دن ایلک دفعه مارت ابتداسنده واوتی یچلکدن صوكره ایکنجییه قوت ویرمك ایچون بر دها ویریلور . چایرلرینه اهمیت ویرن چیفتجیلر بونلره کوبره ویرمکدن کیرو طورمیوب ایشلنمیان طوپراق سوقاق شهر خندق وچوقور چامورلرینی کوبره وکیرجه قارشديره رق استعمال ایتلیدر چامور بولنمیان یرلرده مرعاله ویریهلجك کوبره ینه مرعالرده بولنور .

شویلهکه صوك بهار اواخرنده چیت وَاغاچلرك کولکهلری آتنده طوپراغك قانبورلشوب تومسکلندیکی محلی قازهرق چیقان طوپراغی الوب کوبره یه قارشديره رق ییغین یاپارلر بوقبارق طوپرا. غك ایولکی مرعالرده اوتلایان حیوانلر کونشك صیجاغندن کندو. لرینی محافظه ایچون کولکهلی یرلرده یاتدقلری جهتله اوراده بر طاقم کوبره وسیديك براقلریدر کرچه بوکوبره لر اوراده براقلمیوب قالدیریلور ايسه ده صویي طوپراقده قالدیغندن او

طوپراق منبت اولور وچایرلی کوبرملکه پک ایوکلور .
 برده حیوانلر کولکهک یرده بیتن اوتی دخی ییزلر چونکه
 کولکهکی یرده بیتن اوتلر کونشلی یرک اوتلری قدر لذیذ
 اولدیغندرکه حیوانلر کونشلی یرک اوتی ترجیح ایدرلر
 بوجهتله اوتی دخی اوراده قالب کندو کندویه برخلوط
 تشکیل اتمکله بوندن کولکه لی یرلرده یاپیلان ییغینلر کوبرلرک
 اک ایو و اوتلیسی اولدیغندن وچایر و مرعاله صمانلی کوبره دن
 زیاده ایو وچورک کوبره یرادیغندن اشبو کولکهکی یردن
 النان طوپراغه قیشدن اول کوبره قارشدیریلوب قیشین
 مساعد هولرده برقاچ دفعه الی اوسته کتوریلرک طوپراق
 کوبره ایله ایوجه قارشدیریلور مؤخرأ کانون ثانی صوکنده بو
 کوبره یه سوکمش کیرج علاوه اولنور .

شباط اورته سنده بویغینلر مرعایه کوتریلوب اولافاق
 اوفاق کومه لر یاپلقدن صوکره بر دوزیه چایرک اوزرینه
 یاییلور بواصول اولقدر نافعدرکه آزدن ۹ سنه ده برچایرله
 بویولده کوبره ویریلور ایسه پک برکتل محصولی النور .

فرانسه نک شمال طرفلرنده طوپراق چایر وکیرج ایله
 قاریشق برخلوط یاپارلرکه هم ساده قولای وهمده پک فائده .
 لیدر قوری کول چامورلرینه کیرج قارشدیریلور ایسه اعلا
 برخلوط اولور بو حالده ۱۰۰ ده ۱۰ کیرج و ۹۰ کول
 چاموری قات قات ییغلدن ۲—۳ کون صوکره بری برینه
 قارشدیریلیدر کجکدیریلور ایسه کیرج قاتیللاشوب کوچ اینجولور .

سازلر دخی چایرايله طبقه طبقه ییغیلوب هر طبقه اوزرینه
کیرج صویي دوکلور ایسه ۳ — ۴ آی ظرفنده ایوچورک بر
مخلوط استحصال اولنور ۲ انبار کیرج ۴۰ — ۵۰ انبار اوته
کافیدر .

دردنجی کتاب آچه لر بیاننده در

مملکت مزده منبت اراضیدن دها پک چوق یوز و چوراق خالی اراضی بولنوب بو اراضینک اکثری سهولته صبان ایشلر کوزل منبت یرلر اولدینی کبی بعض یرلرده دخی طاش چالی و پرناللق کبی اوافق آغاچلر بولنور و اکثر یرلرده دخی کلیتلو اراضی طورغون یاخود موقت طاشغین صولر آلتنده قالور اشبو کتابده بو مثللو طاش و چالی یاخود صو ایله مستور اراضی بی بو او یغو- نسزلقلردن قورتاروب منبت وایشلک ترلارله تحویل ایتمک اصو- لندن بحث ایده جکز .

اکثر ولایاتده حیواناته مخصوص اولان مرعا وبالطه لقلزایله میری اورمانلردن بشقه مزروع اراضی نک هان بش مثلی قابل اصلاح یوز و خالی اراضی واردر بونلر محالرنجه معلوم اولدیغندن موقعلرینی تعریفه حاجت کوره میوب شوقدر دیرزکه هر قنفی مملکتده یوز و خالی اراضی زیاده ایسه او مملکت اودرجه فقیردر آچه لر ایشسر عملیه ایش بولدیردندن بشقه هم خلق و همده مملکتی زنکین ایدر آچه لری کرک حکومت واهالی و کرک صاحب اراضی و مستأجر آچدی رسون هر حالده مملکتک ثروتنه واهالینک سعادت حاله اک بیوک بر واسطه در ایسته بوندن طولانی یوز و خالی یرلرک اقتدار دائره سنده آچیلوب

منبت ترلا حاله کتورلسی پک بیوک برمسئله اولدیغندن
وخصوصیه بو عملیات اراضینک طبیعت ووسعتنه وچفتجینک
قوت ثروت و ذکاوتلرینک درجه سنه کوره یاییله جفندن
بومسئله بی صورت مخصوصه ده ایکی فصله تقسیم ایدرک بشقه
بشقه ذکر رتفصیل ایدرز .

رنجی فصل آجه لر

یوز و خالی اراضی و قیراج یرلرده بولنان برانی و بیانی اوت
وفدانلری و طاشلری سوکوب دفع ایدرک زراعت ایدیله جک
حاله کتورمکه آجه تعیر اولنور .

آجه لرده باشلیجه کوچک و یرن اوچ شیدر برنجیسی
طوپراقده بولنان آغاچ و فدان کوکلری ایکنجیسی طاش چاقل
پارچه لری اوچنجیسی طوپراغک یوزنده بولنان طورغون
صولردر طوپراغک بومثللو طورغون صولردن تطهیر اصولی
فصل ثانیده بیان اولنه جقدر .

براراضی بی آحق ایچون او اراضینک موقع و طبیعتی
واشینک چوق و آزلی کوز اوکنه النوب اکا کوره ایشه
مباشرت ایتلی یاخود وازکچملیدر مثلاً طاغ تپه سنده طوپراقسر
طاشقلری و غایت اوچورم یرلری زراعته یرار حاله قویق
ایچون خرج ایدیله جک امک و مصرف فائده سنه تقابل ایتیه .
جکندن او یله یرلری آحقندن صرف نظر اولنمیدر بریر ولوکه

اسکین زراعت اولان بیوک برچفتلک یقینده اولسه ولایم
اولان اشیا ادوات و عمله دخی بولسه عملیاتی صورت مطلوبه ده
اجرا اولمیز ایسه اکثریا پک بهالو اولورکه کوچک چفتجیلرک
ایشنه کلمز زیراً مصرف ایتمکسزین یری قازمق ایله بیوک ترلار
آچق ایستمک عبدر واقعا قاطر طرناغی ساز وفونده لقلر
یالکز یاقیلوب آچلدقن صوکره کوبره ویرمکسزین برایکی دفعه
چودار قره بوغدا ی یاخود پتاته النه بیلور ایسه ده بونلرک قیمتی
امک و مصرفی اوده یه مز .

برده یکی آچلمش براورمان وقوریدلمش اسکی بتاقلق
یاخود اسکی چایرلق سوریلوب اکیلور ایسه بوکی طوپراقلرک
طبیعیله منتلکندن ناشی برقاج سنه محصول ویره بیلور ایسه ده
طوپراغی یکیدن ۸ — ۱۰ سنه دیکلندی ریمک اقتضا ایدر یوخسه
حاصلات ویرمز اگرچه جزئی وضعیف حاصلات ویرسه ده
فوق العاده برحال اولوب کوبره ویرلدکجه هر حالده اوطو.
براغک بتون بتون قوتدن دوشه جکی درکاردر .

کرک چفتلکه یکی اراضی تدارک ایتمک وکرک نوبت زرع
ایچون ترلا حاضرملق مقصدیله اولسون اورته حالده طوپرا.
قلری آچوب قوه انباتیه سنی محافظه ایتمک مصارفی پشیناً
حاضرملغه متوقفدر کوچک چفتجیلره بویله بیوک ایشلر یارمز
بویله یرلرک مصارفه تحمل ایده میانر بوکی طوپراقلره خشبی
تمخلر خصوصیه یرانتخابنده کوچلک کوسترمیان چام تمخلری
امک ایله اصلاح ایده بیلورلر .

حاصلی بر چفتی حیوانه کوره ترلا آچلیدر آچه جفی
 ترلای کوبره له میه جک اولدینی حالده فائده سی دوامسز اولور
 بوتقدیرده انک ایچون یکیدن ترلا آحق مصرف وزحمتدن
 ایه یوغون ترلارینی کوبرملک دها اولادر برده آچله جق
 یوز یرلرک التنده کی طبقه لری نه جنس طوپراق اولدینی
 بیلیمک ایچون اک اول بورغو ایله یوغیسه ممکن مرتبه قازمه
 ایله آزدن ۲ — ۳ آرشون قدر بردلیک ویاچوقور آچوب
 التی معاینه ایتک اقتضا ایدر زیرا اوله بیلورکه یوزده کی طوپراغی
 قوم مارن یاخود کیل طبقه لری اوزرنده بولنسون یاخود
 یوزی قتی کیل بولنوبده آلت طبقه سی قومدن عبارت اولسون
 بویولده آچهلردن بیوک فائده کوریلور فقط اوست طبقه نك
 آتی صو صورمن کسمه طاش وقتی کیلدن عبارت ایه بونلری
 قیروب آچوب طوپراغک یوزینه کتورمک وبوصورت ایله امکانک
 فائده سنی تأمین ایتک لازمدر آچله جق ترلا اسکی مرعا یاخود
 پرناللق قیراج یرلر ایه اولا آغاچ ویاوتلری چیقاروب آتیده
 تعریف اولنه جفی وجهله یاقق لازمکلور .

آچهلردن چیقاریله جق چایر تزکلری ایلروده کوبره
 یرنده قوللانق ایچون غیر منتظم پارچهلر کی کسلوب آخور
 کوبره سی یاخود کیرج ایله ییغین یاییله رق چورینیجه قدر یرنده
 براقیلور وبوئشاده چیقاریلان چایرلرک یری برقاق کره قازیلوب
 صوکره اشبو ییغینلرده کی مخلوط اوسته یاییله رق طوپراق ایله
 ایوجه قارشدیریلور .

صبان ایله تسویه اولنه حق آچه لر — آچه عملیاتی غیر منبت
 طوپراقری منبت و زراعتیه صالح برحاله کتورمکدن عبارت اولد.
 یغندن قورتمه دوزلتمه کیریزمه یاقه و کورمه و نوبت زرع کبی خد
 متلری دخی بو عملیاته داخل ایسه ده بونلر فصل مخصوصلرنده بشقه
 بشقه ذکر و تفصیل اولندیغندن بوراده کی آچه فصلنده یالکز طوپرا.
 غی کوک یبانی اوت طاش و سائر مانعلری دفع ایله تمیزلکدن
 و طوپراغنی طبیعتیه کوره مصلحات علاوه سندن بحث ایدیه جکدر.
 آچیه حق اراضی اسکی برچایرلق و یا آاز مقاومتی بعض
 نباتات خسیسه دن عبارت ایسه صبان ایله آحق قابلدنر بومقوله
 یرلر برنجی دفعه صبان ایله سوریلهرک نباتات کوکلری یوزه
 چیقارلدقن صوکره تکرار چیملنمک ایچون بریاخود ایکی سنه
 دفعه دفعه سوریلور و بو عملیات کانون اول و ثانی یاخود شباط
 و مارت آیلرنده یاپیلور ایسه چونکه اوموسملرده طوپراق یاش
 و طاولی اوله جغندن قولای ایشلنور .

صبان ایله آچیه حق آچه تزک تزک و ککیش اولک اولک
 آچیلور اگر ترلاده طورغون صولر وار ایسه ابتدا ترلانک
 آلت کنارنده بریوک خندق قازوب بعده اولک واکرکلر اکا
 طوغری آچیه رق صولر اورایه آقیدیلور .

دور اولنان اوتلی تزکلر کافیه قوریدیغی زمان خزیران
 ایچنده ینه بیوک خندقه طوغری برکره ده فقط اوتلی
 تزکلری طوپراق آلتیه الوب ستر ایتک ایچون اولکندن ده
 درین سوریلور اقتضا ایدر ایسه دیشلی سورکیلردن اوزرینه برده

سورکی چکیلور مارتده اوچنجی دفعه برصان وینه سورکو
چکیلوب طوپراق کاملاً اولتردن قورتاریلور وهمده کافیه
ایجه نور .

آچهلر تسویه ایدلدکن صوکره مارت اکیلری اکیلور
ایسه ده اکثریا اکیندن صرف نظر اولنوب طوپراق ایوجه تمیز-
لنک ایچون یازک صوکنه قدر ترک ایدرک صوکره ینه صبان ایله
سورر لر فقط بزه قالور ایسه بوش ترک اولنه جنی یرده دائماً چاپه لمق
اقتضا ایدن پتانه شالغم یاخود بونلره ممائل شیلر دیکمک
مناسبدر زیرا طوپراق تمیزلندکن بشقه خیلی حاصلات دخی
النور .

یکیدن آچیه جق بومثللو طوپراقلرده مستعمل صبانلرک
جنس وقوتلری حفر تراب کتابنده تفصیلاً بیان اولنه جقدر .
طوپراغی کیرج ایله قارشیدیرلدیغی زمان صیوه خرجی اوله .
بیله جک قومی طوپراقلرک قیصر و غیر منبت طوپراقلردر
بوکبی یرلری منبت ایتک ایچون صبان ایله اولا اوک طرفدن
سوریلوب اون بش کون صوکره یاک طرفدن بردها
سوریلور و برقاچ کون صوکره صبانک چیقاردیغی فونده وچایر
کوکلری آتیم آتیم ییغینلر یاپیله رق ایوجه قوریدقدن صوکره
یا قیلوب کوللری آچیلان ترلا اوزرینه یاییلور بعده طوپراغه
آخور کو بره سی ویریلوب قیشین حالیه ترک اولنور .

شباط یاخود مارتده بو کو بره ایلک صبانک ایزی اوزرنده
ینه صبان ایله طوپراغه کوملوب یازین قره بوغدا ی وصول بهار

چودار اكيلور ويريله جك كوبره ده برمقدار كميك توزى ياخود قوش ترسى بولنور ايسه ده ااعلا اولور .

بو كى طوپراقلره باشليجه لازم اولان شى زياده كوبره ويرمكدر هر سنه اينك ياخود طوكز كوبره سى بولنمز ايسه اراصره يشيل كوبره لرى سوكمش كيچ ايله قارشديروب ويرمك لازمكلور ويرنمز ايسه ۲-۳ سنه صوكره طوپراق قوتدن قالب اسكى حالنه كتولسى مشكل اولورمارن ياخود كيل پك درين دكل ايسه بولنر اخراج ايله برسنه ياخود اون سكر آى قدر آچيقده براقيلوب قومى قيتلشديرمق ايجون بل وياچاپه ايله اراصره قارشديريله رق آزار آزار استعمال اولنور بويله يرلره چام وكستانه آغاجلرى پك ااعلا يراشور .

اولكيلردن آز قوملى وفونده ساز اكرلتى اوتى قامش ونجيه نباتى ايله مستور طوپراقلر رطوبتلى وچاقىلى ايسه صولرى چكلمك ايجون خندقلر آچيلوب ايرى بيوك طاشلرى قالدريله رق قورى اوتلرى يشيلنمزدن اول صيجاق بركونده آتش ايله ياقيلور فقط ياقيله حق يرك حدودىنى ايلرو كچمامك ايجون دقت كر كدر .

ديدكمز ككى ياقدقدن صوكره اوكون صبانى ايله طوپراغى كريزمه ايديلوب آچيلان ترلانك بهر جرينه ۸۰ - ۱۰۰ انبار سوكمش كيچ ويريلوركه بووجهله هم طوپراغك اكشيلكى كيدريلور وهمده صوانلى قوم ايله كسمه ده

بولنمیان کیرج علاوه اولنمش اولور بعده طوپراق کیرج ایله ایوجہ قارشمق ایچون هرجهتی سورکی ایله سوریلوب یولاف انکلیز چیمی یاخود بیاض یونجه اکیلدکدن صوکره طوپراغک یوزی مردانه ایله باصدیریلور یولاف الندقدن صوکره یرنده قلان چایر اوچ سنه قدر حیوانلره اوتارتیلور وبوئاناده فدانلرک بدن وکوکلری چوریه جکندن اندن صوکره آچه منتظم نوبت زرعہ قونیلور .


بعض یرلرده اسکی فوندهیی چایر ایله برابر ییچهرک حیوانلره یتاق یاپارلر وفونده یکی وتازه ایسه صبان ایله طو. پراغه کومرلر بو عملیات اکثریا صوک بهار وقیشده یاییلورکه اوزمان عمله اجرقتی اهوئندر. یالکر فونده لغاک آلتنده توف بولنور یاخود ترلانک یوزینک تسویه سی مطلوب اولور ایسه طوپراق بل ایله قازیله رق توف یوزه کتوریلور عکسی حالنده عادی برصاندن صوکره آلتنده کی طوپراغی یوزه کتورمکسزین اینجلدر یرالتی صبان ایله سوریلور بو اصول هم سهولته و همده آزمصرف ایله وجوده کلور .

بو آچهلره ایلک سنه کوبره لی چودار یاخود پتانه اکرلر بعض محللرده دخی براز قوش ترسی ایله اسپرکول زرع ایدوب یرنده حیوانلری اوتاردقدن صوکره چاودار براقورلر پتانه یولاف وکتان یکی آچهلرده پک کوزل یشور .

نوبت زرعی چودار ایله باشلایان آچهلره صوکره کوبره ایله یولاف یاخود یونجه اکرلر و پتانه ایله نوبت زرعی باشلایانلره

پتاهدن صوکره کوبره ویررک چودار زرع ایدرلر .
 بعض محللرده دخی یوزوخلی صوانلی کیلی طوپراقلرده
 بولنان سپورکه فوندهسی ساز وپرنالقلر قیشه یقین طربان ایله
 یچیلوب اوچ سنهدن دهاسکی ایسه اودون یرنده قوللانیلور
 اگر یکی وتازه ایسه حیوانلره یتاق یاپیلور بریاغموردن صوکره
 بیوک قریغنون صباننه الی اوکوز قوشیلهرق ۳۰ پارمق قدر
 درین آجیلور وبوعملیاته بتون قیشین دوام اولنور اثنای عملیا.
 تده بربناشمه قازمه ایله صبانک تصادف ایتدیکی اوزون
 قتی وقوی کوک وسائر انکللری چیقارر .

یازین یعنی تموز واغستوسده ینه بریاغمور عقبنده آچه نك
 بوینه تیمور سورکی چکیلوب بعده اکنه (شکل ۴۱) صبان ایله اون



(شکل ۴۱)


بش پارمق درین سوریلور ۸ — ۱۰ کون کچدکده ینه اکنه
 برسورکی چکلدکن صوکره مردانه ایله تزکلری ازیلور وینه
 سورکی چکیلوب طوپراغی اینجلیلور .

بعده بوصبان ایله اولکی حذانک عکسنه یری سوریلوب
 برسورکی دهاکزدیریلور . اندن صوکره برنجی دفعه قولزا

آکیلهرک محصولی اخذ ایله قره بوغدای و بیاض خردال آکیلوب
چیچکه کلدیکی آنده صبان ایله طوبراغه کوملور ایکنجی دفعه تک
صبان ایله کوبره لی بوغدای اندن صوکره ینه اولکی کبی یشیل
محصول اکوب کومرلر اوچنجی دفعه صوکره بهارده کوبره لی بور-
چاق ایله قیش یولافی اکوب اوت یرنده ییچرلر آرقه سی صره
اولکی کبی کوبره ملک ایچون یشیلک زرع ایدرک دردنجی سنه
کوزل صناعی چایر یاپار .

آجیلان ترلانیك خدای مرعا اولسی مطلوب ایسه کوبره لند-
کدن صوکره اولا یولاف یاخود یونجه آکیلوب ایکی سنه
حیوانلره یدیریلور بعده قولزا اندن صوکره ینه کوبره لئوب
یولاف آکیلهرق نهایت کندی حالنه براقیلور .

ال آچه لر ی — چوق بیوک اولیان اراضیده کرک خندق
آچق و کرک قالینجه طاش و آغاچلری چیقارمق ایچون استعمال
اولنان التلر (شکل ۴۲—۴۳) شکلرده کوستریلان قازمه لر در



(شکل ۴۳)

(شکل ۴۲)

اگر طوپراقده قوری و قوتلی کوکله یوغیسه (شکل ۴۴)
شکلده اولان چاپه دخی بو خدمتی کوره بیلور . بعض یرلرده
قازمه و چاپه یرینه (شکل ۴۵) شکلده اولان ایکی دیشلی بریل
استعمال اولنور بونک دیشلری ۱۰ پارمق اوزون و بر پارمق
قالین و ۲ بجق پارمق قدر ککیش اولوب ۳۵ یاخود ۴۰ پارمق
قدرده بر صابی واردر بواله ایله برایشجی همان ایاقده طور دینی




حالده ایشلیه بیلور و ۵ —
۱۰ پارمق طوپراغک
ایچنه صاپلانندیغیچون
طوپراق دهها چاپوق
آچیلور آزدین آچه لرده
بویل قازمه و چاپه لره
مرجدر .


اسکی چایرلری سو- (شکل ۴۴)

کوب یا فکده بر آدم پک زیاده یوروله (شکل ۴۵)
جغندن بو ایشده اکثریا ایکی یناشمه قوللانورلر و سوکیله جک
چایری مناسب مسافده اولکلره تقسیم ایدرک اولاجیم
کسکیسی ایله (شکل ۴۶) کسوب بعده ترک بلی (شکل ۴۷)
ایله قالدیرلرلر اشبو ترک بلیک صابی نهایتده چویلی خلقه یه
باغلی ایی ایشجینک بری چکوب دیکری صاپندن طوتوب
ایته رک صبان کی اداره ایدر .

اوافق آغاچلری کوکلرندن اخراج ایچون (شکل ۴۸)



(شکل ۴۷)



(شکل ۴۶)

اوزون بر قول استعمال اولنور مذکور قولک بر اوجنده اوج



(شکل ۴۸)

دیشلی و غایت محکم و هر دیشی ۲۰ پارمق قدر اوزون بر چتال اولوب دیگر اوجنه بر اورغان باغلانور کوچک آغاچک الک زیاده قوتلی اولان یان کوکلری کسیدکدن صوکره مذکور چتال کوکک الته صوقیلوب ولدی الحاجه الته برده طاقوز قونیلوب دیگر اوجی اورغان ایله اشاغی چکدکجه چتال آغاچک کوکنی یوقاری قالدیررق طوپراقدن اخراج ایدرمذکور چتال

شکله عادی برشی ایسهده کوره جکی ایش بیوکدر .
 اگر آغاجلر بیوک ایسه اطرافنده درین بر خندق آچیلوب
 تصادف ایدن کوکلی کسیدکدن صکره آغاجک ممکن مرتبه
 تپه سنه یقین باغلانیله جق اورغان ایله چکیلوب دویریلور یاخود
 آغاجی دیندن قطع ایدوب صوکره قازمه ایله کوکلی چقا.
 ریلور لکن اولکی تعریف ده اهنور .


طوپراق ایچنده بولنان طاش قیرقلری دخی تسویه مانع
 اوله جغندن بو طاشلری صبانه ایلشمیه جک صورتده درین
 کومک ممکن دکل ایسه قازمه یاخود باروت ایله قیروب بنا
 ویوللرده استعمال ایدرلر فقط باروت ایله قیرمق هر کس
 ایچون تهلهکلی اولوب بعضاً اربانی دخی بولمق مشکل ومصرفلی
 اوله جغندن اکثریا طاشلرک اوزرنده قوتلی بر آتش یاقوب
 ایوجه قیزدقن صوکره درحال اوزرینه صوغوق صو دوکوب
 بیوک و آغیر چکیچ ایله قولایجه پاره لنور .

ایکنجی فصل طوپراق احراقی

طوپراغک اصول احراقی — آچه لرک کرک یوزندن وکرک
 التندن چیقاریلان نباتات وکوکلی یالکر ویا طوپراق ایله برابر
 ترلنک یوزنده یاقلدینی کبی ساده طوپراق دخی بر قاق اصول
 اوزره احراق اولنور بوندن مقصد ایسه طوپراغک ایچنده
 بولنان فنا کوک و تخملی ومضرتلی بوجک قورد ویومورطه
 لرینی دفع وهلاک ایدرک طوپراغک اجزاسنی تعدیل واصلاح

ایله قوه انباتیه سنی ارتیمقدر شویله که طوپراقده بولنان فداتلر خشبی یغنی اودونلی اولوبده اقتضاسی یوقسه ترلاده برمدت ترك اولنه رق قوریدقدن صوکره ایتیم ایتیم کوچک کومه شکلنه قونیه رق آتیده بیان اولنه حق اصول اوزره یاقیلور یاقیله حق اوتلر خدایی ویا اگمه اسکی چایرایسه اول امرده چایرك چیقارلمسی لازمکلور .

بیوک وککیش چفتلکلرده اسکی وخراب چایرقلری وصولری اقاییلان توربلی طوپراقلری مخصوص صبان ایله سوروب سوکوب درت کوشه لی ترك ترك دویردلر بوصبان عادی برصباندر یالکز اوزون کسکی یرینه میلی اوزرنده دوزر قرص وذیل شکلنده معدندن معمول کسکین کسکیلری واردر فقط بونی استعمالدن اول اول طوپراغک یوزینی صبانک دور ایده جکی ترك اکنده طراق کسکی ایله کسرلر اشبو طراق کسکی (شکل ۴۹) برقچ پارچه آغاجدن چاتلمش



(شکل ۴۹)

وقوللری مربوط اولان آرقه آغاجه هربری برشکلده وآرالری برچرپیده فقط اگریجه سکز کسکی طاقلمشدر بوکسیلرك برآز

اگرچه اولسی طوپراغه دها قولای کچمک و بردوزی به
۲۰—۳۰ پارمق اکده تڑک کسمک ایچوندر حین حاجتده
صبان تکرلکی طاقنه طاقلوب قوللانیلور .

طراق کسکی ایله برنجی ایشی کورلدکدن صوکره ذکر
ایتدیکمز صبان ایله سوریلوب تڑکر هرکناری ۳۰ پارمق
اولق اوزره درت کوشه‌لی اوله‌رق اگرچه دویریلور تڑکر
عموماً ۱۶ پارمق قالین کسلور ایسه‌ده مضر فدان کوکلرینی
دها زیاده دریندن کسمک و چوچه کول آلتق ایچون دها قالین
حیقاریله بیلور کوك و طوپراق طبقه‌سی اوقدر درین دکل ایسه ۸
پارمق قالین حیقارمقده کفایت ایدر .


بعض یرلرده فونده و جایرلری قوری و صیجاق و علی-
العاده حزیران و تموز ایچنده (شکل ۵۰) شکلده کوستریلان



چاپه ایله از چوق قالین و طوغله کبی درت
کوشه‌لی اوزون دوزکون حیقاروب طوپراق
طرفی کونشه قارشو اولق اوزره (۵۱)
(۵۲) شو هیئتله وضع ایله قوریدیور
تڑکر بو وجهله هوا و کونشده ایوجه قو-
ریدقدن صوکره قوری اوتلی یوزلری ایچ
طرفده اوله‌رق کمر اورر کبی قات قات
استیف ایدیلوب آری قوایی ویا کنبد (شکل ۵۰)

شکلنده (۵۳) بر فرون یاپیلور هوا آلتق ایچون الت طرفده
بر دلیک براقیلوب اورادن فرونه اتش ویریلور کندو اوت

وکوکلی طوپراغیله برابر تزکلیری یاقغه کافی دکل ایسه ایچنه



چالی چرپی طولدیروب
یاقلور وچوق دومان
چیقان دلیسکر دخی
قبادیلور .

(شکل ۵۱)

بو وجهله کوك اوت


وسائر مواد نباتیه وحیوانیه یانوب کوللری فرونك ایچنه



(شکل ۵۲)

دوکیلور طوپراغی دخی
کیرچ کبی یانوب قالور شو
قدر که طوپراغی کندو
کندویه کول اولوب
دوکلنجه قدر یاقاملیدر

درت بش کون قدر اغیر اغیر یانار ایسه الویرر بو وجهله
یانان تزکلی غایت کورک اوله.



(شکل ۵۳)

جقلرندن بر چاپه ایله توزادوب
کوك واوت کوللریله برابر
قاریشق اولدینی حالده ایوجه
صوغودقدن صوکره روزکارسز


رطوبتلی بر هواده طوپراغه یایلمسیله برابر همان صبان ایله
خفیفجه کوملوب ۱۵ کون صوکره تخم اکیلور .

یالکز اوت وکوکلیری یاقیله جق اولور ایسه یوقاریده دیدیکمز
وجهله کومه کومه ییغیله رق آتش ویریلوب یاندقدن صوکره

کولری ترلایه یایلور بو صورتله کولر طور اغه بعض او یاند. یریحی کوره لر ووروب قوتی ارترر بو عملیاتده باشلیجه دقت اولنه حق شی کولری صورت متساویه ده یایق و فرون یاپیلان محللری ایوجه تمیزلکدر دقت اولنر ایسه ترلانیك بعض یرلرنده زیاده کول قاله جفندن اکیلر بر سیاق اوزره فیضله مزلر .

باشلیجه قوتلی قتی طور اقلرده یتشان اوتلرک تزکلیری یاقیلوب خفیف وقوملی طور اقلرک یشیلکنی قطعاً یاقق ایجاب ایتمز زیرا لزومندن زیاده طور اقلک اجزاسی بری برندن ایریلوب خفیفله جکی کبی حیوان و نباتات بقایاسی دخی یانوب محو اولور بویله خفیف طور اقلرک یشیلکنی یاقق چفتلک کوره لرینی یاقوب ترلایه یایمغه بکرر که ضررندن بشقه فائده سی یوقدر .

یوقاریده تعریف ایلدیکمز اصول نباتات ایله برابر آز چوق چیقارلمش اولان طور اقلری یاققدن عبارتدر بوندن بشقه قوتسز لکندن طولایی چیلاق قلان یعنی بتون بتون اوتسز اولان کیل طور اقلر دخی یاقیلور ایسه منبت اوله بیلور .



بو طور اقلر دخی
یوقاریده تعریف ایلدیکمز
وجهله بیوجک تزک شکلنده
چیقاریلوب او یولده
مخصوص فرون (۵۴)
یاسیله رق آلتندن آتش

ویریلوب یا قیلور یورغونلغندن طولایی قوتدن قالمش طوپراقلره سورلدکدن صوکره یا قیلان کیل کوللری قارشدیریلور ایسه اعلا شالغم ویره ییلور هر بش سنه ده بر دوننه ۵ آرابه قدر کول ویریلور که کیرج و کوبره دن زیاده تأثیر ایدر بو صورت ایله بالجله قوتلی طوپراقلر و کیلی کیرجلی مارنلر یا قیله ییلور .

احراقک تأثیری — احراقک نباتاتک او یانسنه ایکی دورلو تأثیری واردر که بری کیمیوی دیکری حکمیدر کیمیوی تأثیراتی طوپراقده بولنان کوکلر ایله سائر نباتی قطعه لری یا نغله حاصل ایلدیکی بر طاقم دورتیجی طوزلر مواد ترابیه یی حامض اومیق ایله اریدرک نباتاتی بسلمکه قولایلق ویرر وقوه انباتیه یه یاردم ایدر بر طاقم غازلر پیدا ایلدیکی قوقولرندن اکلا شیلور .

حکمی تأثیری ایسه اوت وفدانندن محروم و یا خود پک از نباتات ایله قاریشق بولنان طوپراقلرک سرتلکنی واک سرت قتی طوپراقلری تشکیل ایلان صافی کیللری کوشه دوب یوغونلغنی کیدرر و تکرار ایصالنق ایله اسکی حالنه عودتنی منع ایلر بو وجهله قتی طوپراقلر مساماتلری اچیلوب هواده بولنان غازلری جذب ایله کوکلری صیقمیوب سهولتله صچاق و پورچک صالمسنه مساعد اولور .

علی العموم طوپراقلر کول اولنجه قدر یا قیلور ایسه مولد الماء ایله امتزاج ایده من فقط توزاله حق قدر یا قیلدیغنده کرک مولد الماء و کرک سائر غازلری سهولتله چکر .

یا قغه مناست طوپراقلر — یا قیلان طوپراغک مواد آلیه سی

یعنی نباتی اجزاسی محو وتلف اولور طوپراق صیق صیق یاقیلور وکوبره سز قالور ایسه فائده یرینه مضرتی کوریلور آنک ایچوندر که بعض یرلرده طوپراق یاقنی فسادت صایارلر بو حال ایسه ایو ایشی کوتو یامقندن ایلروکلور .

توربلی طوپراقلرده حیوانات و نباتات بقایاسی پک چوق اولدیغندن او یله طوپراقلی یاقه نك پک چوق فائده سی اولور زیرا بونلرک کوللری قالین و طوپراقلی بر طوزدن عبارت اولد. یغندن نباتات و حیوانات بقایاسنی کیرج کبی سهولته اریدر و نباتاتک حیمنمنسنه مانع اولان اکشیلکنی کیدرر بویله طوپراقلرک قوه انباتیه لرینی تسریع ایچون اک مائر واسطه یاققدر .

قوریدی لان بتاقلقلرده کی قتی طوپراقلرده و متعدداتلی یعنی یومری کوکلی فدانلر ایله مستور اولان یاشلق یرلرده یاقه نك فائده سی انکار اولنه مز اسکی چایرلقلرکه اوراده هنوز چوریوب طوپراق اولماش نباتات پک چوقدر او یله طوپراقلی یاقق زیاده فائده لیدر بو فائده یاغلی کیلی و مارنلی کیلی و علی العموم زیاده سرت و قتی اولان طوپراقلی یاققده دخی کوریلور .

یالکز خفیف قوملی و طبعی صیجاق و مواد نباتیه لری آز اولان طوپراقلی یاقاملیدر بویله طوپراقلی یاقق یمکی آز بر سفره یه برچوق آج دعوت ایتمکه بکرر آنک ایچون بو کبی طوپراقلی یاقیوب دائماً زیاده کوبره و یررک قوه انباتیه سنی محافظه ایتلیدر .

بونکه برابر طوپراغی یاقق کوبره استعمالی منع ایتمز بالعکس

ياقيلان طوپراقلره كوبره ويريلور ايسه قوتى دائم وزياده اولور. بعض يرلرده والچاق بوى اغاجلى قيرلرده وديك صرتلرده ياقه عملياتندن صوكره بر ايكى دفعه چودار يولاف وقره بوغداى اكيلوب مؤخرأ بش التى سنه ديكلنديريلور وشو مدت ايجنده فونده قاطر طرناغى وسازايله طولدقدن صوكره تكرار ياقيلوب بر ايكى محصول النور ايسه ده صرف اولسان امك ومصرفه دكيان بويله ايشلرى هنوز قدرتسز اولان چفتجيلرمزه امثال ديو توصيه ايدميز واقعا اشبو فصلك اولنده دخى ديديكمز وجهله بر مملكتده نه قدر چوق خالى اراضى بولنور ايسه اومملكتك اهاليسى اونسبتده فقير صايلور فقط بوكى زحمت ومصرفى كثير شيلر قوت وقدرته مالك اولنلره عائد اولوب كوچك چفتجيلرك كارى دكلدر.

ياقيلان طوپراقلره زرعى مناسب نباتات بستانى ويبائى شالغم طورپ قولزا وامشالى يومرى كوكلى نباتاتدر چونكه بونلرده اولان سوركلى يانق قوقو اتلى كوكلره مسلط اولان مضر حيوانلرى دفع ايدر بقله بذليه وامشالى فدانلرك اكثرى دخى بو طوپراقلرده يتشور پتاته وبوغدايه دخى ايوكلور نوبت زرع بچنده بوبابده تفصيلات ويريله جكلدر.

ايكنجى فصل كول وبالچقلى جيويق طوپراقلرك

صولردن تطهيرى

كرچه الويره جك قدر صو قره ده يتشان نباتاتك مدار

حيات و دوامی ايسه ده چوغی نباتاتی چوریدوب افنا ایده جکی هرکسک معلومیدر .

ممالکمزك بعض محللرنده بولسان بر طاق اراضی بو مثللو طورغون ولزومسز صولر ايله مستور اولوب حالبوکه بوصولرده نشو و نما ایدن ساز قامش وسائر صولاق اوتلرک چوریملرندن حاصل اولان مواد غدائیة التنده کی طوپراقده قالمش اوله جغندن صولری اقیدیلوب یری اصلاح وتسویه اولنور ايسه آز مصرفله پک جوق منبت اراضی قزانيله جغندن بشقه یرینک هواسی ایولشوب صولرک قوقولرندن پیدا اولان خسته لقلر دخی زائل اولمش اولور .

بیوک کوللرک تقطیر وتسویه سی معلومات فیهیه ومصارف کثیریه محتاج اولدینی جهته حکومت وشرکتله عائد اولدیغندن انلر ایچون تفصیلاته کیرشمیوب یالکر صاحبلری عهده لرنده بولنان بتاق وصولاق اراضینک اصلاح وتسویه سندن وموقع ومحلنه کوره اقتضا ایدن واسطه وعملیاتندن بحث ایده جکر .

قویی ویرالتی خندقلری — طورغون صولی طوپراقلر براز مائل وشیولی ايسه صولرینی اقمق قولایدر فقط چوق درین ودوز اولوبده صولرینی اقمق ممکن اولمیان اراضیده بورغولر ايله قوییلر آچیلوب صولری قوییلره بریکدیریلور .

اگر طوپراغک التنده قتی معدن طبقه لری اولوبده بورغو ایشلمز وصولره برحجرا آچيله من ايسه متعدد ودین خندقلر آچوب دیبلری طاش مولوز چالی چرپی یاخود کیره مید

وطوغله و بونلره بکزر شیلر ایله طولدیریلوب اوزرینه زراعت اولنه جق قدر طوپراق ییغیلورکه اراضینک هیچ بر پارچه سی ضایع اولمز اگر کافی طوپراق طولدیرمق قابل دکل ایسه یالکزر خندقلرک قبادلسیله اکتفا اولنسه دخی الویرر زیرا انسانک حیاته مضر ومهملک اولان فنا قوقولرک دفع ایدلمش اولسی اک بیوک فائده در .

اگر صولر کول کبی اولوبده یری غایت آلچاق وچوقور بولنور و خندق ایله صولرینک اقدلسی ممکنسر اولور ایسه اولوقت بر طاقم صو و آتش ماکنه لرینه احتیاج کوریلورکه ایشینک ومصارفک چوقلغندن اوتوری چفتجینک ایشنه کلز .

آچیق اکرک وکونک استعمالی — بالچقلی و آز طورغون صولی طوپراقلرک زراعته قابل حاله کتورلمسند ایکی اصول استعمال ایدرلربری آچیق خندق (اکرک) دیکری کونکلردراچیق اکرکلر آرابه صبان وسائر ادواتک حرکاته مانع اوله جنی کبی برخیلی کویری انشاسی دخی لازمکله جکسندن کونکلر ایله صولرینک آقدلسی ده قولاوی وفائده لیدر .

شویله که صولی طوپراقلرک آلت باشته چیت کبی دیکلی کوچک یا بیوک اغاچلر وار ایسه کوکلرینه یقین اولماق ایچون ۸ - ۱۰ آرشون اوزاقچه آغزی ۴۰ ویدی ۱۶ پارمق بیوک بر خندق آجیلوب ایچنه ۵ - ۸ پارمق قدر آغزلری ککیش کونکلر وضع اولنه رق لوکون ویا چنتو ایله بری برینه ربط

اولنور بعده یرینک آکنه کوره بیوک خندقه طوغری بری
دیکرندن ۹ آرشون اوزاق صبان وقازمه ایلشمیه جک قدر
درین و دیبلری ۸ پارمق ککیش صره ایله کوچک اکرکلر
آچیلوب ایچلرینه اولکیلردن دها اوفاق کونکلر وضع ایله
اوجلری بیوک خندقده کی کونکلره ربط اولندقدن و بونلر
دخی اولکی کبی لوکون ویا چنتو ایله بری برینه یاشدیرلدقدن
صوکره اوزرلری طوپراق ایله قبادیلور شو حالده طوپراغک
صولری کوچک کونکلرک مساماتندن سوزوب آشاغیده ککیش
خندقده کی بیوک کونکلره واصل اوله رق اورادن دخی آچیلان
دیگر خندقه دوکیله رک اقرار کیدر .

فقط بو خندقلر ممکن مرتبه اغاج کوکلرندن اوزاق اولق
کرکدر چونکه طوپراق قوملی ایسه غایت اینجه لری صو ایله
برابر کونکلرک مساماتندن کچوب و کیت کیده زیاده لشوب
نهایت کونکلری طولدیرمق احتمالی اولدیغندن یا کونکلرک
طیش طرفلری قطران ایله صیوانور یا خود کوچک کونکلر
دیگر ایری کونکلرک ایچنه قونور ایسه بو قوملر برنجی کونکلرده
قالوب کوچک کونکلره کچه من بو طریق ایله کوچک کونکلر قوم
طولق احتمالنندن قورتاریلور .

بشېجي ڪتاب حفر تراب بياندهدر

محصولك چوقلق و آزلنى يالكز طوپراغك حفرينك صورت ودرجهسى نسبتنه كورهدر اك ايو اصلاح اولمش و كوبره لشمش طوپراق لايقيه قازلنز ايسه مطلوب اولان حاصلاتى ويره مز ايشته بوكا مبنيدر كه ارباب زراعتك بعضيسى طوپراغى قازمق و صبان سورمك عملياتى حاصلاته اصل و سبب فرض ايدر .

كتابتك ابتدارنده بيان اولنديغى وجهله طوپراق سرت وقتى اولوبده ايوجه قازيلوب اينجلدنز ايسه ايجه هوا كچمه . جكندن فدانلر ايوجه ولايقيه فيضنه مز (مواد آليه) يعنى ياتق قره طوپراق ايله اك زياده سميز اولان مثلاً تورب وصولرى آقيدىلان كول و قوريدىلان بتاقلق و پك درين اولان هر دورلو طوپراقلر يوزه كتوريلوبده بر خيلى مدت هوايه عرض اولنمز ايسه منبت اوله مز چونكه نباتاتى بسليه جك مواد طوپراغك يوزنده بولنان طبقه منبته سنده اولديغندن شو طوپراغى مزروعاته الويره جك قدر درين قازهرق التدهكى طوپراغه ايوجه قارشديروب التى اوستنى منبت ايتك كر كدر . ايمدى طوپراغى قازمقندن مقصد يالكز فنا و مضر اولترى دفع ايله فدانارى بسلمك ايچون طوپراغك مواد غذائيه سنى

كوك وصچاقلره ایصال ایتمكدن و طوپراغك یوزنده بولنان
كوبره لرك عموماً طبقه منبتهیه تقسیمیه برابر هواده بولنان
حرارت و برودتك متساویاً طوپراغه تأثیر ایتدیرلمسندن عبارت
اولیوب بلکه طوپراغك اجزاسنی ایوجه تفریق ایله بری برینه
قارشیدروب هر طرفنی هوانك تأثیرینه مظهر و نباتاتك نشو
و نماسنك باشلیجه سببی اولان غازلرك حفظنه مقتدر
ایتمكدن .

كرچه بعض مشهور چفتجیلرك افاده سنه نظراً طوپراغی
چوق قازمق كوبره یرینی طوتمز ایسه ده اك زیاده حفر اولنان
ودقله قازیلان طوپراقلرك قوه انباتیه سی امثالندن زیاده
اولدینی تجارب کثیره ایله اثبات اولمشدر بو حقیقت ایسه
طبیعتك تأثیراته اك آز واقف اولان اهل زراعته بیله معلوم
اولدیفندن طوپراغك لایقیله حفری حقنده اولان محسناتی
کیسه انكار ایتمز .

طوپراغی قازمق یالکز یرندن اویناتمق دیمك اولیوب
بلکه التنده کی طوپراغك یوزه كتورلسی الزمدر انك ایچون
قولاقلی صبان و بولقلرك خدمتی قولاقسز صبانلرك خدمتدن
دها ایو اولدینی کبی قازمه و بلك ایشی دخی عموماً هر درلو
قازیشدن اعلا در .

یکدن آچیه جق طوپراغك حفرینه مانع اولان شیر دفع
و تفریق قلندینی و یاخود حاصلاتی الندقدن صوكره دیگر بر
تخم امك ایچون طوپراغی حاضرلامق مراد اولدینی حالده

چفتچينك باشليجه ايشى طوپراغى لايقيه واکه جکی تخم نسبتده قازمقدر .

حفریاتك عمقى يعنى درينلكى فدائلرك انواع و طبيعته نظراً مختلفدر بعض كره يالكز طوپراغك سطحى قازيلوركه بوكا صيرت و ايجابنه كوره براز درين قازيلانلره قاره قازمه ديرلر و بعضا طوپراغك آلتنده بولنان طبقه معدنيه قازيلوب يوزه چيقاريلوركه بوكا دخى كريزه تعبير ايدرلر ايشته شو اوج دورلو حفریاتدن بروجه اتى بحث اولنه جقدر .

كريزه لر على العموم غايت منفعتلى اولوب فقط طوپراغك جنس و طبيعته كوره بعضاً مضرتى دخى اوله بيلوركه ايكيسنك دخى بوراده ذكرى فائده دن خالى دكلدر .

جمله نك معلومى اولدينى وجهله طوپراغك طبقه منبته سى نه قدر درين اولور ايسه نباتاته اجرا ايلديكى تاثيرات نافعنه دخى اولقدر زياده اوله جفندن طوپراغك درين قازلمسى هر حالده الزم كورينور و طوپراغك الت طبقه سى يوزنده كى طوپراق ايله قاريشه رق اصلاحنه باعث اولدينى يعنى طوپراغك سطحى صيچاق قوملى اولدينى حالده درين قازيلوبده التسه كى قى طوپراق يوزه كتوريله رك قارشديريلور ايسه طوپراغك طبيعتى دكشه رك غايت منبت جوهرلى برطوپراق اولدينى مثللو جوراق وبالچقلى طوپراقلرك دخى تقطيرينه يعنى رطوبت وصولرينك چكلمسنة سبب اولور صيچاق وقورى موسملرده صويك چوقجه تخرينى دخى منع ايدر زيرا منبت طوپراقلرك طبقه سى

نه قدر درین اولور ایسه یاغورلردن اوقدر زیاده صو اخذ
و حفظ ایدوب قوراقلرده چابوق قوریمز حاصلی محسنات
مذکوره دن بشقه کریز مه لر فنا و مضر و باخصوص اتلافی کوچ
اولان اوزون کوکلی یبانی و مضر اوتلری دخی محو ایدر .

فقط کریز مه لرک یوقاریده ذکر اولنان مضرتی خیلی مصرفی
اولسی وایلك سنه لرده زیاده کوبره ایستمسیدر بونکله برابر
اکثرا ایلك سنه لرده طوپراغک قوتی آرتره جنی یرده بلکه
آزالتور سبی دخی طوپراغک آلتده بولنان کیلی یاخود پک
قتی و سرت معدنی طبقه لرک چوقه یوزه کتورلمسیدر .


کرچه ایکی اوچ سنه صوکره تأثیر هوا ایله پک کوزل
و منبت طوپراق اولور لکن بوکا قاتلانیا نلر برنجی سنه طوپراغی
از قازوب ایکنجی سنه زیاده و اوچنجیده ده ادرین قازهرق
تدریجاً کریز مه ایدرکه شو حالدده طوپراغک قوه انباتیه سی بردن
بره حس اولنه جق درجه ده اکسیلیوب یواش یواش اصلاح
اولنور فقط احوال مذکوره هر سنه آکیله جک طوپراق ایچون
اولوب یوخسه باغ چیونگی و اناج کبی دائی دیکیلی طوره جق
شیلر ایچون هر حالده کریز مه یایمق ضروریدر .

برنجی فصل حفریاتک انواعی

طوپراق حفری ایکی واسطه ایله اجرا اولنور بری ال
دیگری صیان ایله در بوراده ابتدا ال ادواتیله اولان

حفریاتی و آشاییده صابنلرک شکل و صورت استعماللرینی ذکر ایدیه جکیز.

ال ادواتیله طوپراق حفری — طوپراق حفریاتنده ال ایله استعمال اولنان ادوات کورک و چتال بل ایله انواع قازمه لر در. کورک بل. کورک بل هر نه قدر باغچوانلقده مستعمل ايسهده کوچک ترلا و صرپ یرلرده رنجبرک باشلیجه ادواتندن صاییلور طوپراغی صابندن اعلا قازار.



کورک بل

تیمور دن معمول
و کوشه لیدر اغزیله
طوپراغی کسر
کندوسی مختلف
بویده آغاج بر صاپه
کچورلمشدر تیموری
هر کسک مطلوبنه
کوره یاییلوب فقط
بویلری رنجبرک
قولتوغنی تجاوز
ایتمز (شکل ۵۵ -
۵۶) چونکه قیصه
بلک استعمالنده


کوجلک اولدینی کبی اوزون بل دخی ایشلمکه مانع اولوب

ایشی تکمیل قوتی استعمال ایدمهز کورک بلر علی السویه بعضاً دوز مستطیل یعنی اکنه نسبتاً بویه اوزون درت کوشه لی و بعض یرلرده اوچ کوشه لی صابه طوغری مائل و بعضاً اور. ته سی چوقورجه یاییلور و صاپنک آلت اوجنه ایاق ایله باصوب بلی صابلامق ایچون آغاج قامه صوقیلور.

کورک بلی عمله ایکی ایله استعمال ایدوب آز چوق طوپراغه کچمسیچون آیاغنی دخی قامه یه یاخود تیموری ککیش ایسه تیمورینه باصار بعض دفعه بردن طوپراغه کیرمیوب برقاج دفعه آیاق ایله باصوب ایتدکدن صوکره طوپراغه صاپلانور. بل مطلوب وجهله طوپراغه کیردکده ایشی صاپک باشنی کندویه طوغری چکوب تزکی یردن چیقارمغه مباشرت ایدر بعده بر ایله صاپک اک آلت قطعه سنی یعنی تیموره یقین اولان یرینی طوتوب حیقارلمش اولان تزکی اوکنده کی اولکه آتار اگر وقت قیش ایسه تزکی حالی اوزره ترک ایدوب بالعکس ازمدمت صوکره اکیله جک ویا فدان دیکله جک ایسه اوحالده تزکی بلک اغزیله قلیجنه اوروب پارچهلر.

کورک بل ایله کیرزمه یاییله جنی وقت قازمه عملیاتنده تعریف اولنه جنی وجهله اولاترلنک برکنارنده اگرک اچوب بعده کیروسنه حرکته چیقاردینی طوپراغی اوکنده کی اگرکه (خندقه) آتهرق نهایته قدر بو وجهله قازیلوب اک صوکره کیروده قلان خندق دخی ایلك خندق طوپراغیه طولدیریلور فقط کورک بل ایله بو یولده کیرزمه اینجه خفیف وقوملی طوپراقلره

مخصوصاً در قتی طوپراقلرده اوقدر ایشه یرامز .



چتال بل :

چتال بل (شکل

۵۷) تیموردن

معمول برچرییده

اوچ دیشلی و او .

جندن کورک بل کبی

آغاچ بر صاپه مر .

بو طدر بعض یرلر

ده اذ زیاده مستعمل

ایکی دیشلی (شکل

۵۸) ا ب . بلدر

که ۳ پارمق عریض

و ۳۳ پارمق اوزوندر . (شکل ۵۷) (شکل ۵۸)

فقط اکثر یرلرده مختلف شکللرده اعمال ایدرلر بوراده
شو شکللری کو سترمکدن مقصد توصیه دیمک اولیوب ایشه
یرار صورتده اولسونده هر نه شکلده اعمال اولنور ایشه
اولسون باس یوقدر .

چتال بلک دیشلرینه طاش و چاقل کی عارضه لر مانع
اولیوب سهولتله طوپراغه نفوذ ایتدیکندن کورک بله ترجیح
اوله بیلور ایشه چتال بل هر نوع طوپراقدن چیقاردینی
تزکری تامایله التی اوسته کتوره میه جکندن یالکز قتی وکیلی

طوپراقلرده کورک بلندن زیاده ودها ایو ایش کورر .
 قازمه . قازمه نك صاپی بر آرشون ودها زیاده اوزون
 اولور صورت استعمالنه کوره تیمورینك شکلی دکشور و بشقه
 بشقه اسملر آلور .

کرچه قازمه کورک وچتال بللر کبی تیمور آغز و آغاج
 صاپدن عبارت ایسه ده بللردن چوق فرقلیدر .
 رنجبر ایکی الیه قازمه نك صاپندن طوته رق آزچوق هوایه
 قالدیروب ایندیررکه نه قدر درین کیرمک ایستیلور ایسه او
 قدر هوایه قالدیریلوب شدتله ایندیرلمسنه و تیمورینك آغیرجه
 اولمسنه دقت کر کدر .

قازمه بی حین استعمالده رنجبر دائماً اوکنه طوغری اکیلکه
 مجبور اولدیغندن بلدن زیاده یوریلور و دائماً قازمه ایله ایش
 ایشیلان رنجبرک یاشی اسکیدکجه صیرتی قانبورلشور .
 قازمه ایله طوپراق حفرنده ایشچی اولاترلانك برطرفك
 استقامتده وقازیهلحق یرک درینلکی نسبتنده و بر رنجبر ایچنده
 سهولتله ایشیه بیله جک وسعده کنیش بر خندق آچوب چیقاردیغی
 طوپراغی ترلانك دیگر جهتنده بوش قاله جق خندقه طولدیرمق
 اوزره او طرفه نقل ایدر بعده او خندقك حذاسنده دیگر
 خندق آچوب چیقان طوپراغی ایکنجیه وهلم جرا بومنوال
 اوزره ترلانك نهایته قدر خندق خندق قازوب واك صوك
 خندقه دخی ایلک آچیلان خندقك نقل اولمش طوپراغی
 طولدیروب ایشی بتورر .


فقط دقت اولنه حق واصل الزم اوله حق شی آچیلان
خندقك طوپراغی دیگر خندقه دور ایدیلور ایکن یوزده کی
طوپراق خندق دینه و دییده کی خندقك یوزینه کتورلك
شرط درکه نهایت کریمه ده طوپراغك آلت طبقه سی جمله یوزه
ککش اولور و طوپراغی قازار ایکن دور ایدیلان طوپراق
یغینلری اوفالدلق و حیقاریلان کوکلیری خارجه آتمق
لازمدر.

کرچه ال ایشلری صابندن اعلا و مکمل اولور ایسه ده
پك آغیر ایلرو کیدر هرکس بونلر ایله ترلارینی قازمغه
ویاقازدیرمغه مقتدر اوله من چونکه پك مصرفلی اولور انک
ایچون کورک و چتال بللر ایله قازمه لر یوقاریده دیدیکمز کبی
یالکز اورته زراعتده و صبان ایشله میه جک صورته صرپ و پک
بایر و طاشلق یرلرده و صبانک حرکتنه مانع اولان اغاج کوکی
ایله طولو طوپراقلرده استعمال اولنور.

چاقلی سرت طوپراقلر ایچون بالطه لی سیوری قازمه
(شکل ۵۹) قوللانیلورکه اوریلان یره تاثیر ایدر قتی و قوراقدن
سرتلشمش فقط طاشسز طوپراقلر ایچون دخی براغزلی قازمه
استعمال اولنورکه تیموری براز ککیشدر یریر طاشلی سرت
طوپراقلرده دخی ایکی آغزلی طاشجی قازمه سی (شکل ۶۰)
واورته سرت یرلرده چاپه کبی ککیش تک آغزلی (شکل ۶۱)
قازمه لر قوللانیلور.

قازمه نك بدن فرقی یکدیگرینک عکسنه حرکتلریدر قازمه

ایله طوپراق قازمقده دائماً ایلرو حرکت اولندیغندن قازیلان



(شکل ۵۹) (شکل ۶۰)

طوپراق چیکنه نور بل ایله قازمقده ایسه دائماً کیوسین کیرو

حرکت اولنه جفندن تسویه اولنان

طوپراق چیکنمز فقط قازمه ایله

طوپراق حفر ایتک صابندن زیاده

ایو و محله کوره مقبولدر زیر اصبان

یره باتوب جرمی قدر یر آچار اما



(شکل ۶۱)

قازمه طوپراغی متفرق اوله رق بر

محلدن دیگر محله ایصال ایدوب تقلیب ایدر و طوپراغی

درین قازوب کور کیکله التی اوسته کتورر بووجهله قازیلان

طوپراق صابندن زیاده کونشه کوکس و یروب محصولی

برکتلی ایلر .

برده ال ایشلرنده چالی وطاش کبی شیلره تصادف اولند

قچه ال ویاطرمیق ایله طوبلانونب ترلانیك طیشاریسنه آتیلور

یاخود یا قیلوب کوللری ترلایه یاییلور دقت اولمیز ایسه هر دفعه .
سنده طاش وسائر قازمه و بللره چارپوب هم تیمورینی خراب
ایدروهمده ایشی کجکدیروب انسانی یورار .

ایکنجی فصل صبان ایله طوپراق حفری

صبان ایله طوپراق حفری قازمه و بل قدر مکمل اوله من
ایسه ده غایت اهون واداره لی و خدمتی فوق العاده سریع اولد .
یغندن کوی و چفتلکلرده بیوک ترلاری همان یالکز صبان ایله
قازارلر صبان استعمالنده اولان اهمیت هر کسک کوزی اوکنده
اولدیغندن بوبابده تفصیلات اعطاسندن چکنمیه جکر واولا
استعماله شایان صبانلری تعریف ایدوب بعده قنئی صبان ایله
نه کی طوپراقلرک حفری ایجاب ایده جکنی بیان ایلیه جکر .

صبان یرک یوزیله برابر برپارچه طوپراغی افقی و عمودی
قطع ایدوب یوزه دور ایدرکه صوکرده دن بوپارجه یی سورکی ایله
اوقالتمق قولای اولور صبان بو خدمتی کسکی و صبان تیموری
وقولاقزلیله کوردیکندن صبانک باشلیجه آلاتی شواوچ قطعه دن
عبارتدرکه ایوجه اکلاتمق ایچون شکل و وضعیتی واک قولای
و مکملجه ایش کورنلری بوراده تفصیل اولنه جقدر .


صبان اوچ نوعدر برنجی عادی قره صبان ایکنجی تکرلکی
صبان اوچنجی برقاج تیمورلی پوللق و قوطاندر .

قره صبان — بزده الیوم استعمال اولسان قره صبانلر

اسکی وقديم صبانلردرکه يالکز کوشه لی اوجی سیوری بر تیمور ایله کسکی اوق وانکدن عبارت اولوب طوپراغی نه تدویر ونه دخی دیکنه قطع ایدوب يالکز دوز اوله رق آچدینی طوپراغی ایکی طرفه یاترر یعنی طوپراغی عادتا چیزکی کبی چیز یکی صبانلر کبی درین صاپلانه مز .

مما لکم زک هر طرفنده موجود و مستعمل اولان انواع صبا . نلری هر کس بیلدیکچون انلردن بحث ایتیموب يالکز خیلی وقتدنبرو اوروپاده ایجاد وکون بکون اکال واصلح اولنان و طوپراغی سهولتله ولایقیله قازوب التی اوسته کتورن صبانلری تعریف ایده جکر .

بوصبانلرک الک ایوسی موسیو (دومبازل)ک یابدینی (شکل ۶۲)



دومبازل صبانک دول طرفی (شکل ۶۲)

صبان اولوب کسکی صبان تیموری دیرک قولاق اوق قول ومدبر کبی یدی قطعه دن عبارتدر .

کسکی : (ز شکل ۶۲) صبان تیمورینک اوکندن اوقه کچورلشدرکه خدمتی طوپراغی چیزمک وراست کلدیکی کوکلی کسمکدن عبارتدر مذکور کسکی طوپراغی دیکنه و صبان تیموری

دخی افقی قطع ایتدکدن صوکره قولاغیله دخی تزك شکلنده تدویر ایدر .

کسکینک قبضه سی بعضاً اوقك ياك طرفه ویده ایله تحکیم اولنور و بعضاً دخی اوقك اورته سنده بولنور که شوالده صبان تیمورینک صول جناحیله بر حذاده بولنه میه جفندن مطلوب وجهله ایش کوره مز . ممکن مرتبه صبانک صول جهته یقین اولمق ایچون اوقك اورته سنه کچوریلان کسکینک آغزی دوز اولیوب ایجابنه کوره گوشه لی اولور .

کسکیلرک اشکالی مختلفدر بعضاً دوز و بعضاً اکری یاپیلور دیگر دورلوسی دخی قارن کبی بر طرفه چیقندیلیدر فقط شو صوکره کی ایکی کسکی طوپراغه سهولتله کیره مز زیرا خط منحنی خط مستقیمدن یعنی اکری طوغریدن ده اوزون اولدیغندن طوپراقده زیاده مقاومتیه تصادف ایدر برده کسکینک خدمتی تسهیل ایچون (ژ ۶۲) شکلده کوستردیکمز کبی اوجی ایلروده بولمق لازمدر .

صبان تیموری: (شکل هـ ۶۳-۶۴-۶۵) کسکینک دیکنه کسیدی طوپراغی آرقه دن افقه موازی یعنی دوز قطع و تفریق ایدر ایو یاپلمش صبانلرده مذکور تیمور طوپراغی کذلک دوز قطع ایتد کدن ماعدا برازده یوقاری قالدیروب قولاقله نقل ایدر (شکل هـ ۶۴) هر نوع صبان تیموری بری یان دیکری کوده اوله رق ایکی قطعه دن عبارتدر یان دنیلان قطعه (شکل ۶۳) طوپراغی کسن تیمورک بر قسمی اولوب شکلی هریرده مختلفدر

فقط الك زياده مناسب شكل مثلثه مشابه يعنى نسخه وارى اولان شكلدر .



صبانك صول طرفنده

مذكور ياك (جناح) ايلروده

حرکت ايدن کسکی ايله صبانك

(شکل ۶۳)

هيئتى حذاسنده بولنور جناح

مذكورك بوضعی کسکین اولیوب یالکز وتری یعنی طوپراغی کسن قطعه سی چلیکلی وکسکیندرکه صولنده ۴۵ پارق قدر آچیق برزاویه تشکیل ایدر صبانك آرقه جهتی اخراج اولنه جق طو- پراغك آکنده اولسی الزمدر اگر بردوزی به مساوی اولز ایسه تیمورك یاردینی طوپراغی تدویر ایده جك قولاق زیاده زور کورر .

قلیج دنیلان قطعه که (شکل ۶۳) صبان تیمورینك صبانہ بتشه.

جك قسمیدر صبان ايله ارتباطی غایت مختلفدر .

صبان تیمورینك الك ابو شکلی یردن آردینی طوپراغی

افقیاً براز یوکسك قالدیراندر اوحالده شکلی قولاغیله برابر دوز و برسطحده اولمیدرکه ياك طرفنه منحرفاً یوکسلسون .

تیمورك جناحی دخی محذب یعنی قامبورمی اولوب صبانك

صول طرفنه یقین یرنده برمقدار یوکسلور طوپراقده تصادف


ایده جکی موانعه مقاومت ایچون تیمورك غایت اعلا جنسندن

یایلوب او جبری دخی ایوجه چلیککنور صبان اعمال ومبایعه.

سندہ بورالره دقت کرکدر بیاغی تیموردن چلیکسز یاپیلان

صباڻلر حين استعمالنده قيريليور وشو حالى صباڻك اعمالندهكى نقصانه حمل اولئيور حالبوكه اويله دكلدر بونلر بروجه محرر اعلا تيموردن چليكى اولور ايسه بك كوزل طيانوب ايش كورر مع هذا چارشولرده برچوق اوروپا صباڻلرى كوريليور بونلرك اكثرى بزم طوپراقلره كلز استعماله شايان صباڻلر اشبو كتابده اسماريله تعريف ايتديكمز صباڻلردر صاتون المق لازم كلكده اسميله وشكيله آرانوب النلى وتيمورلرينك چليكنه ويابيسنه دقت اولنليدر .

تيمورك مربوط اولدينى ديرك (انك) دخى (شكل ۶۴) اكثريا




دومازل صباڻك صاغ طرفى (شكل ۶۴)

آغاچدن معمول اولوب الت قسمندهكى طبانه بكرركه بوطبان اولكك دينه صوقلوب ياننه طيانهرق اوينا مقسزين صبان تيموريله برابر حركت ايدر ايكي ديركك - ج - الت جهته و صبان تيمورينك كوده سى بونك ايچ طرفه ویده لیدر شو شكلره دقت اولنور ايسه اكلاشيلور (شكل ۶۲ و ۶۴)

طبانك آرقه ديركدن چيقيق قسمنه اوچه ديرلر (۶۲ د) مذکور ديرك و طبان آغاچدن معمول اولدينى حالده الت يوزينى وصول طرفى تيمور ايله قابلامق ايجاب ايدر كه طوپراغه

سورندکده چابوق آشنمسون برده اشبو آلتک یوزیله صول طرفی بتون بتون دوز اولیوب براز چوقورجه یاپیلور .

قولاق : دخی (۶۴ و ۶۵) اکثریا صبانک یالکز صاغ طرفه ویده‌لنور اوللری بوقولاق دوز یاپلدیغندن (۶۴ و ۶۵) طوبراغی التی اوسته دویرمکسزین یالکز صاغ طرفه آتار ایدی فقط یکی صبانلرده بوقولاق براز اکری یاپیلورکه (۶۵ و ۶۶) طوبراغی آغیرلغنی طومیسزین چابوق دویرر ویولنده



دومبازل صبانک سطحی کورشی (شکل ۶۵)

حرکتی دخی خیفلندیرر اشبو قولاق دخی ایکی یای ایلہ صبانک یوقاریده ذکر ی کچن -ج- ایکی دیرکنه ویده‌لیدر .

اگر قولاقلر آغاجدن یاپیلور ایسه سهولتله آشینماق ایچون اوزرینه برقات تیمورساج قابلامسی اقتضا ایدر دوومه تیموردن یاپیلان قولاقلر دها ایو استعمال اولنوب خیلی وقت طیانور دوکه‌لر پک زور کورنجه قیریلور .

اوق : (۶۲-۶۴ و ۶۵) صبانک سائر قطعاتنک حرکتیه باشلیجه واسطه‌در صبان دائماً افقه موازی یعنی ایلرو طوغری حرکت ایتک وایشک باشلانغجنده تعین اولنان دیرینلکی غیب ایتامک ایچون بواوق اوک و آرقه دیرکلرک اوزرینه اوتور


تلمشدر اگر اوق اوکدن یوکسک قالدیریلور ایسه صبان تیموری اولقدر طوپراغه کیرر وبالعکس نه قدر ایندیریلور ایسه او نسبتده تیمور طوپراقدن طیشارو چیقار اوقک بوی دخی مختلفدر بعضیسی اوزون بعضیسی قیصه یاپار فقط نه قدر اوزون اولور ایسه صبانک حرکتی اونسبتده منتظم اولور قیصه اوقلر ایله صبان تیمورینی اداره پک کوچدر بونکله برابر مقاومتی ازالور . اوق نه قدر اوزون اولور ایسه اونسبتدهده قالین اولمیدرکه زوره طیانسون .

قوللر: (۶۲، ۶۴، ۶۵ . ح) صبان طوپراغه ادخال ایده جک ومیل و حرکتی تصحیح و اداره ایله جک التلردر بونلرک اوزونلنی صبانک قوته و اداره ایدن چفتجینک بوینه کوره اولور ایسه ده اکثریا بر ارشون ۲۴ پارمق بویلی یاپارلر وایکینسک اراسنی ۵۰ یاخود ۶۰ پارمق ککیش بر اقولرلر .

مدبر: (۶۲، ۶۴، ۶۵ . ط) حین حاجتده طوپراغک درینلکنی ودور ایدیلان طوپراق پارچه لرینک ککیشلکنی تعیین ایچون ایجاد اولنمشدر . درینلکی تعیین ایچون قوشوم قایشلری طاقیلان قطعکه اوقک اوک اوجده بولنور آشانی یوقاری تحریک ایدیلور یعنی ایندیریلوب بندیریلور .

بوصانده درینلک (۶۶، ۶۷ . ل) شکلرده کوستریلان و اوقک اوجنه کچوریلان مدبر ایله تعیین اولنور اشبو مدبر بر کرتکی یواسی ایچنده اشانی یوقاری حرکت ایدر بونک الت طرفه قوشوم قایشلری طاقیلوب ایستلیدیکی وقت ایندیر .

یلوب بندیریلور اشبو مدبر درت گوشه لی تپه سی یارق یعنی
ساخور یاخود چال کچیر بر جیوی ایله طوتدیریلوب التندن قما
ایله تحکیم اولنور .



(شکل ۶۶) (شکل ۶۷) (شکل ۶۸)

شو تفصیلاتدن اکلاشیلیور که قوشوم قایشلری طاقیلان
نقطه آشاغی ایندیرلدیکی وقت حفرک درینلکی آزالور بالعکس
یوقاری چیقاریلور ایسه درینک زیاده لشور زیرا صبان تیموری
اوحالده زیاده تضییق کوره جکندن طوپراغه درین کیرر .
قوشوم قایشلری طاقیلان نقطه صاغ یاخود صولنه
کچورلمسیله طوپراق تزکترینک اکی تعین اولنور ومدبر ایله
سهولتله اداره ایدیلور . شویله که یوقاریدن آشاغی دیکنه اوقک
اوجنه کچوریلان سالف الذکر مدبرک بر اوزون دیشلی تیموری
وارددر (۶۷، ۶۶ ن) قوشوم قایشی یرینی طوتان زنجیرک
نهایتده کی اوزونجه برخلقه (۶۶ ن) مذکور دیشلره طاقیلور


اگر مذکور خلقه ذکر اولنان تیمورک نهایتکی دیشنه
 کچوریلور ایسه صبان تیموری قازلامش طوپراغه زیادهجه
 کیره جکندن آیره جنی تزکک اکی زیاده اولور بالعکس صاغ طر-
 فنده بولنان نهایت دیشه ادخال اولدیغنده صبان تیموری حفر
 اولتامش طوپراغی اولقدر تضییق ایتمه جکندن تزکری پک
 اکی چیقارر .

بوصبانى ایجاد ایدن ذات دهامکمل اولهرق اوقک اوجنده
 تیموردن معمول بر قاصه یابوب دیشلی تیموری دیکنه بوقاصهیه
 کچورمش (۱۶۸) وصبانى سورکلیان زنجیری بونک آلت
 اوجندهکی خلقهیه ربط ایتمشدر بوتیمور آشاغی یوقاری ایندیر-
 یلوب بندیرلمکله حفرک درینلکی وقاصهسی اویناق ومتحرک
 اولدیغندن صاغه صوله کتوزلمکله اکی تعین اولنور .

بو بابده بر اویغونسزلق وقوعه کلامک ایچون تزکر نه قدر
 اکی چیقاریله حق ایسه صبان تیموریه قولاغی دخی اوقدر
 ککیش اولمیدر زیرا صبان تیموریه قولاغی وسعتنه کوره
 طوپراق دویرمک ایچون یاپلمش اولدیغندن بومقداری یالکز
 مدبر ایله آرترمقده بر طاقم اویغونسزلق درکارددر یعنی اولکلر
 صبان تیمورندن دهامکلی آچیلور ایسه قولاق سورلیان طوپراق
 اوزرنده برکوشه کبی قالور دیکر طرفدن قولاغک ککیشکی
 کافی اولمدینی جهته تزکر صورت منتظمهده دویرلیه جکندن
 طولای عملیات اکسیک اولور انک ایچون بودقیقه لره زیاده
 دقت کرکدر .

قوتك دخی برمقداری بوشه كیده جکندن حیوانلر هم ارا به و همده یوک حیوانی اولمش اولور .

شوحالده صبانده قوه جریه نك موضعی اولان نقطه ده بیوک اوینوسزلق وقوعه کلور فقط قوه جریه یرنده استعمال اولنان حیوانلرك طبیعتلرینه نظراً بونك کلیا برطرف اولسی ممکن دکلدر شوقدر وارکه قوشوملرك طاقیله جنی نقطه (۶۸ب) - ج ه - ایله مرقم جر خطندن - ب - ایله مرقم نقطه نسبتنده برزاویه تشکیل ایتلیدرکه مناسب درجه ده طوپراغه درینجه صاپلانسون شاید (شکل ۶۹: ۱) حرفیله مرقم نقطه یه طاقیلور ایسه



حیوانلرك طاقیله جنی نقطه یی کوستر (شکل ۷۰)


حیوانك اوموز ویا اكسه سیله و - ب - خط جر ایله - ج - نقطه مقاومت یننده برر كوشه دها تشکیل ایده جكدرکه بوا یکی كوشه لر ج - ب حرفلریله متوازی برخط اوزرنده بولنه جقلا - ندن صبانك پك درین صاپلانسوچون اوك طرفی تضییق ایدر وبالعكس دها آشانغی یعنی اوكل مركزینه طوغری طاقیلور ایسه صبانك اوك طرفی یوقاری قالدق جغندن لایقیله طوپراغه صاپلانه مز .

بوصبان وبونك کیلری براز آغیرجه اولدیغندن نردبان کی

آغاچدن قیزاق اوزرینه اوتوردوب و حین حرکتده سالانماق ایچون اطرافنه قامه لر صوقوب ترلایه اویله کوتررلر.

تکرلکلی صبان — بالاده ذکر اولنان صبان تیمورنی آغیر- لغیله برابر چکوب سورکله مکده سهولته یولندن آریلوب طو- براغک یوزینه چیه جفندن چفتجی هروقت دقت ایله قوتی صرف ایدرک صبانک قوللرینی یوقاری قالدیرمغه طوغرلتور وانک ایچون چوچه یوریلور دیگر طرفدن طاش وکوکلر ایله طوپراغک قیلنی صبانک اداره سندن چفتجی بیقیدیرر شو اویغونسزلنی دفع ایچون خیلی زماندنبرو صبانلرده تکرلک استعمالی عادت اولمشدرکه اشبو تکرلک اوقک التندن اوجنه باغلانیدی حالده صبانی کرک اشاغیدن یوقارییه وکرک یوقار- یدن اشاغییه یاخود یاک طرفه صایمقدن آلیقور .

اشبو تکرلکلرک الک ایوسی آشاغیده شکلی کوستریلان دومبازل تکرلکیدر (شکل ۷۱) اولکلری ککیش آچق ایچون




(شکل ۷۱)

اولوقلی قاصه سی - م - صول و صاغ طرفه کوتوریلوب اوق باشنده صیقشدیریلور درینک ایچون دخی مذکور قاصه بی حاوی

اولان کریشی دیک پروازلراوزرنده اشاگی یوقاری ایندیریلوب بندیریلور .

مذکور تکرلکی (دومبازل) صباننه ربط ایتمک ایچون (ط ۶۲) مدبری چیقارلقدن صوکره اوقک اوزرینه (۶۹ ل ل) ایکی خلقه لی چیویلر وضع ایله خلقه لرینه قرغه برون طاقیله . ربق زنجیر دخی اوقک آلتنده بولنان چنکله ربط اولندیغی کبی صبان حرکت حاضربولنور .

تکرلکی صبانلر اوپله یاپلملیدرکه نقطه مقاومتی اولان صبان تیمورینک برونندن (شکل ۷۲، ج) کرک بیکرلرک اوموزلرینه وکرک اوکوزلرک بویننه ب. کیدن خط جر تکرلکلرک دینکلنده



(شکل ۷۲)

۱- بری دیکرینه برحزاده تصادف ایتسون بویولده یاپیلان تکرلکی صبانلر نه حیوانلری یورار ونه ده قوت ضایع ایدر . نه چاره که ایوم کوردیکمز تکرلکی صبانلرک پک آزی بویله در بونلرک اکثریسنده دینکلدن - ۱- بیکرلرک اوموزلریله ب- و تیمورک برونندن ج- دینکله کیدن خط طوغری دکل اکریدر شو حال تکرلکلری اوستدن آشاگی تضییق ایده جکندن دورینی اغیرلشدیروب حیوانلری پک زیاده یورار ایشه بورالره غایت دقت لازمدر .

تکرلکلی و تکرلکسز صبانلرک فائده و او یغونسزلقلری —
 عادی و تکرلکلی صبانلره دائر شمدی یه قدر ای دیلان برچوق
 تجربه لراوزرینه عادی قره صبانلر تکرلکلی صبانلره ترجیح اولیور
 ایسه ده بتون بتون ترک اولنمیوب وقت وزمانه ویرینه کوره
 تکرلکلی صبانلرک دخی خلی ایسه یرادیغی کوریلور .

قره صبانلر زکی و ماهر برچفتجی النده آز قوتله تکرلکلی
 صبان قدر ایو و مکمل ایش کوره بیلور ایسه ده بعضاً صبانک
 صورت اعمال و اداره سندن طولای بر طاق او یغونسزلقلر
 وقوعه کلور آنک ایچون قره صبانی استعمال ایدن چفتجی
 تکرلکلی صبان قوللانان چفتجیدن ده ماهر اولق کرکدر
 شکلده هر نه قدر ساده برشی کورینور ایسه ده اعمالی صحیحاً
 بر طاق قواعد تابع و یکیدن انشا دکل تعمیری بیله کوی
 صبانجیلرینک کاری دکلدر برده بوسبان ایله آز درین طوپراق
 سورمک پک کوجدر زیرا طوپراغه دریجه صاپلانغز ایسه هر
 وقت یولندن آیریلور وقتی طوپراقلر براز یاش اولور ایسه
 صبانک هر طرفه یاشان طوپراق دائماً صبانی یولندن صاپدیرر .
 اک ایو یاییلان تکرلکلی صبانلرک قره صبانلردن زیاده
 قوته محتاج اولسی تکرلکلرک آغیرلغه و دینکک تکرلکلره
 یوکلدیکی ثقلته و تکرلکلرک طوپراغه صاپلانمی درجه سنه
 کوره در یوخسه شو او یغونسزلقلر برطرف اولسه قره صبانلردن
 ده آز قوتله چکیلور .

تکرلکلی صبانک باشلیجه ایولکی صبان تیمورینی دائماً


يولندن آيرمامق وحيوانلرك صايسيله حاصل اولان يان
تضييقلرى تصحيح واصلاح ايتمكدركه بونتيجه اوقك اوك طرفى
تكرلكك اوزرينه ربط ايتمكه حاصل اولور بوصورت ايله
صبانك حركتى هم قولايلاشور وهمده چفتجى بى عادى صبان
قدر يورمز چونكه تكرلكسز صبانده يولندن آيرلامسنى تصحيح
ايچون قوللرينى دائما الدن برامق واستعمال قوت ايتمك كې
برجوق زحمتلر واردر تكرلكلى صبان فنا برصبان دخى اولسه
تكرلكلى اوقسه ربط ايتمكه تكرلكسز ايو صبان كې ايش
كورر .

خلاصه ماهر وذكى وايشى كندوسنه ايش ايدىنان برجفتجى
عادى ودرين نطسلر ايچون خصوصيله طوپراق پك قى دكل
ايسه هر دأتم تكرلكسز وعكسى حالده دائما تكرلكلى صبانلى
استعمال ايتلدر .

بوللوق قوطان — تكرلكلى صبانلرك باشليجه محسناتى
طوغرى يولندن آيرلامسى ايسه ده ينه زحمتسزجه تماميله مقصده
وصول ممكن اوله مديغدن طوپراغى دها قولاي فقط مطلوب
وجهله قازمق وبرينك نقصاتى ديكريله اكمل ايتمك ايچون
متعدد تيمورلى قوطان وبوللوقلر ايجاد اولمشدر .

اشبو بوللوقلرك تيمورلى عادى صبان تيمورلى كې اعمال
اولنديغدن چفتجى بى زحمت ومهارتدن وارسته ايدر زيرا
بوللق استعمالده يالكز حيوانلرك حركاتى كوزديلور ايسه
كفايت ايلر وعادى صبانلردن مكمل ودها اعلا قازار .

شمدي به قدر استعمال اولتان پوللوقلرك اك ايوسى (قودفروا)




(شكل ۷۳) قودفروا پوللوقلرك سطني

پوللوغيدر (۷۳، ۷۴، ۷۵، ۷۶) شو شكللرده هر طرفدن

کوریشی کوستریلان پوللوغک یکدیگرندن حرکتلی آیری


اولان اوچ تکرلکی قا.
زیله جق یرک درینلکنه
کوره ایندیریلوب
بندیریلور قولاقلی
طوپراغی صاغه دویرر
واوست تکرلک تعبیر
اولان برنجی تکرلک
صولدن هنوز سورلیان
طوپراق اوزرنده و
قلاغوز تعبیر اولنان
ایکنجی تکرلک صاغ
واوک طرفده بولنوب
صوک آچیلان وصورکه کی
تکرلک دخی تدریجی
آچیلان اولک ایچنده
یکدیگری حذاسنده
فقط مختلف اوچ نقطه
اوزرنده حرکت ایدرلر
بو حالده قلاغوز تکرلک
آچلمش اولک اوزرنده



(۷۴ شکل) فودفرو پوللوغک یاندن کوریشی


کردیکندن یولدن آیریله میوب پوللوغک حرکت منظمه.

محافظه ایلر دیگر ایکی تکرلک ایسه یالکز پولوغی یوکنور آنک



(شکل ۷۵) اوک طرفی

ایچون صاغ وصوله صایپه نك امكانی یوقدر تکرلکلرک ایجابنده



(شکل ۷۶) ارقه طرفی

سهولته قالدیر یلوب ایندیرلسی بتون پولوغک تمامیه دوز حرکته

وتیمورلرک طوپراغه منتظم صاپلانمسنه سبب اولور .
 بوبوللوغی برآدم کوجلک چکمکسزین یالکز حیوانلری
 سورمکه اداره ایده بیلور آغیرلنی تکرلکی اوج صبان ثقلنده
 اولوب اندن زیاده قوته محتاج دکلدر صبان تیمورینک اکیله
 قولاقلرینک یوکسکلکنه کوره درین اولک آجیدینی کبی نه قدر
 درین مطلوب ایسه اویولده دخی سهولته استعمال اولنور
 خصوصی وعادی بعض وسائط فیه ایله برانده طوپراقدن
 چیقاریلوب دوندریلور وقولای ایش کورر پک قوی وصاغلام
 برآلدر .

اک اعلا ومکمل تکرلکی صبانلره قیاس ایدر ایسه عملیاتنک
 سهولت وانتظامی وزحمتمزلکی کندوسنی انلزه ترجیح ایتدیرر
 شوقدرکه بونلر برترلای برقاچ دفعه سورمک وایشی عجله
 بتورمک ایستلیدیکی زمان قوللانیلور .

ایو برپوللوق چفتجی بی معاونه محتاج ایتیان یعنی برآدم ایله
 اداره اولنه بیلان ولزومسز برطاقم غلبهلق ادواتی اولمیان
 وممکن مرتبه آز حیوان ایله قوللانیلان تیموری یاصی وکسکین
 وآز مقاومت کوره جک شکله اولان وقولاغی اولکک دینی
 تامیله تسویه ایده جک برحاله بولمسیله برابر طوپراغی یان
 طرفه دور ایدن وصورت مطلوبه ده درین اولدینی حاله طار
 قازان پوللوقدر فقط یکی ایجاد اولنان ایشه یرار صبانلره بزم
 چفتجیلرک اکثری هنوز الیشق اولمدینی حاله غایت ملکه
 ومهارته محتاج اولان شکلرینی کوستردیکمز اوآغیر پوللوغی


شمديکي حالده اداره واستعمال ايده ميه جکلرن تعريفندن
سرف نظر اولمشدر .

اوچنجي فصل طوپراق حفرنده دفته شايان نقطه لر

صبان ايله طوپراق سورمکده کوزديله جک نقطه شونلردر
۱ . دور اولنان طوپراغک حاصل ايلديکي اولکک درينلکي .
۲ . اولکک ککيشلکي . ۳ . تزکړک درجه ميلي ياخود
دوري . ۴ . اولکړک طوغريلني و ۵ . طوپراغک ياشلق
وقوريلغيدر .

صبان ايله سوريله جک طوپراغک درينلکي — على العموم
طوپراغي درين قازمق محصولک مقداريني آرترر زيرا فدانلر
بری برلرينه يقين وصيق اولدقلرنندن کوکلری دائماً درينه
کيدر اينجه ومنبت طوپراق بولورلر ايسه پک چوق کوك
صالوب بدنلری اودرجه قوتلنور اگر سرت وقتی طوپراقلره
تصادف ايدر ايسه درين کيده ميه جکي کي اطرافه کوك صالغه
دخی ياننده کيلر مانع اوله جغندن فيصلنه ميوب ضعيف قالور .
برده درين قازيلان طوپراقلرده فدانلر قوراقندن اوقدر
قورقز نمساك طوپراقلرده دخی چوق ضرر کورمز چونکه
طوپراق درينجه قازيلوب اينجلمش اوله جغندن صولر کوكلرک
واصل اولديني عمقندن دها اشاغی سوزوب اينر بونکه برابر
حفرک درينلکي هرفدان ايچون بردرجه ده اوله مز اکیله جک

تمخ ايله طوپراغك حال و طبيعته و كوكلك و اصل اوله جقلى درينلکه كوره طوپراق قازيلور مثلا حيوانلره مخصوص ديك كوك سالان يونجه كي فدانلر برآرشون كوك صالديقرندن (شكل ۷۷) حفرک درينلکی دخی اوقدر اولمق کرکدر .



(شکل ۷۷)

شكل مزبورده . ب . ايله مرقم هاوج همان ۶۰ پارمقندن زياده . ج . پانجار ۴۵ و . د . طورب وشالغم ۳۰ . ه . حبوبات كوكلى ۲۰ پارمق انجق درين كيدرکه طوپراق انلره كوره درين قازيلور فقط ديك كوك سالان فدانلر برترلايه

هرسنة ديكلميوب ديكر نوبتي درت سنه صوكره كله جكنندن
اوحالده ترلاسنی هرسنه يالكز برر دفعه درين قازمق كفايت
ايدر .

بوصورتله طوپراغك طبقات مختلفه سی تدریج ایله یریوزینه
کتوریلهرک هوا وکوبره نك تاثیرله منبت اولور برده طوپرا-
غك حال وکیفیتندن دخی نه درجه درین قازلمسی لازمکله جکی
اکلاشیلور ازجمله یوز وقیراج طوپراقلر اکیله جك مختلف
محصوله کوره ایلك اول درین قازلمق لازمدر ۲۰ پارمق درین
قازیلان ایشلك طوپراقلرک الت طبقه لری نباتاته یرامیان قیصر
طوپراقلردن ایسه منبت طبقه سندن ایلرویه تجاوز ایتماک
کرکدر یاخود اشاغیده ذکر ایده جکمز بعض عملیات مخصوصه
ایله اشبو الت طبقه نك برمقداری یریوزینه کتورلمکسزین
یرنده قازیلوب ترک اولنور وبویله طوپراقلره آزکوک سالان
فدانلر زرع ایدیلور .

بالعکس منبت طوپراغك الت طبقه سی یوزیله قارشده
یرلدیغی حالده منبتلکی تزايد ایده جك یاخود طبقه منبتنه نك
کیفیتی بوزمیه حق اولور ایسه اوحالده درین قازیلور درینلکله
نظری نقطه دن باقیلور ایسه صبان عملیاتی اوچه آریلورکه
برنجی کریزمه ایکنجی قره قازمه اوچنجی صیرت قازمه یعنی
سطحی خفیف قازمه لردر .

برنجی کریزمه — طوپراغك هنوز ایشلنماش الت طبقه سنی
قازوب برازینی یوزه کتورمکه یاخود یوزه کتورمیوب یالكز


قازەرق یرەندە ترك ایتەكە کریزەمە دیرلرکە یوقاریدە قازەمە بختەمە ذکر اولنیشیدی بو عملیات کړك درین کیدن وکړك یوزده یاییلوب اوزانان اکرلئی اوتی آریق ویر مروری کبی سنین نباتات مضره نك کوکلیرنی اخراج ایله طوپراغك الت طبقه سنك بر مقدارینی یوزده کی منبت طوپراغه قارشیدیره رق اصلاح ایلر .

کریزەمە یایمق ایچون بوکونکی کون ارباب زراعتك اتخاذ ایلدکلری اصوله کوره استعمال اولنه حق صبانلرک نوعی مختلفدر .

تدریجی کریزەمە ایچون اولاً ۲۰ پارمق درین قازیلەحق یرلرده عادی قره صبانلر استعمال اولنور ایسه ده بوندن ده درین یاییله حق کریزەلرده قره صبانلر کفایت ایتمز اگر دیرنلک ۴۰ - ۵۰ پارمغه قدر چیقوبده الت طبقه نك یوزە کتورلمسی مطلوب ایسه احوالده اوچ صورته مراجعت اولنور . ۱ . بردفعه ده اوقدر درین قازەبیلەجك قوتده صباندرکە


بونلرک اك مکملی (روزه) پوللوغیدر (شکل ۷۸، ۸۹) اشبو پوللوق تکرلکلی و تکرلکسز ایکی صورته دخی قوللانیلور زیرا بونده بولنان ایکی تکرلک چیقاردینی کبی عادی قره صبان اولور بری دوز - ۱ - دیکری دیکنه - ب - ایکی مدبریلە آجیلەحق اولکک اکی ودرینلکی تعیین اولنه بیلور پوللوغك - ه - هر تکرلکی - ز - بریدن اوزرنده بولندیغدن پوللوق یوزدن صیرت قازمق یاخود درین صاپلانمق ایچون اشبو بدنلر ایتد .

یریلوب بندیریلور بایر یرلرده بری آچاق دیکری یوکسک
قالدیریلور ایسه ایکیمی بردن متساویاً حرکت ایدر .



(شکل ۷۸) روزه صبانک صاغ طرفی .

بودنلرک هربری - دد - اوقک بولندینی چرچیوه او.



(شکل ۷۹) روزه صبانک سطحی

زرنده برسورمه ایله مطلوب اولان ارتفاعه قالدیریلوب تحکیم
ایدیلور اوقک اورته سنه کچوریلان کسکی اوقک صول جهتدن
برویده ایله پرچینلیدر صبان تیموری یالکز ایکی ویده ایله صبانه
ربط اولنوب قولاق و مربوط اولدینی آغاجی کبی کمال سهولتله
چیقاریلوب ینه یرینه قونیه بیلور فقط صبانک هربر پارچه سی
دوکه تیموردن یاپلمش اولدیغندن کیلی قتی وسرت طوپراقلرده
غایت دقتله خفیف قومسال واورته قتی طوپراقلرده علی العاده
قوللانیلور ایو بربولو قدر .

بوپوللوقلر كوچك بيوك درت جنس اوله رق ياپلمشدر
برنجي بوي تکرلکسز ۲۰۰ تکرلکلیسی ۳۴۰ ايکنجی بوي
تکرلکسز ۲۴۵ تکرلکلیسی ۳۸۰ اوچنجی بوي تکرلکسز ۲۷۰
تکرلکلیسی ۴۱۰ دردنجی بوي تکرلکسز ۳۴۵ تکرلکلیسی
۴۷۰ غروشه در .

کریز مه ایچون اک صوکره کی یعنی ۴۷۰ غروشلق صبانی
قوللانورلر چفتجی ماهر ذکی ودقتلی آدم ایسه بوصبانک تکر-
لکسزینی دخی استعمال ایده بیلور .


برده (۶۲) شکله یوقاریده ذکر ایلدیکمز (دومبازل) ک
تکرلکسز صبانی دخی بوخصوصده استعمال اولنه بیلور بوندر
اوج نوع اولوب برنجیسی غایت ضعیف اولدیغندن کریز مه
ایچون اوچنجیسی ایودر بوصبانلر انجق ۱۰ بیکیر و ۳ آدم
ایله اداره اولنور بری صبانی دیکری حیوانلری اداره ایدر
اوچنجیسی تیمورک تصادف ایلدیکی موانعی دفع ایله مشغول
اولور بونک ایله یومیه بردونم بری کریز مه ایده بیلورلر یالکر
ایشلک طوپراقلرده دکل یکی آچه لرده دخی اشبو صبان
قوللانیلور .

۲ . ایکنجی اصولده چفته تیمورلی برصبان دخی
استعمال اولنورکه بونک آرقه تیموری اوک تیمورندن ده
اوزوندر انواغندن اک ایوسی (مورتون) صبانیدر ایکی قسمدن
عبارت اولوب ایکنجی قسمی برنجیدن ۱۰ - ۱۶ پارمق ده
درین کیدر برنجی صبان تیموری ۱۳ پارمق درین

صاپلانوب طوپراغنی ایکنجینک آچش اولدینی اولکه دویرر
آرقهده کی تیمور ایسه طوپراغه ۴۰ پارمق قدر درین کیر
وکسدیکی طوپراغنی اشاغیدن یوقاری اکریمجه قایدیروب اولکی
تزکک تپسی اوزرینه دویرر .

بوصبان اولکیلردن آز قوته محتاج ایسهده حرکتیچون ۸
حیوان ایله فقط ۸ آدمه محتاج اولدینی حالده ینه انلردن زیاده
ایش کوره مز .

۳ — اوچنجی صورته کلنجه کریز مه بشقه بشقه ایکی صبان
ایله دخی یاپیلورکه برنجی صبانک آچدینی اولکه ایکنجی صبان
دها درین صاپلانور ایلك دفعه سورمک ایچون (روزه) نك
ایکنجی صباننه درت حیوان قوشیلهرق برنجی و (بونه) نك صباننه
دخی (شکل ۸۰) الی حیوان قوشیلهرق ایکنجی دفعه سوریلور .



(شکل ۸۰) بونه صبانک صاغ طرق

بوصبانک موسیو مورتونک صباننده اولدینی کبی مائل
برقطهسی واردرکه قولاغیله قالدیردینی تزکی برنجی صبانک
دویردیکی تزکک اوزرندن آشور بوندن بشقه صبانی یولسندن
صایدیرماق ایچون S شکلده براستنادک صاغندن برنجی صبانک


دویرمش اولدینی طوپراق اوزرنده حرکت ایدر برده تکرلکی بولنور حین حاجتده ایندیروب بندیرمک ایچون ایکیده مدبری واردر .

بو طریق ایله کریز مه اعمالی اولکی ایکی اصولدن ایودر چونکه بو عملیات ایچون بردن استعمال اولنه حق حیوانلر ایکی یه آیر یله . جنی جهتله هراولکک نهایتده سهولتله وسرعتله چور یله بیلور برده اولکک الت طوپراغی بتون بتون یوزه کتور یله رک ایوجه دور ایدیلور وایش دها چابوق کوریلور زیر ا بواصول ایله یومیسه ۴۰۰۰ آرشون یر کریز مه اید یله بیلور .

ذکر اولنان کریز مه دن مقصد دیب طوپراغی یوزه کتور . مکدن عبارتدر اگر التده کی طوپراغک طبیعتی یوزده کی منبت طوپراغی تغیر ایده جک اولور ایسه یرینی دکشدیرمکسزین دیب طوپراغی قازوب ینه یرنده براقق لازمکلور .


بو خصوصده دخی (روزه) و (دومبازل) ک ایکنجی صبان یله تقریباً ۲۰ پارمق درین بر اولک آچلدقن صوکره قولاقسز بر صبان ایله بردها سوریلورکه بو قولاقسز صبانه یرالتی صبان دینور طوپراغی یوزه آلیه رق یرنده براقور بونلرکده اک اعلاسی (روزه) نک ایجاد ایلدیکی (شکل ۸۱) صباندر بو صبان تمام یله تیموردن معمول اولوب ۲۰ - ۲۵ پارمق قدر طوپراغه کچرکه اولکی صبانک قالدیرمش اولدینی طوپراغک درینلکی دخی علاوه اولندقدده مجموعی ۳۵ - ۵۰ پارمق درینلکه وارر بو ایکی صبانک بهری دردر حیوان ایله اداره اولنور ویومیسه

۴۰۰۰ آرشون یر سوریلور بعضاً بوسبان ایله دیب طوپراغی
سوردکن صوکره بری برینه یقین صبان تیموری اکنده اوچ



(شکل ۸۱) یر التی صبان

کسکیلی کوچک بر سورکی قونیلوب سوریلورکه صبان تیمورینک
قالدیرمش اولدینی طوپراغی قیروب اینجلدر .
بوراده رسمی کوستریلان (حوالدک یرالتی صبان) (شکل ۸۲)



(شکل ۸۲) حوالد یر التی صبان


لوندره وپارس سرکیلرنده ارباب زراعت طرفدن تقدیر و قبول
اولدینی جهته اولکندن دهامکمل ایش کوردیکندن
اکا ترجیح ایدرلر .

کریز مهیه مخصوص مکمل آلاتک ایدینلمسنه و اداره سنه لزومی قدر حیوان تدارکی هر کسجه مشکل اولدیغندن بعضی محللرده طوپراغی قازمق ایچون بر دیگر یول بولمشلردرکه اوده صبان و انسان عملی ایله مشترکدر .

کریز مه دن مقصد طوپراغک آلت طبقه سنی یوزه کتورمک ایسه عادی قره صبان ایله تخمیناً ۲۰ پارمق درین بر اولک آچدقدن صوکره ۲۰ قدر عمله بل ایله ۳۲ پارمق عمقنده بر طبقه قالدیرق سورلمش طوپراق اوزرینه آتارلر اگر بو عملیات عمله صبانی و صبان عمله یی بکله میه جک صورتده یاپیلور ایسه پک کوزل حسن نتیجه حاصل اولور بالعکس قازیلان دیب طوپراغی اوفالدوب یرنده براقق مطلوب ایسه عمله کورک بل یرینه ایکی دیشلی چتال بل استعمال ایدرک قازمش اولدقاری طوپراغی ینه اولکک دینده براقورلر هر ایکی صورتده تخمیناً یومیه ۲۰۰۰ آرشون یر کریز مه ایدیه بیلور . کریز مه دن بکلنیلان نتیجه کرک تدریجی و کرک دفعه اولسون یاییله جق اک مناسب زمانی کوز اوائلیدر چونکه اولوقت قازیلوب یریوزینه کتوریلان طوپراقلر طوک قار و یاغموری کوررک چابوق اینجلوب هوا آلور .

عادی حفریات یعنی قره قازمه — قره قازمه طوپراغک سنوی اکیلان طبقه منبته سنی تجاوز ایتیز ۱۴ — ۲۸ پارمقدن زیاده درین قازلر فقط طوپراغی کافی درجه ده اینجلمک ایچون قاج دفعه سوریه جک ایسه ایلک دفعه کی صوکره کیلردن درین

اولسی و کوبره لر لایقیله کوملوب کوکلرک خارچنده براقلماسی لازمدر یوقاریده برنجی مرتبه ده ذکر اولنان درینلکه کوره استعمال اولنان صبانلرک باشلیجه لری (روزه) نک (شکل ۸۶) و (دومبازل) ک (شکل ۶۲) برنجی یاخود ایکنجی صبانلریدر طوپراق خفیف اولوبده سهولتله قازیله بیلور ایسه عادی تکرلکسز بالعکس صیقی و قوتلی ایسه تکرلکلی صبانلر قوللانیلور بو ایکی صابندن بشقه (بودوئن) صبانی دخی شایان توصیه در بوسبان روزه صباننک بر اورنکی اولوب یالکز اولکلرک اکنی ودرینلکنی تعیین ایچون حاوی اولدینی بعض آتسار ایله اندن ایریلور (شکل ۸۳—۸۴) بوسبانی اداره ایدن چفتجی صبانک ارقه سنی




(شکل ۸۳) بودوئن صباننک صاخ طرفی


ترک و حرکتی تعطیل ایتمکسزین اولکلرک اکنی دارالتوب بیولتور فیاتی ۹۰۰ غروشد.

(دمسای) نام مشهور بر چفتجی بر صبان ایله قارشیدریجی (ارایجی) دیگر بر صبان استعمال ایلرکه حسن نتیجه سی کورلمش اولغله اندن دخی بحثی مناسب کوردک.

بو صبان (۸۵، ۸۶، ۸۷) برابان صبانك برديكر تقليدى
اولوب فقط انده بولنان لزومسز طاقلر بونده يوقدر .




(شكل ۸۴) بودون صبانك سطحى
بونك - ع - طاقوسى - ح - ايله مرقم چاير كسكىسى
و - ر - اوڭ كسكىسى هر صبانده بولنور ادواتدندر درين




(شكل ۸۵) آراييجى دسبائى صبانك سطحى
صاپلانمى طاقوسنك وضعيته تابعدر قوشوملرى بر قانجه ايله
طاقوسك - ا - نقطه سنه فقط پك خفيف طوپراغه تماس ايتك
اوزره طاقيلور طاقوسى طوپراغه زياده سورينور ايسه
قوشوملى چنكلى اينديرمك وسورنمديكى حالده قالدIRMغله
موازتنى طوتيلور صبانك حوق بر طوتمه، مطلوب اسه

قوشوم صیریقلری صاغ طرفه و عکسی حالده صول طرفه
کتوریلور .



(شکل ۸۶) آرایچی دسمای صبانک صاغی

نه وقت ترلانک یوزنده زیاده یبانی اوتلر بولنور ایسه
چیم کسکیسی اولزمان استعمال اولنور که بو حالده کسکی



(شکل ۸۷) آرایچی دسمای صبانک صولی

طوپراقدن ۲ — ۳ پارمق قدر اوتیله برابر بر طبقه ترك کسوب

اولجه آچیلش اولان اولکک ایچنه اتار .

قولاق و دیرکی یکپاره دوکمه تیموردن معمول اولوب اوق
باشی - د - مرکزی برویده ایله اورایه مربوطدر - ب -
- ق - صبان تیموری چلیکدن معمول اولوب اوده اوقه
بر ویده ایله ثابتدر لدی الحاحه چیقاریلوب ینه یرینه قونور .
صبان تیمورینک اوزون بر قطعه سی اولان قولاغی - ت - تیمورک
صول یوزی اولوب دوز صاغ یوزیله یایواری تشکیل ایتدیکی
صبانک بوغازینه طیانه رق صاغدن قولاغک نهایت اگری صاغ
یوزینه واصل اولور بو اگری صاغ یوزی اولوجهله یاییلمشدر
که صبانک حین حرکتده تشکیل ایلدیکی ۴۵ درجه ده دوز
اگری یوزی صبانک دویردیکی تزکری صره ایله دیزر .

بوشکلده اعمال اولان قولاق (*) قالدیردینی ترکی ازمکسزین
اولکه اتار که چوق قوته محتاج اولمز سطحلری یعنی یوزلری
حلزوننی شکلنده اولان صبانلرده بونتیجه حصوله کله مز زیرا
هر نه قدر بو قولاق لر طوپراغی ده ا زیاده دویر لر ا یسه ده
اولکی خط اوزرینه صیقشدیروب هم زیاده قوت صرفی
وهمده صیقیشق وهوادن محروم بر طوپراقدن حظ ایتیمان
فدانلر ایچون مضرتی موجب اولور حلزوننی بر سطح اوزرینه
طوپراق یاییشور فقط دوز بر سطح اوزرندن سهولته ایرلدینی
درکار اولمغه قولاغک شو شکلک بو یوزدن دخی فائده سی
میدانده در زیرا طوپراغه یاشان قولاق زیاده زور کوره جکنده

(*) قولاق دکل صبانک اوجهتی قولاق فرض اولنیور .

شبهه یوقدر انك ایچون قولاق او یولده یاپلمشدر.
از درین سورمکده قولاقلرک شکلنه اهیت ویرلر
ایسه ده ۲۰ — ۲۵ وخصوصیه ۳۰ — ۴۰ پارمق درین
قازیله حق طوپراقلرده حلزونی بر قولاق طوپراقدن سهولته
چیقاریله من انك ایچون او یولده قولاق یالکر سطحی واشبو
دوز قولاق ایسه درین سورمکده قوللانیلور:

قوللری صبانك صول جهتنده اولوب — م — برنجیسی اولك استقا.
متیله دوز وایکنجیسی — م — آندن ۵۰ پارمق صاپه اوزاقده در
چفتجی دائماً سورلمیان قتی طوپراق اوزرنده یوریه رك زحمتسر
صبانی اداره ایدر خصوصیه ۲۰ — ۲۵ پارمق درین اولك
آچار ایسه قوللری الویره جك قدر یوقاری قالدیرر فقط ۳۵
پارمقدن زیاده اولك آچه حق اولور ایسه اوحالده قوللری
۱۵ پارمق یوکسك طومتق لازم کلور .

اکثریا شوایکی قات حضریات ایچون قره صبان یرینه شمیدیکی
ذکر ایندی کمز آرایجی صبان استعمال اولنور بوسبان قولاقسر
غایت بیوک برصبندر طوپراغك آلتی اولکی صبان کی قازوب
ایختلیدیکی حالده یرنده براقوب یوزه چیقارمن صبان ایله
۲۰ پارمق درین طوپراق دویرلدکن صوکره ۱۵ پارمق قالین
بر طبقه سی اشبو آرایجی صبان ایله ایختلیدیلور اگر آرایجی
یرینه قولاقلی استعمال اولنه حق ایسه دها زیاده قوت ایستر
بونی چکمك ایچون ایسه ایکی بیکیر الویرر فقط بیکیرلری

نوبته قوشمق یعنی برکون قولاقلی صباه قوشیلانلری ایرتهسی قولاقسز و قولاقسزه قوشیلانلری فرداسی قولاقلی صباه قوشوب قوتلرینی موازنتده طومتق اقتضا ایدر .

کوبره قونیلان بر اولکده ایکی صبان ایشلدیلور ایسه کوبره یی ویرن آدم برنجی صبانک آرقه سنده وایکنجینک اوکنده بولنورکه یایدینی کوبره اولکک دینده قالمیوب ایکی طوپراق آراسنده بولنور اگر بر صبان ایله برده آرایجی قولاقسز صبان استعمال اولنور ایسه کوبره یی ویرن عمله قولاقسز صبانک آرقه سندن کلور .

سطحی خفیف یعنی صیرت قازمه — خفیف قازمه طوپراغی یالکز ۸ - ۱۰ پارمق درین سورمه دیرلرکه استعمالی اکثریا متروک ترلارده بولنان فنا ومضر اولتری محو ایتک و تخم اکزدن اول ترلارده کوبره کومک ایچوندن بویله خفیف قازمه لر (۷۶ , ۶۲) شکلرده کوستریلان صبانلردن بشقه مؤخرأ یاییلان بودوئن صبانی ایله دخی (۸۱) یاییلور بودوئن صبانی دومبازل صبانک (۷۶) عینی ایسه ده اک ودرینلکی تصحیح وتعیین ایچون بودوئن صبانک برطاق علاوله لری واردر .

طوپراق تزکیرینک اکی دائماً قازیشک درینلکنه تابعدر طوپرا. غی ایوجه قازمقدن مقصد تزکیری کافی درجه ده تدویر وفنا ومضر اولتری محو وتلف ایتکدن عبارت اولدیغندن بولنری لایقيله اجرا ایتک ایچون تزکیری اويله بر میل ایله بربری اوزرینه

صره واری دویرملیدرکه (شکل ۸۸) طوپراغک یوزیله ۴۵ درجه برزاویه تشکیل ایلسون یعنی ایکنجی صره تزک کناری برنجی



(شکل ۸۸)

صره تزک همان اورته سنه کلوب التی نسخه واری بوش قالسون
ج - ایمی دی تزک اکی درینلکنک نصفی قدر اولور ایسه
تزکرا الویره جک قدر یاتریله مز همان دیک طورر - ا - بالعکس
اکی درینلکنک ایکی یاخود اوچ مثلی اولدیغنده تکمیلآ یاتوب
دوز قالور - ب - شوایکی اختلاف میاننده تعیین اولنان نسبت
نظراً تزک درینلکی مثلاً ۱۸ پارمق ایسه اکی ۳۷ پارمق اولسی
لازمدرکه کافی درجه ده یآسون .

مع مافیه برصان ایله دفعه درین یعنی ۴۰ پارمق درین
قازیلان طوپراغک تزکری طار چقارملیدر زیرا ۴۰
پارمق درین و ۶۰ پارمق اکی چقاریلان تزک هم کوچ
دویرلور وهمده سورکی ایله کوچ اینجلور بویله تزکراک اکی
درینلکنک درت مثلی اولمی وقتی کیلی طوپراقلر دائماً بویولده
قازملیدر یعنی اکی وقالینغی بونست اوزرینه یاپلمیدر چونکه
طوپراق نه قدر زیاده پارچه لره تقسیم اولنور ایسه اودرجه
سهولته اینجلور کرچه زیاده حیوان استخدا منه وفضله مصرفه
محتاج ایسه ده طوپراق لایقیله قازیلوب اینجلمش اولور .

بوقدر تفصیلاته کیرشمکدن غرض چابوق وسهولتله ایش کورن یکی ایجاد صبانلرک اداره واستعمالی تعریف ایله محسناتی نظری اکلاتمقدر ایولکنک حقیقتی ایسه ماهر ایشکذار چفتجینک النده بللو اولور . چونکه آلت اوآلت طوپراق اوطوپراقدر اوروپالیلر قوللانوب یوزندن بونجه استفاده ایدرلر ایکن بزم ذکی چفتجیلریمز نیچون قوللانسونلر.

هرکسه معلومدرکه هنوز اداره واستعمالنه ایشلامامش برشیده ایلك اول عجمیلکدن طولایی کوچلک کوریلور وانسان مشکل کورینان برایشک نهایتنه وارمقده نهقدر غیرت واصرار ایدر ایسه اورتبهده مقصده ظفر بولور آنک ایچون بویله شیلرده ایلك اول کوریلان مشکلاتی شو تعریفاتمزه دقت ایله تصحیح ایلر وایلروسنه وارمقده اهل اولغز ایسه چونکه خلقمزک درکار اولان ذکات فطریه لرینه نظراً بومثللو یکی ایجاد شیلری اعمال واستعمالده سریعاً ملکه ومهارت قزانه جقارنده وموجدلرندن زیاده اوسته لقلرینی کوستره جکلرنده شبهه یوقدر . .

تزکرك درجه میلی . اکثر چفتجیلر تزکری کرک دیک وکرک دوز برحالده تدویر و ترک ایدرلر ایسه ده قازیشدن مقصد طوپراغک اجزاسنی تفریق ایله هوالندیرمق وضررلی اوتلری کوکلریله برابر محو ایتمکدن عبارت اولسنه نظراً هر برترکی ۴۵ درجه میل (۸۸ ج) ایله دور ایتک لازمکلور بویله میلی تزکرك اینیش وچقندیلری وارالقلری دیک ودوز تزکی


حفریاتدن زیاده طوپراغی ایوجہ هوالندیره جنی کبی سورکی عملیاتنی ونباتات مضره نك اخراج واتلافنی تسهیل ایدر .

بویله قازمقده ایسه مضر فدانلرک اکثریسی تزکدرک التده قالب طوپراغک تضییقله تلف اولور واوزرنده بولنانلر سورکی ایله اخراج اولنهرق کونش وطوکه ترک اولنور عکسی حالنده یبائی اوتلر تمامیله تلف اولمه جغندن یکیدن اوپانور .

صبان اولکلرینک طوغریلنی . بواولکلر فضلہ صولری سهولتله آقق ایچون یرک میلنه طوغری متوازیاً آچیلور فقط یری پک بایرایسه دیگر اصوللره مراجعت اولنور. بایر یرلری سورمکده باشلیجه اوچ یول واردرکه ۱ . اولکلری طوپراغک بایر جهتله طوغری آچقدن عبارتدر حالبوکه بویولده حیوانلر سهولتله ایش کورر یعنی یوقاریدن اشاغی قولایجه اینزلر ایسه ده آشاغیدن یوقاری پک کوچ چقارلر دیگر طرفدن اینجه طوپراق وکوبره شدتلی یاغمورلرایله اشاغی آقوب ترلانک الت باشنده بریکور .

۲ . اولکلری بایر جهتدن دکل یاک طرفدن آچقدرکه بونده دخی برطاقم اویغونسزلقلر وقوعبولور چونکه بایر جهتله آچیلان اولکلرک طوپراغنی صبان سهولتله صولدن صاغه یاترر ایسه ده یاک طرفدن آچیله حق اولکک طوپراغنی میلک عکسی یعنی یوقوش جهتله دویر مکده مشکلات چکدکدن بشقه دویریلان طوپراغک تکرار اچلیدنی اولکه دوشمسی دخی متحملدر .


شوايکي مشكلاتدن قورتلماق ايجون برنوع تکرلکلی صبان
ایجاد اولمشدرکه تزکلی کرک صولدن صاغه وکرک صاغدن
صوله بلا فرق تدویر ایدوب هم کیدر وهم کلور ایکن تزکلی
یالکز یرک استقامتی جهته طویلانور (شکل ۸۹) شکله



(شکل ۸۹)


کوستریلان صبان بو یولده یاپیلان صبانلرک اک اوسیدر .
بوصبانده اویناق برقطعه وارددرکه یالکز باشنه صبان تیموری
قولاق وکسی خدمتی کورر ایشه بوقطعه طوپراغک دور
ایدیلهجکی طرفه چویرلدکده صبانک کرک کیدیشنده وکرک
عودتنده تزکلی طوپراغک میلنک عکسی جهته بریکور
وتکرلکلی دخی طوپراغک شیوینه کوره بری اشاغی دیکری
یوقاری قالدیریلور. بوندن ماعدا برچوق تکرلکسز عادی صبانلر
میاننده (دفور)ک ایجاد ایلدیکی سیوری جهتلری یکدیگرینه
معکوس قولاق وکسیله برابر ایکی تیمورلی (شکل ۹۰) صبان وارددر
کدیک برمحور اوزرنده دوندریلور و دایما اوکده بولنور ایشلیهجکی

زمان صبان تیمورینک مرکزی ایندیریلوب طور دیریله جنی
زمان قالدیریلور بوسبان آچوب چیقاردینی اولکی کسکی بایر
طرفه دور ایدر عودتنده دخی ینه اوجهته یاترر .



(شکل ۹۰)

ایشته بوسبانلر واسطه سیله بایر یرلرک میلنجه اولان محذور
مندفع اولور ایسه ده طوپراق یاندن قازلدیجه طوپراغی دائماً
بایر جهته یاتردیغیچون کیت کیده ترلانک اک یوکسک موقعلر .
نده بولنان طوپراقلر آشاغیده بریکه جکندن آز مدت ظرفنده
ترلانک یوکسک طرفلرنده منبت طوپراقدن اثر قالمز فقط



(شکل ۹۱)

صاغدن صوله اولکلر منحرف یعنی ورو (شکل ۹۱) آچیلور ایسه

شومحذور مندفع اولور فقط بويله بايروديك ترلار پك ككيش
دكل ايسه اك ايوسى چتال وكورك بل ايله قازمقدر چونكه
يوقاريدنه ذكر اولنان ايكي صبانك ادارهسى وكوتروب كتور-
لمسى كوج اولور همده مطلوب وجهله طوپراق قازيله مز .

طوپراق حفرينه مناسب وقتلر — خفيف اولان وصولرى
سهولته صوران طوپراقلر هر موسمه قازيله بيلور ايسه ده
سائر طوپراقلر هر وقت قازيله مز زياده ياش اولدينى وقت
چامورلى صبانك تيمور وقولاقلرينه ياشور وبعضاً صيق صيق
تزكدر حالنده قوريدينى وقت طاش كبي اولوب اوزرنده انسان
وحيوان كزمسيله ده زياده پكلشور بالعكس زياده قورى اولد-
يغنده قازمق ممكن اولسه بيله ايرى ايرى قى تزكدره منقسم
اولور كه سوركى ايله اوفالتمق ممكن اوله ماز .

ايمدى بويله طوپراقلى قازه حق مناسب وقت ياغمورلر
ايله الويره جك قدر رطوبتلنديكى وقتدر .

صوغوق يرلرده قوتلى طوپراقلى قيشين سورمك ممكن
اوليه جنى كبي صوك بهارده كيچ بر اقلسمى دخى مضرتدن خالى
دكلدر بالعكس اول بهارده بو مثللو طوپراقلر كافيجه قوريدينغه
طاوينى كوزه دوب قازمق لازمكلور پك قورينجه فوق العاده
سرت و غليظ اولوب صبان تيمورلرينه چوق زور ويرر
وچويريلان تزكدر همان طاش كبي اوله جغندن اك سرت سوركيلر
ايله دخى اينجلايله مز بناء عليه بويله طوپراقلر كه نه زياده رطوبتلى
ونده زياده قورى اولدينى وقتى انتخاب والتزام ايدوب

در حال قازلق ووقتی كچورمك اقتضا ايدر .
معتدل وصیجاق یرلرده مناسبسز و قتلرده ایشلیدیلان
صبا نلرا کثراً طوپراغی اضرار ایدرسبی غایت صیجاق طوپراق
قازلدینی وقت اوزرینه اینجه ودرینجه یا غمور یا غدیغنده بللو اولور
که طوپراغك یوزنده بر طاقم مضر اوتلر مثلاً پاپادیه کنجك اوتی
کبی اوتلر بلوروب سریعاً چوغالور واز مدت ظرفنده طوپراغی
اولدرجه ضعیفلدر که کله جك سنه اکیلان اکیئر یشیل قالب
بشاق باغلایه مز .

طوپراق قازمه نك و قتلری - عملیات حفریه تخالف اقلیمه
کوره مختلفدر فقط ممالکمزك اکثر محلنده صوك بهارك ایلک
یا غمور لرندن کانون اوله قدر قازیلور زیرا کونش بو و قتلردن
تایازه قدر دائماً طوغریدن طوپراغه نفوذ ایدوب زیاده فیض
و برکت ویرر طوپراغك ایری تزکرینی دخی اینجلدر .

یازین طوپراق ایکی مقصد ایچون قازیلور اولاتیز یتشان
محصولی آلدقن صوکره طوپراقلری در عقب بشقه تخم اتمک
ایچون حاضر لامق ثانیاً مضر اوتلری دفع و اخراج ایلمکدر
آنک ایچون مذکور اوتلر چیچك آچوب تخم باغلامزدن اول
قازلق لازمدر .

حفرك عددی - حفرك عددی اسباب مختلفه دن طولایی
تخلف ایدر اسباب مذکوره قازمقدن منتظر اولان مقصد ایله
طوپراغك جنس وطبیعی و قازمزدن اول یا خود صوکره
حادثات سماویه نك اجرا ایلدیکی تأثیردر .

نطسار لایقیله طوپراغی متفرق اولوب جوھوانك تأثیراته مظهر وفتا ومضر اوتلرك كوك وفسلزلی كاملاً تلف اولمق ایچون زیاده ومتعاقباً قازلمق ایستراکثر محللرده بومثللو نطساری برسنه ظرفنده ۴ و ۵ کره قازارلر .

فن زراعت ایلرولیان یرلرده هر نه قدر ترلارلر بوش وخالی بر اقلمدینی جهته نطس یانغه حاجت قالمز ایسه ده بر چوق نباتات خسیسه نك استیعاب ایلدیکی ترلاری بر قاچ دفعه قازوب اوتلرینی وسنین کوكلرینی كاملاً اخراجه میدان قالمق ایچون اکثراً برسنه خالیة نطس یاپیلور .

زیاده کیلی طوپراقلر دائماً سرت ویوغون اولدیغندن طوپراغك اجزاسی ایوجه اوفاتمق ایچون چوق قازلمغه محتاجدر بالعکس یوقاریده بیان اولندینی وجهله قوملی خفیف طوپراقلرك اجزاسی بری برینه اوقدر یاشق اولیوب سهولته آیريله جفندن دفعاتله قازمغه حاجت اولمدینی کی پك بایر اولان یرلری دخی چوق قازمغه لزوم یوقدر چونکه هر قازدقچه طوپراغی یوقاریدن آشاغی آقوب کیت کیده ته سی غیر منبت طوپراقدن عبارت قالور .

کذلک حادثات سماویه نك دخی قازیلان طوپراقلره بیوک تأثیری واردرکه بعضاً طوپراغی طبیعتیه تفریق وتخفیف ایدوب چوق قازمغه حاجت براقز مثلاً کیلی طوپراقلر صوك بهارده قازیلوبده قیش یاغمورلی اولمدینی حالدہ تکرار چوق قازمق ایستر زیراقیشك طوکندن اولدرجه خفیفلنورکه اول بهارده بریا یکی .

سورکی کفایت ایدر؛ اگر قیش ایچنده متعاقباً کثرتله یاغمورلر
یاغار ایسه کوزین قازیلوب ایخچلدلش طوپراغی اولقدر
پکشدیررکه اکمزدن اول چفتجی بی یکیدن قازمغه مجبور ایلر .
اکیله جک نباتاتک نشو وغماسی مطلقاً بر نوع طوپراغه
محتاج اولمامسنه نظراً بعض طوپراقلر بر قاج کره و بعضیسی
آز قازیلور فی الواقع بعض فدانلر فوق العاده ایخچلدلش طوپراقدن
و بعضیسی دخی قاتیجه اولان یرلردن حظ ایدر .

بناءً علیه خفیف واینجه طوپراقلر سرت و غلیظ طوپراقلر
قدر درین قازیلور ایسه ایو اولماز بوندن بشقه اولکی سنه قاج
دفعه ونه قدر درین قازلدینی ملاحظه دن اوزاق طوتلما ملیدر
زیرا بعض وقت اولکی سنه قازیلان طوپراقلرک کله جک سنه
حاصلاتسنده دخی تأثیری حس اولتور مثلاً اولکی سنه پتاته
اکیلان بر ترلرلرک اولجه قازلمسندن وفدانلر یتشدکجه اوریلان
چاپه لردن طوپراق کافی درجه ده خفیفلندکدن بشقه فنا ومضر
اوتلرک اتلافه دخی سبب اوله جغه مبنی اویله طوپراقلرک قاج
دفعه قازلمسی لازمکله جکنی دخی حسابه قاتمق اقتضا ایدر .

التنجی کتاب تطہیر تراب بیانندہ در

طوپراق سورلدکدن صوکرہ ایدیلہجک خدمت سورکی
ومردانہ (یوارلاق) چکمک تخم امکک چاپہ وتپہلمکدن
(طولدیرمقدن) عبارتدرکہ تخم زرعی خصوصی بشقہ کتابدہ
ذکر ایدوب بورادہ سورکی مردانہ چاپہ وتپہلہ عملیاتنک نہ
وقت قاج دفعہ یایلمق اقتضا ایدہجکنی بیلدیرہجکر .

برنجی فصل سورکی

علی العموم طوپراق سورلدکدن صوکرہ ایدیلہجک خدمت
سورکی چکمکدر سورکی آئیدہ بیان اولنان اوچ سبب ضروری
اوزرینہ ایجاب ایدر برنجیسی طوپراغی اینجلدوب تسویہ
ایتمکدرکہ صبانک خدمتی بوسورکی اکمال ایلر ایکنجیسی صابندن
صوکرہ طوپراقدہ بولنان سنین نباتات کوکلرینی چیقارمق
اوچنجیسی تخمیری اقتضا ایدن درینلکدہ اورتوب بردوزی یہ
طوپراغہ یایمقدر بورادہ اولکی ایکی سبیدن بحث ایدوب
اوچنجیسی تخم زرعی کتابندہ تفصیل اولنہجقدر .

طوپراغی قیروب اینجلمکک ایچون صبان ایزی استقامتندہ
ویاعکسنہ وبعضاً خاچواری سورکی چکیلور احتیاجہ واقتضاسنہ

کوره بواوج نوع سورکینک قنغیسی فائده لی کورینور ایسه اوصورتله استعمال اولنور .

اڤ آز تأثیرلی سورکی صبانک ایزینه طوغری چکیلان سورکیدر بواصول خفیف وسهولتله انجلور طوپراقلرده استعمال اولنور یان طرفدن چکیلان دهها تأثیرلی ایسه ده چاپراز سورکی اڤ ایوسیدر زیرا هیچ برطوپراق کسکی خارجده براقز بویولده سورکی قی وسرت اولان وکوج اینجلان طوپراقلرده قوللانیلور .

سوریهلجک سورکینک عددینه کلنجه محصولک احتیاجی ایله طوپراغک سرت ویومشاقلغنه کوره یاپیلور سرت طوپراقلر خفیف طوپراقلردن زیاده سورکی ایستر زیرا سرت طوپراقلرک تزکلی قوریدقجه اول درجه سرتلشورکه ایلك سورکینک قطعاً تأثیری اولمز .

طوپراغک قوری ویش اولسنک دخی خیلی دخلی واردر خصوصیه کیلی طوپراقلرده سورکی چکیلور ایکن بیوک دقت ایستر چونکه طوپراق پک یاش اولور ایسه تزکلی سورکی التدن قایار وبالعکس پک قوری ایسه سورکییه مقاومت ایدرک اینجلمز .

سورکی صبانک چقاردینی سنین نباتات کوکلرندن طوپراغی تمیزلک ایچون دخی استعمال اولنور بویولده کی سورکیلرک اڤ مناسی دکر می سورکیدر زیرا بویینه واکنه چکیلور ایسه کوکلر سهولتله سورکینک دیشلرینه صاپلانیلور .

سورکی — اکثر یرلرده استعمال اولنان سورکیلر اطرافی درت آغاجدن عبارت برچرچیوه واورتهسی چبوق ایله جیت کبی اوریلی اولوب اقتضاسی قدر آغیرلق ویرمک ایچون اورتهسنه طاش ویاسائر برشی قویهرق قازیلان ترلانیك برباشندن دیکر باشنه چکیلور کرچه قومسال طوپراقلرده ایشه یرایه بیلور ایسه ده سرت طوپراقلرده کسکلری لایقیله اوفالده مز بوسورکی ایله تسویه اولنان ترلارلك تخملرنده خیلی ضایعات اولور چونکه کسکلر لایقیله اوفالده یغندن دانه لرك بعضیسی آچیقده قالب تفیض ایده مز واکثریده یری کسک التنده قالب چیملنه مز بوسورکی یالکز قومسال طوپراقلری سورکیله مکده وخفیف طوپراقله اکیلان تخملری اورتمکده قوللانیله بیلور .

اوروپاده استعمال اولنان بعض سورکیلر دخی کرچه آغاجدن معمول دوز برچرچیوه دن عبارت ایسه ده التلرنده کرك آغاجدن وکرك تیموردن مختلف بوی وقوتده برچوق دیشلر اولوب لزومنه کوره ایلرویه طوغری اکری بعضا دوز یوارلاق وبعضاً دخی صبان تیموری اوجی کبی کسکین سیوری اولور وبرطاقی دخی تکرلکی اولدیغندن حیوان قوشیلوب چکیلور .

سورکینک شکل وقوتی طوپراغک حال وطبیعتنه یعنی طوپراغک یوزی دوز یاخود اکری بوکری اولمسنه ومطلوب اولان نتیجه لره کوره مختلفدر هر حالده سورکیلر آتی الذکر اساس اوزرینه اعمال اولنور اولادیشلری بری برندن اوزاقچه

اولمليدركه آرالرنده طوپراق بريكمسون ثانياً ديشلری بری
ديكرندن متساوی مسافهده بولنسون ثالثاً خطلری بربرينه
مساوی اولق اوزره ديشلر صره ايله منتظماً ديزلمش اولسون .
اکثریا اوج گوشهلی سورکيلرده بوسوك شكله دقت اولنمز
بونك اوجنجی صره ديشلری برنجی صره ديشلرينك حذا .
سندن کچوب بوحالده اوجنجی صره ديشلرينك برطاقی فائدهسز
قالور زیرا برنجی صره نك قالدیردینی تزکله خرده لشمش یا خود
برکناره آلمش اوله جغندن صوکره کی صره لرك ديشلری انلره
یتشه مز بواویغونسزلق اکثریا درت گوشهلی سورکيلرده دخی
بولنور .


درت گوشهلی سورکيلرك شواویغونسزلفی ایپ ویا زنجیری
اورته سندن باغلانموب براز یان طرفدن طاقيله رق اگریمجه
چکمه کله مندفع اولور ایسه ده شو حالده دخی سورکينك یالکز
برکوشه سنك تضیق ایتدیکی طوپراق ديكرندن آز ازیلمش
اوله جغندن او طوپراق اوزرینه بردها سورکی چکمك
ایجاب ایدر که بوده خدمتی چوغالتمق ديمك اولور .

برشکلده اولان سورکيلر دخی قوتلری جهتیله ایکی یه ایریلور
که بری کوچك و دیگرى بیوکدر کوچك سورکی علی العموم
غایت خفیف اولوب ديشلری تحتهدن معمولدر بو سورکی
خفیف طوپراقلرده استعمال اولنور کوچك سورکی اینجلمش
فقط هنوز اوافق تزکله ايله قاریشق قتی طوپراقلرده دخی
قوللانیله بیلور بو حالده سورکی مدور صورتده وچابوق

سوریلورکه سرعتله چارپشمی آغیرلنک آزلقی بللو ایتمز یعنی سرعتی آغیرلنک نقصانی اکال ایدر اگر زیاده تأثیر ایتماسی مطلوب ایسه حیوانلر سورکینک عکسی جهته قوشیلور بهاسی ۹۰ غروشددر .

بیوک سورکی قوی کراسته ایله تیمور دیشلردن مرتبدر بو دیشلر درت کوشه‌لی یاخود صبان تیموری کبی سیوری اولوب هربری برر اوقه کلور یکی اچهلرده اوتلری سوکوب چیقارمق و صبان سورلدکن صوکره قتی وسرت تزکلری اینجلمک ایچون استعمال اولنور .

آز جوق دوز طوپراقلر ایچون ایجاد اولنان سورکیلردن



(شکل ۹۲) والفورک آری سورکیسی
استعمالی توصیه ایده جکمز سورکی (شکل ۹۲ و ۹۳) شکلرده

کوستریلان اکری و تیمور دیشی بیوک سورکیدر .
بوسورکینک اکی بوی برآرشون ۱۶ و اوقی اوزرنده کی




(شکل ۹۳) والقورک سورکینک یاندن کورشی

دیشلری بری برندن ۲۶ پارمق اوزاقدر بیکیرلر سورکینک ایکی کنار چبوقلرینه باغلی بر زنجیره فقط اکری حرکت ایتمک ایچون یان طرفه قوشیلورکه دیشلریله صبان ایزلرینی بردوزی یه چیزار و طوپراغک یوزنده تسویه ایتمک یر براقز وایکی - ۱ - چبوقلری کوشه دن کوشه یه ربط اولنور ایسه استقامته طوغری حرکت ایدر بوسورکی دیشلری تیموردن معمول دیدیکمز درت کوشه لی بیوک سورکیدر .

(۹۳ ج) شکله ایکی کوشه لرینه مربوط کر تکی ایکی چنکل آز چوق دیشلرک کسکلره صاپلانلرینه خدمت ایدر بونکده بهاسی ۴۵۰ غروشدور .

اشبو عادی سورکی هم اک کوچ و همده اک آز قوته محتاج اولان سورکیلرک ایشنی کورر اکثرا وقت قزانق یعنی ایشی چابوق بتورمک ایچون برقاچ سورکی بی بری برینه باغلا یوب قوللانورلرکه تعریف ایلدیکمز اشبو سورکی بوخصوصه پک ایوکلور . (شکل ۹۴)


فقط صوکره دن ایجاد اولنان تکرلکی سورکیلر بونلری



(شکل ۹۴)

اهمیتدن دوشوریور
چونکه اشبو تکرلکی
سورکیلر طویراغه
اولکیلردن دها زیاده
تأثیر ایدیور بونلرک اک
ایوسی (شکل ۹۵) سوچ
سورکیسیدر .

بوسورکی بری دیکرینک آرقه سنده برحزاده موضوع





(شکل ۹۵) سوچ سورکیسی

اوج صره دیشلی محورلردن عبارت اولوب حرکتده دیشلری
بری برینک آراسندن دوزر هر محوری دخی یکدیکنرندن ایری
خلقهلری وهر بری ۱۲ - ۱۸ پارمق اوزون یکپاره دوکمدن
معمول یلدز واری دیشلردن مرکبدر .

سورکی بی یوکلنان اوج تکرلکک دینکللری متحرک اولوب
قلاغوز بونلرک آرقه سنده بولنان (مانیولای) قولنی صاغه

یا صوله چویررک سورکی بی طوپراقدن ۸ - ۱۰ پارمق یوقاری چیقارمق ایچون تکرلکری ایندیره بیلهجکی کبی قوتی سیلندر یعنی دیرکینک اوزرینه کوتروب خلقه لرینه قدر طوپراغه صابلا ندیرمق ایچون ینه بوقول واسطه سیله تکرلکری قالدیره بیلور .

طوپراغی قبا قبا تزک کبی سوریلان ترلارده بوکبی بیوک سورکی استعمال اولنهمیه جفندن او یله یرلرده (شکل ۹۶، ۹۷) شکللرده کوستردیکمز سورکیلر استعمال اولنور .



(شکل ۹۶) یایواری سورکی (شکل ۹۷) ایکی قاتلی یایواری سورکی

ایکنجی فصل مردانه { یوارلاق }

مردانه تزکری اینجلمک ایچون صبانک کوردیکی خدمتی اکمال ایدر بر یوارلاقدر سورکینک اینجلدهمدیکی تزکری قیروب اینجلمک یاخود بونلری ازوب ایکنجی سورکیده سهولته طاغتمق وایلك بهارده دخی طوکدن کوشه مش کوکلی صیقشدیرمق و تخم اکدکدن صوکره طوپراغی اوتورتمق


وطوپراغك يوزنده بولسان مضر بوجكلى ازمك ايجون استعمال اولتور .

طوپراغى بو صورتله باصديرمهك دركار اولان محسانتى جوباتانواعك اصول زرعى بختنده تفصيل ايده جكمزدن بوراده يالكز طوپراغك منبت طبقه سنى اينجلمك ايجون اقتضا ايدن عملياتى ذكر ايله اكتفا ايدرز .

مردانهك اكثر يا قى وكيلى طوپراقلرده فائده سى كوريلور چونكه بو طوپراقلرك قى تزكلىنى مردانه ايله ازمكجه سوركى ايله اينجلمك كوج اولور انك ايجوندر كه بزده مردانه استعمال اولنديغدن اومثللو سرت طوپراقلرى سوركى اوفالده ميوب ايرى ترك ترك قاليور وبزم عادتمزجه قازيلوب تسويه كورمش اولان ترلنك انسان بيله كزهميهك درجه ده يوزى اكرى بوكرى اوليور فقط طوپراق چوق ياش اولور ايسه مردانهك اصلا فائده سى اولمز زيرا تزكلى يا مردانه يه ياييشور يا خود ازيلوب ياصيلانور كه شو حالده فائده دكل بلكه مضرتى كوريلور . قى وقوتلى طوپراقلى بر ترلايى صبان ايله سوروب اوزرينه بر سوركى چكدكن صوكره مردانه كزديروب تكار سوركىلمك مردانه كزديررك تزكلى ازمكسزين ايكي يا اوچ صبان ايله متعدد سوركى چكمكدن ايودر .

غايه كوچك تزكلى سوريلان طوپراقلر ايلك ياغور سولرىنى سهولته چكه جكدن وخفيف طوپراقلرك تزكلى ايسه ايلك سوركى ايله تماميله اينجلوب مردانه يه احتياجى

اولمديغندن تکرار سورکی و مردانه چکمه حاجت یوقدر.
مردانه اکثریا سرت اغاجدن یاپیلوب ایپ ویا قوللریله
حیوانه چکدیریلور (شکل ۹۸-۹۹) مردانه نك بوی و چوره سی



(قطری) مختلفدر

اکثر یا چوره سی

بیوک بوی کوچک

یاییلورکه تأثیری

زیاده اولور لکن


علی العموم استعمال

اولنان مردانه لرك

(شکل ۹۸) عادی مردانه

بویلی چوره لرندن

اوزوندر ۳۳ پارمق چوره لی و ۲ آرشون بویلی مردانه لرك
سرت طوپراقلره اوقدر تأثیری اوله من سرت طوپراقلر ایچون



(شکل ۹۹) مردانه نك یاندن کورشی

استعمال اوله جق مردانه لرك بوی بر آرشون و چوره سی

۴۰ - ۵۰ پارمق اولمیدر واقعا بویله بوی قیصه مردانه یی

استعمالده زحمت چکیلور ایسه ده فائده سی اونسبتده زیاده


اولور بهاسی ۳۶۰ غروشددر .

بعضاً ۲۷ پارمق قطرنده و بر آرشون طولنده طاشدن

مردانه استعمال ایدرلرکه تأثیری اوزون اغاج مردانه لردن ده‌ها زیاده وده‌ها کوزل اولور .

دیشسر دوز مردانه لر قوری تزکی سرت طوپراقلره چکیلور ایسه اوقدر تأثیری اولیه جفندن آنک یرینه دیشلی یاخود دائره‌لی مردانه لر استعمال ایدرلرکه بودیش و دائره‌لر هر تزکی ازوب طاغیدر .

دیشلی مردانه لرك اك اعلاسی (شكل ۱۰۰) شكلده کوستریلان



(شکل ۱۰۰)


مردانه اولوب یالکز قا.
صه‌سی اغاجدن وماعدا.
سی دوکمه تیموردندر
۹۰۰ غروشه آنور .

دائره‌لی مردانه لرك
ایوسی دخی (شكل ۱۰۱)
شكلده کوستریلان
مردانه اولوب اولکی

کچی بوده دوکمه تیموردن یالکز قاصه و اوقلری اغاجدندر
۲۵۰ اوقه کلور فیائی ۸۰۰ غروشدر بومردانه تزکلری
هم قیرار و همده کسر .


برده (شكل ۱۰۲) قروسکیل دنیلان مردانه واردرکه بردینکل
اوزرنده دونر ۲۱ عدد دوکمه دائره واری دیشلزدن عبارتدر
بودیشلرک ۱۰ عددی ۶۰ و ۱۱ عددی ۶۷ پازمق چوره‌لی
و ۱ آرشون ۶ پازمق بویلدر اغیرلنی ۱۰۰۰ قیه‌یه وارر فیائی

۱۳۵۰ غروشدرو بونك تأثیری جله‌سندن زیاده ایسه‌ده ایری ایری



(شکل ۱۰۱)

تزك شكلنده سوریلان ترلارده استعمال اولنه‌مز چونكه صبانك




(شکل ۱۰۲)

ایزی طوغریلغنه‌کر دیرلسه یالکز تزكلك تبه‌لری اوزرنده حرکت
ایدریان جه‌تدن سورکلندیکی حالده دخی تزكلك بری الجاق دیکری
یوکسک اولدیغندن حرکتنده حیوانلری پک زیاده یورار حاصلی
ایری تزکلی ترلاره کلز .

بویله ترلارده آشاغیده (شکل ۱۰۳) کوستریلان مردانه‌نك
استعمالنی توصیه ایدرلرکه دیرسکلی تیمور ییدن ودلیکلی طاشلردن
عبارت اغاج قاصه کیدر اوجلرینه ایکی بیکر قوشیلوب صبان

اولکی حداسنده چکیلور طوپراغک طبیعتنه کوره فیائی مختلفدر



(شکل ۱۰۳)

قی یرلر ایچون ۱۲ خفیف طوپراقلر ایچون ۸ غروشه آنلور.

اوجنجی فصل چایه

تخم اکدکن صوکره طوپراغک خفیفلکنی بحافظه ایله برابر ییائی ومضر اوتلردن تطهیر ایچون ایدیهلجک خدمت چایهلمه در هر مملکتک کوچک چفتجی وباغچوانلری یوزلرجه سنه لردنبروترا وبستانلرینی چایهلمه دن بیوک فائده کورمکده درلر کوی وچفتلکلرده اوللری چایه خدمتی یوغیکن کوندن کونه فائده سی اکلاشیلوب یاپلمغه باشلانمش واولا یالکز اوافق تفک نباتات چایه لنور ایکن الیوم کافه مزروعات ایچون همان عموملمشکم یوزینی طومتشدر .

صبان وادوات سائرهنک طوپراقلری قازوب خفیفلمسی موقت بر خدمت اولدیغندن یواش یواش طوپراق قتیلاشوب اولکی حالنی بولور .

کرچه طوپراغک آلت طبقه سی صولرک سوزلمسنه وکولرک

اوزاشمسه مساعده ايده جك صورتده بر قاچ سنه خفيفلكنى
محافظه ايلديكنه كرىمه لر شهادت ايدر ايسه ده يوزده بولان
بلبلقه سطحه سى دائما هوانك تاثيرى آلتنده قالدیغدن كوش
وياغورلر ايله از چوق قالین سرت بر قبوق پيدا ايدر يعنى
قايماقلانور كه بوندن نه هوا ونه دهه صو كچه بيلور .

بو قبوغك تازه وكنج فدانلره مضرتى هر كسك معلوميدر
شو مضرتى دفع ايجون بو قبوغك پيدا اولسنه ميدان ويرمامك
ياخود مضرت ايتزدن اول قيرمق لازمدر كه بوده انجق
چاپه له ايله حاصل اولور .

چاپه نك بو خصوصده كى فوائد و محسناتى تقدير ايده میان
بعض چفتجیلر طور اراغك يوزى خفيف براقيلور ايسه التنده كى
ياشلق غائب اولور ادعاسنده بولنه رق چاپه نك فائده دن زياده
مضرتى اولديغنى درميان ایدیورلر كه پك بيوك خطاده
بوليورلر چونكه چاپه له رطوبتك تجرىنى تسريع دكل بالعكس
تاخير ايدر طور اراغك يوزى نه قدر سرت وقتى ايسه كوش
وهوا او قدر زياده تاثير ايدوب قوريدر بونك سبب و حكمتى
تفصيل ايدلم .

كوشك شدت تاثيرى ايله ياغورلر طور اراقده براقدینى
رطوبت يواش يواش تجرايدوب يعنى بوغولانوب هوايه طاغیلور
طور اراغك طوغريدن طوغرى يه هوايه كو كس ویرن يوزى اول
باول قوريوب غائب ایلدیكى رطوبتى چونكه طور اراغك اجزاسى
برى برینه ياشق اولدیغدن الت طرفده بولان طبقه دن والت

طبقه دخی دها آشاغیده کی طبقه دن الوب موم قیل یاغی ایشیکه
چکر کبی رطوبتی یوزه چکرک کیت کیده طوبراغک ایچیده
یاشلقدن اثر براقرز .

فقط طوبراق و قتیله وایوجه چاپه نور ایسه یوزده کی
طبقه نک اجزاسی التنده کی طوبراق طبقه سنه یاشمقدن قورتا.
رلش اوله جغندن رطوبتی یوزه چکمکه و تخرایتمکه اقتداری قالمز
انک ایچون چاپهله رطوبتی ضایع ایتیموب بالعکس طوبراقده
حفظ ووقایت ایدر .

بناءً علیه یاغمورک عقینده طوبراغی چاپهلق لازمدرکه
طوبراق میل پیدا ایدوب التنده کی طوبراغه یاشمسون برده
چاپهله ایله ایچلمش و مساماتی اولدجه آچلمش طوبراقلرک آلت
طبقه لرنده حرارت اعتدال ایدر و نباتاتک محتاج اولدینی مرکبات
کیمیویه نک تشکله خدمت ایلر بوندن بشقه اینجلوب خفیفلنان
طوبراق کیجه نک چیکنی ویاغمور صولرینی سهولتله چکر یوزی
سرتلشوب قبوق باغلامش طوبراقلر ایسه یاز یاغمورلرینی
صوره میوب سیلر کبی اوزرندن جریان ایدرک طوبراغک
مواد انباتیه سنی دخی الوب کوترر و بوجهتله نباتاتک فیضه
مانع اولور .

طوبراق بووجهله قوریدقدن بشقه آکین ایچیده دخی
برطاقم مضر اوتلر ظهوره کلورکه بونلرک دفع و اخراجی پک
الزمدر انک ایچون چاپه طوبراغی تخفیف ایتدیکی کبی یبانی
اوتلری دخی کوکندن کسوب قوریدر .

اځين آراسنده بولنان نباتاتك محصوله بيوك مضرتي اوله جفنده شېبه يوقدر چونكه برطوپراغه اځيلان نباتات او طوپراغك مواد غدائيه سى سايه سنده فيض آله جفندن يباى اوتلر بوغداى اخذ وصرف ايدرك حاصلاتى ضعيف براقور . شوحاله باقيلنجه نباتات مضره نك دفع واخراجى نه قدر كيكيدريلور ايسه مضرتى اوقدر زياده اولور اكر تخملىرى دوكه جك زمانه قدر يرنده براقيلور ايسه مضرتلى درجه غايه يه وارر بونلر يالكز، كوكلريله دكل بدنلريله دخى فدانلرى اضرار ايدرلر يعنى تكثرى مطلوب اولان نباتاتدن زياده قوت آله رق فدانلرى بوغار هوا وضيادن محروم ايلر خشخاش وهاج كې آغير بيويان نباتاته يباى اوتلر ك مضرتى پك چوق اولور .

بر وجه محرر چاپه نك هم طوپراغك يوزىنى تخفيف ايتمك وهمده نباتات مضره يى دفع ايلمك كې ايكي بيوك خدمتى ثابت اولمغله چاپه ايشنده اصلا اهمال ايتما مليدر چاپه دن مقصد شو ايكي خدمتى بردن كورمك اولديغيچون ترلانك يوزنده يباى اوتلر ك چوغالمسنة ميدان براقامق اقتضا ايدر چونكه اوتلر چوغالور ايسه هم انلرى دفع وهمده طوپراغى تخفيفده خدمت دخى چوغاله جفندن اوتلرى دفع ايدهم دير ايكن ديكر طرفدن ياغمورلر ايله ينه طوپراغك يوزى پكلشوب بو دخى موافق اولميه جفندن يباى اوتلر كورينور كورنمز همان پاچه لرى صيغايوب ايشه مباشرت ايتمك ويباى اوت اولسه

دخی طوپراغك يوزینی تخفیف ایچون اقتضا ایسدیکی زمان چاپه بی الدن براماق لازمدر .


اگر بو یولده عمل اولنور ایسه طوپراغك یوزی هوالنور ویبانی اولتر کورینور کورغز کوکلیری پک یوزده اوله جفندن سهولته کوکندن اخراج اولنور کجکدیریلور ایسه هم طوپراغك مواد غدائیه سی غیره صرف اولنش اولور و همده چونکه بیویوب قوتلنمش اوله جقلرندن قوبارلدجه مزروع فدانلرک کوکلیری قلداتوب ضرر ویرر .

حاصل کلام چاپه دن استفاده مطلوب ایسه وقیله ویولیله اجرا ایتمک کرکدر برده یالکز مزروع طوپراقلر دکل هنوز اکیلمامش طوپراقلر دخی چاپه لنور که سببی آتیده بیان اولنه جقدر .

مزروع طوپراقلرک چاپه لنمی — مزروع طوپراقلری چاپه لمق پک اهم والزم اولدینی کبی بو بابده قوللانیله حق چاپه دخی اکینک صاورمه طریقیله ویا صره ایله اکیلمش اولسنه کوره مختلفدر .

بو کونکی کون بعض محالرده سرپه طریقیله اکیلان بعض محصولات ادراک ایدنجه قدر بر ودها زیاده چاپه به محتاجدر خشخاش طورپ شالغم هاوج وبعضاً بوغدای دخی چاپه لنور . عموم نباتاتک قاج دفعه چاپه به محتاج اولدینی نباتاتک اصول زرعی فصانده ذکر اولنه جفندن بوراده یالکز چاپه ایچون اک مناسب اولان آلات وادواتک استعمالندن بحث ایده جکر .

یناشمه سی چوق و یومیه سی اوجوز اولان مملکتلرده چاپه ایشنی هر حالده ال چاپه لر یله کورمک دها ایودر ال چاپه سیله ایشلیان عمله یه طوپراغی ایوجه چاپهلق و یبانی اوتلری چیقاروب ایو فدانلری اینجتماعک ایچون قوتدن زیاده مهارت لازمدر .
زراعتی چوق و عمله اجرتی بهالو اولان یرلرده ایلك عملیاتی ال چاپه لر یله یاپوب صوکره کیلری بیکیر چاپه لرینه کوردردمک اقتضا ایدر .



ال چاپه لرینک اک سهولتلیسی
(شکل ۱۰۴) چین و کرپدیندر
آغزیله یبانی اوتلری کسر وچتا.
لیله فدانلرک اراسنده کی طوپراغی
قازوب قبارتر .


صره ایله اکیلان فدانلره
کنجه بونلرک صره آرالری یارم
آرشوندن اکسیک ویا زیاده
اولملرینه کوره بشقه بشقه یولده

(شکل ۱۰۴)

چاپه لنور اولایارم آرشون آراقلی صره لردن بحث ایدم .
بزده بویله سیرک اکیئر اوزون صابلی (شکل ۱۰۵) دوز
آغزی چاپه لر ایله چاپه لنور فقط خیلی وقتدنبروهم اهون وهمده
قولای اولدیفیچون اوروپاده بیکیر چاپه لری استعمال ایدیورلر .
واقعا بو چاپه لر خدمتی چابوق کوردیکندن طولانی بزجه

دخی قبول اولتور ایسه ده ال چاپه لرینی ترك ایله هر وقت بیکیر چاپه لرینی استعمالده مضرت درکاردر .

مثلاً هاوج کبی ایرکن اکیسور فدانلر هنوز چیملندیکی زمان کوکلیری او قدر نازک ویراقلری اولقدر اینجه در که بیکیر چاپه سی ایشمکه یا خود اوینا تدینی طوپراغک آلتنه برافغله فدانلری خراب ایدر انک ایچون مصرفه باقیوب بویله ایشلرده بیلدی کمز ال چاپه لرینی قوللانق ضروریدر فقط قازمه کبی بعض چاپه لرده بر او یغونسزلق واردر که آغزلی دوز اولنلر قوتلی بعض یبانی اوتلری کسه میوب یالکز ازوب اکیدر لکه جوارنده کی فدانلری قبادوب بیوملرینه مانع اولور وچا پهلنان یرلر عمله نک ایاقلریله چیکنه نور .




(شکل ۱۰۵)

ال چاپه لرنده بعضاً کرپدینک یالکز دیشلیسنی قوللانور لکه (شکل ۱۰۶) صره ایله دیکیلان فدانلره صولی کوبره ویرمزدن اول بونکه طوپراغی چاپه لرلر .

اچه لر فصلنده (۴۴) شکله کی چاپه نک چیندن فرقی آغزی ده ککیش واکری اوجیله پک قیصه برصاه مربوط اولسیدر کرچا ایشلمکه یناشمینی زیاده اکلمکه مجبور ایدر ایسه ده خدمت چابوق کورر وفدان آرالرنده بولنوبده چاپه ایشله میه جکی یرلر .

دهكى اوتلىرى اكش اولديغىچون سهولتله قوپارر بوجاپه خصو.
صيله سىرك فدانلر ايجون چينه ترجيح اولنور .



(شكل ۱۰۶)

قولاي ايشلنور خفيف طوپراقلرده اوج ديشلى بيكل دخی
قوللانورلر . (شكل ۱۰۷)




(شكل ۱۰۷)


ايلك چاپه دن صوكره فدانلر كسب قوتله صره لرى ايوچه
تشكل اتمكه باشلادىغى زمان آرتق يرلرندن اوينار قورقوسى
قاليه جفندن حيوان ايله تحريك اولنور چاپه لر استعمال
ايديلور .

حيوان چاپه لرى مياننده اك آز اكسيكلى اولان (شكل ۱۰۸)
و ۱۰۹ شكللرده كوسترديكمز چاپه در بوجاپه اوكك آرقه سنه
اوزانوب ايكي جانبى قطعه دن - ل - متشكل برنوع دوز
قاصه دن عبارتدر بواوكك - ب - الت طرفنده مزراق اوجى
كبي منتهى برتيور اياغى اولديغى مثللو - ل - جانبى قطعه لر

دخی بوکې برر تیمور ایاقلری حاویدرلرکه اوچی بردن ساج



(شکل ۱۰۸) بیکیر چاپهسی
ایاغی کبی برمثک تشکیل ایدرجانی قطعه لک - س - آرقه قسملر -
نده ایکی ایاق دها بولنورکه بونلر بربورغی ایله ایندیریلوب



(شکل ۱۰۹) بیکیر چاپهسنک فدان ارالزینک اکنه کوره

افقیاً مقطوعی

قالدیریلور بوایکی آیاق واسطه سیله فدانلره ایراث مضرت
ایتمکسزین صره لک تایقینه قدر خصوصیه اوفاق برحرکتله
طوبراق چاپه لنور .

شوش آیاق فدانلرک صره لری آراسنده اولان بوش یری
کاملاً استیعاب ایتمک ایچون ل - ایکی جانی قطعه لر ب - صا .
پلی اوزون ویده ایله بری برینه یناشدیریلوب اوزاقلاشدیریلور


اوقك باشى - ح - كذلك بربورغى ايله اينديريلوب بنديريلان
بر تکرلکه استناد ايدر بوتکرلکک حرکتيله آياق وقازمه لر
آز ياخود چوق طوپراغه صاپلانديريلور قازمه نك هيئتيله
حرکى آرقه طرفده کى ايکى قوللريه اداره اولنور فيثائى ۳۵۰
غروشدرد .

بوچابه برحيوان ايله چکيلور حيوان آليشق دکل ايسه
برچوچق يولارندن يدرك اداره ايدر فقط خدمته چابوق
آلشه جفندن برايکى دفعه يذلدکدن صوکره يالکر برآدم ايله
قوللانيله بيلور .

بوچابه نك کوردیکی ايش هم مکمل همده اهورندر فقط
يرى پک قورى اولور ايسه آياقلى طوپراغه صاپلانه ميوب
يوزده سورينور ويبائى اوتلر پک قوتلى ايسه چابه نك آياقلى نه
طولا شوب حرکته مانع اوله جفندن عملياتک نتیجه سى فائده سز
ياخود اکسيک قالور .

۸

برنجى مانعه ده چابه نك اوچ آياغى وايکى




تيمورى يرينه (شکل ۱۱۰) شکله کوستريلان
بش عدد قوتلى واوجىلى اوکنه طوغرى
اکرى تيمور آغزلر استعمال اولنورکه بو واسطه
ايله طوپراغک قبوغى سهولته قيريلوب مکملأ
چابه لشمس اولور .

(شکل ۱۱۰)

ايکنجيه کنجه چابه دن اول مضر نباتاتک پک قوتلىلى
پجارت ویرمامک ایچون ال ايله قوبارلق لازمکلور .


بردیگر چاه دها ایجاد اولنشدركه پك چوق فائده سی
کوریلور (شکل ۱۱۱)



(شکل ۱۱۱) مول بیکر چاه سی

کله لم صره ايله آکیلان محصولاته از جمله فاصولیه بقله وامثالی
بعض نباتات بوی وجرملری جهته اکثریا آرالری ۵۰ پارمق
اوله رق صره ايله زرع اولنور حالبوکه ۵۰ پارمق آرالقی ایچنده
بیکر چاهلری لایقيله ایشله یه مز ایشلدیلور ایه فدانلره ضرر
ویرر .

بویله ترلارلی ال چاه سیله چاه لمق لازمکه جکندن او حالده
(هوک) چاه سی (شکل ۱۱۲) استعمال اولنور .



(شکل ۱۱۲) هوک ال چاه سی

هر محصول ایچون قاج دفعه چاه اقتضا ایده جکی محللرنده
ذکر اولنه جنی جهته بوراده تفصیله حاجت اولیوب یالکر


برقاج کره چابه به محتاج اولان فدانلرک ایلک چابه سی ۳ واک
صوکره به قلاتی ۸ پارمق قدر درین یابلملیدر .

چابه دن مقصد طوپراغک یوزینی دائماً خفیف طومتق
اولدیغه باقیلور ایسه خفیف طوپراقلری آز وسرت قتی طوپرا .
قلری دفعاتله چابه لالمق اقتضا ایدر طوپراق چابه به محتاج
اولدینی آنده چابه لانور ایسه اعلا اولور مصرفی قات قات
چیقارر .

دیکلندیریلان طوپراقلرک یعنی نطسلرک چابه لری — چابه یالکر
اکیلان ترلاره مخصوص اولیوب ایکی اکین اراسنده نطس ایدیلان
طوپراقلر ایچون دخی لازمدر طوپراغک کرک آلت طبقه سنه
هوا آلدیرمق وکرک سنین فنا اولترک کوکلرینی چیقارمق ایچون
محتاج اولدینی صابندن بشقه یاز ایچنده دخی آز درین قازوب
طوپراغک قورویمسینه میدان برقاملیدر .

بویله آز درین قازیش حقیقی برچابه دیمک اولوب صابندن
صوکره پک الزم برایشدر بعض یاز اکیئلری ایچون قیش
محصولی آلدقدن صوکره برچابه کافی اولدینی کبی بعض محللرده
دخی تخمیری قباتمق ایچون چابه یی سورکی به ترجیح ایدرلر .
بزده بویولده کی چابه خدمتی صبان ایله کوردرلر فقط فن
زراعت ایلرولیان یرلرده صبان یرینه مؤخرأ ایجاد اولنش
دیگر آلتلر استعمال ایدرلرکه مطلوب اولان خدمت هم چابوق
کوریلور وهمده اهون اولور بوچابه لر ایکی نوعدر برینه کوک
چابه سی دیکرینه سورکی صبانی دیرلر .


كوك چاپهسى. بيكي چاهلرى كې برطاق قالين كراسته لردن
ياپلمش دوز بر چرچيوه دن عبارتدر (شكل ۱۱۳) بونك دخى



(شكل ۱۱۳) والقورك كوك چاپهسى

اوڭ طرفده براوق وآرقه سنده حركتى اداره ايچون ايكي قول
اولوب چرچيوه نك آلتنده - ۱ - صبان تيمورلرينه بكرر دوزجه
برطاق ككيش تيمورلر واردر .

بوتيمورلر طوپراغه بردوزى يه چمك اوزره يرلرينه ويدم
ليدرلر اوڭك آلتنده دخى چاپه نك درين كچمسنى تعيين ايدر



(شكل ۱۱۴) والقورك كوك چاپه سنك هيئى

برتكرك بولنور (شكل ۱۱۴ ج)

بوچاپه لردن اك زياده توصيه اولنان شمدي ذكر ايتديكمز
والقورك كوك چاه سيدر تيمورلری هم زياده طيانه جق وهمده
طوپراغه درين صاپلانه جق صورتده ياپلمشدر .

ايکيسي اوکده واوچي آرقه ده اولوب هر بری ۳۸ پارمق
ککيش وآرقه سنده کی کوشه لک مایینی ۲۷ پارمق آرالقی اولدیغنه
باقیلور ايسه چاه نك مجموع اکی بر آرشون ۶۸ پارمق ديمک اولور .
طوپراق پک خفیف ايسه تيمورلری ييننده بولنان آرالقی
باقی قالدينی حالده اکری اوزالديلوب بش يرينه یدی تيمور
قونيله بيلور بش تيموليسنی ۴ ویدی تيمورليسنی ۵ بيکیر چکر
اولکينک بهاسی ۷۰۰ صوکره کينک ۸۰۰ غروشددر .


ککيش وبيوک ترلالر ايجون چار چابوق تأثیری ايلک عملده
اکلاشيلور بر آرشون ۶۸ پارمق مسافه يی دفعة چاه لره التي صبان
يرینی طوتار کرچه صبان دن زياده حيوان قوشيلور ايسه ده
اداره سيچون يالکتر بر آدم کافيدر .

سورکی صباننک کوك چاه سندن فرقی تيمورلری صبان
تيمورلری کبی اکلی اولميوب بيوک سورکی ديشلری کبی اوزون
واوکنه طوغری اکری اولسی وسورکيدن فرقی ايسه تکرلکلی
بولنميسيدر بعضاً تيمورلرينک اوچلری مزارقواری اولور .

بولنلردن شکل ۱۱۵، ۱۱۶، ۱۱۷، ۱۱۸، ۱۱۹، شکلرده
هيئت متنوعه سی کوستريلان و صبان سورکیسی تعير اولنان چاه
اک زياده شایان توصيه در .


(۱۱۵) شکلده کوستريلان تيمورلر چاه خدمتی کوردکن

بشقہ اکیلان تھلریدہ اور تمکہ یاردم ایدرکہ بو حالده کوك




(شکل ۱۱۵) سورکی صبانک سطحی

چاپه سنک یرینی دخی طومش اولور (۱۱۸ , ۱۱۹) شکلدردهکی




(شکل ۱۱۶) سورکی صبانک ارقه کورشی

تیمورلر ایله استعمال اولدینی زمان یونجه ترلارینی سوکوب



(شکل ۱۱۷) سورکی صبانک تکمیل کورشی

ویوزده بولنان کوکلری چیقاروب تمیزلکه پک بیوک یاردم ایدر



(شکل ۱۱۸، ۱۱۹)

یدی دیشلیسی ۱۲۵۰ طقوز دیشلیسی

۱۳۵۰ غروشه در تیمورلرینک بهربی

یدی غروشه یاپارلر بیوکلری قتی وکو.

چکلری خفیف طوبراقلرده قوللانیلور.

سورکی صبانک (شکل ۱۱۷) مرکب اولدینی قطعهلری

اوک طاقم

۱ خارجی قطری ۷- پارمقدن عبارت ۲ تکرلک

ب آغاج قابلی تیمور دینکل

ر دینکلک اورتہ سنده ویده ایله مربوط وماکنه نك ایشلدیکی وقت

اوست طرفنده باغلاق اغاجنک نهایتی یوکسک طوتوق اییون یاصی

چیوینک دلکینی حاوی اولان برمتوازی دوومه تیموردن دوزچوق

آ دینکله ویده ایله مربوط اغاج ایکی قوچ بوینوزی

و قوچ بوینوزلره مربوط خاج اغاجی

ی و خاج اغاجنه مربوط اوچ تلقه

ا و خاج اغاجله ت موازی تیمور چبوعی ربط ایدن مدور مجور
مقاص چبوقلری

ب بیکیرلک دیزکینی ربط ایده جک اکری

ارقه طاقم

د ارقه طاقی اوک طاقنک دینکنه ربط ایدوب و ماکنه مک حین
حرکتده اوکی دینکک اوزرینه استناد ایدن دوکه تیموردن معمول
باغلاق

ج باغلاک اوک طرفنده بولنان ایکی قوللی ویده یوه سی

د یوه یه کیرن اوستی قوللی ویده

ه ویده بی اوزون کریشه ربط ایتدیکی حالده حرکتده مانع اولمان
تیموردن معمول یاقه

ح خاج اغاجنک ایکی اوجلرینی ارقه طاقنک بیوک قاصه صنه ربط ایدن
دوکه تیموردن منحرف ایکی زاویه

ی طویراغده آز چوق درین صایلانلری قطعات مذکوره ایله تعیین
اولتان دوومه تیموردن معمول ۹ کسی

ل محورلری ایری ایری اولان وارقه طاقنک ایکی یانلرنده بولنان
دوکه تیمور ایکی تکرلک

م الت طرفلرنده تکرلکلرک میلاری ایچنده بولنان دیشلی تیمور

ح دیشلی چرخنی چویرن درت دیشلی دیک ایکی چرخ

ط دیک چرخلرک تیمور محوری

دیک چرخلرک دیشلری کیرن درت یوهلی چرخ

م بیوک ل تکرلکلری بر ارتفاع معینده طوتمق ایچون اوافق ال

چرخنک یوالرینه اینان تیمور اکری دیشلی چرخ


(شکل ۱۲۰) شکله کوستریلان قولمان چاپه سی سالف الذکر

ایکی نوع چاپه کی هر ایکی صورتده دخی قوللانیلور انکلترده

بونی اولکیلردن زیاده استعمال ایدرلر کوک چاپه سی یرنده

قوللانیلور ایسه تیمورلرینی چیقاروب یرینه آنک تیمورلری

قونور یان طرفده بولنان قولى دائرەسى ایچنده حرکت



(شکل ۱۲۰)

ایتدیریلەرک اقتضاسنه کوره ایندیریلوب بندیریلور فیئاتی
۱۰۰۰ غروشی تجاوز ایتمز .

بوچاپه لردن مقصد تخم اکمزدن اول طوپراغی تسویه اولدینی
حالده کړک طوپراغک ایچی قوریماق ایچون یوزینی خفیف
طوتقمده وکړک قیصه کوکلی نباتات مضره دن ترلایی تمیزلمکده
کوک چاپه سنه مخصوص تیمورلر استعمال اولور زیرا تیمورلری
صبان تیموری شکلنده اولدینی جهتله سورکی صبانى تیمورلرندن
دها مکمل طوپراغی قبارتوب تخفیف ایدر فقط ایریق وسائر
عموم یان کوک سالان نباتاتی چیقارمقده یاخود صنای
چایرلری سوککده واوت قابلی ترلایری آچقده کوک چاپه لرینه
مخصوص تیمورلر قوللانیلور .

طوپراق صبان ایله سوریلوب آچلقدن سوکره نزول

ایدن بریاغموور عقینده بویولده استعمال اولنان چاپه‌لرک تأثیری وفائده‌سی ده‌ا چوقدر .

هنوز اکیلیمیان یاخود دیکلندیریلان ترلارک یکیدن سو .
ریله‌جک زمانی اکیلی ترلارک‌ی طوپراق نه زیاده قوری
ونه‌ده رطوبتلی اولدینی زماندر مضر کوکلر ایسه کونشک
صیجاغندن چار چابوق بوزلق ایچون قوری وصیجاق بر
هواده چاپه‌لنوب چیقاریلور .

دردنجی فصل تپه‌له یاخود طولدیرمه


تپه‌له فدانلرک کوکلری دینه آز چوق طوپراق ییغوب
برته تشکیل ایتک و بعض فدانلری بتون بتون طوپراق ایله
اورتمکدن عبارتدر .

تپه عملیاتی بعض فدانلر ایچون صوک بهارده واکثریسنده
ایلک بهارده یاپیلور صوک بهارده یاپیلان تپه‌له‌دن مقصد
فدانلری صوغوقدن یاخود رطوبتدن محافظه اولدیفندن
بو‌حالده فدانلر همان بتون بتون ویا تپه‌سنه قدر طوپراق ایله
اورتیلور قیشدن اول کوک بویا عمر اوتی وانکنارک دیبلرینی
بو وجهله طولدیرلر .

ایلک بهار ایچنده یاپیلان تپه‌له ایسه فدانلری هوا وروزکارک
تأثیراتندن محافظه ایله برابر زیاده کوک صالوب حاصلاتی
چوغالتمق ایچوندر مصر بوغدا‌ی خشخاش قولزا وفاصولیه‌کی

بدنلری اوزون وکوکلی قیسه فدانلری ایلک بهار ایچنده ویازدن اول تپه‌لک پک فائده‌لیدر بوکی فدانلرک دیبلرینه طوپراق ییغیلوب تپه یاپدقجه یکی کوکلهر صالوب ثابت اوله‌رق محصولی چوغالدر .

پتاته اوجاقلرینه دخی طوپراق ییغیلور اما فائده‌سی حقنده هنوز شبه‌دن آزاده اوله‌مدیغمزدن بونک ایچون او قدر توصیه‌ده بولنه‌میز چونکه وقوعبولان تجربه‌لرده دیبلری طولدیرلماش پتاته اوجاقلرندن طولدیرلشردن زیاده حاصلات الندیگی کورلمشدر شو قدرکه دیبلری طولدیریلان اوجاقلرک پتاته‌لری حیوان صبانلریله قولای چیقاریلور (شکل ۱۲۱). شکر پانجاری دیبلرینی دخی طولدیرلرلر زیر طوپراق



(شکل ۱۲۱)

ایچنده بولنان کوکدن خارجه‌ده کی قسمندن زیاده شکر استحصال اولندیگی تجربه ایله ثابتدر .


بوندن بشقه تپه‌له طوپراغی هوالندیرر ویبانی اوتلرک

دفع و اخراجنه خدمت ایتمکه چاپه نك یرینی طوته رق طو پراغك
رطوبتی محافظه ایلر .

تپه له وقت وزمانیله یاپیلور ایسه فائده ایدر کیچ
یاپیلاندن او قدر فائده بکلماملیدر کیچ یا یقندن مقصد بردفعه
ایله اکتفا ایتک ایسه شو مطالعه حسابسز بردوشنجه در کرچه
ایرکن یاپلیدی زما ن ایکی دفعه اولق و او نسبتده مصارفی
چو غالمق لازم کلور ایسه ده محصولک چو غالمسی مصارفی مع
زیاده قورودر فداندلرک هنوز کچ و دنج حاللری یکی کوکلر صالمغه
اک مساعد وقتی اولدیغندن بوکا زیاده دقت ایدوب دیبلری
اولزمان طولدیرمق و شو مساعد وقتی قاچرمامق کرکدر .


تپه له کرک ال ایله و کرک حیوان ایله تحریک اولنور صبان
ایله یاپیلور ال ایله یاپیلان تپه له مکمل اولور ایسه ده عمله
اجرتی اوجوز وزراعتی کوچک محللره مخصوص اولوب بیوک
زراعتده تپه صبانلریله یا یق ضروریدر بونکله برابر ولوکه
بیوک زراعتده اولسون صاورمه طریقیله زرع اولنان و آرالری
۵۰ پارمقدن آز اولان فداندلری هر حالده ال ادواتیله تپه ملک
لازمکلوب یالکر صره ایله اکیلان و آزدن ۵۰ پارمق آرالقی
اولنر تپه صبانلریله یاپیلور بو خصوصده استعمال اولنان تپه
صبانی یالکر بر حیوان ایله چکیلور آرابه سز بر نوع کوچک
صباندر (شکل ۱۲۲، ۱۲۳) یالکر اوقنک باشنده برتکرک بولنور
- ب - ایچ طرفنده مفصلی ایکی قاتلی قولانغی واردرکه - ا -
لدی الحاحه آرقیه طوغری تقریب و تبعید ایدیلور ایکی تیمور

چنبر ايله - ب - ویدملی وایچ یوزندن دخی پرچینلی وچنبرلر
قارشولقلی اوله رق ایکی اوچلرندن تیمور چیویلر ابله صبانك



(شکل ۱۲۲) دوز تپه صبانك کورشی

اوکجه سنه چیویلدر (۱۲۲) شکلده کوستریلان تپه صبانی ۳۸۰
غروشه آنور .



(شکل ۱۲۳) دوز تپه صبانك سطحی

اشبو تپه له خدمتی طوپراق چاپه لنوب اینجلد کدن صوکره
یایلملیدر زیرا طوپراق قتی اولور ایسه صبانك قولاغی تامیله
صاپلانه میه جغندن مطلوب وجهله ایش کوریه مز .
طوپراغی قازمق خدمتی یوقاریکی کتابده تعریف ایتشیدك
چاپهلق ایشینه متعلق اولان آلتنجی کتاب دخی بوراده تمام

اولدی بوندن صوکره تخم زرعی بخته کیرمک اقتضا ایدر
ایسه ده اول امرده نباتات ناصل یاشایوب بیودیکنی اجمالاً
اکلاتق و طوپراغی قوتدن دوشورمیوب بونکله برابر
بوشده برافماق ایچون مثلاً برسنه بوغدای اکدی کمزیره دیگر
سنه نه مثللو اکین اکمک لازمکله جکنی بشقه بشقه کتابلر ایله
بیلیدر دکن صوکره تخم زرعی بخته کیرلسی مناسب کورلشدیر.

یدنجی کتاب نباتاتک صورت نشوونمائی و کیفیت تعدیسی بیاندهدر

چفتجی ورنجبرلر ایچون فن نباتاتی بیلیمک لازم ایسهده
ممالکمزده معارف هنوز کویله قدر منتشر اولیوب بویابده
ویریهجک تفصیلاتی لایقیله اکلایه میه جقلرندن شمдіلک یالکز
نباتاتک صورت نشوونماسیله کیفیت تغدیسنی اجمالاً بیلوب
اکاکوره حرکت ایتک ایچون معلومات سطحیه اعطاسنه مبادرت
اولنور .

برنجی فصل نباتاتک نشوونمائی

نباتاتک واسطه حیات وتناسلی کوک دال پیراق چیچک
ومیوهدر یونلردن کوک دال وپیراق آلات تغدیه چیچک
ومیوهلر آلات تناسلیهدر .

آلات تغدیه — کوک : علی العموم کوک اوج عضودن
عبارت اولوب برنجی دال وبدنی یوکلنن یاقه (بوغاز) ایکنجی
جسمی اوجنجی طوپراقدن مواد غدائییه مص ایلیان یعنی
چکوب امن صچاق وپورچکلریدر .

بوتقسیمدن بشقه اوچ دیگر قسمه دخی آیریه بیلور اولاسنوی یعنی برسنه دن زیاده طوپراقده یاشایان کوکلر ثانیاً سنتین دنیلان کوکلرکه ایکی سنه قدر طوپراقده پایداری اولور ثالثاً طول زمان یاشایان سنین کوکلردر .

عموم کوکلر شکل جهتیله دخی یکدیگرندن آیریلور مثلاً خشبی و لحمی جسمه مربوط اولان صچاقلی هاوچ و اینجه جک ایپک صچاقلی پراسه یاخود صاچ کبی بری دیگرینه طولاشق چیلک و اوزرنده یاره نشانه سی کبی کوزلی اولان پتاته و برطاقی دخی صوغا نلردر ،

بالجمله خشبی کوکلر برقاق قطعه و شعبه دن تشکل ایلدیکندن بردانه سنه اصل کوک بدنی تعیر اولنورکه طوپراغک داخلنه طوغری میخ کبی اوزانور نه قدر کوک وار ایسه ساقک قوتی نسبتنده دکلدر زیر اوز قدم یوکسک برخورما آغاچک کوکلری غایت قیصه وسطعی و بالعکس میان کوکک بدنلرینک قیصه لغنه نظراً کوکلری غایت اوزوندر .

دال . ناصلکه کوکلر ضیادن صاقنوب طوپراغک اینجه طوغری اوزانه رق ییه جکنی تحصیل ایچون اطرافه یاییلور ایسه دالردخی یریوزندن هوایه و ضیایه طوغری اوزانوب یاییله رق یریاق چیچک و میوه حصوله کتوررکه بودخی بش قسمه تقسیم اولنور .

برنجی اصل ساق یعنی بدندرکه خشبی اولور ایسه کتوک تعیر ایدرلر ایکنجی اسپت دیدکلری دالردرکه خورما آغاچنده

اولدینی کبی اصل ساقک تپه‌سندن منتشر اولور' اوچنجی صاپ
وقصبه‌درکه بوغدای وامثالی نخیلیه فسیله‌سندن اولان نباتاتک
بدنلریدر دردنجی ساق کیرک آلتنده نصفی طور اغه کوملان
قطعه‌در بشنجی علی‌العموم دال و بوداقلردر .

خشبی دالدر اورمانلریمزده بولنان میشه چام وقره آغاچ
امثالی دالدردرکه جمله‌سی بیوک و قالیندر ساق کیر داخل و خارج
ایکی پارچه‌دن عبارت اولوب داخلی نباتاتک جسمی و خارجی
قبوغیدر .

برچوق نباتات وارددرکه بخور مریم کبی بدن ودالدری
یوقدر صوغان وامثالک دخی یالکر دالدری اولوب پیراغی
بولنمز .

دالدر ایکی‌یه آیریلور بری خشبی یعنی اودونلی دیکری غیر
خشبی یشیل اولورهرسنه خزان ایدنی وایتمیانلری دخی‌بولنور.
خشبی داللیله آغاچ دینوز وسنه‌لرجه معمر اولور فاما بودخی
ایکی قسمه منقسمدر شویله‌که دالدری سپورکه اونی کبی قیسه
اولنلره چالی وفندق ولیلاق کیلرینه آغاججق (شجیر) وچام
وامثاله آغاچ دیرلر آغاجلرک بدن ودالدری بوراده تفصیلنه
لزوم اولیان برطاقم اینجه زار و طبقه‌لر ایله مستور اولوب
عموماً قبوق وقتی قطعه‌سنه خشب دینور .

خشبلرک صلابته ومدت حیاته دلالت ایدر بعض معلومات
دخی وارددر مثلاً نه قدر قوی اسمر قرمزی وصاری اغاجلر
وار ایسه جمله‌سی قوی قتی وعمرلری اوزون بالعکس اودونی

بیاض اولنلرک یومشاق و عمرلری ده‌آز اولدینی مجربدر
بوخشبک اورته‌سندہ کوک یاقہ‌سندن اعتباراً بوینه بریووا واردرکه
ایچی سونکر مثللو یومشاق و بعضاً شفاف بر اوزدن عبارتدر .
اغالرک قالینقلری دخی مختلفدر از جمله بعض آغاج پک
ایری اولوب چوره‌سی ۲۵-۳۰ قدم کلور (باعوباب) و (سدر)
اغالرندن محللرندہ اوپله قالینلری واردرکه هر برینک چوره-
سنی ۶۰ - ۷۰ آدم قول قوله احاطه ایدہ من .

(قواق) و (آقاسیا) کبی برطاقم اغالرآز وقت ایچندہ خیلی
یوکسلور مشهور بعض اورمانلرده ۱۳۰ قدم بویدہ اغالر
بولنور (خورما) اغالری علی العموم چوق قالین دکل ایسہلرده
بویلری ۱۵۰ قدمه واصل اولور بر محله یاخود بر آغاجہ
صاریلوب چیقان نباتات اقسامندن بعضیلری آز مدتده ۳۰ - ۴۰
قدم اوزانور از جمله عمر اوتی دیدکلری و آریه صوینہ قارشیدر-
دقلری فدانک بدنی ۴ آیدہ اوقدر بیور دیوار دیبلرندہ
دیکیلان اصمہلر دخی آز مدت ظرفندہ پک زیاده اوزانور .
پیراق . پیراق دیدکلری دال اوزرنندہ علی العموم یشیل
و مساماتلی مختلف اشکالده برطاقم صحیفہلردن عبارتدرکہ ایکی
طرفی غایت ایجہ بر زار ایله ستر اولنمشدر بالجمله پیراقلرک اوستی
پارلاق توکسر و لطیف زیاده قوی یشیل اولوب التی اکثریا
طمارلی و تومسکلیدر کوکلر ناصل بدن و داللری بسلرایسہ
پیراقلر دخی مساماتلریله هوادن رطوبت غدائیہ آلوب آغاجہ
نشر اندرلر .

پیراقلر بر قاج اصلی شامل اولوب هربری دخی متعدد قسملری حاویدر اولاجیم پیراقلر یا بر صاپ اوزرنده بر پیراقلی یا خود متعدد کوجورک پیراقلی اولور لکه انواعه نهایت یوقدر انجق بر صاپ اوزرنده بر پیراقلی اولنلر دخی ایکیه منقسم اولوب برینه سازج دیکرینه مرکب دیرلر سازج اولان لیلایق اخلامور وقره اغاج کیلرک اوراقی و مرکب تعمیر اولنانلر دخی کل ابریشم آقاسیا آیلانتوس وامثالی اغاجلرک پیراقلریدر . ارباب تحقیق اشبو پیراقلری بالجله اغاجلرک کوکلرندن بدن ودالترینه چیقان رطوبت مخصوصه لرینی دفع ایله نفسلنمکه تخصیص اولنمش بر طاقم آلت اولدیغنی کشف ایتشلردر زیرا ۲۰۰۰ پیراغی اولان بر اغاج ۲۴ ساعت ظرفنده هوادن اخذ ایلدیکی رطوبت غدائیسه ایله کوکلرندن صعود ایدرک متبخر اولان رطوبت حساب اولندقدنه دفع ایلدیکی اخذ ایتدیکندن زیاده کلشدر .

اشجار و نباتاتک زیاده تجر ایتسی قوتلرینی آزالدوب بالعکس لزومی درجه ده تجر ایتامسی دخی بر طاقم امراض وعلتک ظهورینه سبب اولور بناءً علیه اغاجلر صوارلدینی حالده یاغموور یاغار کی صوارمق کوکلرینه قوغه ایله صو دوکمکدن چوق فائده لی وصباحلری صوارمقدن ایسه اخشاملری صولامق خیرلودر زیرا کوکلردن دالره هجوم ایدن رطوبت بالاده بیان اولندینی وجهله اغاجی آز وقنده هلاک ایدر .

صوک بهارده اغاجلرک پیراقلری صراروب دوشه رک

اکثری همان چالی کبی چلاق اولور فقط برطاقلری صوغوقدن متأثر اولمیوب چام و سرو کبی پیراقلری اغاجک اوستنده قالور لکن اول بهار حلول ایدنجه قیشین پیراقلرینی دوکن اغاجلر حیات تازه بولوب یکیدن یشیلنورلر .

آلات تناسلیه — چیچکلر . نه قدر چیچک وار ایسه ارککلی دیشیلی ایکی جزؤ اصلی بی شاملدر برینه عضو تذکیر دیکرینه عضوتأیث دیرلر هر چیچکده اشبو آلتلرک مطلقا بریسی بولنور بر چیچکده اشبو ایکی آلتدن یالکز بریسی بولندقدده اکا سازج تعیر ایدرلر سکود اغاجی وامثالک چیچکلری بویله در .

تام چیچکلر درت جزؤی جامع اولوب آنلرده عضو تذکیر عضو تأیث قدح واکلیلدر چیچکک اورته سنده بولنان عضو تأیث که اوچ قطعه دن مرتب اولوب اولکی تخم خانه ایکنجی قضیب اوچنجی فرج در عضو تذکیر دخی قضیبک اطرافنده بولنان تیغلر درکه اکثریا عضو تأیثدن زیاده در .

عضو تذکیرک طیش طرفنده اکلیل یعنی چیچک ورقلری اولوب بر صره ایسه یالین قات وایکی صره اولور ایسه یارم قتمر و متعدد بولندینی حالده تام قتمر دیرلر ورقلرینک خارجنده کی یشیل قطعه یه قدح دینور .

میوه — میوه دیدکلری هیچ بر شی دکل یالکز تخم اویدر بو تخم خانه ده تکون ایدن میوه لک اول درجه کسب جسامت ایدنلری اولور که قارپوز قباق کبی شایان دقتدر .

بونلر نوعنک تکثرینه واسطه اولان ایکی جزؤ اصلی بی

شاملدر برینه تخم و دیگرینه بزور دیرلر که اشکال ظاهره لریله
بری برندن فرقلی اولدقلری کبی بر طاقی یکپاره وبر طاقی
دیلملر ایله تمیز اولنور .

بر صاپ اوزرنده اولان میوه لر اکثریا زیاده صولی ایسه ده
خام ایکن اولا لذتلی غایت آجی بعده اکشی اولوب کیدرک
طادلشور و رایحه سی لطیف اولوب کونشک تأثیریه رنگنور
اکثریا میوه لرک بر قسمی کونش ایله یشیله مائل بر رنک
مخصوص اوزره قالدور اریک آرمود و شفتالو کبی لکن بر طاقلری
دخی حسب الطبیعه کونشدن الوان متنوعه الور که کیرازک
قرمزی قایصینک غایت لطیف صاری و باردق اریکنک منکشه
رنکنده اولسی بو سببه منیدر .

ایکنجی فصل نباتاتک فعل تعدیسی

اعضای نباتیه نک تغدی ایچون اجرا ایلدیکی افعال و خدمات
آتی قسمه منقسم اولوب بونلره افعاللرینه نظراً فعل تجرع
حرکت تنفس ترشح فراغ و بعض اعضاسنک اهمیت اشتغاله
نظراً اصل فعل تغدی دینور که هربری بشقه بشقه تفصیلاً
ذکر اولنور .

فعل تجرع — نباتاتک خارجدن بعض مواد غدائیه یی
اخذ و داخلنه نقل ایدن قوه مخصوصه یه فعل تجرع دینور
کرچه نباتات کوکلرندن بشقه آتیده بیان اولانه جنی وجهله

پیراق وتازه فلز لریله دخی بر درجه یه قدر فعل مذکوری
اجرا ایدر ایسه ده بوراده یالکز کوکلرک فعل تجرعندن
محث ایده جکر .

تجرع فعلیاتی یعنی صولی ماده لرک نباتاته حلولی کوکلرک
یالکز کنج وتازه قطعه لری وایجه صچاقلری واسطه لریله اولور
شویله که ایدیلان بر چوق تدقیقاته نظراً کنج کوک وصچاقلری
طیشاریده براقیلوب سائر کوکلری صو ایچنده بولندیریلان
فدانلر مذکور کوکلر ایله یعنی صو ایچنده قلانلریله درجه
کافیه ده صوی جذب ومص ایده مدیکه چون آز مدت ظرفده
صولوب قوریمیش وبالعکس یالکز صچاقلری صو ایچنه قونیلان
فدانلر کمالیله صوی اموب چوق وقت پایدار اولمشدر .

شو حاله باقیلور ایسه فدانلر یاصدقندن چیقاریلوبده اصل
محله دیکله جکی وقت کوک پرچکلرینی یولیوب کوزلجه وقایه
ایتمک لازمکلور .

علی السویه مختلف ثقلنده بولنان ایکی مایع یعنی صو کبی
آقیجی ماده لر بر دری ویا اجسام عضویه دن دیگر بر زار ایله
ارالری بولندکده طرفینده بر تبدلات حاصل اولور که ثقللری
متوازن ومتساوی اولنجه قدر آز خفیف اولان مایع کندودن
زیاده آغیر اولان مایعک دروننه زارک ویادرینک مساماتندن
جریان ایدر .

شو عمل طبیعته کورلدیکی کبی تجربه ایله دخی اثبات
اولمشدر مثلاً بردرینک ایچنه شکرلی بر مقدار صو طولدیریلور

واغزینه جامدن معمول بر بوری صوقلوب صیقیجه باغلاند.
 قدن صوکره ذکر اولنان دری براق صافی صو ایله طولی
 بر قوغه ایچنه قونیلور ایسه آز مدت ظرفنده قوغده کی صو
 درینک مساماتندن کچهرک شکرلی صویک ایچنه کیرر و کیردکجه
 درینک ایچنده صو چوغالوب جاملی بوری تدریجاً طولغه باشلر
 وزیاده طولار ایسه آغزندن طاشار واولوقت درینک ایچنده
 بولنان شکرلی صو دخی درینک مساماتندن نفوذ ایدوب
 قوغده کی صویه قاریشهرق بولاندریر ایشته شو حال شکرلی
 صویک قوغه دروننه و بالعکس قوغه نک براق اولان صوی
 درینک ایچنه نفوذ ایدوب موازنتی محافظه ایلدیکنه آچیق
 بردیلدر بوفعلیاته علم حکمتجه (آندوز موس) حلول داخلی
 (آقسوز موس) وحلول خارجی دیرلر .

ایمدی طوپراق ایچنده وصوکی مایع حالده بولنان
 مواد غدائییه دخی بواصول طبیعیه توفیقاً نباتاتک دروننه
 دخول و نفوذ ایدر فی الواقع نباتاتک نسج حجریه لری غایت
 اینجه زارلر ایله احاطه اولنش بر طاقم اوافق کیسه جکلر اولوب
 بونلرک دروننده بولنان مواد مایعه طوپراقده موجود اولان
 مایعاتدن آغیر اولدیغندن شو احوال ایله طوپراغک صولری
 نباتات دروننه نفوذ ایده جکی بالسوهله آکلاشیلور .

صوده اریوب بو واسطه ایله درون نباتاته حلول ایدن
 مواد غدائییه دخی حامض فحمی نشادر روحی حامض آزوتی
 کبریتیت وسائر معدنی طوزلردن عبارتدر .

طوپراقده صو بولمسنك باشليجه سېي هر كسك بيلديكي
اوزره ياغمور وهوانك رطوبتدر زيرا قورى براقلميده فدانلر
نشو ونما ايدهميه جكندن دائماً نباتاتك كوكلرينه صو ويريلور
بو صو دخى حجماً بر قسم مولد الماء ايله ينه بر قسم مولد-
المحوضه دن وياخود وزناً بر قسم مولد الماء ايله سكر قسم هواى
حياتيدن عبارتدر .

حامض فحمى ايسه حجماً بر قسم كومور وايكي قسم مولد-
المحوضه دن ياخود وزناً آلتى قسم كومور واون التى قسم مولد-
المحوضه دن مركب اولوب باشليجه ياغمور صولرى ومواد
عضويه ايله فدانلره واصل اولور .

هوا بختنده بيان اولنديغى وجهله جو هواده آزوت
ومولد المحوضه دن ماعدا $\frac{1}{10}$ حامض فحمى دخى موجوددر
هواده اولان مار الذكر حامض فحمينك بر مقدارى ياغمور
صولريله منحل اوله رق ير يوزينه نزول ايدوب تا كوك
صچاقلرينك اوچلرينه قدر واصل اولور وصچاقلر دخى
بروجه محرر حامض فحمى يى صو ايله برابر اخذ ومص ايدوب
درون نباته نقل ايدر .

كذلك اشاعيده بيان اولنه جنى وجهله نباتات كوكلرندن ماعدا
حامض فحمينك اك زياده مقدارينى ييراقلى واسطه سيله دخى
جو هواندن اخذ وجذب ايلر .

اجسام عضويه نباتات وحيوانات چوركنه دينور زياده
كومورى حاويدر ذكر اولئان اجسام عضويه صوده اريديكي

جهتله اولجه طبعی تعذیل ایتمز ایسه فداندلری تغذیه صالح اوله.
مزمرکه هوانک تاثیر یله کوموری حامض فحیمی یه تحویل ایده
اولوقت صوده تحلیل ایدوب نباتاته نفوذ ایدر انک ایچون نباتاته
یالکز کوبره ویرمکه اکتفا ایتوب بلکه طوپراغی دخی ایوجه
اینجلمک لازمدر که هوا داخلنه تاثیر ایدوب کوبره ده بولنان
کوموری حامض فحیمی یه تحویل ایتسون نشادر غازی حتماً
اوج قسم مولد الماء وبر قسم ازوتدن مرکب اولوب کرک هوا
وکرک کوبره لر وساطتیه فداندلره حلول ایدر .

نباتات و حیواناتک تحلیلدن طولای بر مقدار نشادر
هوایه منتشر اولوب اوراده بولنان حامض فحیمی ایل برلشهرک
بر نوع طوز حصوله کتورر که بو طوز یاغمور صولریله
اریوب طوپراغه نزول ایلر .

کذلک کوبره لرک ویردیکی نشادر روحی دخی اریمش طوز
هیئتده اولوب سهولته تجز ایلدیکندن جمله سی فداندلره مصروف
اولیوب بر مقدار جسیمی ضایع اولور ایمدی کوبره لردن ممکن
مرتبّه زیاده نشادر آلق ایچون مذکور طوزی مذاب حاندن
صلب یعنی مایعدن طوز حالنه ارجاع ایتک لازمدر بناءً علیه
ترلاره الچی صاچلمسی نشادر روحی جذب و حفظ ایدوب
تدریجاً ویالکز یاغمورلی و قتلرده فداندلره اعطا ایتسی مقصدینه
مینیدر .

حامض ازوت دخی جو هوادن الندیغی کبی کوبره لردن
دخی الله بیلور بو حامض حتماً بر قسم ازوت و ایکی قسم

مولد الحموضه دن مرکب اولوب هواده تشکله باشلیجه بورالده ظهور ایدن الکتریک سیدر اشبو الکتریک ازوت ایله مولد. الحموضه یی ترکیب ایدوب حامض ازوتی حاصل ایدرکه یاغموور ایله برابر طوپراغه نزول ایدوب نشادر روحی ایله برلشور. صولر اهسته اهسته طوپراغه کیروب دروننده بولنان املاح معدنیه یی یعنی قالیه سوده کیرج والچی کبی طوزلری تحلیل ایدرک انلر ایله برابر نباتاته نفوذ ایدرکه بونلرک برلشمسیله درون نباتاته کوکورد حصوله کلور.

طاشلرده وصوانلی طوپراقلرده حمض حدید و مانغانزهرنه قدر اریامش کبی کورینور ایسه ده صولرک حامض فحمی و مولد. الحموضه نك تاثیراتیه یواش یواش تحلیل اولنوب صو ایله برابر نباتاته نقل ایلر.

اجسام عضویه آتش ایله یاندقن صوکره ترک ایلدیکی کول باشلیجه پوتاس سوده کیرج وشو ذکر ایلدی کمز سائر مواد معدنیه دن عبارتدر.

ایشته کوکلرک تجرع فعلیاتیه فدانلره اعطا ایلدیکی مواد غذائی بونلردرکه هربری بشقه بشقه خدمتله مألوف اولورلر. فعل حرکت — مواد غذائی یی حاوی اولان صو ذکری سبقت ایلدیکی وجهله نباتاته داخل اولدقده اوز اسمنی آلور نباتات ایچنده کوکلردن کچدکدن صوکره بدنک ایچ یعنی خشب دنیلان قطعه سندن تا پیراقلره وساقک یشیل قطعه لرینه قدر حیقارکه بو ائنده اوز غایت آق وشفاف اولوب فقط

پیراقلره و فدانلرک یشیل قطعه لرینه یعنی تازه سور کونلره و اصل اولنجه هوا ایله تماس ایدرک بشقه بشقه خاصیتله بولانق و کثیف بر حاله دونر .

بروجه محرر اوز فدانک قطعه اعلاسنه چیققدن صوکره اولکینک عکسی بر طریق ایله یعنی قبوقدن کچوب حاوی اولدینی مواد لازمه یی محللرینه صرف ایدرک بقیه سی ینه بولانق و کثیف اولدینی حالدده کوکلرک اوجلرینه اینوب طومروق دال ساق قبوق و کوکلرک والحاصل فدانلرک هر بر قطعه سنک ایریلمسینه خدمت ایدر .

فعل تنفس — بالاده بیان اولندینی وجهله مذکور اوز فدانک پیراقلرینه و یشیل قطعه لرینه واصل اولوبده هوا ایله تماس ایلدیکنده وقوعه کلان تبدلات و علایمک مجموعنه فعل تنفس دینور .

فعل تنفسک حین اجرا سنده ضیاء شمسک اجرا ایلدیکی تأثیردن بحث اولنه جنی کبی فدانلرک بعض وقت کوستردیکی حرارت و ضیادن دخی تفصیلات لازمه ویریه جکدر .

کتاب اقلیمده ذکر اولندینی اوزره هوا بیکده ۲۰۸ قسم مولدالموضه و ۷۹۲ قسم آزوتدن مرکب بر جسم اولوب دروننده بخار حالدده قرارسز بر مقدار صو و حامض آزوتی و ۱/۱۰ قسم حامض فحی بولنورکه اشبو حامض فحینک تحلیل ایله فدانلرک تنفس فعلیاتی حصوله کلور شویله که حامض فحی فدانلرک تازه یشیل سور کونلریله پیراقلری دروننده حل

اولوب حاوی اولدینی کوموری نباتات اخذ و حفظ ایدرک مو.
لدالمخوضه یی دفع و اخراج ایدر .

صو ایچنده بولنان نباتاتک تنفس فعلیاتی دخی عینی آچقده
بولنان نباتاتک تنفسی کبی اولوب صو درونده هوا ایله برابر
اریش اولان حامض فحمی یی اخذ ایدوب تحلیل ایلر .

نباتات بروجه محرر جو هواده بولنان حامض فحمی
نشارد روحی و صو و بخارینی تنفس و تحلیل ایدوب ایچنده
بولنان کومور آزوت و مولد المایی جذب و حفظ ایدرک
مولدالمخوضه یی دفع و اخراج ایلمکده اولدیفنه نظراً نباتاتک
افعال تنفسیه سی حیواناتک تنفس فعلیاته مغایر اولدینی فهم
اولنور زیر حیوانات نباتاتک دفع و اخراج ایتدکری مولد .
المخوضه یی اخذ ایدوب حامض فحمی یی دفع و اخراج ایدر
نباتات ایسه بالعکس حیواناتک دفع و اخراج ایلدیکی حامض
فحمی یی جذب و حفظ ایدرکه بریکینک ترک ایلدیکنی اوته کی
واوته کینک ترک ایلدیکنی بریکی اخذ ایتمکه هواده موازنت
حاصل اولوب اجزاسنه قطعاً نقصان ترتب ایتمز و شاید شوایی
اجسامدن برینک مقداری بر محله ازالور ایسه سائر اوزاق
محللردن روزکار اورایه نقل ایدوب نقصانی اکمال ایدر .

ضیانک تأثیری . شو تعریف اولنان علایم تحلیلات کرب
آچیق هواده و کرب صو ایچنده بولنان نباتاتک یالکر قطعه
اخضریه لرند فقط کونشک ضیاسی تحتند و قوعبولور کیجه
و کولکه التنده اعضای نباتاتک خدمتری کوندزه بکزه مز .

کیجه لری نباتاتک طور اقدن الدینی حامض فحمی بدنندن
کچوب پیراقلره قدر واصل و پیراقلرده برکونه تبدلات واقع
اولقسزین جو هوایه منتشر اولور کذلک پیراقلر حامض فحمی بی
تحلیل ایله مولد الحموضه بی جذب ایدوب کوموری دفع و اخراج
ایدر شوسبیدن طولای حامض فحمی مضر وزهرلی برغاز اولد-
یغندن انک ایچون کیجه لین یتاق او طه لرنده چوق فدان بولندیر-
لمسی غایت تهلکه لیدر .

فدانلرک یشیل اولمیان و طوبراق ایچنده بولنان قطعه لرینک
فعلیاتی ایسه کاملاً بر عکسدر زیرا انلر ضیانک تأثیری تحتنده
دخی حامض فحمی بی تحلیل ایدوب کوموری دفع و مولد الحمو-
ضه بی جذب ایدر .

نباتاتک تجری . نباتات تنفس ایلدیکی صرهدده دروننده
بولنان مایعاتک بر مقداری دخی پیراقلرنده بولنان مسامات
یعنی کوز ایله کورنمز دلیکلردن بخاره منقلب اولورکه مقداری
هوانک ییوست ورطوبته نظراً مختلفدر و تجر ایدن صافی صو
اولیوب ایچنده منحل اولان مواد دخی بخار حالنده دفع
و اخراج اولنور ضیانک قوتی تزايد ایتدکجه فعل تجر دخی
آرتار و اول بهارده تام کمالیه تجر ایدوب یاز موسمنده چوغالور
وصوک بهارده ایسه اکسیلور .

نباتاتک ایوجه نشو و نماسی فعل تجرک موازنته متوقفدر
زیرا تجر ایدن مایع نباتاتدن اکسیلوب تجر تزايد ایتدکجه
نباتاتک دخی اوزی آزالوب اداره سنه کفایت ایتمز .

اکثرا غایت حرارتی موسملرده نباتاتک صولری زیاده
تجر ایدوب خارجدن اولمقدار صو آله میه جنی جهتله موازنتی
غیب ایدر بوسبیلله پیراقلرده صو بولنیه جفندن مساماتی
قنوب هوانک تأثیرات نافعه سندن محروم قالور واو حالده
نباتات نه تجرع ونه ده تنفس ایدمه میه جکندن مدت قلیله ظرفنده
کاملأ قورر ایسته بویه برحاله تصادف اولندیغنده نباتاتک کوکلری
ویپراقلری صولامقدن بشقه چاره یوقدر زیر صو ویرلدیکی
وقت فعل تجر آزاله جنی کبی پیراقلرک مساماتی دخی آچیلوب
نباتات اولکی منتظم حاله عودت ایدر .

متادی قوراقندن صوکره نزول ایدن یاغورلرک منافع
کثیره سی بیان اولنان احوالندن سهولتله اکلاشیلور ایمدی
یاصدقلردن چیقاریلوبده آخر یره نقل اولنه حق فدانلر قوری
هواده دیکلما ملیدر برده هنوز کوچک ایکن یاصدقندن چیقار
ریلوب یوخسه بیودیکی حالده دال ویپراقلری چوق اوله جفندن
فعل تجر دخی زیاده لشور حالبوکه کوکلر یکی دیکلمش اولدینی
جهتله تجرع فعلی لایقیله اجرا ایدمه میه جکندن فدانلر متضرر
اولور .

یاصدقده فدانلر هنوز کوچک ایکن شدتلی طوکلردن
اول ویا صوکره یعنی اول وصوک بهارده رطوبتلی هوا ایله یرینه
دیکیلوب فعل تجری آزالق ایچون ایوجه صولاملی واوزرنده
از پیراق براقوب دیکرلرینی یولملیدر .

نباتاتک حرارتی . بعض دفعه فدانلرک حرارتی جو هوانک

حرارت‌سند زیادہ و بعضاً دخی اکثریا آز اولور باشلیجه سببی فدانلرک اوزی اولوب دائماً طوپراقده بولسان حرارت درجه . سنده در یعنی خارجه‌کی هوا صیجاق ایسه اوز صوغوق و هوا صوغوق اولور ایسه اوز صیجاقدر .

تجر حرارتک آزمسنه سبب اولدیغندن تجر فعلیاتی قوتلی وشدید اولان قطعه‌لرده حرارت نقصان اولور صیجاق و قتلرده خانه و دکانلرک اوکی صوارلمسنه سبب نه اولدینی بوندن اکلا . شیلور فدانلرک تناسلی ائنده حرارتلری آرتوب اولوقت بعضاً ضیا دخی چیقارذقلری کورلمشدر .

فعل ترشح — نباتات غدد دنیلان آلتلری واسطه‌سیله اوزلرنده بولسان مواد غدائییهی بالتفریق اخذ ایدرکه بو عملیاته فعل ترشح دینلور .

نباتاتک هوا و طوپراقدن اخذ ایلدیکی عناصر غدائییه صو حامض فحمی و آزوت اولوب بونلردن ماعدا کوکلریله طوپرا . قدن سائر مواد معدنیه دخی الورکه هر نه قدر اهمیتسز ظن اولنور ایسه‌ده نباتاتک حیات ونشو و نماسنه خیلی دخلی واردر . تنفس فعلیاتیله نباتات مولدالموضهیی دفع ایدوب کوموری آزوتی و مولدالمائی جذب و حفظ ایدر ایسه‌ده کیجه‌لین کوکلری واسطه‌سیله فدانلره نقل اولنان مولدالموضه خارجه چیقمیوب نباتات داخلنده قالدیغندن عناصر سائر ایله ترکیب ایدوب نباتاتک مدار غداسی اولان موادی حصوله کتورر .

ایشته فدانلرک باشلیجه حیاته سبب اولان انواع مواد یالکز شو درت عناصر ایله تشکل ایدر مواد مذکوره ایکی نوع اولوب بریسی اوج عنصرلی مواددرکه بونده یالکز کومور ایله مولد الحموضه و مولد الماء موجوددر .

ایکنجیسی درت عنصرلی مواددرکه بونده دخی شو اوج عنصردن ماعدا آزوت دخی بولنور .

نباتاتک قسم عظیمی فحم ایله مولد الحموضه و مولد المادن تشکل ایشدر مثلاً ۱۲ قسم کومور ۱۰ قسم مولد الحموضه و ۱۰ قسم مولد الماء ایله ترکیب ایلدکرنده اوج نوع ماده حاصل اولورکه عنصرلری بر ایسهده خواصی مختلفدر .

مواد مذکوره (ماده حجریه) (ماده رقیقه) و (دکسترین) درکه برنجیسی نباتاتک آلات عنصریه لرینک زارلرینی ایکنجیسی غایت رقیق و صغیر ذرات حالنده حجره لری داخلنده بولنان ماده بی اوجنجیسی دخی اوز ایله برابر فدانک هر بر قطعه سنه واصل اولان مواد مایعه بی تشکیل ایدر .

بوندن ماعدا نباتاتده ینه بوصفدن دیگر بر ماده ده ا وارددرکه اکا دخی صمغ یعنی ساقز دینور ساقز صوده تحلیل اولنوب صیق و آغیر صولی برنسنه تشکیل ایلر اکر کومورک مقداری بر اولوبده صو بر درجه یه قدر آزالور ایسه یعنی ۲ قسم کومور و ۱۱ قسم صو ترکیب ایدر ایسه نباتاتده شکر دنیلان شی حاصل اولور .

کذلک ماده حجریه نک کوموری تراید ایدر ایسه (ماده

لیفیه) حصول بولوراشبو ماده لیفیه ساقك خشبیه نفوذ ایدرك
زیاده قوتلشدیردکن بشقه دیگر بررنك ایله دخی تلوین
ایدركه ایچنده کی خشب خارجنده کی خشبدن تفریق اولنور
بوندن طولای اغاجرك مرکزنده غایت سرت قوی قوی
رنکی خطبه خشب صادق وخارجی قطعه سنه ملاصق قوتسز
ورنکی اولکندن فرقلی یعنی دها آچیق خطبه خشب کاذب
دینور سکود قواق وچام نوغنك بعضیسنده خشب صادق ایله
کاذب سهولته فرق اولنور .

اگر کومور ایله صویك مقداری آرتوبده انلر ایله برابر
زیاده مقدار مولدالماء ترکیب ایدر ایسه دیگر ماده لر وجود
بولورکه باشلیجه لری شونلردر .

اولا اصل اوز . بواوز سود وقان کی ایکی یه تفریق
اولنوب قسم اولی صولی وقسم دیگر قتیجه در بعض نباتاتك
بوکی اوزندن عادی الاستیق (قاؤچوق) استحصال اولنور
بو الاستیق جنوبی امریقاده کثرتله موجود اولان (ایاتروفا)
اغاجنك اوزندن آلنور اغاجك بدنلری اوزرنده خلقه واری
جریجه لر اعمال اولنه رق جریان ایدن اوزینك صولیسی تجر
ایدوب قتیجه سی الاستیق اولور .

ثانیاً ماده اخضریه . درکه نباتاتی یشیله تلوین ایدر .
ثالثاً کثیف یاغلردر بویاغلر صو ایچنده قتی وعادی حرارتده
مایع اولوب سائرلری کی تجر ایتمز عادی حرارتده قتی اوله رق
بال موملری دخی بولنور .

رابعاً خالص روغندر . که صوده بر مقدار منحل اولوب
عموماً آز چوق رایحه نشر ایدر وتجر وتحلل ایلر .

خامساً رچینادر که قوی اولوب اسپرتوده حل اولور .
مواد مذکوره یالکزر حین تنفسده وجوده کلوب شمسک
ضیاسی تحتنده بولنمیان نباتاتده مادهٔ اخضریه یعنی یشیل رنگ
تشکل ایدمهز بوکا مبنیدر که مادهٔ اخضریه کثرت اوزره وجود
بولوبده آجیلق حاصل ایتماک ایچون مارول وبوکبی بعض
نباتاتی مخصوصی سبتلر ایله ستر ایدوب یاخود باغلایوب ضیاء
شمسدن محروم طوتارلر فی الواقع کونشک ضیاسی طوقنمیان
نباتات بیاض قالور .

اگر مولد المانک یرینه کومور وصو ایله برابر زیادهجه
ترکب ایدن ماده مولد الحموضه ایسه او حالده نباتاتده تصادف
اولنان حوامض حصوله کلور .

حامضلر لیلاً تشکل ایدر زیرا کیجهلری نباتات اویقو
حالنده اولوب جو هوادن مولد الحموضه یی اخذ ایله حوامضک
تشکیلنی تسهیل ایلر حوامض مذکوره یه دخی نباتاتک قطعات
غیر اخضریه لرنده یعنی کوك ومیوه لرنده کثرت اوزره تصادف
اولنور .

ایکنجی نوعده یعنی فحم مولد الحموضه ومولد الماء ایله
آزوت دخی موجود اولان درت عنصرلی موادک تشکیل
ایلدیکی انواعک برنجیسی (البومین) دینلان مادهٔ هلمیه در .

ایکنجی (قازه ئین) پئیردرکه ماده دقیقه یی حاوی نباتاتده
یعنی نباتاتک دقتی ایله برابر بولنور .
اوچنجی (قیسرین) حلوین درکه نجلیله فصیله سندن اولان
بوغدای وآرپه کی فدانلرده کثرت اوزره حاصل اولور .
دردنجیسنه دخی (معیه) دنیلوب بوغدای دانه لرندن
استحصال اولنور .

نباتاتده بولنان مواد یالکر شو تعداد اولنانلردن عبارت
اولیوب بولنردن ماعدا طوپراق دخی صو ایله برابر
فدانلره بعض مواد معدنیه اعطا ایدر که طبیعت و کیفیتی فدان
یاقلدقدن صوکره ترک ایلدیکی کوللری تحلیل ایدیلرکه استخراج
اولنور بو ایسه نباتاته داخل اولان صویک مقدارینه نسبتله
نفوذ ایدوب اکثریا نباتاتک قبوغنده واقع اولور .
بعض فدانلره حلول ایدن مواد معدنیه همان دائمی صورتده
بردر مثلاً اکین صاپلرنده بولنان ماده معدنیه دائماً صوان
اولوب دانه لرنده کی فوسفوریت پوتاس نشادر کیرج وماغنیزیا
وصو کنارلرنده یاخود دکزلرده حاصل اولان فدانلرده دائماً
سوده وایبودر .

نباتاتک نشوونماسیچون ذکر اولنان مواد معدنیه غایت اهم
والزمدر زیرا مواد مذکوره دن خالی طوپراقلرده مزبور نباتات
حصوله کله مز فقط مواد معدنیه نک بری دیگرینک یرینی
طوته جغندن مثلاً کیرج بولغدیغی یرده صوان یاخود ماغنیزیا
بولنور ایسه ینه نشوونما ایده بیلور .

فن زراعتده اڤ اول بیلنمی لازم اولان نقطه هر بر نباتك محتاج اولدینی موادك طبیعت ونسبتدر زیر ویریله جك اجسام عضویه یعنی کوبره ومصلحلك مقدار وكیفیتی یالکز شو معلوماته متوققدر مثلاً پتاه دن استحصالی مطلوب اولان ماده دقیق و پانجارك شکر ی اولوب بونلرك محتاج اولدقلى ماده کومور اولدیغندن نباتات مذکوره اجسام عضویه یی حاوی اولان طوپراقلرده پك اعلا حصوله کلور فقط حبوباته مساعد دکلدر زیر ائلرك مایحتاج الیهی فوسفوریت وصواندر .

اكر زیاده صمان النخ مراد اولنور ایسه طوپراغه زیاده جه صوان واكر زیاده جه یراق ایله برابر اینجه صمان مقصود ایسه آز صوان ایله مواد فوسفوریه ویریلور طوپراقده صوان آز اولور ایسه بوغدا ی صاپلری اینجه وقوتسز اولوب بشاقلرك ثقلته تحمل ایده میه جکندن ادراکندن اول یاتر .

كذلك معلومدر كه چام انواعی نشوونما ایچون کیرجه محتاجدر میسه وبوكا مماثل سائر اغاچلر ایسه صوانلی طوپراقلرده یتشور (زراعت متناوبه شوقاعده طبیعییه استناداً توصیه اولنور كه بر طوپراقده زرع اولنه جق نباتات محتاج اولدقلى مواد غذائییه كاملاً صرف ایدوب طوپراعی ضعیف بر اقامق ایچون نوبت نوبت اکیلور . هر نوع نباتات بشقه بشقه مواد معدنییه محتاج اولدیغندن ایلک دفعه تر لایه اکیلان نبات هر نه اولور ایسه اولسون هر سنه اکیلور ایسه محتاج اولدینی مواد کیت کیده آالوب نهایت بر قاج سنه ظرفده كاملاً مصروف اولور فقط ایکنجی سنه

بشقه بر نبات اکیلور ایسه اولکی سنه اکیلان نباتک محتاج اولدینی ماده معدنیه کاملاً مصروف اولیه جغندن طوپراغک قوتی ضایع اولمز مثلاً بوغدایدن صوکره ترلایه زرع اولنه جق نبات صوانه احتیاجی اولیان نباتاتدن ایسه او حالده طوپراق راحتلشوب مواد معدنیه هوانک تأثیراتی تحتنده مذاب اوله رق مجدداً بوغدای ینشدیرمکه مساعد قوه غدائییه استحصال واکمال ایلر .

بقلیه فسیله سندن فاصولیه بذلیه وامشالی فدانلر حاوی اولدقلى ازوتی اکثریا هواندن اخذ ایلدکلریمچون طوپراغی ضعیفلندیرمز بناءً علیه زخایردن صوکره ترلایه بوکبی نباتات زرع ایتمک طبیعی بر زراعت متناویه دیمک اولور فقط شوراسی معلومدرکه زراعت متناویه هر ترلایه بر نباتی اوج درت ونهایت ۵ سنه ده بر کره زرع ایتمکدر .

فعل افراغ یاخود دفع — نباتاته داخل اولان موادک کافه سی بسلامه خاصه سنه مالک اولیوب بعضیلری فائده سز اولدیغندن مواد مذکورهنک بوکبی بقیه سی نباتاتک عروق واعصابنده بعد الحل مندفع اولور ایسه ده نباتاتک نره سندن اخراج اولدینی هنوز قطعاً معلوم دکلدیر ایشته بو فعله فعل افراغ یاخود دفع دینور .

فضلات مذکورهنک ککولرک اوچلرندن خارجه دفع اولدینی فرض و تخمین اولینور واقعا اوز فدانک قطعه اعلاسنه صعود ایدرک اوراده هوا ایله تماس ایدوب کیفیتنی تبدیل

ایستدکن صوکره ائشای سقوطنده مواد غدائیه یی هر بر
قطعه سنده ترك ایده ایده تا کوکلرک اوچلرینه واصل اولیورکه
فضلات مذکوره نك اورادن افراغ اولندی صحتی یقین کی
کورینور زیر کوکلرک اطرافنده پختی واری کوریلان بعض
مواد فضلات مذکوره اولسی محتملدر ناصل که بر حیوان
کندی فضلاتی ایچنده تغدی ایده مامسی دوام حیاته مانع ایه
بعض فدانلرده دخی واقع اولیور .

مثلا شفتالو کوکلرینک اطرافنده اشبو پختی زیاده جه
بریکدیکی کورلمشدرکه اغاج لایقوله تعدی ایده میوب ضعیف
قالیور احتمالدرکه شفتالو اغاجنک چوق یاشامامسی بوکا منیدر
بناءً علیه بو مثللو فدانلرک بهر اوچ سنده بر کره یرلرینی
تبدیل ایتک محافظه حیاتلرینه مدار اوله جنی زراعت کتابلرنده
محرردر .

بعض مواد ده وارددرکه هر نه قدر تصدیق اولنماش
ایسه ده اغاجک افراغاتی نظریله باقبله بیلور از جمله کیراز اریک
وامثالنده کوریلان ساقز وچام اغاجلرنده ظهور ایدن رجینادر
اغاجلرده اوز تکرر ایلدیکی وقت نامقرر مجرالردن خارجه
خروج ایدیور .

کذلک صوغوقدن طومرقلری وقایت ایچون اطرافنده
بریکن بالومی واری ماده یی دخی افراغاتدن عد ایلدکری
کی لحه وسائر پیراقلرک یوزلرنده متنوع رنگلرده حصوله
کلان توزی دخی افراغاتدن صایارلر فقط بونلر فعل تجری

مخفف ایچون حاصل اولور .

اصل فعل تغدی — بالاده بیان اولندیغی وجهله فدائلرک
قطعه اعلاسنه واصل اوله رق هوا ایله تماش ایدن اوز نباتاتی
بسارکه بوکا فعل تغدی دینور بوتغیدن مقصد فدائی بیوتوب
اعضاسی عموماً تجسم ابتدیرمکدر یعنی ساق کؤک دال اوراق
صالدیروب انلری بیوتمکدر .

ساق یعنی بدن ایکی وجه اوزره تجسم ایدر بری حتماً
دیگری طولاً در حتماً ساقک تجسمی هر صوک بهارده قبوق
ایله خشک آراسنده طولنان کثیف اوز تخشب اتمکله اولور
بودخی ایکیه منقسمدر بری خشب قطعه سنه و دیگری قبوغه
تعلق ایدرکه شو ایکی قسم مذکور اغاجلرده سهولتله تفریق
اولور .

متحد المرکز مختلف وسعتده تشکیل ایلدکلری دائره لر
واسطه سیله اغاجک یاشی استخراج اولنه بیلور یعنی هر سنه
بردائره حصوله کلدیکی جهته مجموعه اغاجک قاج سنه لک
اولدینی بالتعداد اکلاشیلور .


ساقک یعنی بدنک طولاً تجسمی رأس اعلاسنده بهر سنه
حاصل اولان طومرقلر واسطه سیله اولور اشبو طومرق اول
بهارده آچیلوب اوزانه رق اوسنه بیودیکی قدر بیور ونهایتده
کله جک سنه ایچون ینه بر طومرق تشکیل ایدر بناءً علیه
فدانک قطعه اعلاسنده اولان طومرقلر بر قضایه تصادف
ایدوبده یاننده دیگر طومرق حاصل ایده من ایه بویسر

تاله جنى اكلاشيلور داللىر دىخى عىنيله بدنى كېي بيور .
 كوكارك حجماً تجسمى ساقك تجسمنه مشابه ايسهده ساقده
 اولدىغى كېي اوچلرنده طومرق پيدا ايتيوب امتدادينه نسجلر
 علاوه ايلر .

نباتات برحيات ايكن دائماً تجسم ايدر ايسهده اوقات حياتى
 تحديد ممكن دكلدر زيرا بعض اخلامور ۱۲۰۰ و بعض سكود
 وزيتون ۳۰۰ چينار ۴۰۰ ميشه ۱۶۰۰ و بعض اوافق آغاجلر
 ۱۲۸۰ و ۱۴۵۸ و ۲۸۸۰ سنه برحيات قاله بيلور .

اك زياده ياشايان آغاج امريقاده بولسان و (باعوباب) تعير
 يديلان آغاجدر زيرا بعض نباتيونك افاده لرينه نظراً بو آغاجلر
 ۵۰۰۰ سنه دن زياده ياشادقلى و اردير حتى باعوباب وسدر
 آغاجلى نوغندن اولمق اوزره آسياده ۳۰۰۰ سنه لك آغاج
 اولدىغى روايت ايدرلر .

مراد من فن نباتاتى تفصيل اولمديغندن بو قدر جق معلو-
 مات اجماليه چفته جيلرئز ايچون شمديك كافيدر .



سکزنجی کتاب زراعت متناوبه بیانده در

شمدی به قدر کچن کتابلرده اقلیم وهوا ایله تبدلاتی و طو-
پراقلرک انواعیله کوبره لرك خواص و تأثیراتی و نباتاتک نوع
و جنسیله اصول زراعتی اجمالاً ذکر اولندیغنه نظراً ظن
اولتورکه مالک اولدیغمز اراضینک اقلیم وهواسنه مساعد اولان
واک زیاده کار و تمتع بر اقان نباتاتی انتخاب ایدوب بلا فاصله
هرسنه انی زراعت ایدرک انتفاع ایتک لازمدر حالبوکه اولیله
دکل زیرا آشاغیده ذکر ایده جکمز احوال طبعیه بوطنک
خطاسنی کوستر .

بالفرض نباتات مذکوره میانندن بوغدایی انتخاب ایدوب
طوپراقلریمزه هرسنه انی زراعت ایتسهک چونکه بوغدایک
احتیاجه الویره جک مقدارندن زیاده سی خارجه صاتیلوب
کیروده بشقه اکین دخی اولمدینی جهتله حیواناتمزی اعاشه ایله
کوبره استحصال ایدرک ترلاریمزک ضایع اولان قوه انباتیه سنی
اعاده ممکن اولیه جغندن بشقه بوغدای ترلارنده یتشان نباتات
خسیسه ایرکن ادراک ایدوب تخمیرینی ترلاده ترک ایدرک ایلرو
سنه نک زراعتی اضرار ایدر و حصادی اغستوس نهایتسه
تصادف ایدن ممالکده ترلاری ایلول و یا تشرین اول ایچنده

یکیدن اکیله جک تخم لر ایچون قازوب حاضر لاق قابل دکلدر .
 شوذکر اولنان وبونلره ممائل بوراده تفصیل اولنیشان
 مانعلری دفع ایچون آنجق ایکی صورت اصلاحیه تصور اولنورکه
 بری برتر لای هراییکی زراعت آراسنده برویا ایکی سنه فقط
 یازین براییکی کره سوروب بوش براقق ودیکری طوپراغی
 خالی براقه حق یرده زیاده چاپه عملیاتنه محتاج اولان وطوپرا .
 غک قوه انباتیه سنی کاملاً اخذ ایتیمان بشقه بر نباتات امکددرکه
 تصورات مذکوره مؤخرأ میدان فعله کله رک نوبت زراعت
 اصولنک قبول واتخاذینه مجبوریت ویرمشد ،
 ایمدی زراعت متناوبه اوزرینه طوپراقلرک تقسیماتی بیان
 ایتزدن اول مطالعه یه شایان بعض موادک ذکر ی فائده دن خالی
 دکلدر .

برنجی فصل نوبت زرعک نظریاتی

برطوپراقدن پک آز مصرفله پک چوق محصول الموق
 ایچون اوطوپراغه نوبت ایله مختلف اکین زرعی اصولنه نوبت
 زرع (زراعت متناوبه) دینور .
 انسانک ایلک اول نظر دقتی جلب ایده جک نباتات کندو
 تعیشلرینه مدار اولان نباتات اولوق کرکدر آندن اوتوریدرکه
 عموم اهل زراعتک مشغولیت منحصره سی نباتات مذکوره
 اولدینی کبی بوکونکی کون دخی تر لالرمزک اک چوغنی اشغال

ایدن بومثلونباتاتدر اگرچه طوپراغک هر سنه مختلف نباتات ایله
مستور اولدیغندن طولای قوه انباتیه سی آرتیور و برنوع محصولی
هر سنه ویره بیلور ایسه ده سنه دن سنه یه قوتدن دوشوب
حاصلاتی آزالدیغی کوریلور .

ممالك عثمانیه نك روم ایلی وانا طولی ایچنده طبیعی وواسع
مرعالر پك چوق اولدیغندن اهل زراعتك اكثر حیوان
دعیچون چایر زرعی کلفته دوشمیوب یالکز کندو تعیشلرینه
کفایت ایده جك قدر اراضی بی زراعت ایدرلر .

ومهارتلیخی دائماً چوقلغندن طولای الك منبت طوپراقلی
انتخابده کوستروب اسکی ترلاری براقورلر وزراعتی یالکز
صبان سورمك صنعتیه منحصر صانورلر .

کرچه اسکی وقتلرده خلقك بیلکیچ وافکاری اوروپاده
دخی بویولده ایدیه ده مؤخرأ نفوسك تکزری واحتیاجاتك
چوغالمسی سببیه املاك تقسیم وتفريق اولنه رق انسانك مدار
تعیشی اولان حبوبات ده ا زیاده و برتر لایه صیقجه صیقجه زرع
اولمغه باشلاندى . اسکیدن زراعت صبان سورمكدن عبارت
ظن اولنور ایکن صوکره دن کوبره استعمالك لزومی اکلا .
شلمش واکلیشه کوره کوبره دخی کفایت ایتمدیکندن
برترلادن ممکن مرتبه وطوپراغک قوه انباتیه سی مساعده
ایتدیکی درجه ده حاصلات آلوب اوترلای آز چوق برمدت
خالی براقغه قرار ویرمشر ایدی .

اوزمانه قدر نوبت زرعك نظریاتی نمایله معلوم اولدیغندن

طبیعی مراعالرده و خالی براقیلان ترلارده بیتن اوتلری حیوانلره اوتارترلر ونادر اوله رق پک چوق چایر اکرلر ایدی زیرا اولوقت طوغریدن طوغری به انسانه لازم اولمیان ویاخود عقینده پاره ایدن نباتاتی زرع ایتک هیچ بیلنمز وحسابه قاتلمز ایدی .

فن زراعت ایلک ترقیسنی صناعی چایر تشکیلنده کوستروب مؤخرأ چایه ودیبلری طولدیلمغه محتاج اولان نباتاتک اراصره زرعی ایله ایلرو کیتمکه باشلامشدر بویولده نوبتله زرع اولنان اکین طوپراغی قوتدن دوشورمدیکنی وبری دیکرندن صوکره اکیلدکجه ایی وبعضیسی مضر اولدیغنی وبرطافنک برطوپراغه صیقجه زرعی ممکن وقابل اولوب دیکرلرینک نوبتلری پک کیچ کلدیکنی هرکس کوروب اکلامش وبوصورت اهل زراعته برفن جدید کوسترمشدر بوفنک برقسمنی عملیات ظاهره چیقاروب دیکر اقسامنی ایسه علایم طبیعه بتون بتون میدانه قومیشدر .

بزم شمدیکی حالمز اوروپالیرک بولندقلری اسکی حالک عیندر نفوسک تکزری واحتیاجاتک چوغالمسی کبی زراعتی ایلرولمتکه انلری مجبور ایدن احوالک قریبأ بزیده مجبور ایتیه . جکنه اعتماد ایدن کیمسه وارمیدر ؟ خصوصیه زراعتی ایلرو . لمتکه بوکونکی کون بزى مجبور ومضطر ایدن بشقه سیبلردخی کوزمزنک اوکندهدر .

ملبوسات ومشروبات ایله صنایعه متعلق شیلرک اکثرینی

اوروپاليلردن آلتون ايله مبادلە ايدييورز : يا آلتوني نره دن
آليورز ؟ شهبه يوقدر كه ينه اوروپاليلردن : نه ايله ؟ صاتيديغمز
اكي ن وخام اشيا ايله : حالبو كه انردن سنوي صاتون آليديغمز
ملبوسات ومشروبات وصناعي ادواته نسبتله صاتيديغمز شيلر
پك آذرر بو آزلق كيت كيده دها زياده آزاليور بالعكس مبايعاتز
احتياجاتز آرتيور بو حاللر ك نتيجه لري كوزلجه دوشونيلور
ايسه مالك اولديغمز اراضي واسعه دن حيوان تمالك اعاشه سي
ومحروقاته مقتضي اولان دن ماعدا هيچ بري ريني خالي براقيوب
اوروپاليلر ك حال حاضر ترقي لر ينه توفيقاً جمله سني زرع ايتك
لازمكلور انك ايچون نوبت زرع اصولنك نظريات وعملياتي
كتائزده تفصيله محيورز .

نوبت زرعك نظريات كيميويه سى — نباتات يريوزنده هم جنس وفصيله اوله رق برلكده يتشدكلرى نادر ايسه ده بعض جنس ديكر جنسه قارشقمق سزين يالكر اوله رق طويراغى اشغال ايله آز چوق زمان اوراده دوام ايلدكلرى كوريليور فقط مرور زمان ايله طويراغك قوه انباتيه لرى اكسيه لك ارالرنده برطاقم مختلف الجنس فدانلر ظهور ايله آزمدت ظرفنده چوغاليور واولكيلىرى بتون بتون بوغوب تلف ايدرك انلرك يرينى طوتيورلر . زرع اولنميو بده كندو كندويه بيتن يشيل نباتانده بونك امثالى پك چوقدر . مرعا وطيعى چاپرلر مزده بو حال دائما وقوعه كلكدده اولوب نجليه فصيله سندن اولان نباتات ايله مستور چاپرلرده برقاچ سنه صوكره

بقليه فصيله سندن يونجه ولوپلين كې نباتات ظهوره كلديكى
وبرمدت صوكره دوكون چيچكى وانواعى وقانتارون وجوان
پرچمى ايله قوزى قولاغى پيدا اولدينى كورينه يور .

غوغا ايدرجه سنه برى بريله بوغوشوب غلبه چالدىقلىرى
نباتاتك يرلرني غصب ايدن فدانلر كىفيت تناسل متعاقبلىرى
ملاحظه اولندوقده بوكې برخيل امثاله تصادف اولنور وحتى
انسانك قيصه حق عمرى بومثللو نباتاتك احاطه ايتدىكلىرى
طوپراغى مرور زمان ايله ديكر بشقه برجنس نباتاته ترك
ايلدىكلىرى كوره بيلور .

بعض محللرده آق وقره تركيه مضر اولان نباتات برطوپراقده
دوام ايتيوب تغيير جنس ايلدىكلىرى كورينيور بونك بشقه
سبيلريده وار ايسه ده باشليجه سى طوپراغك مختلف الجنس
نباتات بسلمكه احتياجيدر .

آغاجلر بيله نوبت زرع قانوننه تابعدرلر . برچوق ارباب
قنونك يازمش اولدىقلىرى مقاله لر بوبابده شبهه محل براقرز .
ازجمله بوندن يوز الى سنه اول فرانسده (شاتانو) نامنده كى
قاي ن اورمانده حريق ظهور ايدرك ياقدينى ۵۰ بيك آرشون
يرده برقاچ سنه صوكره ظهور ايدن فدان وچالى اراسنده
كليتلو ميشه آغاجلىرى باش كوسترمشدر .

۱۰۰ سنه اول دخى ينه فرانسده قطع اولنان (لوفيسى)
(وكره سى) قاي ن اورمانلىرى يرنده اغاج چيلكى وفرنك اوزومى
وطاغ چيلكى يتشهر ك آز وقت صوكره ينه كندوكندويه ميشه

اڭاڭلری ظهوره کله رڼه قاین یرینه بوکونکی کون میشه اورمانلری.
تشکل ایتشد.

بو تبدلات بشقه یرلرده کورلمشدر (دصومیر) ایرماغنک
کنارلرنده بولنان قاین اورمانلری قطع ایله چلاق قلان محللرنده
در عقب کلیتو اڭاڭ چیلکی ظهور ایدیور و بونلر اوچ درت
سنه میوه ویردکن صوکره طاغ چیلکی صوکره بوکورتلن ودها
صوکره بیوک اڭاڭلر یتشیور.

(مونت دور) دنیلان آلتون طاغنده قاین اورمانلری قطع
اولندڭچه یرلرینه فرنک اوزومی و بونلر یرینه اڭاڭ چیلکی
ظهور ایدرڭ اوچ درت سنه دوام ایتدکن صوکره ایکی سنه
طاغ چیلکی و سکر اون سنه بوکورتلن یتشوب بعد یرنده قاین
یاخود میشه پیدا اولیور.

(مورتانی) جوارنده واقع (بلزم) اورماننده کی اڭاڭلری
اوچ نوبت ایله کسمشدر که برنجیسی اورمانک بر قطعه سنده
یکرمی سنه ک میشه وقاین اڭاڭلرینک دالترینی کسوب اوتوز
سنه صوکره ینه اوقطعه ده بیوین مذکور میشه وقاین اڭاڭلرینی
ایکنجی دفعه اوله رق قطع ایتمشلر و آرادن یوز سنه کچدکن
صوکره ینه مذکور اڭاڭلر اوچنجی دفعه کسلمشدر که یوزالی
سنه دن برو اوراده بولمش اولان بدنلر غائب اولمش ویرنده
تخم اکمکسزین و جوارنده بشقه اڭاڭ بولمقسزین بیاض قاین
اڭاڭلری ظهور ایتشد بونلر دخی یکرمی سنه دن بر و اوچ
دفعه قطع اولندقدن صوکره غائب اولوب آرقه سی صره میشه

اڭاجلری پیدا اولمشدر .

(هوتفویل) ده میشه یرینه طوپراغنه کوره ساز یاسکود
وخصوصیله (سدره) نبق و دیکنلی اریک و تترك قواق اڭاجلری
ظهوره کلیور .

یکی انکلتزده یراق دوکیان اڭاجلر یرینه یراق دوکن
اڭاجلر ظهور ایتدیکی مثللو عکسیسی دخی وقوعه کلدیکی
واردر آزماش برجنس اڭاج ولوکه یری بونک تخمیریه طولو
اولسه ینه نشو و نما ایده میوب یرینه بر ویا زیاده جنس دیگر
اڭاجلر پیدا اولور .

شواحواله باقیلور ایسه نباتاتک نوبت نشو و نما سیچون
برقانون طبیعی اولدینی انکار اولنه میه جغندن بوقانونک اسباب
وکیفیتی علایم مادیه وکیمیویه ده آرامق لازمکلور .

اولا مختلف فصیله دن اولان نباتات طوپراقده بولدینی
مواد غذائییه دن کندولرینه الویرنلری اخذ ایده بیله جکلری
درمیان اولمشدر فقط فدائلر صوده اریمش بولدقلری کافه
موادی حتی کندولرینه مضر اولانلری بیله اخذ ایلر ایسه ده
بونلرک اوزه ایصال ایلدکلری صلب و مایع بسله یجی مواد معدنیه
فدائلرک داخلنده انتخاب ایله اخذ و صرف اولندیفی تجارب
متعدده ایله اکلاشلمشدر .

برده کوکلر مواد غذائییه لرینی بولق ایچون عمقاً یا متوازیاً
اوزاندقلری مسافیه کوره طوپراغک طبیعتی تغیر ایلدکلرینه
حمل اولمش ایسه ده بونظریات برطوپراقده متعدد الجنس یشایان

نباتات و صبان ایله ایشلنمیان اراضی حقنده قبول اولنه بیلور.
 ارباب زراعت نباتاتک بعضیسی دیکرندن زیاده طوپراغه
 ضعف ویردیکنی اکلادقلمری زمان زراعت متناوبه لزومنک
 سبب کیمیویسی بولندی ظن ایتمشلر ایسهده کشفلمری ناقام
 اولدیغنی مؤخرأ درک ایلمشلردر چونکه بووجهله طوپراغک
 ضعیفی تمامیه اکلاشلمش ایسهده طوپراغی اوقدر یورمیان
 فدانلر برقاج سنه متمادیأ بر طوپراغه اکیلدیکی حالده برقاج سنه
 صوکره اوراده یتشه ماملرینک اسبابی تحقیق ایده مامشلردر.
 ارباب حکمت طبعیهدن موسیو دوقاندولک « حکمت
 طبعیه نباتیه » نام کتابنده شوفکری بووجهله شرح و تعریف
 ایدر.

« طوپراغک قصیرلغنی حاوی اولدیغنی مواد خالصه نك کافه.
 سنی برچوق و متعدد نباتاتک اخذ و صرف ایلمسندن ایلرو
 کلور فقط بر نوع نباتی بسلیدن طولایی ضعیف قلان.
 طوپراق قصیر صایلمز کرچه اونباتی وانک عائد اولدیغنی
 فصیله نباتاتی بسلهیه مزیعنی آنلر ایچون قصیر قالور ایسهده
 فصیله سائر نباتاتی بسلمکه مقتدردر.

حاوی اولدیغنی مواد انباتیه سنک کایأ توکنمسیله قصیر قلان
 طوپراق سائر بالجه نباتاتی بسلهیه مزایسهده ضعیفلق قصیرلق کبی
 دکلدردر طوپراغک ضعیف قالسی کوکلرک دفع و اخراج ایلدکری
 مخاطره لی موادک طوپراقده بریکمسندن ایلرو کلور مثلاً بر شفتالی
 اغاجی یرینی کندوسیچون اولقدر یورارکه طوپراغنی دکشتر.

مکسزین اسکیدن شفتالو اغاجی دیکلی برطوپراغه بشقه برشفتالی
اغاجی دیکوب یاشاتمق بکن دکل ایکن دیگر جنس براغ او طو-
پراقدہ پک اعلا یتشور اک اول دیکیلان شفتالی اغاجندہ بوحالک
وقوعبولماسنہ سبب کوکلی دایما اوزاندیغدن هنوز کوکلینک
یرندہ ترک ایلدیکی فضلاتی یایلماش طوپراق طمارلری بولمرد-
ندر بر حیوان کندو فشقیسیله بسنہ جک اولور ایسه مضرت کورم-
جکی کبی بردان دخی کندو فضلاتی ایچندہ یاشار ایسه متضرر
اوله جنی شہہ سزدر ایستہ بوندن طولاییدرکہ بردانک منسوب
اولدیفی فصیلہ نباتاتی کندو جنسنک فضلاتی ایچندہ یاشایہ مز-
نتہ کیم مہلی حیوانات بری دیگرینک نجاستدن نفرت واستکراه
ایلر بردان دخی ہم جنسلری ایچون طوپراغی ضعیفلندر ریغی
اوزلری بروشدیریجی اولان خشخاش و فربیون کبی فدانلر
اکثر نباتات ایچون طوپراغی قوتدن دوشوردکلی شو اسبابہ
مبیدر .

اوزی طادلی بعض نباتاتک افراغاتی کرک کندولریلہ یاشایان
و کرک کندولرندن صوکرہ اکیلان وبالجمله بقلیہ فصیلہ سندن اولان
نباتات نجیلہ فصیلہ سندن اولان فدانلر ایچون طوپراغی اصلاح
ایدرلر .

نباتات متنوعہ دفعیاتنک طبیعتی ایلہ بونلرک نباتات سائرہ
نہ صورتلہ تأثیر ایلدیکنی آرایوب تعین ایتک ارباب کیمیایہ عائد
بر مسئلہ اولدیغدن بورادہ تفصیلہ لزوم یوقدر .

نوبت زرعك نظريات ماديه‌سی — نوبت زرعك نظريات ماديه‌سی نظريات کيميويه‌سندن ده‌ا آشکاردر بونظريات دخي طوپراغی محصولات متنوعه زرعی ايله دائماً تمیز وایجلمش بر حالده طومتقدن عبارتدر .

نظريات مذکوره اتی الذکر اساسله بنا اولنور .

۱. طوپراغی یورار محصولاتدن اول وصوکره طوپراغی دیکلندیره‌جک وقوه انباتیه‌سنی آرتیره‌جق بر اکین اکمک ایجاب ایدر .

طوپراغه‌ا ک زیاده ضعف ویرر محصولات حبوبات ايله قولزا وکتان وکنویر کبی تخم‌لری کماله ایرمکه براقلان حاصلاتدر زیرا موسم ادراکنده پیراقلری همان قوری کبی اولدقلری جهته مواد غذائیه‌لرینی هوادن آله‌میوب احتیاجاتنک اخذ واعطاسی عموماً کوکلره منحصر قالور .

طوپراغی دیکلندیرن یاخود منبت ایدن محصولات تخمه کلزدن اول ییچیلان طرفیل و یونجه‌نک پیراقلری کوک و بدنلرینک بر قسمی طوپراغه کوملان نیچیله‌ر وغزللری طوپراغی برخیلی زمان ستر ایدن اغاج و فدانلردر قره بغدادی آجی بقله کبی چیچکه کلنجه طوپراغه کوملان ویشیل اوت یرنده حیواناته یدیریلان یبانی شالغم ولخنه وپانجارکبی صرف ایتدکلری کوبره‌دن فضله کوبره‌یه محتاج اولان نباتات طوپراغی اصلاح و منبت ایدن محصولاتدن صاییلور .

۲. بر جنس ویا فسیله فدانلرندن صوکره ممکن مرتبه

دیگر جنس ویا فسیله نباتاتی اکمک لازمدر بو صورتله طوپرا-
 غک ضعفندن اوقدر قورقلمز اگرچه بو قاعده نك بعض
 استثنا لری وار ایسه ده پك نادر اولدیغندن اهمیت ویرلز .
 بعض یرلرده بلا تعطیل قرق سنه متادیا بر ترلایه بوغدا ی
 اکیلدیکنی وبوقرق سنه نك یکرمی بش دفعه سنده فاصله ایله
 تخم زرع اولنوب اون بش دفعه سنده تخم اکیلیمکسزین واصل
 کوبره ویرلمکسزین ایو محصول آلدیغنی روایت ایدرلر .
 زراعت متناوبه حقنده اك مکمل کتاب یازمش اولان موسیو
 (ایوار) ك قولنجه الی سنه متادیا بر ترلایه قیش آرپه سی
 آتوب حسن نتیجه یه دسترس اولدیغنی مثللو بعض رطوبتلی
 یرلرده اوچ سنه مصر اکوب دیگر اوچ سنه ترلانی خالی وچایرلق
 کبی قوللاندیغنی وکنویر دخی برچوق سنه برترلاده اکیلدیکی
 حالده ایو محصول ویردیکی ایدیلان تجربه لردن اکلاشلمش
 ایسه ده بونلر نادر ومستثنا محللردر .

کرجه اوילה یرلرده بعض نباتاتك نوبت زرع احتیاجلری
 یوغیسه ده دیگرلری وخصوصیله آرپه بوغدا ی کبی حبوبات قیصه
 برمدتن صوکره ینه اولجه مزروع ترلایه اکیلور وبرطاقی دخی
 آراسندن اوزون برمدت مرور ایتدکن صوکره زرع اولنه
 بیلور .

ازجمله بعض یرلرده اوزرندن ۱۵-۲۰ سنه کچمدکجه صفران
 اکیله مدیکی کبی قولزا ودانه لردن یاغ چیقاریلور بعض نباتاتك
 نوبت زرع انجق درت بش سنه ده برکله جکی درکاردر .

موسیو (ایوار) ك افاده سنه كوره اقیمون وذات القساح خفیه بعض مضر نباتات بقلیه توتون و صفران ترالرنده ظهور ایدر و بونباتات بر ترلایه بری بری متعاقباً اکیلور ایسه بر قاق سنه زراعتی تعطیل ایده جك صورتده تكثر ایلر و بعض حیوانات مضره دخی بعض نوع نباتاته زیاده مسلط اولدقلرندن نباتات مذکوره دوام ایله اکیلور ایسه حیوانات مضره نك اتلافی ممکن اوله میسه جق صورتده چوغالدینی تجارب متعدده دن اكلا شلمشدر .

برجنس فدان دیکر جنسدن صوكره ایو و برکتلی اولدینی حالده بر دیکر جنسدن صوكره فنالشدینی کورلمشدر از جمله ایو و قوتلی اولدینی یرلرده طرفیلدن و کیلی طوبراقلرده بقله دن صوكره ایو بوغدای اولدینی مثللو پاتانه دن صوكره آرپه و یولاف بغدایدن دها اعلا محصول و یردیکی و یکی آچیلمش بر چایر یا خود اسکی بر یونجه لقه د یا یکی بر اچه و یا قهده یولاف و چاودار بغدای و آرپه دن کوزل یتشدیکی درکاردر .

۳. نباتات مضره نك ظهورینی تسهیل ایدن تخمدن و خصو- صیله بوغدایدن صوكره نباتات مذکوره بی تلف ایدر یا خود چوغالمسنی منع ایلر براکین زرعی الزمدر .

بعض نباتات از جمله طرفیل بدنلرینك و یراقلرینك چوقلغندن طولایی جوارنده دیکر بر فدانك یتشمسینه میدان و یرمز هوا و ضیانك زمینه وصوله مانع اوله رق کندودن قیصه و دها ضعیف بالجمله نباتاتی بوغوب تلف ایلر فقط بو

نتیجه طرفیلك قوت و سرعتله بیومسنه متوقفدر اگر طرفیل ترلاسی ایوجه کوبره لغز و طوپراغی لایقیله تسویه کورمن ایسه مضر اوتلر اندن زیاده قوتلنه جکندن بکلنیلان نتیجه نك عکسی وقوعبولور و ترلاسی سوکلدیکی زمان طوپراغی مذکور مضر اوتلرک تخمیریه طولی اولور .

چاپهیه محتاج اولان محصولدن اول و صوکره چاپه ایستمین ترکه کبی اکین پک فائده لیدر ایکی اکین میاننده چاپه کورر بر تخم زرعی عادتا برنطس یرینی طوتار .

چونکه بومقوله فدان طوپراقده بولندیفی مدت یری دائماً چاپه لنوب ایخلدیلور و نباتات مضره نك اخراجی ایچون طوپراغی قازیلهرق هوانك تأثیراته مظهر اولور بونوع نطس یعنی چاپهیه محتاج فدان زرع اولنان طوپراق هم حبوبات زرع اولنمش کبی نطس مدتی ایچنده حاصلات ویرر و همده خالی نطسدن دها ایو طوپراغی اکینه حاضر لر .

عملیات عادیده نوبت زرع دائماً حبوبات ایله باشلار یعنی یکی آچهیه کوبره ویرلدکدن صوکره حبوبات آکیلور بواصول فن نظرنده ایو کورمنز ایسه ده بعض یر وزمانده زیاده فائده سی اولدیفی تجربه ایله ثابتدر فقط اول باول هر یرده طوپراغك آزچوق زنکین و نباتات مضره دن عاری و کوبره لرک کیفیتی ایله آکیله جک تخمک مدت دوامنی بیلمک لازمدر . مع مافیه اورته منبت طوپراقلر ایله آز چورک یتاق کوبره سی استعمال اولنان یرلرده کوبره سز آکیلان بوغدایدن صوکره چاپه یاخود دیبلری

طولق ایستین کوبره لی برنبات اکرلر بعض محالرده دخی دیکلندیریجی یاخود نباتات مضره یی تلف ایدر اکین زرع اولنورکه اولکیدن ابو اولور .

بواصولك اتخاڭینه مجبوریت ویرن سبیلر چوقدر اولابوغدای اکیله چك ترلاده قوۋا نباتیه چوق بولنورایسه اکینی یاترر و صاپلری دائماً پك زیاده قوتلندیکی حالده دانه لری ضعیف قالور بوندن بشقه کوبره نك چوقلنی نباتات مضره نك کثرتله ظهورینه مساعد اولوب بوغدای ترلارنده ایسه یبانی اوتلری چیقاروب یرینی تمیز طومتق مشکل اولدیغندن کوبره دن بکلنیلان حسن نتیجه سو نتیجه یه مبدل اولور .

پانجار هاوج شالغم و پتانه کبی یومری کوکلی نباتات هم درین صبانه همده برطاقم چاپه و طولدیرمه عملیاتنه محتاج اولد. قلری مثللو لخنه وامثالی چاپه کورن حیوان یملری کبی کوبره نك چوقلغندن متأثر اولمدقلرندن بشقه طوپراغك مواد انباتیه سنك یالکز بر قسمنی اخذ و صرف ایدب طوپراغی دائماً تمیز طوتار بناءً علیه طبعی و صنایعی مرعا و چایرلر ایله برابر حیوانات بسلیوب کوبره سنی سود یاغ یوک واتنی آلق ایچون دائماً بو مثللو نباتات مفیده زرع ایتملیدر .

معلوماتی چفتجیلرک اکثریسی آزدن ڊرت سنه ده برهمه حال برتر لایه چاپه یه محتاج اکین زرعی الزم اولدیغنی توصیه ایدرلر .

فرانسه ده زراعت متناوبه دن اك زیاده استفاده ایدن یرلرده

نوبت زرع حیوان یمی اولان یاخود چاپه وکوبریه محتاج کورینان صناعی حاصلاتدن باشلار اندن صوکره آق وقره ترکه دن برینی اکوب بعده صناعی چایر یابه رق سنه آتی-مده ینه ترکه زرع ایدرلر .

زراعت متاوبه یوقاریده ذکر ایتدیکمز اوج اساسه تابع درکه خلاصه سی شودر :

اولاً صورت ممکنه ده الویره جک قدر کوبره استعمال ایدرک طوپراغی دائماً منبت برحاله طوتمق ثانیاً هر موسمه طوپراغک بسلمکه مقدر و مستعد اولدینی نباتاتی زرع ایتک . ثالثاً زرع اولنان نباتاتی مضر اوت تسلطدن محافظه ایتمکدر . فقط بونلر ایله برابر دقت اولنه جق دها برطاقم شیلر واردرکه بونلر دخی هر نوع نباتک اصول زرعی بخلرنده تفصیل اولنه . جقدر .

اکیلرک برچوق نوعی زرع اولنان یرلرده زراعت متاوبه به نک یوقاریده ذکر اولنان هر بر شرائطی هر یرده تمامیه ایفا ممکن دکلدرد . چونکه طوپراغک جنس و کیفیتی موقع واقلمی محلی احتیاج و صرفیاتی اجرت نقلیه نک مشکلات و بهاللمی عمله و خصوصیه خلقک سرمایه سزاسکی کبی عملیاتک نظریاته تطبیق و توفیقنه برچوق اسباب مانعه واردر .

طوپراقلرک طبیعتک تأثیری — زراعت متاوبه نامیه تألیف اولنان کتابده طوپراقلر اوج قسمه یاخود صنف عظیمه تقسیم اولمشدر هر بر چفتجی طوپراغک مرکباتک طبیعت

عمومیه سیله یتشدیرمکه مستعد اولدقلری نباتاته وکیفیات سائر
سنه قیاس ایدرک زرعی لازم کلان نباتات بو اوج صنفک هر
قغیسنه یقین ایسه آئی اکر .

برنجی صنف بتون صوانلی کیرجلی وتباشیرلی رطوبتدن
زیاده قوری یومشاق وموقعی یوکسکجه طور اقلر اولوب
بونلرده اک ایو یتیشان نباتات سنویه نجلیه دن چاودار
بوغداى آرپه وبقلویه دن بورچاق یونجه سی لویولن قوقولی چیچک
یونجه سی بوی اوتی مرجک وآق بورچاق آجی بقله وفصولیه
وصیلیه دن طورب شالغم کتانجک ونباتات سائره فصیله لرندن
قره بوغداى (قود) صاری بویا پتاه یرالماسی وآی چیچکی
ودائی مرعا تشکیلی ایچون الویرشلی اولان چایرانواعی کبی
سنین نباتدر .

ایککنجی صنف طبیعی قتی قوریدن زیاده رطوبتلی
وطبان طور اقلر اولوب بونلرده اک ایو یتیشان اکین بوغداى
یولاف وچایرلره مخصوص الویرشلی نجلیه لرك اکثریسی ایله
یونجه بقله بذلیه وبورچاق ودائی مرعاله الویرشلی سنین
بقلویه لرك بعضیسی لحنه شالغم قولزا هندبا وامثالندن عبارتدر .

اوجنجی صنف اولکی ایکی صنفک میاننده برطور اراق
اولوب بونلرك قتیلق ویومشاقلق درینلک وسرینلک لری اورتہ
حالده اولدیغندن اقلیمنک مساعد اولدینى بالجمله محصولاته کلور
خصوصیله نجلیه دن (اسقورزون) برنوع آرپه دارى آق وقره
دارى سپورککه یاخود عرب دارىسی مصر وپرنج

بلقویه دن یونجه یر فستقی و میان کوکی و حیویت و صلییه دن حیویت اوتی خردال و سائر فصیله لردن کنویر کستانه کوک بویا توتون پاموق قباق صفران خشخاش پانجار هاوج پتانه و عمر اوتی و سائره پک اعلا اولور .

طوپراقلرک انواع متعدده سنه نظراً بویله سطحی تقسیمده بر تعین تام ارانلمز ایسه ده بر طوپراقده یتیشان نباتات بشقه بر طوپراقده دخی یتیشه بیلدیکندن حاصلاتی مصارف زرعییه یی حیقاروب حیقاره میسه جفی و موقعنک او یغونسزلغندن تصادف اولنه بیله جک مشکلاتی نظر دقت و اعتنایه آلق لازمدر .

شوحاله نظراً بر طوپراقده یالکز ایو یتیشه بیلور نباتاتک انتخابنه دقت کافی اولیوب طوپراغک زیاده خفیف یا خود پک قوتلی اولوب اولمدیغنه دقت ایدوب خفیف طوپراغک صیجاقلغنی و قوتلی طوپراغک قتلغنی و رطوبتنک کثرتی تعدیل ایتک ایجاب ایده جکی مثللو خفیف و صیجاق طوپراقلر ایچون طوپراغک اجزاسنی صقشدیره جق و یوزینی کولکه التنده طوته بیله جک وقتی و رطوبتی چوق اولان طوپراقلر ایچون عملیات حفزیه سی طوپراغی ایچلده جک و صویک تجرینه معاونت ایله حرارت شمسک تأثیرینی تسهیل ایده جک نباتات انتخابی لازمدر . بزطوپراغک موقعی و بعضاً کیفیتی دخی نوبت زرعه تأثیر ایده بیلور اکیمی قولای و محصولدار دوز اووه و طبان یرلرده حبوبات انواعیله یونجه و چابهیه محتاج شیلر و صنایعه مخصوص کندیر کنویر و امثالی نباتات اکمیدر . حالبوکه غیر منبت یوزیر لر ایله

صبان کوچ ایشلین و کوبره‌لی یا غمورلر ایله اشاغی آقوب ضایع اولان بایرلرده وصو آلتسده قالان و پک ضعیف اولان طوپراقلرده ایش دیکشور بوکی طوپراقلرده زرع اولتان نباتاتک انوعی پک آز اولدقدن بشقه عملیات زرعیه و عمله یومیه‌لی حاصلاتندن زیاده اولور او یله یرلرده آز مصرفله چوق ایش کورمکه چالشمیلدر. برده اراضی بی مصرفی آز یولده تقسیم ایتک یعنی مالک اولتان اراضی مزروعیه بی اداره ایدم. جک کوبره تداریکچون لزومی مقدار حیوان بسلیه جک چایر و مرعاله برنسبت مخصوصده آیرمق لازمدر بونکله برابر کوبره‌یه آز محتاج اولق و تدارکجه امنیت استحصالنه چالشمق کرکدر. علی العموم اراضینک قوه انباتیه سی نه قدر از ایسه مرعا اول نسبتده ککیش و زیاده اولمیلدر.

هر حالده طوپراقده موجود اولان کوبره‌نک وقوه انباتیه‌نک تعیین نوبت زرعه خیلی تأثیری وارددر یعنی چوق کوبره‌لی یرله کوبره‌نک چوقلغندن فنا پذیر اولیه جق لحظه قولزا و امثالی نباتات اکیلوب دیکرلری اندن صوکره زرع اولنور.

اقلیمک تأثیری — اقلیمک دخی زراعت متناوبیه بهیوک تأثیری اولور.

صوک بهارده چوق یا غمور یاغان یرلرده یازین پک آز یا غمورلی کونلر اولور خصوصیه بوکی یاز یا غمورلری شدتلی بورا ایله کلور و آزالری اوزار ایسه قوراق زیاده لشور.

ياغمورلر تموز نهايته قدر دوام ايدن يرلرده برچوق ادارملى فدانلر وحيوانات ايجون اكيلان بالجله نباتات ايو اولور صيجاق اقليملره صوغوق اقليملردن زياده چيك دوشر ايسهده اصلا ياغمور يرني طوتامز برده اك زياده لزومى كورينان تموز واغستوسده چيك پك آز دوشيور .

كوزى غايت ياغمورلى اولان يرلرده طوپراقلىرى سور. مكده دخى پك چوق مشكلات واردر بوكي يرلرده اول بهار بعضاً ياغمورسز كچر ياخود ياغسه بيله پك نظامسز اوله جغندن ياز اكينلىرى ايو يتيشه مز بواقليملرده قيش بوغدايى پك اعلا اولور اگرچه ايلك بهار ياغمورلرينك آزلغسندن طولايى بعضاً صيقيلور ايسهده چيچكده ايكن سيس و دومان ظهورندن دخى متضرر اولور بالعكس كونس وروزكار تاثيرندن ايسه صاپلىرى كسب قوت ايدر ك فدانلر ياتماز ايشته بوندن طولايى ديركه ياز ياغمورلى كثر اولان يرلرده بوغداياريك ايو اولدينى نادر در چونكه بدنلىرى او قدر قوتلى اوليه جنى جهته بشاقلىرينك آغزلغنه طيانه ميوب كاملاً ياتار. مع مافيه صيجاق اقليملرده ديكلنديريجي محصول زرعيله كوبره لرك مقدارى آرتريلور و طوپراق دائماً اينجه طوتيلور ايسه بوغدايه نافع صورتهده اصلاح اولمش اوله جنى دركاردر . فقط زراعت بوكا حصر اولنور ايسه كيتدكجه طوپراغى پك فقير قاله جغندن اورالرده بوغداي زرعى ايكنجى درجهده قالبونك يرينه اك زياده اهميت ويريلا ن زيتون اصمه و دوت يشديريلور .

زیتون پک ادنا طوپراقلرده ایو محصول ویرر واعلا اوزوم
یاپان اصمه کتوکلری ایسه طاغ و تپه اتکلرنده دیکیلور ایکن
الیوم اوهرده دخی یتیشدیرلدیکی کوریلور طاشلی و چاقیلی
طوپراقده یتیشان باغلرک اوزومی اوزلی فقط منبت طوپراقلرده
دیکیلان اصمه لرک اوزومندن ایو. دکل ایسه ده زیاده حاصلات
آلندیغی جهته شراب یرینه اسپرتو اعمالنه پک ایو کلور .

باغلر پک چوق کوربه محتاج دکلدر بعض یرلرده اصلا
کوربه دخی ایستمز و کتوکلرینک کوکلری طوپراغک اک درین
طبقه لرنده بولنان رطوبتی اخذ ایده بیلدکلری ایچون قوراقدن
دخی اوقدر قورقماز .

برده باغ ایشلری ایله بوغدا ی خدمت لرینک وقتی بری
یرینه تصادف ایتمدیکی جهته رنجبر ایشمز و مشغولیتسز قالمز
صیجاق اقلیم لرک یاز قوراقلری اوزوملری چابوق یتشدیرر
واویله یرلرده صوک بهار یاغمورلری باغلر بوزلدقن صوکره
یاغمغه باشلار ده اول یاغمسه ده دوامسز اوله جغندن اوزوملره
ضرر ایتمز مملکت مزده فن تقطیر ایلرولر ایسه باغ محصولندن
بوغدا یدن زیاده فائده حصوله کله جکنده و بالعکس یاز یاغمورلری
پک چوق اولان اقلیم لرده باغلردن اوقدر استفاده اولنه میه جغنده
شبهه یوقدر .

ایپک بوجکی بسلیلان صیجاق اقلیم لرده دخی اوزومدن
زیاده دوتدن فائده کوریلور بوجکی اقلیم لرک بوغدا یه مخصوص
ترلار لرنده کوک بویا پک اعلا اولور آنک ایچون کوک بویا بوغدا ی

نوبت زرغنه پك مناسب بر محصولدر بويله يرلر صفران وكنوير
و برطاق صناعى نباتاته دخى ابوكلور .

ايلك بهار ياغمورلرى كثير اولان اقليملك اهل زراعته
پك چوق فائدهسى اولور بويله يرلرك قيصير قير وچوراق
طوپراقلرنده زيتون اوزوم ودوت يتشديريلهرك آز مصرفله
چوق وقيمتلى حاصلات الله ماز ايسه ديكر طرفدن (طوپراغك
طبيعتى مانع اولمز ايسه) صناعى مرعالر ياپيلور .

صرفيات واحتياجات محليه نك تاثيرى — طوپراق واقليمدن
بشقه صرفيات واحتياجات محليه نك دخى زراعت متناوبه يه بيوك
تاثيرى اولمغله بونك دخى نظر اهميته آلمسى اقتضا ايدر .

بونظريات صاشى قولاي بهاسى يوكسك ومصرفى آزوقيمتلى
محصولاتى انتخاب وزرع ايتمكن عبارتدر بومسئله ايكي مسئله
ثانيه آريلوركه برنجيسى محصولاتك محل صرفنك يقينلى
ايكنجيسى وسائط نقليله نك قولايغيدر چفتجى ي اكه زياده
ترقيدن آلقويان محصولاتى كوتره جكي محلك اولدقجه منتظم
يوللرى وحاصلاتى كثرته صرف وتبديل ايدن فابريقهلرى
بولنماسيدر ساحل واكا يقين يرلردن محصولاتك وسائط بحريه
يعنى واپور ويلكن كيلريه نقلى قابل ايسهده ايجرولرده ككيش
جاده (شوسه) وتيمور يوللرينه احتياج دركاردر .

آيدينده وروم ايلنده ياپيلان شوسه وتيمور يوللر سايه سنده
اورالرك زراعتى خيلى ايلروملش واخراجاتى اسكيسنه نسبة پك
چوق آرتمشدر اسپرتوشكر وباغ ياخود ايلك فابريقهلرى بولنان

مملكتلر بولمیان يرلردن ترقيجه يردن كوكه قدر فرقى واردرد.
مثلا بروسهده برشكر فابريقهسى اولسه خلقنك مألوف
اولدینی زراعتده پك چوق تغیر كوريله جكي دركاردرد بويولدهكي
وسائط تسهيله نك ترقى ونوبت زرعه پك چوق دخیلى اولور
شكر واسپرتو فابريقهسى اولمیان يرده كترله پانجار وياغ فابريقه.
لری بولمیان محللرده ياغ چيقاريلان قولزا وسائر نباتات زرع
ایتمه نك نه فائدهسى وال منكنه لرینك كوره جكي ایشك نه دكری
اولور بويله شيراولسه اولسه حيوان يميچون اكيله بيلور .

فابريقه اولان وكيرج وآلچي اوجاقلری بولنان يرلرده وبيوك
شهرلرده پك چوق كوبره بولنور كيرج وآلچي اوجاقلرينك كوللری
پك كوزل مصلحاتندرلر بولنر وكوبره لر اورالرده پك اوجوز
اولديغندن استعمال ايديله رك طوپراقلا اصلاح اولنور وكوبره لرله
قوة انباتيه لری آرتريله رق بويله بويله زراعت ايلرولديلور .

حاصلاتك كوتريله جكي محللر اوزاق اولوبده نقلنده سهولت
اولمیان ومصارف نقلیه سی زرعی زحمت ومصارفته دكمیان يرلرده
رنجیر كندو اداره لری قدر اكین زرع ايدوب ماعدا اوقاتى
طوپراقلرينك مساعده سنه كوره طييعى وصناعى مرعا وچايرلری
آترتمغه وصاتى به كلان هر نوع كوزل جنس حيوان بسلوب
چوغلتمغه صرف ايتك لازمكلور .

اون بش يكرمى سنه دنبرو ممالك كمزك اكثر ولايتلرنده شوسه لر
اعمالنه باشلانلمش اولديغندن قريباً هر طرفه توسيع اولنه جغنده
شبهه يوقدر شو قدر كه شوسه لر يعنى ككيش منتظم يوللرك

اسکله لره یقین یرلرده بحرأ دیار اجنبیه هر نوع محصولات اخراجنده و ایچرولرده صرفیات داخلیده یعنی بربلده دن دیگر بلدهیه حاصلات نقلنده فائده سی کوریلور اوزاق یرلردن اسکله لره اشیا نقلنده ینه تیمور یوللره محتاجز .

شو تعداد ایلدیکمز اسباب تسهیلنه ک شمدیکی حالده کفا .
یتسز لکیله برابر زراعتی ایلرولتمکدن کیرو طور مق و حال حاضر ایله قناعت ایتک لازم کئز زراعتی ترقی ایتدیرمه نک اصول و فروعی بیلنوب غیرت فوق العاده ایله چالیشدینی حالده شوسه و تیمور یول کبی طرق تسهیله طبعی میدانله کلمکه باشلر .
شمدییه قدر بویله شیلره دولت و شرکتلرجه تشبث اولنماش دکدر ایوم دخی چارء انشاسی دوشونیلور بوانه قدر تمامیه یاییله مامسنگ بر سببیده تیمور یوللرک طاشیه جنی اشیا و حاصلاتک آزلغندن و کچه جکی بعض یرلرک اراضیسی زراعتدن خالی و معطل قالدیغندن طولانی انشاسنه صرف اولنه جق پاره نک فاضی تأمین اولنه مامسیدر بلطفه المولی اشبو کتایمز ممالک عثمانیه نک ارباب زراعتی میاننده منتشر اولور و بزم ایچون رفاه و سعادت زراعتک ایلرولمسندن اولدینی بیلنرک او یولده اثار ترقی کوستریلور ایسه تیمور یوللرک سریعا انشا و اکمال اولنه جغنده امنیتمز برکالدر .

• عمله و سرمایه سز لکک تأثیری — بر مملکتک رنجبری نه قدر چوغالور ایسه اراضی و حیواناته احتیاجی دخی او نسبتده آرته جغندن موجود اولان مرعا و جایرلر کفایت ایتیموب حیوان

بیه‌جکی شالغم تورب هاوج (چوکندر) لخته وسائره زرغنه
مجبوریت کورینور وشو احتیاج نطسلره یعنی ترلاری برمدت
خالی بوش طومتغه حاجت براتیوب زراعت متناوبه طبیعتله
قبول اولنوب یولنه کیرر وزیاده حاصلات آلق ایچون بالطبع
رنجبر چالیشوب صنعت وهنرلرینی ایلرولده‌جکندن عمله
وایشجی دخی کفایت ایتمز اولور اوروپاده وسائر بیلدیکمز
یرلرده فن زراعت بواحتیاج اوزرینه ترقی ایتشدیر .

واقعا بعض بیوک شهرلرده عمله تدارکی مشکل دکل
ایسه‌ده بیوجک کوی وچفتلک‌کرده یناشمه نادر اولوب بونلرک
یرینی طوته‌جق بشقه بر واسطه دخی اولمدیغندن چابه‌یه محتاج
نباتات زرع ایدیله‌مز .

یناشمه ازغیله برابر سرمایه‌سزلق دخی ترقی زراعتیه
مانع‌در چونکه چابه وتپه‌له ایشنده خیلی عمله استخدامنه لزوم
کورینوب بودخی پاره‌یه متوقف اولدقدن بشقه اقتضا ایدن
مکمل برطاقم آلات وادوات زرعیه وحفریه‌نک واونسبتده
حیواناتک تدارکی ایچون دخی اچیه شدت لزوم درکاردر .
حاصلی زراعت متناوبه‌نک باشلوجه فائده‌سی زیاده ومتنوع
حیوان یمی تدارکیله حیوانلری چوغالده‌رق بعضیسنی بسلیوب
زیاده‌کوبره ایدینلور ومنفعتی کثیر اولان بعض نباتات صناعیه
دیکیلرک هم استفاده وهمدہ طوپراغک قوه انباتیه‌سی محافظه
اولنور لکن بویله شیر پاره‌یه متوقف اولوب الده سرمایه
اولدقجه شو نتیجه مطلوب وجهله استحصال اولنه‌مز .

زراعت متناوبه نك بورايه قدر شرح و تعريف ايلديكمز
مقتضياتى رنجبره دها قولاي اكلا تقي ايچون ترتيب ايلديكمز
بند مخصوصى بورايه درج ايلدك .

زراعت متناوبه يي اتخاده مجبوريت و يرن

اسباب و علت

برطوپراغه نباتاتك نوبتله زرعى اسكى برعادت ايديسه ده
علت وسبيلرينك حقيقتى اولوقت بيلنه ميوب علم نباتات
وكيميانك مؤخرأ ايلرو لمسيه ظاهره چيقارلد يغندن اليوم
اوروپاچه زراعت متناوبه برقاچ علت واسباب ايله دستور العمل
طوتلمشدر .

اسباب مذكوره نك برنجيسى نباتاتك يكديكيرينه اولان
ضديت طبيعيه سيدر شويله كه بعض نباتات كندودن يا خود معلوم
ومعدود سائر بعض نوع تخم لردن صوكره زرع اولند قدده حسن
نتيجه حاصل ايتمديكى كورلمكده در مثلاً طوپراق نه قدر
مكمل قازيلوب تسويه اولنور وكوبره لنور ايسه كوبره لنسون
على العموم بوغداى كتان ويونجه برطوپراغه برى برى ارقه سنده
زرع اولنور ايسه محصولى آزالور كذلك بوغداى يتاته يا خود
پانچاردن صوكره ديكيلور ايسه ابو محصول ويرمز .

فقط بو ضديت حقيقى اوليوب نباتاتك طوپراغه ترك
ايلديكى ماده لره حمل اولنور واقع حالده بويله در چونكه بر

ترلايه پیدرپی بوغدای آکیلدکده یوقاریده دخی ذکری کجدیکی وجهله طوپراقده ظهور ایدن مضر فدانلرک ایرکن یتیشوب تخلریخی ترلايه دوکسندن طولای چوغالمسی هم ایلرو سنه لر محصولی افساد ایدر و همده طوپراغی ضعیفلنیرر یونجه وکتان فدانلری دخی بویه در زیرا بوفدانلرک کوکلری دیکنه کیدوب طوپراغک عمقی تضییق ایلدیکندن ترلاسی برقاچ سنه لر خالی براقلمز ایسه اولکی کبی حاصلات آله مز کذلک پتاه وپانجار دخی کیچ یتشدیکندن بوغدای زرعه مساعد وقت قالمیوب آکیسه دخی اگرچه محتاج اولدیغی مواد آزوتیه یی طوپراقده بوله جنی درکار ایسه ده طوپراغک عمقی غایت اینجه واجزاسی متفرق اوله جغسندن قیش اینجده اوتوروب بوغدايک تازه کوکلریخی اضرار ایدر .

بومثللو مزروعات محصولاتنک نقصانیتته برسبب اخردخی طوپراقده حاصل اولان و آکیلان نباتات ایله تعدی ایدن مضر تلی بوجک و برانی اوت و منطارلرک ذکر اولنان نباتاتک پیدرپی آکلسیله چوغالمسیدر .

سبیلرک ایکنجیسی جنس ونوعی مختلف نباتاتک طوپراقدن اخذ ایلدکلری مواد غذائیهنک بری برینه مغایرتی اولوب مثلاً پتاه ازوتدن زیاده پوتاسه محتاج اولدیغندن کو بره و طوپراقده بولدیغی پوتاسک چوغنی بلع ایدوب ازوتنی طوپراقده براقور . بالعکس بوغدای اولقدر پوتاسه محتاج اولیوب طوپراقدن اخذ ایلدیکی ازوتدن عبارت اولمغله بوغدايدن صکره پتاه

آکیلور ایسه محتاج اولدینی بوتاسی طوپراقده تماماً بولور .
 اوچنجیسی طوپراغك حال ضعفیدر صره سی دوشدکجه
 فصل مخصوصلرنده دخی بیان اولدینی وجهله نباتات ماده
 غذائیه سنك برقسمنی پیراقلریله هوادن ودیگر قسمنی کوکلریله
 طوپراقدن اخذ ایدر فقط هر نوعنك اخذ ایلدیکی ماده غذائیه
 مساوی اولیوب یکدیگرینه نسبتاً مختلفدر .

بعض نوعی پیراقلریله هوادن اخذ ایلدیکی ماده غذائیه
 کثیر اولوب کوکلریله پك از تغدی ایلدکلرندن طوپراغی چوق
 ضعیفلندیرمز آق وقره ترکه مواد غذائیه لرینك باشلیجه لرینی
 کوکلریله اخذ ایلدکلرندن طوپراغی هر وقت ضعیفلدوب بقلیه
 فصیله سندن اولان نباتات ایسه اکثر پیراقلریله هوادن تغدی
 ایتدیکیچون یرینی اوقدر قوتدن دوشوزمز .

فدانلرك کوکلریله برابر ترلادن چیقارلمسك ویا کوکلری
 ترلاده ترك اولنسنك دخی طوپراغك درجه ضعیفه دخلی
 وارددر یعنی محصول دیوشریله جکی وقت فدانلرك کوکلری
 ترلارده ترك اولنور ایسه بو کوکلر صوکره دن چوریوب مقدا
 طوپراقدن المش اولدینی مواد غذائیه نك بر مقدارینی اعاده
 ایتمش اولورکه کوکلریله چیقارلمش فدانلر درجه سنده طوپراغی
 ضعیف براقز اگرچه یونجه ترلاسی بوزوله جنی زمان کوکلریله
 برابر چیقارلمش اولسه ایدی یونجه یی دخی طوپراغی ضعیفلندیرن
 نباتاتدن صایار ایدك لکن یالکرا وتی بیچیلوب بوزوله جنی صره ده
 کوکلری ترلاده قالدینی جهته اخذ ایلمش اولدینی مواد

غدايئه نك برخيليسنى يئنه طوپراقده براقش اولور .
 هر برنات از چوق طوپراغك قوه انباتيه سنى اخذ و صرف
 ايدر ايسه ده اك زياده طوپراغى ضعيفلنديرن نباتاتك ثمره
 يعنى تخم قوزه وميوه لريدر نباتات چيچك آچمزدن اول
 طوپراغى او قدر ضعيفلنديرمز فقط چيچك آچوبده دانه و تخم
 باغلايه جنى وقت كوكريله طوپراغك قوه انباتيه سنى شدتله
 اخذ ايدرك ضعفنه باعث اولور بناءً عليه جوبات يشيل ايكن
 چيچكدن اول چاير مقامنده يچيلور ايسه طوپراغى چوقجه
 قوتدن دوشورمز بقليله فصيله سندن اولان نباتات فقط مختلف
 نسبتده عينيله بويله در .

برده طوپراغك ضعفنه اك زياده سببيت ويرن محصولك
 اغير لغيدر محصولى اغير اولان نباتات طوپراغى زياده ضعيفلنديرر
 اسباب سائرده دن طولايى طوپراغى از ضعيفلنديريجى صايلان
 فدانلر مياننده غايت اغير اولنلر فوق العاده ضعف ويريجى
 نباتاتدن صايلور .

ايسته بوسيله مبنى دركه پانجار (ديپ) بوغدايدن از ضعيفلند .
 ريحجى صايلور ايسه ده اغيرلنى سببيله زياده ضعيف ويرن نباتات
 صره سنه قيد اولمشدر .

نباتاتك يكدى كرينه نسبةً نه مثللو ونه مقدار مواد غدايئه
 اخذ ايلدكلى محالرنده ذكر اولمشدر .

سبيلرك دردنجيسى هر نوع فدانك زراعتته كوره لازم
 اولان اراضينك وسعت و تقسيماتيدر طوپراقدن ضايع اولان

غدايئه نك يرينى كوبره ايله طولديرمغه هر چفتجي مجبور اولدينى كي كوبره استحصالنده دخی مجبور ومضطردر چونكه كوبره اولينجه اراضيسى دخی قوه انباتيه دن محروم قالور بناء عليه كوبره يي كرك كندو حيواناتندن تدارك ايدە جك ويا خود خارجدن ساتون اله جقدر .

اكرچه شهرلره يقين يرلرده كوبره تداركى قابل ايسه ده اوزاق يرلر ايجون ممكن اولمديغندن وشهرلر يقين اولسه بيله اجه ايله كوبره الوب استفاده بكمك چفت چوق صاحبلىنك حسابنه الويرمىوب كوبره يي هر حالده وجميع احوالده كندو چفتي حيواناتندن استحصال ايتك ضروريدر .

مشهور ارباب زراعت طرفلرندن ايدىلان حساب وتجربه لره نظراً بريكي ويا اينك سنه ده ۴ دونم يرك اوت وصمان كي حاصلاتى صرفه محتاج اولوب ينه او حيوان سنوى افراغ ايلديكي كوبره سيله اولمقدار يري كوبره لر شو حالده برچفت ويا چفتلكك حاوى اولدينى اراضينك نصفى چاير وديكر نصفى محصولات سائر ايله زرع اولفق ولدى الحاحه حيواناته يديرلك ايجون چايرلرك نصفى دخی پتاته شالغم ولخته كي فدانلره تخصيص قلمق ايجاب ايدر .

بشنجيسى نباتات مضره در تخم زرعى كتابنده بيان اولنه جنى وجهله بوغداى وسائر اكينلرك سرپه طريقيه زرعى چابه لمغه وسائر عمليات تطهيريه اجراسنه مساعد اولمدينى جهتله نباتات مضره نك ظهورينه پك چوق ياردم ايدر بواصول دوام ايتدكه نباتات

مذکورہ دخی چوغالوب محصولات تدنیہ یوز طوتار انک ایچون بوغدای کبی اکیئرله کیرلیدیجی وبالعکس اصول زراعتی چاپه وتطهیر عملیاتنه مساعد اولدیغندن طولای پانجار وپتاته وهاوج مثللو نباتاته تمیزلیجی بذلیه یونجه واجی بقله کبی فدانلر براز بیودکلری وقت سائر نباتات مضره یی ضیا وهوانک تأثیرا. تندن محروم ایدرک تلفنه سبب اولدقلرندن بونلره دخی بوغیجی مزروعات تعیر ایدرلر فقط بونلرک تأثیری چاپه عملیاتنه مساعد اولان پتاته وپانجار کبی تطهیر ایدیجی فدانلر قدر اوله مز .

اسباب مذکورہ نک التجیسی طوپراغی تخفیف ایتمک مجبوریتیدرکه زراعت متناوبه ده انتخاب اولنه حق فدانلره زیاده تأثیری واردر مثلا پانجاردن صوکره بوغدای زرع ایتمک ایستیلور ایسه موافق اولمز چونکه پانجار کیج یتیشوب بوغدای زرعیچون طوپراغی قازوب تسویه یه وقت ومیدان براقرز صوغوق مملکتلره تقرب ایتدکجه مشکلات دها زیاده کنیدی کوستر لکن قیش اینی یرینه یاز اینی اکیله بیلور .

بعض طوپراقلر اولقدر سرت ویوغوندرکه بر سنه قدر کندو حاله برآمدقجه طوپراغی ایجلمک ممکن دکلدر بویله طوپراقلر قبله طرفلرنده وصولامق قابل اولیان یرلرده یازاثناسنده برقاچ کره قازمغله آز بوچوق تخفیف اوله بیلور .

یدنجیسی تخمی اکوب یچمکده ومحصولی دیوشرمکده کی قوت وتدارکدر مثلا نوبتک برنده پانجار اکمک اقتضا ایدر ایسه ده یرینه کوره پانجاری اکوب یچمک و دیوشرمک کی قوت واقدار

یوغيسه پانجار زرعى عبث اولورکه بوده اسباب مذکوره دن
صايلور .

کرچه بر رنجبر انسان ويا حيوان استخدای کبی بر قوته
مالك اولوب يومیه وسائر جهتله دخی اقتدارینی آرتره بیلور
ایسه ده نوبته فدان انتخابی هر رنجبرك مالك اولدینی قوت
واقتدار نسبتده بولنسی لازمدر زیرا عکسی محصولی وقتنده
قالدیره مامق وقالدیرسه دخی مصارف کثیرهیه دوچار اولمق کبی
ضررینی موجب اولور .

سکرنجیسی محصولک رواجیدر زیرا محصولک یالکر حصولی
کافی اولیوب صايلوب صايلهیه جفتی دخی نظر اعتنایه آلمق
لازمکلور .

چفت وچفتلك اراضیسی بیوک شهرلر جوارنده بولنور
ایسه صايله جق متنوع نباتات صره سنده زیاده منفعت ترك ایدن
صنایعه مخصوص اولنلرینی انتخاب ایتلیدر اگر شهرلر اوزاق
ایسه داخلده صرفیاته متعلق اولان وباشلیجه حیواناته مخصوص
بولنان نباتات ترجیح اولنور .

اسباب مذکوره نك طقوزنجیسی شایان اهمیت اولان اقلیم
وطوپراغک تاثیریدر زیرا معلومدرکه عمومأ زرع اولنان نباتات
هر نوع طوپراق و اقلیمده حاصل اولیوب بعضیسی صیجاق
یرلردن دیگرى غربك قبالی اقلیملرندن وبر طاقی دخی هر
ایکسندن حظ ایدر .

کذلک بیلورزکه طوپراقلرجه اولان فرق وتفاوت بالکر

کوبیدن کویه و یا چفتلکدن چفتلکه نسبت اولنیوب برکویک و یا برچفتلکک اراضیسندہ متنوع طوپراق بولنور انک ایچون ذراعت متاوبہ اقلیم و طوپراغک طبیعتہ کورہ انتخاب و تعیین اولنلیدر .

اقلیمک تأثیری یالکز انواع نباتاتک نوبت زرغنہ مخصوص اولمیوب ایکی سنہنک مزروعاتی اراسندہ دخی تأثیری اولور بویولده نوبت زرعه صیجاق اقلیملر غایت مساعددر مثلاً بوغدایک موسم حصادی خزیرانہ تصادف ایدن یرلرده قیش اکیلری زرع اولنمزذن اول ترلایہ دیگر برتخم اکیلہ بیلور فقط صوغوق یرلرده بوغدای اغستوس و تموز نہایتسده حصاد اولندیغندن قیش اکیلرنندن اول ترلایہ آره تخمی اکیلہ مز .

ایمدی تفصیلات مشروحہ بی خلاصہ ایلدیکمزده آئی الذکر قاعدہ لری استخراج ایدہ بیلوررز .

شویله کہ برنجی قاعدہ - برترلایہ زرع اولنان برجنس تخمک محصولی الندقدن صکرہ ترلای خالی براقہ جق یرده اولکی تخمک غیری مواد غدائیہ محتاج اولان دیگر جنس تخم اکلیلدر تاکہ نباتات خسیسہ ایلہ مضر بوجکمر مندفع اولوب طوپراق ضعیف قالمسون و همدہ محصولیلہ انتفاع اولنسون .

ایکنجی قاعدہ - مزروعاتک نوبتہ کورہ طوپراغی منبت طوتہ جق درجہ ده کوبرہ و یریلوب زیاده سندن اجتناب اولنلیدر زیرا کوبرہ درجہ سندن زیاده و یریلور ایسہ نباتاتہ و خصوصیلہ اکیلرہ مضر اولور صاپلری قوت البوب دانہ لری ازالور .

اوچنچى قاعده - چفت ويا چفتلكك حاوى اولدىنى اراضىنك
نصفى چايرلره وديكر نصفى سائر اكينلره تخصيص اولنور .

دردنچى قاعده . برانى وىبانى نباتات انباتنه سبب اولان
ويوقا ريده كيرلديجى تعير اولنان مزروعاتدن صوكره طوپراغه
تطهير ايديجى نباتات اكليدر .

بشنچى قاعده - اكيله جك تخملىرى انباته صالح و صوكره
ديوشر مكه مساعد اوله بيله جك صورتده طوپراغك طبيعت
واستعدادينه نظراً نوبت زراعت تعين اولنليدر .

التنجى قاعده - زراعت متناوبه قوت واقتداره وموسملره
كوره خدمتك اجراسى قابل اولوب اوله ميه جفنه كوره
ياپلمليدر .

يدنچى قاعده - حاصلاتك مقدارى دائماً سرمايه نك مقدا
ريله متناسب اولوب هيچ بروقت سرمايه يي تجاوز ايتمايليدر
يعنى ايديله جك مصرفه كوره اكمل زيرا تخمى اكوب بچوب
قالدير نجه قدر وقوع بوله جق مصرفك چيقاريله جنى دوشنلمكسز
ايشه باشلامق صوكره مضرت وندامتى موجب اولور وايديله جك
بورجك آلتدن قالقيه مز .

سكزنچى قاعده - زراعت متناوبه ده كرك خام و كرك
معمول اوله رق صاتيلوب صرف اولنسى سهيل وقولاى اولان
نباتاتى انتخاب ايدوب اكليدر .

طقوزنچى قاعده - نوبتلرده اكيله جك تخملىر اقليم وهوايه
وطوپراغك حال وطبيعتنه تطبيق اولنليدر زيرا بوكا دقت اولنمز

ایسه ایچندن ضررلی چیقیلور مثلا صوغوق اقلیمده پانجار
لایقیله نشو و نما ایدمهز ایکن انی نوبت زرعه داخل ایتک
وصولا ق طوبراقلره بتاته ائک موافق دکلدر .

ایکنجی فصل زراعت متناوبه یه داخل اولان نباتات

زراعت متناوبه یی اتخاذه مجبوری ویرن اسباب وعلتسلر
بالاده تفصیلاً و بونلردن استحصال اولنان نتیجه یه کوره متخذ
اولان قواعد مخصوصه اجمالاً ذکر اولندی اشبو فصلده دخی
کرچه زراعت متناوبه نك تمامیه تقریر و تعینی قابل دکل ایسه ده
اقلیم و هوایه و طوبراغك نوع و طبیعتنه کوره عمومیت صورتیه
نوبت زرعه داخل اولان وزرعی مناسب کورینان نباتاتك
اسامیسیله اوقات زرعیه سنی اجمالاً بیان ایدرز .
اقلیم شمالیه یعنی صوغوق یرلر ایچون ۲ سنه لك زراعت متناوبه
خفیف طوبراقلرده

مثلاً ۱ سنه کوبره لئمش ویری چاپه لئمش پتاته ۲ سنه چودار
« ۱ » کوبره لی قیش یاخود یاز بوغدا یی ۲ « کوبره سزکتان
« ۱ » « ۲ » کوبره سزکنویر

قوتلی طوبراقلرده

مثلاً ۱ سنه کوبره لی ویری چاپه لی بقله ۲ سنه کوبره سز بوغدا یی
« « کوبره لی ویری چاپه لی ارکك لئنه « «
« « کوبره لی ویری چاپه لی روتا باقا « «

اقلیم جنوبیه یعنی صیجاق یرلرده ۲ سنه لك زراعت متناوبه

خفیف طوپراقلرده

مثلا برنجی سنه کوبره لی ویری چاپه لی مصر بوغدای

ایکنجی سنه چودار یاخود قیش بوغدای

قتی طوپراقلرده

مثلا برنجی سنه کوبره لی ویری چاپه لی بقله

« بوغدای بعده کوبره ایچون آجی بقله

« کوبره لی ویری چاپه لی پانجار

ایکنجی سنه مصر یاخود عادی بوغدای

« مصر بوغدای و خفیفجه کوبره لی فصولیه

« بوغدای

صوغوق یرلر ایچون ۳ سنه لك زراعت متناوبه

خفیف طوپراقلرده

مثلا برنجی سنه کوبره لی طورب ایکنجی سنه آرپه اوچنجی

سنه بوغدای .

قوتلی طوپراقلرده

مثلا برنجی سنه کوبره لی بقله ایکنجی سنه بوغدای

اوچنجی سنه بقله .

صیجاق یرلر ایچون ۳ سنه لك زراعت متناوبه

خفیف طوپراقلرده

مثلا برنجی سنه کوبره لی پتانه ایکنجی سنه قیش یونجه سی

اوچنجی سنه چودار .

قوتلی طوپراقلرده

مثلا برنجی سنه کوبره لی شالغم ایکنجی سنه بوغدا ی
اوچنجی سنه چایر ایچون مصر بوغدا ی .
صوغوق یرلر ایچون درت سنه لك زراعت متناوبه

خفیف طوپراقلرده

مثلا برنجی سنه پتاته ایکنجی سنه بوغدا ی اوچنجی سنه یونجه
دردنجی سنه یولاف

« « کوبره لی پانجار ایکنجی سنه قیش قولزه سی
اوچنجی سنه یونجه دردنجی سنه بوغدا ی قتی طوپراقلرده

مثلا برنجی سنه کوبره لی بقله ایکنجی سنه بوغدا ی بعده
ایلك بهار یونجه سی اوچنجی سنه یونجه دردنجی سنه بوغدا ی
یاخود قیش قولزاسی ویایولاف .

« برنجی سنه کوبره لی حته ایکنجی سنه یولاف اوچنجی
سنه یونجه دردنجی سنه بوغدا ی .

صیجاق یرلر ایچون ۴ سنه لك زراعت متناوبه

برنجی سنه کوبره لی وتخمی ترلاسنه اکیلی پانجار ایکنجی سنه
بوغدا ی یاخود پانجار اوچنجی سنه یونجه دردنجی سنه بوغدا ی
یاخود چودار .

بش سنه لك زراعت متناوبه

اورته قتی مختلف طوپراقلرده

مثلا برنجی سنه یاز بوغدا ی ایکنجی سنه طوپراغی کوبره .

لمكه مخصوص آجي بقله اوچنڄي سڻه ڪوبره لي هاوج پانجار
پتاهه ڪي يومرو لي نباتات دردنجي سڻه قيش بوغداي بشنڄي
سڻه ڪوبره لي لڻه .

» برنجي سڻه چار ايجون آجي بقله ايڪنڄي سڻه ڪوبره لي
پتاهه اوچنڄي سڻه يولاف دردنجي سڻه يونجه بشنڄي سڻه
بوغداي .

صوغوق يرلر ايجون ٦ سڻه لك زراعت متاوبه

اورته قتي مختلف طور اقلرده

مثلا برنجي سڻه بوغداي ايڪنڄي سڻه خالي اوچنڄي سڻه
بوغداي صوڪره يونجه دردنجي سڻه يونجه بشنڄي سڻه يولاف
التنجي سڻه خالي .

برنجي سڻه بوغداي ياخود چودار ايڪنڄي سڻه ڪوبره لڻش
يومري ڪوڪلي نباتات اوچنڄي سڻه يولاف ياخود آره ويونجه
دردنجي سڻه يونجه ياخود لوپولن بشنڄي سڻه بوغداي صوڪره
ڪوبره التجي سڻه قولزه ياخشخاش ياخود ڪتان ڪي ڪوبره لي
فدانلر .

خفيف طور اقلرده

مثلا برنجي سڻه ڪوبره لي پتاهه ايڪنڄي سڻه يولاف ويونجه
اوچنڄي سڻه يونجه دردنجي سڻه چودار بعده اسپرڪول بشنڄي
سڻه قره بوغداي التجي سڻه چودار .

صيحاق يرلر ايجون التي سڻه لك زراعت متاوبه

مثلا برنجي سڻه نانجار ياخود هاوج ايڪنڄي سڻه حمه نات

اوچنچی دردنجی بشنجی سنه یچلمش ونهایت سنه سنده کوبره.
لشمش بورچاق یونجه سی (اولیا اوتی) التنجی سنه ترکه .
برنجی سنه کوبره سز بوغدای ایکنجی سنه قوقوروز
اوچنچی سنه خالی دردنجی سنه کوبره لی حبوبات (ترکه) بشنجی
سنه مصر بوغدایی التنجی سنه کوبره لی یومری کوکلی نباتات .

طقوزنجی کتاب تخم اکمک وفدان دیکمک بیاننده در

مزروعاتدن حسن نتیجه بکلمک شبهه سز طوپراغک
کوزلجه تهیه واستحضارینه متوقف ایسه ده یالکز بوقدر ایله
ایش بتمیوب تخم زرعی وفدان غرسی عملیاتنده غایت دقت
ایتمک واویانق بولنق لازمدر .

بویسه تخم زرعی حقنده اولان معلومات تامه ایله تخمک
انتخابی وزرعنک وقت وموسمنی ونه قدر درین اکمک ایجاب
ایده جکنی واستعمالی اقتضا ایدن آلات وادواتی لایقوله بیلوب
اکا کوره عمل ایتمکدن عبارتدرکه اصول وقواعدی بروجه
آتی تفصیل اولنور .

برنجی فصل اصول زرع

تخم انتخابی — تخم انتخابنده قاعده سز حرکت ایدن چفتهجی
ظنیاتنده بیوک خطالره دوچار اولور تخمک اکیلجه جکی وقت
انتخابی موافق اولیوب بلکه اولکی حصاد موسمنده زیاده
محصولدار وطیانقلی وطوپراغک جنسنه اویغون تخمخر انتخاب
اولنمیدر زیرا قوتسز وضعیف مزروعاتک وفدانلرک تخمی ینه
قوتسز وبرکتسز اولور .

برده ترلاسنده یا تمش یا خود کولکلی یرلرده قالمش ویا
کثرت اوزره کوبره ویرلمش اولان طوپراقلرک محصولاتندن
تمخ النیوب یالکز حد کاله واصل اوله رق لایقیله تجسم ایتمش
فنا ومضر اولردن تطهیر اولنمش ترلاردن انتخاب ایتلی وایوجه
کاله کلدکدن صوکره آیروجه طویلاملیدر بو وجهله طویلنان
بشاقلر آیریجه ودقت ایله دوکلور ایسه ایلروده سمیز وقوتلی
صاب وبشاق حصوله کتوره جک تخم النور .

آز وسعتلی ترلارده اک کوزل یتشان بشاقلر قادین
وچوجقلر واسطه سیله طویلانور ایسه ده زراعتی واسع ترلارده
ال ایله دیوشرمک کوچ اولدیغندن تمخلق اکینلر آیریجه اکیلوب
ویچیلوب قالدیریلور .

کرچه زرع اولنان نباتاتک اکثریسنک تمخلری قوه انباتیه لریخی
لااقل ایکی سنه قدر محافظه ایده بیلورلر ایسه ده اسکی تمخلر
کیچ چیملنه جکندن یکی تمخلر انتخاب اولنورکه بونلر سرعتله
فلزلنوب کوزل وقوتلی صاپلر ویرر .

بوغدا ی دانهلرندن تخم انتخابی حقنده فصل مخصوصنده
دها زیاده تفصیلات اولدیغندن اورایه مراجعت اولنسی لازم
کلور . *

موسم زرع — تخم زرعی موسمی موقعک اقلیم وهواسنه
کوره مختلفدر هراقلمده معین بروقتده تخم اکیلور اعتقادی
صحیح دکلدر اگر شو ذهابه اعتماد ایدرک دیگر اقلیمک تخم
موسمی بولندیخی اقلیمک نامساعد هواسنه باقیه رق سند اتخا ذ

اولنور ایسه اَکینلرک شهبه سز متضرر اوله جقلى درکاردر .
صوکه بهار موسم زرعى بعض علامات مخصوصه ايله
اکلاشیلورکه علایم مزبورده هر اقلیمده بر اولوب فقط مختلف
وقت معینده واقع اولور .

اغالر طبیعتله خزان ایدوب ایلک اول دوکیلان پیراقلری
تخم اَمک و قتنک کلدیکنه برعلامت مخصوصه در کذلک طوبراق
اورمچکلى اورمکه باشلدىنى اغریله چفتجى بی تخم اَمکه دعوت
ایلر ایشته طبیعتک بزه بخش ایلدىکی شو علامات مخصوصه
وعمومیه هر اقلیم ایچون قاعده اتخاذا اولوب قیش اَکینلرینک
وقت زرعى تعیین و تقریر اولنور .

سائر مواسمده زرع اولنان اَکینلرک نتیجه سنده شهبه
وتهلکه درکار اولدیغندن هوا مساعد بولدىنى حالده بیان
اولنان وقته چفتجیلر بلا تأخیر همان تخم اَمکه مباشرت
ایدرلر .

یاز اَکینلرینک زرعىچون هوالر اکثراً بر هفته و بعضاً
یاکثر برکون مساعدده ایده جکی جهته فرصتى غائب ایتماک
ایچون اَکینجیلرک اولدن حاضر بولمسی اقتضا ایلر .

شوراجقده دقت ایده جک بر نقطه واردرکه قیش اَکینلرینى
اولا کیلى طوبراقلره صوانلى و کیرجلى طوبراقلردن ده ایرکن
اکلیدر چونکه صوانلى و کیرجلى طوبراقلر زیاده یاغمورلى
هوالرده بیله ایشنه بیلوب فقط کیلى طوبراقلر یاشقله درحال
چامورلنه جفندن ایشلمسی کوچ اولور ایشجى و حیوانلر

فوق العاده یوریلور و اوادانلق دخی خدمتی لایقيله كوره میوب
اکثریا قیریلور .

ثانیا اڪ اول اکیله جك ترلار چفتلك و کویلره اڪ اوزاق
بولانلر اولوب یقین اولنلر ایسه صوك بهار نهایتسه تصادف
ایدن وآز دوام ایلیان مساعد ایامده دخی اکیلور .

ثالثاً یاز اکیسلری بالاده تعریف اولنان اصولك عکسی
صورتهده یعنی کیلی اوزلی وقتی طوپراقلر زیاده چامورلی
اولدقلرندن صپان سورمكه مساعده ایتیه جکی جهتله کیرو
براغیلوب اول باول کیرجلی و صوانلی طوپراقلردن ابتدا یقینهده
وصوکره اوزاقده کیلر اکیلور .

درینلك — تخملر کونشك ضیاسی آلتنده چیملنه میه جکندن
طوپراق ایله الویره جك قدر کوملمك لازمدر تخملرك اوایغمنسه
اڪ زیاده باعث اولان مولدالموضه یعنی هوای حیاتی اولدیغی
جهتله مولدالموضه یی حاوی هوانك تأثیراتسه مانع اولماق
ایچون آز درین کوململیدر .

بودرینلك مطلق صورتهده بردرجهده اولمیوب طوپراقك
جنسنه وزرعك موسمنه و تخمك جسامته كوره تخلف ایدر
تخملر نه قدر ایری ایسه اوقدر درین کوملوب کیلی طوپراقلر
دخی غلظتلی اولدیغندن اويله طوپراقلرده چوق درین کوملك
اقتضا ایتمز زیرا کیلی طوپراقلر دائماً سرین ورطوبتلی اولدیغندن
قتیلغی مولدالموضه یی حامل هوانك درین کوملمش تخملره
تأثیرینه مانع اوله جغی کبی تازه فدانلرك بیومسنی دخی تأخیر

ایدوب بلکه چوریده جکندن بو بایده غایت دقت لازمدر .
 طوکدن قبارمغه مستعد اولان طوپراقلره تخملر زیاده جه
 کوملمک اقتضا ایدرکه طوپراق قباردینی ائنده کوکلرینی تخریب
 ایتمسون .

علی العموم ۵-۶ پارمق درین کوملان تخملر فلزله میه جکی
 هرکسک بیلدیکی برشی اولدیغندن بوراده تخملرک نه مقدار
 درین اکیلسمی لازمکله جکی اتیده کوسترلمشدر .

آرپه ویولاف ۲-۲ بچق پارمق درین کوملور .
 آجی بقله مرجک پانجار بذلیه نخود چودار وبوغدای
 ایچون ۱-۲ فاصولیه مصر بوغدایی وقولزا ایچون ۱ بچق
 کتان کنویر طورب وهاوج ایچون یارم پارمق کافیدر .
 صناعی چایر تخملری یعنی هندبا چایر اوتی جاورس وسائر
 بوکا نمائل تخملر ایجه برطرمیق ایله خفیفجه ستر اولنور .

تخمک مقداری — اگر طوپراغه اکیلان تخمک جمله سی
 فلزلنوبده قوتلی فدان پیدا ایدیدی از تخم استعمالی لازمکلور
 دیسه ده تخملر نه قدر ایوسندن انتخاب اولنوب کمال دقت ایله
 اکیاسه ولایقیله کوملمسه ینه هربری کافی درجه ده اکیلمش
 کوملمش اوله میه جفندن و تخملرک بعضیسی قوتدن دوشمش
 اوله جفندن وبرطرفدنده حیوانات اکل وتلف ایدوب بعض
 عارضات کونیه ایله بوزوله جفندن بالایجاب ترلاره زیاده جه
 تخم زرعی اقتضا ایدیور .

هر نوع نباتاتدن بحث اولندیغی صروده بهر دونه نه

مقدار تخم امك لازمكله جنی بیان ایدیه جکسه ده بوراده شونی
سویلیمك ایستزكه سمیز طوپراقلرده ترکه کبی صاپلی فدانلر
یانلرندن زیاده فیشقینلر سوروب یعنی قرداشلانونب اصل صاپی
دخی زیاده تجسم ایلجهفندن اوپله سمیز طوپراقلره سائر
طوپراقلرکی چوقجه تخم زرع ایتمك ایستمز زیرا صیق اکیلدیکی
وقت صاپلر زیاده سوروب هوانك جریانی و ضیانك تأثیراتی
منع ایده جکندن حاصلاتك نقصانه سبب اولور.

برده ایرکن اکیلان تخملر دخی بر وجه محرر لزومندن
زیاده اولمالیدر زیرا طوپراق ایوجه حاضرلنش و سمیردلنش
اولدینی حالده کونشك ضیاسندن ایصینوب تخملر چابوق فلزلور
لکین قیصر چوراق طوپراقلرده اکیلان دانه لرك و کیچ یتشان
فدان تخملرینك لزومندن زیاده جه زرعی اقتضایدر

علی العموم یاز اکیسلری قیش اکیسلرندن زیاده صیق امك
لازمدر زیرا قیش بوغدای قیشدن اول و صوکره یواش یواش
قرداشلانونر و بویلا نور فقط یاز اکیسلری چیملنور چیملنمز
موسمك حرارت و ملایمتندن طولای سریقاً تجسم ایدوب
کسب قوت و ارتفاع ایدر ایسه ده او قدر قرداشلانونر.

اصول زرع — زراعت واسعه ده تخم امك ایچون معلوم
اولان اصوللر ایکدر بری سرپه و صاورمه طریقله زرع ایتمك
دیگری الت زرعیه ایله مستقیماً امكدر .

برنجی اصول ممالکمزده عموماً مستعمل اولان اصولدر
هر بر محله بشقه یولده اجرا اولندیغندن تفصیلی مشکل

اولوب فقط بواصولده اك زياده تصادف اولنان مشكلات
معين برطوپراق اوزرينه ممكن مرتبه متسايا معلوم المقدار
تنخم صاحبقدر واقعا هر كس تنخم اكر لكن بللو بر ترلاده
اقتضا ايدن سير كلكدده متساويا اكه جك چفتجي نادر بولنور
اكر دانهلر يولسز وطوپ طوپ صاحيلور ايسه تخملر
تلف اولوب حاصلاتي دخي از اولور بناء عليه تنخم صاحليدي
حالده يوكسكدن صاورولوب ياغمور ياغاركي دانهلر ترلايه نازل
اولمق وآوج ايخه چوق دانه الميوب تخملندن از تنخم المق ايجاب
ايدر برده برترلانك هر طرفي دوز اولمق اكثريا ممكن اوليوب
اينشلي يوقوشلي اوله جفندن دانهلر دخي يوارلانوب چوقورلرده
طوبلانامسيچون زياده دقت كر كدر


ال ايله صاورمق ايچون چفتجي آوجنه تنخم الوب قولني
ديك طوتهرق ديكر قولنك اوموزينه وارنجه قدر يايواري
برداثره تشكيل ايدرك صاورر تخمي بر ال ايله ياخود كيدر
ايكن بر ال دونشده ديكر ال ايله دخي صاورانلر واردر
شوقدركه هر ايكي اديمه بر اوج تنخم وايكي ال ايله بردن
صاورولور ايسه او حالده هر بر اديمه بر اوج تنخم صاحب
لازمكلور كه بر آوجي صاغ ديكر آوجي صول ايله صاورر
شو حالده تخمي صاوران چفتجي برترلانك اك بيوك اكه
طوغري حركت ايتليدركه چوق كيدوب كلكله وقت غائب
ايتسون

چفتجينك هر بر صاورمده تنخمك استيعاب ايلديكي محله


اولك ديرلر بواولكلر برال ايله صاورلديني حالده ۹ وايكي ال ايله ۶ ارشون محلي استيعاب ايدە بيلور اولكلرك عرضي چفتجينك اكديكي زمان كرمش اولديني خطلك نهائيتە وضع ايلديكي قازقلر ايله تعين اولنور بر اولك بتدكدن صوكرە باشلايه جني ديكر اولكلك باشنه قازق صوقه رق اككه دوام ايدر كه نهائيتە ترلانوكم تكميل اكيلديكنه امنيت حاصل اولور بزده اولكلري يعني بر صاورم يري اولا بر صبان اولكيله تعين ايدوب ترلاي بووجه اولكلره تقسيم ايلهر كه بعده اكرلر كه ايو بر اصولر

برال ايله تخم صاچلديني زمان دانهلر چفتجينك اوكنده كي بشتمال حيب وياطوره ايچنه قونور ايكي ال ايله صاچيله جق اولور ايسه طوره يرينه برسپت قوللانيلور وسپتك قايشني بوينه كچورديك حالده ايكي اللري تخم صاچق ايچون سربست قالور كرك برال وكرك ايكي ال ايله تخم سربلسون چفتجي براولكي تكميل زرع ايدە جك قدر برابرنده كافي تخم بولندير مليدر اكيله جك تخمك مقدارينه كلنجه بهر جريب ايچون ۲ يكي كيله ۲۰ اولچك تخم لازم اولديغندن ترلا بهر ۹ ارشون عرضنده اولكلره تقسيم اولنوب دانهلر دخی اكا كوره حساب اولنهرق اكيلور مثلاً ترلا اون اولكه آيرلش ايسه بو حالده ۲ كيله ۲۰ اولچك تخم دخی اكا كوره تفريق ايديلور ايو بر چفتجي يوميه ۵ كيله يعني اسكي كيله ايله ۲۰ كيله يه يقين تخم زرع ايدە بيلور .
تبزير ماكنه لري تخمي ترلايه هم اكر وهمده كومر ايسه ده

ال ایله آکیلان تخیلی آلت مخصوصه ایله کومک لازمدر .
 ال ایله آکیلان تخیلی ستر ایچون استعمال اولسان
 وسائط — ایجه ورقیق تخیلکه طوپراق ایله براز ستر اولنغه
 محتاجدرلر طوپراغه صاحبدقدن صوکره بعضاً اوزرنده برسوری
 قیون کردیررلر بواصول باشلیجه صناعی چایرلر ایله هندباکی
 نباتات ایچون استعمال اولنوب قومی طوپراقلرده هم تخی
 کومر وهمده طوپراغی صیقشدیرر بو عملیات خفیف برطوقاق
 ایلهده اجرا اولنور لکن قیون کردیرمکده تخیلکه اکثری درین
 کوملوب برازی یوزده قالمق محذوری اولدیغندن مقبول صایلمز .
 اورته قتی طوپراقلرده سورکییه بکزر (شکل ۱۲۴) تخم



شکل ۱۲۴



شکل ۱۲۵

رندهسی نام آلتی استعمال ایدرلرکه دها ایودر بواآلت آغاچدن
 معمول برچرچیوه اولوب آغیرلشدیرمق ایچون بویندن نصفه
 قدر سائر اغاچلر علاوه اولنور .

غایت قی طوپراقلرده زیاده آغیر اولان سورکی مضرت ویرمه
جکندن انک یرینه (شکل ۱۲۵) شکله کوستردیکمز جالیلی
سورکی قوللانیلور زیاده درین کومله جک تخملر ایچون سورکی
فصلنده بیان ایلدیکمز دیشلری ایلرویه مائل سورکیلر
استعمال اولنور .

آلت زرعیه — آلت زرعیه دخی ایکیه منقسم اولوب
بری کوچک زراعتیه مخصوص آلات دیکری بیوک چفتلکله
مخصوص ماکنه لردر .

برنجی قسمک باشلیجه لرندن بری (شکل ۱۲۶) آغزی
طوبه لی - ا - تنکه دن یاخود ساجدن معمول برمحفظه
ومحفظه نک ایچنده - ج - برسیلندر والتیه مربوط - د -
بربوری واردرکه اشو بوری تخمی صاحبق ایچون موضوعدر
سیلندر چویرلدنجه تخم قوطیدن بوری یه و بوریدن دخی طوپراغه
دوکلور چفتجی صاغ الیه سیلندری دوندروب صول الی الیه
بوری پی اولکلرک طوغریلغنه تحریک ایدر .


برآلت دها واردرکه (شکل ۱۲۷) داخلنده برسیلندر
موضوع برقوطیدن عبارت اولوب فقط طوپراغه تخملری وضع
ایده جک آرو آرو بوریلری وایشجیه آغیرلق و یورغونلق
ویرمامک ایچون اوکنده برده تکرلکی بولنور سیلندر تحریک
اولندجه تخملر قوطیدن بوریلره و بوریلردن بشقه اولکلره .
کیلور .

بومقوله ادوات ایچون مصرفدن قاجینانلر دها سهل الاجرا

بر آلت ایله تخمخنی آکه بیلورلر بو آلت دخی عادی بر شیشه دن



شکل ١٢٧



شکل ١٢٦

عبارت اولوب (شکل ١٢٨) شیشه ایوجه تخم ایله طولدیرلقدن




صوکره اورتەسندن ایچی بوش
باشلری آچیق بر توك قلم
کچورلش طایه ایله قبانورکه
اشبو قلمک بر باشی طیشاروده
وبر باشی شیشه ایچنده قالور
تخم آکیله جکی وقت شیشه
اولک اوزرنده باش اشاغی چویر.
هکی حالدە دانەلر توك قلمک
شیشه نەک ایچنده کی باشندن کیروب

طیشاریده کی اوچندن بردوزی یه دوکلور. (شکل ١٢٨)

کوچک زراعتده صره ایله آکیله جک بقله بذلیه ومصرکی

ایری دانه‌لری بزده آکثیا ال ایله آکرلرکه اشبو آلدن دها ایو




ویولنده ایش کورر فقط ترلا براز کیشجه اولور ایسه ال ایله وقت

کچه جکندن او حالده (شکل ۱۲۷) شکله کی بر قاج بوریلی آلت
ایله زرعى دها مناسبدر .

ایکنجی نوعی که تیزیر ماکنه لریدر بیوک و کیش چفتلکرده
صره ایله دیکله جک تخملری ال ایله ویایوقاریده ذکر اولسان
آدوات ایله آمکده ایش پک آغیر ایلو کیده جکندن آکثیا
تخم ماکنه لريله زرع ایدوب چابوق ایش کورر لر .


شمدی یه قدر ایجاد اولنان تخم ماکنه لرندن اوروپانک هر
طرفنده الیوم اک زیاده مستعمل اولان وسهولتله ایش کورن
موسیو (اوکس) ک ایجاد ایلدیکی تخم ماکنه سیدر .
اشبو ماکنه درت شکل اوزره (شکل ۱۲۹، ۱۳۰، ۱۳۱،



(شکل ۱۳۰)

(۱۳۲) کوسترلشدر اشکالک بری اوستندن ایکنجیسی اوکدن

اوچنجیسی آرقه‌دن دردنجیسی یاندن کورینور - ظ - حرفیله
کوستریلان قوطی اغاجدن معمول بر صندوق اولوب بری



(شکل ۱۳۱)

اوکنده - و - دیگر ایکسی یانلرنده - ز - اوله‌رق اوچ عدد
تکرلک اوزرینه اوتورلمشدر اشبو صندوق اورته‌سندن
تکنه واری ایکی کوزه بولسوب کوزلرک الی تیوردن معمول
بر بوری ایله قیامشدر .

ارقه‌سنده‌کی - ا - قسمنده بولنان بورینک سطحی
اوزرنده صره ایله دکر می اوافق دلیکلر بولنور بو دلیکلر
یدی آیری بولمه‌لره منقسم اولوب بهر بولمه دخی الی صره
ایریلی اوافقلی دلیکدن عبارت اولدیغندن اک اینجه تخمدن اک
زیاده قالین تخمه قدر اخذ ایده بیلور هر بر دلیک بر تخم

بردوزی په وصره ایله درعقب طوپراغه دوشورر .
 اوکنده کی قسمک بورسی ایسه - ب - دلیک یرینه
 اوزون وایځه ششخانه لی اولوقلی حاویدر بواولوقلر دخی
 كذلك یدی عدد بوله لره ایرلشدر اشبو اولوقلرک خدمتی
 (هرنه جنس کوبره اولور ایسه اولسون) صندوقه قونیلان
 ایځه توز کوبره یی بوری دونسیله اولوقلی بوله لره التنده
 بولنان بر طاقم بوریلره نقل ایدر وبو بوریلر بویلرینک
 یاریسنده دیکر بوریلر ایله برلشمش اولدینی جهته کوبره یی
 تخم بوریسنه صالیویزوب تخم ایله برابر طوپراغه آقیدر .
 تعریف اولنان شو ایکی بوریلر ماکنه نک اوک طرفنده بولنان
 تک تکرلکک حرکته دوزر شویله که بوریلر تیموردن معمول
 - ح - بر قول واسطه سیله تحریک اولنورکه اوک تکرلکک
 محورینک اوچنده ودیکری بورینک محورینه مربوط اولدیغندن
 تکرلکک دوندکجه بوریلر دخی حرکت ایلر .

تخملی طوپراغه نقل ایدن بوریلرک هر برینک اوکنده
 اولک اچه جق برر اوافق کسکی - ل م - بولنور اولکلرک نه
 قدر درین اچیلیمی مطلوب ایسه مذکور کسکیلر اشاغی
 یوقاری تحریک ایدیلور وبوریلردن اولکلره دوشن تخم
 آرقه سنده کی برچفت کورک آغزی - ب - واسطه سیله اولکلرک
 اطرافندن طوپراق دویریله رک اورتیلور .

تخملی صندوقدن اخذ ایدن بوری اوزونلغنه حرکت ایدر
 بر باقر پارچه سیله قالی اولوب اشبو باقر پارچه سی یدی عدد

سورمه قنادلری حاویدرکه لدی الحاجه هر بريله بوریده اولان سالف الذکر صره دلیکری آچیلور قبانور (شکل ۱۳۱) سورمه قنادلر تکمیل قبالی اولور ایسه دلیکدر دخی قبالی اوله جفندن تخمیر بوریلره دوکله مز .

اگر آکیله جک تخم مثلاً قولزا تخمی کبی غایت اینجه تخمیردن ایسه سورمه قنادلری واسطه سیله یالکراک اینجه اولان دلیکدر آچیلوب بالعکس بقله کبی زیاده ایری نوعدن ایسه اولوقت زیاده ایری اولان دلیکدر آچیق براقیلور .

ذکر اولسان دلیکدرک طوپراغه براقیدنی تخم لزومندن زیاده اولور ایسه کفایت ایدم جک قدر دلیک آچیق براقیلوب ماعداسی برنوع ماچونه ایله قبادیلور واکثریا برخط اوزرینه اکیلان تخمیرک آراسنده بورینک جسامتنه وایجابنه کوره ۱۶ - ۲۴ - ۳۲ پارمغه قدر مسافه و آچیقلق براقیلور .

کذلک تخم آکیله جک خطیرک مسافه لری دخی ایجابنه کوره تبعید و تقریب اولنه بیلور شویله که تخمیری بوریلره ویره جک دلیکدر قبانوب بوریلرک اوکنده بولسان کسکیلر چیقاریلور وهر ایکی دلیک بولمه لرینک اراسی ۱۳ پارمق مسافه ده بولندیغندن صره لرک ۲۶ - ۳۹ - ۵۲ - ۶۵ - ۷۸ پارمغه قدر آراسی ککیشلیدیله بیلور .

توز کوبره بی ایصال ایدن بورینک خدمتی دخی عینی تخم براقان بوری کیسدر یوقاریده بیان اولندیغی وجهله مذکور بوری یدی بولمه یه منقسم اولوب بهر بولمه ایکی


سورمه قنادلر ایله قبانور وصاچیله جق کوبره نك
مقدارینه کوره یعنی آز کوبره ویریله جکی صروده برقناد وزیاده
اؤلور ایسه ایکی قنادلری دخی آچیلور .

صندوقه قونیله جق کوبره غایت النمش اینجه وقوری کوبره
اولمیدر که تخمیلر ایله برابر قولایجه جق طوپراغه آقسون .
هرنه قدر تکرلکلر حرکت ایتسه بیه ماکنه یی ایشتمک ایچون
بیوک تک تکرلک ایله بورینک محوری برلشدیرن تیمور قولک
اوزرنده بولنان دیکر بر تیمور قول ایلرو طوغری باصیلور
وبالعکس ماکنه یی طور دیرمق لازم کلدکده مذکور قول کیرویه
طوغری چکیلور بوماکنه ایکی بیکر ایله چکیلور فیئاتی ۲۵۰۰
غروشدر .

بوماکنه یی ایجاد ایدن موسیو (اوکس) دیکر برماکنه
دها اختراع ایتمشدر که اولکندن فرقی تخمی طوپراغه ترک
ایدن بوریلری طقوز عدد اولدیغندن دها زیاده یر اکسیدر .
بوغدای وآرپه کبی تخم اکیله جکی وقت دلیک بوله لرینک
دردنجی صره سی آچیلماق موافقدر چونکه دردنجی صره
دلیکلری ذکر اولنان دانه لره کوره اولوب همده صره لر ییننده
۱۳ پارمق آرالق براقور .


فاصولیه وبقله کبی قالین تخمیلر ایله مصر بوغدای ایچون
باشلیجه استعمال اولنان ماکنه بروئت ماکنه سیدر (شکل ۱۳۳ ،
۱۳۴ ، ۱۳۵ ، ۱۳۶ ، ۱۳۷ ، ۱۳۸) بوماکنه دخی سورمه لی
برقناد واسطه سیله ایکی یه بولنش شکل (۱۳۳—۱۳۴ س ع)

برتکرالکی صندوقدن عبارتدر - ب - کوزی تخمیری اخذ




(شکل ۱۳۳)

ایدوپ سورمه‌لی قنادک لزومی قدر برمقره ایله - ط - اچلمسیله



(شکل ۱۳۴)


ی - حرفیله اشارتلی کوزه نقل ایدر تخمک مقداری




(شکل ۱۳۵)

آرتمق ویا آکسلمک ایجاب ایلدکده سورمه قنادی اکا کوره

از جوق آچیلور - ی - کوزینک حاوی اولدینی معدندن
معمول دکر می بردائره (ذ ۱۳۶ ، ۱۳۸) ماکنه نك
اكنه طوغری صوقولی بر محوره کچورلمشدرکه بونك چوره سنه
اکیله جك تحمك ایریلکنه ومقدارینه کوره ایکی اوچ درت



(شکل ۱۳۸)




(شکل ۱۳۷)



(شکل ۱۳۶)

یاخود الی عدد (۱۳۸ هـ) قاشق شکننده باقرالت قونلمشدر
بودائره نك محورینك صاغ اوچی متوع قالینلقده اوچ قات
بوغازلی بر نوع مقره یی (ح شکل ۱۳۵ - ۱۳۷) حاویدر




(شکل ۱۳۹)

وتکرلک محورینك صاغ اوچنده دخی - ن - اولکنه مائل
فقط دها بیوک بر مقره اولوب بوکا واولکنه بر زنجیر
کچورلمشدرکه الت ایلرویه طوغری تحریک اولندقد
مذکور زنجیر صندوق دروننده بولنان دائره یی دوندرر ودائره

دوندکجه اوجنده بولنان - ه - قاشقلره بریکن تخمی بعد الاخذ
ینه مذکور قطعه نك اولك طرفنده بولنان چوقوره واشبو
چوقوردن دخی - ض - حرفيله کوستریلان بوری واسطه سیله
طوپراغه دوکلور .

زنخیر مقره نك قنی اولوغنه کچوریلور ایسه دائره اکا
کوره چاپوق و آغیر دوزر یعنی کوچک اولوغه کچوریلور ایسه
آغیر حرکت ایلر و تخم دخی اکا کوره از چوق یره دوکیلور
ومقره لرك بریسندن زنخیر چیقارلدینی کبی ماکنه طورر .



(شکل ۱۴۰)

بو ماکنه نك موسیو (اوکس) ك بالاده تعریف اولنان
ماکنه سندن فرقی بونده اولك آچه حق اوافق کسکی یاخود
تیمور بولنامسی ویا لکزر بر صره تخم اکسیدرکه بقله فاصولیه
ومصر بوغدایی کبی تخم لرك برر صره اوله رق بووجهله زرعی
دها مناسبدر یا لکزر نقصانی اولکلری آچه مامسی اولوب بونلری
اولدن بشقه جه آچق ایجاب ایدر و بو ماکنه نك تحریک

واستعماله يالکز بر آدم کفایت ایلر شو قدرکه مصر بوغدایی
 آکیله جکی زمان قاشق وزنجیری هر ۳۲ پارمق مسافه ده اولکلره
 بردن ۲ - ۳ دانه براقه جق یولده ربط وتنظیم اولنق لازمدر.
 اولاً طوپراغی قازیلوب تسویه واستحضار اولندقدن
 صوکره (شکل ۱۳۹-۱۴۰) شکلدرده کی آلترا یله اولکلری آچیلور
 هر ایکی اولک آراسی نه قدر سیرک براقلمق مطلوب ایسه التک
 تیمورلری اوسیرکلکده یرینه وضع اولنور ماکنه یولیه حرکت
 ایتک ایچون تکرلکی اوقک اوکنه قونلمش اولدیغندن لدی
 الحاحه تکرلک اوقنه نه قدر اوزاق ویقین اولور ایسه تیمورلر
 اکا کوره اولکلری درین آچار .

ایکنجی فصل اصول غرس

بوراده اعطا اولنه جق معلومات یالکز زراعته عائد نباتاتک
 چیم وفیده لری حقنده اولوب اغاج کیلری ایسه فصل مخصوصلرند
 ذکر اولنه جقدر .

فدان دیکمکده اوچ شیئه نظر اولنور برنجی طوپراغک
 صورت استحضاری ایکنجی فدان انتخابی اوچنجی دیکمه نک
 یولیدر .

طوپراق استحضاری — یاصدقلردن چیقاریلوب ترلایه
 دیکله جک اولان فدانلرک طوپراقلری درینجه قازلمق الزمدر
 زیرا یاصدق فدانلرینک کوکلری خیلی درین کیدر .

سنوی یعنی برسنه یاشایان فدانلر ایچون درین وچوق

قازمق صحیحاً پك الزمدر و طوپراقده زیاده وقت طورده حق اولان عمر یاخود مایه اوتی (آزیغ) و كوك بویا ایچون قازمه ایله یاییلان کریمه حاصلاتی اولدرجه آرتترکه مصارفنی قات قات چیقارر .

فدان یتشمسی ممکنسز صاییلان یوفقه طوپراقلره بعض اصول و عملیات ایله فدان دیکلوب پك كوزل یتشدیریلورکه اوده ترلای عادت اوزره دوز و مستوی قازمیوب كوچك كوچك تپه جكلر شكلنده سوروب تسویه ایتمكدن عبارتدر بوتپه جكلر صبانك كیدوب كلسندن حاصل اولان ایکی اولكك طوپراغی بریره ییغلوب بریکدیرلسیله یاییلور .

بوتپه جكلر اوزرینه لازم اولان كوبره وضع اولندقدن صوكره كرك تخم اکیلور و كرك یا صدقلره اكشن فدانلر چیقار- یلوب دیکلور .

فدان انتخابی — فدان انتخابنده دفته شایان نقطه الویره جك قدر كوكلندكدن صوكره چیقارمقدر زیرا فدان نه قدر زیاده كوكلنور و چوق صچاق و پورچکی اولور ایسه اولقدر قولای طوتار .

دیکله جك فدانلرك یراقلرندن بعضیسنی قوپاروب عددینی آزالتمق اقتضا ایدر چونکه فدانلر صوینی باشلیجه یراقلریله ضایع ایلدیکچون یراقلری نه قدر آز اولور ایسه ضایع ایده جك صوینی و مواد غدائیه سی دخی اولقدر آز اولوب قوراق هوالره طیانه ییلور .

ارباب زراعتدن بعضیسی دیکمزدن اول قولایجه حق طومتق ایچون فدانلرک کولکرینی طوپراق سیدیک و حیوانات افراتاندن مخلوط بولاماج کبی مخصوص مایعاته باترلمسنی توصیه ایدرلر ایسه ده بیوک ترلارده اجراسی کوچ ومنفعتی جزوی اولدیغندن هر وقت یاییله من فقط اوزاق محللره کوتریله جک ویا کوندریله جک نازک فدانلرک کولکرینی یوقاریده یازدیکمز کبی قتی صولی کوبره یه باترمق هر حالده الزمدر .

برده فدانلر دیکله جکی صرعه کوزدلسی لازم اولان نقطه نك بری دخی طوپراق قازیلوب بتورلدیکی کونده فدانلری دیکمکدر زیرایکی قازیلی طوپراق بخار حالنده اطرافه خیلی صو طاغیدرکه بوصویک اک چوغنی فدانلر پیراقلریله اخذ وجذب ایدر وبوصویکی غرسندن طولای فدانلرک ضایع ایلدیکی رطوبتک یرینی طوتار .

تخمیر یاصدقلره ممکن مرتبه سیرک اکلیدر زیرا پک صیق آکیلی اولنلر اوزون اینجه وزیاده صولی اولوب یاصدقندن چیقاریلوبده ترلایه دیکلدیکی کبی بدنلری ضعیف اولدیغندن دیک طوره میوب یاتار بوزولور انک ایچون یاصدقندن آز فقط قوتلی فدانلر ایدنک چوق لکن ضعیف فدانلره مالک اولمقدن اولادر .

اصول غرس — چیم یاخود فیده لر ایکی اصول ایله دیکیلور بری صبان دیکری ال ایله در صبان ایله دیکیلان باشلیجه یومری کولکی مثلاً پتاه یر الماسی یاخود قولزا ولخه کبی فدانلردر .

اشبو خدمت یولنده کورملک ایچون ایشی بشقه بشقه
ایشجیلره تقسیم ایتمک لازمدر شویله که ایشجیلرک برطاقی
چیملری یاصدقدن چیقارمق برطاقی دخی ایجاب ایدن ییرا-
قلرینی یولق و دیگر قسمی دیکله جک ترلاره نقل ایتمک وسائر-
لری دخی فدانلری کمال نزاکت ایله طوتوب صبان ایلرو کیدر
ایکن تعقیب ایدرک آچدینی اولک ایچنه یاترمقدرکه صبان کیرو
کلور ایکن طوپراق ایله صره سیله آنلری اورتر .

ال ایله دیکله جکی وقت طوپراق اولا طوغریجه چیزیلوب
چیملر برمنوال محرر ترلانی هرجهته نقل اولندقدن ایشجیلر
الرنده کی صابی اکرى اوجی سیوری برقاق ایله لازم اولان
دلیکلری آچوب چیملری ایچنه کومدکدن صوکره قازینگ
اوجی ویا ال ویاخود ایغیله طوپراغی صیقشدیرر .


اگر مذکور چیملرک حین غرسنده کوك یاقه لری طوپرا-
قدن طیشاروده قالور ایسه صچاق سورهمیوب قورییه جنی
وعکسی حالنده یعنی درین کوملور ایسه یاغفور وچیک ایله
سریعاً چورییه جکی جهته یاقه لری طوپراق ایله برابر اوله رق
دیکمک دقت ایدیله جک نقطه لرنددر .

اونجی کتاب حبوبات زراعتی بیانده در

انسان و حیوانك معیشته مخصوص اولان نباتات دانه‌لرینه
عموماً ذخیره و ترکه دینور بونلرك باشلیجه‌لری بوغدای چودار
ارپه یولاف داری مصر پرنج عرب داریسی و قره بوغدایدز .
بوغدای انسانك برنجی غداسی اولدینی جمله‌نك معلومی
اولدیغندن اوزون اوزادی‌یه توصیفنه حاجت اولمیوب بوکتابده
یالکز اصول زرع و تیمارندن بحث اولنه‌جقدر .

برنجی فصل بوغدای

بوغدای وقتی بیلدیکمز پك اسکی زماندنبرو معلوم مبارک
برنبات اولوب دینانك هر طرفده اکیلّمکده اولدینی جهتله
دورلو سبیلردن طولای شکل و کیفیتی اولقدر دکشمش
وانواعی چوغالمشدرکه بوکونکی کون یوزلرجه نوعی صایارلر
نوعنك کثرتی تشخیصنی کوچلشدیردیکی کی بزجه دخی جمله‌سنی
بوراده صایوب تفصیله احتیاج و محبوریّت اولمدیغندن وهر مملکتك
اهل زراعتی بولندقلری یرلرده وجوارنده معروف اولنلری
بزدن ابو بیلدکلرندن یالکز تقسیمات اساسیه‌سنی بیان ایله اکتفا
ایدرز .



بوغدای باشلیجه ایکی
بیوک قسمة آریلور برنجیسی
قیلچقسز چیلاق بوغدايدر
(شکل ۱۴۱) بوجنسه روم
ایلنده (قرقه) ارنابودلق
جهتنده (ساقه) بروسه
طرفلرنده (امام بوغدایی)
دیرلرکه چاقی ایله یعنی
اوزرنده بیکیر کزدیرمکه
دانهسی قاوزندن آریلور
دیگری قیلچقلى (شکل ۱۴۲)
بوغدايدرکه دانهلری انجق
دوکن ایله دوومکه قاوزندن

تفریق اولنور واق بشاق (شکل ۱۴۱)

قره بشاق ناملریله ایکی صویه آریلوب
ایکسیده قیش بوغدايلرندن صاییلور
سرتی ویومشاغی اولور .

قره بشاغك دانهلری ایری رنگی
صاری وآق بشاغك دانهلوی آز اوافقجه
وقرمزی یه مائل صاریدر .

ینسه قیلچقلى اوله رق یاز بوغدایی (شکل ۱۴۲)
نامیله برصوی بوغدای دها واردرکه ایلک بهار آکیلور دانهلری

اوقات رنکی قزلسی صاری اولور موسم مساعده ایدر ویرندن خوشلانور ایسه بعضاً هر بوغدایدن زیاده همان چودار قدر حاصلات ویرر روم ایلنده بره یکریمی ویردیکنی کورنلر روایت ایدیور .

قزله بوغدای همان قرقهیه یقین آز قیلچقلى ودانهلری آق وقره بشاقدن اوقات ویا ز بوغدایندن ایریجهدر برده کوبهلی بوغدای واردر که رنکی آقچیل همان آق بشاق دانهسی قدر ایریدراونی اوقدر اوزلی اولمز قیش بوغدایندن صاییلور غایت منبت طوپراق ایستر .

اجنبی بوغدایلرندن اك معروف اولنلرینك دخی برقاچنی اتیده ذکر ایله اکتفا ایدرز .

بونلرده ایکی صوی اولوب بری قیلچقسز دیکری قیلچقلیدر برنجی صوی (توسل) دنیلان قیش بوغدایی اولوب صاپی اینجه پارلاق ایچی بوش بشاقلری اوزونجه درت کوشهلی قیلچقسز دانهلری قیصه سیوری ویومشاقدر اصلی سائر بوغدایلر کبی معلوم دکدر بوجنس دانهسنك اعلا لغندن طولایی پك مقبول اولدیغندن اك زیاده زرع اولنان بوغدایلدندر برقاچ نوعی واردر .

مجار بوغدایی . بشاغی بیاض صیق همان درت کوشهلی دانهسی بیاض مدور ویومشاقدر اورته سرت آز رطوبتلی طوپراقدن محظوظ اولور .

ایتالیا بوغداینك بشاغی بیاض قیصه قیلچقلى دانهلری

یومشاق اوزونجه رنکی صارمتراق بیاض وپک اعلا بوغدايدر
قیدن زیاده خفیف طوبراقلری سور شدتلی قیشلردن قورقار.
طیغان بوغدایی . بشاخی براز دوزکونسز ودانهلری
ایریلی اوفاقلی اینجه واوزونجه رنکی باقر کبی قرمزی در پک
صوغوقلردن قورقار ایسهده زیاده قوراقلره طیانور .

قافقاس بوغدایی . بشاخی طونوق قرمزی اوزون
دانهلری سیرک اوزونجه قرمزمتراق زیاده سرت واغیردر پک
ایرکن یتشدیکندن صوک بهارده اکیلور صوغوق یرلرده شدتلی
قیشلردن قورقار آق بشاقلی برنوعی واردر.

ایکنجی صویک انوعی قیلچقلی دانهلری قاووزینه یایشق
اولور فقط قارشولقلی اولدیغندن هر مفصلی بیننده بشاغک
صاپی سیرکلشور بو جنسده ایکی نوعدر .

بری ایری بوغدای که بشاخی اوزون اینجه وسنبلهجکلری
سیرک ومتوالی اولدیغندن بشاق صاپی اراصره چیلاق قالور
بونک بشاقلری یاقیلچیقسنز یاخود قصه قیلچیقلی در .

بونوع بوغدایک دانهسی قاووزندن کوچ ایرلدیغندن
اوروپاده سائر بوغدایلردن از اکیلور فقط طوبراق اتخابنده
مشکلات کوسترمدیکی کبی هم صوغوقلره وهمده رطوبته
طیانور بونکله برابر فوق العاده صوغوق قیشلردن متأثر اولور
المانیا واسویچره نک طاغلق وصوغوق یرلرنده صوک بهارده
وبعض انوعانی شباطده آکرلر .

بونک برچوق نوعی وار ایسهده اک مقبولی قیلچیقسنز

قرمری دانه‌لی بوغدايدرکه هم رطوبته و همده صوغوقلره
طیانور ایو فشقین سالار یعنی قرداشلانور اونی غایت کوزل
ویومشادر .

دیگری قیلچیلی اوفاق بوغدايدر بشاخی قیلچیلی دیک
طار پک یاصی هر بشاخی ایکی صره غایت صیق دانه‌لیدر برنوع
قرلجه به بکزر .

بو بوغدای سائرینه نسبتله از حاصلات ویرر واکرچه یولافه
بیله یرامیان عادی و بیانی طور اقلرده یتشماش اولسه کیمسه
آکز ایدی فقط بولغوری وعشوره‌لکی پک اعلادر حاصلی
فقرا بوغداييدر .

قونیه طرفلرنده اسمنه عتمه دیرلر برنوع بوغدای واردرکه
تمامیله ادراک ایتکسزین ییچوب دانه‌لرینی سود ایچنده خاشلادقدن
صکره یایوب قوریدوب دوبک ایچنده دووهرک کوزل بولغوراعمال
ایدرلرکه امثالی نادر وهر طرفده مشهوردر .

قرقه یعنی قیلچیسز بوغدای دخی جنساً ایکی به ایریلوب
برینه یومشاق دیگرینه سرت بوغدای دیرلر اولکینک دانه‌لری
دیش اراسنده ازیلور رنکی ازچوق صاری قبوغی اینجه اونی
بیاض حاصلی چوق وصوغوقلره متحملدر .

صوکره‌کینک دانه‌لری دیش ایله ازیلمز رنکی طونوقدر
اوروپالیر بوندن کوزل برنوع قوسقوس یاپارلر بونک یومشاق
بوغدای قدر انواعی یوقدر .

اوروپاچفتجیلرینک اعتقادنجه قیلچیلی و قیلچیسز بوغدايلر

نوعلرینی هریرده وهر طوپراقده ابقا و محافظه ایده مزطوپراغک طبیعت خصوصیه سی بونلرک نوعنی تغییره مقتدردر یعنی بر قاج سنه متمادیاً خفیف برطوپراغه اکیلان قیلچیسز بوغدای تدریج ایله قیلچیلی اولدینی کبی زنکین وقتی برطوپراغه متمادیاً زرع اولنان قیلچیلی بوغدای دخی کیت کیده قیلچیسز اولور .

قیلچیلی بوغدایک دانه واونی قیلچیسز بوغدایدن اذدر قیلچیلرندن طولایی صمانی دخی اوقدر ایودکل ایسه ده بوکا مقابل دانه لری سائر بوغدایلرک مبتلا اولدقلری علتلردن سالم اولوب بدنلری دخی پک سرت اولدیغندن قیلچیسز بوغدایلر کبی قولایلقله یا تمز وکاله ایرمسيله برابر دانه لرینی سهولتله دوکمز

بناء علیه بوایکی جنسک انواعنی محافظه مطلوب ایسه تغییر نوعنه مساعد اولیان برطوپراغه املی و عکسی حالنده نوعی دکشمین محللردن بوغدای جلب ایله صیق صیق تخملر دکشدرللیدر بوسوزمز خارجدن جلب اولنان تخملر حقنده اولوب یوخسه الشقین یرلی تخملر ایچون دییه جکمز یوقدر شوقدرکه بونلرک دخی طوپراققلری دکشدریلور ایسه شو حال ینه واقع اولور .

اتمکجیلر علی العموم یومشاق بوغدایی دیگرینه ترجیح ایدر لر چونکه بونک اتمکی هم بیاض و همده خفیف اولور سرت بوغدایک اتمکی براز اسمرجه کورینور ایسه ده اندن ده ا غیر وزیاده پسله میجدر .

بوغدايك سرت ويومشاق اولسى دخى طوپراغك طبيعت
خصوصيه سنه تابعدر يغنى يومشاق بوغداى ياش وقى طوپرا.
قلرده تدريج ايله سرتلشيور وسرت بوغدايلر دخى خفيف
طوپراقلرده كيت كیده يومشاديغنى روايت ايدىيورلر .

بو بوغدايلرك جنسلىرى تغير جنسلرينه سيبت ويرن
طوپراقلرده اراصره تخملىرى دكشديرمكله محافظه اولتور.
ياز بوغدايلرينك صابلىرى قيصة بشاقلرى على العموم از
دانهلى واز اولنى اولديغندن طولايى اوقدر مقبول صايلمىز
ايسهده صوك بهار ايچون قازيلوب حاضر ايديله ميان وقشين
صو باصان طوپراقله ايلك بهار زرعى پك فائده ليدر برده
صوك بهارده اكيلوب قيشك شدتندن بوزيلان محصول
يرينه ياز بوغدايى اگه نك دخى چوق فائده سى اولور .

هر مملكتده بوغداى انواعندن بر ياخود ايكيسى انتخاب
وزرع ايله انلره ايلشيلوب سائر نوعلرينه اهميت ويرلديكى
كوريلبور كرچه محصولندن فائده كورينان بوغدايى زرعهده
دوام ايتمك مناسب ايسهده ديكر انواعنى تجربه ايتماك دخى
لايق دكلدر زيرا هنوز تجربه اولتماش بوغداى انواعك دخى
عادت اولان بوغدايدن ده ايو نتيجه ويرملرى محتملدر بو حوالده
ايديله جك تجربه لر دخى شايد موافق كلز ايسه زياده امك
صرف ايدلمش اولماق ايچون كوچك ترلارده اجرا ايدمليدر
فقط شوراسى خاطر دن چيقمسونكه صوغوق يرلك بوغدايى
صيچاق يرلرده وصيچاق يرلككى صوغوق محللرده ايو اولمز

تجربه ایدیه جك بوغدايلرك يرلری اقلیمجه برابر یاخود بری
دیگرینه پک یقین اولمیدر ،

اقلیم — بوغدايک يتشديکي يرلری تعداد ايله سوزی
اوزاتمقدن ايسه ممالك عثمانیه نك روم ایلی جهتده کائن بوسه
وارنبودلق وچار وبالقان طاغری سلسله لریله اناطولیده کشیش
سیان غرود محراب قارلی کوستن آق بیک کول منصور طر .
بزون جوارنده قولات کومبت ارجیش حسن وقره طاغ
وامثالی زروملرنده و دکردن ۱۵۰۰ قولاج یوکسک یرلرندن
ماعدا انسان اسکان ایده بیلان هر محله بوغدای يتشور دیر
ایسه ک معلومات ایچون کفایت ایدر فقط اک زیاده تفیض ایلدیکی
وخوشلانیدی یرلر وسطی منطقه معتدله یعنی نه غایت صیجاق
ونه ده غایت صوغوق اولیان ممالك اولدیغی تجربه ايله ثابتدر .
از جمله روم ایلنده ادرنه سلانیک مناستراناطولیده ایدین اطنه
قونیه انقره معموره العزیز دیاربکر سیواس ولایتلری وجوا .
رنده کوزل بوغدای حاصل اولور بونلرکده اک منبت
وبرکتلی محصول ویرن یرلری ادنه ایدین ودها سائر بعض
اووه وصحرالردر بورالردن یلدز سمتلرینه طوغری اوزاقلای .
شدقه و دکردن یوکسکلره چیقلاقدقه و یازینک حرارتی ازالدقه
بالنسبه بوغدای دخی از اولور .

اوروپاده اسوچ نوروج ممالکنک قبله جهتندن ایلروده
ودنیانک اورته سندن ۲۰۰۰ ارشوندن زیاده یوکسک طاغلرده
بوغدای اولمز برده دنیانک اورته سی که خط استوی تحتی

دینور غایت صیجاق یرلردر اورالرہ یاقلاشدقہ بوغدای کمالیہ
دانه باغلامق ایچون محتاج اولدینی رطوبتی بولہ میہ جفندن
حاصلات ویرہ مز انک ایچوندرکہ مکسیقانک صیجاق یرلرنده
بوغدای یالکزیشیلکی ایچون زرع ایدرلر .

نوبت زرعی — بوغدای دیگرلرندن زیادہ بعض نباتاتدن
صوکرہ امک ایودر سببی دخی نباتات مذکورہ نک محصولی
التدقندن صوکرہ طوپراغک بولندینی حال و کیفیتدر انک ایچون
کیج یتشور دیگر بر محصولدن صوکرہ بوغدای زرعی موافق
اولمز چونکہ طوپراغی قازوب تسویہ ایتکہ وقت قالنز او حالده
یعنی بویله کیج یتشور محصولدن صوکرہ اکیلور ایسہ طوپراغک
یوزنده بر چوق تزک پارچہ لری قالہ جفندن قیشین یاغمور وقار
ایله اوتوروب بوغدای کوکلرینی ساکن وقتلرده صیقار ضعیفلند .
یرر بو حال اکثریا پانجار و صوک ترفندہ پتاتہ و مصردن صوکرہ
اکیلان بوغدایلرده وقوعہ کلور بوغدای زرعدن اول طوپراغی
ایوجہ اینجالتدکن صوکرہ برازاوتورمق ایچون بر مدتہ محتا .
جدرکہ او مدتی الدہ ایتکہ وقت لازمدر .

بوغدای بر طاق یراماز اوتلرک ظہورینہ پک مستعد
اولدینی جہتلہ بر ترلایہ بر قاچ دفعہ صرہ ایله یاخود بوغدای
ایله همجنس اولان یعنی یبانی اوتلر یتشدیرن دیگر بر محصولدن
صوکرہ اکاملیدر زیرا یبانی اوتلرک اولکی محصول زمانندن
قلان تخم یاخود طوپراق آلتندہ اکنہ اوزانان کوکلری بوغدای
اکلیدیکی سنہ چوغالہ رق محصولی سکتہ دار ایدر بوندن بشقہ

مقدمکی ترکه آکینی طوپراغک بوغدای بسلان معدنی
طوزلرک برچوغنی اخذ و صرف ایتیش اوله جفندن اندن صوکره
اکیلان بوغدای ایوجه بسلیه مز .

کوبره لر دخی طوپراغه بر چوق نباتات مضره تخملری
ترک ایده جکندن بوغدا ی اسکیدن کوبره لی یاخود اولکی
محصولدن بقیه قالمش کوبره لی اولوبده پک از کوبره یه محتاج
اولان ترلاره زرع ایدملیدر .

نوبت زرع کتانبنده موقع واقلمه کوره تعیین وتفصیل
ایلدیکمز احوال عمومیه یی نظر دقتدن ایرماق شرطیه بوغدای
هر حالده اشاعیده ذکر ایده جکمز محصول عقینده زرع ایتک
مناسبدر ایو یتشمش وایرکن بوزولوب سورلمش یونجه واولیا
اوتی طبعی چایر یازین بوزولوب سورلمش قبا یونجه کوبره لشمش
ویشیل ایکن بیچلمش بذلیه بورچاق کذلک کوبره لشمش یری
چاپه لشمش بقله حق طرفنده مصر وپتاته ترلاری وازدن بر سنه
دیکندیرلمش فقط شو مدت ظرفنده بر قاج کره سوریلوب
تیزلشمش نطسلردر فقط بوغدا ی زرعیچون نطسلر غایت کوچ
اینجلور طوپراقلر ایله سنین یراماز نباتات کوکلی بولسان
ترلار حقنده یاپیلور .

بعض چیفتچیلر قوتلی طوپراقلرده قیش بوغدای زرعیچون
اولا بقله ویاز بوغدا یلریچون لخنه وخالص طوپراقلرده بوغدا ی
ایچون ابتدا یونجه وخفیف طوپراقلرده یونجه یرینه آجی بقله
یاخود مصر بقله سی زرع ایدرلر بعضیلری دخی اولا قولزا

ا کیلوبده صوکر بوغدای زرع ایدیلور ایسه کوزل وبرکتلی
بوغدای آلنور دیرلر .

طوپراق — کیلی کیرچلی قوملی صوانلی وکسمه
طوپراقلرده فقط لایقيله کوبره لنديکي حالده ايو وکوزل بوغدای
یتشدیکی کورلمشدر شوقدرکه بولندينی اقلیمک احوالی کوزد .
لملیدر خالص طوپراقلر بوغدای ایچون اک مناسب طوپراق
ایسه ده بوغدای زرع یالکر بونلره منحصر اولیوب سائر
طوپراقلرده دخی کوزل یتشور بوغدای صاپلری بشاق
باغلاینجه قدر چوق یاش اولیهرق فقط ازجه رطوبتلی
طوپراقلردن محظوظ اولور .

طوپراقده الویره جک قدر رطوبت بولندينی زمان
بوغدای صاپلری بسلمکدن قالور لایقيله بشاق باغلایه مز
بالعکس چوق اولور ایسه صاپ وپراقلری قوته کیدوب
یعنی دانه لری بسلیه جک غدایی اخذ و صرف ایدوب بشاغه
بر شی براقز انک ایچوندرکه قوتلی طوپراقلره زرع اولنان
قیش بوغداینک کوکلری چوق یاغمورلی سنه لرده چورر یاخود
پک کیچ بشاغه کلور .

چوق یاغمور دوشن یرلرده کیلی یاغلی طوپراقلره بوغدای
زرعی مناسب اولمدينی کبی قوراق مملکتلرده قوتلی وچوق
کیرچلی طوپراقلره دخی موافق کلز مکرسه که از التده کی
طوپراق صوبی صورمیه جق درجه ده قتی طوپراق اوله از
رطوبتلی مملکتلرده ایسه بو طوپراق بوغدای زرعه پک ايو

کلور بالعکس صیجاق وقوراق یرلرده سرت طوپراقلره اکیلور
زیرا سرت طوپراقلر الدینی رطوبتی خیلی زمان طوتوب
ضایع ایتمز .

غایت رطوبتلی مملکتلرده دخی صولری سهولتله صورار
حقیف طوپراقلر ترجیح اولنور بونلری کوز اوکنه المقله
برابر کوزل واعلا بوغدای النسنی یالکر طوپراقده لزومی
قدر رطوبت بولمنسه منحصر طومتق لازمکلمز دیگر بسله یچی
مواد معدنیهدن بشقه بوغدایک کندوسنده کیچ مادهسی
اولدیییچون طوپراقده کیچ دخی بولندیرلمسی اقتضا ایدرلزومی
قدر کیچسز طوپراقدن هر نه قدر رطوبت دخی اولسه
طولقون بشاق النهمز .

برده طوپراق قازمه بختده دخی تفصیل اولندیغی وجهله
طوپراغی لایقیله قازوب الت اوست ایتمه نک دخی بوغدای
صاب وبشاقلرینک لایقیله یاپنمنسه پک چوق دخلی واردر
ایوجه دیرین قازیلوب کوزلجه تسویه اولنیاں خفیف طوپراقلرده
کوکلر درینه کیده میوب یوزده قاله جقلرندن اوزونجه برقوارغه
تصادف ایدر ایسه بیومکدن قالور واکثریا بشاقلری تمامله
یاپنمزدن قورر .

قوتلی طوپراقلر دخی ایوجه سوریلوب تسویه اولندقدہ
کوزل حاصلات ویره بیلور ایسهده هر حالده خالص طوپراقلر
سهولتله سوریلوب تسویه اولندقدن بشقه اورته یوغون اولوب
صوبی وحرارتی کافی درجهده توقیف ایلدیکندن بوغدایی سائر

طوپراقلردن ده اعلایتشدیرر وبرکتلی حاصلات ویرر .
 طوپراغك تسویه واستحضاری — بوغدای ترلارینك
 طوپراقلری ایری ایری ترك حالده براقیلور ایسه فادر غایت
 اینجه سی دخی طوكدن متضرر اوله جغندن طوپراق اورتیه حالده
 اینجادیلوب فنا ویرامز اوتلری دفع ایتك لازمدر ایجابنه کوره
 مردانه وسورکی استعمالی بومقصده منیدر .

برده طوپراغی ایلک اول درینجه سورمك ایودر کرچه
 بوغدای کوکلر یحون ۲۰ — ۲۵ پارمق درینك کافی ایسه ده
 دائماً کوکلر طوپراغك درینلکنه کوره اوزان دیغندن کوکلر درین
 کیتدکجه یوزده کی صاپلری دخی بویلی اولور نطسلری ایکی کره
 سورمك کفایت ایتمز برقاچ کره سورملی وهر سنه اویانور فنا
 ویرامز اوتلر چیقاریلوب دفع ایدملیدر .

دیکنلدر یله جك طوپراقلر محصولی التدیغی انده برنجی
 دفعه كوك چاپه سیله اوک طرفندن ۱۰ پارمق وکوز
 صوکنده دفعه یان جهتندن ۲۵ پارمق قدر صبان ایله سوریلور
 ایلک بهار یبانی اوتلر چیملندیکی وقت الت مخصوصه ایله
 دفعه ۱۰ پارمق قازیلوب بعده یان طرفندن سورکی چکیلور
 اغستوس یاخود ایلول کلنجه یکیدن ۱۶ پارمق درین سوریلوب
 اوزرنده ایجابنه کوره سورکی و مردانه کردیریلور اندن صوکره
 نه وقت اکیله جك ایسه اکمزدن اول خفیفجه ۸ پارمق قدر صوك
 دفعه اوله رق سوریلوب بر سورکی دها چکیلهرك تخم اکیلور .

نوبت زرع خصوصنده ترلارك تسویه سنه کلنجه بوغدای

اگر بوزيله جق يونجه ويا چايرلغه اكيله جك ايسه اولايونجه وچايرلر بچلدكدن صوكره برنجي دفعه اوله رق يوزدن از درين سوريلوب اوتلر ايوجه قوريدقدن صوكره ييباني كوكلر چيقارلق ايچون بردفعه دها سوريلور وياز ايچنده ييباني اوتلر ك تكرر ظهورينه كوره برايكي دفعه دها قازيلور ايلك دفعه سيكه از درين سوريلور كوك چيقاره جق كوك چاپه سيله سوريلوب ايكنجيسي صبان ايله ۱۶ پارمق درين قازيلور تخم اكزدن اول كوك چاپه سيله صوك دفعه اوله رق بر كره دها خفيفجه سوريلوب ايش بتوريلور.

عادي و بورچاق يونجه سي اچه لرنده ايكي صبان كافيدر برنجيسي ايكنجي بچمدن براز صوكره ۶ پارمق درين سوريلوب درعقب ايلك صبانك حذاسيله ايكنجي دفعه فقط ايكي قات درين سوريلور كه شو حالده صبان اولكلري ۱۸ پارمق درين اولور بو ايكنجي صباندن صوكره بر سوركي و بر مردانه كزديريلور تخم اكيله جكي وقت كوك چاپه سيله بر دفعه دها قازيلوب تخم اكيلدكدن صوكره بردوز سوركي و ايجابنه كوره مردانه چكيلور. بو عمليات برياخود ايكي سنه لك عادي و بورچاق يونجه سيچون اولوب ييباني اوت قاريشق اسكي يونجه لق ايچون طيبي چايرلر حقنده يوقا ريده تعريف ايلديكمز عمليات كمال دقت ايله اجرا اولور.

كوبره لي و چاپه لي بقله و مصر ترلار ينك محصولي آلدقدن صوكره قوتليجه سوركي سوريلوب ترلا سنك يوزي دوزلديلور

بعده صبان وینه سورکی چکیلوب وقوتلیجه برده مردانه
 کزدیریلوب بوغدای آکیله رک اوزری سورکی ایله قادیلور .
 بقله وسائر کبی یشیل اوتلر یجلدیکی زمان ترلاسی
 سوریلوب صوکره اوزرینه کوک چاپه سی چکیله رک تخم زمانه
 قدر طوپراق تمیز طوتیلور وقوتلی متعدد تیمور پوللق ایله
 سورلدکن صوکره تخم آکیلوب اوزرنده دوزسورکی ومردانه
 کزدیریلور .

یاز بوغدایلرینه کلنجه اولکی محصول الندقدن صوکره
 خفیفجه سوریلوب اوزرنده سورکی کزدیریلور صوکره قیشدن
 اول درینجه سوریلوب ایلك بهارده یعنی زرعی زمانده متعدد
 تیمورلی صبان ایله بردها سوریلوب تخم زرع اولندقدن صوکره
 دوز سورکی ومردانه ایله اوزری اورتیلور بوبختمزده مردانه
 استعمالی خفیف طوپراقلره مخصوص اولدیغنه دقت کرکدر
 زیرا خفیف طوپراقلری اوتورتمق ایچون مردانه استعمالی
 ضروریدر .

مصلح وکوبره لر — بوغدای ترلارینک طوپراقلرینی
 اصلاح ایدن موادک اک ایوسی کیرجدر کیرج استعمال اولنان
 یرلرده بوغدایلر تدریجاً اصلاح اولدینی یعنی صابلیری اوزون
 بشاقلری طولی وایری اولدینی کورلمشدر .

بوغدایک ترکیب کیمیوسی بیلنور ایسه نه مقوله ونه مقدار
 کوبره ویرلمسی معلوم اوله جغندن آنک ایچون موسیو بوسنغولک
 تحلیل جدولنی بورایه درج ایلدک .

یکون	صمان	دانه	
۱۴۳,۰۶	۹۶,۹۶	۴۶,۱۰	کومور
۱۶,۴۸	۱۰,۶۸	۵,۸۰	مولد الماء
۱۱۹,۹۸	۷۶,۵۸	۴۳,۴۰	مولد الحموضه
۲,۹۹	۰,۷۰	۲,۲۹	آزوت
۰,۱۶	۰,۱۴	۰,۰۲	حامض کبریتی
۱,۵۸	۰,۴۴	۱,۱۴	حامض فوسفوری
۰,۰۸	۰,۰۸	اثار	قلور
۱,۲۵	۱,۱۸	۰,۰۷	کیرج
۱,۰۷	۰,۶۸	۰,۳۹	ماغنیزیا
۲,۰۰	۱,۲۸	۰,۷۲	پوتاس
۰,۰۴	۰,۰۴	اثار	سوده
۹,۴۵	۹,۴۲	۰,۰۳	صوان (سلیس)
۰,۱۴	۰,۱۴	۰,۰۰	حدید وشاب
۱,۷۲	»	»	ضایعات
۳۰۰,۰۰			

جدول مذکور دن اکلاشلدیغنه کوره بوغدايک ترکیاتنده
 مواد معدنیه دن سلیس پوتاس حامض فوسفوری کیرج و ماغنیزیا
 چوقجه اولدیغندن بوغدای زراعت اولسه حق طوپراقده دخی
 مواد مذکوره نك چوقجه بولندیرلمسی ایجاب ایدر
 شو حاله نظراً بوغدای ترلارینک طوپراقلرینی
 ایده جک اک ايو مصلحلر مارن کیرج کمیک توزی چا

کولی و کوبره لردن قره صیغیر و کوکرجین کوبره لرله جبره و کوسه لردر .

على العموم صمان ايله قارىشق يتاق کوبره لری دخی ايو کلور ايسه ده بوغدايه الويره جك قدر فوسفور کيرج و ماغنزيا ويره ميه جکندن اشبو يتاق کوبره لرینه يوقاریده ذکر اولنان کوبره لردن دخی علاوه ايتمک لازم کلور .

بوغدايک نوبت زرעنده قبول اولنه جق اک ايو اصول اولا يونجه ياخود چاپيه محتاج اولان يومرى کوکلى نباتات اکیلوب بعده بوغداي زرع ايتمکدر چونکه بوغدايدن اول اکیله جک اولان يونجه ياخود يومرى کوکلى نباتاتک حین زراعتده چوقچه کوبره ویريله جکی جهتله صوکره دن زرع اولنان بوغداي اولکی کوبره دن استفاده ایده جکندن تکرار کوبره اعطاسنه حاجت قالمز و همده بوغدايک حین زرעنده کوبره اعطاسی ايو دکلدرد چونکه یکی کوبره دن برچوق یبانی اوت ظهور ایدوب صاپلری اضرار ایدر اما بوغدايدن اول اکیلان يومرى کوکلى نباتاته چوقچه کوبره ویریلوبده محصول ادراک ایدنجه قدر صیقجه صیقجه چاپه لنوب یبانی اوتلر دفع ایدیلور ايسه اندن صوکره اکیلان بوغداي کوزل يتشور .

بونکله برابر بوغداي چیملندکدن صوکره اسکي کوبره سنه علاوه بر مقدار توز کوبره ویریلور ايسه ده اعلای اولور یالکتر شوراسنه دقت کر کدرکه ویريله جک توز کوبره بوغدايدن اول زرع اولنان نباتک طوپراقدن اک زیاده اخذ ایلدیکی

مواد نه ايسه انك يرينى طولدره جق اينجه كوبره اولسون مثلاً اولجه پتانه اكيلمش ايسه پتانه طوپراقدن برمقدار پوتاس المش اوله جنى جهتله صوكره دن ويريله جك اينجه كوبره مواد املاحيه يى حاوى اولان زنكين مخلوط كوبره جبره كوكرجين وقوش ترسى اوجاق قورومى وباشليجه كول كپى كوبره ومصلحا. تدن عبارت اولميدر .

اشبو كوبره لر بوغدايدن اول ذاتاً ويرلمش اولان كوبره لره ياردم ايجون ويريله جكى جهتله مقدارى از اوله جغندن طوپراقلر ك صوبى چكلدكدن يعنى چامور حالندن قورتلدقندن صوكره مارت ايجنده بوغدايلر ك اوزرينه صاحيلور اكر قيشين ياغمورلردن اول ويريلور ايسه اريوب يهوده يره ضايع اولور .

بو وجهله بوغدايله اعطا اولنان اينجه كوبره لر اكثريا وباخصوص خفيف طوپراقلرده قيشدن متضرر اولان وياخود تخم اكيلديكى زمان كافيجه كوبره لنيان بوغدايلر حقنده فائده سى كوريلور .

اوج سنه لك نوبت زرعه كوبره يى على السويه نطس ياپلدينى زمان ويررلر زيرا اكين ترلارينه چوق كوبره ويريلور ياخود اكيله جكى صره ده اعطا اولنور ايسه صاپلر قوته كيدوب بشاقلرده دانه از اولور واكثريا ياتار انك ايجون بوغدايه كوبره يى هم از ويرملى وهمده قيشدن اول ايلك حفرده طوپراغه كومليدر قيلجيقلى بوغدايلر ايسه عادى قيلجيقسر

بوغدايدن دها از کوبره خرج ايدہ جکندن انک قدر کوبره ايستمزہ
بر کيله بوغداي حاصلاتنک طوپراقدن اخذ و صرف
ايلديکي اک ابو کوبره نك مقداری ۶۲۲ قيه وارر (۰) .
هر کيله ۸۰ اوقه واورته حساب ايله هر جريبدہ ۲۰
کيله فرض ايدر ايسه ک حاصلاتنک مقداری ۱۶۰۰ و صماني
۴۰۰۰ که يکونی ۵۶۰۰ اوقيه و صرف ايلديکي کوبره دخي
۱۱۱۹۶ قيه بالغ اولور شو حالده بوغدايک ۱۰۰ قسم دانه
و صماني طوپراقدن ۲۰۰ قيه کوبره المش اولور .

شو حسابہ باقيلور ايسه کوبره ويرليمان برترلادن هر سنه
حاصلاتک اخذ و صرف ايلديکي مواد انباتيه دن طولايي از
وقت ايچنده طوپراق قوتدن دوشه جکي جهتله تخم اکیله جک
طوپراقله لزومي درجه ده کوبره و مصلحات اعطاسي هر حالده
ضروري اولدینی اکلاشيلور .

واقعا اطنه سوریه ولايتلری داخلنده روم ايلي
واناطولينک مختلف بعض يرلرنده اويله منبت محصولدار اراضي
واردرکه کوبره استعمال ايتمکسزين بره ۱۵ — ۲۰ حاصلات
ويرديکي کوريليلور فقط سنه لرك يکديکري ني متعاقب حاصلاتي
برراده ده دوام ايتيوب کيت کيده طوپراغک قوه انباتيه سي
ازاله رق حاصلاتي دخي اونسبتده اکسيليلور وشو

(*) اک ابو کوبره ديدیکمز ابو اوت ويشيل محصولات ويومري
کوکلي نباتات ايله بسلنان حيوانلرک از صماني يتاق فشقيليله قار بشق
ولاقل ايکي اوج اي تماميله يانمش کوبره لريدر .

اکسیکک اراسنده اولکی نسبتده بردفعه حاصلات الندیفی بعض یرلرده وقوعبولور ایسهده بونلر سنه سنک فوق العاده مساعده سنه محمول ویرانهده دینه بولمق کبی ظهورات نوعندن اولوب یوخسه برشیئک نقصانی یرینه قونلمدقجه اسکی موازنه سنی بوله میه جفی فنا مثبت اولدیغی کبی برطوپراقدن محصولک اخذ وصرف ایلدیکی قوه انباتیه یعنی کوبره طوپراغه اعاده اولندقجه اولکی حاصلاتی ویره میه جکی شبهه سزدر. کرچه طوپراغی نطس ایدوب قازوب سوروب هوانک تأثیرینه ترک ایتکله دخی اعاده قوت ایده جکی انکار اولنماز ایسهده بوش براقیلان سنه لریده اولکی حاصلات ایله موازنه ایلدی کمزده مقداری خیلی تنزل ایده جکی درکاردر .

بشمزطوپراغی خالی براقیوب هر سنه زرع ایله یوزندن تمتع ایتک مرکزنده دائر اولدیغندن ترلارینی هر سنه مثبت حالده طومتق ایستیانلر حاصلاتک طوپراقدن اخذ وصرف ایلدیکی کوبره نی طوپراغه اعاده یه مجبوردر .

تنم انتخابی — بوخصوصده کوزدیله جک درت نقطه واردر ۱. دانه لک پیشکینلکی واغیرلنی ۲. ایریلکی ۳. اسکی ویایی اولملری ۴. اراسره تمهلرک دکشدیرلمسنده کی فائده . بوغدای دانه سی قاوزندن چیقمزدن برقچ کون اول امکه کلورحتی بشاغی یشمتراق ایکن بیه اکیله بیلورایسهده بوکبی تازه دانه لر ایوجه یاپنه مدقلریچون فدانلری غایت ضعیف اولور انک ایچون دانه لک کمالیه ادراک ایتلریخی بکلمک لازمدر .

ارباب زراعت تخم ایچون اک ایری دانهلری سچمکی
وبعضیسی بوایریلکک اهمیتی اولدیغنی درمیان اییدیورلر دفعاتله
ایدیلان تجربه لردن اکلاشلمشدرکه اوراق تخم لر تامیله ادراک
ایتدکجه ایری تخم لردن قوتلی فدانلر یتشدیریور بوندن طولایی
دانهلرک اوراق وایری اولمرینه باقیوب یالکز بروشق اولان
ودوزکون اولیان دانهلر اکیلمز .

تخمک یکی واسکی اولسنه کلنجه تخم نه قدر اسکی ایسه
اوقدر کیچ چیملنور وفدانلری اونسبتده قوتسز اولور زیرا
اسکی تخم لر اسکیلکک درجه سنه کوره صوینی ضایع ایتش
اوله جقلرندن طوپراغک رطوبتدن یومشایوب چیملنمک ایچون
وقت ایستبرده اسکی تخم لر قوه انباتیه لرینک برچوغنی غائب ایدر
بوسیدن اوتوریدرکه طوپراغه دوشن یکی دانهلر درعقب
چیملنمکی حالد برقاچ کون صوکره اکیلانلر اوقدر چابوق
چیملنمز زرع ایچون اک یکی تخم لری یاخود کچن سنه حصاد
اولنان دانهلری انتخاب ایتک کرکدر .

تخم لرک قوه انباتیه لرینک دوامی اصول محافظه سنه کوره
مختلفدر دانهلر نه غایت قوری ونه ده چوق نملی وقرانلق اولیان وبر
دوزی یه ۱۲ درجه صیجاق بولنان بر محلد ایجه طبقه کبی یاییلوب
حفظ اولنور ایسه ایکی سنه صوکره دفعه وکاملاً چیملنور
حالبوکه اوچنچی سنه ده برچوغنی چیملنمز دردنجی سنه ایسه
بتون بتون قوه انباتیه دن قالور .


تخم لرک چیملنوب چیملنمیه جکنده شبه اولنور ایسه شو

یولده تجربه ایدیلور: یاریسنه قدر صوطولی برکاسیه برطبقه پاموق وآنک اوزرینه تجربه اولنه جق دانه لر وضع اولندقدن صوکره کاسه ۲۰ - ۲۵ درجه صیجاق بریره قونلدیغنده ایو دانه لرکیکیوب چابوق چیملنور اولوقت چیملنان تخملر ایله چیملنمیانلری صایه رق تخمک مقدارینی اکا کوره تعین ایتلیدر. بعض چفتجیلر ارا صره تخملرینی دکشدرلر یعنی برایکی سنه کندو تخملرینی اکدکدن صوکره آز چوق اوزاق محللردن یکی تخم کتوردوب استعمال ایدرلر بونلرک زرع ایتدکلی تخمی ارا صره دکشدرملری نوعی تغیردن محافظه ایسه بآس یوقدر ارباب فن تخم دکشدرمک اصولنک فائده ومضرتی حقنده برچوق مباحثه لر ایتدکدن صوکره نهایت توصیه اولنور بر اصول اولمدیغنی اکلامشلردر فی الواقع طوپراق واقلمک طبیعت خصوصیه سی موافق اولدیغنی اقلیم بوغدایلرینک بعضیسنه حسن تأثیر ایدر بوراسی تسلیم اولنور فقط کیت کیده جنسنی دکشدرن بوغدایک جنسنی محافظه ایچون آرا صره اصل یرندن تخم کتورتمک لازمدر .

بوایکی مقصددن بشقه تخم دکشدرمک وخصوصیه اوزاق یرلردن جلب ایتمک یالکمز فائده سز دکل ضررلی دخی اوله بیلور اقلیم وطیعتی مختلف یرلرک مثلاً اطنه نک بوغدایی مناستره وسلانیککی قونیه موافق گلزیرا ایدیله جک مصرفدن بشقه ویره جکی حاصلات رنجبرک کندو تخمیه آلاجنی محصولدن ده اشاغی اولور .

تخم انتخابك اڪ قولای وامیتلیسی اوراق وقتنده ترلادهکی
دمت بشاقلرندن انهمه تعیر اولنور بیاض و آلتون صاریسی کبی
قاوولی بشاقلری کسوب ایریجه خرمان ایدرك تمیز قالبوردن کچور.
مکدر بویله بشاقلرك دانهلری یوارلاق دیشه طیانور وتخته اوز.
رینه آیلنجه سس چقارر اعلا ویشکیندر .


تمخلرك ترتیب واستحضاری — تمخلق بوغدایی ایکی
صورتله استحضار ایدرلرکه بری قالبورله دیکری کیرجلمه در
قالبوردن مقصد ایچنده بولنان یبائی تمخلری و اوافق ضعیف
ولایقیله یاپنه مامش دانهلری آیرمقدر اگرچه خرماندن صوکره
قالبور طولابلریدن کچورملکله بدرجهیه قدر تطهیر قابل ایسه ده
بو قالبور صرف وخرج اولنه حق بوغدایه مخصوص اولوب
تمخلقلری ایسه تکرار قالبورلق لازمدر .



(شکل ۱۴۳)


بوخصوص ایچون اوروپاده استعمال اولنان قالبورلرك

بری (شکل ۱۴۳، ۱۴۴، ۱۴۵) شکلرده کوستریلان قالبوردرکه باشلیجه تلدن معمول واسطوانی الشکل بر بوریدن - ج - عبارتدر تلك آراقلری قالبورك تكنه سنه متصل - ا - نقطه سندن



(شکل ۱۴۴)

باشلایهرق کیتدکجه زیاده بیور و بورینک چوره سی دخی ینه اوطوغریلقده ایلرولدکجه کوچلور بو قالبور اغاجدن معمول درت ایاقلی فقط اکریمجه برتخته اوزرینه قونیلوب اییقلانه حق بوغدا ی اول - ه - قالبورك - د - تکنه سنه قونوب آلت قطعه سنده بولنان - ل - دلیکه بتیشک - و - اولوقدن کجهرک قالبوره و بورینک محوری تحریک اولنه رق چویرلدکجه یبانی و اوافق تحمیر قالبورك برنجی تلندن ودها قالینلری اورته سندن




(شکل ۱۴۵)

طیشاری چیقوب اک زیاده آغیرلری قالبورك نهایتنه واصل اولور .

اشبو مختلف جسامته اولان دانه لر ایکی پرده لر واسطه سیله بری برینه

قارشیمیوب ایری ایری یره دوکلور اوافق دانه لر دخی ایوجه چیملنه جکی جهته تکنه یه اک یقین بوله دن دخی تخم آله بیلور


اشبو قالبور زیاده سریع واستعمالی سهیل اولدیغندن برچوجق ساعتده ۳ کیله بوغدای تمیزلر آیرر فیثاتی ۱۲۰ غروشدر ذکر اولسان قالبورلرک دیکری موسیو (پرنوله) نک ایجاد ایلدیکی دهامکمل بورسی درت بولهیه ایرلمش قالبور اولوب هر بوله نک تل دلیکلری ایریلی اوفاقلی اولدینی جهته دانهلری درت بوی اوزرینه بشقه بشقه قابله تقسیم ایدر (شکل ۱۴۶) ودانهلرک ایچنده بولنان اوفاق طاشلری دخی قالبورک آلت اوچندن چیقاروب یره دوکر.



(شکل ۱۴۶)

فقط بوقالبور طولابلرینک اک ایو ومکملی فراسده لیون دکرومانجیلرندن موسیو (واشو) نک اختراعی اولان آیقلاپیچی قالبوردر (شکل ۱۴۷) بوقالبور اولا دانهلری صاوروب قاوز کبی خفیف شیلردن ثانیاً اوفاق طاش طوپراق ودها آغیر

سنه لردن تفریق ایدر ثالثاً بوغدای قابوریوب اوافق دانه لر ایله برابر دلیجه یولاف وسائر اجنبی تخم لری آیرر رابعاً بوغدای آیقلا ر یعنی آتی یوارلاق دانه لردن و اوافق و چاقیل طاش لردن حاصلی بوغدای دانه سی جسامتند بولنان طو پراق و طاش لردن تمیز لر



(شکل ۱۴۷)

بو قابورک فیثاتی بوینه کوره ۹۰۰ — ۳۶۰۰ غروشه قدر در ۱۴ یاشنده برچوجق ایله ۱۲ ساعته ۸ — ۱۰ کیله بوغدای تمیزلیان ۲ بچق آرشون بویلیسی ۹۰۰ غروشه آلتور بونک ایله یالکز بوغدای دکل آرپه چودار یولاف نخود و مرجک کبی تخم لری دخی تمیزلور .

تخم لری یوقاریده تعریف ایلدی کمز وجهله کوز لجه قابوردرن کچور دکن صوکره کیرجلرلر بوکاده سبب دانه لری یوزنده بولنان دکر می کوچک توز ولک لری دفع ایدوب دانه لری تطهیر

ایتمکدر اگر بوتوز ولکلر دانه اوزرنده قالور ایسه محصولی
چورکک ویانی قره علتلرینه دوچار ایدر .

تخلری کیرجلمه نك برچوق اصولری واردر بعض یرلرده
اریدلمش کوز طاشی وصولی زاج یاغی وپوتاس وبونلره بکزر
برطام شیلر استعمال ایدر لر فقط عموماً الك تأثیرلی و آزمصر فلیسی کیر-
جدرکه ایکی صورته یاپیلور بری سرپمه و دیگر ی طالدرمه طریقیدر .
سرپمه یی شویله اجرا ایدر لر: کیرجی دووب دووولوب اون کبی توز
ایدرک تخملرک اوزرینه یایدقن صوکره کیرجی سوکدیره جک و بولا-
ماجه تحویل ایده جک درجه ده اوزرینه صودو کیلوب قارشدر یریلور .
طالدرمه طریقیده کیرجی بولا ماجلانجه قدر صوده اریتمکدن
صوکره دانه لری ایچنه آتوب وهر بری کیرجلنجه قدر بر قاج
ساعت قارشدر ییلوب صوکره چیقاریلور ۵۰ کیله تخم ایچون
۲۴۲ اولچک صوده اریدلمش ۵۰ قیه کیرج کافیدر .

علتلی تخملر ایچون بوکبی عملیاتک فائده سی تجربه ایله اثبات
اولنمشدر شویله که کوز طاشی و دکر طوزی و صودن عبارت
بر مخلوط مایع ایچنده ایکی ساعت بر اقلمش اولان بوغدا یلرک
بیکده طقوزی ویا لکز صو ایله کیرج ایچنده ۲۴ ساعت قدر
براقیلانلرک بیکده یکر می بری وینه کیرج ایله دکر طوزی
و صودن عبارت بر مخلوط دروننده کذلک ۲۴ ساعت قالمش
اولان دانه لرک بیکده یالکز ایکیسی چورک چیقوب ماعداسی
علتدن قورتیله رق صا غلام قالمشدر .

کوز طاشی و زاج یاغی زیاده تأثیرلی و تهلکلی اولدیغندن
آنک یرینه کیرج ایله صو دکر طوزی استعمالنی توصیه ایدرز

زیرا کیرج بوغدایی سمردوب تیز چیملندیرر قورد و مضر نباتات ایله بوجک تسلطندن مصون اولور یالکز یاخود قوم ایله قاریشق کول صویله ییقانور ایسه ده کیرج جمله سندن اولادر.

شو قدر که بو تکلفات یالکز اصلنده شبهه اولنان بوغدای تخم لریچون اقتضا ایدوب یوخسه تر لاسی فدانی صا غلام یتشمش اولان و کوز اوکنده بولنان دانه لر ایچون کیرجه دکر طوزینه حاجت یوقدر شاید اقتضا ایتسه دخی بولاماچ کبی کیرج ایچنه آتیلان دانه لک صوکره آیرلسی مشکل اوله جفندن کیرج لمه نک اک کس دیرمه یولی اوجده بری کیرج صوینه یعنی یوز درهم کیرج صوینه ایکوز درهم اینک سیدیکی قاتوب دانه لر ۲ - ۳ ساعت ایچنده قارشیدر لدقندن صوکره چیقارمقدور .

تخمک مقداری — بزده تخمک مقداری نی علی السویه اسکی حساب ایله دوغنه برکیله اعتبار ایدر لر واقعا تخم زری کتابنده دخی افاده اولندینی وجهله آکیلان تخم لک تلف اولیوبده جمله سی چیملنسه تخمک مقداری نی آزالتمق ممکن اولور ایدی فقط طوپراغک حفرینه نه قدر دقت اولنور ایسه اولسون و آکیلان تخم لر نه قدر ایو قبادیلور ایسه قبادلسون ینه کاملاً چیملنسه مز چونکه بعضیسی درینده قالب چیملنمیور یاخود اوزرنده کی طوپراغی دلوب باش کوسترنجه قدر قوتدن دوشیور بعضیسی دخی یوزده قالب و بر طاقی طویلجه بریره دوشه رک بر برینی صیقشدیروب قورییور و بر ازی نی دخی قوش و بوجکلر

تلف ایدیور انک ایچون ترلانیك یوزینی طولدیره حق دانه دن
زیاده تخم آمکه مجبور اولورز .

اکیله جک تخمک مقداری طوپراغک جنسنه کوره آزچوق
فرق ایدر ایو طوپراقلرده بوغدا یلر زیاده بوی ویره جکی جهتله
بویله طوپراقلره عادی طوپراقلردن دهآ آزه تخم آمک لازم
کله جکی کبی قیش بوغدا یلری ایلک بهار قارداشلا نوب خیلی
یرطوته جقلردنن نسبة تخمی یاز بوغدا یلردنن دهآ آز اکیلور .
تخمک علی السویه سیرکجه اکیلمسی لازمدر زیرا اولنان
تجربه لره نظراً سیرک اکیلان تخمک محصولی صیق اکیلان تخمک
حاصلاتندن زیاده اولدینی کورلشدر .

بهر دوغنده سریمه طریقیله عموماً صاحبیلان تخمک مقداری
برکیله وبرشکدر اگر ارالری طقوز یارمق مسافه ده سیرک
واولک اولک اکیلور ایسه شومقداری اوجده ایکی وبلکه یاریسنه
قدر تنزیل قابل اولور ودها زیاده حاصلات آلنور .

تخم اکیله جکی وقت مقدما دخی بیان اولندیغی وجهله
طوپراغک ایوسنی و بیاغیسنی فرق ایتک لازمدر چونکه تخم
واردرکه ضعیف و چوراق محل ایستر سمیز و او تلی یردن حظ
ایتمز بویله یرلرده چوق بشاق ویرر کذلک تخم واردرکه قوتلی
وسمیز طوپراقلردن محظوظ اولور صحیحدرکه طوپراغی ایو
وکوزل ترلاده تخم قوتلی و محصولی اولوب هر نه قدر سیرک
اکیلور ایسه اولقدر صاپلری قوتلی و بشاقلری دانه لی اولور .
هر طرفدن کندوسنی بسلیه جک ماده لری سهولتله اخذ

ایده بیلیمک ایچون ۵ - ۶ ویا ۸ - ۹ پارمق آراقلی آکیلان
تخملر صیق آکیلاندن اعلا چیقار فقط دائماً شدتلی روزکار اسن
یرلرده تخمی صیقجه آمکک لازمدر چونکه بوغدای صاپلری
کوکلرینه نسبة بویلری اینجه اوزون اولدیغندن شدتلی روزکارلرده
استناده یعنی یاصلانه جق برشیته محتاجدر استنادی اولمز ایسه
روزکارک شدتنه طیانهمیوب یاتار متضرر اولور اما صیق آکیلور
ایسه اوילה فورطنه لی روزکارلرده بری دیگرینه طیانهرق روز-
کارک شدتنه مقاومت ایلر .

برده اقلیمه کوره حاصلاتک مقداری دخی تخلف ایدر
چونکه صیجاق یرلرده حرارتک تأثیریه تخملر سریعاً چیملموب
قوتله بیور فقط اورالرك رطوبتی آز اولدیغندن صوغوق یرلرك
صاپلری کبی برچوق فشقینلر پیدا ایده مز شوقدرکه نسبة
آکینی ده قوتلیدر ایشته بوقوتدن اوتوری اکثراً بره یکریمی
کتوردیکی کوریلور سبی دانه لری صوغوق یرلرك بوغدای
دانه لرندن کوچک اولمسیدر صیجاق یر محصولنک برکیله سی
۱,۷۰۰,۰۰۰ دانه کلور صوغوق یرلرك برکیله سی ایسه انجق
۱,۰۰۰,۰۰۰ دانه ویره بیلور قیلچیقلی بوغدایلر قاووزی ایچنده
دخی چیملمنه جکندن بوجنس تخمدن هر بردونمه برکیله ۲ بچق
شنک تخم آمکک اقتضا ایدر .

موسم زرعی — برتر لایه علی السویه نه قدر تخم آکیله جکی
بیلنور ایسه ده آکیله جک وقتی بردوزی یه تعیین ایتک ممکن
اولمیوب بالطبع یرینک اقلیم وهواسنه وطوپراغنک طبیعت ونوعنه

وتخملك جنسنه كوره موسم زرعى دخی تخلف ایلر .
 باخصوص ممالك عثمانیه قطعات عالمك اوج قطعه سنده واقع
 اولمغله هوا واقليمارینك اختلافدن طولایي وقت تعیین ایتك
 بیهوده در بونكه برابر وقتلری معلوم اولان یرلرده اووقتلردن
 شاشاملیدر .

شوراسی معلوم اولسونكه قیش بوغدايي نه قدر ایركن
 اکیلور ایسه او قدر زیاده فنا صمان وآز دانه ویردیکی کی پك
 کیچ اکیلانلرك دخی دانه لری آز اولور اگرچه بعضاً کیچ
 یتشان صاپلرك زیاده محصول ویردیکی وار ایسه ده پك نادر
 اولوب عکسی ایسه چوق کورلمشدر انك ایچون صوغوق یرلرده
 قاسمدن اولجه وصیجاق یرلرده قاسمدن صوکره امك مناسب
 اولور .

برده خفیف طوپراقلرده صوك بهار نباتات قوتله چیملنوب
 زیاده دوام ایده جکندن صوغوق یرلرده بویله طوپراقلره
 قاسمده وصیجاق مملکتلرده قاسمدن ۲۰ کون صوکره
 امك وبالعکس قوتلی طوپراقلرده فدائلر قیشدن اول قوتلنوب
 صوغوقلره طیانق ایچون اولکیدن ۱۵ کون اول زرع ایتك
 لازمکلور .

یاز بوغدایلری نه قدر ایركن اکیلور ایسه او قدر فائده سی
 کوریلور زیرا صاپ وکوکلری قوتانوب ایلک بهارك صوك
 ویا زك ایلک قوراقلرینه طیانوب متعدد محصولدار قرداشلر پیدا
 ایدرلر صیجاق یرلرده شباطده وصوغوق یرلرده مارت ابتدا.

لرنده اكيلور شوقدركه قيشين صو التنده قلان قتي طوپراقلرك
قوراقدن اوقدر قورقورلى اوليه جفندن مارت صوكنه ونيسان
ابتداسنه قدر زرع اولنه بيلور .

اشبو موسملرده بعضاً هوانك مساعده سي نادرو قوعبولور
بعضاً قوراكلر اوزانوب زرعه مانع اولديغي كبي كاهي سوركلي
ياغمورلر ترلارلى ايچنه كييله ميه جك درجه ده چامور ايدر
قوراق وياغمورلر اكثرا كيلى طوپراقلرده تاثيرى زياده كوستر-
ديكندن چفتجىلر شوموسمه مساعد هوايى غنيمت بيلوب
سائر ايشلرني ترك ايله همان ترلارنى اكمكه غيرت ايتميدرلر .
تيمارى — تخم اكيلوب بتدكدن صوكره صولر بريكوب
قالماق ايچون درعقب ترلانىك اولك وچوقورلى دوزتيلهرك
تميز طوتلمق لازمكلور .

ياغمورلى وكوزى لطيف يرلرده سموكلى بوجكلردن پك
زياده قورقيلور اوليه محللرده چفتجى دشمنى قارشوسنده
قوللرني كليديلوب تأسف ايده جك يرده ايكي خدمت اختيار
ايتميدر برى اكين ترلاسى سوكونك كيرج توزيله توزلامق
ديكرى سموكلى بوجكلرى هند طاوقلرينه يديرمكدر بوراسنى
چوق كيمسه بيلمز حالبوكه اوروپاده اسكى چفتلك صاحبلىرندن
برى هر سنه سوري سوري ضعيف اوجوز هند طاوقلرى
الوب سموكلى بوجكلرك آز وقت ايچنده پك كليته پيدا اولدينى
كيلى طوپراقلره صاليويرك اوج هفته ياخود برآي قدر بسله
كدن صوكره غايت ياغلى وسميز اولدقلىر حالده صاتوب ايكي

صورتله تمنع ایدیور: سموکلی بو جکلر تلف اولیوریرینه کموش کلیور.
 قیش کچدیکی زمان تخملری چیملنوب فقط هنوز صاپه
 کلیان خفیف طوپراقلرک اوزرنده بر مردانه کزدیرمک فائده
 لیدر زیرا قیشک صوغو قلدن قبارمش اولان یرلری اوتورر
 وفدانلرک کوکلری طوپراق ایله ایوجه قبادلش اولور لکن
 قوتلی طوپراقلرده مردانه ضررلی اولوب یالکز بردفعه اولتی
 اوزره بر سورکی چکیلور ایسه فائده ایدر .

بوزمانده یعنی اکینلر چیملمکه باشلادیغی وقته ترلارلی
 صو ایله قاریشق سیدیك ایله صوارمه نك پك چوق فائده سی
 کوریلور قیشدن یاخود بشقه سبیدن طولای کیرولیان اکین
 ترلارینه یکیدن ایجه چفتلك فشقیسی یاخود ابو توز کوبره
 یایق لازمدر .

بالعکس ایلك بهار اکینلرک فوق الحد قوتی یعنی آزیغینلی
 کوریلور ایسه صمانی چوق فقط دانه سی آز اوله جغه دلالت
 ایدر شو حالد یپراق تپهلرینی قرقق یاخود اوزرنده مردانه
 کزدیروب ایلرولمکدن آلیقویق اقتضایلر بعض طرفده بوسرت
 یشیلکده حیوان اوتارلرلر ایسه ده بزانی توصیه ایده میز .

نیسان مایسده اقلیمه کوره اکین صاپلرینی فنا ویبانی
 اوتلرک مضرتلرندن محافظه لازمدر بو خصوصده دخی برطاقم
 چوجق وقادینلر استخدام اولنور بونلر صاپ ارالرنده بولنان
 یبانی اوتلری یردن اوزونجه بچاق ایله کسرلر یاخود اودوندن
 معمول کربدن (شکل ۱۴۸) ایله قوپارلرلر .



(شکل ۱۴۸)

آکین ارالرنده ظهور ایدن یبانی
اوتلرده دوه دیکنی لاباده چوبان عصاصی
یرصار ماشینی یبانی بورچاق ایریق ربیعہ
یاخود دوکون چیچکی یلانچی یولاف
کلنچک قراموق دلیجه یبانی خردال
طوب چورک اوتی التون چیچکی کتانجک
دوه طبانی وسائرہ دن عبارتدر .

کرچه یبانی اوتلرک جمله سنی

حیقار مق ممکن دکل ایسه ده برچوغی
قوپاریلور یاخود تکرار چیملمسنه ممانعت ایدیلہ بیلور برده
بشاقلرده کی دانه لر تشکل ایدوبده تمام کماله ایرہ جکلری زمان
آچیق راکد وکونشک حرارتلی کونلرنده کیجه نک چیکندن
فالشور چونکه یاش بشاقلره کونشک شدت حرارتی طوقندی
کی اکثریا دانه لری بوزار خصوصیلہ ضعیف آکینلر ایچون پک
ضررلیدر .

شومضرتدن بشاقلری محافظه ایچون قیشک طوکلرنده یاپلیدی
کبی کون طوغمزدن اول چوجقلرک اللرینه اوزون وبویلری
الویره جک قدر ایپلر ویریلوب اوجلرینی ایکسی طوته رق
براوچندن دیکر اوجنه قدر بشاقلری تراش ایدر کبی کزدير .
دکده بشاقلر ایپک ضربیلہ آکیلوب اوزرنده بولنان ایری چیک
دانه لری دوکلور وبشاقلر درحال طوغریلوب مضرتک بو طریق
ایله اوکی آلتور بو عملیات ایسه پک قولای واهون اولدیغندن

هوالر روزکاری و قبالی اولدینی زمان ۱۰-۱۵ کون متماًدیاً
بو خدمتی کورملیدر .

یالکر یانجی اوتلری دفع ایتک دکل خفیف غناک تورلی
کیرجلی یاخود تباشرلی طوپراقلرک غلظتلیسنه کوره طوکدن
متضرر اولمش اکیئرلرک اوزرنده آغیرجه برمردهانه کزدیروب
صیقشدیرمق لازمدر زیرا بوسورکی فدانلرک چیملمش قطعه
لرینی پارهلیوب برمقدارینی طوپراق ایله قپادرکه بووجهله یکی
کوک و صاپ صالوب متضرر اولنلرک یرینی طوتار هر نه قدر
ترلا یکی اکیلمش کی چلاق کورینور ایسه ده صوکره یشیلنوب
صاحبک یوزینی کولذیره جکی ادرکاردر فقط ترلانک هر طرفک
طوپراغی اینجه لنجه ییارقلری کاملاً قپانجه قدر مردهانه یی دقتله
ترلانک اوزرنده کزدیرملیدر .

تمیزلک ایشی اهمیتلی بر خدمت اولوب تمیزلنه جکی وقت
طوپراق نه چوق قوری ونه ده زیاده یاش اوللی وفدانلر ایسه
هنوز طوپراغی قپاتماش و صاپه چیقماش چیم بولنملیدر زیرا
طوپراق زیاده قوری اولور ایسه اوتلر کوکلریله چیقاریله میوب
چکدکجه قوپار و کوکلرندن تکرار سورر زیاده یاش اولدینی
زمان دخی طوپراق چیکنه نریشیلک هنوز ترلای قپاتزدن
اول تمیزلنور ایسه تکرار مضر اوتلریتشور و صاپلاندینی زمان
تمیزلنجه اوتلرک ضرری یرینه اکیئرلرک چیکنه نوب خراب اولور
انک ایچون بونوع اوتلرک دفع و اخراجنه اک مساعد زمان
اکیئرلرک هنوز صاپلانمیوب چایر کی طوپراغی قپاندینی زماندر .

حاصلی چاه خدمتک سرپه ایله صیق اکیلی ترلارده
اکیلره ضرر ویرمکسزین لایقیله یاپلمسی مشکدر یالکر اولک
اولک سیرکجه اکیلان ترلار چاهلنه بیلور واقعا کوچ و مصرفی
ایسه ده چاهلندیفی حالده چوق فائده سی کوریلور ویکرمی ایشچی
کونده ۴ دوئم ترلای چاهلیه بیلور .

شمدی یه قدر بیان اولنان عملیات بوغدایلرک تفیضنی تعجیلدن
عبارتدرفقط مساعد هوادن یاخودطوپراغک فوق العاده برکتندن
طولای نادراً اکیلرک زیاده قوته کیتدیکی واردر شو حالده انلری
یاطرپان ایله ییچمک یاخود حیوانلره اوتارتمق لازمکلور طربان
ایله ییچیلور ایسه اوقدر مضرتی اولمز زیرا طربان یالکر صاپلری
ییچوب کوکلرینی ایختمز اما حیوان اوتاریلور ایسه کوکلری
زیاده جه تراشلانه جغندن بیومکدن قالور بو عملیات دخی قیش
نهایتده یاپیلور ایلك بهارده یاپیله حق اولور ایسه طربانحق ایله
یالکر پیراقرینی قرقق کافیدر .

بعض چفتجیلر ایلك بهار ترلارینی سیرک کوردکلری کبی
اکیلر بوزلمشدر ظنیه ترلایه تکرار صبان صوقوب بوغدا
یرینه آرپه یاخود یولاف اگرلر حالبوکه سیرک یتشان بوغدایلرک
حاصلاتی اکثریا صوکرده دن اکیله جک نه ایسه انک حاصلاتندن
زیاده اوله جغندن اوله ترلاری بوزمقندن صاقتمق کرکدر
اگر ضروری بوزمق اقتضا ایدر ایسه ینه بوغدا ایلمک ده
ایودر .

یاز بوغدایلری مساعده لی ایامده کوزل وایو حاصلات

ویروب اکثریا بوزیلان قیش بوغدایلرینک یرینی طوتار بونلرک موسم تفیضلری صیجاقلره تصادف ایلدیکی جهتله صاپلری قیصه قالور وقیش بوغدایلرندن ده صیقجه اکیلور .

صوارمه — نباتاتی صواومق یالکز چایرلره منحصر اولوب بوغدای وسائر اکیتره صو ویرمک مضر ایسه ده بعض طوپرا. قار واردرکه کونشدن ایصینوب اولدرجه حرارت پیدا ایدرکه اکینی یاقه جنی شویله طورسون زرعی ممکن اوله مز اوله اراضی بی صوارمق ضروریدر .

فرانسه نك بعض یرلرنده بوغدای ترلالرینی منتظماً درت دفعه صولارلر اولاتخمی اکمزدن اول دانه لرك چیملمسنی تسهیل ایچون بردفعه صولایوب تشرین اولده تخمی اکرك ترك ایدرلر ثانیاً نیسانده حرارت هوا ۱۲ درجه بی بولدقده ثالثاً چیچک موسمنده و صاپلرک دانه باغلاملرینی تسهیل ایچون برقاج کون صوکره دردنجی دفعه اوله رق صوارلرکه بو مثللو ترلارک بهر دوغندن ۱۰ - ۱۲ کیله حاصلات آلور .

شو صولامه نك فوایدی هر بر طوپراقده متساوی نتیجه حاصل ایده مز چونکه صوی ایوجه صورمیان طوپراقدرده كوك جوارنده صولر بریکوب فدانلری بوزار فقط تراکم ایدن میل طوپراغك حفریله طبقه منبته یه قاریشه رق کیت کیده مساماتی آرتوب برقاج سنه ظرفنده شو محذور مندفع اولور صیجاق ممالکدن آسیا سیجلیا آفریقا و آمریقا ده ترلاری کترته صولارلر .

حاصلاتی — ایوجہ قازیلوب تسویہ اولمش وکوبرہ لشمش
طوپراقلرده محصولک نہایت درجہ سی اورتہ حساب ایله
وکیلہ سی ۸۰ قیہ اولوق اوزرہ دونمده ۸ - ۱۰ کیلہ یه یعنی
۶۳۰ - ۸۰۰ اوقیہ بالغ اولور .

فقط بونتیجه فوق العاده موافق موسملره متوقف اولوب
ایو طوپراقلرک علی العاده حاصلاتی ۶ - ۷ بچق کیلہ دن زیاده
کلز .

فقط بمقدار یکی دونم وکیلہ حسابیلہ درک یکی دونم یکی
آرشون ایله ۲۵۰۰ آرشون و یکی کیلہ ایسه اسکی استانبول
کیلہ سی حسابیلہ تقریباً ۴ کیلہ ایدر .

بونی اسکی دونم وکیلہ یه تطبیق ایتدیکمزده بهر اسکی
دونه ۱۲ - ۱۶ اسکی کیلہ دوشرک اورپالیلرک علی العاده
حاصلات دیدکری بزده فوق العاده نک فوقی صایلمق لازمکلور
شو حاصلاتک مقدارینه ایوجہ دقت اولنور ایسه بر وجه محرر
مناسب نوبت و طوپراق انتخاب ایتنه نک وایو قازمق ایله برابر
لایقیله کوبره لهنک زراعتجه نه قدر اهمیتی اولدیغی اکلاشیلور .
ایدیلان تدقیقاته نظراً بوغدا ی صاپلرینک ویردیکی صمان
ودانه نک مقداری شودر .

	۱۰۰	ده
دانه	۲۲,۸	
زار قاوز	۴,۰	
صمان	۵۷,۷	

— ۵۳۲ —

آكر ۱۵,۵

۱۰۰,۰۰

جدول مذکور دن اکلاشلدیغه کوره صمانك مقدارى
قیلچىلى دانه لرك ثقلته همان ایكى مثیدر موسیو (سورج) ك
تحقیقاتنه نظراً قیلچىلى بوغداى صاپلرىنك ۱۰۰ قسمندن
شوقدر دانه و صمان آلنور .

۱۰۰ ده

دانه ۴۶,۳۸

زار ۱۵,۰۵

ضایعات ۲,۱۴

صمان ۳۶,۴۳

۱۰۰,۰۰

ایکینجی فصل چودار

ترکه ایچنده بوغدایدن صوکره اهمیتلى اكين چوداردر
زیرا اهون وادارملى اولدیغندن پك چوق استعمال ایدرلر آز
چوق بوغداى یاپه میان طوپراقلرده چودار ایوجه فیضلنوب زیاده
حاصلات ویرر واقعا چودار اونى بوغداى اونى کبی بیاض
وبسله ییجی دکل ایسه ده کرک یالکز و کرک بوغداى اونى ایله
قارشیدیرلقدده ایو لذیذ و طیانقلی اتمک یاپیلور که ممالکمز خلقنك
نصفی و بلکه ده زیاده سنك یدیکى هپ بوچودار اونیدر .

اوروپاده بيکیرلره ویردکلری اتمک اکثراً چودار اونندن یاپیلور بعضاً اوکوتدکن صوکره قالبوردن کچورمکسزین یولاف و قبا آرپه کبی شیرایله و بعضاً دخی نخود و بقله اونیه قارشیدیرلر طاوقلره دخی ویردلر آرپه صوبی ایچون آرپه یرنده و برطاق مشروباته دخی استعمال ایدرلر .

اکثر حیوانات ایچون پتاه شالغم طورپ ویر الماسی کبی نسنلر کفایت ایتدیکی زمانلرده چوداری ترلاده ییچوب تازه اوت یرنده یدیرلر هله یورغون بیکیرلره سرینلک و یروب اینکلرک سودلرینی آرترلر .

چودار صمانی اوروپاده او قدر قیمتلدرکه بعضاً دانه سنه اهمیت ویرمیوب یالکز صمانی ایچون اکرلر زیراً صمانی فشی یرنده استعمال اولندیگی کبی بعض یرلرده قیون و قره صغیر حیواناتی بو صمان ایله بسلرلر و الحاصل چودار صمانی هر شیئه یرار مندر و یاصدق طولدیریلور فدانلره مخصوص استعمال اولنان سپر حصیر و عادی شابقه لر یاپیلور قوری و طیانقلی اولدیغیچون کوی اولرینک طاملرینی بونکله اورترلر .
انواعی — چودارک یالکز برجنسی طانیلوب اکیلور نوعلری اتیده مذکوردر .

برنجی . اک زیاده اکیلان جمله نک بیلدیکی قیش چوداریدر (شکل ۱۴۹) علی العموم صوک بهار و اوروپاده حزیران نهایتده دخی اکرلر شو صوک اکیمده چودار یاز صوکنه قدر کوزل و بول یشیلک ویرر و بشاقلرینی کله جک یاز تشکیل ایلر .

ایکنجی مارت یعنی یاز چوداریدر. صابری قیش چودارندن
از بوئسز ودها اینجه اولور بو چودار صوڪ بهار اکیلور ایسه
قیش چودارندن زیاده حاصلات ویرر ایلک
بهار چودار اکیمی ایسه لایقیله تفیض
ایده مز .



اوچنجیسی اولان روس چوداری. ککیش
پیراقلی اولغون دانه‌لی چوق صمانلی طولغون
بشاقیلدر لکن یوقاریده ذکر ایلدیکمز قیش
چوداری دانه صمان ویشیلکجه دیگر
چودارلره ترجیح اولنور وداثما بو چودار
اکیلور .

اقلیم — چودار بوغدای قدر صوغو.
قدن قورقمز و عمرینک هر صفحه سنی سرعتله
اکمال ایدر صوغوق یرلرده ویوکسک طاغ
تپه لرنده بوغدایه ترجیحاً زرع اولنور
چوداره صوڪ بهارک سورکلی لطیف هوا.
لرندن طولایی قیشدن اول صاپ پیدا
ایتمکجه صوغوقلرک تأثیری اولمز .

نوبت زرعی — چودار صوڪ بهار

زخایرندن معدود اولوب خفیف طوپراقلرده (شکل ۱۴۹)
بوغدای نوبتی کبی اکیلور یعنی بوغدای قغنی مزروعاتدن
صوکره اکیلور ایسه چودار دخی عینی اومزروعاتک عقینده

زرع اولنور و محصوله نقصان کلمکسزین برطوپراغه بلا فاصله
برقاج سنه چودار اکیله بیلور .

طوپراق — قوتلی و خالص طوپراقلر چوداره پک ایو
کلور ایسه ده بویله طوپراقلری بوغدایه تخصیص ایدوب چوداری
خفیف ضعیف کیرجلی صوانلی پالاندز و کسمه لی طوپراقلره
اکرلر بوغدایه یرامیان طوپراق چوداره ایو کلور الویررکه
چوق نلی اولمسون خصوصیه یاقه فونده لقلرده غایت ایو
وکوزل چودار یتشور .

چودارک سائر اکیئلرکی طوپراغک قوراقلغندن قورقوسی
یوقدر زیر چابوق سوردیکندن فدائلر سریعاً بیویوب جسامت
کسب ایدرک طوپراغنی حرارت ویبوستدن وقایه ایلر بونکله
برابر چودار ایرکن یتشوب صیجاق موسملره قالمز کرچه
یوکسک و طاغلق یرلرده چودار بوغدای ایله برابر یتشوب
فقط آچاق سپرلی یرلرده و اوالرده آرپه دن ماعدا سائر بالجله
اکیئلردن اول کماله ایردیکندن اوایله یرلرده چوداردن صوکره
چایرکی بشقه برشی اکیله بیلور حاصلی بوغدایدن زیاده
صوغوقلره متحمل اولدیغندن یلدز طرفلرینک صوغوقلرینه
رغماً غایت صوغوق یرلرده دخی نشو و نما ایدر .

طوپراق تسویه سی — ترلاسی ایوجه قازیلوب حاضر .
لندقدن صوکره بوغدای ترلاری حقنده ویردیکمز فکر
و ترتیب چودار حقنده دخی یابیلور .

چودار بوغدایدن زیاده تراشلانوب اوتورمش طوپراق

ایستر یکی قازیلی طوپراقدن حظ ایتمز بوکا لازم اولان کوبره طوپراغنی کیرچلمک ومارنلمقدر .

چودار دانه لری تمامیه حل اولنه مامشدر فقط صاپلرنده بوغدایدن زیاده صوان پوتاس و حامض فوسفوری واردر انک ایچون طوپراغنه بوماده لری تولید ایده جک کوبره ویرمک اقتضا ایدر بوده بوغدایلره ویریلان کوبره نک عیندر .

طوپراغنی ایوجه اینجلمک لازمدر بودخی دفعاتله صبان سورمه حاجت اولیوب ذاتاً ترلالری قومی طوپراقلر اوله . جغندن قولایلقله قازیلوب اینجلور فقط طوپراق ایوجه اوتور . مق ایچون صوگ صبان تخمدن برآی ویابش هفته اول یاپلمق وشاید بکلمکه وقت یوغیسه اکیلوب اوزرنده آغیر مردانه کرد . یرمک ایجاب ایدر .

چودارک کیه سی اورته حساب ایله ۷۲ قیه کلور و محصولی یردن ۵۰۳ قیه کوبره اخذ و صرف ایدر و هر ۴ دونمدن اورته حالده ۲۲ کیله چودار النجه مجموع اوقه سی ۱۵۸۴ و صمانی ۳۵۰۰ قیه به بالغ اولورکه ایکسی ۵۰۸۴ اوقه ایدر (*) بو حساب ایله جمله سی طوپراقدن ۱۰۰۶۰ قیه کوبره الوب ۱۰۰ قیه دانه و صمان ۲۲۰ قیه کوبره صرف ایتمش اولور .

(*) درت یکی دونم طقوز اسکی دونمی پک آز پکر ۲۲ یکی کیله همان ۸۴ اسکی کیله ایدر شو حسانیجه هراسکی دونمه ۹ کیله دن زیاده چودار دوشرکه حد وسط اوزره یعنی آزک چوغک ایکسی اورته سیله حساب اونمشدر .

تخم انتخابی — ایو وکوزل یتشمش یکی تخم‌لر ایکی سنه‌ک تخم‌لردن ده‌ا ایودر شاید اسکی تخم‌لر اکیله‌جک اولور ایسه دانه‌لری ۴۰ ساعت قدر ایللیق صوده طوتمق و یکی تخم‌لردن ده‌ا صیقجه اتمک لازم‌کلور حاصلی بوغدا‌ی تخمی انتخابی حقنده یازدیغمز اصول چودار ایچون دخی مناسبدر .

تخمک مقدار ووقت زرعی — قیش چودارلری‌علی‌السویه بوغدا‌یدن اول اکیلور بعضیلرک افاده‌سنه کوره چودار نه‌قدر ایرکن اکیلور وفدانلری طوپراقده نه قدر زیاده طورر ایسه حاصلاتی اولقدر ایو اولور یوکسک طاغلرده چوداری اغستو- سده وآلچاق اووالرده قاسمدن اول اگرلرکه تخم‌لر صوغوقلردن اول چیملنوب قوت آلور طوک اولیه‌رق ترلاسی قار قباتسه دخی بیومکدن کیرو طورمز صیجاق مملکتلرده ده‌ا ایرکن اکمیدرکه نیسان ومایس آیلرینک صیجاقلق وقوراقلغنه طیانه- جق قدر قوت وجسامت کسب ایتسون بویله یرلرده کیچ اکیلان چودارک حاصلات ویرمسی شبه‌لیدر .

بزم مملکتلرده اکیم وقتلری مختلف اولدیغندن لایقیله تعیین وقت ممکن دکل ایسه‌ده هر حالده ایلولدن تشرین اول نهایتسه قدر اتمک لازمدر وبومدت ایچنده نه قدر اول اکیلور ایسه ده‌ا ایودر هر دوغنه برشینک کفایت ایدر صیجاق یرلرده ده‌ا زیاده اکیلور .

تخم‌لرینی صیقچه وسریمه طریقیله اکوب اوزرینی آزطوپراق ایله ستر ایتمیدر اگر درین کوملور ایسه سائر اکیلردن زیاده

سهولته چوریه جکندن بوبابده دقت لازمدر بوغدايك یاریسی قدر کوملسه کفایت ایدر .

اگر وقت و حال مساعده ایدرده چودار دیگر محصولی آلتان ترلایه خزیران ایچنده اکیلور ایسه صوغو قلمزدن اول بردفعه بیچیلوب خیلی اوتی آلتور وکله جک یاز ویره جکی محصوله ضرر ونقصان کلز بونک ایچون اکثر یرلرده وباشلیجه المانیاده چوداری بویله اکوب اولا اوتی وصوکره دانه وصمانی آلوب ایکی یوزدن تمتع ایدرلر فقط چوداری یاز ایچنده اکمک یاغمورلی سنه لره ویاموقعلره متوقف اولوب یوخسه هر وقت وهر موقعده خزیران ایچنده قوراقلر دوام ایده جکندن طوپراق ایشلنه مز .

تیماری — ایرکن اکیلان چودار هوالر غایت مساعد اولور ایسه صوک بهار ایچنده فوق الحد قوته کیدرکه اوحالده اوزرنده مردانه کزدیروب قوتی آلیقویق اقتضا ایدریاغمورلی صوک بهارده دخی سموکلی بوجکلرک تسلطندن قورقیلور انک ایچون اولجه فدانلرک دیبلری حذاسنده درینجه خندقلر آچیلهرق ایچنه کیرچ طولدیریلورکه سموکیلر کیرجه راست کلوب تلف اولورلر بعضاً دخی تخم اکیلدکن صوکره ترلانک اوزرینه اینجه کیرچ طوزی یاییلور لکن اک فائده لیلی بوغدای بختده سویلدی کمز کبی هنوز صاپلانمقسزین ترلاسنه هند طاوقلری صالیویرمک وسائر خدمتلیخی دخی بوغدایلر کبی کورمکدر .

حاصلاتی — چودار بوغدایدن زیاده حاصلات ویرر

هر دو نمندن اورته حالده ۵ بحق کيله يعنى ۳۹۶ قيه دانه و ۸۷۵ اوقه صمان النور ۱۰۰ قسم صاپده شوقدر دانه و صمان واردر.

	۱۰۰
دانه	۲۴,۴
قاوز و صمان	۵۹,۵
اکر	۱۶,۱
	۱۰۰,۰


بسیجه ۱۰۰ قسم دانه ۲۲۰ قيه صمان وقاوزه مساوی اولدینی مثللوینه ۱۰۰ قسم قوری دانه ۲۹۲ قسم صمان ایله برابردر هر برکیله سی ۷۱ - ۷۶ اوقه کلور .

اوچنجی فصل آرپه { شمیر }

آرپه نك اونی هر نه قدر بوغدای وچوداردن آز ایسه ده ینه ایو و بسله ییچی اتمک یاپه بیلور المانیاده چفتچی طاقه سی آرپه نك قبوغنی صویوب ایچنی پرنج کی ات ایله برابر پیشوررک یرلر بونکله برابر اکثر محله کثیرالاستعمال اولان آرپه صو- ینک اساسیدرکه اسمنه یره دیرلر .

آرپه صمانی بعض ارباب زراعت بوغدای وچودار صما- نندن زیاده بسله ییچی صایارلر آرپه صوده ایصلا تیلوب ویا دکر- منده اوکودیلوب اینکلره یدیریلورکه سودلرینی آرترر اوکوز طاوق و جنوار کی اهلی حیواناتی سریعاً سمیردر حاصلی ممالکمزده

دانه و صمائیات و بیکر جنسنک برنجی میدر . (شکل ۱۵۰)
انواعی — زرع اولنان آرپه نك درت جنسی وار
ایسه ده بونلرك ديكر لرینه ترجیحا الكرايكیسی اكيلور
عادی آرپه — دانه لری منتظم التی صره لی



اولوب ادراكندن صوكره دخی قاووزندن
ایرگز ایچنده قالور بشاغی قیصه منتظم كچكین
حائنده دانه لرینی سهولتله دوكر صاپی زیاده
فشقینلیدر اولور اولمز عارضه ایله یاتمز ایركن
یتشور پك شدید اولیان قیشلره طیانور
جوهرلی طوبراق ایستر پك ایركن یتشور
بر آرپه در بر دیگر نوعه كوشه لی ارپه دیرلر
بشاغی التی صره دانه لی وقاووزی ایچنده مستور
صره لری غیر منتظم واورته صره سی ده
شیشکین بشاغی اوزون واکریجه در بری
مورجه دیکری سیاهجه ایکی نوعی وارد
صوغوق یرلرده ایلك بهار اکیلوركه کیچ
ادراك ایدر عموم آرپه لرك ترفنده سیدر الما.
نیاده چوق اکیلور چوق کوبره ایستر کترتله
فشقین صالار صمائی کثیر وپك نازك اولد.
یغندن ابو قورر وغایت اعلا یم تشکیل ایدر
بشاقلری کورندیکی کبی ییلمکه باشلانور .
بزده معروف اولان آرپه نك دانه لری



(شکل ۱۵۱)

بشاغندن کوچ آریلور انجق بوغدای کبی
دوکن ایله دووب تفریق ایدرلر بشاقلری
منتظم الی صره دانهلری صاری یاصی وپک
اعلادر غایت زنکین طوپراق ایستر
بوندن کوزل شعریه یاپارلر قیشی پک صوغوق
یرلرده ایلك بهار اکیلوب پک کیچ فقط اکثر
معتدل یرلرده صوک بهار اکیلورکه ایرکن
یتشور .

هند آرپه سنک دانه سی جیلاق مدور
یشمراق وپک محصولدار قوتلی برنوعدر
صابی قیصه صیق وترفنده در موریمی برتحت
نوعی واردر .

قابلوچه — اناطولی ایچنده عیظه وسینز
دیرلر. (شکل ۱۵۱) دانه لری قاوزینه یایشق
وایکی صره اوزره مرتب بشاغی اوزون یاصی
وقیلچیلری متوازیدر صوغوقلره طیانور دانه
سی اعلا اولدیغندن بیره جیلر بونی آرپه یه ترجیح
ایدرلر زنکین وتسویه لی طوپراق ایستر اکثریا
یشیلکی ایچون آکرلر فرانسه ده یاز آرپه سی
نامیله اکیلان ارپه اشبو قابلوچه در .

یلپازه آرپه سی — قیلچیلری یلپازه کبی
آچیق اوزون دانه لری قاوزینه یایشق پک

آغیر واعلادر آزمینت طوپراقلرایله صوغوق محللرده یتشور . پیغمبر آرپه سی — بشاغنك شكندن وقیلچیسزلغندن طولایی بوغدایه بکزر قیلچیق یرینه اوچ فرعی وارد فقط چوق اکیلدیکی یوقدر .

اقلیم — آرپه هراقلیمده زرع اولنه بیلور هله هواسی . معتدل یرلرده پک ایو اولور یالکز یاشلق یرلردن قورقیدیندن صوغوقلری شدید و یاشلنی چوق اقلیم ارپه یه الویر مزسیجاق یرلرده قوراقلر باصمزدن و صوغوق اقلیملرده ایسه صوك بهارك ایلک طوکلری کلزدن اول یتشور اسویجمرده دکزدن ۱۹۵۰ ارشون یوکسک یرلرده مصرده و عربستانده دخی زرع اولنور .

نوبت زرعی — قیش ارپه سنك نوبتی بوغدای و چودار نوبتلری کی اولوب درین اینجه طوپراقلردن زیاده حظ ایلدیکی جهته یکی اچه لرده یاخود چاپه و تطهیر عملیاتنه محتاج اولان مزروعاتدن که پتاه هاوج وامثالی نباتاتدر انلردن صوکره زرع اولنه بیلور .

یازارپه سی دخی زیاده اینجه طوپراقلردن خوشلانیدیغندن بوده اومثللو مزروعاتدن صوکره اکیلور .

طوپراق — آرپه زنکین طوپراقلری سور اورته وخفیف طوپراقلرده دخی ایو ایلروکلور یالکز سرت یوغون رطوبتلی طوپراقلردن خوشلانمز قومی کیلی طوپراقلر دخی ارپه یه مناسبدر شوقدرکه نه پک یوغون ونه ده یاپشقان اولما ملیدر .

قیس ارپه سنک ترلارینی ایرکن و یاز ارپه سنک ترلارینی
دخی دائماً قیشدن اولجه حاضرملق اقتضا ایدرقتیجه طوپراقلری
ایکی اوچ دفعه وخفیف طوپراقلری دخی ایلك اکیسك كوك
ویومریلری چیقارلدقندن صوکره برکره سوروب بعده اوچ ویا
درت دفعه اکنه بوینه سورکیلنور .

دائماً چاپه یه محتاج اولان یومری كوك دیکلی طوپراقلره
عادی یاز ارپه سی اکیله جك اولور ایسه کولکر چیقارلدینی انده
یالکر بردفعه سوریلوب سطرنجواری سورکیلر چکیلور ترکه
ترلارینه اکیله جکی زمان اکین ییچلدکدن صوکره صبان ایله ترلا
سوریلوب اکزلری ترسنه طوپراغه کوملور بعده تشرین ثانی
ایچنده دریجه وتخمندن از اول مارتده دخی قازیلورکه بووجهله
ترلاسی اوچ کره سورلمش اولور .

بعض چفتجیلرک اصولنه نظراً ترلا ایلك دفعه زیاده بعده
از درین قازیلوب درعقب کوبره صولریله کوبره لندکدن
صوکره اوزرینه سورکی چکیلور اندن صوکره غایت ایجه اینک
کوبره سی ویریلهرک اوزرینه ارپه اکیلوب صبانک دویردیکی
اولک طوپراقلریله اوزری اورتیلور .

کوبره لر — ارپه بوغدای وچوداردن زیاده معدنی
کوبره لر ایله زنکین طوپراقلردن خوشلانورکه انلرک باشلیجه .
سیده پوتاس کیرج ماغنزیا وحامض فوسفوردن انک ایچون
هر اکیমে طوپراغی پوتاس وامثالی کوبره ایله زنکین ایده جك
مواده دقت وخصوصیه غایت چورک ایجه کوبره ویرمک

کرکدر بونکله برابر ارپه اکیلهجکی زمان کوبره ویرلدیکی نادر در چونکه ترلاسنده پک چوق حیوان کوبره سی بولنور ایسه صمانی ارتوب دانه لری ازالور .

قیش ارپه سنک بهر کیله سنک محصولی یردن همان ۳۱۱ قیه کوبره اخذ ایدر واورته حساب ایله بردونک حاصلاتی ۸ بچق کیله کلور برکیله یی ۶۴ اوقه فرض ایدر ایسه ک دانه لک مجموعی ۶۰۸ صمانی دخی ۶۲۵ اوقه اولنجه جمله سی ۱۲۳۳ قیه یه بالغ اولور شو حالده حاصلاتک کافه سی طوبراقدن ۱۰۸۸۵ قیه کوبره اخذ ایدرکه بو حساب ایله هر ۱۰۰ اوقه دانه و صمان ۲۲۰ اوقه کوبره صرف ایتش اولور قیش ارپه سی یاز ارپه سندن ده ا زیاده کوبره خرج ایدر .

موسم واصل زرع — صیجاق یرلرده ارپه دائماً قیشدن اول اکیلوب بعضاً برترلادن صوارمغه سنه ده ایکی کره حاصلات انه بیلور شویله که صوک بهارده اکیلان ارپه مایسده کاله کلوب حصاد اولنه جفندن یرینه دیگر ارپه اکیلورکه اودخی صوک بهارده کاله واصل اولور .

قیش ارپه لری اقلیم نه و طوبراغنک طبیعتنه کوره ایلولدن باشلا یه رق تشرین ثانی یه قدر و یاز ارپه لری مارتدن نیسانک اون بشنه قدر اکیلور اگر سنه سی مساعده ایدر ایسه ایلولدن تا نیسانه قدر ارپه زرعی ممکندر ارپه یی عموماً سرپه طریقیله اکرلر اکر الت مخصوصه ایله اکیلور ایسه ده ا یو اولور .

تخم انتخابی خصوصی بوغدای وجودار بحثلرنده تفصیل

ایلدیکمز ایچون بوراده تکرار ایتکی ایستیمز شو قدرکه
غایت سرت و یوارلاق صا غلام دانه لری سچوب اکلیدر
دانه لر ییقانور ایسه چابوق او یانر ارپه یی بوغدایدن زیاده درین
کوممک و خصوصیه جوهرلی و کوبره لی خفیف طوپراقلره
ایلک بهارکیچ آکیلان آرپه لک اوزرینی ۸ - ۹ پارمق طوپراق
ایله ستر ایتک اقتضا ایدر .

ضعیف طوپراقلرک بهر دوغنه ۲۰ اولچک وایو کوبره لی
طوپراقلره برشینک ۱۵ اولچک تخم الویرر .

تیماری — تخم اکیلدکن صوکره ایدیه جک خدمت پک
آزدر بعض یرلرده ایسه هیچ خدمت ایستمز اگر باش کوستر .
مزدن اول یاغموور یاغوبده طوپراق پکلشور ایسه تزکری
توزالتمق ایچون ترلانک یوزنده برسورکی کردیریلور فقط باش
کوستردکن صوکره سورکی چکمک مضردر .

حاصلاتی — آرپه نک ثقلت اضافیه سی بوغدای وچوداردن
آز ایسه ده حاصلاتی بوغدایدن زیاده در قیش آرپه سی اورته
حالده دوغنه ۹ بچق کیله آرپه ویرر شو حسابیه نظراً آرپه
کرچه بوغدای وچوداردن زیاده ایسه ده انلر قدر اوقه باصمز
بهر کیله سی ۶۴ و یاز آرپه سنککی ۵۶ و صمائی دخی ۶۲۵ اوقه
کلور ۱۰۰ قسم آرپه صابنده اتی المقدار دانه و صمان بولنور .

دانه	۲۷,۳
صمان قاوز	۵۴,۰
اکز	۱۸,۷

قوة غدائيه جه ۱۰۰ قسم دانه ۱۹۵ واکر دانه قوری
ایسه ۱۸۶ قسم صمانه مساویدر .

دردنجی فـل سونتـر (ملز)

قاریشق اکیلان ذخیره دانه لینه ملز دیرلر بعض محللرده
بوغدای ایله چودار و بشقه یرلرده بوغدای ایله آرپه قارشیدریلوب
اکیلور قاریشق تخم لک مقداری طوپراغک طبیعتنه کوره تعیین
اولنور طوپراغک کیفیتنی نه قدر بوغدایه موافق ایسه اکیله جک
ملز تخمه اوقدر زیاده بوغدای قارشیدریلور .

ملزدن مقصد اک عادی اکینک یتشه بیلدیکی طوپراقدن
اعلا محصول آلمقدن عبارتدر بعض چفتجیلر قاریشق تخم زرعنک
شدتله علیهنده بولنورلر و دیرلرکه ایکی مختلف جنس تخم
برزمانده ادراک ایده مز و آیری آیری اکیلان تخمدن دهآشاغی
ویباغی محصول آلتور حالبوکه تجربه عکسنی اثبات ایدیور
قاریشق اکینک حاصلاتی دهآامین و نتیجه لری آیری آیری
اکیلان حاصلاتدن دهآ زیاده در فی الواقع ایکی مختلف محصول
بروقته چیملنوب برابر یتشمز ایسه ده بونکده چاره سی واردر
ادراک زماننک اختلافی مثلاً آرپه یه ترفده نوع بوغدای
قارشیدر مغله مندفع اولور .

صوک بهارده چودار ایله بوغدای ایلک بهار آرپه ایله
بوغدای زرع اولنه بیلور محصولک بری تأثیر هوا ایله بوزیلور
ایسه دیکری قورتیلور برده بوغدای مادامکه تخمه مخصوص

دکدر تماميله ادراکي بگنمکسزین دخی محذورسز بچیلور ملزك اصول زرعی چودار و بوغدای کبی در .

تخم انتخابی صروده ایریلان اوافق دانهلر و کوزه عادی و بیاغی کورینانلر ملز ایچون تخم استعمال اولنه بیلور اونندن کرچه ایو اتمک اولور ایسه ده چارشوده قیمتدن نقصان ایده جکندن صاتلمز بونی چفتجیلر کندو اداره لریچون اگرلر اناطولی جهتک اکثر یرلرنده کویولور ملزك خرج و صرف ایلدیکی هپ ملز اوئی اتمکیدر .

بشنجی فصل یولاف (علف)

یولاف آرپه کبی حیواناتی برنجی درجه ده بسلیان غدادن صاییلور زیرا یولاف ایله یلمنان بیکیرلر زیاده قوتلی وقیونلر سمیز و اینکلردن دهاسودلی اولدقلری کبی ایلك بهار طاوقلری قیزدیروب یومورطه یه کتورر صاپلری یشیل ایکن کوزل چایر اولور ودانه لرندن اسپرتو چیقاریلور .

انواعی — استعمال اولنان یولاف درت نوعدر بری عادی یولاف . (شکل ۱۵۲) بشاغی کوشک طاغلق سنبله (سنبله متفرعه) شککنده فقط برطرفه مائل (وحیدالجانب) سنبله جکلری علی العاده ایکی چیچکلی دانه لری اوزونجه مجلا ورنکلری مختلف در بزده اک زیاده اکیلان یولاف بودر نوعلری شونلردر .



(شکل ۱۵۲)

قیش یولافی . صوغوقلره طیانور
کوزین آکیلانی یازین آکیلاندن زیاده
واغیر دانه لر ویرر

یاز یولافی . اک زیاده آکیلان
نوعدر صوغوقلره او قدر متحمل
اولدیغندن کیچ یتشور .

کورجی یاخود سیر یولافی .
دانه لری ایری واغیردر یولافلرک اک
قوتلسی وایرکن یتشنیدر قاووزی
غایت سرت اولدیغندن اختیار آتلا
کوج کسدریر بوده یاز یولافیدر
صوک بهارده دخی آکیلور بوندن
بشقه برده پتانه یولافی واردر .

مجار یولافی . بشاغی صیق دانه لری
قیصه واکری ذنبلا اوزرنده بولنور
جمله سی وحیدالجاب یعنی برطرفه
مائلدیر بری بیاض دیکری سیاه ایکی
نوعی واردر سیاه دانه لیلی کثیر
المحصلدر ایکسی دخی اوروپاده
ایلاک بهارده زنکین وجوه ملی
طوبراقلره آکیلور ایسه ده بزده
کوزین دخی زرع اولنه بیلور

قیصه یاخود چفته قیلچیلی یولاف . سنبله‌سی سیرک خفیف و حیدالجانب دانه‌سی اوافق قیصه مواد غدائیه‌سی از فقط دیگر لرندن زیاده قیزدیر یحیدر قیلچیلری سرت طیانقلی و پک ترفنده در یوکسک طاغلرک اورتی و بیایغی طوپراقلرنده دخی یتشور چپلاق یاخود تاتار یولافی. سنبله جکلری ۴ - ۵ چیچکللی صالقم شکلنده دانه‌لری اولکیلرکی قاوزینه یاشق دکلدر بویولافک محصولی از ایسه‌ده بعض محللرده بوندن بولغور ایرمیق کی ماکولات اعمال ایدرلر .

اقلیم — یولاف پک صوغوق یرلرده اولمزحتی ۱۲ درجه برودتی تجاوز ایدن صوغوق مملکتلرده یولاف اکیله مز فقط ایرکن یاغوبده ایلک بهاره قدر یری دائماً قار ایله قبالی اولان اقلیمده کوزین دخی اکیله بیلور .

نوبت — یولاف بلا استثنا هر نوع مزروعاتدن صوکره زرع اولنور یکی آچه‌لرده طوپراغی زیاده درین قازیلان مزروعا. تدن مثلا یومری کوکلی پتانه‌دن صوکره اکیلور ایسه محصولی برکتلی اولور .

طوپراق — یولاف طوپراق انتخابنده کوجلک کوسترمن بوغدای کیلی چودار قومی ارپه اورتی قتی طوپراقلری سور یولاف ایسه غایت صیجاق قومی یاخود پک چوق کیرجلی اولمدقه هر طوپراقده یتشور توربلی سرت کیلی طورغون صولردن هنوز قوریدلمش و سرین قومی یرلر یولافه مناسب طوپراقلردر .

ارپه صیجاق یرلردن حظ ایدر ایسه ده بالعکس یولاف
سرین محللری سور اگر ایو وچوق محصول النبق مطلوب
ایسه ترلارینه بوغدای ترلاری کبی باقق اقتضا ایدر .

کوبره — یولافده مواد معدنیه دن باشلیجه سلیس
وفوسفورلی پوتاس ماغزیا وکیرج بولندیغدن سوده واملاندن
محروم اولان طوپراقلرینی مارن کیرج وسوده ایله کوبرملک
لازمکلور بومثللو نچیلیه لر ایچنده الچیدن حظ ایدن مصر
بوغدایله یولافدر خصوصیه صماننده دخی پوتاس واردر .

هر برکیله یولافک محصولی یردن ۲۹۴ قیه کوبره اخذ
ایدر حاصلاتی دخی اورته حساب ایله دوغمنده ۱۰ کیله وهر
کیله ۴۴ اوقه اعتباریله هر جریبک حاصلاتی ۱۷۶۱ و صمانی دخی
۳۰۰۰ اوقه اولنجه مجموعی ۴۷۶۰ اوقیه بالغ اولورکه جمله سنک
الدینی کوبره ۸۹۶۴ قیه و وارر و بو حساب ایله هر ۱۰۰ اوقه
دانه و صمانه ۱۸۸ قیه کوبره دوشر .

یولافه طوغریدن کوبره ویرلر اولکی محصولک براقدینی
کوبره کفایت ایدر زیرا طوغریدن یعنی اکیله جکی زمان کوبره
ویریلور ایسه صابیری قوته کیدوب دانه لری آزالور یوقاریده
دیدیکمز کبی اک زیاده محظوظ اولدینی کوبره معدنی کوبره لردر .
اصول وموسم زرعی — بوغدای بچشده ذکر اولنان
منوال اوزره دانه نک اک ایو و صاغلاملری انتخاب اولنوب یرینه
کوره مختلف زمانلرده زرع اولنور بعض چفتجیلر یولاف
بوغدای کبی ایلولدن تشرین اول نهایته قدر اکیلور اعتقادنده

ایسه لرده هوالر مساعد کیدر ایسه آرپه اکیلان موسمک
جمله سنده یعنی ایلولدن تا مارت صوکنه قدر زرع اولنور .
طوک و قراغو قورقوسی اولیان یرلرده یولافی صوک بهارده
اکمک ایودر زیرا تیز یتشوب یازک طولی و روزکارندن متضرر
اولمز عکسی حالنده ایلک بهار اکلیدر .
تمخک مقداری دخی سائر اکیلر کبی اقلیمه و طوپراغک
طبیعتنه کوره تخلف ایدر اورته حساب ایله هر دونه برکیله
کفایت ایلر خفیف طوپراقلره برکیله ایکی شینک و محصولدار
طوپراقلره دهآ آز یعنی ۷ بچق شینک الویرر علی العموم
صاورمه طریقله اکیلوب دریخه کوملور خصوصیه طوپراقلر
خفیف اولور ایسه صبان اولکلری ایچنه اکیلوب دهآ زیاده درین
کوململیدر .

حاصلاتی — دقتله زرع اولنان محللرده دونمندن همان ۱۲
کیله یعنی ۵۲۷ قیه حاصلات آلنور و هرکیله ۴۴ اوقه کلور
دونمده ۱۵ - ۱۶ کیله یولاف آلتدینی واردر دقت اولنمیان
یرلرده ایسه انجق ۵ - ۶ کیله یولاف الهچوریلور فرانسه ده
دونمندن ۱۰ کیله دانه و ۷۵۰ قیه صمان آلورلر .

النجی فصل قره بوغدای یاخود ترکمن بوغدایی { هله ده }

هله ده راوندیه نصیله سندن اولوب اصلی بیوک آسیادن یعنی
ترکستان طرفلرندندر بر یاخود ایکی قدم بویلا نور یراقلری
یورک ییچمنده در و هر یراغک دینده برچوق و زیاده قوقولی

چیچکلیر آچار فقط چیچکلیری بری برینی متعاقب انکشاف ایلد-
یکندن دانه‌لری مختلف وقتلرده ادراک ایدر بوبوغدایک صاپلری
طوپراغه کوملده کده سریعاً چورر دانه‌لرینی انسان و حیوان
تناول ایدر .

اوی اسمر و طعمی او قدر لذیذ دکل ایسه ده بوسنه قوصوه
وآرنبودلقدده وانا طولینک بعض یرلرنده اکیلور خصوصیه یکی
پازارده رنجبرک اتمکی همان هله اوننه منحصردر کرچه اتمکی
چوق قبارمز ایسه ده همان بوغدای قدر مغدی یعنی بسلیجی
اولدینی روایت ایدر لر اوروپاده اک زیاده طاوق و سائر حیوانلر
ایچون زرع اولنور .

انکلترده هله اونندن پکسیمت و سودلی اتمک یاپار لر جنوار
بسلمک ایچون آرپه قدر قوتلی و بیکی ایچون یولافدن دهاده کرلی
بریمدر فقط قبوغی سرت اولدینندن اوکوتوب او یله ویرمک
اقتضا ایدر .

یشیل ایکن یراقلری حیواناتی همان یونجه قدر بسلر سود-
لرینی تکثیر ایدر و طاولندیرر فقط قورینسی او قدر یمیزلر .
چیچکلیری آریله کوزل غدادر حتی بونک چیچکلیری
آچلدینی زمان سائر چیچکلیک و قتی همان کچمش اولور صاپلری
نباتات کوبره لرینک برنجیلرندن صایلدینندن مخصوصاً طوپراغی
کوبرمک ایچون اکوب یشیل ایکن ترلاسی سوررک طوپراغه
کومرلر .

انواعی — معروف اولان قره بوغدای (شکل ۱۵۳) شکله

کوستریلان عادی قره بوغدايدر فقط خيلي سنه دنبرو تاتارستاندن اوروپايه جلب اولنمش برنوع قره بوغداي دهها واردرکه (شکل ۱۵۴) چيچکلى کوچك يشيلجه دانه سى سرت کوچك گوشه لرى ديشلى بدنى آزرمرى وزياده دالى صوغو قله طيانور قوتلى دهها تر فنده وزياده محصولداردر فقط ادراك ايتديكى زمان دانه لرى اولكيدن دهها قولاي دو كيلور بونكله برابر کوچ



(شکل ۱۵۴)

تاتار قره بوغدايى



(شکل ۱۵۳)

تاتار بوغدايى

اوكونور اونى سياجه و مايه سى آجيدر بونى يشيل ايكن كوبره رينه طوپراغه كوممك واولكى عادى قره بو. غدائي ايسه ماء كولا. تده استعمال ايجون زرع ايدرلر .

نوبت زرع — قره بوغداي طوپراغى بوغداي زراعتنه قابل

ايدر اوج آي ظرفنده ادراك ايتديكيچون

ايركن يتشان آكيدن صوكره زرع اولنور ايسه وقتيله حصاد اولنوب ترلاسى قيش ويا يازاكيى ايجون قازيلوب تسويه اولنمسنه ميدان براقور .

اقلیم و طوپراق — قره بوغدای همان هر نوع طوپراقده
یتشور قوملی کیرجلی قوری و سائر فدانلر ایچون قیصر اولان
طوپراقلر بوکا ایوکلور اکثر غدا سنی هوادن الدینی جهتله
طوپراغی ضعیفلندیرمز انک ایچون هر نوع محصولدن اول
و صوکره اکیله بیلور بونکله برابر خفیف و قوملی طوپراقلر
سائرینه مرجمدر .

قره بوغدای سربعاً چیملوب بیور پک یاش و چوق کوبره
لی طوپراقلردن حظ ایتمز او یله یرلرده کیچ چیچکه کلور
وایلک صوغوقلرده بوزیلور هله چوق کوبره لی زنکین طوپرا-
قلرده بدن و پیراقلری قوته کیدوب دانه لری آزا ولور و حصادی
کچیکور تحفدر که شمشک کوردیکی کبی چیچکلرینی دو کر کونشک
حرارت شدید سندن صوغوقدن و هوانک کترتله تغیرندن
و قوتلی روزکاردن بوزیلور .

اگرچه قوراقدن قورقمز ایسه ده او چنجی پیراقلری ظهور-
نده یا غموره محتاج اولور چیچکلرینک دوام ایده جکی برقاچ
هفته ظرفنده اراصره یا غمور و کونش ایستر صوکره حرارته
احتیاجی آرتوب ۲ یا خود ۳ آی ظرفنده کماله کلور .

صوک بهار یا خود قیش اکیمی ایچون یرلری اولاقازیلوب
حاضر ایدیلور طوپراغی قابلیان یبانی اوتلری بوغوب
قورتمق ایچون دخی قره بوغدای اگه نک فائده سی واردر
طوپراغنک طبیعتنه کوره ترلاسی برایی دفعه سوریلور ایسه
الویرر .

کوبره — طوپراغه طوغریدن کوبره ویرلیسوب بوغدای
حقنده یا بلدیگی کبی معامله اولتور و اوج سنهده بر چودار
قولزا کبی ترفنده اکیئر ییجلدیکی زمان یرینه قره بوغدای
اکیلور ایسه فائدهسی کوریلور.

قره بوغدایک صاپ ویراقلرنده اولکی اکیئلردن زیاده
ماغنیا و پوتاس واردر چوق ماغنزیلی طوپراقلرده بشقه اکین
لایقيله اولمز ایکن اشبو قره بوغدای کوزل و بول حاصلات
ویرر.

پوتاسلی کوبره لر بوکا پک ایوکلور فلدسپاتلی طوپراقلرده
محصولی چوق اولور و کیرچلمه پک ایو تاثیر ایدر غداسنک
نصفی هوادن الیغندن طوپراغی اوقدر قوتدن دوشورمز بر
کیله محصولک اخذ ایلدیکی کوبره ۱۵۵ قیه یی کچمز اورته
حساب ایله دوغمنده ۴ کیله وهر کیله سی ۵۸ قیه اعتباریله ۲۳۲
قیه دانه و ۱۵۰ قیه صمان ویررکه مجموعی ۴۸۲ قیه ایدر.

اصول زرع و حصادی — قره بوغدای دانه سیچون
اکیلور ایسه بهر دوغنه ۲ بیجق شینک اوت یرنده قوللانق و یا
طوپراغه کوممک مطلوب ایسه ۳۰ اولچک کفایت ایدر فقط
تمخیری صاورمه طریقيله اکیلوب سورکی ایله از درین کوملور
قطعاً تیمار ایستمز طوپراقده ظهور ایدن یبانی اوتلری کندوسی
بوغوب قوریدر.

موسم حصادی تمخلرینک اک زیاده سی کماله ایردیکی وقتدر
بودخی ایکی اصول اولور:

(دیشلی باغ چاقیسی) ایله صاپلرینی کسوب دمتلمک دیکری صاپلرینی کوکلریله برابر یردن چیقارمقدر اگرچه بیچمه قولای ایسه ده ال ایله کوکلرندن چیقارمق ایودر زیرا بو یولده تخملری بیچمه قدر ضایع اولمز وهنوز ایوجه اولمیان دانه لری ازمده ایچنده کاله ایرر صاپلری تامیله ولایقیله قوریمدچه دوکاملیدر چونکه هنوز ده رطوبتلی اوله جفندن انبارده چورر تخملرینی آیر. دقدن صکره انبارله نقل ایله اینجه طبقه طبقه یایوب کاملاً قورتمق لازمدر.

حاصلاتی — محصوالتک مقدار ودرجاتی مختلفدر اقلیمه کوره بعض یرلرده دوننده ۳-۴ و بعض محللرده ۱۲ کیله اندینی وارددر صمانی دخی ۱۰۰۰-۲۴۰۰ قیه یه بالغ اولور هربر کیله سی ۵۸ اوقه کلور بو حاصلات طوپراقدن ۲۱۷۰ قیه کوبره الورکه شو حساب ایله ۱۰۰ قیه دانه وقوری بدنلری ۱۱۶ قیه کوبره صرف ایتمش اولور.

یدنجی فصل . مصر بوغدائی

مصر بوغداینه روم ایلیده وین التجار قوقوروز وقره دکڑک اناطولی سواحلنده لازوت دینور فرنکلر ترکستان اسپانیا وهند داریسی دخی دیرلر کثیر الفوائد والاستعمالدر یرندن حظ ایدر ایسه بر دانه سی ۱۰۴۰ دانه ویردیکی مشهوردر.

اونی یالکز ویا بوغدای اونیله قارشدیریلهرق اتمک چورک و دورلو شکلده خور یاییلوب ینور قره دکر سواخلنده خصو- صیله طربزوننده ولازستان وارنبودلقدده رنجبرک واکثر فقرانک اتمکی صرف مصر بوغدایی اونیدر اکثریا فرونده قاوروب ایریجه اوکوته رک چوربا یاپارلر قوچانی هر یرده کباب یاییلهرق ویا صوده پشیریلهرک استعمال اولنور بولغور شکلنده اوکو- دلدیکی حالده طاوق وامثالی حیوانلر ایچون غایت اعلام اولور آت بیکیر قسمی ایچون دخی ممدوح برغدادر قامشلی بعضاً اودون وکومور یرینی طوتار صیق دیکیلور ایسه کوزل چایر اولورکه سائر امثالی چایرله مرجدر صمانی غایت مساماتلی اولدیغندن حیوان البته کوزل یتاق اولور.

مصر بوغدایی تخمیر اولندیغی یعنی اکشیدیکی وقت ارپه صوبی اعمالیچون ارپه وبوغدای یرینی طوتار امریقاده بونی قاوروب قاینار صوده حاشلادقدن صوکره قهوه کبی استعمال ایدرلر صیجاق مملکتلرده مصر بوغداینک صاپی اولقدر شکرلی اولورکه شکر قامشی کبی امیلور صاپلری اکشیدیلوب النان صو- یندن بعض یرلرده اسپرتولی مایعات اعمال اولندیغی کبی سیرکه دخی یاییلور و آتشد خفیفجه قاینادیلهرق سریندیجی اعلا برشروب دخی اعمال ایدیلور قوچان یراقلرینی کاغد یاغدی دوشک مندر ویا صدق طولدیرمق وامریقاده شاپقه وحصیر اعمال ایتمک کبی برچوق صنایعده قوللانورلر.

انواعی — مصر بوغداینک برچوق انواعی واردر فقط



(شکل ۱۰۵)
عادی مصر

چفتجیلرک نظر دقتی
جلب ایدن وزرعی عا.
دت اولان عادی مصر
بوغداييدر (شکل
۱۵۵) انک ایچون بزده
بونک بعض انواعی
آتیده ذکر ایله اکتفا
ایدرز .



(شکل ۱۵۶)
یاز مصری

یاز مصری (شکل
۱۵۶) دانه سی تورنجی
صاری قوچانی ۳۵-۳۰

دانه‌دن عبارت ۱۲-۱۴ صره‌لیدر ۱۰۰ قوچان ۷-۸ قیه دانه ویرر بریکله‌سی اورتی حساب ایله ۷۸ قیه کلور صاپی بر ارشون ۱۲ پارمق قدر اوزانور بیاض دانه‌لی بر نوعی واردر. صوگ ترفنده مصر. اولکندن کیج یتشور دانه‌سی دیری تورنجی صاری قوچانی ده‌قالین ۳۵-۴۰ دانه‌لی ۱۰-۱۲ صره‌در ۱۰۰ قوچانی ۱۲ قیه دانه ویرر بریکله‌سی ۷۵ اوقه کلور بدنی ۲ آرشون یوکسلور.

ترفنده مصر. پک چابوق یتشور هوا و طویراغنی سور ایسه ۸۰ کونده کماله ایرر دانه‌سی صولغون صاری ۲۴-۲۸ دانه‌لی ۸-۱۰ صره‌لیدر ۱۰۰ قوچانی ۵-۶ قیه دانه ویرر ویکله‌سی ۷۵ قیه کلور صاپی ۶۰-۷۰ پارمق قدر اوزانور.




بودر مصر (شکل ۱۵۷) دانه‌سی آچیق صا. ری قوچانی ۸ پارمق قدر اوزون وهربری ۲۰ دانه‌لی ۸-۱۶ صره‌لیدر ۱۰۰ قوچانی ۳ قیه دانه ویرر بریکله‌سی ۷۸ اوقه کلور بوده ترفنده ایسه‌ده اولکی قدر دکدر ایکی تحت نوعی واردرکه بری بیاض دیکری قرمزیدر.

آمریقا مصری (شکل ۱۵۸) دانه‌لری یاصی غایت ایری آچیق صاری قوچانک تبه‌سی اینجه

۵۰-۶۰ دانه‌لی ۸-۱۰ صره‌سی واردر ۱۰۰ قوچانی ۱۴-۱۸ قیه دانه ویرر کیله‌سی ۷۵ اوقه کلور بوی ۲-۲ بچق آرشون یوکسلور یاز مصرندن ۱۲ کون صکره ادراک ایدر.

(شکل ۱۵۷)
بودر مصر

غاغالی مصر — دانه‌سی غاغا کبی سیوری ترفنده مصر کبی



(شکل ۱۵۸)
آمریقا مصری

چابوق یتشور فقط اندن زیاده محصولدارد

صوك ترفنده بیاض مصر . صوك

ترفنده صاری مصردن یالکز رنکیله

ایریلور .

ویرژینیا مصری . امریقا مصرندن

رنکجه ایریلور اک زیاده محصولدار

نوعدر .

اقلیم — قوقوروز بوغدایدن زیاده

صیجاق یر ایستر صیجاق یرلرده صوغوق

محللردن دها ایو اولور اقلیمجه اوزومدن

ایرلمز یعنی اوزوم اولان یرلرده مصر

بوغدایی دخی یتشور فقط عرضی ۴۷

درجه‌یی کچن یرلرده یاخود او نسبتده

یوکسک طاغلرده ایو اولمز .

نوبت زرعی — مصر بوغدایی

چاپه‌یه محتاج محصولدن صوکره اکرلر فقط مصر بوغدایی ذاتاً

چاپه کورر نباتاتندن اولدیغیچون بوغدایدن صوکره دخی

اکیله باس یوقدر بوزیلان اکین چاپرلرنده یاخود بقله پتاته

یرالماسی ترلارلرنده کوزل اولور فقط دائماً زیاده کوبره ویرلمک

وبرده برترلایه هر ۴ دها ایوسی ۶ سنه‌ده بردفعه اکمک لازم

کلور .

طوپراق — مصر بوغدایی خفف یاخود دریجه قازیلوب
تسویه اولنمش و یاش اولمیهرق سرین واسکی کوبره ایله زنکینلندیرلمش
طوپراقلردن محظوظ اولور ضعیف قوری وقتی کیلی طوپراقلر
دن حظ ایتمز ایسه ده ایوجه ایشلنمش کیلی طوپراقلرده دخی
اولور طوپراغی ایجه اولسی الزم اولدیفندن از قتیجه طوپراقلری
قیشدن اول سوروب ایلك بهاره قدر ترك ایتملی بعده کوبره
یایهرق صبان ایله ۱۵ پارمق درین کوملی وتزلالرده اوتلر
اویانمغه باشلدینی وقت کوك چاپه سیله بر دفعه سوروب اکزدن
اول ایکنجی دفعه اولهرق بر صبانندن دها کچورملی و کوبره سنی
ایلك ایکنجی سورمده طوپراغه کوملیدر .

کوبره — ۱۰۰ قسم مصر بوغداينده آتی الذکر مواد
بولنور .

۹۰,۰۱۵	یانار مواد عضویه
۰,۶۵۲	کیرج
۰,۲۳۶	ماغزیا
۰,۱۸۹	پوتاس
۲,۷۰۸	صوان
۰,۱۰۱	حامض کبریت
۰,۰۵۴	حامض فوسفور
۰,۰۴۰	سوده تیمور شباب مانفاز و قلور
۱۰۰,۰۰۰	

شوتخلیه باقیلنجه مصر بوغداينه مناسب طوپراق الویره جلد

قدر کیرجلی اولان طوپراقدر طوپراغنده کیرج بولغدی
 حالده مارن ویا کیرج ایله کیرجلمک اقتضا ایدر آلیلامه نك
 دخی پك بیوک تأثیری اولور مصر بوغداينك پوتاس ایله
 زنکینلکی پوتاسلی کوبره لرك پك چوق فائده سی اوله جغنی
 کوستر خصوصیه بوغداي آرپه کبی ترکدن وپتانه دن صوکره
 اکیله جك مصر بوغدايی اوکی کوبره یی پك چوق ایستر
 بوندن اکلاشیلور که طوپراغی یاقیلان ترلارده بونك قدر هیچ
 بر فدان ایو ایلرو کلز حتی بره زیاده یکی یاقیلان ترلای
 قازمیوب همان کولنك اوزرینه مصر دانه لرینی اکرلر سیروز
 سلانیک جهتلرنده بولان بعض والطه لقلرده دخی همان بویله
 زرع اولتور .

مصر بوغدايی ترلارینی کوبره ایله زنکینلتمدکجه ایو
 محصول آله من فراسه نك بعض محللرنده هر ۴ سنه ده بر دوغنه
 ۶۰۸۶ قیه کوبره ویرلر ایلک اکینی کوبره اوزرینه زرع
 ایدرلر غایت ایجبه اسکی کوبره تازه و صمانلی کوبره دن ده
 ایودر .

کوبره یی دخی شو وجهله ویرلر: ترلاسی ایوجه قازیلوب
 بعده تپه صپائی ایله فدان صره لری کبی طوغری ودرین اولکلر
 آچیلور وهر اوج اولکک اکی قدر اکی ارا به ایله کوبره کوتریلوب
 ارا به نك حیوانی اورته اولکه سوریلور حیوان ایلر ولدکجه کوبره
 کوچک کوچک کومه شکلنده آرا به دن اولکلره دوکیلور و آرا به نك
 آرقه سی صره کلان ایشچیلر اشبو کومه کومه ارا به دن

دوكلان كوبره يى بردوزى يه اولكلره يايوب طاغيدر .
كوبره بو وجهله ترلانك اولكلرينه يايلاقدن صوكره
اوزرينه برسوركى چكيلهرك اولكلرك كنارلارنده كى طوبراغك
بر مقداريله اوزرى اورتيلور اولوقت اولكلر شوشكى
آلور (شكل ۱۵۹) .

اولكلر بو صورتله تكميل اولدجه درحال كوبره نك اوزرينه
ال ايله ياخود تخم ماكنه سى ايله مصر دانه لرى اكيلور دوزيرلده
ترلار بو وجهله كوبره لنوب مصر زرع اوله رق صاپ پيدا
ايتمكه باشلا دجه



(شكل ۱۵۹)

ديبلرينه طوبراق

يغيلور كه كوكلى كوشك تاثيرندن او قدر متضرر اولمز
خصوصيله خفيف طوبراقلرده ديبلرينى طولديرمه نك چوق
فائده سى كوريلور چونكه مصر كوكى آز صاپى ايرى ويوكسك
اولديغندن ديبلرى طولديرلديغنده هم بوغوم يرلرندن زياده كوك
صالوب قوت آلور وهمده روزكارلره مقاومت ايدرك ياتمق
ودويرلك محذورندن سالم قالور .

مصر بوغدايى ايچون لاسكى كوبره پك ايودر كوبره تازه
ايسه ترلاسنى صوك بهارده كوبره مللى ياخود اكيله جكى زمان
كوبره لئه جك ايسه غايت انجه اسكى كوبره ويرميدر اينك
كوبره سيله ديرى كول وبولاشق صولريه مخلوط كوبره دن
پك زياده خوشلانور .

هر بريكه مصر محصولى طوبراقدن ۴۹۸ اوقه كوبره آلور

دوئنگ حاصلاتی ۱۱ بیق کیهله وهر کیه ۶۷ قیهه بالغ اولنجه
محصولنك مجموعی ۷۵۴ قیهه دانه ۹۳۰ اوقه صمان اولوركه
يكونی ۱۶۸۴ اوقه ايدر شو حساب نه نظرأ ۵۶۰۲ بیق قیهه کوبره
صرف ایتش اولور وهر ۱۰۰ اوقه دانه وقوری صمانك خرج
ایلدیکی کوبره ۳۳۴ قیهه وارر .

تخم انتخابی — مصر دانهلری قوه انباتیه سنی ۱۰ - ۱۲
سنه قدر حفظ ایده بیلور ایسه ده دائماً اك صوکره کی سنه
محصولدن تخم انتخاب اولنسی و بودخی قوچانك اورته سنده
بولنان دانهلردن سچلمسی اعلا در چونکه قوچانك اك ابو یانان
ومواد غدائیجه زنکین اولان دانهلری اورته سنده کیلدر .

مصر بوغدای اکثراً قرهلق علتندن متضرر اولدیغندن
تخمیرینك کیرجلنسی فائده دن خالی دکلدر تخمی اسکی یاخود
ترلاسنك طوبرانی پک قوری ایسه دانهلری اکمزدن اول برقاچ
کون صوده طومتق لازمدر .

وقت و اصول زرعيله مقداری — مصر بوغدای ایلک
بهارك صوك طوکلرندن پک زیاده متأثر اولدیغیچون طوپراق
کافی درجه ده ایصمدقجه مصر اکیلز صیجا ق اقلیمده سنه ده
ایکی کره اکیلور بری ایلک بهار مارتك صوکلندن نیسان
اون بشته و یاز ایچنده مایس اون بشندن اوراق و قته قدردر
یازاکیمی ایچون چابوق یتشور ترفنده مصر انتخاب اولنور .

مقتدل یرلرده مایس ابتداسنده سنه ده یالکز بردفعه اکرلر
واکیله جک دانهلری کونشه قارشو بر ساعت صوده بر اقوب

یومشادرلرکه سریعاً اویاتور فقط صویوزنده قلانلر کی پک
خفیف دانهلری قوللانمز لر .

مضر حیوانلر مصر دانهلرینه پک مسلط اولدقلرندن
اکیلان دانهلرک ایچلرینی بوشالمقدن صیانت ایچون یاش ایکن
آلچی توزیله توزلارلر و بعض یرلرده خاشلانمش ابوجهل
قارپوزی یاخود آق چویلمه صوینه آتارلر .

مصر بوغداپی کړک صاورمه طریقیله وکړک آلت مخصوصه
ایله صره واری اکیلور لکن صاورمه طریقیله اکیلان دانهلر
الویره جک قدر سیرک دوشمیوب بعضاً بری برینه پک یقین
اوله جفندن ایدیهلر جک خدمتی کوچلشدریر و همده یکدیگری
متضرر ایدر انک ایچون صره ایله آمک ایودر .

قامشلی اطرافه خیلی کړک صاله جفندن بری بری
صیقامق و صرهلری اراسندن چفت حیواناتی کچوب طوبراغی
چاپهلق ایچون الویره جک قدر سیرک آمک لازمدر چونکه
بیوک زراعتده ال ایله چاپهلق زمانه و مصرفه محتاج اوله جفندن
اوله بیوک وککیش ترلالری اوروپاده مخصوصاً ایجاد اولنان
حیوان چاپهلریله چاپهلرلرکه هم اهون ادارهلی و همده فائده لیدر .
بعض یرلرده اولکلری ۶۵ و فدانلری ۳۲ و قوتلی نوعلریچون
اولکلری ۸۱ و صاپلری ۵۴ پارق آراقلی براقورلر و پک
کوچک نوعلریچون اولک و فدانلرک ارالینی شو مسافه نك
نصفه قدر ایندیرلر صاپلرک دیبلری ممکن مرتبه چوق وقت
کونش التسه قالمق ایچون اولکلری یلدزدن قبله یه طوغری

آچمه لیدر خصوصیه بایر ترلار کون طوغیشندن باطییه طوغیری
قازیلوب اولکلری اویون سیرجیلری صره لری کبی آرقه آرقه یه
یوکسک اوله رق یابار لر بوسورتله فدانلر کاملاً کونش التندم
قالور .

مصر دانه لری پک درین کوملمک ایستمز علی السویه ۲
پارمق درینلک کافیندر فقط پک سرت طوپراقلرده ده اآز
وخفیف طوپراقلرده ایسه ۵ پارمق قدر کوملور .

دانه لر دخی ال ایله یاخود مخصوص تخم ماکنه سیله اکیلور
ال ایله اکمه نك اك مکمل اصولی شودر: برآدم اکیم صباننک
اوکندن کیدرک صوک اولکک باشندن باشلا یوب اورته سنه ایکی
اوجی بریرده یقین دانه لر قویه رق حرکتله اولکک دیکرا وجنه
وارر و آرقه سندن کلان صبان اوزرینی خفیفجه قباتر صوکره
اولکلر آراسنده براقیله حق مسافیه کوره برایکی اولک بوش
براقیلوب اوچنجی اولکدن تکرار اولنور ونهایتده هوا قوری
وطوپراق خفیف ایسه اوزرینه مردانه چکمکه ایشی بتوریلور
واقعا بویولده ال ایله اکیم ایو ایسه ده ککیش یرلرده ایش پک
آغیر ایلرولیه جکندن مهارتلی چفتجیلر خدمت لرنده سرعت ایچون
مصری حیوان چکر تخم ماکنه لرله اکوب ایشلرینی ده ا
چابوق ومنتظم کورر لر .

بو اکیمده دخی بوغدا ی بحثده ذکر ایتدیکمز (هوکس)ک
واکر بهالو دنیلور ایسه (ماتیوده دومبازل)ک ایجاد ی اولان
تخم ماکنه سی استعمال اولنور که کچن اصول زرع کتابنده

شكل و صورت استعمالی بر تفصیل ذکر اولنشد.
 تیماری — اکیلان مصر دانه لری چیملنوبده اوچنجی
 دردنجی پیراقلری ظهورنده ایلک دفعه اوله رق چاپه
 بو ائشاده غایت صیق اولئر چیقاریله رق یوقاریده تعریف
 سیرکلکده تصحیح اولور و چیقاریلان فدانلری زیاده
 اولان یرلره دیکمکدن ایسه اک زیاده ترفده مصر انتخاب اول
 دانه لری زرع ایتک ده ایدور چونکه یرینی دیکشن
 فدانلری خیلی وقت ضعیف قالب کیچ یتشور ایلک چاپ
 ۱۵ کون سوکره براینجی چاپه ده پاییلوب بعده دیبا
 طولدیریلور طوپراغی پک قوری ایسه اشبو تپلمه مخصوص
 قازمه ایله اجرا اولور .

فدانلرک بویلی ۴۰ پارمغی بولدقده یکیدن برچاپه ده
 اوریلوب عقیبنده برتپلمه ده پاییلور ابو طوپراقلرده
 فدانلری چیچکه کلدیکی زمان صاپلرینک آلت طرفنده کی بو
 ملرندن برطاقم دالیر پیدا ایدور فدانلرک قوتلری بیهوده ض
 ایتامک ایچون اشبو دالیر قوپاریلوب اعلا اوت یرنده چ
 حیواناتنه یدیریلور .

بعض محللرده قوچانلر تشکل ایتکه باشلینغی وقت برد
 چاپه نور ایسه ده اولوقته قدر صاپلر بیویوب طوپراغی قپانه
 جهته یبانی اوت ظهورینه میدان ویرمه جکندن بوکا حاج
 قالمز اگر ایکنجی دفعه چاپه لئزدن اول فدانلرک کوکلری حیوا
 کو بره سیله شربت نور ایسه دانه لری فوق العاده برکتلی اولور

مصرک دیشی قوچانی تشکل ایتدکدن صوکره که بونک عضو تأیثی یعنی پوسکولی قوریوب قرارمغه باشلدینی کور. لمسیله اکلاشینلور اوحالده ارکک قوچانلر قوپاریلوب حیوانلره ویریلور فقط اشبو ارکک قوچانلرک قوپارلمسنگ دیشی قوچا. نلرک چوقلغنه ویا دانه لرینک ایولکنه برکونه تأثیری اولوب اولمیدینی هنوز کشف اولنه مامشدر .

مصر ایله مشترک تخم زرعی — زیاده سیرک مصر اکیلان ترلارله فدانلر کوچک ایکن طوپراغی کاملاً قپاته میه جفندن بیویوبده یرینی تمامیله کولکه ایتزدن اول یتشوب حصاد اولنه حق یاخود مصر صاپلری کمالی بولوب چیقاریله جفی زماندن صوکره یه قله حق بشقه فدان تخملری اکیله بیلور بویله محصولک اک مناسبلری بودور یعنی یر فاصولیه سی حلواجی قباغی پانجار وکنویردر.

حاصلاتی — موافق یرلرده تخمیناً دونی ۱۵ و بعض یرلرده آزدن ۷ - ۸ کیله مصر دانه سی ویرر وکیله سی ۶۰ - ۷۰ اوقه کلور صاپ وسمانی دخی هر دونمده ۸۵۰ دن ۱۲۵۰ اوقه قدر اولور ۱۰۰ اوقه دانه نک صاپلری ۲۰۰ قوچان ورقلری ۲۶ وقوچانلری ۴۸ اوقه کلور .

سکرنجی فصل پنج

پرنجک آسیا افریقا آمریکا واوروپانک قبله طرفلرنده

بوغدای قدر اهمیتی وارد در کرچه آنک کی
اتمک یا پلمز ایسه ده عادی صوده وات صوینده
پیشریلوب بلاو چنوربا یا پیلور واونی محلی
وامثالی اطعمه ده ودها چوق شیلرده قوللا.
نیلور .

انواعی — پرنجک برقچ نوعی وار ایسه ده
باشلیجه اکیلان عادی وشاهی تعبیر اولنان
پرنجدر .

عادی پرنج (شکل ۱۶۰) جمله نک معلومیدر
شاهی قیاققسز چین پرنجک دانه سی صولوق
وکول رنکنده اولدیغندن ین التجار او قدر
مقبول دکدر عادی پرنجندن دها ترفنده
اولدیغندن سائر پرنجدر کی آغستوسک فورطنه
وطولیلری مخاطره سنده قالمز زیاده محصولدار
ومصر پرنجی ایسه چوق صو چکر قبارر
سیجاق یرلره مخصوص اعلا پرنجدر
طوسیه وانا طولینک بعض یرلرینک پرنجدری
دخی مصر پرنجندن اشاغی قالمز قوچانه پرنجی
ایتالیانک جنوه پرنجندن دها اعلا در .

زده برده قیر پرنجی تعبیر اولنور

بر پرنج وارد در که اکثریا لازستان سواحلنده کائن

اتنه وخوبه طرفلرنده اکیلور رنکی براز اسمر جرمی صو



(شکل ۱۶۰)

پرنجندن آزجه اينجهرك ايسهده ايوصو قالديرر طعمى لذىذ
كوزل بر پرنجدر .

اقليم — پرنج لايقيه اولمق ايچون آزدن سنوى بش آى
قدر صيحاقلره محتاجدر ۴۶ درجه عرضى كچن يرلرده ايو
اوله مز برده قبله جهتيه كولكسزير ايستر .

ديار بكر ماردن صامسونده ترمه قسطموننده طاشكوپرى
زغفرانبولى طوسيه بغداد حله كربلا وخصوصيله بصره عماره
واطنه طرفلرنده بك چوق چلتيكلك واردر .

قير برنجى هواسى طوپراغى رطوبتلى يرلرده وكيجهلرى
بك چوق چيك دوشن محللرده ايو اولور .

روم ايلي جهتهده درامه واو حوالينك درين اوارلنده
يعنى (والطهلق) دنيلان اراضيسنده بك كوزل قير برنجى
يتشه كنده شهبه يوقدر چونكه اورالرك طوپراقلى وهواسى
رطوبتلى اولديغندن كيجهلرى بك چوق چيك دوشر حتى
ياغمورلى سنه لرده كثر رطوبتدن بوغداى آربه كبي اكينلر
اكثريا چورر مصر بوغداى دخی بك چوق ياغمور كورر ايسه
بوزلور آنك ايچون اشبو والطهلقلر وقره دكر ساحلنده
وايچرولرده طاغلق ورطوبتلى يرلر قير برنجه بك مناسب
محللردر .

طوپراق — متنوع طوپراقلر بك اعلا چلتيكلكه كلور
همان قيصر اولان اوراق طاشلى وقوملى كىلى وكيرجلى وحتى
طوزلى طوپراقلرده بيله يتشور .

صو — پرنج صو فدانلرندن صاییلور تخم زرغندن
 تاحصولی ادراك ایدنجه قدر صویه محتاجدر اگر طوبراغك
 طبیعتله امتزاج ایتمز ایسه صولانهجی صولرك كمیت وکیفیتنه
 دقت کرکدر پرنجه ویریلان صونه قدر مواد آلهی یعنی
 حیوانات و نباتات انقاضی حاوی وصیجاق اولور ایسه اوقدر
 فائدهلی اولور ایرماق صولری وطورغون صولر چلتیک طاوه.
 لرینی غرق ایچون اك فائدهلی صولردر قویی و بیکار صولری
 ایسه هم چوق سرین و همده مواد آلهسی آز اولدیغندن درینجه
 حوضلر ایچنده آلیقویوب حیوان کوبرهسی قارشیدیرمدجه
 پرنجه یرامز .

اورته خفیف طوبراقلی طاوهلری ۱۳ پارمق قدر
 صویه بوغمق اوزره ۱۳ جریب یعنی ۵۲ ذونم یری صولامق
 ایچون دقیقهده برآرشون مربع انبار طولدیرر اقرار صو
 لازمدر .

نوبت زرعی — پرنج اکیلهجك طوبراق قوری ایسه نوبت
 اصولی اوزره زرع اولنور صولاق اولدینی تقدیرده دائمی
 چلتیکلك اتخاذا اولنه بیلور .

پرنجك نوبت ایله اصول زرعی پك مختلفدر بعضاً برترلاده
 اوچ سنه بلا فاصله پرنج زرع اولندقدن صوکره دردنجی سنه
 ترلا قوریدیلوب وکوبره لنوب مصر عقینده بوغدای چودار
 یاخود کنویر وچودار اکیلور اگر کوبره بولمز ایسه ترلاسی
 برسنه حالیه ترك اولنور دها ایوسی پرنجدن اوچ سنه صوکره

ایلك سنه بوغدای ایله قاریشق یونجه اکیلوب بعده ینه پرنج اکیلوب.

نوبت زرع هر نه صورتله اولور ایسه اولسون برترلاده قاج سنه پرنج اکیلوب ایسه او قدر سنه قوری طوپراق مزرو عاتندن دیگر حبوبات امک لازمدر نوبت ایله زرع اولسان پرنج ترلاری صورت دائمده پرنجک اتخاذا اولسان ترلاردن زیاده محصول ویرر ایسه ده خدمت و مصرفی جوق اولور چونکه هر پرنج اکیله جکی سنه طاوه لرینی یکیدن تسویه ایتمک و دیگر حبوبات زرع اولنه جنی زمان طاوه لرك سد و خندقلرینی بوزوب قالدیرمق اقتضایدر قیر پرنجی اولکی سنه مصر اکیلان وایوجه چاپه کوروب طوپراغی مضر اولتاردن تمیزلانس ترلاره اکیلوب.

طوپراق استحضاری — پرنج اکیله جک ترلا هر نه قدر کندو کندویه صولاق و بطاقلق اولسه دخی صولرك حرکات و جریانی کوزتمک یعنی کاهی صولایوب حین حاجتده قورتمق ایچون محتاج اولدینی تسویه یی کورمدکجه پرنجک اتخاذا اولنه مز چونکه صبان ایله سوریه جکی وقت چفت حیوانلرینک ایاقلرینک ثقلته طیانہ حق قدر طوپراغک صولرینی آقیدوب قتیلاشدیرمق ایستر یوخسه بل ایله قازوب تسویه ایتمک لازمکلور.

قیر پرنجینک طوپراغی ذاتار طوبتلی اوله جغندن پک چامور اولدینی زمان طاوئی کوزدوب ابتدا کوزین ویا قیشن ایچنده بعده ایکنجی اوله رق ایلك بهارده کوزلجه ودریجه سوروب


طبیعتہ کورہ اوزرنده بر ایکی کره سورکی کزدیریلهرک
طوپراغی ایوجه اینجیلور اگر کورہ اعطاسی اقتضا ایدر
ایسه صوک بهارده ویریلوب ایلک صبان ایله خفیفجه کوملور .
کرك دائی صورتده وکرك نوبت ایله زرع اولنان صولاق
چلتیک ترلارینک برنجی خدمتی هیچ بریری صو خارجنده
قالماق وهیچ بر قسمنده زائد صو بولندیرماق ایچون غایت
دوز ویا زیاده طاوه لره تقسیم اولنور چونکه صویک خارجنده
قلان محللرنده برنج چیملمیه جکی کبی زیاده طورغون صو التنده
قلان قسمنک دخی فدانلری ضعیفلانوب صاریلق علتنه طوتیلور
انک ایچون هر طاوه نك یوزی غایت دوز اولمی وترلا بیوک
ایسه ایکی یاخود زیاده وبراک وبویده طاوه لره آیرلملیدر .

ترلا صبان ایله کوزلجه قازیلوب تسویه واکمال اولندقدن
صوکره طاوه لرك سدلری یاپیلور بونلرك بعضیسی صویک آقید
یله جنی جهته طوغری طولاً اوزون (شکل ۱، ۱۶۱) اعمال
اولنورکه چلتیک باقی اولدقجه دائماً اوحالده قالور دیکرلری اکنه
— ب — یاپیلوب اکمال اولندیغی کبی چلتیکلک آز چوق منتظم
کوشلی طاوه لره آیرلمش اولور .

بو طاوه لرك جسامتلری پرنجلیکک زمیننک دوزلکنه ومیلنه
کوره مختلفدر بایرجه اولان ترلارده طاوه لری تکثیر ایدوب
بونلرك زمیننی دوزلتمک ایچون چوق چالشمق اقتضا ایدر بونکله
برابر ترلا شدتلی روزکارلره قارشو اولورایسه صو طانغه لرینک
قوتلی حرکاتی فدانلری اضرار ایده جکشدن شو حالده طاوه لره

آز چوق كوچك ياپيلور برده طاوه لری يايتمده صويك آزلنه
وجوقلغنه دقت كر كدر .

صو آز اولور ايسه بيوك طاوه ده صوي مساوی ارتفاعده
طومتق كوچ اولور كوچك طاوه لره دخی صوي تقسيمده



(شكل ۱۶۱)

مشكلات اولديغی کبی بونلرك سدلرینه دخی برچوق لزوملی
طوپراق صرف ایدلش اولور سدلردخی صويك باشدن جريان
ایده جکی ایلک طاوه ده ۱۶ واک الت طرفنده کی طاوه ده ۶۰

پارمق یوکسک و دیبلری ۶۰ و تپه‌لری ۱۶ پارمق قالین یاییلور
بوتخلفک سببی دخی صوبی طاوه‌لرده آلیقویق و اوزرنده عمله
سهولته کره بیلیمک ایچوندر .

• سدلر ختام بولدقدن صوکره ابتدا ج - ه - اشارتلی
اوست طرفده کیلره صوصالیوریلورکه یونلرک ارتفاعی ۱۲ پارمق
اولور بوسره طولقدن صوکره ۲۲ - ۳۲ پارمق عریض
اوله‌رق ذاتا یاللمش برویا برقاق قبولر آچیلوب آلت طرفده‌کی
طاوه‌لره صوصالیوریلور صوکره ده‌ا اشاگیکیله والحاصل
تا - و - اشارتلی صوک طاوه‌لر دخی بومنوال اوزره طولدیریلور
که احواله طاوه‌لرک هربری بشقه بشقه کوچک حوضجقلره بکزر .
کوبره‌لر - پرنج سائر حیواناتدن آز کوبره‌یه محتاجدراکر
صولر صافی اولمیوبده ایچنده کافی مواد انباتیه بولنور ایسه
هیچ کوبره‌یه حاجت قالمقسنزین پرنج یتشدیره بیلور پرنج طاوه
لرینک طوپراقلری بعضاً طبیعی و بعضاً دخی صولرک کتوردیکی
مواد محلوله آیه زنکین اوله جفنندن تعطیل ایتمکسزین بلا
فاصله پرنج زرع اولنور فقط صولرده اولقدر مواد محلوله
بولنمیان بعض محللرده ۴ - ۵ ویا ۶ سنه‌ده بر پرنج ترلاری
برسنه خالی براقیلوب بوائناده کوبره‌لنور یاخود بالاده ذکر
ایتدیکمز وجهله نوبت زرعک بریسی یاییلور .

پرنج پک سمیز وزیاده کوبره‌لی طوپراقلرده علت پیدا
ایده جکندن ترلاسنه چوق کوبره ویرلیوب بهر دوغنه اوچ
سنه‌ده بر ۱۹۰۰ قیه کوبره ویریلور ایسه کفایت ایدر صولاق

چلتیک طوپراغی پک آز یورار محصولدن اولدیییچون پرنجندن
صوکره هر نه دورلو حبوبات زرع اولنور ایسه برکتلی حاصلات النور.
قیر پرنجنه کلنجه دیگر چلتیکلر کبی مواد محلوله بی حاوی
صوبی اولدیغیچون طوپراغی براز یوراراندن صوکره اکیله جک
اکیلر هر حالده ینه کوبره یه محتاج اولور .

بو پرنجندن صوکره اگر طوپراغی پک صولاق دکل ایسه
بولجه کوبره لی پتاته و صوکره کی سنه بوغدا ی چودار ده ا
صوکره طوبرب شالغم هاوج نهایت مصر وانی متعاقب ینه پرنج
زرع اولنور .

موسم زرعی — یکیدن چلتیک اتخا ذ اولنان ترلارده
علی العموم الک مناسب زمان نیسان واسکی چلتیک ترلارنده
مایسک اورته سیدر چونکه اسکی چلتیک ترلاری برچوق زمان
صوالتنده قالدقلرندن طولای صوغوق اوله جغندن طوپراقلی
کونشک صیجاغیله ایضمنغه محتاجدر .

تمخک مقداری دخی ترلاسک طبیعتنه کوره تعیین اولنور
یکی چلتیک یاییلان قتی طوپراقلی ترلارک بهردونئی ایچون یارم
کیله ۲ ییچق اولچک اسکی ترلاره ایسه کوبره لندیکی سنه یارم
کیله ۲ اولچک الویرر بل ایله قازیلان یومشاق یعنی چامورلی
ترلاره دخی هر حالده صوکره کی قدر تخم زرعی لازمدر .
تخم صاچلمزدن اول چواللریله برابر سکر اون ساعت
صو ایله طولو برچوقوره قونوب صوکره چیقاریله رق صوبی
سوزلمک ایچون بروقت ترک ایله بعده چفتجی یالین آیق طاوده کی

صوبه کیرک ساورمه طریقله بوغداي کبي چلتیکی صاحب
زرع ايدر بوسرهده چفتچينک اوکنده آغير تخته چکر بريکبر
ايلرولديکجه تخته طوپراغی دوزلتر وصولر حرکتدن قالب
طورلدیجه دیبه اوتوران میلی تخملى قاتر .

قیر برنجی یرینه کوره نیساندن تا کون دوغنه قدر اکیلور
ایلك بهارک صوغوقلرندن قورقلیمان یرلرده نه قدر ایرکن
اکیلور ایسه اوقدر ایو اولور انک ایچون مساعد وقتی بولوب
ایرکن امکه چالشمق لازمدر بوغداي اگر کبي ساورمه طریقله
براز سیرکجه اکیلوب طرمیق ویا قیصه دیشلی سورکی ایله اوزری
اوتیلور فقط اکزدن اول چلتیکی صولاق برنج کبي صو ایچنده
طوتوب براز قبارتملیدر .

تیماری — طوپراق وصوبی ایصینه رق تخملىک ایلك
چیملمسنی تسهیل ایچون زرعدن ۲-۳ کون سوکره طاوه لرك
صولری بوشالديلوب طوپراغی همان صو ایله اورتیلی کبي
طوتیلور تخملى چیملمنوب فلزلی کورندیکی زمان طوپراق پک
ایصنماق ایچون صوبی یوکسلدیلور .

اگرچه تازمه سورکونلری ازعاج و تخریب ایدیجی بعض مضر
صوبوجکلى ظهور ایدرایسه اتلافیچون صولری تکرار بوشالدي.
یلوب طاوه لر قوری طوتیلور فقط ییراقلری اوزاندیجه صودخی
اودرجهده چوغالديلوب یوکسلدلمک وصوبک صوغوق دکل ایسه
صوبک نهایت درجه سی اولان ۱۱-۱۶ پارمغه قدر حیقارلمق لازمدر
شاید شدتلی روزکار اسوبده صوبک طالعه لر یله فدانلرك کوکلى

اویناه جنی اکلاشیلور ایسه اوحالده صویک طالفهسی زیان ویرمه جک درجه یه قدر اشاغی ایندیرلمک ایجاب ایدر .

چلتیک طاوه لرنده وصو یوزنده برطاقم مضر نباتات تنبت ایدرکه بونلرک اک زیاده قورقولیسی خوروز ایاغیدر بوندن بشقه تیفا وقامش دخی ظهور ایدر ایسه ده بونلر سنین اولدقلرندن قیشین سهولته چیقاریلور حالبوکه خوروز ایاغی چلتیک فدانیله برابر بیویوب پک زیاده چوغالدقندن بشقه پیراقلری دخی چلتیک پیراقلرینه بکزه دیکندن الشقان اولیان کوزلر فرق ایده مز و محصوله بیوک مضرت ویرر انک ایچون چلتیک بشاغه کمزدن اول صویه کیروب اشبو مضر نباتاتی ال ایله کوکندن قویارمق لازمکلور کرچه بو خدمت مصرفلی وصحته دخی مضر ایسه ده بووجهله تمیزلنان پرنج طاوه لری سنه لرجه نباتات مضره ظهورندن قورتارلمش اولور .

قیر پرنجینک ترلاری دخی یبانی اوتلردن تمیزلنمک لازمدر چونکه ازقاتیجه طوپراقده فقط سیرکجه اکیله جکندن هنوز بوی المدن چاپه لنوب مضراوتلر چیقاریلور زیرا صاپلری پک نازک اولدیغندن ترلاسنده یبانی اوتلر چوغالور ایسه فدانلری بوغوب اضرار ایدر .

فدانلر صاپلانمغه باشلدقلری زمان بعضاً اینجه اوزون اولور وبعضاً صولوب صرارر وضعیف قالور بو حالده طاوه لرک صوی بوشالیدیوب کونشه ترک ایله فدانلره قوت الیریلور بالعکس بعضاً پیراقلری چوغالوب قوتلی وقوی یشیل رنگلی اولور

بو حال دخی دانه باغلامسنة خلل ویره جکندن ایستر طاوه لره
 صیق صیق صو ویریلوب صوی شدتله جریان ایتدیریلور ایستر
 صولری چارچابوق اکسیدیلهرک اقدیسی کسیدیریلوب صوی
 کونشک حرارتیه زیاده ایصیدیلهرق فدانلر قوتدن دوشوریلور.
 شو حال کچدکدن صوکره لاینتقطع صو صالیوریلوب
 طاوه لر دائماً طولی طوتیلور بعضاً صو نوبتی سکر کونده بر
 کلور صو نوبتی کلدیکنده صوی ممکن مرتبه اوزون وقت
 طاوه لرده طور دیره بلمک ایچون اطرافلرینی محکم تسویه و تعمیر
 ایتمیلر .

ایدیلان تجربه لره کوره نوبت ایله صواریلان چلتیک طاوه .
 لرنده فدانلر بش التی کون قوریده براقلسه بیله ینه محصولی اعلا
 اولور خصوصیه کیلی وقتی طوپراقلرده بواصول پک نافعدر .
 محصولی الندقدن صوکره طاوه لر قوری طوتیلوب آکری
 سدلی ترسنه یاتریله رق ایوچه سورلدکدن صوکره صو طوتیوب
 جریان ایتک ایچون قیشین او حالده ترک اولنور ایلمک بهار کلدیکی
 کبی اقتضا ایدر ایسه کوبره لنوب تکرار قازلدقندن صوکره
 سدلی قالدیریلوب یرلشدیریلهرک طاوه لره ۵ پارمق قدر صو
 طولدیرلسیه تخم زرعه حاضر ایدلمش اولور .

چلتیکلکک وخامت هواسی — بواصول ایله زرع اولنان
 چلتیک طاوه لرنده دائماً صو طور دینی جهله کونشک صیجاغنک
 تأثیرندن قیزوب تغیر ایدرک نشر ایلدیکی متعفن مهلك بخاری
 ایشجیلرک وجواری خلقنک صحتلرینی اخلال ایدیور اشبو

تعفنك تأثیرندن نوبتلی ایصیتمه لر واکثریا اوغلمز خسته لقلر
ومتعاقبا طلاق شیشمه سی و سیسقه لق ظهور ایتکده اولدینی
چوق کورلمش والیوم کورلمکده در .

بو یولده چلتیک زرعنک دوامی اورالرك اهالیسنی انواع
علله دوچار ایدرك هلاك ایتدکدن بشقه چلتیکلره اوزاقجه
اولان اغاچلری دخی قوریدوب تلفنه سبب اولیور شو تفصیلا
تدن اکلاشیلیورکه چلتیکک یالکز بولندینی محلك خلقنه دکل
حتی هر جانبندن ایکی یچق ساعت مسافده ده بولسان اهالی ایله
اغاچ وسائر حبوباتی اضرار ایدیور .

انك ایچوندرکه اوروپا دولترینك اکثریسی پرنجندن حاصل
اولان فائده دن صرف نظر ایدرك ممکن مرتبه پرنج زرغنی
تحدیده یعنی از محله حصر ایتکه چالیشیورلر .

حتی فرانسه نك بعض محللرنده اهالی پرنج زرغندن کلیتو
فائده کوردکلری چالده حیاتلرینه مضرتی حس ایدرك حکو .
مثك دخلی اولقسزین کندو کندویه چلتیک زرغندن واز
کچمشلردر مع مافیه هنوز زرع اولنمیان بعض محللرده ایشیدیلان
فوائد کثیره سنه نظراً بعض تدابیر صحیه ایله پرنج زرع اولنمقده در .
بزده دخی شنك یرلرده چلتیک زرعی منع اولنمیلدر حتی

بروسه جوارنده خلی وقتدنبرو زرع اولنان پرنجندن طولای
مملکتک وجوار کویلر اهالیسنك صحتلری اخلال اولنه رق
انواع خسته لقلر وقوعه کلکده اولدینی وبروسه نك وخامت
هواسی استانبول وسائر ممالك اهالیسنك لساننده ضرب مثل

کبی دائر بولنديني حالده وکیل اسبق احمد و فیک پاشانک بروسه
والیکلری زماننده بروسه یه ایکی یجق ساعت مسافده چلتیک
زرعی باراده سینه قطعیا منع ایلدکندن طولای حید اولسون
شو مضر خسته لقلر مندفع اولمش و مشارالیه اشبو تداییر
صائبه سیله شهر مذکور اها لیسنگ حیاتلرینی تأمین ایدرک بالجمله
خلفی کندولرینه الی الابد متدار ایش و هرکسک لساننده
کزن سالف الذکر بروسه نک وخامت هواسی سوزی رفته رفته
دلردن دوشمشدر فلهده دخی چلتیک زرعی ترک اولنمشدر.
بونکه برابر بویله بربرکتلی محصولک استفاده سندن خلغمز
آیقویق دخی لایق اولمديغندن شهر و کویلره هر جانبندن ۲
یجق ساعت اوزاق شنلکسز اوارده پرنجک یاییلور و آکرتی
قبله لراعمال ایدیلوب اقامته و یاقیه مساعده اولتیه رقی لدی الحاحه
یالکر خدمتی ایچون کیدیلوب کلینور ايسه او قدر مضرقی حسن
اولنمز .

یوقاریده ذکر اولنان قیر پرنجه کلنجه هوا و طوبراغی
رطوبتلی یرلرده صالنه صویه محتاج اولمديغندن اصل زرع
اولنديني یرک یعنی لازستانک خوبه واتنه طرفلرینک هوا
واقلیمنه موافق یرلرده آکیلوب استفاده اولنسه صولاق پرنج
زرعنه حاجت براقیه جفنده شبهه یوقدر شو قدرکه قیر پرنجینک
حاصلاتی صولاق پرنجندن یوزده ۲۰ - ۳۰ نقصان اولور .

و بو نقصان مع المنون قبول اولنور چونکه ۱۰۰ قه
صولاق پرنج آلق ایچون صحت عمومییه محل اوله رقی مملکتک

هواسنی افساد ایتمکدن ایسه یوزده ۳۰ نقصانه قناعت اولا
بالطریقدر .

بناءً علیه یازین هواسی چیکلی و طوپراقلری بالچقلی یرلرده
صولاق پرنج زرغندن فراغت اولنوب اشبو قیر پرنجک زرعیله
توسیعنی وهیچ پرنج اکیلمیان مملکتلرک او مقوله طوپراقلرینه
دخی تعمینی عموم خلک منفعته بالخاصه توصیه ایدرز .

حاصلاتی — بهر دونک ویره جکی پرنج قاوولی اوله رق
۵ - ۱۵ کیله قدر تخلف ایدر اورته حساب ایله بردونمندن
تخمینا ۱۰ کیله پرنج آلنور فقط منبت یرلرده بره ۲۰ - ۳۰ - ۴۰
قدر پرنج حاصل اولور هر کیله سی قاووزیله برابر ۷۵ قیه کلورکه
یوزده یاریسی صافی پرنج ودیکر یاریسی قاووزدر صمانی دخی
دونمده ۹۵۰ قیه به بالغ اولور پرنج ییچلدیکی زمان طارتیده
۱۰۰ قسمی دانه و ۱۳۰ قسمی صماندن عبارتدر .

طقوزنجی فصل داری (جاورس)

داری اوننک لذت و چاشنیسی اولمدینی ومعدده کوچ
اریدیکی حالد بهض محللرده اتمک یپارلر کرچه دقیق لذتسز
ایسه ده خدا کوبستر مسون قطلق ظهورنده اکل اولنه بیلور
وپرنج پیشمی کی استعمال اولنور حیواناته خصوصیه قوش
جنسنه پک اعلا بریمدر .

تاتارستان و آرنبودلقدده دانه لرینی قیزدیروب بوزا وبر نوع




(شکل ۱۶۲)
عادی داری

ایچه چرکس داریسندن پاسته
دنیلان طوزسز یومشاق خور
اعمال ایدوب اتمک یرنده تناول
ایدرلر دالترینی سبورکه یرنده
قوللانورلر واکثریا کیرج اوجا.
قلرینی بونلر ایله قیزدیرلر .

انواعی — بزده ایکی جنس
داری اکیلور بری عادی داری که
جاورس دخی دیرلر (شکل ۱۶۲)
چیچکلری ایری سنبله یچمنده
اوزون کوشک و صارقق
دالیدر نوعنه کوره دانهلری
بیاض صاری وقرهجه اولور
بدنی بر ارشون ۳۰ پارمق
یوکسلور .

دیگری آرنبود یاخود قوم
داریدر سلانیک وقوصوه طرفلر.
نده ارنبودجه برنیچه دیرلر
(شکل ۱۶۳) چیچکلری صیق
اسطوانی بشاق شکننده قیصه جق
دالی درکه بشاق دیننده دالی
اولدینی هیچ بللو اولمز بوده

اولکی قدر یوکسلور شو قدر که دانه‌ری عادی داریدن چوق
اولور ایسه ده غایت کوچک و قیمتی آندن دوندر .



اقلیم وطوپراق — داری
مصر بوغدایی یتشان یرلرده
اولور آرنبود داریسی عادی
داریدن ده‌ها زیاده . صیجاغه
محتاجدر بوکا مناسب طوپراقلر-
دن اکیاوسی قتیجه طوپراقلردر
حتی قوری اولمسندن طولایی
بشقه نباتات یتشمیان قوملی
طوپراقلرده دخی اولدجه یتشور
برده قناریا اطه‌لرینه منسوب
داری وار ایسه ده بزده معروف
دکلدر .

نوبت زرعی — دارینک
نوبت زرعی چاپه کورر نباتاتدن
صوکره در حصادی ایرکن
ادراک ایدن یرلرده ایلک بهاردن
بشقه ترفنده نباتات یرینه ایکنجی

(شکل ۱۶۳)
قوم داری

دفعه دخی اکیله بیلور ایلک بهار اکیمی اسکی اکه چایر اچه لرنده
وصولری آقیدلش بالحق یرلرده کوزل اولور .

کوبره — داری طوبراغک قوتی پک زیاده چکوب ضعیف
براقدیغندن چوقه وبولجه کوبره ایستر اینجه کوبره واغاج
کولی ایله قاریشق کیمک توزی اک مناسب کوبره
لردندر اورته حساب ایله دونمده ۸ کیله وهر کیله سی ۷۰
قیه کلنجه مجموع دانه ۵۶۰ و صمانی دخی ۹۷۵ وایکسنک
یکونی ۱۵۳۵ قیه به بالغ اولورکه شو حالده ۱۰۰ قیه دانه و صمان
یردن ۲۱۲ قیه کوبره صرف ایتمش اولور دونم حسابیله
کوبره نك صرفیاتی جمعاً ۳۷۵۰ قیه یی تجاوز ایدر .

اصول زرعی — قراغولردن قورقو اولمدینی حالده مارت
اکیمی ایلک بهار و یاز اکیمی ایسه ترفنده نبات حصاد اولنسیله
برابر یری حاضر ایدیلهرک فقط کونک صیجاغندن صیانت
ایچون صباح ویا اخشاملین زرع اولنوب درعقب اوزری
اورتیلور اگر هوا قوراق ایسه چابوق چیملمک ایچون اکمزدن
اول تخمیری برقاج ساعت صوده طوتمق ایودر .

داری علی العاده صاورمه طریقیله اکیلور فقط مصر
بوغدایی کبی چابه ویدی طولغه محتاج اولدیغندن انک کبی
ال ایله یاخود الت مخصوصه ایله ارالری ۶۰ پارمق مسافه لی
اولکلره بری دیکرندن ۱۰ پارمق اوزاق اکیلور ایسه اعلا
اولور کیلی طوبراقلرک دونمه ۸ یحق وخفیف طوبراقلره
۷ یحق اوقه تخم الویرر .

اگر دانه‌لر چیمندکدن صوکره یاغور یاغوبده طوپراغی بکلشدریر ایسه محصولی کوزل اولور بالعکس چیملمزدن اول یاغار ایسه یری بکلشدریره جکندن تخم‌لر لایق‌له فیض آله‌من شو حالده طوپراغک قبوغنی قیروب اوفالتمق ایچون سرباً اوزرینه دیشلی سورکی چکمک ایجاب ایدر .

فدانلر ۵ — ۶ پارمق بویلا ندینی زمان برنجی و ۱۲ — ۱۵ پارمق بولدینی وقت دخی ایکنجی دفعه اوله‌رق طوپراغنی چاپه‌لیوب قبارتمق لازمکلور برنجیسی ال قازمه‌سیله یاپیلور و او ارالق پک صیق ظهور ایدنلری سیرل دیلور ایکنجیسی اگر اولک اولک سیرک اکیلمش ایسه بیکیر چاپه‌سیله قازیلوب فدانلر ۲۵ پارمق بویه کلدیکی زمان دیبلری طولدریلور .

محصولی — بهر دوئنده اورته حساب ایله ۸ کیله داری و ۹۷۵ قیه صمان النور وهر کیله‌سی ۷۰ قیه کلور .

اوتنجی فصل سپورکه یاخود عرب داریسی

عرب داریسنه قوش داریسی دخی دیرلر (شکل ۱۶۴) عرب داریسی قوتلی بدنی دوز مصر بوغداینه یقین برفداندر ۲ آرشون قدر بویلا نور پیراقلری عریض بشاغی ایری سنبله شکننده‌در بعضاً بشاغی ایچون اکیلورکه اندن سپورکه اعمال ایدرلر بعضاً دخی دانه‌لر ایچون اگرلرکه قنادلی حیوانلره کوزل

یم اولور قوری صاپلری اودون
یرنده یاقیلور و حیوان التنه یتاق
یاییلور .

اصول زرعی — عرب داریسی
مصر بوغدای اولان اقلیمده یتشور
میلی وجوهرلی طوبراقلردن حظ
ایدر طوبراغنی مصر بوغدای
طوبراغنی کبی قازوب تسویه ایتک
وزیاده کوبرملک ایجاب ایدر ایوجه
تسویه و استحضار اولندقدن
صوکره اوزرنده برمردانه کردیروب
بعده مصر بوغدای کبی بری
دیگردن ۹۰ پارمق اوزاق آچیلان
اولکلره صره ایله اکیلور زمان
زرعی نیسانک صوکیدر بهر دونم
ایچون ۶ بچق قیه کفایت ایدر .

چیملری ۳ — پارمق یوکسلد.
کده صیق اولنلری چیقاریلوب آرا.
لری ۸ پارمق قدر آچیق براقیله رق
بعده کرک ال ویا بیکیر قازمه سیله
ایکی دفعه طوبراغنی قبارتیلوب
دیبلری تولدیریلور .



(شکل ۱۶۴) عرب داریسی

محصولی — اورته حساب ایله منبت طوپراقلرک دونمندن
 ۱۴ کیله دانه و ۱۰۵۰ قیه چوب النور ۳۳ کیله سی ۴۴ قیه یی
 تجاوز ایتمز بوندن بشقه دونمندن ۷۵۰ قیه صاب دخی حاصل
 اولورکه جمله سی ۲۴۱۶ قیه ایدر شو حساب نه نظراً طوپراقدن
 آلدینی کوبره نك مجموعی ۴۹۹۸ و بدنلری ۱۰۰ ده ۲۱۳ قیه
 کوبره صرف ایتمز اولور .



اون برنجی کتاب چایر لر بیانده در

حيوانات اهليه ايچون چايرلر ك درجه لزوم واهميتي جمله نك معلوميدر چفت وچفتلكك تأمني كوبره نك وجودينه وكوبره دخی حيواناتك درجه تعليفنه منوط ومتوقف اولديغندن زراعت نقطه نظرنده چفتجي بوغازندن زياده حيواننك ينه دقت ايتمی لازمدر .

بومسئله زراعتجه پك مهم اولديغندن بوبابده تفصيلات اعطاسندن كيرو طورميه جغز چايرلر ايكي نوعدر بری كندو. كندويه بتسلر دركه بوكا خدایي وياطيستی مرعا وچاير ديرلر ايكنجي برمديت ايچون زرعله اتخاذا اولنان موقت چايرلردركه بوكاده صناعی چاير دينور.

ممالكمزك بروسه كي پك از يرلرنده اكيلان صناعی چاير يالكز قبايونجهيه منحصردر اوده چفت حيواناتيچون دكل يالكز شهر حيوانلرينه مخصوص اوله زق صاتمق ايچون زرع اولنور . چفت حيواناتنك اداره سی طور اقلرك كندو كندويه يتشديرديكي اوته وقيشين صمانه وبعضاً سبزوات (زارزاوات) بقايه سنه منحصر قالور تركه سی بزده حيوانلر ايو باقلميور راست كله اوت وچورچوب ايله بسلنان حيواندن استفاده بكلكمك عبندر .

واقعا بعض صولاق يرلرده بتون ياز طبيعي كوزل مرعا وچايرلر بولنور ايسهده اكثر يرلرده دخي يازين دوام ايدن قوراقلردن طولايي مرعا وچايرلرده اوتدن اثرقلنز صولاق يرلك مرعالي دخي ايشه قوشلميان اوافق وديشي حيواناته قالب چفت ايشنده قوللانيلان بيكر اوكوز طومباي كبي حيوانلر كونك برچوق قسمي خدمته كچوروبده لايقيه طويه جق قدر مرعالرده اوتلامغه وقت بوله مزلر .

بعض كويلر واردركه مرعالي هان غير مزروع خالي اوتلري عادي يوز وقيراج يرلره منحصر اولديغندن چفت حيواناتي هان كاملاً ضعيف وزبون قالديني كوريلور .

يوقايرده دخي ديديكمز وجهله رنجبر بوغازندن زياده حيوانك يمه دقت ايتسي اهم والزم اولديغندن وخدايي مرعالر ايسه سنهك هر موسمنده حيوانلري اداره وتعليف ايدهميه . جكندن چتفجي يه كوره مالك اولديني اراضينك لزومي قدريني هر زمان صناعي چايرلره تخصيص ايدوب حيوانلرينه لايقيه باقسي هان فرض وواجبر .

چايرلك اك اهمي بروجه محرر صناعي چايرلر اولديغندن اول باول اندن بحث ايدوب طبيعي چايرلر حقنده كي تفصيلاتي فصل اتني به تعليق ايدرز .

برنجي فصل صناعي چايرلر

يرنده اوتارلق ياخود بيچلوب ياش وقوري حيوانلره يديرلك اوزره مخصوصاً تخم زرعيله تشكيل اولنان چايرلره .

صناعی چایر دینلور بوچایرلر کرک مستقل برجنس تخم ویا برقاچ جنسی بردن قاریشق اکیلهرک برقاچ سنه دوام ایتدکن صوکره سوکیلوب اوزرندن ازچوق زمان مرورنده ینه اکیلور .

حیوانلره یدیرلک اوزره زرع اولنان عموم محصولاتک کورهرلری تزیدد حفسده درکار اولان اهمیتی اولجه بیان اولمشیدی بوراده دخی صناعی چایرلرک یومری کوک وخدایی مرعاله نسبتہ درکار اولان فوائد خصوصیه سنی بیان ایده جکر .
اولا صناعی چایرلر یومری کوکلر کی طوپراغک قوه انباتیه سنه خلل کتورمدکن بشقه مواد غذائیهرلینک برچوغنی هوادن اخذ ایلدکری جهته سوکلدیکی زمان ترک ایلدیکی کوکلریله طوپراغک قوه انباتیه سنی ارترلر ثانیاً مصارف زریعه سی یومری کوکلرک مصارفدن ده اهور اولوب قوریسی دخی بوزلقسزین سهولته بر خیلی زمان محافظه اولنه بیلور وسوکلدیکی وقت ترلاسنه هر محصول اکیلهریلور یومری کوکلر ایسه بویله دکلدیر یومری کوک هر وقت بولنمز لکن چایر دائماً بولنور انلردن اعلا اوتدر .

بونکه برابر یومری کوکلرک کلیاً ترکی توصیه سنده دکلز چونکه برترلانک یالکڑ صناعی چایره منحصرأ تخصیصی وخصوصیه صیق صیق یونجه زرع طوپراغی قوتدن دوشورر ونباتات مضره نک تکزینه مانع اوله میه جفندن اراصره بوزیلوب چاپیه محتاج فدانلر اکیلهرک نباتات مضره نک اوکی النور وبووسیه ایله طوپراق دائماً سمیز قالور بناء علیه هر وقت هر نوع نباتدن

بیه جک بولندیرمق ایچون صنای چایرلری بشقه نباتات ایله
نوبته تخصیص ایدرک اراصره یومری کوکلی نباتات دخی زرع
ایتمک اهم والزمدر .

صنای چایرلرطبیعی چایرلردن زیاده اوت ویردیکی وچونکه
عملی برشی اولدیغندن قنی نوع ندان اول یتشور وقغیسی
حیواناته زیاده فائده لی کورینور ایسه انلر ایله چایر تشکیلی ممکن
اولدینی جهتله طبعی مرعاله مرجح کبی کورینور ایسه ده
مخلنده ذکر اولنه حق بعض احوال مخصوصه سندن طولایی
طبعی چایرلرک لزومی وبلکه صنای چایرلره تقدیمی بدیهی
اولدیغندن زراعت واسعه ده هر ایکسینک دخی فوائدکثیره سی
انکار اولنه مز .

کثرت حرارت صنای چایر تشکیله مانع اوله جغندن
علی العموم صنای چایرلر ایلك بهار ویا ز قوراقلردن متضرر
اولیه حق مالکده تشکیل اولنه بیلور زیرا قوراق محللرده
اکیلان چایرلر اراصره صوارلر ایسه لایقیله اوت یتشدیره مز .
صنای چایر تشکیله مناسب اولان نباتات ایکی طاقه ایریلور
بری فصیله بقلیه دیکری انک غیری نباتاتدن عبارتدر فصیله
بقلیه دن اولان برنجی طاقم نباتات انواعنک کافه سی مواد
غذاییلرینک قسم اعظمی هوادن الدیغندن چایری یچدکن
صوکره طوپراقده متعدد کوک پیراق وبدن دوکندیملری
براقورلرکه بونلر طوپراغنک قوه انباتیه سی ارترر انک ایچون
بو نوع نباتاته نباتات مصلحه تسمیه ایدرلر طوپراغی بو یولده

دائماً زنکین طوطق و کترله اوت المسق ایچون تنجه کلزدن اول
یچمک لازمکلور .

بوفصیله یی تشکیل ایدن نباتات انواع آتیه دن عبارتدر .

عادی طرفیل (قرمزی یونجه)

عادی طرفیل (شکل ۱۶۵) سنین واکتر چایرلرده خدایی
نابت برفداندیر کړک یشیل وکړک قوریسی حیوانلرک اک اعلا
غداسیدر کرحه آراهه وبنک حیوانلریچون طیبسی مرعالمک
قوری اوتنک یرینی طوتمز ایسه ده سودلی اینک وصوات
حیوانلریچون مذکور چایرلرک
قوری اوتنه ترجیح اولنور .



(شکل ۱۶۵)

عادی طرفیل

انواعی — طرفیلک ایری
یونجه نامیله بر نوعی استحصال
اولنشدیرکه بدنلری دهاییوکسک
وقالین واون بش کون صوکره
چیچکه کلسیله اولکندن تفریق
اولنور اوتی چوق ایسه ده
سنه ده انجق بردفعه ییچیه بیلور .
ایریلکندن طولایی یشیل
ایکن خیلی مدت حیوانلره
یدیریله بیلور فقط قارتالمغه
باشلیدی زماں حیوانلر اوتلامقدن

چکینور قورتمغه دخی کلز آنک ایچون یالکز یشلی ایشه یرار
بوخالده طرفیل اکیله جک محک اوچده برپاینه بیوک یونجه
اکیلوب طرفیل قبالشدینی زمان بویونجه استعمال اولنور
ضعیف طوپراقلره ایو کلز تخی دخی آز اولور .

مرکبات کیمیویه سی — ۱۱۰ درجه حرارتده قوریدیلان
طرفیلک کوك و بدنلرنده اتی الذکر مواد غذائییه بولنور .

کوکنده	پیراق و بدننده	
۴۲,۴	۴۷,۵۳	کومور
۵,۳	۴,۶۹	مولد الماء
۳۶,۹	۳۷,۹۶	مولد الحموضه
۱,۸	۲,۰۶	آزوت
۱۲,۶	۷,۷۶	مواد معدنیه
۱۰۰,۰	۱۰۰,۰۰	

طرفیلده بولنان مواد معدنیه ثابتهنک مقداری دخی

شونلردر .

موسیو (روسینول) ک افاده سنه کوره موسیو (هورسفولد) ک افاده سندکوره

۲۶,۶	پوتاس	۱۲,۱۶۴	پوتاس
۰,۵	سوده	۳۰,۷۵۷	سوده
۲۴,۶	کیرج	۱۶,۵۵۶	کیرج
۶,۳	ماغنزیا	۶,۲۶۲	ماغنزیا
۲۵,۰	حامض فحی	۲۲,۹۳۰	حامض فحی

حامض کبریتی	۰,۸۰۱	حامض کبریتی	۲,۶
حامض فوسفوری	۲,۹۵۷	حامض فوسفوری	۶,۳
قلورده سودیوم	۲,۵۷۳	قلور	۲,۶
صوان	۱,۹۶۸	صوان	۵,۳
کبریتیت حدید	۹,۵۰۶	حمض حدید وشاب	۰,۳
کومور	۱,۲۴۴		

۱.

شو جدوللره نظراً یونجه اوتسندده بولنان مواد معدنیه نك قسم اعظمی پوتاس سوده کیرج وماغنزیادن عبارتدر اشبو مواد معدنیه نك قنغیسی دها زیاده اولدیغنده سوز برلشدیریه. مامشدر ارباب کیمیادن بعضیلری یونجه بی کیرجلی نباتاتدن صاییور وایتدکلری تجربه لره کوره کوللارنده صوده اریر مواد ملحیه ایله کیرجلی طوزلر شو قدر اولدیغنی سولیلورلر .

پوتاس و سوده طوزلری ۳۹,۱۰

کیرج ۵۶,۰۰

صوان ۴,۹۰

۱۰۰,۰۰

اقلیم وطوپراق — اقلیم . بالاده افاده اولندیغنی وجهله طرفیل رطوبتلی اقلیملردن محظوظ اولور ایلك بهارك قورا. قلری ایلك سورومنه ویا زین بدنك قوتلنمسنه مانع اولور

بناءً عليه قوراق محللرده سهولت ايله صولانور طوپراقلردن بشقه يرلرده زرع اولنه من طرفيل صاپه قالمزدن اول صو- غوقدن اوقدر قورقز ايسه ده صوك طوكلردن متأثر اولور . طوپراق . يوقاریده ذکر اولنان اسابدن طولايي طرفيل يالكز ياز موسمنك قوراغندن قورقيه جق طوپراقله اكيلور ايسه زياده اوت ويرر بناءً عليه درين كيللي كيرجلى طوپراقلى طرفيل ايجون اك مناسب طوپراقلردر بونكله برابر ياغمورلى سنلرده و سيسيلى اقليملرده قوملى كيللى ياخود التى قتي طوپراق اولوبده رطوبتي محافظه ايدن قوملى طوپراقلرده اولدجه محصول ويرر ايسه ده الت طبقه سى صوصور من كيللى قتي اولوبده يوزده كى طوپراغى طورغون صولرايله صولاق طوتار ايسه طرفيلك كوكلى چورر .

قرمزی يونجه نك مركبات كيميويه سنه باقيلور ايسه طوپرا- قدن بر چوق كيرج و پوتاس اخذ ايلديكى كوريليور ديمك اولور كه طوپراغنده شوايكي ماده نك وجودى الزمدر آنك ايجوندر كه رطوبتي كافى اولدينى حالد كيرجى اوليان طوپرا- قلرده صورت مطلوبه ده تفيض ايده ميور بونكله برابر بتون بتون كيرجلى طوپراقلرده قيصه قالب على العموم ارليا اوتنك محظوظ اولدينى طوپراقلرده دخى كوج يتشيور اورمان اچه لريله هنوز ايشلنماش يكي اچه لرده دخى ۸-۱۰ سنه قدر ايو تفيض ايده مديكى ارباب زراعتك تجربه لرندن اكلا شلمشدر . خلاصه ايو اينجلمش آز قتي درين وبرمقدار كيرجلى والى

ایو صو صواردر طوپراقلر طرفیله اڤه مناسب طوپراقلردر .
نوبت زرعی — طرفیل مضر اوتلردن وخصوصیله
ایریقلردن تمیزلنمش طوپراقلری سور اگر نباتات مضره طرفیل
ایله برابر چیملنوب بیور ایسه طرفیلک پک چوغی بوغیلور
وطوپراغک قوه انباتیه سی آرته جق یرده اکیسلور وبر چوق
سنه نباتات مضره نك تسلطدن قورتیله مز بناء علیه طرفیلدن
صوکره پتاته وپانجار کبی زیاده چاپیه محتاج اولان فدانلرک
لزوم زرغنده اولان حکمتک بریده بودر وبووسیله ایله
طوپراق دخی اینجلوب خفیفلنور .

کرچه طرفیل مواد غذائیه سنک قسم اعظمی هوادن
اخذ ایلر ایسه ده ایلك چیملندیکنده اوقدر تغدی ایدمه جکندن
قوتدن قالمق ایچون کوبره یه احتیاجی درکاردر طرفیل بووجهله
ایلك اول آلاخی کوبره یی مؤخرأ طوپراغه اعاده ایدمه جکی
مثلو زیاده کوبره ایله زنکین طوپراقده یبانی ومضر اوتلری
بوغوب بیوملرینه میدان ویرمز کوبره سز طوپراقده بالعکس
نباتات مضره طرفیله غلبه چالقدن بشقه طوپراغی دخی قوتدن
دوشورر اولجه کوبره لنان یومری کوکلی نباتات طوپراقلری
محصولی آلدقدن صوکره طرفیله تخصیص اولنور ایسه کافیدر .
خلاصه طرفیل طوپراغی نباتات مضره دن خالی وزیاده
کوبره لی ودرین اینجلمش ترک ایدن محصولدن صوکره زرع
اولنور ترلاسی یبانی اوتلردن خالی اولان طرفیلدن صوکره
اکیله جک فدانلرک مناسبلری بوغدای یولاف وپتاته در چونکه

طرفیلدن سوکره طوپراغك آزدن اینکی سنه قوه انباتیه سی باقی
قالور چودار و آریه اوقدر ایو کلز .

طرفیلدن سوکره اکیلان نباتات مؤخرآ ینه اوطوپراغه
اکیله جك اولور ایسه ایو دکلدن بناء علیه برنجی نوبته بوغدا ی
اکیلور ایسه ایکنجی نوبته یولاف یاخود پتاه اکلیدر که
طوپراغك قوه انباتیه سی باقی قالسون .

ظن اولندیغه کوره طرفیل طوپراقده بولنان مواد ملحیه یی
سرعت ایله اخذ ایلدیکندن بر جوق سنه یرنده قالمیدر که
طوپراقدن اخذ ایلدیکی موادی هوادن آلب طوپراغه اعاده
ایلسون .

وقوعبولان تجربه لره نظراً طرفیلک هر نوبتی ۸ سنه ده
برکلور اگر هر دفعه ایکنجی ییجی طوپراغه ترك اولنور ایسه
شو مدت براز اکسیدیله بیلور برده طرفیل سوکلدکن سوکره
درین برصان سوریلور ایسه نوبت زرعك مدتی آزالیلور .

طوپراق استحضاری — ایلروده بیان اولنه جنی وجهله
طرفیل دائماً دیگر برتخم ایچنه اکیله جکندن طوپراق مخصوصاً
طرفیل ایچون قازیلیوب ایچنه اکیله جك اکین ایچون حفرو تسویه
اولمش اولور .

طرفیل درین قازیلان طوپراقدن محظوظ اولور ایسه ده
بو قازیش طرفیلک ایچنه اکیله جکی اکین ایچون دکل اندن اول
اکیلان تخم ایچون یاپیلور اگر چه طرفیل اکیله جکی سنه طوپراق
درین قازیلور ایسه پک کوشك اوله جفندن طرفیله و برابر

اکیله جک نباتاته ضرری طوقانه جفی تجربه ایله معلومدر .
 کوبره ومصلحات — طرفیل اکیله جک ترلاره یکییدن
 کوبره ویرلمز آکز ویریلور ایسه کوبره ده برخیلی نباتات مضره
 تخلری بولنه جقندن طوپراغی برباد ایدوب طرفیله مضرت
 ویرر بناء علیه طرفیلدن اول اکیله جک آکین ایله برابر طوپراغه
 کوبره ویرلمک لازم کلوز چونکه اوزمان یتشه جک نباتات مضره
 چاهه ایله دفع ایدیلور شوقدرکه طوپراق پک ضعیف ایسه
 چیملنان طرفیل اوزرینه بر مقدار توز کوبره سرپک ویاخود
 صولی کوبره ویرمک ایودر .

طرفیلک برخیلی پوتاس سوده کیرج وماغزیا طوزلرینه
 محتاج اولدینی معلومدر بدن وپیراقلری هوادن برچوق کومور
 وآزوت اخذ ایلدیکی حالده کوکلری دخی طوپراقدن برخیلی
 مواد معدنیه آلور برجریب طرفیل یرندن استحصال اولنان
 ۴۰۲۹ قیه قوری طرفیلده ۳۱۰ قیه ۲۰۰ درهم مواد معدنیه
 بولنورکه بونلرک نوع ومقداری جدول اتیده کوسترلمشدر .

قیه

پوتاس وسوده	۸۴	۱
کیرج	۷۶	۳
ماغزیا	۱۹	۵
صوان	۱۶	۵
قلور	۸	۱
حامض کبریتی	۷	۷
حمض حدید وشاب	۰	۹

طوپراغك بروجہ بالا صرف ایلدیککی کیرج ماغزیا پوتاس
سوده و حامض کبریتی بی اعاده ایچون اشبو مواد معدنیہ بی
حاوی اولان کوبرہ لر استعمال اولنق لازمکلور ازجملہ دیری
کول وچاشور کوللری الچی کیمک کوموری و توزی مارن
یاخود برچوق زمان آچقده قلان تباشر دکر طوزی مخلوطی
واوتلری انسان و حیوان سیدیکی و موادنجسیہ و ملجیہ بی حاوی
اولان مواد مایعہ نک کافہ سی مناسب کوبرہ لر در بو کوبرہ لر
یا طرفیلی زرع ایتمزدن اول طوپراغہ کومک یاخود چیملندکن
صوکرہ صوک یا ایلک بهارده اوزرینہ صاحب یا یق ایجاب
ایدر .

ایو طرفیل المق ایچون زیاده مارن ویرلمیدر کیرچلمہ دخی
طرفیلہ نک ایوکلور اثنای صیفده یاخود صوک بهارده ارا صرہ
سیدیک ایلہ صواریلہ رق وقت وقت التی اوستہ کتور مکله بر
قاج ای اچقده ترک اولنان کوبرہ و کیرج مخلوطی دخی کیر.
چلمہ نک الک اعلا اصولیدر کہ بو مخلوط طرفیل ترلاسنہ کو.
تریلوب کوچک کوچک کومہ لرہ تقسیم ایدیلہ رک ایلک بهارده
متساویاً ترلایہ یاییلور استریدیہ میدیہ و بو کی قبوقلری اوکو.
دوب یاخود دوبکده دوکوب طرفیل ترلاسنہ صاچیلور ایسہ
اعلا کوبرہ اولوز بیوک شهرلر جوارنده بریکن بوکی قبوقلری
اهل زراعت طوپلایوب استعمالده اہمال ایتمایدر .

اصول زرعی — تخم انتخابی . چارشودن النان طرفیل
تخمیری اکثریا فنا قورتمقدن و قیزمقدن طولای قوۃ انباتیہ سی

غائب ایتیش تخمورددر بعضاً دخی ۵-۶ سنه لك اسكى تخمراولور
كه هيچ چيملنمز اربلى تخمك بعض احوالندن ايواولوب اولمديغى
ايلك نظرده اكلار .

تخمك ايوسى ايرى وايوجه يانمش آچيق صارى ايله
قاريشق مور رنكلى وپارلاغى ايسهده ينه تاميله امنيت
اولنهميه جفندن تخملى طرفيلى ايلك سورن صاپلرك تاميله
ايركين دانهلرندن انتخاب ايتلى وطوبلار ايكن دانهلرني ال ويا
طراق ايله قاوزندن ايرماغه دقت ايتمليدر تخمى طرفليك ايلك
صاپلرندن آلمق مطلوب دكل ايسه او حالده يچيلوب ايكنجى
صاپلرك تخمه قالفانلرينك اك قوتيلرندن الميدر .

تخم انتخابى اصولك اك ايوسى اشوبو تخمك نهايتنده تفصيل
ايدجكمز وجهله تخمه مخصوص بشقه جه طرفيل كمكدر .

طرفيل ايله برابر زرع اولنان نباتات — طرفيل هنوز
چيملنديكى زمان طوپراغى كوشك حرارتندن قوريوب قتيلاشما.
مق وايلك بهارك صوك طوكلرندن تحفظ ايتك ايچون صوغوق
يرلرده سايه وسپره محتاجدر بناءً عليه هنوز چيملنمش براكين
ويا كندوسندن اول چيملنه جك ديكر بر تخمله برابر كمكه
مطلوب اولان سپر استحصال اولمش اولور بونى بروجه محرر
ديكر بر تخم ايله كمكدهكى اهميتدن قطع نظر چونكه ايلك سنه
بركتلى اوت ويره ميه جكندن طرفيلدن اميد اولنان استفاده
برابر اكيلان ديكر تخمندن ايديلور وشايد طرفيل مطلوب وجهله
ينشمز ايسه مصرف وضررينى شو محصول قباتر

طرفیل ایله مشترکاً اکیله جک اکین قاون قارپوز کی
 یاییلوب یرطوئیمان ویا زین چاپیه محتاج اولیوب بدنلری نه پک
 صیق ونه ده پک قوتلی اولیان فدانلردر از جمله یشیل اوت کی
 استعمال اولنان پورچاق آرپه بوغدای چودار کتان یولاف
 وقره بوغدای طرفیل ایله زرعه کلور مناسب فدانلردنر بو
 دخی نوبت زرعه وطوپراغک حالنه کوره انتخاب اولنور اکثریا
 یاز حبوباتی طرفیل ایله برابر زرعه ایدرلر یازلق اکیندن اک
 مناسی دخی کتاندنر.

زمان و اصول زرعی — کرچه طرفیلی ایلک بهار اوائلنده
 زرعه ایتک لازم ایسه ده هر محله کوره دکدر زرعه زمانی
 اقلیمه و مشترک اکیله جک نباتاتک نوعه کوره دیکشور صوک
 بهارده قیش اکینی ایله برابر اکیلور ایسه ده طوکلردن وقارک
 اریمسندن طولایی یاتوب قباران طوپراقلردن وقیشی قارسز
 کچمسندن اکثریا بوزولور برده سموکلی بوجکلردن متضرر اولور.
 یاز اکیمنه کلنجه ایلک بهار رطوبتلی وصیجاق مرور ایدر
 ایسه هوانک مساعده سندن کسب ایده جکی قوت ایله شریکی
 اولان اکینی اضرار ایدوب خاضلاتک ثلثی غائب ایدر بناءً
 علیه یازقورقلری ایرکن حلول ایدوب طرفیلک فلزلنسنه مانع
 اولان یرلرده صوک بهارده اکیلور شو حالده یعنی صوک بهار اکیله جکی
 زمان صیجاق یرلرده طرفیلی اولابوغدای ایله سیرک اکوب شباطده
 ترلاسنه یکیدن تخم صیچارلر صوغوق یرلرده دخی بعضاً صوک
 بهارده اکرلر ایسه ده بواکیم یالکز ایلک بهاردن اعتباراً رطوبتی

غائب ایدن خفیف طوپراقلره مخصوصدر لکن طرفیلک اک مناسب زمان زرعی شبط اوائلندن مارت غایه سنه قدردر کرک قیش حبوباتی ایچنه وکرک ایلک بهار تخمخریله برابر اکیلور .

شبط اوائلنده طوپراغک قار ایله قبالی اولدینی برکونده قیش حبوباتی اوزرینه یونجه اکیلور ایسه ایلک بهارک ایلک قوراقلرندن اول تخمخر چیملمش اوله جفندن کله جک صوک بهارده برنجی دفعه اوله رق ییچله بیلور اگر حبوبات اوزرینه قیشین کوبره یاییلور ایسه او انده طرفیل تخمی دخی اکیلور هر قنی صورتده زرع اولنور ایسه اولسون طوکلرک تاثیرندن قباران طوپراقلری مارتده مردانه ایله باصدیرمق فائده دن خالی دکلدر . بعضاً طرفیلی قیش اکنی اراسنه اکمک ایچون مارت آینه انتظار اولنور بو حالده اوله ترلا کوزلجه چاپه لنوب طرفیل طوپراغک اینجلمش اولان طبقه سنه اکیلوب خفیف برسورکی ویا مردانه ایله اوتیلور فقط قیش حبوباتی میاننده طرفیل تخمی اورتمک پک مشکل اوله جفندن علی العموم طرفیلی ایلک بهار اکنی ایله برابر اکلیدر .

طرفیل یولاف ارپه کبی حبوبات ایله اکیله جک ایسه اوله بونلر اکیله رک قبالدقدن صوکره طرفیل تخمی اکیلوب خفیف برسورکی ایله اوزری اورتیلور حبوبات چیملنوبده برایکی پارمق یوکسلدکن صوکره اوزرنده برده مردانه کردیریلور .

بعض محللرده طرفیلی حبوبات زرغندن ۸ - ۱۰ کون صوکره اکرلر اوله قوتلی برسورکی چکدکن صوکره طرفیل

اکیلوب خفیف بر سورکی ایله اورتیلور کونشک طوپراقلرده
ایسه آکینلرک ۳ - ۴ پارمق اوزانسنه انتظار اولتوب اولوقت
طرفیل آکیلرک مردانه ایله اوزری قبادیلور .

طرفیل کتان اوزرینه اکیلرک اولور ایسه کتان براز
بیویوبده ایلك چاپه سندن صوکره زرع ایتیلدر کتانک عقینده
اکیلور ایسه فدانلرک قوتله تفیضنه مانع اولور .

طرفیل ازدین اکیلور زیرا تنخی نه قدر یوزه یقین اولور
ایسه اولقدر چاپوق وچوق چیملنور .

طرفیل تخمیری سرغت مطلوبه ده چیملنمک ایچون بر
یحقدن ۳ پارمق قدر درین زرعی مناسبدر طوپراق خفیف
اولوبده ایلك بهار طرفیل یالکز زرع اولنور ایسه ۳ ایرکن
یاخود هنوز چیملنش دیکر براکین اوزرینه زرع اولندیغنده
۱ یچق پارمق درینلک کفایت ایدر .

تخمک مقداری — صناعی چایرلرک سبب تشکیلی دانه سنی
حصاد ایچون زرع اولنان اکیلرده کی مقصده مخالفدر صناعی
چایر تشکیلدن مراد بر مقدار اراضیدن صورت ممکنه ده زیاده
وایو اوت المقدن عبارت اولوب حبوبات زرغنده کی مقصد
ایسه دانه لرینی تکثیر ایتمکدر بناء علیه حبوبات زرع اولندیغی
زمان ایوجه تغدی و تفیض ایتمک ایچون تخمنی سیرک امکک الحباب
ایدر یونجه وسائر صناعی چایرلر دخی بویله سیرک زرع اولنسه
کرچه فدانلری بیوک و بدنلری ایو و قوتلی اولور ایسه ده قالین
صاب و بدنلر غایت سرت اوله جقلمدن حیوانلره یرامن فقط

صیق اکیلدیکی حالده بدنلری الجاق فقط متعدد ویومشاق
اوله جفندن حیوانلر کمال اشتها ایله اوتلار بویله صیق فدانلرک
صویی از وقوة غذائیهلری چوق اولور همد سھولتله قورید.
یلور بونکله برابر پکده صیق اکیلماملیدر چونکه پک صیق
اکیلان فدانلر بیویه میوب ضعیف قالور وییوده زیاده تخم
صرف ایدلش اولور .

خلاصه بر جریب یرایچون نه مقدار تخم زرعی اقتضا ایدم
جکی تمایله تعین اولنه مز ایسه ده خفیف طوپراقلره قتی
وقوری یرلره یاش ویبانی اوت ایله قبالی طوپراقلره تمیز ضعیف
طوپراقلره زنکین قیش اکینی ایچنه یاز اکیلرندن و اکیلری هنوز
چیملمش طوپراقدن زیاده تخم زرعی لازمکلور برده تخم لرا علا ایسه
از واورته ایسه چوق اکیلور .

جدول اتیده طوپراق و اقلیمک حال و طبیعتلرینه کوره بهر
جریب ایچون زرعی اقتضا ایدن تخمک مقداری کوسترلمشدر .

قه

۱۲	کوبره لی کیلی طوپراقلره یاز جوباتیله برابر
۱۹	قومی طوپراقلره
۲۳	قوراق یرلره
۱۸	حدوسط اوزره انکلترده
۲۰	فلمنکده قومی طوپراقلره
۹ - ۱۲	فلمنکده منبت کیلی طوپراقلره
۱۶ - ۱۴	علی العموم فرانسه ده

شو جدولہ باقیلور ایسہ اورتہ حساب ایلہ بہر جریب
ایچون ۱۵ قہہ طرفیل تخمی لازمدر ہونکله برابر قوری
ویشیلدن قغیسی استعمال اولنہ حق ایسہ تخمک مقداری اکا
کورہ تعین اولنور یشلی مطلوب ایسہ بہر جریب ایچون ۱۲
وقوریسیچون ۱۶ - ۲۰ قہہ تخم زرع ایدیلور .

ہر جریبہ ۲۰ قہہ تخم اکیلان طرفیلک بدنلری پک ایجہ
اولہ خفندن ہم سهولتله قورر وھمدہ حیوانلر اشتہا ایلہ اوتارر
وبویله ایجہ بدنلی طرفیلک قوریسی کوف وتوز پیدا ایتمکسزین
خیلی وقت طیانور .

طرفیل ترلاسی برسنہدن زیادہ طورر یاخود سنہ اتیہدہ
یرندہ حیوان اوتارلق ایشتیلور ایسہ آراسنہ بر مقدار بیاض
طرفیل ویاخود انکلیز اصولی وجہلہ نجیلہ فصیلہ سندن بر مقدار
نباتات سائرہ امک فائدہدن خالی دکدر قوملی کیلی طور اقلردہ
ولوکہ طرفیل ترلاسی برسنہدن زیادہ دوام ایتمسہ بیلہ طرفیل
تخمہ برایکی قہہ بیاض طرفیل قارشدیرمق ایودر چونکہ ایلک
یچمدہ آق باش طرفیل بویسز اولوب طبیعی بیچیلہ میہ جکندن
قیرمزی طرفیلک آچققدہ قالہ جق دیب صاپلری کونشک
شدت حرارتندن محافظہ ایلر .

تیماری — بالادہ ذکر ایتدی کمز اصول اوزرہ قرمزی
یونجہ یعنی طرفیلہ اکیلدکدن سوکرہ سوکیلہ جکی زمانہ قدر
آلچی ویرمک یاخود طور اغک کوبزہ سی کافی دکل ایسہ
کوبزہ لمکدن بشقہ تیمارہ احتیاجی یوقدر .

آلچي . بقلويه فصيله سندن اولان عموم نباتاته آلچينك حسن
تأثيرى معلوم اولمغله طرفيله دخى بيوك فائدهسى اولور صورت
استعمالى كوبره لره مخصوص كتابده تفصيل و تعريف ايتديكمز
جهتله تكراره حاجت اولمديغندن اورايه مراجعت اولمىنى
توصيه ايدرز ؛

كوبره . طوپراق الويره جك قدر كوبره لى دكل ايسه
طرفيل چيملندكدن صوكره دخى كوبره لنه بيلوز طرفيله
مناسب كوبره لر كوكرچين ترسى اغاج تورب وچاشور كوللرى
كيچ مركباتى اينجه ميك توزى حيوان سيديكى و كوبره صولريه
آلچيدر شو قدر كه صولى كوبره لر ايله آلچي مركباتى . طرفيل
زياده بسليديكيچون اكينلر كى ياتمسندن قورقيلور .

نباتات وحيوانات مضره — نباتات طفليه و تأثيرات هوايه .
هنوز چيملنان طرفيل فدانلرينه يك صيجاق يازك سؤ تأثيرى او .
لورحتى يونجه يي قورودر بو حالده اولكى محصول آلتديغى زمان
خصوصيله قيش ذخيره سندن صوكره اكيلور بعد الحصاد
طوپراغى صبان ايله خفيفجه سوروب اوزرينه سوركى چكيلور
صوكره برطاق يباى اوتلر ظهورنده تكرار بر صبان ده سوروب
يوزى اينجلديله رك طرفيل يالكزجه زرع اوانور چيملنور
چيملنمز اوزرينه الچي صاحيلور بو عمليات يالكز چوق كوبره لى
طوپراقلرده تجربه اولمشدر .

متصل طوك باغلمه دن وچوزلمسندن طولايى كنج طرفيل
فدانلرى خصوصيله قباروب يوقارى قالقان طوپراقلرده تلف

اوله بیلور چونکه کوکلرک پک چوغی آچقده وهوانک تأثیری
التسده قالور بو او یغوسزلق وقوعبولمزدن اول صوکه بهارده
یاخود قیش اوانلنده طرفیل ترلارنده حیوان رعی ایتمکه یعنی
فدانلری انلرک ایاقلریله چیکتمکه وقوعی منع اولنور ایسه ده
حیوان اوتارلیان یرلرده طوکلرک تأثیریله آچقده قلان یونجه
کوکلرینک اوزرنده مردانه کردیروب طوپراغی اوتورتمقدن
بشقه چاره یوقدر .

طرفیلک بدنلری نه قدر قالین وقوتلی اولور و پراقلری
چوغالور ایسه طوکلره اوقدر زیاده طیانور بونیجه بی استحصال
ایچون طرفیل اکیلور اکیلمز یارم ترتیب آلچی طوزیله آجیلانور
بوتدیر فدانلری قوتله چیمندیروب ایلک بهار قوراکلرینه
طیانور وترلاسنی سریعاً طولدیرر طرفیلی دهها چابوق
چیمندیروب بیولتمک ایچون اولاتمخلر ایصلا دیلوب برچارشاف
اوزرینه یاییلور صوینی چکدکن صوکره براز ایصلاق ایکن
اوزرینه غایت اینجه الکن کچورلمش آلچی دوکدکن صوکره
درعقب اکیلور بو اصولک اجرایی سهیل زحمت ومصرفی
استکنار اولنیه حق درجه ده قیلدر .

حیوانات مضره . تازه طرفیل فدانلرینی اک زیاده قورقو-
دان کوچک سنجابی رنگلی برسموکی بوجکدر بوبوجک
طرفیل اکیلدیکی سنه نک قیشنده ورطوبتلی سنه لرده اطرافی
جالی واغاج ایله قبالی آلاق طوپراقلرده طرفیله پک زیاده
مضرت ویرر .

بوندن بشقه كوچك طوپراق اورمچكى دخی يونجه يي اضرار ايدر ايكيبي دخی (۱۰۲ شكلده) كوستريلان قوروسكيل مردانه سيلاه سهولتله تلف ايديلور شو قدر كه مذكور بوجكلر كونس طوغمزدن وياباتدقن صوكره يوالرندن چيقوب فدانلره مسلط اوله جفندن مردانه نك دخی اولوقت استعمالی لازمكلور .

نباتات طيفليه . طرفیلی خراب ایدن عيلقيه فصيله سندن اقيمون نام نباتدر بوكا زهره صاچی دخی ديرلر (شكل ۱۶۶) بونك برچوق نوعلى اولوب يالكز طرفیلی دكل زرع اولنان سائر نباتاتی دخی برباد ايدر تخمی غایت اوافق مدور قمرال



رنكلي يومورطه
يچمنده اولوب
سرت وقالين كو-
ملكيدر چيمنه
جك زمانه قدر
يرده وحتی حياوا-
نك بوغازندن
كچديكي حاليه
دخی قوه انباتيه
سنی غائب ايتيوب
كوبره سيلاه ظهور

(شكل ۱۶۶) اقبیون

ايدرك ينه فلزنور .

تخم چيملنور چيملنمز تازه فدانك اوچنده آز طاغفق

بركوك ظهور ايدر و برچوق تومسكلر پيدا ايلر كه جمله سی
كوك يرينی طوتار بدنی جوارنده کی فدانه صارلینی کی کوی
غائب اولوب کندوسی قالور .

بدنی خشیشی ایلك کی اینجه متعدد دالی و آتشی
قرمزیدر حین ظهورنده دالسر ایسه ده صاره جق فدانی بولنجه
قدر طوپراق یوزنده اوزانوب مناسب فدانی بولدینی کی بدن
ویپراقلرینه صاریلور و اوحالده بدنندن برطاقم کوچك حلیمه لر
ظهور ایدرك فدانك قبوغی نسجه دخول ایله بتون اوزینی
امر ویکی بدن و برچوق ایلكلر پيدا ایدوب فدانی تمامیه
قابلایه رق بوغار شایان دقت شوراسیدر كه بوطفیلک قوپاریلان
پارچه لری برقاچ کون آچیقده براقلدقن صوکره دیگر برفدانه
طوقانور طوقانمز درعقب ممص پيدا ایدرك فدانه یاپشور .

افتمونك برنجی اینجه بدنلری برمقدار بیودکجه یریر
اوزنده چیچك کومه جکلری پيدا اولور كه رنکی بیاضجه در
بهی ۱۰ - ۴۰ دانه دن عبارت بر دمت تشکیل ایدر تخمی
کروی مدور یاخود بیضی اولوب هر برنده ایکی حجره وهر
حجره ده ایکیشر تخم بولنور .

افتمون قیشك صوغوقلرینه متحملدر هر نه قدر قیشین
بدنلری قورر ایسه ده صارلمش اولدینی فدانك کوکنده برطاقم
یومریلر براقور كه بونلر اتی ایلك بهارده اویانوب تکثر ایدر
شوحاله نظراً کیفیت تکثری اوچ طریق ایله یعنی بدن پارچه لری
تخمی و طوپراقده براقدینی یومریلری واسطه لر یله در .

بونبات یازین اولقدر سرعتله بیورکه اوج آی ظرفده بردانه سی اوج آرشون چوره ده بولنان بتون طرفیلری بوغوب قورودر .

سرعت تکریدن طولایي دفعنه چاره بولنه مامشدر اتلافی هر نه قدر مشکل ایسه ده ینه تلفندن کیرو طورلما ملیدر بونک ظهور ایده مامسنه چاره اولا صنایی چایرلره ویریلان کوبره اقیمون قاریشق اوت ایله بسلنمش حیوان کوبره سی اولماق ثانیاً ایچنده اقیمون بولنان طرفیل و یونجه دن تخم آلامق ثالثاً بویکی تخمک ضروری استعمالی لازمکلور ایسه ایچنده بولنان اقیمون تخمیرینی تمامیه آیرمقدر .

اقیمون تخمیرینی تفریق قولایدر طرفیل تخمیری قالین کتان بز ایچنده ایوجه اوغوشدیریلوب ازیلدیکنده قاریشق اولان اقیمون تخمیرینک قبوقلری قیریلور آندن صوکره ۹ نومرولی معدن برالک ایله الیدکده یارم خط قطرنده بولنان اقیمون تخمیری الکن کچوب صافی طرفیل و یونجه تخمیری قالور .

اقیمون برکره ترلایه مسلط اولور ایسه اتلافیچون هر نه یاپلسه موقت اولوب ینه ظهور ایدر یاققدن بشقه چاره سی یوقدر شویله که اقیمون کورندیکی نقطه لک اطرافیه برابر ممکن مرتبه طوپراغه یقین فداندلری ییچیلوب اقیمونک قیرندی و دوکندیلری دقت ایله طویلاندقدن صوکره بر طور بهیه طولدیریلهرق اوزاق بریرده ییغین یاپیلوب یاقیلور وییچیلان

محللر ایوجه تمیزلنور بعده اوزرینه صمان یاییلوب آتش ویریلور .
 صماندن بشقه حامض کبریتی یاخود ۱۰۰۰ قیه صوده اریدلش .
 ۱۰۰ قیه کبریتیت حدید دخی هم اقسیمون قیرندیلرینی تلف
 ایدر وهمده طرفیلی سریعا چیملندیرر فقط بواصول یالکتر
 کیرجلی طوبراقلرده فائده ایدر یوخسه بتون کیلی طوبراقلرده
 کبریتیت حدید مقدار ودرجه سنی کچر ایسه طرفیلی تلف
 ایده جکندن بویله طوبراقلرده استعمالنی توصیه ایده میز .
 حصادی — طرفیل کرک یشیل وکرک قوری حیوانلره
 یدیریلور .

یشیل استعمالی . طرفیل یازین سهولت ایله چیملنلان
 وقورتمسی مشکل اولان رطوبتلی اقلیملرده یشیل یدیرلمسی ده
 مناسبدر حالبوکه قوراق اقلیملرده طرفیل یارم بویه وارنجه
 بیچیلوب یشیل یدیریلور ایسه کوکی یاز قوراقلرینک تاثیریه بیو-
 یوب صوک بهاروت ویره میه جکندن بویله یرلرده طرفیلی تمامیه
 بویه براقوب بعده بیچیلهرک قوری استعمال ایتک ده ایدر
 یالکتر زرعی سنه سنک صوکره کی کوزنده برنجی دفعه بیچیلوب
 یشیل یدیریلور زیرا بو موسم طرفیلی قورتمغه مساعد دکلدر .
 طرفیل اولکی صوک بهار یاخود ایلك بهار ایرکن اکیلور
 ویا یازک اوائلی صیجاق ورطوبتلی اولور ایسه صوک بهارده کی
 برنجی بیچم پک کترتلی اولور .

اشبو برنجی محصولی آلتق ایچون طرفیل ایله برابر اکیلان
 اکین حصاد اولنوب مؤخرأ طرفیل مطلوب ایسه یرنده

حيوانلره اوتارتيلور يا خود بيچيلوب اخورده يديريلور .
 بوايلك بيچمدن صوكره طرفيل قيشدن اول ينه چيملنور
 ايسه ده بوندن استفاده ارا نلما مليدر زيرا آلنه حق اوت بيچم
 مصارفی اودر اوده من درجه ده آز اولور بوندن بشقه يرنده
 قلان بيچلمش كنچ فدانلر ضعيفلنوب قيشين اكثرينك تلف
 اولوق احتماليده واردر .


طرفيلك اك زياده اوت ويرديكي سنه زرغشك ايكنجي
 سنه سيدر يشيل يديريله جك اولور ايسه ايلك بهارده وممكن
 مرتبه ده ايركن يعنى بدنلري ۱۵ - ۲۰ پارمق بويلا ندقده
 يديرلمليدر زيرا اولزمان عموم حيواناتك ايستكي وجهله طرفيل
 يك يومشاقدر كيچ براقيلور ايسه بدنلرينك اكثري قارتالور كه
 حيوانلر اوتلامق دن چكينور .

طرفيل ترلا سنك وسعتي بسنه جك حيوانلردن زياده ايسه
 احوالده يشيل يديرمكدن صرف نظرله بيچيلوب قوريديلور
 يرده ايركندن يديريلور و خصوصيله يازي رطوبتلي اولور ايسه
 طرفيل اوچ دفعه بيچيله بيلور فقط على العاده ايكي دفعه دن
 زياده بيچيله من .

يشيل طرفيل لزومنه كوره هم بيچيلور وهمده يرنده
 اوتارتيلور بيچيلوب اخورده يديريله جك اولان طرفيلي تعريفه
 حاجت يوقدر فقط يرنده اوتاريله جني زمان حيوانلر ترلا ده
 ياشي بوش براقلامليدر زيرا ييه جككري اوتدن زياده سني
 چيكنه يوب تلف ايدرلر .

اوروپانك اكثر محللرنده حيوانلر طرفيللقده ۳ آرشون
۳۰ پارمق اوزون برايپ ايله چاقيلوب اوتاريلور بوايپ بر بويده
ايكي پارچه دن عبارت اولوب بر پارچه سي قازغه وديكر پارچه سي
حيوانك بوينوز ويا بوينه باغلانور شو ايكي پارچه ايبك ديكر
اوجلري ۵۰ پارمق اوزون ۸ پارمق اكلي وايكي اوجي دليكي بر
تخته يه كچوريلور بويله ياپلمز ايسه حيوان دوندكجه ايب بوكله رك
حيوانلرك اياق وبوغازلرينه طولاشوب سقطلق ايدر قازق
۴۰ - ۵۰ پارمق اوزون تيموردن يا خود اوجي تيمورلي اغاجدن
يا ييلوب باغلاننه جق يري اويولي اولديني حالده تپه سنه قدر
طوپراغه قاقيلور .

حيوانلري اوتق بوزمقدن منع ايجون، بيچلماش طرفيللق
ايجنده كرديرلمز بو وجهه بر طرفيللق (شكل ۱۶۷، ۱۶۸) يديرلمكه



(شكل ۱۶۸) قازق

(شكل ۱۶۷) اوتلاق

باشلانديني وقت اول ۲ بحق آرشون ككيش بر كنار بيچيلوب
ب - قازقلر بوكنارك خارجنده - ج - نقطه سنه قاقيله رق
حيوانلرك اوكنده ۵۰ - ۷۰ پارمق ككيش بر دائره - د -

طرفیللق بر اقیلور وادائرهنك طرفیلی صرف اولندجه قازقلر
۵۰ - ۶۰ پارمق دها ایلرو قاقیلوب بو وجهله بتون طرفیللق
اوتاریلورکه بر صره اوزرنده بولنان حیوانلر بری برینه
طوقشمقسنزین طرفیللنك یدیرلماش محلی قالمز .

کنج بر چوبان یاخود چوبان قاریسی طرفیللغه قاقیلی ۲۵ - ۳۰
حیوانی بو صورته اداره ایده بیلور اقصا ایتدیکی وقت
حیوانلری اخوره کوترمك یرلرینی دکشدیرمك یاخود
صولامق ایچون اول صاعده بولنان حیوان قازقدن چوزیلوب
ایپك قازقده کی اوجی یاننده کی حیوانك بویونزینه وانککی
دها اوته کنه وهکذا صولده بولنان صوك حیوانه قدر کیدیلورکه
اک صوك حیوانك ایی چوبانك النده قالور تکرار قازغه طاقیله.
جغنده صولدن باشلايوب صاغه طوغری کلنور بو اصوله قاقه
یاخود اوجلمه دیرلرکه حیوانلر علی العاده کونده ۳ دفعه
یر دکشدیرلر .

حیوانلری طرفیللقده اوتارمقده اول سودلری اخورده
بسلنان اینکلردن زپاده اولور ثانیاً مساوی برقطعه طرفیللقده
اوتاریلان حیوان اخوردن دها زیاده بسلنور ثالثاً اوتی یچوب
اخوره کوترمك زحمتی اولمز حیوانلر کوبره لرینی طوغریدن
طوغری یه طوپراغه براقمش اوله جقلرندن کوبره یی اخوردن
چیقاروب ترلایه نقله وواسع اخور وماندیره ایدینلمسینه
حاجت قالمز دیرلر .

فقط بعضیلری دخی یشیل اوت اخورده یدیریلور ایسه

حيوانلر چابوق سميرر وزياده كوبره النور ادعاسنده بولنورلر
بزجه بو ايكي اصولدن بري صورت قطعيده ترجيح اولتميه.
جفتدن چفتجي كندو منافعه كوره بريني ديكرينه ترجيح
ايدة بيلور .

شو قدر كه ايلك يچمي صوك بهارده الهحق اولان قتي
ورطوبتلي طوپراقلرده بولنان طرفيلي اخورده يديرمك يرنده
اوتارمقدن ايودر چونكه حيوانلر طرفيللغه چيقاريلور ايسه
كنج فدانلري چكينه يوب بر چوغني طوپراغه كورم ياخود
كوكلريني قوپارلر يرده پيدا ايتدكلري درين ايزلري صو ايله
طولوب قيشين اوراده كي فدانلري چورودر بالعكس طوپراق
قوري وخفيف ايسه ايلك يچمي ترلاده يديرمك ايودر زيرا
طوپراغي چكينه يوب فدانلرك ديبلريني اوتورته رق قيشين طوكلر.
دن قبارمسنه مانع اولور .

يشيل طرفيلدن بعضاً حيوانلر قرپه علتته طوتيلور بونك
اسباب ظهوري اولا قوري يمك ارقه سي صره بردن بره يالكز
يشيل يديرلمسي ثانياً طرفيل پك كورپه وصولي اولمسي ثالثاً هنوز
چيك قالقمزدن حيوانلرك طرفيللغه قاقلمسي رابعا اخورده
يديريلان يشيل طرفيلك ايچنده صولغون ويا قيزغين طرفيل
بولنمسي خامسا طرفيلي حيوان ير يميز درعقب صوارلمسيدر بناءً
عليه ايلك بهار تازه طرفيللقلره حيوانلر تدريج ايله قاقيلوب
يشيل اوته يواش يواش الشديرمق وكون طوغوب چيك
قالقلمسني بكمك لازمكلور .

اخورده يدیریلان طرفيله کلنجه ايلک اول آزار آزار
وقوری صمان ویاوت ايله قاریشق ویریلور طرفیل قوری ايسه
درتده بری یاش ايسه اوچده بری قدر قوری صمان ویاوت
قارشديریلور اگر قوری صمان واوت یوغیسه قوری یونجه دخی
استعمال اولنه بیلور .

تازه طرفيله قارشديریلان بوقوری اوتلریشیلک
بر چوق صوینی چکهک یومشایوب اعلام اولور بو
صورت ايله حیوانلر یواش یواش یملنهک کوبره لری اوقدر
صولی ولینی اولمز بویله قاریشق اوتک حیوانلر قوریسینی
یشیلدن آیرمغه چالیشورلر ايسه ده بجره میوب ایکیسنیده برابر
یرلرکه بو طریق ايله یشیلی الشدیروب ملحوظ اولان مخاطره دن
سالم اولورلر .

بونکله برابر طرفیلی هر کون صباحلین یاخود
اخشام اوستی ییچوب اخورده کونش ویاغموردن محفوظ سرین
یره یاییلی ویم عقینده حیوانلره صوکوسترلیوب هر ییدن
برساعت اول یاخود اخشام یندن برساعت صوکره
صوارملیدر .

قوری استعمالی — قوریديله جق طرفیلک ییچيله جک
زمانی تعیین پک اهمیتلیدر طرفیل مختلف اوچ موسمه ییچله .
بیلور برنجیسی چیچکه کلزدن اول ایکنجیسی چیچکلرک
برقسی انکشاف ایتدیکی واوچنجیسی تاميله چیچکلندیکی
وقتلردر صوک ایکی موسمه ییچیلان طرفیلک اوتی چوق اولور

ایسه‌ده کیفیتِ برنجی قدر دکلدر چونکه ایکنجی اوچنجی موسملرده بیچیلان طرفیل بدنلرینک اکثریسی قارتالمش اوله‌جنی کبی الت پیراقلری دخی صولغون اوله‌جفندن حیوانلره اوقدر ایوکلز بالعکس اول بیچیلان طرفیل اوقدر چوق اوله‌مز ایسه‌ده لطیف یومشاق و کیفیتِ اعلا اولور .

برده فدانلر صوک ایکی موسمدن ۱۵ کون اول بیچلمش اوله‌جفندن کوکلرنده بولنان مواد غدائیّه باقی قالوب یکی سورکونلری سرعت و قوتله بیویه‌رک ایکنجی بیچمک برنجی قدر چوق اولمسنه سبب اولور صوک ایکی موسمک ایکنجی بیچملری دائماً ضعیف و موسمک کجمسندن طولای مخاطرده قالور شو حاله نظراً ایرکن بیچیلان طرفیلدن النان ایکی محصولک کیفیت و کمیتلری کیج بیچیلان طرفیلدن ایودر .

بناءً علیه‌طرفیل چیچکدن از اول بیچلمیلدر اگرچه اقلیم صورت مطلوبه‌ده ایکنجی بیچمه مساعد دکل ایسه احوالده مقدارندن زیاده زیانه اوغراماق ایچون چیچکلرینک اکثریسنک انکشافی زماتی بکلمک دها فائده‌لیدر برده قوری طرفیل یالکر آت و بیکیرلره یدیریله‌جک اولور ایسه تمامیه چیچکه کلدیکی زمان بیچلور چونکه آت بیکیر قسمی بوینوزلی حیواندن زیاده قوری ولینی اوتدن حظ ایدرلر .

مع مافیه سوزمز فوآند عمومیه‌یه عائد اولوب احتیاجات خصوصیه‌یه کلنجه چفتجی بونلری ایستدیکی یولده یاپه‌یلور ازجه طرفیل بیچله‌جکی زمان یاغور یاغوب اورا قجی بی ایشدن

اليقويه جنی کي شدتلی صیجاقلر دخی ایکنجی ییچمک تازہ سورکونلرخی شدت حرارت ایله قوریده بیلور انک ایچون بوخصوصده اقلیم وموقعه کوره عمل ایتک لازمدر .

طرفیل منحصرأ طرفان ایله ییچیلور محل ومحصلونک نوعنه کوره شکلری مختلف اولدیغندن تعریفنه حاجت یوقدر .

طرفیلی الدن کلدیکی قدر دیبدن ییچمیلدر زیرا طویراقدن برقاچ پارمق یوکسک براقیلور ایسه حس اولنه جق درجه ده اوتنک مقداری تنزل ایدر برده یرنده قلان صاپلری قوریوب سرتلور اوحالده صوکره کی طرفیلی بونلرک اوست طرفندن ییچمک ایجاب ایدرکه بودخی اوتنک ازالمنسه سبب اولور .

ایصلاق چیکلی طرفیل زحتسز ومکمل ییچیلور انک ایچون اوراقچیلر دائماً چیک قالمزدن اول ایرکن ایشه باشلارلر فقط ایصلاق ییچلان اوت چارچابوق یا یلمزده طویلجه براقیلور ایسه کونشده سریعأ قیزار والچاق یرلرک طرفیللری صراروب کیفیتنی غائب ایدر بناءً علیه کونش طوغمزدن اول یوکسکده بولسان اوتلر ییچیلوب الچاق یرلرده کیلر کیچ وکوج قورییه جغندن کون اورته سنه براقیلور .

اوراق ماکنه لری دخی طرفیل ییچمکده مستعملدر خصوصه صیله جیوبات کتابنده تعریف ایلدی کمز (مارق قورنیق) ماکنه سی استعماله پک مناسبدر بوماکنه بر اوراقچینک یومیه کوردیکی ایشک التی مثلی ایش کورر .

طرفیل ییچیلور ییچلمز قوریدلغه مباشرت اولتور اولدقجه

سریعاً قورتملی و پیراقلری دوکلامسینه دقت اولنملی و بونک ایچون
یجیلان فدانلری یاغمور و کونشک شدت حرارتسندن الدن
کلدیکی قدر محافظه ایتملیدر .

بعض محللرده طرفیل یجیلدیکی آنده طوتاملری ترلایه
یایارلرکه موقع وهوا ناصل اولور ایسه اولسون قطعاً
جائز دکلدر چونکه هوا یاغمور کوستررر ایسه درعقب یجیلان
اوتی اوفاق بیغینلره تقسیم ایتمک اقتضا ایده جکندن یایق بیهوده
اولمش اولور ویرینی دکشدر مکله یاخودهوا دائماً اچیق اولور ایسه
فدانلر درعقب شدت حرارت التنده قاله جفندن سریعاً قوریوب
از دپرتمکله پیراقلری دوکیلور نهایت یاغموردن صوکره کونش
و کونشدن صوکره یاغمور کورمکله مواد غدائیه لرینی غائب
ایدوب و صراروب عادی صماندن فرقی قالمز .

ایو اوت المق مطلوب ایسه صاحیلین یجیلان طرفیل طوتام
طوتام یره قونور اوکلین یاخود بر ساعت صوکره طاغتمقسزین
چویریلوب التی اوستنه کتوریلور اخشام اوستی یجیلانلر ایسه
چویرلمکسزین یرنده بر اقیلور ایرتسی صباح چیک قالدقدن
صوکره بهری ۱۲-۱۵ قیهلق اوفاق بیغینلر یاپیلوب حرارت
هر طرفنه تأثیر ایتمک ایچون ارا صره یرندن اوینادیلور و بر
قاج کون یعنی ایو قورویینجه قدر کمال دقتله التی اوستنه
کتوریلور .

بعض محللرده دخی طوتاملر غایت خفیف اولدینی حالده
قارشدرلمقسزین ایکی کون یرنده ترک اولنه رق بعده ایکیشر


ایکشر چاتیلوب یر یوزنده بولنان طرفلری خارجه کتوریلهرک
تامیله قوریننجه قدر بوحالده براقیلور .

رطوبتی یرلرده اوت قورتمق پک مشکدر چونکه اکثریا
یچدکن صوکره یاغورلر ظهور ایدر ورطوبت اولقدر جو-
غالورکه طرفیل قوریمزدن اول چوریوب تلف اولور بومشکلاتی
برطرف ایتمک ایچون ایکی واسطه واردر .

بری المانیانک اکثر محللرنده استعمال اولنان اصولدرکه او-
رالرده طرفیلی قورتمغه مخصوص یره قاقیلی محلنه کوره مختلف
شکلدرده آغاجلر استعمال ایدرلر هربر آغاج ۳-۴ ارشون
یوکسک محکم بر قازقدن عبارت اولوب اوجی سیوری وتپهسی
چنبرلیدر اوزرنده قارشولقلی برچوق دلیکله قازغک سیوری
طرفدن بر آرشون یوکسکدن باشلايوب بری دیکرندن
۵۰ پارمق ارالقلی و ۶۰-۷۰ پارمق اوزون قالین آغاج چویلر
صوقولیدر بوقازقلر آرالرندن ارا به کچه جک قدر یکدیکندن
اوزاق طوتیلور .

طرفیل یچیلدکن صوکره بایلنجه قدر طوتام طوتام ۲۴
ساعت یرنده براقیلوب بعده یاغورسز هوا ایله قازقلرده کی
آغاج چویلرک اوزرینه خفیفجه ییغیلور واک التده کی چوییه
ییغیلان طرفیلک یره سورنغامسنه دقت اولنور شو قدرکه
چوییه زیاده اوت ییغیلور ایسه چابوق قوریمز انک ایچون
زمیندن ۲ ارشون ۳۰ پارمق یوکسک برقازغه ۱۰۰ قه‌دن
زیاده طرفیل ییغمالیدر .

تی وچاقیلی طوپراقلره قازقلر صورت مطلوبه ده قاقيله.
مدینگی کچی اوتک حین نقلنده دخی بعضاً اغاج چیویلرده
اصیلی اولان طرفیلک اطرافنده هوا ایوجه جریان ایده مزآنک
ایچون دیگر شکله برطاقم قازقلر ایجاد اولمشدرکه بونلر هم ده
قوی وهمده طوپراغه قاقلمغه محتاج دکدرلر .



بونلرک بعضیسی (شکل ۱۶۹)

۱. ۳-۴ آرشون اوزون

تپه لری - ب - چیویلی ساج

ایاغی شکلنده موضوع اوچ عدد

قازقدن عبارتدر هر برینک او.

زرنده ۶۰ پارمق اوزون ویکد.


یکرندن ۴۰ پارمق آرالقلی آغاج

چیویلر - ج - بونلورکه طرفیل


بونلرک اوزرینه ییغلور .

(شکل ۱۶۹)

بعض محللرده دخی (شکل ۱۷۰-۱۷۱) شکلدرده صبالر



(شکل ۱۷۰) اوت قوریده جق اسکله



(شکل ۱۷۱)

انشا ایدرلر - ا - حرفیله مرقم ایکی آغاج
 ب - حرفیله مرقم نقطهده برلشوب
 جیویلنهرک صبانک آیاقلرینی تشکیل ایدرلر
 ج - شو ایکی آیاغه ایکیشر جیوی قا.
 قیلوب اوزرینه - و - حرفیله مرقم ایکی
 صیریق اوتورتیلور و آیاقلرک تپهلرنده
 تشکیل ایلدیکی چتاله دخی اوزون بر

صیریق کچوریلوب بونلرک اوزرینه طرفیل ییغلور بوصیریقلر
 صورت کافیهده اوزون دکل ایسه اورتهسنه بر صپا دها قونوب
 صیریقلر اورته صپاده برلشدریلور و صپالر برطرفه اکر یلمامک
 ایچون ایاقلرک ایکی باشلرینه - د - برر پاینده وضع ایدیلورکه
 او حالده ایاقلر ساج آیاغی شکلنی آلور .

اسکله چاتیسنک الت طرفندهکی صیریقلردن باشلایوب طرفیل
 قاتقات ییغیلهرق قوریدیلور ۸ آرشون اوزون برچاتی یه ۱۲۰
 قیه طرفیل تحمیل ایدیله بیلور .

بو بولده چاتی اعمال و انشاسی مصرفی اولدیغندن یالکتر
 اقلیملری زیاده رطوبتلی یا خود یاغموزلری کثیر سنه لرده یاییلوب
 استعمال اولنور .

برده (قلاب مایر) اصولی واردرکه طرفیل ییچلدیکنک
 ایرتسی کونی هر طرفی باصقیلی صورت منتظمهده غایت بیوک
 ییغین یا مقدر ییغین یا پلدیغندن براز صوکره قیزمغه باشلایوب

سرعتله تزايد ايدر بوقیزمه نك درجانه كمال دقتله باقيلوب حرا-
رت ال صوقيله ميه حق درجه يه كلديكي آنده ييغين بوزيلوب
ياپيلور كونش وختي روزكارده برقاج ساعت طور دقبن صوكره
تماميله قورر اولوقت قالديريلوب اولتقخانه يه نقل اولنور بو
حاله طرفيلك اك بسله ييجي اولان يپراق وچيچكلري الت
اوست ايديلان طرفيل كي اوزرنده قالور رنكي براز قرارر
ايسه ده طادلي كوزل طعملي وبال رايحه لي اولديغندن حيوانلر
بو يولده قوريديلان طرفيلدن پك محظوظ اولورلر .

بواصولده دقت اولنه حق اك اهميتلي ماده طرفيل درجه
مطلوبه ده قيزدقده حتي ياغموره بيله باقلمقسزين ييغينك بو-
زلمسيدر بووجهله قيزان اوت بركره صوغودقبن صوكره
تكرار قيزاجندن قورقلمقسزين يكدن ييغين ياپيلور ياخود
اولتقخانه يه نقل اولنور .

چوق ياغمور ياغان يرلر ايجون بواصول پك مناسبدر زيرا
ياغمورلي يرلرده طرفيل برقاج كون ترلاده الت اوست ايدلديكي
حاله ينه قورميبوب آكثريا بوزولوب چورر .


موسقولر بواصولي برديكر يولده استعمال ايدوب اوتك
يشيل رنكي محافظه ايدرلر يعني طرفيل هم قوري وهمده يشيل
قالور شوييله كه طرفيل بيچيلور بيچلمز يايلميبوب همان ييغين
ياپيلور فقط اولجه اورته سنده درت عادي اغاجدن خوني واري
برواجق ياپيلوب ايجي بوش براقيلور ييغين قيزدقجه حاصل
ايلديكي حرارت اشبو اورته سنده كي اوجاق واسطه سيله مندفع

اوله رق يالکز اوتک صوي چکيلور وبو طرفيلک بتون پيراقلری
رنکی ويشيل حالده اولان طعمی باقی قالور .

هرقنی اصول استعمال اولتور ايسه اولنسون طرفيل قو-
ريدیغی کبی رطوبتدن محفوظ بر محله وضع اولنلیدر اکثراً
اوتلقخانهیه نقلدن اول دمتلر یاییلور بعضاً دخی اوتلقخانهده
بیوک بیغین ایدیلور اوتلرک محافظه سی ضمانتده ایلروده یازمه
جغمز مقاله ده بوبابده تفصیلات مکمله ویريله جکدر .

دمت استعمال اولنه حق اولور ايسه کوندز حرارتنده یاپلما-
ملیدر زیر ا پیراقلر سهولته دوکلوب تلف اولور حین نقلنده دخی
پیراقلرک دوکلامسنه دقت اولنملی وبرصاپ ايله باغلانوب اغیرلنی
۶ - ۷ بحق قیه یی تجاوز ایتاملیدر .

دمتلان یونجه لر بهری ۲۵ - ۵۰ دمتدن عبارت بر بیغین



(شکل ۱۷۲)

یاییلور بر عمله ايله

۱ - دیکنه دمتی

طوتوب دیکر بر

عمله - ب - ج -

(شکل ۱۷۲) طرفیل بیغنی

حرفلریله مرقم دمتلر کبی بری بری حذاسنده هر صره یه طقوز
دمت ییغار واک کیروده کیلر براز اکریجه وضع اولنه رق اکنه
دیگر یدی دمت ايله اوزرینی اورتر یاغمور یاغدینی زمان
اوستنده کی دمتلر ایصالانوب الته صو کچمز هوا اچیلنجه انلر
دخی قورر .

طرفيلفك دوامی — قرمزی یونجه یعنی طرفیل کرچه
 سنین برنبات ایسه ده اهل تجربه نك افاده سنه کوره اك زیاده
 حاصلات ویردیکی سنه زرعنك ایکنجی سنه سیدر اوچنجی سنه
 ایسه اوتی ازالور زیرا نباتات مضره چوغالوب خصوصیه
 آریق کوکلری طرفیلی بوغار وکلیا محو ایلر طرفیل سوکمک
 ایچون بوزمانه یعنی اوچنجی سنه یه انتظار اقتضا ایتمز بکلنور
 ایسه بیهوده وقت غائب ایدلش اولور و نباتات مضره طوپراغک
 قوتی اخذ و صرف ایده جکندن ایلرو محصول ایچون ترلایی
 کوبرملکه مجبوریت الویرر و نباتات مضره مزروعات اتیه یه
 دخی مسلط اولور .

ایشته بوندن طولاییدرکه ماهر چفتجیلر قرمزی یونجه یی
 ایکی سنه دن زیاده برترلاده طومتزلر ایکنجی سنه سنده ایکی
 و بعضاً اوچ بیچم اله بیلورلر ایسه ده ایکی بیچم ایله اکتفا
 اولنر ق اوچنجیسنی طوپراغه کومک فائده دن خالی دکلدلر .

بعض چفتجیلر بو اصول ایله ایتدکلری کلی استفاده یه
 قناعت ایدرک ایکنجی یی چیچکه کلدیکی زمان بیچوب طوپراغه
 کومرلر اگر طرفیلدن صوکره بوغدا ی اکیله جک اولور ایسه
 زمان زرعی کچور مامک ایچون طرفیللنی وقیله ایرکن بوزمق
 لازمدر .

حاصلاتی — طرفیلک حاصلاتی طوپراق وهوانک رطو .
 بتک درجه سنه و حرارت و کوبره نك مقدارینه کوره تخلف
 ایدر ایکنجی سنه نك ایکی بیچیمندن حد وسط اوزره ۷۰۰۰

قيە قورى طرفيل انه بيلور بومقداره ايلك سەنەك بربيجىمى
دخى علاوہ اولغىلدر ايكنجى سەنەك برنجى بيجىمى ايكنجى
بيچىمدن ھەم برثلث نەبەتتە زيادە اولور .

قوريديلان طرفيل وزنك اوجدە ايکىسنى غائب ايدر ايسەدە
بونەبەت فدەنك رطوبتە كورە تخلف ايلر مقدار تخلفى جدول
آتيدە كوسترلمشدر .

قورى	يشيل	قيە	قيە
۲۱۲	۱۰۰۰	۱۱	مايس: چيچەكن اول برنجى بيجم
۲۸۳	۱۰۰۰	۳	حزيران: برنجى بيجم چيچكى
۳۰۵	۱۰۰۰	۵	» » » » بعض يرلردە
۲۹۰	۱۰۰۰	۲۸	» » » » »
۳۶۰	۱۰۰۰	۰۰	اغستوس: قارت ايكنجى بيجم

قوراق ھوالردە ايكنجى بيجم غايت قيصہ قالە جفندن تخم
ايچون اليقونور بو حالده ھەر جريبدن بر كيله دن زيادە تخم
النور .

تخلىق قرمزى يونجه زرعى — تخلىق طرفيلى اوروپادە
ايروجه اكوب استحصال ايدرلر فقط ايو تخم ايدىنمك ايچون
زيادە دقت لازمدر .

تخمى انه جق طرفيلك طوپراغى اوتە مخصوص طرفيلك طوپرا .
غە بکزه مزيرا اوتيجون زرع اولتان طرفيل فدەنلرى پك قوتلى

و متعدد دال و پیراقلی اولوق اقتضا ایلدیکه چون تخمی او قدر
ایو اوله من بناء علیه تمخلق طرفیل خفیف و آز رطوبتلی و زیاده
کوبره لی طوپراغه محتاجدر تر لاسی صوغوق و قوری و روزکار
لردن محفوظ و طوپراغی تبانات مضره دن تمامیله عاری و تمیز
اولوق کر کدر .

آرا صره تخم دکشدیرمک فائده دن خالی دکل ایسه ده اوزلی
سرین و زیاده کوبره لی طوپراقلر ایچون اتخاذا اولنور ایسه
بیوک فائده یی موجب اولور زیرا بویه طوپراقلر ده متما دیاً
آکیله جک کسندو یرلی تخمی بالطبع دکشور کرچه فداندلری
زیاده پیراقلی و قوتلی اولور ایسه ده تخمدن کیرو قالور بو او یغو .
نسزلفک خفیف و آز کوبره لی طوپراقلر ده یتشان طرفیل
تخلریخی زرع ایتمکله اوکی آلنور .

تمخلق طرفیل اوتلق کبی صیق آکیلمز حقیقه صیق آکیلنلرک
بدنلری ایجه و یوکسک اولور فقط چیچکلرینک پک چوغنی
دوشورر بناء علیه اندن سیرک اکملی و سائر خصوصده اوتلق
طرفیل حقنده بیان اولنان یولده باقلملیدر .

طرفیل یعنی قرمزی یونجه دن اکیلدیکی سنه تخم النهمز
چونکه تخمه قالقمسی صوک بهارک ایلک صوغوقلرینه تصادف
ایدوب ایوجه یاپنهمیه جقلرندن بشقه موسم دخی رطوبتلی اوله
جفندن لایقوله قورییه من انک ایچون علی العموم ایلک سنه حیوانه
اوتاریلوب ایکنجی سنه تخمی النورکه بدنلری ایلک سنه کبی
ازغین و زیاده قوتلی اولیه جفندن چیچکلری معتدد و تخملری

کثیر اولوب کوزل یاپنورلر شو حالده تخملى طرفیل یازین ایوجه قوریدملى ایچون برنجی دفعه ایرکن بیچیلور یاخود ایلک بهارده حیوانلره اوتار تیلور فقط ایکنجی سنه نك ایلک قالقینان فدانلری ازغین و پک قوتلی اولیوبده صورت مطلوبه و متساویه ده چیچکه کلور و هوا مساعد اولور ایسه چونکه ایکنجی نه صورت کسب ایده جکی معلوم اولمديغندن برنجینک بر مقدارینی تخمه تخصیص ایتکده فائده درکار در .

طرفیل تخملى حصاد ایچون اك صوکره اچیلان چیچکلرک تخملى ادراك ایدنجه قدر بکلملیدر بو صوته بشاقلر سهولته قورییه جفندن تخملى قولای آریلور .

طرفیل تخملى مختلف صورتده استحصال اولور بعضاً بدنلری اوراق و طرپان ایله بیچیلور و بعضی لرده بشاقلر ال ایله قوپاریلوب دیگر محللرده دخی بو خصوصده برنوع طراق قوللانیلور اوراق ایله بیچیلور ایسه طوتام طوتام ایکی کون قدر یره یاییلوب آرا صره آلت اوست ایدیلور صوکره بشاقلری یوقاریده اولدینی حالده طوتاملر یکدیگره قارشو کلاه شکلنده ییغینلر یاییلوب تپه لرندن باغلانور بدن و بشاقلری بو وجهله ایوجه قوریدقدن صوکره خرمان ایدیلور .

بواصول ایوایسه ده محصول لایقیله قوریمزدن اول یاغموره طوتلمسی و ترلاسنده نباتات مضره وار ایسه تخملى رینک یونجه تخملى رینه قارشمسی و یراقلرینک دوکلمسی احتمالی واردر .


بشاقلر ال ایله طوبلانور ایسه شوایغونسلرل برطرف اولور

قوری هواده طوپلانوب اورتولی بریده قوریدیلور شو
حاله تخیلرینه برشی قارشیموب صافی وتمیز اولور و بدنلری
بیکیرله یدیریلور شو قدرکه بو اصول اولکیدن دها زحمت
ومصرفلی اولور .


تخیلری طراق ایله آلتی مکمل اصولدر چونکه ال ایله
طوپلامقده کی محسناتی جامع اولدینی حالدده دها سریع وآز
مصرفلیدر بونک ایچون موجود ایکی آلت واردر بری آمریقاده
ایجاد اولمشدرکه (شکل ۱۷۳) فراش شکلنده آرقه سنده ۱۰
پارمق مربعی اوزرنده برآرشون ۳۳ پارمق اوزون و اوچنده
۲۰ پارمق قطرنده ایکی تکرلکی حاوی بر دینکل اوزرنده ایکی یانلری
۶۶ پارمق اوزون منتهلری اینشلی بر صندوقدن وآرقه سی
برآرشون ۱۶ پارمق عریض و ۴۵ پارمق یوکسک ایکی قوی
حاوی بر قطعه دن عبارت اولوب دیی برآرشون ۴۸ پارمق
اوزون بر تخته دن معمولدر اوکنده ۲۴ پارمق اوزون ازیوری
یوقاری یه طوغری مائل ۴۸ دیشدن مرتب بر طراق بولنور
بو آلت دینکلک باشلرینه باغلی ایپ ایله بیکیره قوشیلوب واسع
ترالار ایچون استعمال اولنور .

دیگری (شکل ۱۷۴ — ۱۷۵) اوچ طرفلیدر ایکی
ویکدیکره متوازی یان قطعه لری ۵۰، ۵۰ اوزون و ۱۰، ۱۰ پارمق
یوکسک اولوب اوکی اینشلیدر اوچنجی آرقه طرفی ۲۵ پارمق
اوزون اولوب دیی قوطیسنی ۲۰ پارمق تجاوز ایدر یالکزر
بر تخته دن عبارت ونهایتی طراق شکلنده در — ب — قوطینک

دی بر طاق سیوری اوجلری یوقاری یه طوغری قالق ۴۵
پارمق اوزون بری دیکرندن ۳ پارمق سیرک دیشلردن مرتبدر



طاق
۴۵




طاق



طاق

۱- حرفیه مرق ارقه طرفندن ایکی ال ایله طراغی طومق
ایچون ویده ایله ثابت براغاج صاپ بولنور صاپک اوک
طرفی ۴۰ پارمق اوزون ونهایتی دیشلردن ۱۵ پارمق یوکسکدر
بو طراغی استعمال ایدن عمله آرقه دن اوکه وآشاغیدن یوقاری یه
طوغری طرفیل فدانلرینک اوکنه ایتدیکی حالده بشاقلر
دیشلری آراسنده قالب قوطینک ایچنه دوشر کوچک ترلالر
ایچون پک مناسب بر آلتدر .

خرمائی — طرفیل بشاقلرینی دوکوب تخمخیری غلافندن
چیقارمق مشکل برایشدر بشاقلر ایوجه قوریوب بعده آچیق
قوری برهواده دوکلدکدن صوکره ۱۶ خط دلیکلی ساج
الکلردن کچوریلور والکده قلانلری تکرار دوکلوب قالبور.
لندقدن صوکره دها اینجه بر الک ایله دفعه النور ایسهده
ایشی اوزون ومصرفلی اولدیغندن قولایلق ایچون (شکل ۱۷۶ -
۱۷۷) شکله کوستریلان ماکنه ایجاد اولمشدر .



(شکل ۱۷۷)



(شکل ۱۷۶)

بو ماکنه نزدبان شککنده برصپایه مربوط اولوب اوست
طرفنده - ۱ - بولنان خونیه ایوجه قوریوب دوکلدرک
تفریق اولمش بشاقلر اتیلوب اوراده یعنی - ج - حرفیله مرقم

اڭاج برسنڊرايله - ب - بر اوجي - د - يوارلاڻه وديڪر اوجي
 - و - حرفيله مرقم اينجه سلندره ربط اولئش قالين بر بز
 آراسنده دوڪلور - د - حرفيله اولان يوارلاڻڪ - ه - ديشلري
 - ز - قوليله دوندرلديڪي ڪي تخملر ايڪي بز آراسنده ازيلوب
 - و - مائل تخته دن صندوقه دوڪلور .

بشاقلر - ا - مذڪور خونيدن - ج - حرفيله مرقم سلندر
 اوزرينه ويده ايله ميخلى ۱۲ عدد مانطونه واسطه سيله مائل قطعه يه
 ڪچر بومانطونه لڙڪ هر ٻري يوقاريدنه خونينڪ آلتنده ڪي مائل
 قطعه نڪ مربوط اولديني چيوغى متعاقباً ضرب ايدرك آچوب
 بشاقلري سلندر ايله بز آراسنه آلور تخملر بو وجهله ماڪنه دن
 ڪچورلدڪن صوڪره دقتله قالبورلنور .

محصولى - حد وسط اوزره بهر جرييدن ۳۵۰ قيه
 طرفيل تخمى آلنور .

بعض چفتجيلر تخملى طرفيل طوپراڻي قوتدن دوشورر
 ادعاسنده ايسه لڙده بوا دعا تسليم اولنه من واقعا فدانلڙڪ طوپراڻي
 اڪ زياده يوردقلري زمان ميوه و تخمه ڪلڊڪلري زمان اولديني
 جهتله تخملى طرفيل دخی طوپراڻي يوره جنى درڪار ايسه ده
 مواد غدائيه سنڪ اڪثرينى هوادن آلوب تخمى تقديه ايجون عموم
 انسجه سنده وخصوصيله ڪوڪ ياقه سنده بريڪديرر بناءً عليه
 بونڪ يورديني طوپراق دڪل ڪندو ڪوڪ و بدنيدرڪه تخمدن
 طولاي انلر ايله طوپراڻه ترك ايدنه جيڪي مواد نباتيه نڪ مقدارى

ازالور فقط شونقصائی فدانلر تخمه کلنجه قدر غزلنان پیراقلریله
اعاده واکمال ایتمش اولور .

کرچه تخمقل طرفیله نسبة بیچمه طرفیلدن صوکره اکیلان
بوغدايک محصولی زیاده اولور ایسه ده تخمقل طرفیلی سوکمزدن
اول اوزرینه بر مقدار کوبره یایوبده بر نوبت ده اویانغسه
براقلمغله یاخود برنجی بیچمده تخمی آلتوب ایکنجی بیچمی
یشیل قطع اولنغله بو اویغونسزلق برطرف اولور .

آق باش طرفیل { بیاض یونجه }

کوچک یونجه دخی دیرلر . (شکل ۱۷۸) سنین همان
بتون چایرلرده خدای نابت اولور چیچکلری اوزون



(شکل ۱۷۸) آق باش طرفیل

صابلی بیاض پیراقلری دکر می وغایت اوزون زنبیلدر بدی
یر یوزنده اوتیه برویه اوزانوب هر طرفه یاییلور وطور اغه
طوقاندینی محالرده یریر کوکلنور قرمزی طرفیلدن پک [جوق
صوکره رراعته ادخال اولنمشدر .

عادی طرفیل زرعدن اصل مقصد اوتی بیچیلوب یشیل قوری آخوردده حیوانلره یدیرمکدر اشبو آق باش طرفیلک بدنری اوزانوب یریرکوک صالهرق ایچنده حیوان رعی اولمغله بره لیمکدن متأثر اولدیغندن یرنده اوتارمغه پک ایوکلور .

آق باش طرفیللقده اکثریا سودلی اینک وقیون اوتلادیلور قوه غدایه سی عادی طرفیلدن زیاده اولدیغندن حیوانلر بونی اکا ترجیح ایدرلر بونک ایله هم اعلا صناعی چایرلق یاپیلور وهمده طبیعی مرعالر تشکیل اولنور برقاچ انواعی واردد یکدیگردن بدنلرینک از چوق یاقینلنی ویراقلرینک قوت ورنکلریله تفریق اولنور .

اقلیم وطوپراق — بیاض یونجه یعنی آق باش طرفیل عادی طرفیلدن ده زیاده صوغوقلره طیانور قوری وخفیف طوپراقلرده اولدینی کبی پک رطوبتلی یرلرده دخی کوزل یتشور اک اعلا محصولی کیرج ایله زنکین سرین وخفیف طوپراقلرده اولور .

نوبت زرعی — نوبت زرعی عادی طرفیل ایله بردر کرک قیش اکینی ایچنه صوک بهارده کرک قیش یاخود یاز اکینی ایچنه ایلک بهارده زرع اولنور اوحالده کله جک صوک بهاردن اعتباراً ایچنه حیوان قاقیله بیلور اتی ایلک بهارده دیش طوته جق قدر بویلا ندینی کبی اوتارلمغه باشلایوب صوک بهاره قدر رعی ایدلدکدن صوکره سوکلوب یرینه قیش اکینی اکیلور .

اصول زرعی — اصول زرعی دخی عادی طرفیل کبی ایسه ده

بونك تخملىرى دها كوچك اولديغندن دها زياده جه اكيلوب ازدرين
كوملور بهر جريبه ۹ - ۱۲ قيه تخم كفايت ايدر حين زرغنده
اوزرينه براز كول صاچيلور ايسه چوق فائدهسى كوريلور .

حصادى — اق باش طرفليك اك ايو اصول حصادى
حيوانلرى ترلاسنه باشى بوش صاليور ميوپ قازقلره باغلى
اوتارمقدر خصوصيله زرع اولنديغى سنهك صوك بهارنده
يديريلور ايسه حيوانلر قريه لنور انك ايجون عادى طرفيله
توصيه ايلديكمز يولده تدابير صحيحه اتخايله استعمالى ايجاب
ايدر .

اق باش طرفيل هر نه قدر يشىل ايجون زرع اولنور ايسه ده
اوتى چوق اولان طوپراقلرده بيچيلوب قوريديله بيلور او حالده
ايكنجى سنهك ايلك بيچمندن عادى طرفيل مقدارنده فقط
دها اعلا اوت النه بيلور .


تخم استحصالى — آق باش طرفليك تخمى مطلوب ايسه
خزيرانه قدر حيوان رعى اولندقدن ياخود ايلك بيچمى
قوريدملق اوزره الندقدن صوكره ايكنجى بيچمى تخمه ترك اولنور
تخملىرىنىك صورت اخذ واستحصالى عادى طرفيل كيدير
دانهلى قابجقلرندن دها قولاي ايريلور ودها زياده تخم ويرر
دانهلى ديكر يونجه دانه لرندن دها اغيردر هر كيله سنك
اغيرلى جدول اتيده كوسترلشدر .

قيه قيه
۹۶ — ۹۸ آق باش طرفيل ياخود بياض يونجه دانهلى

۸۲ ۹۸ آل طرفیل
۸۰ ۹۸ عادی طرفیل یاخود قرمزی یونجه
محصولی — آق باش طرفیلک اوتی عادی طرفیلدن از
مصارفی ایسه اندن دها چوقدر.

یبان طرفیلی { آل طرفیل }

آل یونجه . یبان یونجه‌سی (شکل ۱۷۹) سنوی یعنی
بر سنه یاشار ہر فداندر پیراقلری
خاوی چیچکلری پارلاق قرمزی
واوزون بشاقلی اولدیغندن طولانی
اولکیلردن ایریلور .



(شکل ۱۷۹)

اوتی انجق بر کره بیچیلہ بیلور
قورسی اولکیلردن اشاغیدر طوپراغه
اوقدر تأثیری اولمز ایسه ده انلردن
اول یتشور یشلی حیوانلر ایچون
اعلادر طوپراغی برمدت مستقلاً
اشغال ایتیوب برسنه ایچنده ایکی اکین
اراسنده زرع اولنور.

انواعی — طرفیلدن اون بش
کون صوکره چیچکه کلور دیگر
نوعی وارددر برترلانک نصفی بوندن دیگر نصفی یبان طرفیلندن

اکیلور ایسه بری دیکرندن سوکره چچکه کله جکندن دوامی اوزانوب خیلی وقت حیوانلره یدیریلور .

اقلیم و طوپراق — بیان طرفیلی صیجاق اقلیملرده پک اعلا یتشور صوک بهاردن ایلک بهاره قدر تفیضدن کیرو طورمن کرچه صوغوق یرلرده دخی اولور ایسه ده شدتلی طوکلره طیانهمز . صولری سهولتله صورار از قتی طوپراقلرده ایو اولور پک قتی طوکلردن قباران زیاده کیرجلی طوپراقلرده اکثریا قیشین بوزولور اولکی طرفیللرک یتشه مدیکی قوملی طوپراقلرده دخی کوزل حاصلات ویرر .

نوبت زرعی — طرفیل حبوباتدن سوکره اکیلوب سنه سی ایچنده اوتی النور یعنی قیش اکیلری قالدقدن سوکره بیان طرفیلی اکیلوب نیسان ومایسده بیچیلور بعده یرینه پتاته شالغم قره بوغدای وداری اکیله بیلور یاخود قیش ذخیره . سی اکیله جک ایسه وقت زرعه قدر طوپراغی خالی برا . قیلور .

بیان طرفیلنک یاز سوکنده زرعی ممکن اولدیغندن ایلک بهار اکیلان تخم ایو اولمز ایسه کرک بتون ترلا وکرک تخمک بوزلدیغنی محللره یاز اواخرنده تکرار اکیلور .

طوپراق استحضاری — آل طرفیل اکیله جک طوپراغی درین قازمغه لزوم یوقدر اکین قالدیرلقدن سوکره اکثرلی دویرمک ایچون سطحی برصبان بعده برسورکی الویرر هر نه قدر عادی طرفیل کبی زیاده کوبره لی طوپراغه محتاج

دکل ایسه ده اندن اولکی محصولک طوپراقده براق دینی ماده وقوته کوره از چوق ایو اوتلق حاصل ایدر .

تخم انتخابی — تخمی نه قدر یکی ایسه اولقدر مقبولدر رنگی صارمتراق بیاض مجلا وپارلاق اولور سنه سی کچمش تخملر اسمر قرمزی بررنک کسب ایدر .

بعض تخمجیلر تخملری کوکورد ایله توتسیلیوب رنگلری صراردهرق تازه تخم یرنده صاتارلرکه دقت ایدوب الداناملیدر یکی وایو تخمک یوزده ۹۸ ی چیملوب فدانلر قوتلی اولور وهوانک سؤ تأثیراته طیانور اسکیلری ایسه انجق ۱۰۰ ده ۶۰ چیملوب فدانلری طیانقسز اوله جفندن اولور اولمز هودن اکثریا تلف اولور انک ایچون فیئاتنک اھونلکنه باقیوب ایولکنه دقت کرکدر .

اصول زرعی — اغتوسدن ایلول اون بشنه قدر فقط بریاغمور عقینده اکیلور صیجاق یرلرده یاغمور کچکور ایسه اوحالده تخمدن اول ترلایی صولامق اقتضا ایدر .

درت دونه ۱۸ - ۲۰ قه تخم انویرر فقط دانه لری قبوقلی ایسه اوحالده ۵۰ - ۶۰ اوقه ایستر اوילה قبوقلی تخملر ایچون طوپراق استحضاری اقتضا ایتمز همان اکین قالدیرلقدن صوکره تخمی سریلوب اوزرینه مردانه چکیلور قبوقسز چلاق تخملرده برصبان ورسورکی لازمدر یبان طرفیانی یعضاً قیش بورجاغیله برابر اگرلرکه صیق طیانقلی وکیفیتی اعلا برچایر تشکیل ایدرلر .

بعض محللرده دخی تموز اغستوسده بو طرفیل ایله برابر
 داری اکوب صوک بهار اواخرنده اوتی بیچر وکله جک
 ایلك بهارده یکی سورکونلرینی یشیل یدیرلر .
 بیان طرفیلی سائر طرفیلر کی آچیدن پک خوشلانده
 یغندن تخمیلر چیملندیکی وفدانلری ایلك بهارده اویانغه
 باشلادیفی زمان الحیلامق لازمدر .

حیوانات مضره — اشبو بیان طرفینه برطاقم بوجکلر
 وخصوصیه صوک بهار یاغمورلری ائناسنده سموکلیر مسلط
 اولوب بعضاً طرفیلی کاملاً تلف ایدرلر کرچه ترلاسنده اکین
 صائی یاقلدیفی کی تسلطدن قورتاریله جفی بالتجربه ثابت ايسده
 اوزرنده مردانه کردیرمکله دخی ازیلوب اتلاف ایدیله جکی
 درکاردر .

محصولی — بیان طرفیلی یشیل استعمال اولور سرعتله
 قوته کیده جکدن بشاقلری چیچکه کلور کلز بیچیلور یاخود
 یرنده حیوان چاقیلوب اوتلادیلور .

اورته حساب ایله بهر جریبک یشیل طرفیلی ۵۰۰۰ قیه
 قوری اوته مساویدر .

بعض چفتجیلر بیان طرفیلنک بر مقدارینی تخم بر اقوب صوکره
 بیچهرک ایوجه قورتدقن صوکره قابجقاریله برابر تخمیلرینی
 یولاف یرنده حیواناته وخصوصیه بیکیرلره ویرلر صاپ
 وصمانی یتاق یرنده استعمال ایدرلر بهر جریبدن ۳۰۰۰ قیه
 قابجقلی و تخمیناً ۳۰۰ قیه قابجقسز تخم النور .

شو اوج نوع طرفیلدن بشقه خیلی وقتدنبرو ملز واینجه
یونجه دخی استعمال اولمقدهدر ملز یونجه عادی طرفیله یقین بر
نوعدر بدنری اوزون قالین وصیق اکیلور ایسه طوغری
طورر یراقلری اکی وتوکسز کوکلی دیک وچیچکلی آق
باش طرفیل کبی در قتی صوغوق ورطوبتلی طوبراقلری سور
عادی طرفیل کبی اکیلور دوغنه بریحق وایکی قیه قبوقسز تخم
الورر .

اینجه یونجه دخی اولکنه یقین ایسهده بدنری ده اوافق
وچیچکلی نصف جمده پنهدر اندن ۱۵ کون صوکره
چیچکه کلور یراقلرنده اسمر برخاو وار در .

صوانلی والت طبقهسی تیمورلی خفیف طوبراقلرده ایو
اولور ملز یونجه کبی باقیلوب اومقدار تخم اکیلور .

بیوک یاخود قبا یونجه { قرط }

قبا یونجه (شکل ۱۸۰) چیچکلی مور قرمزی
یاصاری ثمار بقلیهسی یعنی بقلهسی صالیانقوز شکنده
بدنی طوغری ۴۰ - ۶۰ پارمق اوزون اولور پک اسکی
وقتدرده ایراندن یونانه ویوناندن رومایه کتوریله رک صوکره
عموم اوروپایه یایلنشدر ممالکمزک بعض محللرنده اکیلوب
استعمال اولتان یونجه بو یونجهدر .

محفوظ اولدینی طوپراق و اقلیملرده عادی طرفیل قدر



(شکل ۱۸۰)

مقبولدر عادی و سائر طرفیللرک
یتشه مدکلری یرلرده قبا یونجه
کوزل اولور حظ ایتدکلری
یرلرده بری دیکرینه ترجیح
اولنه منر محصوله عادی طرفیل
ایله برابر در یشیلی قوریسی
حیوانلرایچون اعلا اوتدر سائر
یونجه لردن زیاده طیانور
یاز صوکلرنده دیکر یونجه بولنر
ایکن بوندن اعلا و کیتلی اوت
النور سور کلکیلکندن طولانی
منتظم برنوبت زرعه تطبیق
اولنه منر انک ایچون عادی

طرفیل ایله برابر مشترکاً زرعی توصیه ایدر لر .

اقلیم و طوپراق — قبا یونجه صیجانی سور معتدل رطوبت
ایستر شدتلی قیش و صوکلر دن متأثر اولدیغندن صیجاق
وازرطوبتلی محللرده یازک کثرت حرارتنه باقیوب دائماً بیومکدن
قالیه جنی جهتله هان سنه ده ۵ - ۶ و ۸ دفعه بیجیله بیلور
پک صوغوق یرلرده یعنی ۶۶٪ عرضندن ایلر و ده زرعی توصیه اولنه منر
ایسه ده عادی طرفیلک یتشه میه جکی قوزی طوپراق لره اکیله بیلور .
قبا یونجه میه مناسب اولان طوپراق لری صایه حق یرده

اولیانلری صایق دها قولایدر قی کیلی طوپراقلرده چابوق بوزیلور الت طبقه لری صو طوتان رطوبتلی خفیف واورته طوپراقلرده دخی ایو اوله من اک زیاده قورقدینی از درین طوپراقلدرر چونکه کوکری ۲ ارشون قدر درین کیتمه مستعد اولدیغدن صولری ایو صورار پک درین طوپراقله محتاجدر کوکری دالی دکدرر یالکتر اوجلرنده برطاقم اوفاق پورچکلرلر واردرکه بونلر ایله اطراف وجوارنده بولنان مواد غذائی چکوب الور اوزاندقجه طبقات ترابیه ده مواد انباتیه جدیدیه تصادف ایدر شو حالده صو صورمن قی طبقه لره تصادف ایدر ایسه بیومکدن قالوب تلف اولور انک ایچون سائر یونجه لرده طوپراغک اوست طبقه سنه دقت اولندیغی حالده قبا یونجه ده طوپراغک الت طبقه لرینک حالنه نظر ایتک لازمکلور .

نوبت زرعی — قبا یونجه یرینه کوره ۴ - ۱۲ سنه دوام ایلدیکندن منتظم برنوبت زرعه تابع اوله مزایسه ده قنغی محصولدن صوکره زرعی لازمکله چکی تعیین اوانه بیلور بوبابده اتی الذکر اوج نقطه یه نظر ایتلیدر ۱. طوپراقده ممکن مرتبه نباتات مضره تخمی بولنامسی ۲. الت طبقه لری مواد انباتیه یی حاوی اولسی ۳. زیاده درین قازیلوب ایجلمسیدر.

یومری کوکلی وزیاده کوبریه محتاج اولان مزروعات ایله کوک بویا طوپراقلری وعلی العموم یکی آچملر قبا یونجه یه اک مناسب طوپراقلدرر .

بویونجه چوق اوت ویردیکی حالده ینه سائر بقلویه لر کبی کندوسنی بسلیان طوپراغی قوه انباتیه دن دوشورمز بالعکس اصلاح ایدر سببی ایسه مواد غذائیه سنک قسم کلیسنی هوانن الدیغیدر برده طوپراقده براقدیغی کؤک و پیراقلری اعلا و قیمتدار بر کؤبره اولور قبا یونجه مدت دوامنه کوره یرنده ۲۰ - ۲۵ بیک قیه کؤک براقورکه حساب اولنور ایسه یونجه نك حین زرغنده طوپراقده موجود اولان قوه انباتیه یه مساویدر اراصره و یریلان کؤبره ایسه جابه قالور .

بویله کؤبره لی زنکین طوپراق معلومدرکه هر محصوله یرار یالکز اکینه گلز چونکه ایلک سنه طوپراق غایت قوتلی اوله جفندن اکینلر یاتور یونجه دن صوکره ابتدا پانجار کبی یومری کؤکلی نباتات زرعیله نوبته باشلامق دهها مناسبدر سوکیلان یونجه ترلاسی زیاده درین قازیلوب طوپراغی تخفیف اولنه جفندن موجود اولان قوتی اکیله جک نباتات کؤکلرینی لایقیله اداره ایده جکندن بشقه کؤبره اعطاسنه حاجت قالمز و کله جکده حبوبات زرغنه دخی مساعد اولور شو قدرکه خفیف از منبت طوپرا. قره اکیلمش ایسه او حالده یونجه دن صوکره حبوبات اکیله بیلور. سوکلان یونجه یریه ینه یونجه زرعی موافق دکلدن یونجه زرغندن تاسوکلنجه قدر اوزرندن قاچ سنه مرور ایتیش ایسه تکرار یونجه زرعیچون ینه اوقدر مدت بکلمک لازمکلبور زیرا طوپراغک الت طبقه لرنده کی مواد انباتیه یی الوب دوکدیکی پیراقلریله اوست طبقه سنه طوپلامش اوله جفندن طوپراغک

یوزی منبت اولوب الت طبقه‌لری قوتسز قالور شو حالده
طوپراغك اوست طبقه‌سندن استفاده ایده‌جك نباتات زرع
اولوب تکرار یونجه ایچون صولر ایله مواد انباتیه بتکرار الت
طبقه‌لره سوزیلوب بریکنجه قدر برخیلی زمان انتظار لازمدر.
عکسی حالده یعنی یونجه سوکلوبده ینه یونجه اکیلور ایسه
مادامکه اوست طبقه‌سی غایت منتبدر ایلک سنه پك کوزل
یونجه ویرر ایسه‌ده کوکلری درینه کیتدجه غایت ضعیف
طبقه‌لره تصادف ایده‌جکندن طیبی قوتدن دوشوب
بوزولور و طوپراغك التی اوستی‌بتون بتون ضعیفلشور فقط
خفیف طوپراق‌لرده طبقه‌ منتبدهن صولر ایله قوه انباتیه الت
طبقه‌لره چابوق نقل ایده‌جکندن او قدر مدت بکلمکه حاجت
براقز.

طوپراق استحضاری — قبا یونجه‌نك کوکلری زیاده
اوزاندیغندن طوپراغی درین قازیلور ازدن ۴۵ - ۵۰ پارمق
درین کریزمه یا پلدقدن صوکره تخم اکیلور وبو کریزمه دخی
تخم اکیله‌جکی قیشدن اول یاییلور اگر یونجه‌دن اولکی مزروعات
طوپراغی ذاتاً کریزمه ایدلمش ایسه تکراره حاجت اولیوب
علی‌العاده برصبان کفایت ایدر.

کوبره و مصلحات — قبا یونجه اکیله‌جك طوپراق ده‌ا اول
یونجه‌لق دکلدیسه اکیله‌جکی وقت کوبره‌ملک ایجاب ایتمز فقط
فضله کوبره اولوبده وریلور ایسه ده‌ا اعلا اولور اگر اولجه
یونجه اکیللمش ایسه هر حالده کوبره ویرمک ضروریدر.

کوبره یی دخی بر سنه اول ویروب یومری کوکلی نباتات
اکدکن صوکره یونجه زرع ایتلیدر چونکه بو طریق ایله
کوبره ده بولنان نباتات مضره تخمیری اوسنه چابه ایله تمیزلنور
وکوبره نك اك چوغی صولرایله الت طبقه لرده بریکورکه یونجه
زرعنده مطلوبده بودر .

یونجه دن ذها زیاده استفاده ایچون کوبره یی ایکی دفعه ده
بری درین ودیکری سطحی اوله رق ویررلر شویله که ویریه جک
کوبره نك یاریسی اولا طوپراغک یوزینه یاییلوب صبان ایله
تخمیناً ۴۵ ودیکر نصفی دخی مؤخرأ یاییله رک ایکنجی صبان ایله
یالکر ۲۵ پارمق درین کوملورکه کوبره ایکی طوپراق طبقه سی
اراسنده بری برندن ۲۰ — ۲۵ پارمق ایرلش اولور .

شو حالده یونجه تخمی حین زرعه دیکر اینجه کوبره ایله
برابر امک اقتضا ایدرکه کوکلی اوزانوب کوبره طبقه لرینه
واصل اولنجه قدر بسلسون بو طریق تعریفدن غرض یونجه نك
ایلروسی تأمیندر چونکه سنین کوکلیک د ائما ایلروسی کوزتمک لازمدر
یونجه یه اك مناسب طوپراقلر خمیت کیرج و (اتربه محترقه)
یعنی چوریوب طوپراق اولش کوبره یی حاوی اولان
طوپراقلردر اگر طوپراقدن ذاتاً (موادکلیسه) یعنی کیرج یوغیسه
زیاده مارن وکیرج والچی ویرمک اقتضا ایدر الچی استعمالی
دها قولای ودها اهون اولدینی جهتله دیکرلرینه ترجیحی
توصیه ایدرز .

عادی وسائر طرفیلرله مناسب کوبره لر قبا یونجه یه دخی ايو

کلور اینجه بیکر فشقیسی ایله چوریوب طوپراق اولمش کوبره لر
یکی کوبره لردن ایودر .

اصول زرعی — تخم انتخابی . قبا یونجه تخمك اك اعلاسی
صاری پارلاق وایر اولنلری و بیاضلری هنوز اولغون اولیان
واسمرلری کچکین یاخود قبوقلرندن ایرلق ایچون شدتلی حرارته
قونیلانلر بدر هر حالده عادی طرفیل تخملری کبی ایوجه معاینه
ایتمک واکمزدن اول ایکی بز اراسنده باصدیریلوب اقیمون
تخملرندن ایرلق ایچون الکدن کچورمک ایجاب ایدر .

موسم زرعی . قبا یونجه ایلک و صوک بهارک هر ایکسینده ده
اکیلور فقط ایلک بهارلری صیجاق قوری اولان یرلرده و قتیله
یری قازیلوب حضرلنه میه جغندن علی العموم صوک بهارده اکیلور
شو قدرکه صوغوق یرلرده یعنی ۴۲ — ۴۶ درجه عر ضده
طوکلر کلزدن اول فدانلر الویره جک قدر بیویوب قوتلنمک
ایچون اغستوس صوکنده و معتدلجه یرلرده ایلول اورته سنده
زراع ایدملیدر .

ایلک بهارده هوالری رطوبتلی اولان محللرده یونجه بی صوک
طوکلردن صوکره اکرلر چونکه ایلک بهارک آجی طوکلری
هنوز چیملنان فدانلری خراب ایدر بوزمان اکشی موشموله نك
چیچکه کلدیکی زماندر برده او زمانه قدر طوپراقده نباتات
مضره تخنی ویا کوکلری وار ایسه چیملنمش و او یانمش
اوله جقلرندن اکمزدن اول سهولته چیقاریلوب دفع ایدیلور .
تخمك مقداری — قبا یونجه تخنی عادی طرفیلدن دهایری

ایسه ده فشقین پیدا ایتز یعنی قرداشلانمز انک ایچون عادی طرفیلدن دها زیاده تخم اکمک ایجاب ایدر بر جریبه ۲۰ قیه تخم الویرر .

موسم زرعی — قبا یونجه صوک بهارده اکیله جک اولسور ایسه بشقه اکین ایله قارشیدیرلیوب یالکز زرع اولتور که قیشدن اول طوبراغی صورت مطلوبه ده قبادوب قوتله جکندن سنه ایه ده کلیتو اوتی بیچیلور بو حالده طوبراغک یوزی سورکی و مردانه ایله ایوجه اینجلد لکدن صوکره تخمی اکیلوب دیکنلی چالی سورکیسی ایله اوزری خفیفجه اورتیلور .

ایلك بهار زرع اولنه جنی تقدیرده عادی طرفیل کی دیگر اکین ایله برابر اکیلور که انک سایه سنده سایه لنوب یکی سورکونلری صوغوقدن وایلروده قوراق وزیاده صیجاقدن قورینور .

یونجه ایله برابر زرعه مناسب تخم لر عادی طرفیل ایله اکیلان نباتاتدر طوبراغک طبیعتنه کوره جنسی ونوعی تعیین اولنوب یونجه دن اول ویا برلکده اکیلور شو حالده یونجه تخمی برلکده اکیله جک تخم صاچلد قدن صوکره اکیلور بونکله برابر یونجه ایله اکیله جک تخمک مقداری علی العاده اکیلان تخمک نصفی درجه سنده اولمیدر چونکه تام تخم اکیلدیکی حالده یونجه یی صیقشدیروب بیومکدن یقور .

تیماری — صوک بهارده اکیله جک قبا یونجه پیراقلرله

طوپراغی قباتور قاتاز یارم ترتیب آلچی ویریلور ایسه فداندلر قوتلنوب قیشک صوغوقلرینه طیانور ایلک بهارده اکیلان یونجهیه برابر زرع اولسان اکین قالدیرلقدن صوکره آلچی ویریلور وهرایکی سنهده بردفعه اکر طوپراق کیرجسزایسه هر سنه یارمشر ترتیب آلچی ایله یونجهلر الحیلانور .

یونجهلری نباتات مضره تسلطدن محافظه ضمنتده زرعدن صوکره کی کوزین بردفعه وسنه آتیده ایلک بیچمدن صوکره ایکنجی دفعه خصوصیه سنین نباتات مضره کورندیکی انده کوکلریله برابر تلف ایدیلور مؤخرآ یونجهلر ایوجه کوك صالقدده یعنی اوزرندن ایکی سنه کچدکده بری ایلک بهار اوپانزدن دیکری صوك بیچمدن صوکره ایکی دفعه سورکی صبائی ایله سورکیلنوب هر سنه تکرار اولنور .

طوپراغک الت طبقه لرینک ممکن مرتبه قوه انباتیه سنی اترتمق و یونجهلغک دوامی اوزالتمق ایچون اراصره ترلاسنه کوبره یایمق لازمدر چونکه بو طریق ایله کوبره نک شربتی یاغمور ایله الته سوزیلوب طوپراغک الت طبقه لرینه واصل اوله رق کوکلرینی ایوجه بسلر .

بونده دخی کوبره نک اسکسی ایودر چونکه یکی کوبره چابوق تأثیر ایتیموب اغیر چورر ویبائی اوتلر بتوروب یونجهیهی قئالشدیرر انک ایچون چابوق اریر یعنی ایلک یاغمورده شربتی طوپراغک ایچنه سوزیلور غایت اسکی ایجه یاخود توزلی وصولی کوبره لر یاییلور بو کوبره دخی تخم زرعنک ایکنجی قیشی

انسانسند ویریلوب هر ایکی سنهده تکرار اولنور ایکی کوبره اراسنده یعنی کوبره ویرلیان سنه ایچنده یوقاریده دیدیکمز کی یارم ترتیب الچی ویرملیدر یونجهیه نه قدر کوبره خرج اولنور ایسه اوقدر زیاده طیانور واونسبتده اوتی چوغالور .

صیجاق اقلیملرده یونجه صو ایستر هر بیچمده صواریلور ایسه بیچم نوبتی ارترر فقط اوصرده بولجده کوبره اعطاسی لازمکلور .

نباتات طفیلیه و حیوانات مضره — قبا یونجهیه ایکی نوع نباتات طفیلیه مسلط اولوب اکثریا دوامنه مانع اولور بری عادی طرفیل بحثده بیان ایلدیکمز (اقیمون) دیکری کوکلرده پیدا اولان ذات الالقاح خفیه جنسندن برطاقم طفیلی منظرلردر بومنظرلر قزلسی اینجه ایپلک شکلنده پیدا اولوب کوکلری احاطه ایله یونجهیی قوریدر یونجهلقده اتم اتم کور. ینان چپلاقلق کیتدکجه چوغالور سبی کوکلرنده منظر پیدا اولمسیدر بوعلته طوتیلان یونجه قطعهلرینک اطرافنده درین خندقلر اچیلوب قنالغک اوکی النغه چالشیلور ایسهده فلاح بولمز یونجهلنی سوکوب برخیلی سنه اورایه یونجه اکمامکدن بشقه دفعنه چاره یوقدر .

بوجکلردن یونجهنک قورقونج دشمنی مغطی الجناح جنسندن توکلی بوجکدر بونک رنکی پارلاق سیاه شکلی بیضی اولوب ارککی (شکل ۱۸۱) و دیشیسی (شکل ۱۸۲) ۸ خط

اوزوندر مایسده طرطیل (شکل ۱۸۳) شکلنده چیچکدن براز
اول یونجه نك ایلک سورکونلرنده ظهور ایدر ابتدا او قدر



(شکل ۱۸۱)



(شکل ۱۸۲)



(شکل ۱۸۳)



(شکل ۱۸۴)

مضرتی حس اولغز ایسده کیدرک بوجکه تحول ایله چفتلشوب
دیشیلرنک هر بری یونجه دو کندیلری اوزرنده ۲۰۰ یومورطه
براقورکه بیضی اوزون پارلاق وقوی صاریدر (شکل ۱۸۴)
یومورطه لرینی براققدن صوکره اکثریا تلف اولور ایسده
ایلک بیچمدن صوکره یومورطه لردن یوز بیکلرجه قوردلر چقه رق
یونجه نك یکی سورکونلری اوزرینه اوشوشوب خراب ایدرلر
اگر سریعاً اتلافی چاره سنه باقلمز ایسه ایکنجی بیچمی کاملاً
یرلر بونلر دخی تکرار یومورطه براقوب طرطیللر پیدا ایله
کله جک بیچمی وهکذا یازک ختامنه قدر یونجه یی تلف وکله جک
سنه عینی حرکت ایلرلر. بوبوجکلر فدانلرک تپه سنه چیقنجه
قدر تأخیر اولنه رق بعده یونجه بیچیلور قوریدینی زمان
بوجکلر ییه جک برشی بوله میه جقلرندن بشقه قسمت ارامق
ایچون ترلانک کنارینه کلنجه قدر اجلقدن کاملاً تلف اولورلر.
یونجه نك ایلک بیچمی اکثریا زیاده صولی اولدیغندن قوریننجه

اغیرلنک یاریسنی غائب ایدر ایکنجی بیچم دها اعلا اولور
بناءً علیه ایلک بیچمده بوجکلرک اتلافیچون ضایع ایدیلان
اوتک اوقدر ایهیتی یوقدر. بعض یرلرده یونجه لغه بر طبقه صمان
یایوب آتش و یرلرکه بوضورتده طوپراقدن چیقان بوجکلر
یانوب وایچنده کیلر دخی دوماندن بوغولوب تلف اولور .

. حصادی — قبا یونجه چیچکه کلدیکی وقت بیچیلور دها
ایرکن بیچیلور ایسه پک صولی وقوه غدائیہ سی از اولدیغندن
کوچ قورر پک کیچ براقیلور ایسه قارتاله جغندن مقبول دکلر
اگر قوریدیلوب صاقلانه جق ایسه صوک اوتی مساعد هوایه
تصادف ایتک ایچون چیچکدن اول بیچوب الورلر .

عادی طرفیل کبی بودخی یشیل وقوری قغیسی مطلوب
ایسه اویولده استعمال اولنور یشیلی عادی طرفیلده تعریف
ایتدی کمزصول اوزره قوللانیلور فقط بویونجه عادی طرفیلدن
دها چابوق قریه علتی تولید مستعد اولدیغندن اتی منعه
اهمال جائز دکلر .

اوتی دخی طرفیل کبی قوریدیلور صوبی از اولدیغندن
چابوق قورر قورینجه پیراقلرینی بر ازدوکر فقط اصل قوه
غدائیہ اشبو پیراقلرده اولدیغندن دوکلامسنه دقت کرکدر بونک
ایچون اولاً طوتاملر بری برندن اوزاق قونوب کونده ۲ - ۳
دقه اغاج چتال ایله الی اوسته کتورلدکن صوکره افاق
یغینلر یاپیلور بعده اورته یغین یایمق اوزره ایوجه قورینجه
قدر هوالندیرمق ایچون اراصره چویریلور ونهایت بیوک

يېغىنلار يايىلوب چىك قالدقدن صوكره دمت ايدىلور ياخود اولدىنى كېي اولتقخانيه كوتريلور قبا يونجه قورينجه ۱۰۰ دە ۷۵ غائب ايدر .

حاصلاتی — قبا يونجه نك ويره جكي اوتك مقداري اقليم و طوپراغك طبعته كوره تخلف ايدر صيجاق اقليم ومناسب طوپراقلرده ۳ سنه لك بريونجه لغك جرييندن سنوی ۱۳۰۰۰ ورطوبتلى محللرده وزیاده قوری طوپراقلردن ۴۵۰۰ قيه قدر يونجه النور .

يونجه نك ياشنك يعنى اسكيلكنك حاصلات سنويه سنه خلی دخلی وارد ايلك سنه نك اوتی از فقط ايكنجی و اوچنجی سنه لرده پك چوق اولور اندن صوكره اسكيدجكه اونستده ازالمغه باشلر و بر درجه يه قدر تنزل ايدر كه سوكمكدن بشقه چاره يوقدر . اقليم طوبراق وكوبره سی اورته حالده بولنان بريونجه لغك جرييندن سنوی النه جق قوری يونجه نك مقداری جدول اتیده محرر در .

سنة	قيە
۱	۳۲۰۰
۲	۱۰۵۰۰
۳	۱۰۰۰۰
۴	۰۹۵۰۰
۵	۰۸۴۰۰
۶	۰۷۶۰۰
۷	۰۶۶۰۰
۸	۰۵۲۰۰
	<hr/>
	۶۱۰۰۰

شویکونی سکره تقسیم ایتدی کمزده حاصلات سنویه سی ٧٦٢٥
قیه اولور .

دوامی — قبا یونجه سائر یونجه لردن زیاده طیانور
فقط شو دوامی طوپراغک درینلکله الت طبقه لرینک زیاده
منبت اولسنه متوققدر یونجه کوکلری صو صورار طوپراغه
نه قدر درین کیدر ومواد انباتیه بولور ایسه اوقدر زیاده طیانور
فقط اک منبت طوپراقلرده بیله یبانی اوتلر وخصوصیه ایریق
چو غالب طوپراغی ضعیفلر و یونجه یی بوغار اک محظوظ اولدینی
طوپراقلرده نهایت ١٢ سنه طیانیه یلور لکن علی العاده ٤ سنه دن زیاده
طوتمایلدیر زیر اندن صوکره نه قدر زیاده قالسه کیتدجه اوتی ازالور .
سوکلیسی — یونجه لق سیرلدکجه سوکلیدر زیرا سوکلیدیکی
حالده بر طاقم یبانی ومضر اوتلر ظهور ایدرک طوپراغک
یهوده یرده قوه انباتیه سی صرف اولنش اولور سوکمه وقتی
یاقلاشنجه ایکی سنه اول نوبت زرعدن دیکر مناسب اراضی
تفریق اولنهرق بشقه یکی یونجه لق اتخاذا اولنور .

کریز مه بحثده بیان ایلدی کمز پوللق وقوطان بولنمیان یرلرده
یونجه بدنلری یاقه لرینک الت طرفدن ال چاپه سیله کسلوب
ممکن مرتبه درین بر صبان سوریلور صوکره عادی بر صبان
دها ایشلدکن صوکره متعاقبا سورکی ومردانه کردیریلوب
طوپراغی تخم اکیله جک مناسب حاله کتوریلهرک یوقاریده تعریف
ایلدی کمز نوبت اکینی اکیلور و اکیله جک اکینک موسمنه کوره
یونجه لق سوکیلور .

تمخ استحصالی — آکثریا تخمی سوکیله جک یونجه دن الورلر چونکه ایلک سنه لرده یونجه تمخه بر اقلور ایسه طویراغی قوتدن دوشورر قغنی سنه تمخ الیه جق ایسه او سنه نك ایکنجی بیچمنده نباتات مضره قاریشق اولیه جقندن بیچیلیموب تمخه بر اقلور قبوقلری کاملاً قرار دقدن صوکره بیچلوب قوریدیلور عادی طرفیل تخملری کبی دانه لری قبوقلرندن ایریلوب نباتات مضره و خصوصیه اقیمون تخملرینی تفریق ایچون قالوردن کچوریلرک تمیزلور درب دونم بردن تخمیناً ۷۰ قیه صافی یونجه تخمی الیه بیلور .

آجی طرفیل { صاری یونجه }



(شکل ۱۸۵) آجی طرفیل

قره یونجه (شکل ۱۸۵) سنتین یعنی ایکی سنه طیانور بر فداندن چیچک لری غایت کوچک صاری و بر بشاقده طویل و بدنی یاتغین در ۳۳ پارمقدن زیاده اوزانمز خفیف کیرحلی و صوانلی طویراقلرده کندو کندویه یتشور عادی طرفیل کبی چوق و اغلا اوت یایه مزایسه ده انک یتشه بدیکی پک قوری طویراقلرده کوزل اولور بیجی اذدر فقط یرنده اوتاریلور زیرا بر طرفدن یدیرلدکجه دیگر طرفدن

سورر عادی طرفیل وقبا یونجه کی قیونلری قریه علتته کرفتار ایتمز .

اقلیم وطوپراق — آجی طرفیل صیجاق ومعتدل یرلردن زیاده صوغوق اقلیمدن خوشلانور هر طوپراقده یتشور قبا یونجه یه ابو کلیان قوری قوملرده واولیا اوتنه یعنی بورچاق یونجه سنه یرامیان کیرجلی طوپراقلرده ده ایو اولور .

نوبت زرعی — عینی عادی طرفیل کیدر بعض محللرده آق باش یونجه ایله برابر اکوب قیونلر ایچون اعلا چایر تشکیل ایدرلر .

اصول زرعی — آجی طرفیل دخی عادی طرفیل کی اکیلور واولمقدار تخم استعمال اولنور اگر آق باش ایله برابر اکیله جک ایسه بهر جریبده ۸ قیه آق باش و ۷ قیه آجی طرفیل تخمی بری برینه قارش دیریلوب اکیلور .

حصادی — آجی طرفیل قوریدیله مز سبی دخی اوتی پک آز اولمسیدر زیرا جریبنده ۳۰۰۰ قیه دن زیاده اوت اولمز فقط طوار اوتار مق ایچون پک ایودر ایلک بهار اکنی ایچنه اکیلور ایسه صوک بهاردن اعتباراً حیوانلره یدیریلور کله جک ایلک بهارده چیچکه کلدیکی زمان ایچنه قیون صالیویریلوب بتون یاز ایکی اوچ کره تکرار اولنور وکله جک صوک بهارده قیونلری اوپاده اغیلا دقدن صوکره سوکیلور .

متنوع یونجه‌لر

دها برچوق نوع یونجه‌لر وار ایسه‌ده استعمال اولنانلری
آئیده کی ایکی نوع یونجه‌در.

اوراق یونجه‌سی — بقله‌سی فاصولیه کبی اوزون واوراق
تیموری کبی آگری و بدنلری یایغین اولدیغندن قبا یونجه‌دن
تفریق اولتور قبا یونجه یتشیمان غایت قوری طوبراقلرده
یتشورایسه‌ده اوتی ائک قدر اعلا دکلدر.

قیش یونجه‌سی — بدنلری یایغین و غایت قوتلیدر همان بر
آرشون ۳۳ پارمق قدر اوزانور قبا یونجه کبی زیاده کوبره‌یه
احتیاجی یوقدر.

بورچاق یونجه‌سی { اولیا اوتی }

بورچاق یونجه‌سنه فرنکلر اولیا اوتی و بیان خروس ایکی
دخی دیرلر (شکل ۱۸۶) قوری قیصرقیالتی یرلرده و کیرجلی
طاش یارقلری اراسنده دخی کندو کندویه بتر سنین وقازق
کوکلیدر بدنلری طوغری ۳۳ - ۳۶ پارمق یوکسلور
بشاقلری یراق قولقلرنده ظهور ایدر اوزون صابلی
و چیچکلری قزلسی پنبه و تخم یوماقلری برر دانه‌لی و کیر-
پیکلیدر.

بورچاق یونجه‌سی عادی طرفیل و قبا یونجه قدر
مقبول بر فداندیر ایلك بهاردن تا قوراكلره مصادف یرلرده

حيوان ييه جكي اوتلرك اك اعلا سيدر اينكلرك سوديني چوغالدر



(شكل ۱۸۶) بورچاق يونجه سي

ايو محصول ويرر اوتى وكيفيتى
اعلا اولور حيوانلره عادى
طرفيل كبي قرپه كتورمز
وقبا يونجه كبي چيچكلرى تامينه
انكشاف ايدنجه قدر قارتالز
كرچه انلر قدر چوق اوت
ويرمز ايسه ده كيفيتى آنلردن
اعلا وتخملىرى يولافدن ايكي
اوج قات بسله يي حيدر طاوقلره
دخى ايو كلور يومور طلادر .
مركبات كيميويه سى —
۱۰۰ قسم كولنده اتى المقدار
مواد معدنيه بولتمشدر .

بعض حموضات نباتيه ايله مركبدر	پوتاس	۶,۷۵
	سوده	۲۰,۳۳
	ماغزيا	۸,۵۷
	فوسفوريت كيرج	۵۴,۸۹
	فوسفوريت حمض اخير حديد	۲,۸۷
	كبريتيت كيرج	۳,۳۱
	كلور سوديوم	۲,۱۸
	صوان	۱,۱۰

جدول مذکوره نظراً بورچاق یونجه‌سی پک چوق کیرج
وسوده‌نی حاوی برفداندر .

انواعی — بورچاق یونجه‌سی خفیف فقط درین وزیاده
کوبره‌لی طوپراقلرده مدت مدیده اکیلمله برنوعی استحصال
اولنشدرکه اسمنه بیوک بورچاق یونجه‌سی (بیوک اولیا اوتی) دیرلر
فوق العاده قوتلی اولدیغندن سنه‌ده ایکی کره بیجه کلور فقط
عادی بورچاق یونجه‌سندن ده‌ا یو طوپراق ایستر.

بورچاق یونجه‌سی الت طبقه‌لری صوصوران ویومشاق اولان
قوری وکیرجلی طوپراقلرده ایکی کره بیجیه بیلور عموم خفیف
صوانلی چاقیلی طوپراقلرده دخی هر سنه آجیلانور ایسه کوزل
یتشور فقط التده صوطوتان قتی کیلی ورطوبتلی طوپراقلردن
خوشلانمز .

نوبت زرعی — بورچاق یونجه‌سی منتظم نوبت زرعه کلد.
یکندن قبا یونجه کبی نظر اولنور واندن صوکره اکیلان
اکین ایله ایدیلان عملیات بونک حقنده دخی عینیه اجرا اولنور .
طوپراق استحضاری — بورچاق یونجه‌سنک کرچه کو.
کلری قبا یونجه‌قدر درین کیتمز ایسه‌ده ینه طوپراغی قبا یونجه
کبی درین قانویلوب تسویه اولنمیدر .

کوبره ومصلحات — بورچاق یونجه‌سی غدا سنک بر قسمنی
هوادن الور ایسه‌ده طوپراقدن دخی غدا اخذینه محتاج اولدیغندن
قبا یونجه‌یه ویریلان کوبره‌لر بوکا دخی ایو کلور بوده درین
کیدن کوکلریله تغدی ایده‌جکندن کوبره شربتک الت طبقه‌له

قدر ایصالی لازمدر فقط الدینی مواد غدائیہی کوك و یراقلریله
مع زیاده طوپراغه اعاده ایدر انك ایچون طوپراق کوبره
ایله نه قدر زنکین اولورایسه قوتی ودوامی اول درجده چوق
اولور واونستده یرنده کوبره یراقور.

اك مناسب کوبره لر کول اوجاق قورومی و آلیدر دیگر
بقلویه فصلیه سی نباتاتی کبی حیوان کوبره لرینه محتاج دکلدر .
اصول زرعی — تخم استحضاری . بورچاق یونجه سی
تخلیرینك اسکیسی وایوجه اولغون اولیانلری ایشه یرامز
آیسینی تأمین ایچون چفتجی کندو تخلیرینی استعمال
ایلملیدر .

ایو تخم آلتی ایچون اك قوتلی فدانلری حاوی بر ترلا
انتخاب اولنهرق دانه لری کاله ایرمکه باشلیدینی زمان اولغون
یوماقلری ال ایله قلداتمقسزین حاضر ایدیلان بر سبت
ایچنه تولدیریلهرق بعده کونشده قوریدیلور و بر قاج کون
صوکره کاله ایرن کیروکی یوماقلر حقنده ینه بویولده عمل
اولنهرق اعلا وخالص تخملر الده ایدیلور .

فقط بو یول پک آغیر و مصرفی اولدیغندن بشاقلرك
اکثریسی قراردینی زمان کوزل بر هواده چیمک چکلمدن
صباحلین بدنلری بیچیلوب طوتام طوتام اخشامه قدر
یرده یراقلوب بر قاج دفعه چویریلور ارتسی صباح کونش
ایوجه قورتدقن صوکره ترلايه چارشاف یا یوب یالکر دانه
لرینی یوماغندن چیقارمق ایچون خفیفجه صیقه رق تخملری النوب

کونشده قورتدقدن سوکره قابوردن کچوريله رک يبانجی اوت ویراقلردن تمیزلور .

بو طریق ایله النان تخمیر اولکی قدر ایو اوله من چونکه نه قدر اولسه یه ایچنده لایقيله اولماش تخمیر بولور اوتی دخی ایرکن بیچیلان قدر ایو دکل ایسه ده یه حیواناته وخصوصیه بیکیر واکوزلره یدیریلور برحرب یردن ۱۴ کیله تخمیر نور هر کیله ۲۹ قیه کلور بو تخمیر ایکی ونهایت اوچ سنه دن زیاده قوه انباتیه لرینی محافظه ایده مزلر .

قوری واز کوبرملی طوپراقلرده یتشان بورچاق یونجه سنک تخمیری النوب اکیلور ایسه عادی بورچاق یونجه سنه دونه جکندن بوکی طوپراقلره اکیلان بورچاق یونجه سی اراصره اوزلی ومنبت طوپراقلرک یتشدیردیکی تخمیر ایله دکشدیرلملیدر .

موسم زرعی — موسمی . زرغندن سوکره قوراقلره تصادف ایتمه جک اولور ایسه بورچاق یونجه سی بتون یاز ایچنده اکیله بیلور اثنای شتاده سهولته صوبی سوران وطوکلرک طوکوب وچوزلمسندن طولای قبارمیان وخصوصیه قیشی پک صوغوق اولیان طوپراقلرده قیش آکینی ایچنه صوک بهارده اکیلور وکله جک سنه نهایتده کوزل وچوچه اوتی النور ایسه ده آکینک اولیا اوتی اضرار ایده جکندن قورقیلور .

ایلك بهارده قیش آکینی ایچنه دخی اکیله بیلور فقط اولاً قوتلی بر سورکی چکله کدن سوکره اکیلوب مؤخرأً ایکنجی بر سورکی ایله اوزری اورتیلور شو قدرکه آکین تخمیری چیملمش

ایسه سورکی فدانلری بر باد ایده جکندن دقت کر کدر .
 اول بهارده سیرک اکیلی یاز اکینی ایچنه دخی اکیلور دهه
 ایوسی کتان ویاز شالغمی اوزرینه اکمکدر بزه قالور ایسه یالکز
 اوله رق یرینه کوره ایلک ویاصوک بهار زرعی اک اعلا
 طریقدر طوپراغی صوک بهارده قازیلوب تسویه ایدلدکدن
 صوکره یبانی اوتلرک اویانمنسه انتظار اوله رق حین ظهورنده
 چاپه لنوب طوپراغی تمیزلنور اندن صوکره تخم اکیلوب اوزرینه
 بر سورکی ومردانه چکیلور بویولده اکیلان بورچاق یونجه سی کوزل
 دوام ایدر وطوپراغی ایلک بهاره قدر خالی قالدیغنک ضررینی
 بول بول اوتیله مع زیاده اودر .

تخمی از درین اکمک یعنی اوزرینی پک از قاتق لازمدر
 اچیقده قالور ایسه چیملمز جرمی وغایت خفیفکی جهتیله
 اکثریا سورکی ایله قپانه میوب پک چوغی اچیقده قالور بو اویغو.
 نسزلی برطرف ایچون تخمیری ۲۴ ساعت صوده طوتوب
 قبوقلری ایوجه قباردقن صوکره بر بز ویاقالبورده ۲ - ۳
 ساعت صویی سوزیلوب بعده بری برینه طوقانیمه جق
 صورتده النمش ایچنه طوپراق ایله قاریشدریلهرق اکیلور
 بو صورتله تخمیر اغیرلشه جغندن سورکی ایله قولای
 کوملور .

تخمک مقداری — ایچنه صیق بر اوت وهر طرفی نباتات
 مضره دن عاری بورچاق یونجه سیله طولی کوزل برچایرلق ایدتمک
 ایچون تخمی غایت صیق اکملی یعنی بوغدا یک ایکی مثلی مقدار .

تخم استعمال اولمایدر اگر تخم اعلا ایسه بهر جریب ایچون
۴ بجق دکل ایسه ۶ کیله الویرر .

کرك بورچاق یونجهسی و كرك قبا یونجه اغاجلق یره
اکیلمایدر صیق اغاجلر کولکسیله یونجهی اضرار ایده جکی
کبی یونجه دخی اغاجلری ضعیفلدوب قوریدر شاید اکیله جکی
یرده بقاسی مطلوب سیرک اغاج بولنور ایسه بولنرک یاشلرینه
کوره دیبلرنده برارشوندن ۳ ارشونه قدر فیرطولای خالی
یر براقیلور .

تیماری — بورچاق یونجهسی قبا یونجه کبی تیماره محتا.
جدر طوپراغی صورت کافیهده کیرجلی دکل ایسه الحیدن پک
خوشلانور زرغنک ایکنجی ایلک بهارنده آلچی اعطاسنه
باشلانوب هر سنه دوام اولنور .

اوقدر کوبره ایستمز ایسهده هر حالده بعض مواد انباتیه
معاونته محتاج اولدیغندن و کوبره ویریلور ایسه چوق طیانیموب
بوزوله جغندن کوبره یرینه زرغنک اوچنجی قیشندن اعتباراً
هر سنه اوزرینه اوجاق قورومی یاخود کول صاحیلور وایکنجی
قیشین سورکی ایله یبائی اوتلری اخراج ودفع ایدیلور .

حصادی — بورچاق یونجهسی اکثریا قوری یدیریلور
باشاقلرینک الت طرفنده بعض تخم قابجقلری تشکل ایتمه
باشلادیغی وقت برنجی دفعه اوله رق ییچیلور فقط برنجی سنه
بورچاق یونجهسی نه یرنده اوتارتملی ونهده بیچیلیدر چونکه
یاقهسی بعضاً ۲۷ خط یردن یوکسک اولدیغندن بویاقه کرك

حيوان ديشى ايله قوپاريلور و كرك اوراق ايله بيچيلور
وايچيديلور ايسه فدان قورر برده يكي كوكلري پيراكلرينك
هوان الدينى مواد غدايه ايله قوت اله جفندن هر حالده ايكنجى
سنه دن اول بيچلمك و اوتار تلمق مضر در .

بدن و پيراكلرى سائر بقلويه فدانلرندن و خصوصيله
يونجه دن از صولى اولديغندن قولاي قورر بعض محللرده
بيچيديكى انده دمتلر يايلوب دردى بريرده چاتيله رق برقاج
كون ظرفنده تماماً قوريديلور .

از صيچاق يرلرده صباحلين بيچيلان دمتلر اخشام اوستى
چويريلوب برى برى اوزرينه قونلمقسزين يكديكيرينه ياقلاشد .
يريلوب ايرتسى اخشامى برارشون يوكسك ييغينلر يايلوب
هوا مساعد ايسه ايكنجى كوني اوتلقخانه يه كوتريله بيلور .

ياز اواخرنده ياخود صوك بهار اوانلنده ايكنجى دفعه
اوله رق بردها بيچيله بيلور فقط اوتى برنجى قدر چوق
اوليه جفندن ايكنجى يي بيچمكدن ايسه يرنده يد يرك اولادر
قيون وكچى كى حيوانلر فدائى ياقه سييله برابر پك ديبدن
قوپاره جفندن و بورچاق يونجه سى سائر يونجه كى فشقين پيدا
ايتديكندن او حالده تماميله بوزولوب قورر .

دوامى — بورچاق يونجه سى كوكلرينك اوزانمسيله طور .
اغك الت طبقه لرنده بولدينى مواد انباتيه كوره دوام ايدر
ايسه ده قبا يونجه قدر طيانمز مدت دوامى على العاده اقلى ۳
و چوغى ۷ سنه در .

چایرینک اختیارلنی فدانلرینک ازمسلیله نباتات مضره نك
ظهور و تکزندن اکلاشیلور شونشانه ظهور ایدر ایتمز درعقب
سوکمک اقتضا ایدر .

حاصلاتی — بورچاق یونجه سندن سنوی ایکی بیجم النور
برنجی بیجمی پک چوق اولدینی حالده ایکنجیسی انجق درتده
بری نسبتده در ایلک سنه لرده کثیر المحصول اولدینی حالده
کیت کیده اکسیلور اورته حساب اوزره درت دونم یردن
سنهده ۴۷۷۰ قیه قوری اوت النور .

اسپانیا یونجه سی { اسپانیا اولیا اوتی ،

فشقینلی بورچاق یونجه سی دخی (شکل ۱۸۷) غایت
کوزل سنتین هان دالسز برارشوندن زیاده اوزانور متعدد بدنلی
بر فداندر چیچکلری بشاق شکلنده غایت پارلاق قرمزی
دانه سی دیک مفصلی و کریکلی غلاف ایچنده در بعض محللرده
کندو کندویه بتر چیچکه کلدیکنده تخم باغلامزدن اول بیچیلور
ایسه یرلی بورچاق یونجه سی کبی اعلا قوری اوت ویرر .

اقلیم و طوپراق — بوفدان صوغوقلره طیانه مدیغندن
صفردن اشاغی ۶ درجه صوغوقلردن تلف اولور زیتون
یتشان محللرده اکیله بیلور جوهرلی منبت یازین براز سرین
وکیرجلی طوپراقلرده ایو اولور .

اصول زرعی — بوغدای قالدیرلدینی کبی انک بش قات
مثلنده تخم اکیله رک بوغدای صاپلرینک اکزلری یاقیلور
وصوک بهارک ایلک یاغورندن صوکره چیملنور کرچه اثنای

شاده پك اغیر بیور ایسه ده نیشان کلدیکی کبی ترلاسی بر



ارشون بویلی صیق چایر
ایله قانور مایسدن تموزه قدر
یخیلوب بعده طوپراق صبان
ایله سوریلرک قیش بوغدای
زرع اولنور بوغدای قالدیر.
لدقدن صوکره طوپراقده
قلان کوکلیری یاقیلور ایسه
یکیدن تخم اکمکسزین اسپانیا
یونجهسی کندو کندویه تنبت
ایدر و بووجهله سنه لرجه
برسنه بوغدای دیگر سنه
اسپانیا یونجهسی آلنور اشبو
اوتک تخم اکمکسزین ظهور.
ینه سبب کیج ییچلایکندن

(شکل ۱۸۷) اسپانیا یونجهسی

طولای ادراک ایدن تخملری طوپراغه دوکلوب بوغدایک اثنای
حصادنده چیمنمسیدر .

فقط اکین ایچنده اسپانیا یونجهسی کبی ایری وقوتلی بر
فدان ظهور ایلدیکی حالده اکینک تفیضه مانع اوله جغندن
بزه قالور ایسه تخمه کلزدن اول یخیلوب یرینه بوغدای و بو.
غدایدن صوکره اکرلری یاقیلوب اسپانیا یونجهسی زرعی مناسبدر
بو طریق ایله بری برینی متعاقب دائما اوت و بوغدای النور .

جلبان، بورجاق، نخود، مرجك

بوفدانلرك دانه لريچون اصول زرعى اشبوكتابك ايكنجى جلد-
نده ذكر اولنه جنى جهتله بوراده تفصيلنه لزوم يوغيسهده حيوانات
ايچون زرع اولندينى وقت نه يولده استعمال اولنه جفى بوراده
بيانه مجبورز .

بوکي فدانلرك اوتلري اولکيلر قدر اهميتلى دکل ايسهده زرعدن
مقصد مستقلاً و اساساً اوتلق تشکيلي اوليوب طرفيل قباو مرجك
يونهسى بيجلري اراسندهم ايچون لزوملى وقتده احتياطاً الده
اوت بولندير مقدر شو مقصد



نظر دفته الهرق اکاکوره
وقت زرعى تعيين اولنور
يوخسه ويره جکلري اوتک
قيمتى اختيار اولنه جق زحمت
ومصارفه همان دکز کيدر .
فقط جلبان که برنوع
بورجاقدر (شکل ۱۸۸) قورى
ويشيلي سودلى اينکلردن
زياده قيون و خدمت حيوا.

(شکل ۱۸۸) جلبان

نلرينه ايوکلور محتاج اولدينى

تيمارى تخم ايچون زرع اولنان جلبانک عىنى اولوب شو قدرکه
يشيل بيجيلان جلبان تخمى ادراك ايدنلر قدر طوپراغى
ضعيفلتميوب يونهنک همان نصفى درجه سنده ترك ايلديكى كوك

ودو کندیسیله طوبراغی اصلاح ایلر بونکله برابر تخم‌لرینه درتده بر یولاف یاخود چودار قارشیدریلور ایسه انلرک صا. پلری بوکا هم مدار استناد اولور وهمده ایو یتشور .

جلبانک یشیلی چیچک کلدیکی وقوریدیله جق ایسه بقله باغلامغه باشلادیغی زمان بیچیلور بقله‌لری هنوز یشیل ایکن بیچلدیکی وقت اگرجه کیچ قورر ایسه ده یراق و بدنلری قوریدینی حالده بقله‌لری ده خلی صولی اوله جفندن بوکادقت اولنهرق ایوجه وتمامیله قوریمدقجه اولققخانه‌لره قالدیرلر ایلک بهار اکیلان جلبانک اوتی پک کیچ النه جفی جهته کوچ قوریه جفندن بیجی تعجیل اولنور ایسه قوریمق ایچون کونشلی خلی وقت قزانیلور جریبندن اورته حساب ایله ۵۰۰۰ اوقه قوری اوت‌النور. ترلا بذلیه‌سی (شکل ۱۸۹) ترلا بذلیه‌سنگ کرک یشیل و کرک



(شکل ۱۸۹) ترلا بذلیه‌سی

قوریه‌سی بالجمله حیوانلر ایچون اعلا ایسه ده براز مصرف‌لیدر اصول زرع‌ی ایکنجی جلدده ذکر اولمشدر .

شوقدرکه یشیل استعمال اولنه جنی زمان چیچکه کلدیکنده
وقوریدیله جق ایسه قبوق باغلامغه باشلادینی انده ییحیلور یشیل
استعمالنده طوبراقدن ۲۰ پارمق یوکسک ییحیلوب یاغمور کورر
ایسه ۳ هفته صوکره ینه سورر واولده یرنده طواره
اوتارتیلور یاخود کوبره یرنده قازیلوب طوبراغه کوملور .

قورسی اگرجه غایت بسله ییجی ایسه ده اوزون وسرت
اولدینی جهتله قیون وسائر بونوزلی حیوانات اکلنده زحمت
چکه چکندن یدیرلمزدن اول دوکوب قیق ویومشامق ایچون
برکون اول صویه قونلملیدر اورته حساب ایله دونندن سنوی
۱۲۵۰ قیه قوری اوت التور .



عادی بذلیه (شکل ۱۹۰)
بو بذلیه انسانی تغدیه یه مخصوص
برفدان ایسه ده پیراق و بدنلری
قوری ویشیل ات بیکیر قسمی
ایچون قوری اوت یرینی طوتار
بونک بدن و پیراقلرینک تازه .
سند یوزده ۱,۹۵ ازوت وار

ایکن قوریسند انحق ۱,۵۰
بولتور طواره اولدرجه فائده لیدرکه انکله تره نک بعض چفتلکلرند
محضا بونلره یدیرلمک ایچون زرع اولتور .

نخود بورچاغی — الک فقیر کیرجلی طوبراقلرده یتشور قیش
بورچاغندن زیاده صوغو قله طیانور اوتی اوزلی خصوصیه

براز کیچ بیچیلور ایسه زیاده قیزدیریجی اولور دانه لری انسان و حیوان ایچون مخاطره لیدر .

عادی بورچاق . اولکندن قوتلیدر قوراقدن او قدر متأثر دکل ایسه ده بر از قیزدیریجیدر بدنلری غایت ضعیف اولدیغندن تخمه براز چودار یولاف واز قوری طوپراقلرده یتشه بیلان سائر نجیله تخنی قارشیدر لمق ایجاب ایدر یشیل یدیرلدیکی حالده چیچکه کلدیکنده و قوریدیلوبده قیشین استعمال اولنه جفی تقدیرده بقله سی کورنمه باشلادیغنی ائنده بیچیلور اصول زرع و تیماری و محصولک مقدار ی سائر بورچاقلر کیدر .

مرجک — اوتی بذلیه و بورچاقدن ازا یسه ده غایت قوتلی اولد . یغندن حیوانلره پک از یدیریلور عادی مرجکدن هر دونه ۳۰ اولچک وتک چیچکلیسندن یالکز برکیله تخم اکیلور بدنلرینه استنادیغنی طیاق اولمق ایچون بر مقدار یولاف یا خود چودار قارشیدیریلور ایسه ایوا اولور اصول زرع و تیماری ایکنجی جلدده تعریف اولمشدر . قوش ایاغی — قوری و صوانلی طوپراقلرده کندو کندویه بتر یبانیسی ۲۰ یارمقدن زیاده بویلاغدیغنی حالده ایو و اصولیه اکیکنجه ۴۰ — ۹۰ پارمق یوکسلور بدنی اینجه اولوب بورچاق و بذیلر کبی تکا که و یا خود دیگر برفدانه صاریلوب طیانمق ایچون یراق قولتقلرنده سلکی یغنی بیغنی اولمدیغندن دائماً یره یاتار صوانلی و خصوصیه از درین و سرنجه طوپراقلرده اعلا اولور صیجاق مملکتلرده بولسان چوراق قوری طوپراقلی مرعا یایمق ایچون اعلا بر فداندیر ،

بو فدان سنوی وصوغوقلره متحمل اولدیغندن صوك بهارده اكيلوب يازين استعمال اولنور طوپراغنی تسويه خفيف برصاندن صوكره برسورکی كافيدر تخمی سریمه طریقیله اکیله رك مردانه ایله اورتیلور دونمه ۷ بمقدن ۱۰ قیه قدر تخم اکیلور . بدنلری یره یاتمه مائل اولدیغندن یرنده اوتار تلمق دها ایودر خصوصیه یازسین ایسه بر طرفدن اوتار تیلوب دیگر طرفدن فلزنور محصولك قیمتی بور چاغك انجق نصفه بالغ اوله بیلور .

آجی بقله { فول - ترمس }

بوکا یهودی بقله سی دخی دیر لر بعض انوعی ودانه لری دخی حیوانلره یدیر لك ویشیل کوبره یرنده طوپراغه کوملك اوزره زرع اولنور اکثیا اتی الذکر ایکی نوعی اکر لر .

برنجی بیاض فول (شکل ۱۹۱) قورت بقله سی دخی دینور سنوی چیچک لری بیاض بدن و پیراقلری دالی و خاولیدر بر ارشون یوکسلور پك اسکیدنبرو زرع ایدر لر .

طار پیراقلی آجی بقله دخی (شکل ۱۹۲) خدایی نابتدر اوچنچی برنوعی اولان صاری فول المانیاده چوق اکیلور .

اقلیم وطوپراق — آجی بقله صیجاق ومعتدل اقلیملرده پك کوزل اولور خفيف صوانلی واک صیجاق قوری طاشلی چاقیللی طوپراقلر ایله تیمورلی قوملرده یتشور یالکز زیاده کیرجلی قتی کیلی وصولی طوپراقلردن قورقار برطوپراغه دفعاتله آجی بقله زرعی ممکندر .

اصول زرعی — برصان وسورکیدن صوكره یرنده

اوتارتیله جق یاخود طوپراغه کومله جک ایسه دوغنه ۲۰ تخمه
 براقیله جق ایسه ۱۵ قه تخم اکیلوب از درین کوملور .
 صیجاق اقلیملرده صوگه بهارده صوغوق مملکتلرده نیسانده
 اکیلور بعض یرلرده اجی بقله یی یبائی طرفیل ایله برابر اگرلرکه



(شکل ۱۹۱) قورت بقله سی (شکل ۱۹۲) طار پیراقلی آجی بقله
 ایکسی بردن چیچکه کلدکده غایت لطیف برمنظره تشکیل ایدر
 حیوانلر ایچون اعلا یمدر .

یرنده اوتارتیله جقنی زمان چیچکه کلدیکی انده حیوانلره
 یدیریلور کجکدیریلور ایسه قارتالور و اوحالده حیوان اوتلامقدن
 چکنور تازده سنی قیونلر پک ایو یر ایسه ده قور یسنه میل ایتمز لر .
 آجی بقله یشیل کوبره یرنده طوپراغه کومله جکی وقت

ایله اوزری اورتیلور یاخود بویولده کی زحمتدن قاجینلور ایسه ترلاسنده اغیرکراسته کردیروب فدانلر یاتدینی جهتدن صبان سوریلهرک طوبراغه کوملور .

سائر بقلویه لر کبی آجی بقله دخی غدا سنک اکثرینی هوادن الدینی جهته یه کوملمکده قوتلی برکوبره یرینی طوتار دانه یه براقیلانلر صرارنجه قدر بکلنوب بعده اوراق ایله بیچیلهرک بقله لر ییوجه قوریدقدن ودانه لر یی قالبوردن کچوردکن صوکره النوب صاپ و صمانی ترلاسنه یاییله رق یاقیلور .

آجی بقله یی صویه قویوب وبر قاق دفعه صوینی دکشدر . وب اچیلنی کیدرلمدکجه حیوانلره ویرلمز دانه لر یی طوبراغه کومله جک ایسه قوه انباتیه سنی غائب ایتک ایچون فورونده قوریدیلور اشبودانه لر میوه اغاچلریچون غایت قوتلی برکوبره در . بطاق سازی — دیکنلی قاطر طرناغی دخی دیرلر بدنی ۲ ارشون قدر یوکسلور کوچک برقداندر قوری وغیر منبت طوبراقلرده کندو کندویه ظهور ایدر کنج سورکونلری حیوا . نلره ایو غدا اولور فقط دیکنلی اولدیغندن طوغرامق ودیکنلرینی ازوب قوتدن دوشورمک کبی برطاقم کلفتی اولد . یغندن تفصیلندن صرف نظر اولندی .

ایکنجی طاقم فصیله بقلیه نک غیری نباتات

بوطاقی تشکیل ایدن نباتات غدالرینک اکثرینی طوبراقدن الدقلرندن اولکیلر کبی طوبراغی اصلاح ایتدکن بشقه برطا . ققری بتون بتون قوتدن دوشورر .

بونلر طوپراغی بوجها قوتدن دوشورمکده اولدقلری
 حالده سبب زرعی اولا سائریشیل اوت بولنمیان زمانلرکه صوک
 بهاردن ایلک بهاره قدردر بومدت ظرفده کوزل واعلا
 یشیلک ویرملری ثانیاً طرفیل قبا یونجه وبورچاق یونجه سی
 کبی کوکلری درین کیتمدیکندن طوپراغک آلت طبقه لرینه
 مواد غدائیہ بریکنجه قدر یونجه زرعیچون وقت قزانلمسی
 وبونلرک طوپراغک آلت طبقه لرینک قوه انباتیه سنه خلل ویر-
 ماملری ثالثاً اکثریسی اولکیلرک لایقيله یتشه مدکلری طوپراقلرده
 کوزل یشیلک پیدا ایتلریدر حتی بعض سنه لرده قیشین قار
 یاغوب خیلی مدت یرده قالور صمان واوت بولنمیان یرلرده اشبو
 فصیله فدانلری حیوانلرک امدادینه یتشور انواع مذکورہ نک بر
 چوغی صلیبیه ونجیلیه فصیله لرینه عائد فدانلردر .

بستانی لخنه — { کلم — قابوسقه }

لخنه عصر مزک ابتداسندن برو اوتلق یرنده استعمال
 اولنغه باشلامشدر سود اینکلرینه وبسی حیوانلرینه پک ایو
 کلور براوکوز یومیه ۱۰۰ قیه لخنه صرف ایدر ایکی سنه
 طیاندیغدن یشیل اوتک قط وقتی اولان کوزدن بهاره قدر
 حاصلات ویرر قیمتلی برفداندر ترلاسی برقاچ دفعه چاپه کوره
 جکندن طوپراغی نباتات مضره دن تمیزلیوب صوکره کی اکینه
 فائده بخش اولور لخنه حیوانلرک سود واتنه فنا طعم ویردیکنی

روایت ایدرلر ایسه ده بوزلزدن صاغم یدیریلور ایسه هیچ
برایغونسزلق پیدا ایتمز .

حیوانلر ایچون لخته نك اتی الذکر ایکی نوعی زرع اولنور .
۰۱ پیراق لخته سی — کوبك باغلامز ساده یاخود دالی
اولوب برارشون ۳۰ پارمقدن ۲ آرشون قدر یوکسلور بیرا .
قلری پك چوقدر برخیلی تحت نوعی واردرکه شونلردر .
ارکك لخته . (شکل ۱۹۳) بدنی بعضاً ۲ آرشوندن زیاده
یوکسلور صوغوقلره طیانور پیراقلری بیوک وککیشدر .



(شکل ۱۹۳) ارکك لخته

قزل لخته — پیراق طمر .
لری قرمزی اولمغله اولکندن
آیریلور .

مولیه لخته سی — بوی
برآرشون ۶۰ پارمق یوکسک
وشیشکیندر تپه طرفی صولی
ویومشاق اولدیغندن حیوانلر
خوشلانور چوق صوغوقلره
کلز .

دالی لخته — فرنك لخته .
سی . بیک باش دخی دیرلر
صوغوقلره طیانور هرپیراق
دیندن داللر پیدا ایدوب
چالی شکلنه کیرر .

یشیل قویرجق لخته — برآرشون ۳۰ پارمق یوکسلور
پیراقلری طالعہلی واولکیدن آز ایسهده آندن زیاده صوغو.
قلره طیانور .

قرمزی قویرجق — اولکیدن پیراقلرینک رنگیله آریلور
بوده صوغو قلره متحملدر .

۲. طوب لخته — بونوعک بدنلری اوقدر یوکسلمز شکلی
جملهیه معلومدر پک چوق انوعی وار ایسهده حیوانلر ایچون
اک زیاده اکیلان آتیدهکی تحت نوعیدر .

قنطار لختهسی (شکل ۱۹۴) باشی بیاض یاصی وغایت
قرمزی برنوعی واردر اکثریا طورشی یاپیلور .



(شکل ۱۹۴) قنطار لختهسی

مرکبات کیمیویهسی — لخته پیراقلرنده مواد اتیه بولنور.

۹۲,۳ صو
 ۷,۷ رچینایی حاوی مواد یابسه، ماده خالصه، ضمع،
 ماده هلمیه، حضرت اوراق، حامض خل، کبریتیت
 وآزوتیت پوتاس. قلورر ده-سودیوم، ماده تفاحیه،
 ۱۰۰,۰ فوسفوریت کیرج، ماغزیا، حدید ومانغاز.
 یشیلده یوزده ۰,۲۰ وقوریسنده ۳,۷۰ آزوت وارددر یانمش
 لخته پیراقلرینک کوللری دخی مواد آتیه دن عبارتدر .

پوتاس	۲۱,۳۴
سوده	۵,۳۶
کیرج	۱۴,۶۳
ماغزیا	۱۱,۸۶
حمض حدید	۲,۸۴
حامض فوسفور	۴۱,۸۸
حامض کبریتی	۰,۷۷
صوان	۱,۳۲
	۱۰۰,۰۰

جدول مذکوره نظراً لخته حامض فوسفور و صوده اریر
 طوزلر ایله پک زنکین برناتدر .

اقلیم وطوبراق — لخته رطوبتلی یری و سیسلی هوایی سور
 قیشک غایت شدتلی صوغو قلیله یازک شدید صیجاقلرندن قورقار
 استانبول وحوالیسنده اوقدر دکل ایسه ده آیدین اطنه طرفلرنده

یازین بول بول صالنه صو کورمدکجه ایو تفیض ایده مز غایت
یاش اولمدینی حالده کیلی درین یومشاق و سرین طوپراقلردن
محظوظ اولور یالی وطبان یرلرده وقوریدلمش بطاقلقده کوزل
یتشور وقتی ورطوبتلی طوپراقلرده دخی اولدجه حاصلات
ویرر ایسه ده اقلیم صیجاق دکل ایسه چورر هواسی سیسلی
ورطوبتلی اولان محللرده ایسه خفیف طوپراقلره دیکیلور .

نوبت زرعی — لخته درین اینجه وزیاده کوبرملی طوپراغه
محتاجدر غرسندن ختامنه قدر ترلاسنی دائماً چاپهلق اقتضا
ایدر بناءً علیه نوبت زرعك ابتداسنده اکیلوب اندن صوکره
یاز آکینی زرع اولنور لخته دن صوکره ینه لخته اکیله بیلور ایسه ده
اکثر یرلرده انخاذا اولنان اصول ۲ - ۳ سنه صوکره اکمکدر .
اصول زرعی — طوپراق استحضاری . علی العاده طوپراغی

اوج دفعه سورمک یعنی برنجی قیشدن اول ۳۰ پارمق درین
ایکنجی دیکمزدن اون بش کون اول آذرین واوچنجی دیکله
جکی زمان یاپیلور ایکنجی واوچنجی صبان اراسنده طوپراغی
اینجلمک ایچون برسورکی کردیریلور .

کوبره ومصلحات — طورپ ایچون استعمال اولنان
کوبره لر لخته ده دخی مناسبدر شوقدر وارکه لخته ده طورپدن
زیاده کوبره ویرلملیدر چونکه هر ۱۰۰ قیه یشیل بدن
ویراقلری طوپراقدن ۹۴ قیه کوبره اخذ و صرف ایده جکنه
ودوننده تخمیناً ۱۰۰۰۰ قیه یشیل لخته حاصل اوله جفته باقیلور
ایسه لخته اکیله جک ترلانک دوننه ۸۲۵۰ قیه کوبره ویرمک

لازمکلوړ فقط ممکن ايسه کوربه سی ایکی دفعه ده یعنی یاریسی کرک قیشدن صوکره کی صبان وکرک ایلک بهار صبانندن اول ودیگر یاریسی دخی اوچنجی صبان ایله برابر ویرملیدر بوصو. رتله کوربه طبقه مزروعیه یایلوب هر قطعه سنه متساویاً تقسیم اولنمش اولور شاید ایکی دفعه اعطاسی ممکن دکل ايسه اوحالده صوک صبانده یاییلور چونکه لخنه یکی ویریلان کوربه دن پک خوشلانور .

لخنه ایچون قیون کوربه سنی سائر کوربه لره ترجیح ایدرلر سوقاق چاموری کمیک کوموری تازه کوربه لره قاریشق کوللر دخی پک ایوکلور بعض طاغلق یرلرده سوکلان چایرلر کوربه لنوب بعده قوری تزک واولتری یاقیلهرق لخنه اکیلورکه پک اعلا یتشور شو حالده کوربه ویرلسه دخی اولدجه ینه کوزل لخنه اولور .

یاصدق — لخنه تخمی اولا یاصدقره اکیلوب اوراده چیملندکن صوکره یرینه دیکیلور یاصدق وتولاسی شالغم لخنه سنک یری کبی تسویه اولنوب اصول اتی الذکر اوزره تیمار اولنور .

تمم انتخابی — امنیت ایچون چفتجی کندو تخمی استعمال ایتلیدر قیشک صوغو قلرندن قورقولان یرلرده طوکره یقین طوب لخنه فدالترینک اک اعلا وقوتیلری یرندن چیقاریلوب اولا قوری بریرده مؤخرأ برغزنه نقل ایله بری برینه قارشو صره ایله دیکنه دیزیلور شدتلی طوکلر موسمی کچدکن

صوکره طوپراغی قیشدن اول ایوجہ قازیلوب کوبره لشمش درت
کوشه برتر لایه دیکلور شوکا دقت ایتلیدرکه صلیبه یغی ینه کندو
فصلیه سی فدانلرندن اوزاق اولسون یوخسه چیچکه کلدیکنده
کندو کندویه یکدیگره اشیلانوب تخنک نوعی دکشور اغستوس
اوانلنده تخنی ادراک ایدر قوزه لرینک اکثریسی صرار دقده بدنلری
کسیلوب براز وقت هوادار وقوری بر محله اصلوب صوکره
آووج ایچنده اولمقله تخملری آریله رق طوربه ایچنده ۵-۶
سنه محافظه اولنه بیلور .

اگر تخم لزومندن زیاده ایسه اورته دالک تخملری التلیدر
چونکه ایوتخم بیان واک اعلا فدان ویرن اورته دالک تخملریدر
ارکک لخته تخملری دخی بویولده النور شو قدرکه تخمی مطلوب
اولان فدانلر کانون اولدن اعتباراً یا صدقندن النوب یرینه
دیکلور .

یرینه دیکیلنجه قدر اصول زرعیله تیماری حقنده شالغم
لخته سی بختده تعریف اولنان اصول اوزره عمل اولنور هر ۴
دوغمه ۲۵۸ درهم تخم الویرر .

اصول غرس و تیماری — کرچه فدانلرک اصل یرینه
صورت غرسی و تیماری شالغم لخته سی کبی ایسه ده طوپراغک
درجه انباتیه سیله نوعنک جرمنه کوره سیرکجه یرینه دیکلور اک
زیاده منبت طوپراقلرده قوتلی فدانلرک ارالرنده بر ارشون
اورته حالده کیلرک میانه لرنده ۷۰ پارمق مسافه بر اقلور .

حصادی — یراق لخته سیله طوپ لخته نک حصادی مختلف

اولدینی جهته هر ایکسینک بشقه بشقه تعریفی اقتضا ایدر .
 میراق لخنه سنک الت میراقلری صارمتراق بر رنک کسب
 ایلدیکی زمان حصادینه مباشرت اولنور بوادراک اشارتی کورینور
 کورغز الت میراقلر صاپلریله برابر کیلوب حیوانلره یدیریلور
 و بووجهله بتون ترلاده بولنان لخنه لرك کونده لزومی قدر میراغی
 کیلوب بتون قیش طوکلرك حلونه قدر بویولده عمل اولنور .
 نهایت مارتده یرایله برابر بدنی قطع ایله ۳ - ۴ پارچه
 ایدیلرک حیوانلره ویریلور بدنلری میراقدن زیاده بسله ییجی
 اولدیغندن بسی حیوانلرینه پک ایوکلور بعضاً بدنلری کانون
 اول اواخرنده دخی کیلور فقط یکی اوت یتشنجه قدر یغی
 ایلک بهار صوکلرندن اول اردی کسلمامسنه دقت اولملیدر .
 طوب لخنه کلنجه ممکن مرتبه کیچ براقلمیدر شو قدرکه
 طوکلن قورقولان یرلرده طوکلرك حلولندن اول چیقاریلور
 بونکله برابر جاتالایان باشلار یرنده براقیله حق اولور ایسه
 چابوق چورییه جکندن تشرین اولده چیقارلمغه باشلانوب تشرین
 ثانیده ارقه سی النور قیشی خفیف وصوغو قلرندن قورقلیمان
 محللرده ایسه ایلک بهاره قدر تدریجاً چیقاریلوب استعمال اولنور .
 صوغوق یرلرده لخنه لری قیشین حیوانلره تازه یدیرمک
 ایچون لاجل المحافظه اوج اصول استعمال ایدرلر برنجی قوری
 برطوپراقده ۸۵ پارمق ککیش و ۶۰ پارمق درین بوی لخنه
 لرك مقدارینه کوره اوزون برخندق اچیلوب لخنه لر بری برینه
 یقین وطیش میراقلری صویوق اولدینی حالده ایچنه دیکیلور

طوكلرك حلونده اوزرى قورى يىراق و صمان ايله اورتيلور .
ايكنجيسى كندو ترلاسنده بر چوقور اچيلوب باشلىرى
يرده كوكلى هواده اولدىنى حالده ايچنه قونيلهرق اوزرينه
۸-۱۲ پارمق قورى صمان ياييلوب طوكلرك كسب شدت ايتدكجه
اورتى دىنى اورتيلور .

اوچنجيسى المانيانك بعض محللرنده استعمال اولنان اصول
دركه لختهلى ايرى ايرى قىلوب فوجى ويا صو صيزديرمز برچو.
قور ايچنه بر طبقه استيف ايديلور طور شيدده اولدىنى كې
ارالرينه طوز يا خودكول صاحيلهرق اوزرينه تخته ودها اوزرينه
اغير طاشلىقونور بو وجهه لختهلى بتون قيش محافظه اولنور
كرچه قوقوسى پك لطيف دكل ايسه ده سائر قىيلمىش اوتلر ايله
قارشديريلور ايسه حيوانلر اشته ايله ير ديرلر فقط بزجه
بو كې كلفتره حاجت يوقدر لختهلى محافظه نك اك كسديرمه
طريقى سرين مغازه و مخزنلرده و بونلر بولمىيان كويلرده فقط
رطوبت و كوش كورمىيان اوستى قبالى سرين ايزبه و چوقورلر.
ده خفيف استيف ياييلهرق صاقلامقدر .

محصولى — لخته نك حاصلاتى چوقدر طوپ لخته نك بهر
جربىندن ۴۵۰۰۰ وار كك لخته دن ۳۵۰۰۰ قيه بدن و يىراق
النوركه اورته حساب ايله ايكي نوعك حاصلاتى قرقربيكه بالغ
اولور شو مقدار يشىل محصول قوشى حيوانلرينه يديريلور ايسه
۹۲۰۰ بى حيوانلرينه ويا سودلى اينكلره و يريلور ايسه
۱۶۰۰۰ قيه قورى اوت يرىنى طولديرر .

قولزا، قیش و یاز شالغم و چین لخته سی .

قولزا (شکل ۱۹۵) بوکا روم ایلی طرفلرنده رایج جزا دینور.



(شکل ۱۹۵) قولزا

قیش و یاز شلغم لخته لری زراعت واسعه ده صورت مختلفه ده استعمال اولنور اوچیده لخته انواعنددر بونلری بعضاً کوبره یرنده طوپراغه کومک حیوانلره یدیرمک بعضاً دخی یاغنی چیقارمق ایچون اکرلر یشیل کوبره یرنده استعمالی اولجه بیان اولندیغی کبی یاغ چیقارمق ایچون اصول زرعی دخی جلد ثانیده یاغی

حیقاریلان نباتات میانده تفصیل اولنه جفندن بوراده یالکز چایر
مقامنده اصول زرع واستعمالی تعریف ایده جکر .

بو اوج نوع لخنه حیوانلر وخصوصیه سود ویرن اینک
وقوزیلی دیشی قیونلر ایچون فوق العاده فائده لی یمدر صوک بهار
اواخریه اثنای شتاده دیگر یشیل اوت ظهور ایتزدن اول
ایلک بهار اوائلنده حیوانلر ایچون اعلا بر یشیلک اولدیغندن
زراعت نظرنده بو لخنه لره قیمتدار فدائلر نظریله باقیلور .

بونلر ایکی اکین میانده اورته برمحصول کبی اکیلور مثلاً
یازین اکین قالدیرلدقده صوکره ترلاسی برصبان اندن صوکره
بر سورکیدن کچوریلرک سرپه طریقیله تخمی اکیلوب خفیف
بر سورکی ایله اورتیلور ایرکندن اکیلور ایسه صوک بهار
اواخرنده ادراکه باشلایوب تا فدائلر چیچکه کلنجه قدر دوام
ایدر بو چایر کرک یرنده یدیرلسون وکرک بیچیلوب اخورده
استعمال اولنسون تکرار سوردکلری جهته ختامنه قدر بر قاج
یېچم اوتی النور .

قولزا شو اوج نوعک اک محصولداری ایسه ده زیاده کوبره لی
واوزلی طوپراغه محتاجدر هر درت دونمه ۴-۵ قیه تخم اکیلور .
قیش شالغم لخنه سی خفیف واز کوبره لی طوپراقلره اکرلر
یاز شالغم لخنه سی اولکیلر قدر محصولدار دکل ایسه ده ایرکن
یتشدیکچون بعضاً قیش شالغم لخنه سنه ترجیح اولنور فقط
قیشی خفیف ولطیف اولان یرلرده اولور هر جریب ایچون
۱۰-۱۲ قیه یازوقیش شالغم لخنه سی تخمی لازمدر .

بعض محالرده بیان طرفیلی وقیش بورچاغی وامثالی ترقده
فدانلر ایله برابر اکوب کوزل واعلا اوت الورلر. برقاج سنه
دنبرو چین لختهسی دخی زرع اولنوب کوبره وچایر یرنده
استعمال اولنور سبب توصیه سی پک ایرکن یتشمسیدر مارتده
اکیلان تخمی نیسان اواخرنده چیچکه کلور تشرین اولده زرع
اولنور ایسه مارتک اون بشنده شالغم وقولزانک انجق ایلك
سورکونلری کورندیکی زمان بو لخته بر ارشون بویلانور
ایرکن یتشور اعلام ایسه ده صوققره طیانه مدیفندن قیشی
حقیف یرلرده زرع اولنور .

بیاض خردال



(شکل ۱۹۸) بیاض خردال

بیاض خردال (شکل ۱۹۸)
دخی یشیل کوبره و حیوان
یمی ویاغیچون زرع اولنور
برفداندر بوده ایکی آکین میاننده
مزروع چایرلردن صاییلور شباطدن
ایلوله قدر زرع اولنوب کانون ثانی
نهایتیه قدر یرنده اوتارتیلور
خصوصیه سودلی اینکلر
ایچون کیفیتی اعلا بر چایردر
شالغم لخته سی کبی و اومقدار تخم
اکیلور .

چیویت اوتی { - نیل }

چیویت اوتی (شکل ۱۹۹) ایکی سنه یاشار صوغو قله



طیانور ترفنده بر فداندر
ایلك بهار چایر لردن صاییلور
قیونلر بواوتدن حظ ایدرلر
فقط اوکوزلرایلك اولیمزلر
ایسه ده یواش یواش الیشورلر
ایکنجی جلدده بویا اخراجنه
مخصوص کت'بمزده ینه بوفدا.
ندن بحث اولنه جقدر .

چیویت اوتی از کیرجلی
فقط صوطوتیان اورته طوپرا.
قلرده یتشه بیلور ایلك یا
صوك بهار هر درت دونمه
۱۰ - ۱۲ قیه تخم سر بیلور
ایوجه تسویه اولنمش طوپرا.
قلره ایلك بهار اکیلور ایسه

(شکل ۱۹۹) چیویت اوتی

صوك بهارده حیوان اوتارمغه باشلانوب کله جك ایلك بهار صوکنه
قدر دوام اولنور صوك بهار اکیلور ایسه اتی ایلك بهارده
اوتاریلور .

اسپرکول

اسپرکول (شکل ۲۰۰) صوغوق ومعتدل ممالکک صوانلی طوپرا.



قلرنده خدای نابت سنوی براوتدریشیل
وقوریسی اوتاریلان سودلی اینکلرک
تره یاغنی فوق العاده اصلاح ایدرسائر
حیواناتهده یرار تخمی غایت بسله یحیدر
چابوق بیودیکندن مواسم مختلفهده
اکیلور بتون یاز اوتی النور بقلویه
فصیله سی نباتاتی کبی مواد غدائیه سنک
چوغنی هوادن الدینی جهته طوپراغی
قوتدن دوشورمیوب اصلاح ایلر شو
ایکی سبدن طولایی یشیل کوبره یرنده
استعمالی دخی قابلدیر .

انواعی — بوفدانک بدنی . پپارمق (شکل ۲۰۰) اسپرکول
قدر یوکسلور برنوعی واردر دانه لری ده ایری قرال صاری
واسمر نقطه لیدر عادی اسپرکولده کی کبی بیاض خلقه سی یوقدر.
اقلیم وطوپراق — اسپرکول یاغورلری چوق سیسلی
ورطوبتلی اقلیم لردن خوشلانور صیجاق محللرده زیاده صو
ویرلنز ایسه بیویه مز .

صوانلی صو صورار قوملی کیلی ویا زین کک هوانک

رطوبتسدن و كرك الت طبقه لرينك غنا كلكندن طولايي سرين
اولان طوپراقلرده ابو اولور .

نوبت زرعى — اسپر كول كرك باشليجه و كرك ميانجى آكين
كبي زرع اولنور ايلك صورتده بتاته پانجار (ديپ) وامثالى نباتا.
تدن صوكره و مختلف زمانده آكيلوب بتون ياز يشيل اوتى
النور ايكنجيه كلنجه چودار و يبان طرفيلى كبي يتشور
محصولاتدن صوكره زرع اولنور طوپراغى اصلاح ايلديكى
جهتله بوندن صوكره حبوبات خصوصيله چودار اكر ايلك
بهار ايركندن زرع اولتمش ايسه اندن صوكره بتاته اعلا اولور
ينه اسپر كول دخی آكيلوب سنهسى ايچنده برقاج دفعه اوتى
النور .

اصول زرعى — طوپراق استحضارى . صرت قازمه
برصان و طوپراغك يوزينى ايوجه ايخلمك اوزره برسوركى
چكلدكدن صوكره تخم سريپلور مواد غدائيه سنك چوغنى
هواندن اخذ ايلديكى جهتله زپاده كوبريه محتاج دكل ايسه ده
طوپراق نه قدر منبت اولور ايسه اوتى دخی اكا كوره بركتلى
اوله جفنندن هر حالحه كوبره اعطاسى مناسبدر اك ابو كوبره
چيملنديكى زمان صولى كوبره ايله صولامقدر .

اسپر كول مارتك ابتداسندن اغستوسك اون بشنه قدر
اكيلور باشليجه آكين كبي اكيله جك ايسه مارتده وايكى آكين
اراسنده زرعى مطلوب ايسه چودار يبان طرفيلى حصاد اولند.
ينى زمان زرع اولنور هر جريب ايچون ۱۵ قيه تخم كافيدر

فقط ظهور ایلدیکی اقلیمدن اوزاقلاشدیجه تغیر ایده جکندن
اراصره یکی تخم تدارک ایدیلور تخمی پک اینجه اولدیغندن
از درین سریلوب مردانه ایله اورتیلور .

حصادی - اسپرکول قوری ویشیل استعمال اولنور یشیلی
کرك یرنده اوتارتیلور و کرکسه بیچیلوب اخورده یدیریلور
بیچیه جکی صورتده چیچکه کلیدیکی زمانی بکلمک لازمدر
یرنده یدیریه جک اولدیغنده یونجهده تعریف اولنان اصول
اوزره عمل اولنور .

مارتده باشلیجه محصول کبی مستقلاً آکیلان اسپرکولی
قوریدرلر و تمامیه چیچکه کلیدیکی زمان یچوب یونجه کبی
استعمال ایدرلر بیچلدکن صوکره شدتلی یاغموره تصادف
ایتسه بیله حس اولنه حق درجهده بوزلز فقط یاشلق دوام
ایدر ایشه صاچ کبی بوکیلوب یونجه قورتمغه مخصوص صپا
وسرکیلرده قوریدیلور .


ایلك بهار آکیلان اسپرکولک تخملری لایقیه اولغون
اوله جغندن تخمی بونلردن انور تخملری قوزاقلردن قولای
دوکلدیکندن ادراک ایدر ایتمز بیچیلملیدر فقط هر نه قدر
تعجیل اولنور ایشه اولنسون ینه تخملرینک برچوغی طور اغه
دوکه جکندن یرنده خفیف برصاندن صوکره سورکی و مردابه
کزدیریه جک اولور ایشه بشقه تخم زرعه حاجت قالمقسزین
ایکنجی بر محصول انه بیلور .

اسپرکولک تخملری دخی حیوانلره یدیریلور قولزا تخملر.

ندن دها بسله یحیدر بیکیر وسود اینکیرینه ویرلزدن اول
دکرمنده قباحه اوکودیلوب یدیریلور سودک مقدار وکیفیتی
ارترر حاصلی برتخمدر .

حاصلاتی — هردرت دونک اوتی بریچم ۳۵۰۰ قیه قوری
یونجهیه مساوی و ۳۱۵۰ قیه اعلا مرعا قوری اوتنه معادلدر .

یبانی هندبا



(شکل ۲۰۱) یبانی هندبا

یبانی هندبا (شکل ۲۰۱)
سنتین و بالجمله کیرجلی کیلی طوبرا.
قلرده کندو کندویه نابت بر
فداندر . بدنی دالی بر بر بچق
آرشون یوکسلور آلت طرفلرنده
۸ - ۱۰ پارمق ککیش و ۳۲
پارمق اوزون یراقلری اولوب
داللری کوزل ماوی چیچکلر
ایله طونانور اداره لی نباتات
فصلنده دیدیکمزکی کوکلری قا.
ورولوب قهوه یرنده قوللانیلور.
ایرکن یتشدیکندن سنده
اوج کره یحیلور یشیلی قیون
وطوکر ایچون اعلا بر غدادر
اینکیر ایلک اول حظ ایتزلر

ایسه ده چارچابوق آلسورلر هندبا اینکله یالکز یدیریلور ایسه سود ویاغنک طعمنه آجیلق ویرر فقط دیکر اوت ایله قارشده. یریلور ایسه بواویغونسزلق برطرف اولور هندبا مقوی اولد. یغندن حیوانلری قوتلندیرر امراض جلدیه دن محافظه ایلر .

هندبا ایله مستقلاً چایرلق اتخاذای ایجاب ایتمز یالکز محدود برقطعه یه اکیلوب ایلك بهارده قیون اینک طوکر وخصوصیه بیکیرلره دیکر یشیل اوت ایله قاریشق ویریلور قورسی یشیل قدر ایو دکدر .

اقلیم وطوپراق — هندبا هراقلمده وبالجمله درین طوپرا. قلرده یتشور قتی کیلی طوپراقلرده ده کوزل محصول ویرر کوکلی درین کیتدیکندن قوراکلره دخی طیانور ایسه ده اورته قتی وزیاده کیرجلی طوپراقلری پک سور .

نوبت زرعی — هندبا ۵ - ۶ سنه قدر یاشادیغندن منتظم نوبت زرعه کلز طوپراغی دخی ضعیفلتمز انک ایچون هندبادن صوکره حبوبات اکیله بیلور .

طوپراق استحضاری — هندبا کوکلی درین کیتدیکی جهتله ایوجه تسویه لی اینجه ویونجه کی منبت طوپراق ایستر . اصول زرعی — هندبا یونجه کی ایلك بهارده ودیکر برمحصول ایله اکیلور ایسه ایلك چیملندیکی زمان برابر اکیلان نباتاتی کندویه سپر ایدرک کوزل یتشور صیجاق یرلرده ایلك بهار قوراکلرندن قورنق ایچون صوک بهارده حبوبات اوزرینه زرع اولنور اولک اولک اکیلور ایسه پک زیاده یریشه.

جکندن صاورمه طریقیله هر ۴ دونم یره ۱۲ قیه تخم
اکیلور ایسه صیق کوزل برچارلق اولور .

بالجمله سنین نباتات کی هندبا دخی برطاقم نباتات مضره دن
متضرر اوله جغندن زرغنک اوجنجی قیشنده ترلاسنه بر
سورکی چکیلور وبوئانده برطبقه کوبره ایله اوزری اورتیلور
ایسه اعلا اولور .

حصادی — ایلك بهارده اکیلان هندبا برنجی دفعه اوله رق
صوک بهارده یرنده اورتارتیلور وآئی ایلك بهارده بدنلی
چیچکه کلور گلز ینه یدیر یله بیلور آندن صوکره بدنلی سرتلشه .
جکندن حیوان یمز یرنده رعی ایتدیرلکدن بشقه طوپراق
یازین سرین بولنور ایسه اوج دفعه دخی ییچیله بیلور آخورد
یدیریلان هندبا بشقه اوت ایله قارشیدیر یله بیله جکندن یرنده
اوتارتمقدن ده ایدور .

هندبا تخمی ایلك بهار برنجی ییچمه براقیلان فدانلردن
النور تخمه براقیلان فدانلر صرارنجه قدر انتظار اولنوب بعده
کسیلور وترلاسنده قوریدقدن صوکره اچیق وقوری بر هواده
دوکلوب تخمی النور تخمی الندیغی زمان فدانلر قوتدن قاله جغندن
ارتق ترلاسی سوکیلور .

هندبا طوپراقده صوکره کی اکیله ایراث مضرت ایده جک
بر طاقم سنین کوکلر براقور ایسه ده هندبادن صوکره چاپه
محتاج نباتات اکیلور ایسه طوپراقی تمامیه تمیزلور .

مصر بوغدایی { قوقوروز - لازوت }

مصر بوغدایی ترکه‌دن صایلدیغی جهته‌له کتاب مخصوص. صنده ذکر اولمشدر بونکله برابر اوتی ایچون دخی زرع اولندیغندن بورایه دخی ادخاله مجبور اولدق قوری ویشلی عموم حیوانلر ایچون اعلا اوتدر اینکلری ایو قوری اوت کبی بسله‌یه مز سودیغی دخی ازالتر ایسه‌ده سائر قوتلی اوتلر ایله قارشیدریلوب یدیریلور ایسه ایو اولور اثنای نشو ونگاسنده چاپه‌یه محتاج اولدیغی جهته‌له طوپراغی نباتات مضره‌دن تمیز طوتار. انواعی — مصر بوغداينك بالجمله انواعی چایر یرنده استعمال اولنه‌مز الك بيوك ككيش و متعدد پیراقلیلری ترجیح اولنور اونجی کتابده مصر بوغدایی فصلنده صوك بهار و صوك ترفنده اسملریله ذکر ایتدیكمز مصر بوغدايلری چایر ایچون الك ایو فدانلردر.

اقلیم و طوپراق — دانه‌سیچون زرع اولنان مصر بوغدایی ۴۷ درجه عرضدن اوتده یتشه‌مز ایسه‌ده اوتلق ایچون هان هراقلیمه و هر طوپراقده یتشه بیلور.

نوبت زرعی — صناعی چایرلره یرایان بالجمله طوپراقلرده باشلیجه چودار یبان طرفیلی قیش بورچاغی و سائر ترفنده محصولاتدن صوکره ایکنجی محصول کبی اکیله بیلور ارقه‌سندن هر نوع حبوبات اکیله جکی کبی ایلک بهار ایرکن مصر اکیلوب اوتی النقدن صوکره بورچاق و بذلیه دخی زرع اولنورکه

صوك بهاره قدر طوپراغی اشغال ایدر یاخود انلردن صوکره
تکرار مصر اکیلور .

اصول زرعی — طوپراق استحضاری . کوبره . مصر
بوغداینه تخصیص اولنان طوپراق ایوجه اینجلمش طوپراق
اولمیدر بر صباندن صوکره برایکی سورکی ومردانه کزدیریلور
طوپراغی الویره جک قدر مثبت دکل ایسه صباندن اول ترلاسه
کوبره یاییلور چونکه مصر زنکین طوپراقلرده کوزل واعلا
چایر تشکیل ایدر وقوچان باغلیان مصر لر قدر طوپراغی
یورمز .

نیسان ابتداسندن اغستوسه قدر اکیلور شو مدت
طرفده بری بری ارقهسندن بر قاج ترلایه مصر اکیلور
ایسه خزیراندن تشرین اول نهایته قدر الده مصر
یشیلکی بولندیرلش اولور صوغوق یرلرده انجق تموزک اون
بشنه قدر زرع اولنور اندن صوکره اکیلانلر بیومزدن ایلک
طوکلرده بوزولور .

قوqوروز اوننجی کتابده ذکر ایتدیکمز کبی زرع ایدیلور
فقط اولکلرینک ارالرنده ۵۵ وفدانلرک ییننده ۱۰ پارمق مسافه
براقیلور درت دونمه ۸۰ قیه تخم الویرر .

بعض یرلرده مصر دانه لرینی نیساندن خزیران اخرینه
قدر ابتدا ایوجه کوبره لی سپرلی صیجاق موقعلرده یاصدقلره
اکوب بعده مایس اون بشندن تموز آخرینه قدر چیقاروب
یرینه دیکر لر زیرا کیلی طوپراقلرده پک آغیر فلزنوب بیویه .

جکندن یرینه آنکدن ایسه بویولده زرعی ایودر فقط صیجاق یرلرده طوغریدن طوغری به یرینه اکلیدر ترلارینی ختامنه قدر چاپهلق اقتضا ایدر ال چاپهسیله فدان ارلری اوچ دفعه بیکیر چاپهسیله دخی صره ارلری ایکی کره چاپهلسوب تبه صبانیه دخی دیبلری طولدیریلور .

حضادی — مصر اوتی ارکک چیچکلی کورنمکه باشلدینی آنده بیچیلوب تامیهله چیچکه کلنجه قدر دوام اولنور چیچکدن اول ضعیف وقوتسزدر همده مقداری آز اولور پک کیچ براقیلور ایسه صاپلری سرتلشه جکندن حیوانلر یمز وطوپراغی پک زیاده یورار معتدل وصیجاق یرلرده زرعنک تقریباً ایکنجی آیی نهایتنده بیچیلور که اول زمان الویره جک قدر بیویوب قوتلنمش اولور فقط صوغوچه یرلرده اوچ آیی بکلنیلور وبدنلری کونده ایکی کره بری صباحلین چیک قالدقدن دیکرلری کو. نشک غروبندن برایکی ساعت کچدکدن صوکره بیچیلور .

اگر کون اورته سنده وخصر صیه کونشک شدت حرار. تنده بیچیلور ایسه چاپوق قیزه جفندن حیوانلر یمز یر ایسه خسته نورلر .

مصر صاپلری الویره جک قدر قوت المزدن طوکلره تصادف ایده جکی ملحوظ ایسه بکلمیوب همان بیچیلور واوحالده دیبلر. ندن یکیدن سور کونلر پیدا ایدرک بردیکر تازه محصول ایله صاحبی خشنود ایدر .

مصر صاب وپراقلری حیوانلره تامیهله یشیل یدیر یله من

اولان کلتی مصر مزروع یرلرده سرتلمزدن اول بیچیلوب
قورتمق مناسبدر
فقط صوغوق یر
لرده لایقيله قور.

یديله مز .


حاصلاتی — اورته حساب ايله هر
جریبدن ۷۰۰۰ اوقه قوری مصر اوتی
النورکه اعلا قوری اوتك ۵۰۰۰ قیه.
سته معادلدر .

داری

عجار داریسی (شکل ۲۰۲) تخمخری
سهولته چیمینور وسائرلری کبی قورا.
قلردن قورقیوب آز بریاغمور ايله سریعاً
بیور صیجاق ومعتدل اقالیمده قیمتمدار
برچایردر بدنلری اوقدر یراقلی دکل
ایسهده بالمله حیوانلر ایچون اعلا یشیل
براوت اولور .

اك خفیف واك قوری طوبراقلرده
یتشور ایسهده اورته قتی وسرین طوبرا.
قلرده پك زیاده حاصلات ویرر .

نوبت واصل زرعيله طوبراغی
وکوبره سنك مقداری مصر بوغداپی



(شکل ۲۰۲)

کبی در یالکز او یولده صره ایله اکیلمیوب صاورمه طریقله
هردوغه ۲ بچق قیه تخم اکیلور بشاقلری کورینور کورغز
حیوانلره یدیریلور جربندن ۱۰۰۰۰ قیه قوری اوت النورکه
همان اک اعلا مرعا اوتنه مساویدر ،

عادی یاخود صالقم داری (شکل ۱۶۲) ایتالیا داریسی
دخی دیرلرکه حبوبات فصلنده ذکر ی کچمشدر اعلا یشیل
چایر مقامنده دخی اکیلوب حیوانلره یدیریلور اولکی کبی زرع
وتیمار اولنور فقط قوه غدائیسی اندن اذدر .
سپورکه یاخود عرب داریسی (شکل ۶۶۴) یشیل چایریرنده
دخی قوللانیلور یازین سرین منبت و زیاده کوبره لی طوپراق
ایستر اولکی کبی اکیلور .

چودار ارپه یولاف

چودار قیش یولاف وارپه سی سائر ایلك بهار فدانلرندن
اول اعلا یشیل چایر تشکیل ایدرلر خصوصیه سودلی حیوانلرک
سودلرینی ارترر .

پک شدتلی صوغوقلری اولمیان یرلرده کوزل یتشور ایکی
اکین میاننده دخی زرع اولنور بونلره مناسب طوپراقلر ایله
ایجاب ایدن تیماری حبوبات فصلنده ذکر اولنمشدر ایکسی بردن
قاریشق دخی اکیلور ایسه اوقی چوق وکیفیتلری اعلا اولور
بشاقلری ظهور ایدر ایتمز یرنده اوتارتیلور یاخود بیجیلوب
اخورده یدیریلور .

جریبدن سنوی ۱۲۶۰۰ قیه یشیل اوت النور گه قوریسی
 ۴۲۰۰ قیه کلور طیبی چایرلرک ۳۰۰۰ قیه قوری اوتنک یرینی
 طوتار .

دلجه

صناعی چایر تشکیلنده دلجه نك اتی الذکر اوج نوعی زرع
 اولنور .

سنین دلجه یاخود انکلیز چایری (شکل ۲۰۳) زیاده
 قوری ورطوبتلی اولیان طوپراقلرده کندو کندویه بتر اکثر
 باغچه چایرلرینی بونکله تشکیل ایدرلر .

یرندن مخطوظ اولدینی حالده سنهده بر قاچ کره بچیلور
 اوتی چوق ترفنده فقط قوریسی یشیلی قدر مقبول دکدر
 حیوانلری وخصوصیه قیونلری پک ایو بسلر بدنلری او قدر
 یوکسلمدیکندن اوتارلدقه تکرار سوردیکندن اکثریا یرنده
 اوتارتیلور .

۶ - ۸ سنه دوام ایلدیکندن منتظم نوبت زرعه کلز طو.
 پراغی ایجه یوردینی جهته اندن صوکره زرع اولنان اکیته
 کوبره ویرمک اقتضا ایدر .

بو چیم یاز حبوباتیه برابر ایلک بهارده وقیش اکیته
 برلکده صوک بهارده اکیله بیلور ایسهده صوک بهار اکیلان
 کله جک ایلک بهارده پک قوته کیدوب اکینی اضرار ایدر .
 باغچه لرده چایر تشکیلچون چارشوده صاتیلان تخملری
 الوب بویولده استعمال ایتاملیدر چونکه اویولده استعمال اولنان

تخم‌لر نوعی دکشدیرمش چیم‌لردر که غایت ایجه واز محصول



(شکل ۲۰۳) سنین دلیجه

ویرر بو بابده چفت وچفتلک‌لرده
اوت‌ه‌دنبرو سرین ومنبت‌طوپراقلرده
زرع اولسان ۳ - ۴ سنه‌لک چایرک
برنجی بیچمندن تخم‌النسی اقتضا
ایدر هر ۴ دوغه ۵۰ قیه تخم‌اکر لر .
دلیجه چیچکه کل‌دیکی انده

حیوانلره اوتار تیلور زیر اچک‌دیریلور
ایسه قارتالور اورت‌ه حساب‌ایله سنوی
۴۵۰۰ قیه قوری اوت حاصل ایدر
اگر بچدکن صوکره قتی یاخود
صولی کوبره ویریلور ایسه بونک
ایکی مثلی اوت‌النه بیلور قوه غدائی‌سی
طبیعی چایرلردن اونده بر نقصاندر
جریندن ۱۲ کیله تخم حاصل اولور .
ایتالیادلیجه‌سی — (شکل ۲۰۴)

ایتالیا چیچکی دخی‌دیرلر اولکیدن
قوتلی وانک‌کی ایرکن یتشور
بدنلری ده‌ا اوزون بشاققلری
قیلجیقلی پیراقلری اکلی واز قوی
یشیلدر هر نه قدر سنین چایرلردن
صاییلور ایسه‌ده ایکی سنه‌دن صوکره

ایو اوت ویره مز چایی اولکیدن چوق واعلادر اورته قتی



(شکل ۲۰۴)


ایتالیا دنیجه سی

کیلی منبت یازین سرین صولا.
مغه قابل طوپراقلرده ایو یتشور
منتظم نوبت زرعه کلور اولکی
کبی بوده طوپراغی یورار .

زرعنک ایلک سنه سنده او
قدر بیور که اکین ایله برابر
اکمک مخاطره لیدر یالکز اوله رق
ایلک یاخود صوک بهار زرعی
مناسبدر صوک بهارده اکیلورایسه
ایرکن یتشه جکندن سنه سی
ایچنده درت کره ییچیلور ایلک
بهار اکیلان صولانمز ایسه انجق
اوج کره بیچیه بیلور درت دوغه
۵۰ قیه تخم کفایت ایدر .

قوریسی دخی اعلا ایسه ده
چیچکه کلدیکی وقت یشیل صرفی
دها مناسبدر بعضاً بیان طرفیل
ایلله برابر اکرلر که فوق
العاده کوزل یشیل اوت حاصل
ویدا ایلر .

چیچك دلیجه سی (شکل ۲۰۵) بواوچنجی نوع اولکیدن



(شکل ۲۰۵) چیچك دلیجه سی

قوتلی ایسه ده سنوی اوتی قبا
وزیاده و منبت طوپراغه محتاجدر
بعض محللرده بشقه چایر یتشمیان
ضعیف ورطوبتلی فونده ایله
قوملی کیلر و یازین پک قوری
قیشین زیاده رطوبتلی قتی و چاقیلی
طوپراقلرده دخی پک اعلا
یتشدیکی کورلمشدر ایلول یاخود
تشرین اولده بهر جریبه ۳۰ قه
مقداری تخم اکیلور .

شو اوچ نوع چنلر نادراً
یالکز اکیلوب همان دائماً بعض
بقلیه اوتلریله برلکده زرع
اولنور مدت دواملری ۴ سنه یی
تجاوز ایتمز کوزل صنای
مرعالر تشکیل ایلر انکلترده
اتی الذکر نباتات ایله قاریشق
اکوب پک چوق استفاده
ایدرلر .

جنس تخم	هر ۴ دونم ایچون	برنجی ترتیب
	»	تخمک مقدری
عادی طرفیل	»	۱۸
سنین دلیجه	»	۱۸

بعضاً سنین دلیجه یرینه ایتالیا دلیجه سی یاخود تیموتی قارشیدیرلر.

		ایکنجی ترتیب	
عادی طرفیل	»	۳	۶۰۳
اق باش طرفیل یاخود بیاض یونجه	»	۹	۶۰۸
لوپولن	»	۹	۶۰۸
ارالق یونجه سی	»	۴	۸۰۴
انکلز یعنی سنین دلیجه سی	»	۱۸	۰۰

		اوچنجی ترتیب	
عادی طرفیل	»	۱۲	
آق باش	»	۷	۲۰۲
لوپولن	»	۴	۸۴۰
ارالق یونجه سنین دلیجه ایتالیا دلیجه سی تیموتی	}	۱۵	

قاریشق آکیله جک تخملرک اولاک ایریلری صوکره اک
ایجه لری آکیلوب هربری لزومنه کوره درین کوملور .

چایر یولافی — فرنکلر فرانسز دلیجه سی دخی دیر لر (شکل



(شکل ۲۰۶) چایر یولافی

۲۰۶) درین صوانلی طوپراقلر-
ده کندو کندویه بتر برارشون
ودها زیاده بویلا نور پیراقلری
چوقدر خفیف سرین وزیاده
کوبره لی طوپراق ایستایرکن
یتشور و لطیف منظره سی
اولور ایسه ده اولکیلر قدر
قوة غدائیه سی یوقدر همده
براز اجیدر انک ایچون
حیوان ینیز بناء علیه بونی
طبیعی مرعاره ترک ایتمک
یاخود صناعی چایرلرده دیگر
بعض نجیلیه وبقلویه فدانلریله
قاریشق امک اقتضا ایدر .

حیوانلر ایچون اوت
چایر تشکیل ایدن یالکز خشیشی
فدانلر دکلددر بر طاقم اغاجلر
دخی حیواناته اوت تدارک
ایده بیلور بونلرک انک مناسبلری
قره اغاج اسفندان دیش بوداق
سکود قواق فندق اصمه

ودوت اغاجلريدر قورى غايت صيجاق اقليملرده حيواناتل
ايچون صورت كافيه ودائمه ده يشيلك تداركى مشكل اولديغندن
انلرك يرينه اشبو اغاجلرك پيراقلى استعمال اولنور.

بو اغاجلر ايچون ايروجه ير تفرينه لزوم وحاجت يوقدر
بانجه وترلا كنارلرينه ديكلور ايسه هم بانجه ر حيوان تسلطندن
مصون اولور وهمده لى الحاحه پيراقلى حيوانلره يديريلور
يعض محللرده صيجاقلرك شدتندن اولتر چابوق قوريوب
حيوانلره يشيل يم تداركى ممكن اوله ميه جغندن اورالرده
ذكر اولنان اغاجلرك زرغنده بيوك فائده كوريلور يكي دن دال
بوداق صالمق ايچون ايگى سنه ده بر بودانور .

بو اغاجلرك پيراقلى يازين ديكر يشيل اوت بولمدينى زمان
يشيل استعمال اولنور ايسه ده قوريديلوب قيشه بر اقلسه ده اولور
يا ال ايله برر برر دوشريلوب قوريديلور يا خود ايجه دالريله
برابر كسيلوب اوراق دمترل ياپيله رق حفظ اولنور .

صيجاق كونلرده طولنان پيراق يا خود دمترل ياييلوب ۴ ساعت
كونشك شدت حرارتنه ترك ايله ايوجه قوريدقن صوكره
چيك كورمامك ايچون كيجه دن اول اولتقخانه يه كوتريلور داللر
دمت باغلامزدن اول ايكي اوچ كون اوستى قالى بريرده ياييلوب
صوكره حفظ اولنور كه محافظه محصولات كتابنده بونك ايچون
تفصيلات لازمه ويرلمشدر .

اشبو دالچلرك پيراقلى قوباريلوب اولدينى كى حيوانلرك
اوكنه قونور حيوانلر پيراق واينجه چيوقلرينى ييوب قالينجه .

لرخی ترك ايدرلرکه بونلر صوکره النوب اقتضا ايتدجکه اوجاقده اودون يرينه ياقيلور.

ايکنجی فصل طبعی چایر و مرعالر

طبعی چایر و مرعالر کندو کندویه چیملنوب بیور متعدد و مختلف الجنس برچوق نباتات ایله مستور طوپراقلردن عبارتدر بوزمانه قدر کندو کندویه طبعی فدان یتشه میه جک ظن اولنان طوپراقلر فن سایه سنده خدای چایرلق یاپیله بیلور. طبعی چایرلر مقدما کندو حاللرینه ترك اولنور ایکن بوکونکی کون فن زراعت ایلرولیان اوروپاده اراصره سوکلوب برقاج سنه ترکه وسائر زرع اولندقدن صوکره ینه اسکی حاللرینه عودت ایتدیریلور و بویولده سوکلان چایرلرک التنده بریکن مواد انباتیه دن پک چوق استفاده اولنور .

چایر بشقه مرعا بشقه در طبعی یاخود خدای چایرلق هم ایچنده حیوان اوتاریلان و همده اوتی بیچیلنلردن مرعایسه قیسه و بویسر سنین اوتلردن عبارت اولدیغندن اوتی بیچیه میوب یایلاق اوتلاق کبی یالکر ایچنده حیوان رعی اولنور .

بویولده موجود اولان طبعی چایر و مرعالر کندو کندویه ظهورلریله دوام دائمیلرخی عملیات فیه ایله غائب ایدوب صنای یعنی اکمه چایرلر کبی بوزیلوب تکرار زرع ایله حصوله کله رک دواملری محدود برحاله کیرمشدر فقط ینه طبعی و صنای چایرلر میاننده دوام یونندن پک چوق فرقی واردر .

صناعی چایر برقاچ نوع فدانلر ایله حاصل اولدینی حالده طبیعی چایرلر مختلف الجنس و متعدد النوع برچوق نباتاتدن مرکبدر برده طبیعی چایرلری تشکیل ایدن اوتلر حیوانلره اوتار تلمزدن اول تخم دوکوب کندو کندویه یکیدن تنبت ایدر و اوجهتله آکه چایرلردن چوق زیاده طیانور مواد غدائیله لرینک چوغنی هوادن الدقلری جهتله دوکدکلری پیراق بدن و کوکلریله طوپراغه برخیلی کوبره براقور و بر بشقه دورلو طبیعی برنوبت زرعه تابع اولور یعنی بونلردن بعضیسی محتاج اولدینی معدنی طوزلر خرج اولندیغندن طولایی برمدت غائب اولوب یرینه اوطوزلره محتاج اولمیان نباتات ظهوره کلور و طوپراقدن نباتات دوکندیلری چو غالدجه و کوبره لندکجه نوعی غائب اولنلر تکرار وجود بولور

صناعی چایرلر ایسه بریا ایکی فصیله نك اوده برقاچ نوعندن عبارت اولدیغندن تخمدن اول بیچلدیکی جهتله تکرار تنبت ایده من و محتاج اولدقلری مواد غدائییه طوپراقدن الدقدن صوکره ارتق یا شایه من شو حاله نظراً الك اعلا موقع و طوپراقدن مزروع واک زیاده صوغوقلره محتمل اولان صناعی چایرلر اون ایکی سنه دن زیاده طیامنز یرنده حیوان اوتاریلان مرعالر ایله اوتلری بیچیلان طبیعی چایرلر ایسه مختلف الفصیله و متنوع الجنس متعدد نباتات ایله طولی اولدیغندن الی نهایه دوام ایدر . طبیعی چایرلردن صناعی چایرلر قدر اوت الیه من ایسه ده انلر قدر خدمت و مصرفی اولنر مشکلاتی بر کره یرینی طولدیرنجه

قدر در اندن صوکره محصولات سنویه سنک مقداری معین اولمغه چفتچی ایشلرینی کمال امنیت ایله کوره بیلور طوپراغی چوق اولوبده انلری زرع واستعماله کوچی یتیمان ارباب زراعته بویله طبیعی چایرلری چوغالتمنی وپک اعلا صناعی چایرلره مالک ایهلردخی طبیعی چایرلرایچون اراضیسندن برمقدار یراییرمنی خالصانه توصیه ایدرز .

اصمه یتشان قوری وصیجاق اقلیملرده سرین یاخود صولانور اراضیه مالک اولنر صناعی چایر استعمالندن ایهه طبیعی چایر تشکیلی دهها مناسبدر زیرا اوت المق خصوصنده آکه چایرلردن زیاده امین اولورلر .

برده یرینک موقع وطبیعی ناصل اولور ایهه اولسون اتی الذکر احوالده اصلا سنوی چایرلره باقلمیوب طبیعی چایر تشکیلی غایت الزمدر .

(۱) سنوی محصولی ازحفری زرعی مشکل اولان ویاغمور صولریله طبقه منتهسی اشاغی اقان زیاده بایریرلر (۲) چای وایرماق کنارلرنده بولنوب اراضره صو التنده قلان محللر .

(۳) الحاق یاش طبان طوپراقلر .

(۴) حاوی اولدینی مرکبات انباتیهسندن طولایی یازین اورته حالده سرین اولان .

(۵) مواد انباتیهسی چوق اولان چای ودره صولریله دائماً صولانمغه وشدتلی صیجاقلرده سرین طوتلمغه قابل

طوپراقلر هر حالده وهر زمانده طبعی چایر تشکیلنه پک مناسب طوپراقلردر .

طبعی چایرلرک باشلیجه انواعی — طوپراغک درجه رطوبته کوره طبعی چایرلری برخیلی قسمه منقسم اوله رق اوج بیوک صنفه آیرلر .

(۱) قوراق (۲) سرین (۳) نمناک چایرلردر .

۰۱ قوراق چایرلر — بایریرلرده اولان و سریعاً صوبی صوروب قوریان طوپراقلرک چایرلری پک اعلا ایسه ده اوتی از اولور بویله چایرلردن طوپراغک از چوق قوری اولسنه کوره سنوی ۲۵۰۰ - ۴۸۰۰ قیه قدر قوری اوت التور بوصف چایرلر ایکی قسمه ایریلورکه بری کیرجلی دیکری صوانلی طوپراقلردر .

۰۲ سرین چایرلر — سرین فقط رطوبتلی و چویوق طوپرا. قلرده اولیسانلردر خفیف طوپراقلرده فقط صولانان چایرلر دخی بوصفدن صاییلور اعلا و زیاده اوت ویرر صیجاق یرلرک دائماً صواریلان چایرلری کبی سنه اولورکه ۶ کره بیجیله بیلور یرینه کوره ۴۰۰۰ - ۱۸۰۰۰ قیه قدر قوری اوت التور بونلر کیلی قتی و صوانلی کیلی و کیلی کیرجلی طوپراقلردر .

۰۳ رطوبتلی یاخود بالحق یرلر — بویله طوپراقلر زیاده صولی اولوب خصوصیه یازین ایچنده یریر ایرکین صولر بولنور اوتی از واراسنده قامش ساز و امثالی چوق اولدیغدن کیفیتی ادنادر سنه ده یالکز بر کره بیجیلور ۲۴۰۰ - ۴۸۰۰ قیه قدر قوری اوتی اولور طوپراقلری علی العاده کیلی توربلی یاخود کیرجلیدر .

طبیعی چایر تشکیلنه مناسب اقلیم و طوپراق — شمدي به قدر تعريف و بیان ایلدیکمز چایرلر کبی طبیعی چایرلر حقتده اقلیم و طوپراق اوقدر اهمیت یوقدر چونکه طبیعی چایرلری تشکیل ایدن مختلف الجنس و معتدد نباتاتک هوا و طوپراقه احتیاجلری مختلف اولدیغندن بونلرک ایچنده هر بر اقلیم و طوپراقده یتشه بیلجهک مقدار کافی نباتات بولنهجنی درکاردر طوپراقک سرینلکیله اورته صیجاقلی اوتنک کثرته کفایت ایدر .

دنیا نك یلدز جهتلرینه یاخود یوکسک طاغلره باقديغمزده صوغوقلر کلدیکی کبی چایرلر بر اوزون قیش اویقوسنه طالب صیجاق ورطوبتلی یازی عودت ایتدیکی انده اویانوب قوتله بیودیکی و قبله طرفلرینه طوغری نظر اتدیغمزده قیشک صوغوقلری چایرلری قوتدن الیقویدینی حالده یازینک شدتلی قوراق و صیجانغی اوتلرک بیومسنه مانع اولدیغنی کوررز بوکبی وعموم قوراق و صیجاق اقلیملرده اغاجدن بشقه خشیشی اوت بولمز زیرا بونلرک کوکلری درین کیتدیکندن طوپراقک الت طبقه لرنده محتاج اولدینی رطوبتی بولور .

قبله طرفلرینک یالکر طاغلق یرلرنده چایر بولنور چونکه طاغلرک ارتفاعی عرضک حرارتی تعدیل ایدر ده ایلرلرده یعنی عربستان طرفلرنده قیش رطوبتلی و بر درجه به قدر صیجاق اولدیغندن طوپراقلری چایر ایله طولار لکن ایلك بهار حلول ایتدیکی کبی کیتدکجه غائب اولور شو ایکی جهتك

اراسنده قیش لطیف و یاز رطوبتلی آوله جغندن چایر و مرعالر
 اردی اراسی کسلمکسزین تنبت ایدوب دائماً یشیل قالور .
 بر کره اکیلوب بعده کندو حاله ترک اولسان طوپراق
 انسانک معاونته محتاج اولقسزین کندو کندویه چایره دوزر
 اولا برطاقم ایری چایر نوعلری ظهوره کله رک یری طولدیر .
 مغه باشلر صوکره دها ضعیف فقط زیاده طیانیقلیلری بتر
 کوکلری سطحی اوزانور بونلرک هربری یقیننده بولسان دیکر
 نوعلری دفع ایچون غوغایه طوتشوب یری ضبطه چالشور
 وبر خیلی سنه بری بریله اوغراشدن صوکره موازنت حصوله
 کلوب هربری درجه قوه انباتیه سنه وتکثیر جنس واستعدادینه
 کوره ازچوق یرطوتوب وهوانک تاثیراتیه تصادف ایتدکلی
 اوافق تفک بعض انقلاباتی دخی صاوشدیروب مصالحیه قرار
 ویرلر اندن صوکره ال برلک ایدرک الی ماشالله یشارلر .
 شو حاله نظراً طبیعی چایرلرک صورت تشکلی قوه طبیعییه
 براقیلور فقط انسانک معاونته مظهر اولمز ایسه بوکبی
 چایرله دفعته ال سوریه مز یعنی کندو کندویه موازنتی پک
 کیچ بوله جغندن کثرتله اوتی المنغه خیلی سنه لر انتظار لازمکلور
 حالبوکه طوپراغک طبیعی ورطوبتنک درجه سی واقلمی نظر
 مطالعیه الهرق اکا کوره عمل ایدیلور ایسه درعقب اعلا
 وفائده لی نباتات انواعیه مستور طبیعی چایر و مرعا تشکیل
 اولنه بیلور .

طبیعی چایرله مناسب نباتات — طبیعی چایرلری تشکیل

ایدن نباتاتک کافه سی حیوان بسلمکده یکدیگره مساوی دکدر بونلرک میاننده الک الویرشیلیری نخیلیه وبقلیه فصلیه لرینه عائد نباتاتدر دیکرلری همان بدنسز پیراقلری طوپراق یوزینه یاغین اولدیغندن نه حیوان دیشی طوتار ونه ده اوراق ایشلر بعضیلری دخی قباوسرت اولدیغندن حیوان ییزودیگر طاقی صحتلرینه مضر اولدیغندن چایرلره ادخالی مخاطره لیدر بناءً علیه طبیعی چایرلق تشکیلنده انواع مفیده یی انتخاب ایتمک کرکدر انلرده نخیلیه بقلیه وسائر فصلیه لرذن اشاعیده کیفیت واحواللرینی نقل ایده . جکمز نباتاتدر .

چایر قسمنه بزده علی العموم چیم وچایر دینور ایسه ده بوقسمک هر برنوعنک وفرانسز لساننده بشقه بشقه اسملری اولوب هر برنک ترکیه اسملرینی تحقیق وضبط یالکز بر شخص ایچون غایت مشکل ومتعسر اولدیغی کبی ممالکمتزک هر جاننده بشقه بشقه اسملری اولق دخی محتمل بولندیغندن وشکلری کوریلور ایسه نه مقوله چایر اولدیغی بیلنه جکندن ترکیه اسملرینی تحقیق ایده مدیکمز انواعنک کورلدیکنده نه کبی چایر اولدیغی اربابی نظرندک اکلایمق ایچون اکثرینک شکلری دخی اسملری حذاسنده صره رقلریله کوسترلشددر .

برنجی صنف نباتات نخیلیه

نخیلیه یعنی ایجه اوزون پیراقلی واکین کبی بدنی صابلی

چایر اوتی — (شکل ۲۰۷) سنین بدنی ۳۰-۵۰ پارمق



(شکل ۲۰۷) چایر اوتی

یوکسلور کیج یتشور فقط
کیفتی ایودر هر یوز قسمی
۱,۳۵ ازوتی حاوی اوله رق
دونمندن علی السویه ۹۶۵ قیه
قوری اوت النور از قوری
کیلی وصوانلی طور اقلرده
یتشور اوتلاغه ایو کلور
دونمنه ۲ یجق قیه تخم اکیلور.
فشقینلی چایر (شکل ۲۰۸)

سنین بدنلری متعدد یاتقین
فشقینلی وطور اراغه طوقانان
بوغوم یرلرندن برچوق کؤک
سالار سنبله لری از چوق
یاغیندر برقاج نوعی اکیلور
صوکه قلان اوتلردندر
دونمندن ۲۲۲۰ قیه قوری
اوت حاصل اولور هر ۱۰۰
قسمی علی السویه ۱,۳۳ ازوتی
حاویدر قوریدقده وزنندن
یوزده ۵۵ اکیلور هر طور ارا.
قده کوزل یتشور هر دونمنه ۲
یجق قیه تخم اکیلور.

انکله ده بوجايري کولکريله اترر لر کولکري ني پارچه پارچه

ايدوب ۲۵ پارمق ارالقلى
۵ پارمق درين چوقورلره
ديکوب سورکي ايله
اوزريني قبادر لر و برده
مردانه چکر لر بو وجهله
ايلک بهار ايرکن دیکيلور
ايسه اتى صوک بهاردن
اعتباراً اوتارتمغه کلور .

يوکسک يولاف —

(شکل ۲۰۶) شکله
کچمشدر سنين بدئي بر
ارشوندن زياده يوکسلور
متعدد ييراقلى در ايرکن
يتشور دائماً تنبت ايدر
طعمى اجى اولديغندن
يالکز ويريلور ايسه حيوا.
نلر چکنور يوزده ۸۵
ازوتى حاوى اولمق اوزره
دوغندن ۱۶۰۷ قيه اوت
النور قورينجه يوزده ۶۰
غائب ايدر قورى وازسرین



(شکل ۲۰۸) فشقينلى چاير

خفیف واورته قی طوپراقلرده یتشور اوتلاق وچایرلق
تشیکنه مناسب برفداندر هر
دوغه ۲۵ قیه تخم اکیلور .

کوچک یاخود صاری

یولاف (شکل ۲۰۹) سنین
بدنی ایجه ۷۵ پارق اوزانور
اوتی کیچ یتشور فقط کیفیت
اعلادر دوغندن ۸۰۰ قیه قوری
اوت النور ۱۰۰ قسمی علی السویه
۱,۷۹ ازوتی حاویدر قوری
واز سرین طوپراقلردن محظوظ
اولور دوغنه ۷ بچق قیه تخم
اکیلور .

کوکلی یولاف — سنین
بدنی ۷۰ پارقندن برارشون
یوکسلور الت پیراقلری ککیش
وقوری طوپراقلرده خالی سر.
ین طوپراقلرده خاوسز اولور
ایرکن یتشور اورته اوتلردن
صایلور یوزده ۰,۶۷ ازوتی
حاوی اولدیغی حالده دوغندن
۱۶۵۱ قیه قوری اوت النور



(شکل ۲۰۹) صاری یولاف

قورینجه یوزده ۶۲ آکسیلور اوتلاغه کلور هر دوغنه ۷ بچق قیه
تمخ آکیلور.



چایر یولافی —

سین اولکندن از

یوکسلور پک اعلا

ترفنده ییشیلکدر جر.

یپندن ۲۱۰۴ قیه

قوری اوت النور

یوزده ۱,۳۷ ازوتی

حاویدر قوری وخصو.

صیله کیرجلی طوبرا.

قلرده ایویشور دوغنه

۷ بچق قیه تمخ آکرلر.

دترك اوت یاخود

زنیل اوتی — (شکل

۲۱۰) سین تقریباً

۶۵ پارمق یوکسلور

اوتی از فقط ترفنده

نازك وپك اعلادر

طواره پک ایو کلور

۱,۳۹ آزوتی حاوی

اوله رق جریپنده ۵۳۸۳

(شکل ۲۱۰) زنیل اوتی

قیه قوری اوت ویرر قوریسی وزننك اوچده ایکیسنی غائم

ایدر خفیف صوانلی
طوپراقلرده ایو اولور.

یبانی داری —

۶۵ پارمق یوکسلور اور.

ته حالدده سینن براوتدر

یوزده ۵۸، آزوتی بو.

لنور هر دوغندن ۲۱۳۶

قیه قوری اوت النوز

یوزده ۵۸ اکیسلور قومی

کیلی صوانلی و کیرجلی

طوپراقلرده اوتلاق ویا

چایرلق اتخاذا اولنور

دوغه ۱۵ قیه تخم اکیلور

صوانلی کیرجلی وزیاده

قوری طوپراقلرده

یتشدیکندن باشاقلرنده

بولنان سرت قیلچققلرك

اویغونسزلنی هنوز کورپه

ایکن اوتارتمقله یاخود

ایرکن ییلمکله برطرف

ایدیلور .



(شکل ۲۱۱) امریقا چایی

امریقا چاری — (شکل ۲۱۱) سنین کیج یتشور فشقینی
چوق وکثیر المحصولدر اوتی براز ایریجه ایسهده کیفیت اعلادر
هریره وخصوصیه سرین ورطوبتلی طوبراقلره ایوکلور هر
دوغمه بر اوقه ۲۵ درهم تخم الویر .

قانش . ساز یولافی — سنین کیج یتشور بدنلری معتدد
وایجهدر اوتی از ایسهده طواره پک اعلاکلور یوزده ۰,۶۳
ازوت بولنور دوغندن ۸۹۰ قیه قوری اوت النور یوکسک
وقوری طوبراقلرده پک ایو اوتلاق تشکیل ایدر هر دوغمه ۷
بیجق قیه تخم زرع ایدیلور .

بو نوع یولافک دیلرنده ساز شکلنده توکسر دمت کی
بر چوق قیصه ییراقلر بولنور سنبله شکلنده سیرک چیچکلر
اچار قاووزی پار لاق وکوموشیدر یالکز طواره دکل کوش
کتورن هر حیوانه ایوکلور .

آریق اوتی — سنین کوکلری یایغین منتشر وهر بوغو-
مندن بر ارشوندن زیاده اوزانور بدنلر پیدا ایدر پک کیج
یتشور ایسهده کیفیت اعلادر یوزده ۱,۵۳ ازوتی حاوی اولد-
یغی حالد جریبندن ۷۲۱۹ قیه قوری اوت النور وهر دوغمه
۱۵ قیه تخم اکیلور سود اینکلرینه پک ایو یدر .

کلب اوتی — سنین بدنلری زیاده ییراقلی ۴۰ - ۵۰ پارمق
اوزون در کیج یتشور قیونلر بونی پک چوق ارشدیرر
جریبنده ۲۰۶۷ قیه قوری اوت ویرر یوزده ۱,۱۱ ازوتی
بولنور قورینجه یوزده ۷ اکسیلور قوری سرین رطوبتلی وتوربلی

طوپراقلرده مرعا اتخاذا اولنور هر جریبه ۲۵ قیه تخم اکیلور

نجیل اوتی. سازاوتی — سنین
ایرکن یتشور تقریباً بر ارشون
یوکسلور پیراقلری ککیش سرت
اوتی از ایری ایسهده حیوانلر
اشتا ایله اوتلارلر یوزده ۰,۸۵
ازوتی اولدینی حالده جریبنده
۱۴۴۰۱ قیه قوری اوت ویرر
قوریسی اغیرلغسندن ۵۹ غائب
ایدر هر طوپراقده وخصوصیه
کیلی قوملی وصالی طوپراقلرده
اوتلاق وچارلق یاییلور جریبنه
۲۵ قیه تخم اکیلور .



(شکل ۲۱۲)

چایر فتوکی — (شکل ۲۱۲)
سنین بدنلری بر ارشوندن
یوکسک کیچ یتشور اوتی چوق
وکیفتی اعلادر ترکیاتنده ۰,۵۸
ازوت بولنور جریبندن ۷۲۷۰
قیه قوری اوت النور قوریسی
اغیرلغسندن یوزده ۵۹ غائب
ایدر سرین منبت ورطوبتلی

طوپراقلرده اوتلاغه وچارلغه پک ایوکلور جرینه ۵۰ قیه تخم الویرر .

یوکسک قئوک — (شکل ۲۱۳) اولکی یه پک یقین فقط اندن یوکسک ودها محصولدار واکتیا اندن اوستوندر صوکا قالور هر ۴ دوغنسک قوری اوتی ۲۰۰۹۹ قیه به بالغ اولور قوریدقده وزنندن یوزده ۶۶ اکیسلور ۱,۸۱ ازوتی واردر اولکی کی اکیلور .

دلجه قئوک — اولکنه یقین براوتدر جرینندن ۸۰۳۹ قیه اوت النور یوزده ۰,۸۳ ازوتی بولنور و ۵۶ اکیسلور اولکی کی اکیسلور .

ایجه اوت — سنین بدنلری ایجه ۳۰ پارمق یوکسلور ایرکن یتشور قیونلره پک ایوکلور یوزده ۰,۹۰ ازوتی بولنور اوتی دوغنده ۷۵۰ قیه به وارر صوانلی وکیرجلی وقوری طوپراقلرده یالکز اوتلاغه کلور دوغنه ۷ بچق قیه تخم الویرر .

قرمزی قئوک — (شکل ۲۱۴) اولکیدن یوکسک ایرکن یتشور متعدد فشقیلر پیدا ایدر ایجه واولکیدن اعلا وکثیر المحصول یوزده ۰,۸۳ ازوتی واردر جرینندن ۶۴۳۱ قیه قوری اوت النور هرطوپراقده کوزل اوتلاق تشکیل ایدر هرجریه به ۴۰ قیه تخم اکیلور .

چایرقامشی — (شکل ۲۱۵) سنین چالی پیراقلی برارشون بویلی قالینجه محصولدار وعموم حیوانلر ایچون کیفیتی اعلا براوتدر کیچ یتشور ایکی کره بییلور جرینندن ۲۵۰۰۰ قیه قوری اوت

النور یوزده ۱,۰۲ ازوتی واردر قوریدقده ۵۶ اکسیلور



(شکل ۲۱۴)



(شکل ۲۱۳)

طوپراقده اوتلاق وچایرلق کبی استعمال اولنور دوغنه ۲ قیه تخم یتشور.

قوقولی اوت — سنین ۳۰ پارمقدن زیاده یوکسک پک ایرکن یتشور نازک قوقولی بر اوتدر حاصلاتی اوقدر چوق دکل ایسهده بسله ییجی فقط دیگر اوت ایله قارشیدریلور ایسه کیفیت اعلای اولور یوزده ۶۳،۰ ازوتی حاوی اولدینی حالده جربیندن ۲۳۶۶ قیه قوری اوت النور هر طوپراقده یتشور هر دوغنه ۱۰ قیه تخم اکیلور .

توکلی جاورس — سنین بدنی ۴۰ — ۸۰ پارمق اوزون پیراقلری اکلی یومشاق تخملری پاموقلی در کیچ یتشور یوزده ۱،۹۲ ازوتی بولنور جربینده ۷۹۴۳ قیه قوری اوت ویرر قورسی ۶۳ اکیلور سرین ورطوبتلی طوپراقلرده یتشور هم اوتلاغه وهمده چایرلغه کلور دوغنه ۵ قیه تخم الویرر .

یومشاق جاورس — سنین کوکلری یایغین بونی اولکیدن یوکسکدر کیچ یتشور اوتی وکیفیتی اورته ایسهده عادی کیلی طوپراقلرده ابو محصول ویرر بهر جریبه ۲۰ قیه تخم زرع النور .

سنین وایتالیادبجهلری — صناعی چایرفصلنده ذکر یچمشدر طبیعی چایرلغه دخی کلور سرین رطوبتلی وتوربلی طوپراقلرده کوزل یتشور .

دترك پاتورن — سنین بدنلری یایغین ۶۰ پارمقدن برار شون اوزانور یومشاق صیق عریض یراقلی وکثیرالمصولدر

کیچ یتشور زیاده رطوبتلی طوپراقلرده یتشان یشیل اوتک اک

اعلا نوعیدر هم

چایره و همد اوتلا.

غه کلور.

عادی پاتورن —

(شکل ۲۱۵) سنین

کوکلری یاییلور

بوی ۳۰-۶۰ پارمق

یوکسلور ایرکن

یتشور نازک کثیر

المحصل بر اوتدر

یوزده ۱,۶۰ ازوتی

واردر جربیندن

۲۵۲۷ قیه قوری

اوت النور یوزده

۷۰ اکسلور بالمله

سرین ورطوبتلی

طوپراقلرده مرعا

وچایرکی استعمال

اولنور هر دوغمه ۵

قیه تخم اکیلور

پیراقلری دیبلرنده



(شکل ۲۱۵) عادی پاتورن

اوافق دلچککر بولمسی ودانه لری سرت اولمسیله اتیده کی انوا-
عندن تفریق اولنور .

چایر پاتورنی — اولکی یه یقین فقط اندن دها یایغین کوکلی
پک ایرکن یتشور سنین بر چایردر ۱,۰۳ ازوتی بولنور جر-
یبندن ۳۲۵۵ قیه قوری اوت النور هرطوپراقده یتشور هم
مرعا وهمده چایره کلور بر جریبه ۲۰ قیه تخم الیرر .

طاغ پاتورنی — سنین بدنلری اینجه طوغری کیفیتی اعلا
ومحصولدارد ایرکن یتشور یوزده ۱,۶۱ ازوتی وجریبنده
۸۷۶۸ قیه قوری اوتی اولور قورینجه ۵۵ اکسیلور سرین
خفیف صوانلی ویاکیرجلی طوپراقلرده چایر یاخود مرعا اتخاذا
اولنور جریبنه ۳۰ قیه تخم اکیلور .

دکر پاتورنی — پک کوزل فقط کیچ یتشور ۱,۸۸ ازوتی
بولنور قوریزی یوزده ۵۸ غائب ایدر ۵۵۱۲ قیه قوری اوت
ویرر طوزلی طوپراقلرده چایرومرعایه کلور هر جریبه ۲۰ قیه
تخم اکیلور .

صو پاتورنی — سنین بوی ۲ ارشون قدر یوکسلور صیق
اکلی یومشاق یراقلی یایغین کوکلی کیچ یتشور بسله ییچی کثیر
المحصول بر فداندر ۱,۱۸ ازوتی بولنور یوزده ۵۰ غائب ایدر
دونمندن ۲۱۱۰ قیه قوری اوت النور صولاق طوپراقلرده
کوزل چایر تشکیل ایلر بهردومه ۲ بچق قیه تخم زرع اولنور .
ییل پاتورنی — بدنلری یایغین تپه سنده دکر می یراقلری واردر
۱,۲۷ ازوتی بولنور قورینجه یوزده ۸۰ اکسیلور جریبندن

۳۶۷۵ قیه قوری اوت النور زیاده یاشلق طوبراقلری سور هر



جریبه ۱۵ قیه تخم اکیلور بدنلرینک بر
طاقی زمینه طوغری اوزاندقجه بوغوم
یرلرندن یکیدن کؤک صالوب متعدد
دیگر بدنلر پیدا ایدر .

صو شریدی یاخود قامش دارسی
— سنین بدنلری دیک برارشون یوکسلور
ییراقلری اکلای اوزوند رکیج یتشور ایرکن
بیچیلور ایسه کیفیتتی اعلا اولور ۱,۴۹
ازوتی واردر جریبندن ۱۳۷۸۲ قیه
قوری اوت النور یوزده ۵۰ اکیلور
زیاده رطوبتلی طوبراقلرده کوزل چایر
تشکیل ایلر .

قوش اوتی — (شکل ۲۱۶) سنین
۳۰ دن برارشون یوکسلور غایت ایرکن
یتشور ایریجه وکثیر المحصولدر ۰,۶۷
ازوتی واردر ایکی بیجمده ۱۶۸۰ قیه
قوری اوت ویرر یوزده ۷۰ اکیلور
سرین ورطوبتلی طوبراقلری سور چایر
ومرعادن هرایکیسنه دخی کلور جریبه
۲۰ قیه تخم اکیلور .

ترلا قوش اوتی — سنین اولکیدن (شکل ۱۱۶) قوش اوتی

از یوکسٹ ایرکن یشور اوتی ازو کیفیتی اور ته در یوزده ۱,۵۹
ازوتی بولنور جریبندن انحق ۳۵۵۶ قیه قوری اوت النور
هر طوپراقده چایر و مرعا اتخاذ اولنور هر ۴ دونه ۵۰ قیه
تخم اولویرر .

دیز اوتی — سنین بدنی بوغوم یرلرندن دیز کبی اگری
وچار یقدر ایرکن یشور اوتی از فقط ایودر رطوبتلی طوپراغی
سور اوتلاق وچار اتخاذ اولنور هر جریبه ۲۰ قیه تخم اکیلور.

ایکنجی صنف نباتات بقلویه

چایر بورچاغی — (شکل ۲۱۷) سنین چیچکلی صاری ایرکن



یشور کثیر المحصول کیفیتی اعلا
بر اوتدر ۲,۳۶ ازوتی واردر
جریبندن ۱۰۰۰۰ قیه قوری
اوت النور یوزده ۶۸ غائب ایدر
سرین ورطوبتلی طوپراقلرده
کوزل چایر تشکیل ایلر هر جریبه
۸۰ قیه تخم اکیلور.

بالچق بورچاغی — سنین
چیچکلی قرمزیدر بوده ایرکن
یشور دونمندن ۲۵۰۰ قیه قوری
اوت النور ۲,۲۰ ازوتی حاویدر
قورسی یوزده ۷۰ اکسیلور

(شکل ۲۱۷) چایر بورچاغی

باش و توربلی طوپراقلری. سور چایر مقامنده استعمال اولنور
دوغنه ۲۰ قیه تخم اکیلور.

بویوزلی یونجه — (شکل ۲۱۸) سنین بدنی زیاده پیراقلی — ۲۰



۵۰ پارمق یوکسلور
چیچکلری صاری کثیر
المحصول ایرکن یتشور
کیفیتی اعلا بر فداندر هر
طوپراقده اولور مرعا و چایر
یرنده قوللانیلور هر دوغنه
۲-۲ بچق قیه تخم اکیلور.
توکلی یونجه — اولکیدن
بیوک چیچکلری هر دال
تپه لرنده طولیجه بولنور
کوچک و فدانک هر طرفی

(شکل ۲۱۸) بویوزلی یونجه

خاولیدر کثیرالمحصول ایسه ده کیچ یتشور اوزلی سرین رطوبتلی
طوپراقلرده چایر و مرعا کی استعمال اولنور اولکی کی اکیلور
بویوزلی دکر یونجه سی — سنین کیچ یتشور بویوزلی یونجه یه
پک یقین در مرعا و چایر تشکیله کلور اولکی کی اکیلوب باقیلور.
قبا یونجه — صناعی چایر فصلنده یازلدینی وجهه غایت
اهمیتلی بر فدان اولدینی کی مرعا یه دخی کلور هم بچلور و همده
مرعا کی قوللانیلور درین قوری سرین و صورار طوپراقلردن
خوشلانور .

ایری یونجه — ایرکن یتشور هر طوپراقده مرعا و چایره کلور.
قلیچ یونجه سی — ایرکن یتشور سنین بر فداندر قوری
صوانلی و کیرجلی طوپراقدرده یتشور .

بورچاق یونجه سی — ایرکن یتشور صنایع چایرلرده
اولان اهمیتی کبی طبیعی چایرلغه دخی کلور قوری صوانلی
و کیرجلی طوپراقلری سور .

آق باش یونجه — ایرکن یتشور مرعا و چایردن هر ایکی
صورتله دخی استعمال اولنور یوز قسمنده ۱,۵۴ ازوت بولنور
قورسی وزنندن یوزده ۷۸ غائب ایدراک قوری طوپراقلردن
اک زیاده رطوبتلی طوپراقلره قدر هر طوپراقده یتشور .

عادی طرفیل — ایرکن یتشور کیلی قوملی و کیلی کیرجلی
طوپراقلرده مرعا و چایر کبی استعمال اولنور .

ارالق یونجه — عادی طرفیله یقین ایرکن یتشور وانک
یرنده قوللانیلور بر فداندر .

دکز یونجه سی — سنین بدنی طوغری ۲۰ — ۵۰ پارمق
یوکسک کثیر المحصول بر اوتدر بالمله طوزلی طوپراقلرده
مرعا و چایر کبی استعمال اولنور .

چیلک یونجه سی — (شکل ۲۱۹) سنین وآق باش طرفیل
کبی صوغوقلره متحمل اطرافنه اوزانوب یاییلور یرنده اوتاریلور
خفیف قوری و یا رطوبتلی طوپراقلرده یتشور .

ملز یونجه — ایرکن یتشور سرین و رطوبتلی طوپراقلرده
اوتلاق و چایر تشکیلنه یراشور بر اوتدر .

کوزل یونجه — ملز یونجه به یقیندز ایرکن یتشور هم مرعا
وهمده چایر اولور
صوانلی وکیللی صوانلی
سرین طوپراقلری
سور .



صحرا یونجهسی
— صاری یونجه دخی
دیرلر سنوی بدنی

(شکل ۲۱۹) چیلک یونجهسی

۳۰ پارمق اوزانور

اوتی چوق دکل ایسهده کیفیتی پک اعلادر هر طوپراقده چایر
ومرعا اتخاذا اولتور .

چیچک بورچاغی — سنین بدنلری هر طرفه اوزانور
بر ارشون قدر یوکسلور چیچکلری منکشوی ماویدر کیچ
یتشور یوز قسمنده ۱,۱۵ ازوت بولتور جریبندن ۵۰۰۰ قیه
قوری اوت آلور قورسی وزننده یوزده ۶۰ غائب ایدر سرین
رطوبتلی وتوربلی طوپراقلرده کوزل چایرلق تشکیل
ایدر .

چیت بورچاغی — سنین درشکی اولکی کبی ایسهده بونک
چیچکلری پیراق قولتقلرنده اچیلور کیچ یتشور سرین
ورطوبتلی طوپراقلرده چایر یرنده استعمال اولتور یوزده ۱,۱۴
ازوتی بولتور دوغندن ۱۵۰۰ قیه قوری اوت حاصل اولور
وزننده یوزده ۶۰ اکسیلور .

جالی بورچانی — سنین اولکنندن او قدر فرقلی اولیوب
عینی کیفیتده بر اوتدر .

اوچنچی صنف مختلف فصیله نباتاتی

چوان پرچی یاخود دلکراوتی (شکل ۲۲۰) مرکبه
فصیله سندن سنین بر فداندرد قوه غدائیه سی واوتی از ایسه ده
شدتلی قوراقلره غایت طیانقلی اولدیغندن قیون واینکدر بو اوتی
پک زیاده اراشدیررلر یوزده ۰,۸۰, ازوتی وارددر کیچ یتشور
سرین وقوری طوپراقلرده مرعا یعنی اوتلاق اتخاذا اولنور مر
دوئمه بریحق قیه تخم اکیلور .

اسفندیلیون (شکل ۲۲۱) بوکا اینک هاوجی دیرلر صیوانیه
فصیله سندن سنین بدنلری کثیرالورق بریحق ارشون یوکسکدر
تازه سی اینکلرک سودینی ارترر پک اعلا اوت ایسه ده قوریسی
قارت وزیاده سرت اولدیغندن حیوانلر یمز سرین رطوبتلی
طوپراقلرده کوزل اوتلاق تشکیل ایدر ایرکن یتشور فقط
چایرلرده یاییلور وچوغالور ایسه خیلی یرینی استعمال اولنمز
برحاله کتورر .


یبائی هندبا — صناعی چایرلر فصلنده ذکر اولمشدر .

چایرکیمیونی — صیوانیه فصیله سندن سنین بوی ۳۰-۹۰
پارمق اوزانور قوریسی بهارلی اولدیغندن و حیوانلر قوقوسندن
غایت خوشلاندقلرندن قیون وسائر بویونوزلی حیوانلر پک
زیاده اراشدیررلر قوری سرین طوپراقلرده چایر و مرعا

کبی استعمال اولسور ایرکن یتشور غایت فائده‌لی برناتدر.
چایر قنطریونی — مرکبه فصیله‌سندن سنین پک زیاده اوزانوب



(شکل ۲۲۱) اسفیدیون



(شکل ۲۲۰) دلکراوتی

ایلرولمدکجه غایت کوزل اوت اولور ،طاقلق صیجاق وقوملقدن
هر طوبراقده اوتلاق یرنده قوللاسلور هر دوغه ۲ قیه تخم
اکیلور .

جیویت اوتی (شکل ۱۹۹) صنای جایلر فصلنده ذکر
کچمشدر قیونلر ایچون پک کوزل اوتدر .

کوچک ابدست بوزان اوتی (شکل ۲۲۲) وردیه فصیله سندن سنین ایرکن یتشور یاز وقیش قیونلر ایچون پک اعلا اوتدر قوری صوانلی و کیرجلی طوبراقلرده کوزل اوتلاق تشکیل ایدر هر دوغمه ۷ بچق قیه تخم الویرر .
بیوک ابدست بوزان اوتی (شکل ۲۲۳) بوده وردیه



(شکل ۲۲۲) کوچک ابدست بوزان (شکل ۲۲۳) بیوک ابدست بوزان

فصیله سندن کثیرا محصول اولوب انک کبی استعمال اولنور ایسه ده ده از یاده منبت طوبراغه محتاج در قوری کیلی - کیرجلی و کیلی -

قوملی طوپراقلرده کوزل اوتلاق اولور هر دوغنه ۸-۱۰ قیه تخم زرع اولنور .

کوچک سکرلی پیراغی اوتی — سیندر هر حیوانه کلور یالکز مرعا و اوتلاق کی استعمال اولنور هر طوپراقده یتشور فقط زیاده قوری طوپراقدن قورقار ایرکن ادراک ایدر دوغنه ۵ قیه تخم اکیلور .

طبیعی مرعا ایچون انتخابی لازمکلان نباتاتک انواعی — یوقاریده ذکر اولندیغی وجهله طبیعی چایر و مرعالره مخصوص نباتاتک جمله سی مشترکاً بر طوپراغه و بر مقصده موافق کلمه جفندن بو خصوصده اتی الذکر نقطه لره دقت لازمدر .

۱. طوپراغک علی العاده درجه رطوبتی . طبیعی چایرلرک اکثریسی رطوبتدن قورقدیغی حالده بر چوغنی متأثر اولدیغی کورلمکهدر .

۲. طوپراغک مرکبات عنصریه سی . بو حالک دخی اولکی کی برخیلی نباتاته تأثیری اولدیغی حالده بر چوغنده دخی شو مساوات بولمز یعنی طبیعی چایرلره مخصوص نباتاتک بعضیسی بالعکس خوشلانیدیغی کی بر چوغیده مثلاً کیرجلی طوپراقدن حظ ایدر آنسده دیکرلری ایتمز طبیعی چایر دخی یالکز بر نوغندن دکل بر چوق نوع نباتاتدن عبارت اوله جفندن طبیعی چایر تشکیلنده زرع اوله حق انواع نباتاتک طبیعتجه یکدیگره موافق اولسنه دقت کرکدر .

۳. مرعا یا خود چایرلق . چایرلق اتخاذا اوله حق یعنی

اوتی بیله جک نباتات طریانه کلان بدنلری اوزون و بالعکس یرنده
اوتاریله جق ایسه دیش طوته جق قیسه و یایغین نباتات انواعی
انتخاب اولمایدیر .

۴. فدانلرک موسم تهری . چیچک موسملری پک
زیاده مختلف فدانلردن چایر تشکیل اولندقدن ایرکن یتشانلر
چیچکه کلوبده بیله جکی یاخود اوتاریله جنی زمان کیچ یتشانلر
انجق نصف بویه واره بیله جکلری درکاردر بناءً علیه یرنده
یدیرلمک ایچون چایر تشکیلنده حیوانلر چایره قونیه جنی زمان
یتشمش اوت بوله بیلیمک ایچون چایر انواعنک دخی قوراق
یرلرده ایرکن یتشانلرینی انتخاب و اوتنک بیلمسی مقصود اولان
ایچون دخی قوراق یرلرده علی العموم یازک صیجاقلرینه تصادف
ایتمکسزین بیله بیله جک ترفنده اوتلری سچوب تفریق ایتمک
کرکدرکه ایلک بهار کبی صوک بهارده دخی اوتی بیله بلسون
ایرکن یتشان ترفنده چایرلرک انتخابندن مقصد اکثریا هم سریعاً
اوتی المق و همده بر سنه نلر فنده بر قاج کمره بیچمک و یا
اوتارتمقدیر .

۵ . اوتنک کمیت و کیفیت . یوقاریده ذکر اولنان چایر
انواعندن برطوپراقده متساویاً یتشانلرک اک زباده اوت و یرنلری
و کیفیت یو و اعلا اولنلرینی تفریق و انتخاب ایتملیدیر .
انواع مذکوره دن مرعا و چایرلق اتخاذینه لایق و مناسب
اولانلری وایلرو و کیچ قلانلری اتی اوچ جدولده کوسترلشدیر .

قوری طوبراقلر جابر تشکینه مخصوص نباتات

کبرجلی طوبراق

درجه ادراکی	مهرتا و جابر اتقا ذنبه مخصوص	انواعی
کبرج زنده	"	صاری بولاق
کبرج زنده	"	چابر بولاق
کبرج زنده	"	بیانی داری
کبرج زنده	"	ساز بولاق
کبرج زنده	"	ایریق
کبرج زنده	"	کلب اونی
کبرج زنده	"	انجه اوت
کبرج زنده	"	یاقین فتوک
کبرج زنده	"	چابر قامشی
کبرج زنده	"	قووقولی اوت
کبرج زنده	"	چابر یاقورنی
کبرج زنده	"	اورمان یاقورنی
کبرج زنده	"	رلا قوش اونی

نصوانلی طوبراق

درجه ادراکی	مهرتا و جابر اتقا ذنبه مخصوص	انواعی
کبرج زنده	"	چابر اونی
کبرج زنده	"	بوکسک بولاق
کبرج زنده	"	صاریجه بولاق
کبرج زنده	"	چابر بولاق
کبرج زنده	"	توکلکی بولاق
کبرج زنده	"	زنبیل اونی
کبرج زنده	"	بیانی داری
کبرج زنده	"	ساز بولاق
کبرج زنده	"	ایریق
کبرج زنده	"	کلب اونی
کبرج زنده	"	نجیل اونی
کبرج زنده	"	انجه اوت
کبرج زنده	"	یاقین فتوک

بوينوزلى يوبجە	«	توفندە	توققولى اوت	پك توفندە
ايرى يوبجە	«	پك توفندە	چاير پاتورنى	«
قبا يوبجە	«	«	اورمان پاتورنى	توفندە
اوراق يوبجەسى	«	توفندە	زلا قوش اوق	پك كىچ
عادى بورچاق يوبجەسى	«	«	بوينوزلى يوبجە	توفندە
ياض يوبجە	«	«	ايرى يوبجە	پك توفندە
چىڭ يوبجەسى	مرعا	كىچ	قبا يوبجە	«
چاير كىيۈنى	چاير	پك توفندە	اوراق يوبجەسى	توفندە
چاير قىطرىۈنى	مرعا	توفندە	اولا اوق	«
كۈچىڭ ابدست	مرعا	«	ياض يوبجە	«
چىويت اوق	مرعا	پك توفندە	چىڭ يوبجەسى	مرعا
			جوان بىرچى . دىلگەر	مرعا
			چاير كىيۈنى	«
			چىويت اوق	مرعا
			كۈچىڭ ابدست بوزا	مرعا
			اوق	

ش و بالقی طوبراقلده طبیی چایر تشکیانه مخصوص نباتات

کیلی طوبراۋ

درجه۱ ادر اکی	چایر و مرعایه مخصوص	نوعی
کچ	مرعا	فشیلی چایر امریتا چایری کلب اوق نجیل اوق چایر فتوکی بوکسک فتوکه دلچیه فتوکه چایر قاشتی قو قو لی اوت توکلکی چاورس سینن دلچیه دترک پاتورن پاتورن

توربلی طوبراق

درجه۱ ادر اکی	چایر و مرعایه مخصوص	نوعی
کچ	مرعا	امریتا چایری فشیلی چایر کلب اوق نجیل اوق چایر قاشتی بوکسک فتوکه قو قو لی اوت توکلکی چاورس سینن دلچیه دترک پاتورن پاتورن صو پاتورنی موستریدی

کیرجلی طوبراق

درجه۱ ادر اکی	چایر و مرعایه مخصوص	نوعی
کچ	مرعا	چایر اوق بوکسک بولاق چار بولاق صاریمچه بولاق زنبیل اوق کلب اوق نجیل اوق بوکسک فتوکه دلچیه سینن پاتورن صو شری پدی چایر قوش اوق چاپو بورجاقی

چایر باورنی	«	بک تر فنده	تلا قوش اونی	«	بو یوزلی بونجه	«	«
صو باورنی	«	کینج تر فنده	دیرلی قوش اونی	«	توکللی بونجه	«	«
یل باورنی	«	کینج تر فنده	بانجی بورچانی	«	ایری بونجه	«	«
صو شربندی	«	کینج تر فنده	بو یوزلی بونجه	«	قرمزی بونجه	«	«
چایر قوش اونی	«	بک کینج تر فنده	بیاض بونجه	«	چیلک بونجهسی	«	«
تلا قوش اونی	«	بک کینج تر فنده	چیلک بورچانی	«	صحرا بونجهسی	«	«
دیزلی قوش اونی	«	تر فنده	کوجنل سکرلیراغی	«	بیاض بونجه	«	«
چایر بورچانی	«	تر فنده	اونی	«	اورمان بورچانی	«	«
بانجی بورچانی	«	تر فنده		«	چیلک بورچانی	«	«
بو یوزلی بونجه	«	بک کینج تر فنده		«	اسعدیلون	«	«
توکللی بونجه	«	بک کینج تر فنده		«	چایر قنطر بونی	«	«
ایری بونجه	«	کینج تر فنده		«	کوجنل سکرلیراغی	«	«
صحرا بونجهسی	«	بک تر فنده		«			
بیاض بونجه	«	«		«			
چیلک بونجه	«	«		«			
چیت بورچانی	«	«		«			
چایر قنطر بونی	«	«		«			
کوجنل سکرلیراغی	«	«		«			

[illegible]


پیدن چایر تشکیلی ایکی مختلف اصول ایله اولور بر تخم زرعی دیکری بشقه یردن چایر نقلی طریقله در یرینه کو شو ایکی صورتک یکدیگره کیفیت ترجیحی بروجهائی تعریف اولور .

تخم زرعیله چایر تشکیلی — طوپراق استحضاری . نباتا سائر زرعه اولدینی کبی چایر تشکیلنده دخی طوپراغ یوزینی یعنی طبقه منتهی انجدوب تسویه ایتک و نباتا مضره بی دفع ایلک لازمدر بو اصول دخی طوپراغک و طبیعتنه کوره مختلف صورتده یاپیلور .

چایر اتخاذا اولنه حق یرهنوز ایشلنامش یوزخالی یا بطاقی و یاخود اورمانلق ایسه فصول مخصوصه سنده بیان اولدینی وجهله صولری اقدیلوب قوریدیلور و خالی یرلر اصولی وجهله اچیلور اکر ایشلک طوپراقلردن اولوبده یوزی انجلمش و اولدجه مضر نباتات ازمش ایسه طوپراغی دهادرین انجلمک و نباتات مضره نک درینده اولان کوک و پارچه لرندن تمیزلک ایچون اول حیواناته مخصوص یومری کوکلی بتاه وهاوج کبی نباتات زرع اولنور یاخود یاز ویا قیش اکینی ایله برابر چایر مخی اکیلور شو صوک اصول اولا یومری کوکلی نباتات دیکمکسزین حبوبات ایله چایر زرعی پک چوق وقت ایشلنش و نباتات مضره دن لایقیله تمیزلنش طوپراقلره مخصوصدر .


چایر صولانیه حق اولسه دخی طریقان عملیاتی و قورتمه بی تسهیل و چوقور یرلرنده صولرک ایرکیلوب قالمسنی منع ایچون

طوپراغك يوزنى غايت دوز اولمق كركدر زيرا طورغون
صولى يرلرده بيتن اوتلر قنادر بناءً عليه اولا صبان سوريلوب
تسويه اولندقدن صوكره تومسكلكى پك خفيف ايسه اوزرينه
(شكل ۲۲۴) شكلده كوستريلان ياصى سوركى وچوق ايسه



(شكل ۲۲۵) بيكير كوركى چكيلوركه اويله
چوقور يرلرى كوزل طولديرر پك زياده
انكبه لك طوپراقده ايسه (شكل ۲۲۶) شو
شكلده كى صندوقلى آرابه استعمال اولنور .
بو ارابه نك برتكرلكى قالديريلوب يرينه
- ۱ - اكرتى برصندوق وضع اولمشدر
صندوقك اوڭ طرفده تيموردن كسكين


برلوحه بولنور ايكي تكرلك اوزرنده اولد - (شكل ۲۲۴) ياصى سوركى
يغندن برانبارك اوجده برى قدر طوپراق طولديريلوب



(شكل ۲۲۵) بيكير كوركى

حيوان ايله چكيلور صندوق - ب - حرفيله مرقم براسطوانيه
صارقق اولدينى حالده - ج - دينكلك اوجنه كچورلمشدر طولدينى

زمان - د - قولى ايله قالدیریلوب طوپراق بوشالدیله جنى یره
کتورلدکده متحرك اولان التى - ه - حرفيله مرقم چنكل ايله



(شکل ۲۲۶) سندوقلى آراهه

اچیلوب بوشالدیلور طوپراغك ۶۰۰ ارشون ودها زیاده اوزاغه
نقلنده بو آراهه نك اوقدر فائده سی اولمیه جغندن اوحالده عادى
طوپراق آراهه لری استعمالی ده اهنو در .

صواریله جق چایر طوپراق لری نك یوزی ایسه غایت دوزکون
اولمسی لازمدر صولامه فصلنده بو باده معلومات کافیه ویرلش
اولمغه بوراده تکراره حاجت یوقدر فقط طوپراقك یوزی چایر
ایله برابر حبوبات اکمزدن برسنه اول دوزللمك اقتضا ایدرکه
التدن اوسته کلان طوپراق برمدت هوانك تأثیراتی التسه
قاله رق قوه منبته استحصال ایده بلسون و مرعا اتخاژ اولندیغی
تقدیرده دخی برحوض اعمالی لازمدرکه حیوانلر صولانسون .
کوبره ومصلحات — چایر اتخاژ اولنه جق طوپراغك پك

زیاده منبت اولسی اقتضا ایدر چونکه چایر فدانلرینک نباتات
مضره یه غلبه سی انحق قوه انباتیه نك کثرتیه اولور بونکله برابر
چایرله تخصیص اولان کوبره ومصلحات طوپراغک طبقات
مختلفه سیله ایوجه امتزاج ایتک ایچون وقیله ویرمک لازمدر
بناء علیه یکیدن چایر تشکیلی خصوصنده یازدیغمز وجهله
چایردن اول آکله جک ایگی آکینه لزومندن زیاده کوبره ویرملی
وصوکره چایر آکله جکی وقت تمخنه توز کوبره قارشدیروب
برابر زرع ایله طوپراغه کوململیدر .

مواد انباتیه انتخابی طوپراغک طبیعتیه کوره تخلف ایدر
کوبره لرك باشلیجه سی واساسی اولان بیکیر فشقیسندن بشقه
کیلی رطوبتی طوپراقره کیرجلی مصلحات ایله کول ویرمک
لازمدر بومواد چایرلرده کثرتی نادر اولان بقیله فدانلرینک
تکثرینه پک زیاده یاردم ایلر .

تمخ انتخابی — تمخ انتخابی خصوصنده اوچ صورت استعمال
اولنور برنجیسی اولتلقخانه لرده بریکن سپورندی بی طوپلایوب امکدر
فقط چایرلر میاننده بولنان اک اعلا فدانلر هنوز چیچکده ایکن
بیحیه جکندن بو سپورندیده بولنان تمخلره لایقیله یاپنه میان
یاخود ایرکن ادراک ایلیان بعض ترفنده مضر وفائده سز نباتات
تمخلری قارشمش اوله جغندن بشقه ایو تمخ بولنسه بیله حصاد
اولان طوپراغک طبیعتی یکیدن مرعا اتخاذ اوله حق طوپراغک
طبیعتیه اومیه جفی جهته زرعه حسن نتیجه حاصل اولیه جغندن
بو یوله کیدلامسنی خالصانه توصیه ایدرز .

ایکنجی اصول اولکی به مرچدر شویله که چایر اتخاذا اولنه حق
طوپراغک یقینده موقع و مرکباتی ورطوبتی بر درجه ده اولان
کوزل بر چایر انتخاب اولنه رق بونک ممکن مرتبه نباتات مضره دن
عاری اولان بر قطعه سی ایریلوب تخمه ترك اولنور یتشوب ادراک
ایتدکدن صوکره بیچیلوب قوریدیلوب بعده دوکله رک تخمیری
ایریلوب قالبوردن کجوریلور فاما بونده دخی مضر وفائده سز
نباتات تخمیری بولنامسی قابل اولمدینی کبی تکثیر وتزیلی مطلوب
اولان فدان تخمیرینک مقداری دخی تعیین اولنه مز .

اوچنجیسیکه تخمیری چارشودن صاتون المقدر کرچه الایو
اصول ایسه ده فصل مخصوصنده تعریف اولدینی وجهله تخمیرک
ایو وکوتوسنی فرق وتمیز ایتمک لازمدر چایرلره مخصوص
نباتاتک پک چوغنک تخمی النوب صاتلدینی جهته چارشولرده
بولنور بولنه میان پک ازی دخی مخصوصاً الایله طویلانیله رک
استحصال اولنور .

قاریشق تخم انواعنک تعیین مقداری — طبیعی مرعا وچایرلر
مختلف الجنس برطاق نباتاتدن عبارت اولدقلری جهته اکیله جک
تخم انواعنک مقداری تعیین اولنق کرکدر .

اشبو قاریشق تخمیر میاننده علی العموم بقلیه تخمیرینک
مقدارینی ارترمه نک برقاچ دورلو فائده سی اولور اولاک ایو
اوتک اساسی طرفیل یونجه وامثالی کبی بقلیه فدانلریدر نجلیله
یعنی چایر اولنلر چابوق بیویوب یتشدیکی جهته پک ایرکن
چایرلرده یشیل اوت بولنور ونهایت دوکدیکی اوراقیله

طوپراغك اوست طبقه سنی اصلاح ایدرك قوتنی ارترر .
 هر درت دوغه نه مقدار تخم زرع اولنه جنی یوقاریده ذکر
 اولمشدر فقط قاریشق زرع اولنه جنی صرزه ده هر جنسدن نه قدر
 تخم قارشیدیرمق اقتضا ایده جکی قولای اکلاشیلور شو قدر وار
 که طوپراق او قدر منبت اولمز واقیلی اوت انباتنه اولویره جک
 قدر مساعد کورغز ایسه اکیله جک تخمک مقدارینی ارترمق
 لازمکلور .

سیرین کیلی و صوانلی طوپراقده طبیعی چایر تشکیلیچون
 بهر جربه زرع اولنه جق قاریشق تخمک مقداری .

قاریسق اولدینی حالده	یالکز اولدینی حالده زرع	اولمک تخمک مقداری	نسبتی
قیه	قیه	قیه	نسبتی
۵	۱۰۰	۱,۲۰	یولسک یولاف
۲ ۵۰۰	۵۰	۱,۲۰	چایر فتوکی
۵	۵۰	۲,۲۰	یوکسک فتوک
۰ ۸۰۰	۸	۲,۲۰	چایر قامشی
۲	۴۰	۱,۲۰	قوقولی اوت
۲	۲۰	۲,۲۰	توکی جاورس
۲ ۵۰۰	۵۰	۱۲,۰	سین دلیجه
۴	۸۰	۱,۲۰	چایر بورچاغی
۰ ۵۰۰	۱۰	۱,۲۰	بویوزلی یونجه
۱ ۵۰۰	۱۲	۳,۲۰	آباش طرفیل

۳	۱۵	۴,۲۰	عادی طرفیل
۴	۸۰	۱,۲۰	چیچک بورچاغی

چایر تشکیلچون اقلیم هوا موقع و طوپراغک طبیعتنه کوره قارشیدیر یله جق تھملرک مقداری اولقدر تخلف ایدرکه بوبابده قطعی و معین بر مقدار بیان ایتمک فائده سز اوله جفندن بوراسنی ارباب زراعتک وقوع بوله جق تھجر به لرینه ترک ایدرز .

مع مافیه قاریشق تنھم خصوصنده اقلیم موقع و طوپراغک طبیعتنه هر نه قدر توفیق عمل اولنور ایسه اولنسون ارزو اولنان انواعک مقدارینی محافظه مشکلدر اکثریا نوعلرک بعضیسی دیگر لرینه غلبه چالهرق تخریب ایدر مثلاً عادی طرفیل فبا یونجه و بورچاق یونجه سی تنھی سائرلرندن زیاده قارشیدیر لدینی حالده قاریشق اکیلان یا خود اولجه طوپراقدہ بولنان انواع اولتر کبی چوغالمیوب کیتدکجه تنزل ایدر حاصلی بر مرعاده مزروع چایر اوتی نوعلرینک یرلشمسی اوزرندن بر چوق سنه مرورینه محتاج ومتوقفدر .

موسم زرعی — اقلیم و طوپراغک طبیعتی ایله زرع اولنان فدانلرک از چوق صوغوقلره تھمللری موسم زرعی تعیین ایده جک باشلیجه واسطه در .

طوکلرندن قورقلیمیان و یازین شدتلی صیجاقلری نباتاتک بیومسنه مانع اولان صیجاق اقلیملرده قیشدن اول فدانلر اییجه قوت آله بیلیمک ایچون تھملری ایلول اوائلنده زرع ایتمک لازمکلور آز صیجاق محللرده فقط قوری وخفیف طوپراقلرده

نجیلیه فصیله‌سی نباتاتی ایلولده وبقلویه دن یغنی یونجه وامشالی
فدانلردن قیشک صوغوقلرینه متحمل اولیانلری ایلک بهارده
سرین ورطوبتلی طوپراقلر ایله قیشلری شدید اولان یغنی مصر
بوغدایی یتشمیان شمالی محللرده مارتده اکیلور .

اصول زرعی — علی‌العموم طبیعی چایرلرک تازه سورکو-
نلری کونک صیجاغندن بوزلامق ایچون تخماری دیگر اکین ایله
برابر اکوب انک سایه‌سنده قوروندیرلرکه بوضورتله هم تازه
سورکونلر محافظه اولنور وهمده اوت آلنهمیه‌جق شو برنجی
سنه اوت یرینه دیگر برمحصول الشمس اولور چایرلرک نه وقت
ونه کبی اکین ایله برابر زرعی لازمکله‌جکی عادی طرفیل‌بخشده
تفصیل اولندیفی جهته اورایه مراجعت اقتضا ایدر .

قاریشق تخم‌لرک جمله‌سی بر بوی وجرمده اولیه‌جغندن
بونلرک اولایری دانه‌لیلری اکیلوب سورکی ایله اورتلدکن
صوکره اوافق واینجه تخم‌لر زرع اولنوب خفیف برسورکی ایله
یاخود مردانه ایله کوملور .


بعضاً صنایی برچایردن صوکره طبیعی مرعا تشکل ایدر
مثلا سرین جوهرلی منبت طوپراقلرده عادی وآق باش طرفیل
وسنین دلیجه یاخود قوری طوپراقلره قبا یونجه بورچاق
یونجه‌سی وچایر اوتی اکیلور وچایر اوتسندن عبارت صنایی
چایرلرده غائب اولان بقلیه فدانلری یرینه‌صوک ویا ایلک بهارده
منتخب مخلوط تخم‌لر زرع اولندقدن صوکره اکنه بویینه قوتلی
برسورکی سوریلرک ایلک بهار صولی کوبره ویریلور یاخود

صوك بهار اوزرينه اينجه كوبره بايلور ايسه تخملرك حسن
نتيجهسى تامين اولمش اولور .

هرقنى يولده زرع اولنه جق ايسه ياغموره مائل قبالى
وخصوصيله اينجه تخملر ايجون روزكارسز طورغون برهوايه
تصادف ايتديرمك لازمدر .

چيم تزكى نقليله طبعى مرعا تشكىلى — بو اصول ايله چاير
تشكىلى پك نادردير اوده كوچك وخصوصى بعض يرلره
مخصوصدر شوييله كه تخم اكيله جك چاير يرلى كچي طوبراغى
قازيلوب طبانلانقدن صوكره يكديكره ۸ پارمق مسافهده خطلر
چيزيلوب اطرافته ياغيغ كوكلى اعلا چيمن مركب اسكيدن
تشكىل ايدن فقط بوزوق اولميان چايرلنك برمحلى انتخاب اولنه رق
يچاقلرينك ارالرى ۸ پارمق اوزاق (شكل ۴۹) شكلده
كوسترلش اولان طراق كسكيسيله كسلدكدن صوكره هرايكي خطك
۸ پارمق كسيلان تزكلى صبان ايله متواليا يعنى برى يرنده
براقيلوب ايكيسى ۵ - ۷ پارمق قالين دوريله رك قالد يريلور بعده
عمليات تكرار اولنور يعنى چاير تكميل صويلميوب يرير تزكلى
النه رق ارالرنده ۱۶ پارمق خالى ير براقلمش اولور (شكل ۲۲۷)
چيقاريلان تزكر ديكيله جك ترلايه كوتريلوب سطرنجواري
آرالرنده ۱۶ پارمق بوش محل براقيله رق خطلر اوزرينه وضع
ايله (شكل ۲۲۸) قالينقلرينك ياريسى قدر طوبراغه كوملد
كدن صوكره ترلانك اوزرينه يارم ترتيب ايو واعلا تخم
اكيلوركه بوتخم سريعا چيملنوب تزكر اراسنده براقيلان بوش

یرلری طولدیرر اندن صوکره تزکله اوزرینه اغیر مردانه



(شکل ۲۲۸)

(شکل ۲۲۷)

چکیلوب تزکله طوپراغک یوزیله برابر تماماً کوملور و بویولده
بر جریب چایر ایله ۸ جریب بر چایرلق استحصال ایدلمش
اولور و تزکله چیقارلدینی آسکی چایر یری ایسه ینه آز و قتده
چیملوب یری طولدیرر شوقدرکه بو عملیات صوکه و یا ایله بهار
اواننده طوپراغک قوراقلدن قورقوب قورقدیغنه کوره یاپیلور
چونکه تزکله چیقاریله جنی زمان که ایلهک و یا صوکه بهاردر
هوالر بک قوراق کیدر و طوپراق قورر ایسه خالی یرلر سربماً
چیملوب مطلوب وجهله یری طولدیره مز بونکه برابر تشکیل
اولسان چایر کل قالمیوب متساویاً یا ییله رق یری صیقجه

طولديرمق ايچون برقاق دفعه اوزرنده خيلوجه اغير مردانه كزد .
يريلور .

شورادن بورادن يرير تزكلى النان چايه دخی برترتيب
كوبره ايله يارم ترتيب ايو تخم اكيلوب برقاقده مردانه چكيلهرك
برسنه حاليله ترك اولنور ايسه اصلى يعنى اولكى كې ينه كوزل بر
چايرلق اولور .

كرچه بو طريق ايله بر جريب ايو چايردن ۸ جريب اعلا
برمرعا قرانيلور و تخم زرغندن ده چابوق ثابت برحاله كلهرك
ايو اوت ويرر ايسه ده انواعى اوقدر چوق اوليه جى كې ايكي
سنه ظرفنده تكميلاً تشكىل ايده ميه جى و چيم اخراجيله نقلى
و كوبره و مردانه استعمالى مثللو زحمت و مصارفى كئيردر
فقط صوايله جق باير يرلرده و قوملى طوپراقلرده تخم ايله
يتشان چاير فدانلرى صولر ايله يرندن قوپوب اقدى يه كيده .
جكندن اويله يرلرده بويولده مرعا تشكىلى ضروريدر .

طبيعى مرعا هر قفى طريق ايله تشكىل اولنور ايسه اولسون
ايلك بهار تركه ايله اكيلان چايرك تركه حصاد اولندقدن صوكره
اوزرينه تاثيرلى اينجه كوبره ياييلور فقط حين زرغنده بويولده
كوبره لئمش ايسه ايكنجى دفعه كوبره ايجاب ايتيوب يالكر آغيرجه
اوزرنده ايكي مردانه كزد يريلهرك كله جك ايلك بهارده اوتلر
سورمكه باشلادىنى وقت آغىلامه طريقيله اينجه قيون قونيلوب
كيجه وكوندز اوتاريلور و تكرار سوردكه ينه اوتاريلوب بتون
يازين بويولده دوام اولنور اكر صوك بهارده قيش تركه سى اينجه

زرع اولمش ايسه ايلرو صوك بهارده قيونلره اوتار تيلوب قيشدن
اول اوزرنده مردانه كزدير دكدن صوكره اتى ايلك بهارده اينجه
كوبره ويريلهرك صوك بهاره قدر تكرار قيونلره يديريلور .
يرينه وطوپراغنه كوره آق وقره تركه اوزرينه مردانه چكمك
لازم اولدينى كچي چايرلر ايچون دخي هر حالده الزمدر چونكه
يكي ياييلان چايرلرك طوكلردن طوپراغى قباره جنى جهته اكثر يا
بوزولوب كل كل قالور انك ايچون قيشدن اول وطوكلردن
صوكره چايرلرك اوزرنده هر حالده آغير مردانه كزديررك طو-
پراغنى باصدير مق ضروريدر بوصورتله طوپراق اوتوروب
چاير صيقلاشور .

ييجيله جك چايرلرك تشكنى تسريع ايچون اك كسديرمه يول
اولا بو وجهله ايچنده قيون اوتار مقدر اكر زرع اولنان چاير
ايلك سنه ييجيله جك اولور ايسه چاير صيقلاشه جق يرده كيتدكجه
سيرهلور قيونلر اوتلرى كوكدن سوكميوب يالكر اوجلرينى
يدكلرى تجربه ايله اثبات اولمشدر .

نمناك طوپراقلره كلنجه حيوانلرك صحتلرينه مضر اولديغندن
قيون اوتاريله ميوب ايلك سنه دن چايرى ييجيلور ايرى حيوانات
يعنى اينسك ومانده قسمى اوج سنه كچمدكجه مرعايه صوقلمز
ييجيله جك چايرلرى على العموم دردنجى سنه يه قدر يرنده
اوتار توب بعده ييجرلركه او وقته قدر هر سنه ايلك بهارنده
يبانى اوتلرى ايقلانهرق چاير تماميله ولايقيه تشكل ايدر .

طبیعی چایرلرک تیماری

مرعا و چایرلرک هر ایکسی بشقه یولده استعمال اولندیغدن
بزده آنلرک اصول تیماری بورداده بشقه بشقه ذکر ایدمه جکر .
مرعالرک تیماری — مرعا اولترینک سریعا یتشمسی و درجه
غایه ده محصولدارلنی ومدت مدیده دوا می مطلوب ایسه هر سنه
بردرجه یه قدر تیماره محتاجدرلر .

کوبره ومصلحات . مرعالرده اوتاریلان حیواناتک
براقدینی فشقیلر قوه انباتیه سنی محافظه یه کافی ایسه ده فشقینک
بولندیغی محل برمدت اوتدن خالی قالور بویونوزلی بر حیوان
برکونده تام چارشو برآرشون محلی فشقیسیله قاتر ومرعانک
برچوق یرلری اوتدن خالی قالوب صوکره دن کوبره نك اعانتیله
پک زیاده قوتله بیور ایسه ده صولی واز بسله ییجی اولوب حیوانلرک
حظ ایتیه جکی برحال کسب ایلر .

برده کرک کونک صیجاغندن صاقنوب کولکده وکرک
کیجه یی کچورمکده حیوانلر اکثریا صیق صیق بریرده یاته جقلری
جهتله فشقیلری هر محله متساوی اولیوب بعض یرده چوق
وبعض محللرنده آز اولور شو او یغونسزلنی برطرف ایچون
ایکی یا اوج کونده بر فشقیلر صورت متساویه ده یاییلور یاخود
حیوانلر اغیلامه طریقیه اطراف اکر تی چیت ایله قبالی یرلره
یاتریله رق هرکون الویره جک قدر فشقی بر اقدنجه یرلری
دکشدیریلوب بووجهله مرعانک هرطرفی متساویاً کوبره لغش
اولور .

، بعض محللرده هرکون یاخود ایکی اوج کونده بر حیوانلرک فشقیرینی قالدیروب مرعانک برکوشه سنده طوپراق ایله طبقه طبقه ییغین یاپارلر و مرعایه یایه جقلری صرده ایوجه قارشیدیرلرکه بواصول پک موافق بر اصولدر چونکه بویولده فشقیده موجود اولان اوچیجی مواد انباتیه تخر ایتیموب طوپراق طبقه لرنده قالدور بویله کوبره ییغین یاپلمیان کوبره دن همان یارم قات زیاده قوتلی اولور فقط بوفشقی فدانلرک طوپراقدن الدقلری مواد انباتیه یی اعاده ایلر ایه ده مواد معدنیه یی تمامیه کیرو ویره میه جکندن انک یرینه مذکور فشقیدن بشقه معدنی ویا ملخی کوبره لر دخی ویرمک لازمدر .

اشبو کوبره لرک اک مناسب زمان اعطاسی قیشک ابتداسیله صوکیدر دوز یرلره قیش اوائلنده بایر یاخود قیشین صو التنده قلان طوپراقلره صوکنده ویریلور .

نباتات مضره نك اتلافی — تخمخر هر نه قدر بیوک دقتله انتخاب اولنسه دخی اولجه طوپراقده قالمش اولان یاخود روزکار ایله کلان بر طاقم نباتات مضره تخمخری مرعالرده دائماً اکسیک اولز بونلرک بعضیسی حیوانلره ضرر ویرر و بعضیسی سود وسوددن حاصل اولان مأکولاته فنا بر طعم کتورر و بر طاقنی دخی حیوان یمدیکندن فائده سز صورتده ایو فدانلرک یرینی طوتوب اضرار ایلر بناء علیه بوکبی نباتات مضره یی یولوب دفع ایتمک لازمدر بوکبی مضر نباتاتی اوج طاقه تفریق ایدرک اوصاف طبعیه لرینی جدول اتیده ذکر ایدرز .

طبیعی چایرله مضر اولان نباتاتک انواعی
برنجی قسم کوکلری یایلمیان سنین نباتات

قورد بوغان .	پوپولاژ	میدانوز
صارمساق .	چوقه چیچکی	بالدیران
طاغ شقایق .	صوقورد لاسی	آجی چیدم
مسک اوتی .	اطه چایی	سوتلکن
اوکوز کوزی .	صراچه اوتی	جنطیان
قره یر پراضه سی .	مصر اناصونی	قلوبولر
کوزل عورت اوتی	کدی اوتی	چوپلمه
صوکرویزی .	کلب اوتی	
کستره .	ابه کومجی	
سپورکه اوتی .	میریس	
بوتوم .	صوشوکرانی	
یبان سنبلی .	سحلب	
	لاباده	
	کوچک سکرلی یر	

ایکنجی قسم کوکلری یاییلان سنین نباتات

زراوند	میزوتیس	اکرلی اوتی
	ایصرغان	یر پلامودی
قایش قیران .	طوغ اوتی: ات تویروغی	صو زانبقی
اندز اوتی	دوکون چیچکی	ساز

یو غورت اوتی	شسونوس	یر صارماشنی
المانیا صبارناسی	سیرب	لینقرت
دوه دیکنی	قناریه اوتی	نوروزاوتی ^{آرسلان} ^{آفری}
دترك دوه دیکنی	سعدہ	کبریت اوتی
یبان یاسمنی	ستاشی	بهار اوتی
اوکسورك اوتی	طرخون	نانه

اوچنجی قسم سنوی وسنتین نباتات

صارمساق اوتی	اونوپور	بطاق تره سی
طول عورت اوتی	اوروبانش	قرمزی یوکسک اوتی
دیش اوتی	یت اوتی	اوفر اس قرمزی
ارسلان قویروغی	صورازیانہ سی	باک اوتی
خرشف اوتی	صوبوری	دونک صالحه
قطریون	طاطولہ	ینار فرنکی اوتی
بالدیران		صیغیر قویروغی
قوقرت		سیاہ ایت اوزومی

اشبو نباتات مضرہ نك دفعیچون دها برقاچ اصول استعمال
ایدرلر زیاده نمناک طوبراقلرده که یوصون ساز وامثالی بر طاقم
نباتات مضرہ یشور اوپله طوبراقلرک صولری سوزدیریلوب
اوزرینه اودون وکومور کوللری کیرج آچی وواجق قورومی
کبی مواد ملجیه یاییلور ایسه اثنای شتاده طوبراغک اکشیلکنی

کیدروب نباتات مذکورہ نك ظہورینی منع ایدر ونجیلہ
وخصوصیلہ بقلویہ فصیلہ سی اوتلرینك قوتلمسنہ خیلی یاردم
ایلر بونتیجه مرعایہ برچوق حیوان صالیویروب پك زیاده فشتی
براقدرمغلہ استحصال اولنور وقیش صوکنده قوتلی برسورکی
چکلمکله دخی تمیزلنور .

بوعملیات ایله مندفع اولمیان وقوری وسرین طوپراقدرده
یتشان دیگر نباتات مضره نك دفعیچون اتی الذکر اصوللر
استعمال اولنور .

اشبو کوکلی سنین اولمیان ویایلمیان نباتات مضره چیچکه
کلمکسزین کوك یاقه سندن کسلور یاخود چیقاریلور کوکلی
یاییلان وخیلی سنه لر یاشایانلر ایسه بدنلری ۳۰ پارمق قدر
اوزاندقجه سنه ده برقاچ دفعه یرله برابر کسلور ایسه یکیدن
کوك صالهمیوب تدریجی کندو کندویه تلف اولور .

مرعالرك برطاق یرلرینی سنین نباتات مضره بعضاً اودرجه
قاتورکه اتلافی اوزون مشکل ومصرفلی اوله جغندن تشکیل
مرعا بحثده ذکر اولندیغی وجهله سوکوب یکیدن مرعا تشکیلندن
بشقه چاره سی یوقدر بوصورت طبیعی چایرلرده دخی اجرا
اولنور .

بر ویا ایکی سنه قدر عمری اولان نباتات مضره چیچکه
کلمزدن اول ایکی اوچ سنه متادیا کوك یاقه لرندن کسلور ایسه
مرعا بونلرك تسلطندن قورتارلمش اولور .
اشبو نباتات مضره دن بشقه صوك بهارده دوکلوب یازه


قدر طوبراغی قاتان اغاچ غزاللرینک دخی حیوانلرک سودینه
آحیلق و طوبراغه اکشیلک و یرمک کبی مضرنی درکاردر
اکثریا کورکن میشه وقواق یراقلرینک سوء تأثیری زیاده.
اولدیغندن قیش اوائلنده بونلری مرعا و چایرلردن سپوروب
قالدیرمق ایجاب ایدر .

برده طولیجه بریرده ویا اوتده بروده حیوانلرک اوتلا-
میوب براققلری برطاقم اوتلری دخی ییچوب قالدیرمق لازمدر
چونکه قورر یرنده قالور ایسه کلهجک سنهکک چیملرینه مضرت
ویرر .

حیوانات مضرهک اتلافی — کوستبک قرنبه و طوکرلان
بوجکی قوردلری مرعالره اک زیاده ایراث مضرت ایلان
حیوانلردندر .

کوستبک طوبراغک یوزنده برطاقم تپهجک پید
ایدرلرکه بونلر چوغالدقجه مرعا بوزولور فقط بوتپهجک
وقت وقت وخصوصیه ایلک بهارده مرعایه یاییلور ایسه برنوع
مصلح یرینی طوتوب چایره قوت ویرهجکندن و بونکه برابر
کوستبک بوجک قوردلرینی خصوصیه طوکرلان طریلرینک
برچوغنی اهلاک ایدهجکندن ضرری یرینه فائدهسی کورینور
ایسهده مرعاله یقین سائر اکین ترلارینه دخی تسلطلری
ملحوظ اولدیغندن هر حالده تلفلری اولادر بوخصوصه آز
وسعتلی مرعالر ایچون ال و بیوک وواسع اوتلاقلر ایچون
(دومبازل) کک کوستبک کسکیسی استعمال اولور .

بوکسی (شکل ۲۲۹) ایکی طبان بوینه قابلی برتخته
(شکل ۲۳۰ د) واردرکه بریردن دیکر محله نقل اولنه جفی صروده



بونک اوزرنده قایدیریلوب
کوتریلور وایکی کریشک
بری اوک طبانک (۴۴۳)
ب- الت طرفندن ۴
پارمق یوکسکده موضوع
دیگری یریوزیله برابر و اوک
طرفنک آلتنده بر جوقوری
حاویدر تسهیل عمل ایچون
اکریجه وضع اولنان ایکی

بچاغک - ج- که هر بری (شکل ۲۲۹ - ۲۳۰) کوسنک کسکیبی
اوچ گوشه لی برتخته یه مرکوز ۸ - ۱۰ پارمق عریض و ۴
خط قالین اولوب تحتهلرک ایکی پارمق خارجه چیقمشدر
اوکده کی ۳ پارمق یردن یوکسک وارقده کی بچاق یریوزیله
برابر در - د- حرفیله مرقم چنکله بر چفت حیوان قوشیلوب
چکیلور .

بوالث حرکت ایتدکده طوبراقدن براز یوکسک اولان اوک
کریشی کوسنک یوالرینه چارپه رق برنجی بچاق طوبراغی ۳ پارمق
قدر طراش ایدوب ایکنجی یرله برابر قطع ایلر وارقه طاقوزک
اوکنده بریکن طوبراق کسکینک کزدیکی یرلرده تصادف ایلدیکی
چوقور ودلیکلره دوکلوب طولدیرر بوکسی بردفعه مرعانک

یوزنده کردیرملکه کوستنک یوالرینی تخریب ایلر ایسه ده تپهلر قتی ویاجنلی اولور ایسه تکرار تکرار کردیریلور قرنجهلر دخی کوستنکدن از مضرت ویرمزلر انلرک یوالری دخی بوکسکی ایله خراب ایدیلور .

مردانه — کیرجلی وتوربلی طوپراقلرک یوزده کی طبقه لری طوکدن قالقوب مرعا چایرلرینک کوکلری صارصیلور یاخود احیقده قالور بونلرک اوکئی المق ایچون او یانمزدن اول ایلک بهار اوزرنده مردانه کزدیریلوب طوپراق اوتوردیلور وبو طریق ایله فدانلر دخی یاییلوب صیق برچار تشکیل ایده . جکندن ایکی صورتله فائده سی کوریلور .

خندقلرک محافظه سی — صولاق مرعالرده بولنان صولرک سوزلمسیچون اچیلان خندقلر بعضاً اوتلر ایله یاخود حیوان ایاغیله بوزوله جفندن ازدن سنه ده بردفعه کوزدیلوب تعمیر وتسویه ایدیلور .

چایرلرک تیماری — چایرلرک اوتی هر سنه ییچیلوب اند . بغندن طولایی طوپراقده اکسیلان مواد انباتیه نک اعاده سی لزومی یوقاریده دفعاتله ذکر اولنمشدر ارباب زراعتک بعضیسی طبیعی چایرلره کوبره ویرمکه مخالفت ایدرلر و دیرلرکه چایرلر کوبره صرف ایتک ایچون دکل حیوانلره اوت یتشدیرمکه کوبره حصوله کتورمکدن عبارتدر کوبره سز یتشه میان چایرلری بوزملیدر : واقعا برمرعایه ویریلان کوبره یه مقابل اوچایرک علی العاده اوتندن بشقه ویریلان کوبره نک بریحق مثلی نسبتده

اوت النهمز ايسه بيهوده مصرف ايدلمش اوله جفندن كيسه يه ضررى دركاردر .

فقط چوقدنبرو تجربه ايله بيلنمشدرکه قوه انباتيه نك درجه غايه سنه وارمش بر چايره لزومى يوغیکن فضله کوبره ويرلديكى حالدہ حاصلات معتاده سندن بشقه ويريلان کوبره نك بر يچق مثلى حصوله کتوره جك اوت ويرر .

کوبره حاصل ايدہ جك ساثر محصول خصوصيله دانه سيچون اكيلان نباتاتك ويره جكي کوبره طوپراقدن الدينى کوبره مقدارندن از اوله جنى جهتله يالکز اومثللو اكينلره لزومندن زياده ويريله جك کوبره صرف ضرردن صاييلور .

شو تفصيلاتدن چايرلره کوبره اعطاسنده فوائد کثيره حاصل اولدينى اکلاشيلور بونکله برابر بر چايره اوتيله حاصل ايتديكى کوبره نك نصفندن زياده کوبره اعطاسى ايجاب ايتمز .

مع مافيه بعض چايرلر کوبره ويرمکسزين مواد انباتيه لرينى محافظه ايدہ بيلورلر بونلر وقت وقت صو التنده قالوب ميللنان و مواد انباتيه يي حاوى صولر ايله طبعى و يا مخصوصى صواريلان و اتکلرده بولنوب يا غمور صولريله اوست طرفنده کي يرلرک مواد انباتيه سيله کوبره لنان چايرلردر .

على العموم کوبره يرنده استمال اولنان بالجمله مواد چايرلره دخى يرار ايسده بونلرى چايرلرک يوزينه بردوزى يه متساوياً يايق لازمدر مع مافيه بيکير اينک فشقىسى وسائر ايرى کوبره لرک تازه واسکيسى چايرلره الويرمز چونکه فدا . نلرى اورتوب صراردر اويانمقندن اليقور واولتره حيوانلرک

استکراه ایده جکی بر طعم ویرر انک ایچون اینجه وصولی
کوبره لر ایودر بونلر سهولته یاییلوب چار چابوق فدانلرک کؤک
بورچکلرینه واصل اولور مارن قوم کول وچامورلی صولر
نجاست قورسی قوش ترسی کیرج الچی و بوستان طور اقلری
صوک ویا ایلک بهارده قوللانیلور اعلاکوبره لر دندر تخته وکومور
کوللری دخی یرار یوصون و نباتات مضره یی تلف ایدوب اوتلرک
تفیضنه یاردم ایدر صوایله قاریشق انسان و حیوان سیدیکی دخی
ایلک بهارده استعمال اولنور ایسه بیوک فائده یی موجب
اولور .

اقار صوایله صولانور چایرلر ایله صو اراسنده بیوک
برحوض قازیلوبده ازار ازار اینجه اسکی فشقی و امثالی کوبره
قونور وچایرلرک صوی حوضدن کجوریلور ایسه اشبوکوبره لر
تدریج ایله چور ییوب صوایله برابر چایره اقرار وهر طرفه
متساویاً یاییلورکه بویولده چایر کوبره لمه ک پک چوق فائده سی
کوریلور .

چایرک یری بایر ایسه کوبره اوست طرفه قونیلوب
یاغمور صولریله دائماً اشاغی طوغری اقدیلور بویله چایرلره
صوک بهارده اینجه کوبره صاحیلور ایسه قیش یاغمورلریله
اقوب تلف اولور .

نباتات مضره نک اتلافی — مرعالر ایراث مضرت ایلان
نباتات چایرلر ایچون دخی مضردر بوندن بشقه بعض چایر
انواعی واردرکه حیوان دیشی طوته حق قدر قیصه ویاغنین

اولدیغندن مرعایه مناسب ایسه ده چایرلره کلز چونکه اوراق
طوتمز برطاقیده پک کورپه ایکن اعلایم اولور ایسه ده قوریسی
سرت اوله جغندن حیوان ییمز .

یبانی هاو جدن بشقه نباتات مذکوره نك انواعی شونلردر
برجنس جوان برچی قنطریون اوپاتوار بیوک سکرلی پیراغی
داللی اسفندیلیون بیوک پادیه بری هندیا قناریا اوتی
یبانی هاوج (دیب) قره قفس کوچک سکرلی پیراغی

نباتات مذکوره نك مرعالرده اولدیغی کبی اتلافی پک
کوجدر زیرا مایس اوائلندن بیجم وقته قدر چایره کیریه من
نباتات مذکوره یی تلف و اخراج ایده جک اک مناسب زمان
دخی بواره در شو مشکلاتی اولدجه برطرف ایچون کولکری
یا یلمیان سنین نباتات نیسان اواخرنده و هر بیجم صوکنده
کولکری یا ییلانلر ایله تقریباً برایی سنه مرعا کبی قوللانیلوب
او ائنده کولکرندن اخراج اولنور سنوی ویاسنتین اولنلر بر
ایکی سنه چیچکه کلزدن بیچلور ایسه کندو کندویه کلیاً غایب
اولور .

چایرلری صولامقدن قایش قیران، اکرلتی اوتی، بیاض التون
چیچکی، قو قرت و سودلکن امشالی نباتات مضره دخی محو
وتلف اولور .

حیوانات مضره نك اتلافی — کوستبکلرک مرعاله او قدر
زیانی یوغیسه ده چایرلر ایچون پک مضردر چونکه یابدقلری
تپه جکلر طرپانه مانع و بوضورتله حاصلاتک تنزلنه بادی اولور

وصو خندقلرینی تخریب ایتمکله ضرر ویرر بونلر غایت دقتله
تخری اولنه رق اتلافنه اعتنا لازمدر .

قرنجهلر دخی ایراث مضرتده کوستبکلردن اشاغی قالمده
یغندن انلرک یوالری دخی تخریب اولنور .

مردانه -- ایلک بهار چایرلر اویانمقسزین اوزرنده مردانه
کز دیریلور ایسه چوق فائده سی کویلور خصوصیه طو کدن
قالقان طوبراق اوتوروب چایر صیقلا شور کوستبک کسکیسی
استعمالی عقینده دخی مردانه کز دیروب چوقور ودلیکلر
قادیلور .

خندقلرک محافظه سی — طاشلرک طویلنمسی — سوزمه
وصالنه خندقلرینی هر سنه باقوب تعمیر ایتک وچایرک یوزنده
بریکن طاشلر طرپانه مانع اوله یغندن دقتله طویلایوب دفع ایتک
لازمدر .

اوجنچی فصل طبیعی چایرلرک اداره سی

فصل مخصوصنده بیان اولندیغی وجهله طبیعی چایرلر
ایجابنه کوره یرنده اوتارتیلور یا خود بیجیلوب حفظ ایله
ایجاب ایتدکجه اخورده حیوانلره یدیریلور بوفصلده شواکی
صورتک یرینه کوره قنغیسنی ترجیح اقتضا ایده جکندن بحث
اولنه جقدر .

یازی رطوبتلی اولان اقلیملرده اوتی قورتمق پک مشکل
ایسه ده طبیعی چایر استحصالی دخی یازی رطوبتلی اقلیملره

مخصوصاً ایدیلان تجربه‌لره نظرأ حیوان اوتارمق ایچون اکیلان وطیعی یتشان چایرلرک ایلک سورن ۱۰ پارمق بوی ایکنجیدن ده‌ا چابوق وایکنجیسی اوچنجیسندن ده‌ا سریع والی‌نهایه ایلک فلزلری صوکره‌کیلردن چابوق اوزانوربو حسابه نظرأ چایر ۱۰ پارمق یوکسلوبده بیچلدیکی حالده بروقت معینده یرنده براقیلانلردن ده‌ا زیاده کلور فقط اوتلر ۳۰ پارمغه وار. مزدن بیچیلور ایسه فائده‌سی آز اوله‌جفنسدن چایرلرده حیوان اوتارمق بیچمکدن ده‌ا اولادر بوندن بشقه بیچمه دمت ایتمه ونقلیه‌سی حساب اولنور ایسه مصرفی زیاده اولور .

بونکله برابر قیشین مزروع اوت وکوکلر ایله قارشیدریلوب حیوانلره یدیرلمک ایچون هر حالده قوری اوت بولندیرمق لازمدر برده یازین صواریلان چایرلرده دائماً حیوان اوتارمق ممکن اوله‌مز مع مافیه ایلروده بحث ایده‌جکمز اسبابدن طولایی چایری یرنده اوتارتمیوب بیچمک یاخود اخورده یشیل یدیرمک ایجاب ایدر برده قوری اوت زیاده صرف اولنان ممالکده فیائی یوکسک اوله‌جفنسدن یرنده تکمیل حیوانلره اوتارتمقدن ایسه چایرک برازیخی قوریدوب صاتمق فائده‌لیدر .

اوتی بیچلمیان مرعالرک صورت اداره‌سی — حیوان اوتار-مه‌نک اک مناسب زمانی . یکی یاپیلان مرعالرده زرع اولندیغی سنه‌نک ایلرو یازنده حیوان اوتاریله‌بیلور اما حیوانلری علی-العموم ایلک بهار وچایرلرک اولدقچه اوزاندیغی زمان اوتارمق لازمدر زیرا حیوانلر ابرکن چایره‌براقیلور ایسه اوتلرک قوتنه

وېټون سټنك محصوله ضررى اولور بالعكس پك كيچ براقفده
دخى برچوق تازه فدانلر قارتالور حيوان يميز ووقيله اوتارلده.
يفندن طولايي ايكنجى سوركون كيچ قالور وبووجهله سټن
محصولي آزالور .

انك ايچون هان بتون چايرلرده موجود اولان عادي طرفيل (قرمزي يونجه) چيچكه كلديكي وقت ايلك بهار اوتارينك تام زمانيدر . بوجھله حيوانلر متسلسل ياغمورلر ك ابتداي نزولنه ياخود قيش دومانلرينك ظهورينه قدر چايرلرده اوتاريلور . قيشي خفيف ومعتدل يرلرده حيوانلر قيشين دخی چايرلرده . براقيه بيلور هرايكي صورتده ايلك بهار اوائلنده يكي سوكونلر اويايغنه باشلديني زمان يعني عادي طرفيل چيچكه كلزدن اوچ هفته قدر چايرلري ديكلنديروب صوكره اولكي كيه حيوانلر صالور بيلور .

حيوانلر ايلك بهار چايरे صاليويرلديكي زماندن قيشك
 حلولنه قدر متمادياً چايرده طوتلميوب هر نوبت اراسنده چايرلر
 ۱۰ - ۲۵ پارمق اوزانلق ايچون حيوانلر نوبت نوبت اوتارمق
 لازمدر عكسى حالنده اوتلر چابوق صرف اولنوب قوۋ انباتيه.
 دن قالور برده حيوانلر اوتلرك اكل اعلالريني اوتلايوب انلري
 كليا صرف ايله يالكر كيفيتلري ايكنجي درجهده اولنلري
 راقور .

اوتلرک ۱۰ - ۲۵ پارمق قدر بیومکه براقلمسی رعی
ایدیلان حیوانلرک جنسنه کوره در مثلاً صوات و سی حیوانلرینه

سود اینکلرندن دها یوکسك اوت لازم اولدینی کبی سود اینکلرینه هنوز ضعیف حیوانلردن وانلره ات بیکیر قسمندن و بونلره دخی طواردن دها یوکسك اوت اقتضا ایدر .

نوبت رعیی دخی اقلیمه و طوپراغك زنکینلکله و موسمه کوره تخلف ایلر ۴۰ - ۴۱ درجه عرضده یعنی استانبول و جوار ولایاتده برنجی نوبت روزحضر ایله مایس ابتداسندن باشلار ایکنجی ۱۰ خزیرانده اوچنجی ۱۲ تموزده دردنجی ۱۵ اغستوس و بشنجی نوبته ۲۴ ایلولده باشلانور دها صیجاق و صوغوق محللرده بونوبتلر ۸ - ۱۰ کون ایلرو کیرو حلول ایدر برچایرده حیوانلر یازین بش دفعه اوتاریله بیلور فقط حیوانلر ایز براقه حق درجه ده یاش اولان چایرلره حیوان براقلمز زیرا ایزلری چایری یوردقدن بشقه اوتك کیفیتنی دخی بوزار برطاق فنا نباتاتك ظهورینه سبیب ویرر .

هرنوع چایرلرده اوتاریله حق حیوانلرك جنس و مقداری — مرعانك زنکینلکی رعیی اولنه حق حیوانلرك بوی حجم عدد و طبیعتیه تعین ایدر اك زنکین چایرلرده بسی اوکوز و اینکلری واورته چایرلرده سود اینکلریله طای و بوزاغیلری عادی چایرلرده بیکیر قاطر و قیون کبی حیوانلری اوتارلر و اك ادناسیده طوکر و قاز کبی حیوانلره ترك ایدرلر .

برده برچایری برجنس حیوانه تخصیص ایتماملیدر چونکه برجنس حیوانك اوتلامدینی اوتی دیگرى اوتلار آکر یالکر برجنس حیوان براقیلور ایسه آنلرك اوتلامدینی اوت بتون

جایری طولیدرر حالبوکه نوبت ایله بر چوق جنس حیوانلر
براقیلور ایسه برجنسک ییمدیکی اوتی دیکری اوتلامغله چایرک
موازنتی محافظه اولنمش اولور .

بونکله برابر مرعایه دفعهٔ مختلف الجنس حیوان صالیویرلیوب
نوبت ایله اوتاریلور اولامانده اوکوز واینک کچی حیوانلر
صالیویریلورکه بونلر هر بویده بولنان اوتلری یرلر بعده چایر
اصلا یاش اولماق شرطیله آنلردن قیصه اوتلری ییان بیکیر
نهایت اک قیصه اوت اوتلیان قیون کچی براقیلور قیون وکچی
اکتیا هنوز لایقیله کوکلنوب طوپراغی طوتیمیان کوکلنامش
اوتلری کوکیله برابر قوپاره جقلری جهتله یکی یتشان مرعاله
قیون صالیویرلاملیدر .

برمرعایه صالیویریلرله جک حیوانلرک عددی طوپراغک
درجهٔ انباتیه سیله حیوانلرک جنس و بویلرینه کوره تعین اولنور
بعض مرعالرده بر جریب یر یاز ایچنده آنجق ایکی اوافق قیون
بسلهیه بیلدیکی حالده بعض یرلرده ینه اوقدر چایر مارتدن
خزیران نهایته وتموزدن تشرین ثانییه قدر ایکی دفعهده دردر
بیوک صیغیر بسلوب سمیردر بوراده مثال ایراد ایدملم .

برسوریدن بیوک اورته ووافق حیوانلردن اون باش
انتخاب اولنهرق صباحلین مرعایه صالیویرلرزدن طاریلوب
اکی بوی بللو بر چایرده ۱۰ کون اوتارلدقندن صوکره تکرار
طاریلور اگر آغیرلقلری اکسلمدیه مرعا کافی ارتمش ایسه
اعلا صاییلور بعده قلان و صرف اولنان اوتلر موازنه اولندقدنه

حيوانلارك عددى آرتريلوب آرتريمه جنى اولوقت اكلاشيلور .
هر حالده برمرعايه لزومندن از وياجوق حيوان برابق
دخى مضر در حيوان از ايسه بيهوده اوتى چيكنر و تماميله
اوتلايه مديغندن كيرو قلانلر سرتلور چوق اولور ايسه حيوان
يالكر اوتى دكل كوكنه قدر چايرى يدكدن بشقه كوكلرينى
دخى چكوب چيقارر او حالده مرعا اولقدر خراب اولور كه
بركوننك ضررى برقاج سنه ظرفنده تضمين اولنه من .

اصول رعى — حيوانلر ايكي اصول ايله اوتاريلور برى
چايره باشى بوش صاليويرمك ديكرى قازقلره باغلامقدر .

بك اسكى وقتدنبرو حيوانلرى چايرلره باشى بوش صاليوير.
مك عادت ايسه ده يوقاريده ذكر اولندينى وجهله بو عادتك
اوينوسزلقلرينى دفع ايچون واسع مرعالى اطرافى چيت
اورولى مناسب بر چوق قطعه لره تقسيم ايدرك حيوانلرى
بوچيتلر ايچنه صاليويرمليدر شو حالده حيوانلر يالكر اوتك
ايوسنى سچميبوب جمله سنى اوتلايه رق حدودلرينى ايلرو كچمزلر .
بو قطعه لرك وسعتيده طوپراغك زكنينلكيله اوتلرك آز چوق
سرعت ايله بيومسسه واوتاريلان حيوانلرك عددينه كوره
اولور هر قطعه نك اوتى نهايت ۸ - ۱۰ كون قدر حيوانلره
كافى اولسى لازمدر بر قطعه ده بويولده برقاج دفعه اوتاريلان
حيوانلر دائماً كورپه وتازه اوت بولورلر كه هم هضمى سهيل
وهمه ده باسليه ييدر كوچك قطعه لر ايچون بر چوق چيت
اعمالنه احتياج كورينه جكندن قطعه لرى حيوانلره كوره اولدقجه

وسعتلیجه یا پلیدر زیرا ۴ جریب یعنی ۱۶ دوم یره ۸۰۰
آرشون چیت الوردیکی حالد بونک درتده بری نسبتده
اولان ۴ دوم یره ۴۰۰ آرشون چیت کفایت ایدر .

یونجه فصلنده ذکر اولندیغی وجهله بویولده حیوان اوتار .
مق یالکر اکین چایرلرینه وطیعی مرعاری محدود واز اولان
کوی و کوچک چفتلکله مخصوصدر هر حیوان بو طریق ایله
حصه سنی اوتلایوب ایو بسلندیکی حالد فضلہ اوت تلف ایتمز
واوتلر متساویاً قوپاریلوب کوبره لری اطرافه طاغلمیه جفندن
هر اخشام کوزلجه یاییلور یا خود اقتضاسنه کوره قالدیریلوب
ییغینه کوتریلور و برچوق چیت یا بق مصارفندن قورتلنور
اما حیوانی آز و خدایی مرعاری چوق وواسع اولان کوی
ویوک چفتلکله مخصوصیه مشهور یاییلاقلرده بو کفتلره احتیاج
یوقدر .

اخورلرده یشیل اوت استعمالی — بو اصول چایری
یحیوب اخورده حیوانلره یشیل یدیرمکدن عبارتدر چایرلرک
بویولده اداره سنده بر چوق اوت استحصال اولنور زیرا
حیوانلرک ایاقلریله باصیلوب تلف اولان اوت قزانلقدن بشقه
یاز موسمنده چایرلر حیوانندن خالی قاله جفندن صوارلدیغی
حالد معین بر قطعه نلک اوتیه بویولده بر بچق مثلی حیوان بسنه .
جکی کبی کوبره لری دخی ضایع اولیوب اخورده قالور
معلومدرکه آچقده لایقیه ییغین یا پلمیه رق یا یغین قلان کوبره ده
اخورده کیلر قدر مواد انباتیه اوله مز .

یشیل اوتك اخورده استعمالی قورتمقدن دها کارلیدر زیرا
بالاده ذکر اولتان فواندن بشقه اوتی قورتمقده غائب ایدیلان
وقت و مصرف قزانلور شوقدرکه اوتك بویولده استعمالی
غایت واسع اخورلر انشاسنه متوقف اولوب یومیه چایردن
اخورلره برقاج دفعه نقلی لازم اولدینی کبی حیوانلره برسیاقده
یعنی نه پك تازه ونه پك قوری اوت ویرمك براز مشکلدن
فقط اخورلر چایرله یقین اولور وچایرلر صولانوب حیوانلره
خدمت ایدن خدمتکارلر چایری یچمکه دخی مشغول بولنور
ایسه شومشکلات برطرف اولور .

بواصول قبول واتخاذ اولندینی حالده اوتی غایت ایرکن
یعنی دائما تازه وکوره اولمق ایچون ۲۰ - ۳۰ پارمق یوکسلد.
یکی زمان یچوب حیوانلره یدیریلور .

طبیعی چایرلرک مختلف ادارهسی — بواصول چایری حیوانلره
یرسنه یشیل یدیروب سنه آتیاده یاخود علی العاده ۴ - ۵ سنهده
یر قورتمقدن عبارتدر بونك فائدهسی حیوانلر صورت تمادهده
چایرلرده رعی اولندینی زمان اوافق اوتلر چوغالوب معین
یربویده چیچکه کله جک اولان اینجه ساز و امثالی چایرلر تلف
اولور فقط اراصره یعنی یرسنه قورتمقله حیوان اوتارتمقدن
صرف نظر اولنور ایسه اشبو بیوک چایرلر کرک تخم دوکمه
وکرک کوکلرینی محافظه ایله تکرر ایدرک چایرک اجناس متنوعه سنی
موازننده طوتمسیدر .

قیصه بدلی اوتلر ایله بویلی چایرلرک موازتی ۴ - ۵

سنة ده بر بجمه ايله حاصل اولور بچلديكي سنه طوپراغه بر از
كوبره ويرمك اقتضا ايدر بونوبت اصولى على العاده بچيلان
چايرلره دخی فائده ايدر چونكه اوتك كیفيت ومقدارینی آرتران
قیصه بدنلی فدانلری تلفدن وقایه ایلر دائماً بچیلان چايرلرده
دخی ۴ - ۵ سنة ده بر حیوان اوتاریلور ایسه بو اویغونسزلق
برطرف اولور .

مقدار حاصلات — خدایی مرعالك محصولی قدر مختلف
المقدار بشقه بر محصول یوقدر اقلیم وطوپراغك طبیعت ودرجه
رطوبتك كوبره و اوتلك مركباتك اوتك مقدارینه بیوك
دخلى وارددر شویله كه بعض چايرلرده هر جریبده سنوی ۲۵۰
قیه اوت الندیغی حالده بعض محللرده ۱۵ - ۱۸ بیك قیه قدر
اوت حاصل اولور ایتالیاده قیشین ۱۲ درجه حرارتلی صوایله
صواریلوب زیاده كوبره لئان مرعالك جریبندن ۱۹۰۰۰ قیه
اوت النور اورتیه حساب ايله ۶۰۰۰ واك آزی ۱۵۰۰ قیه اینر
انك ایچون ۱۵۰۰ قیه دن اشاغی حاصلات ویرن چايرلری
یچمكدن ایسه حیوانلره اوتارتمق ده اولادر .

چايرلك دوام مدتی — چايرلر دقت ايله باقیلوب نباتات
مضره دن تطهیر وصورت کافیه ده كوبره لنور ایسه الی نهایه
یاشار مدت دواملری تعیین اولنه مز بونلر اسکیدکجه طوپراغك
یوزی رفته رفته منبتلشور واسباب تخریبیه زیاده طیانور
بناءً علیه صنایع چايرلرده اولدیغی کبی طبیعی چايرلری دخی
سوکوب یکیدن تشکیله احتیاج اولمز ایسه ده چاير طوپراغی

منبت برطوپراق اولدیغندن ارا صره سوکلوب سنوی نباتات مناسبه آکیلور ایسه بیوک فائدهسی کوریلور وایلروده ینه چایره تحویل اولنور .

بو مسئله پک اهمیتلی بر مسئلهدر بوبابده مرعا وچایرلرک حال وموقعلرینه دقت لازمدر بعض طوپراقلر منحصرأ مرعایه براقلدینی وبعضیلری دخی بر ویا برقاچ کوی یشنده مشترک اولدینی جهتله بونلر اصلا سوکلز ومشرتک اولیان وبر صاحبک مالی اولان بعض مرعالرک طوپراقلرنده دخی سنوی محصول یتشه مدکدن بشقه بونلردن حاصل اوله جق فائده مرعالرک فائده سنه تقابل ایده مز مع مافیه خدایی مرعا اتخازینه یرامیان یا اوتی آز اولان یاخود طبیعی مرعا تشکیلیچون نوبت زرعه انتظاره متحمل سرماییه بولنمیان یرلر بوزولور ایسه ده بونک یرینه صنایع اکه چایرلرک تکثیری لازمکلور بوحالده ارا صره مرعالری سوکوب اوتک التنده بریکن مواد انباتیه یی طوپلا . یوب کوبره یرنده استعمال ایتک پک فائده لیدر زیرا بوکوبره دن استحصال اولنان فائده برسنه لک چایر حاصلاتندن پک چوغه وارر .

طبیعی چایرلری سوکمک زمانی تمامیه تعیین اولنه مز ذکر اولنان کوبره نک طوپراقده تراکی مدتی دائماً مساوی دکدر بوتراکمک سرعت ویا تأخیری طوپراغک طبیعی منبتلکی وویر . یلان کوبره نک مقداریه چایری تشکیل ایدن نباتاتک جنس وانواعنه تابعدر شوحاله نظراً بومنبت طوپراق چایرک تشکیلندن

همان اُون ایکی سنه ظرفنده انجق بریکوب میدانه کلور .
 مرعالر دخی آچه فصلنده تعریف اولنان اصول اوزره
 سوکلور و بونلرک اوزرینه بقلویه فصیله سندن صوکره آکیلان
 نباتات زرع اولنور چایرلی ییچوب قورتمق حقنده اولان
 تفصیلات اکین حصادی کتابنده مذکور اولغله بوخصوص
 ایچون اورایه مراجعت لازمکلور .

دردنجی فصل صولامه

طوپراقده رطوبتک کثرتی نباتاتک نشو ونماسنه نه قدر
 مضر ایسه قوریلنی دخی اونسبتده ضررلیدر بونکله برابر معلو-
 مدرکه طوپراقده قطعاً رطوبت بولنمز ایسه نباتات دخی یتشه مز-
 زیرا کرک تخمک فلزلنسنه و کرک کوبره نک اریسیله مواد
 غذایه نک نباتات کوکلرینه وصولنه باشلیجه سبب رطوبتدر .
 یازین فدانلرک رطوبتی قطعات اخضریه لری یعنی یشیل
 ییراق و فلزلری واسطه سیله تخرایدوب ضایع ایلدیکی صوی
 کوکلریله طوپراقدن اخذ و بلع ایتمکه محتاج اولدیغندن و اول
 وقت اکثریا طوپراقده رطوبت پک آز اولدیغندن یوقاریده ذکر
 اولنان مضرت دهها زیاده حس اولنور .

یاز قوراقلرنده طوپراقلرک ضایع اولان رطوبتی اعاده
 ایتمک انجق ترلاری صوارمق ایله حاصل اولور کرچه اکینلر
 یاغمور موسمی کچر کچمز بشاقلرینی اکمال ایدوب خزیران ایچنده

وبعض محله ده اول صرارمغه باشلديغندن قوراق شديد اولدقچه او قدر صويه محتاج دكل ايسه ده چايرلر كچي خييلي مدت يشيل طوران و كترله تخر ايدن نباتات آز قوراكلرده بيله زياده صويه محتاجدر همده خييلي زماندنبرو صواريلان چايرلر طبيعت رديه لرني تعديل و تبديل ايلدكلري كورلمشدر زيرا اك براق صولرك بيله ترك ايلديكي ميل غايت ايجه ورقيق برطاق مواد ترابيه يي حاوي اولديغندن طوپراغك كيفيت و طبيعتي فوق العاده اصلاح ايدر .

آزدن چوغه استدلال طريقيله ايوجه اكلا تيق ايچون چاي و ايرمقلر ايله هر سنه دكرلره دوكلوپ غائب اولان زراعتنه اك مفيد مواد ترابيه نك مقداريني بورا جقده ذكر ايدر ز .

چينده واقع (هوانغو) ايرمني ساعتده ۶۸۶ ومصرده مشهور نيل مبارك ۵,۰۶۸ جنوبى امريقاده مسيسيپي نهري ۲,۷۴۲ و طونه ايرماغى ايسه ۶۰ مليون انبار طوپراق دكره دوكرلر سيل كچي طاشوب آقدينى و قتلر بومقدار قرق قات زياده آرتار .

ياغمور وقار ايله طاغ و اووالردن سوزيلوب چاي و ايرمقلره قاريشان و دره لرك كنار و آغزلرنده و بعضاً صو باصان اووا و ترالرده چوكوب قلان ميل غايت منبت برطوپراق اولوب هر سنه دره لردن چيقاريلوب استفاده اولمقده در چوكه لك دنيلان شوميل چاير صولاندينى زمان متساوياً يوزنده بريكهرك اوتلرك مقداريني تكثير ايدر .

ایدیلان تجربه لره باقینجه ۲۰,۰۰۰ انبار صودن چوکن میل براو کوزک برسنه لك کوبره سیله برابر در مثلاً براو کوزک بر سنه ظرفنده ویره جکی کوبره قدر بر کوبره ایله کوبره له جک چایر ۲۰,۰۰۰ انبار صو ایله صواریلور ایسه صویک بر اقه جنی میل اولمقدار کوبره نك یرینی طوتار چایر لری صواریلور هر جهته فائده لی اولوب فقط صویک جنس و مقداری و طوپراغک طبیعت و احوال خصوصیه سی اوزرینه درجه تأثیر و اختلافی بیلمک لازمدر اورمان و قوری یوصونلی طوپراقلردن چیقان یولی قیصه قیناق صولر نباتاته مضر بعض حوامضی حاوی اولدیغندن فائده سی پک آز و بعضاً ضرر لیدر بویله صولر اکثراً غایت صوغوق اوله جفندن چایر لرك بیویوب چوغالمسنی تأخیر ایدر فقط کونشه قارشو برمدت حوض ایچنده قالور یاخود سائر مواد علاوه ایله اصلاح اولنور ایسه ایشه یرار بوده پک کوچ و مشکدر حمض حدیدی حاوی صولر نباتاتک اوزرنده بریکوب مساماتی قباهرق اضرار ایدر که تیمور پاصندن بشقه برشی دکدر .

علی العموم جریاننده زیاده مدت هوانک تأثیراتی آلتنده کلان یعنی اوستی آچیق اوله رق اوزاق یرلردن طولانوب کلان صولر و مثبت طوپراقلردن مرور ایدن و کذلک زیاده مولد المحوضه حامض خفی نشادر مواد الیه املاح معدنیه باخصوص ازوتیت و فوسفوریت و بوتاسی حاوی اولان صولر چایر لری صواریلور ایچون ائک اعلا صولردر صوانلی و اینجه چاقیلی و کیلی

طوپراقلردن مرور ایدن صولر کیرجلی طوپراقلری وکیرجلی
طوپراقدن جریان ایدن صولر دخی صوانلی وکیلی طوپراقلری
هم صولر وهمده اصلاح ایلر .

بونکله برابر صولرک خواص وکیفیتی ایچنده یتشان
فدانلردن دخی اکلامق ممکندر شویله که علی العموم ایچنده
وکنارنده قامش لاباده نانه واسپارته فدانلری و قیمتلی چایر
اوتلری یتشان صولر ایواولوب بالعکس المانیا صپارناسی دنیلان
برنوع صپارنا ویوصون یتشدیرن صولر آغیردر .

قیناق وآجی قیو صولرینک چایرلره مضر اولمسی بویله
صولر هم صوغوق وهمده زیاده یاغماش کیرج ماده لریله محلول
اولدینی یعنی ایچنده فحمت کیرج بولندیغیدر فقط بویله صولر
آچیقدن جریان ایدر ایسه شوکیرج ماده سی هوا کوردیکی کبی
طوکوب دیبه چوکه جکندن بالطبع صویک کیفیتی و طعمی ایو
اولور مثلاً قیناق صولر بیکارلرندن چیققدن صوکره بر مدت
جریان ایده جکی مسافه ایچنده و قیو صولری طولاب ایله یوزه
چیقاریلوب آقیدلینی زمان آراسنده هوا ایله تماس ایدرک
ایولشور یاخود حوضله طولدیریلهرق اصلاح ایدیلور .

عموم طادلی قیو صولری وخصوصیله طوپراغک ایکی قتی
معدنی طبقه لری آراسنده بولنان قومسال طوپراقلرده بریکوب
قلان صولرک زمیندن بورغو ویا سائر آلات ایله دلیک آچیلور
ایسه صولری یوقاری فیشقروب دائماً اقار بویله قیولرک صو .
لرینک حرارتی دائماً مساوی درجه ده اولدیغندن چایرلره پک
زیاده فائده لیدر .

كذلك بالحق طوپراقلردن سوزيلان صولر دخی زیاده آزوتی حاوی اولدیغندن چایرلری فوق العاده محصولدار ایدر . چایرلری یالکر اقلیمی صیجاق یرلرده صولامق ایجاب ایدر چونکه حرارت و ضیانك كثر و شدتی نباتاتك یشیل قطعه لرینك زیاده تجرینی موجب اولوب بو جهته طوپراقده رطوبت زائل اوله جفندن او یله مملکتلرده لدی الحاحه چایرلری صولامق اقتضا ایدر فقط اقالیم شمالیهده ایسه ضیا و حرارت چوق اولیوب طوپراق دائماً رطوبتلی قاله جفندن اورالرده بولنان چایرلری صولامق فائده یرینه بالآخره مضرت ویرر . اقالیم جنوبیهده دخی بعض الحاق طبان یرلر واردر که دائماً رطوبتی اکسیك اولدیغندن صولامق اقتضا ایتز .

صودن اك زیاده فائده كورن قومسال و کیرجلی طوپراقلردر کیلی قتی طوپراقلرک او قدر صویه احتیاجی اولمز چونکه بو طوپراقلره حرارت سریعاً تأثیر ایتدیکندن رطوبتی دائماً محافظه ایدر بوندن طولایی طوپراق بعضاً فوق العاده صوغوق اولوب چایرلری بیومکدن آلیقور بویله طوپراقلر قوراقلرک شدتندن ناشی صویه احتیاجی اولسه بيله چوق دوام ایتوب هر ایکی صولامه آراسنی خیلی اوزاتق لازمکلور .

موسم سقی — چایرلری صولامق مقصد ضیا و حرارتك تأثیر شدیددن طولایی طوپراقدن ضایع اولان رطوبتی اعاده ایله حرارتك درجه سنی اکسیلتمك یعنی طوپراغی سرین طومتقندن عبارت اولدیغندن صولامه عملیاتی حرارتلی موسملرده

یعنی یاز ایچنده اجرا ایدرلر فقط صولرک چوکه لکی مطلوب ایسه اولوقت صولرک بهاردن تا ایلک بهاره قدر بر زمان ایچنده صوارمق ایجاب ایدر زیرا اولزمان صولرک کثیر و غایت بولانق اولدیغندن چایرلر پک چوق منبت مواد ترابیه ترک ایدرلر . شوراسنه دقت اولمایدیر که یازین چایرلر هنوز کوچک ایکن اوزرنده حیوان اولادلماق شرطیه بولانق صو ایله صولامق قابل اولوب یوخسه بویلا ندینی وقت ویریلرک صو غایت براق اولمایدیر اگر صولر بولانق ایسه صولاندقدن صوکره چایرلر بیویوب اوزرنده بولسان چوکه لک غائب اولمدقجه ییچلماملی و اوزرنده حیوان کردیرلما میدیر .

برده یازین کون قیزمقسزین سرین و قتلرده یعنی صباح یاخود اخشاملین صولامق لازمدر زیرا کون قیزدینی وقت حرارت شدید اولدیغندن بردن بره صوغوق صولرک جریانی چایرلرک دفعه حرارتی تبدیل ایله اضرار ایلر .

صولرک مقدارینه کلنجه بر حد ودرجه ده اولیوب اقلیمک یاش و قوریلغنه و طوپراغک خفیفکلنه کوره تعیین اولنور بعضیلرک قولنجه صیجاق یرلر ایچون هر دوغنه یومیه ۹ انبار و صوغوق یرلرده ایسه بونک یاریسی کفایت ایدر .

بزه قالور ایسه ادرنه سلانیک مناستر قوصوه طرفلرندو دوغنه ۱۵ استانبول بروسه قسطمونی طربزون ولایتلرندو ۲۰ - ۲۲ آیدین آتیه قونیه سیواس جانبنده ۲۵ - ۲۸ ودها صیجاق یرلرده دها زیاده انبار صو ویرمک لازمدر .

چایرلرہ سالمہ اولہرق آقیدیله جق درہ قنال واکرک صولری
ساعتده ۱۰۰ لیترہ قدر جریان ایدر ایسه ہر دونہ صوغوق
یرلر ایچون ۳ بجق وصیجاق یرلر ایچون ہان ۴ ساعت صو
صالمق الویرر .

بردرہ وچایک دقیقهده نہ قدر صو ویردیکنی اکلامق
قولایدر شویلهکہ اولا آرشون حسابیله برچوقور یاپیلوب
درہنک صوبی ایچنہ صالیویریلور وچوقور طولنجه قدر کچن
وقت حساب ایدیلور چوقور ۲۵ انبار قدر بیوک اولوبده ۵
دقیقہ ظرفنده طولار ایسه درہدن دقیقهده ۵ انبار صو آقیدنی
اکلاشیلور .

صولامہنک انواعی — چایرلر باشلیجه اوچ اصول ایله
صولانور برنجی سالمہ ایکنجی غرق اوچنجی صیزمه یعنی خندقلرده
دائماً صو طومتق اصوللریدر .

سالمہ صولر ایچہ برطبقہدن عبارت اولہرق چایرک یوزینہ
یاییلور وطوپراغی یرندن اویناتمہرق جفیجہ طالغہنور ایلک
بہار صیجاق وقوراق کیدر ایسه برقاج دفعہ ویریلان سالمہ
صویک چوق فائدہسی کوریلور برنجی دفعہ ویریلان صوبی
طوپراق ۱۰ - ۱۲ کون ظرفندہ چکدیکی کبی ایکنجی دفعہ
بردها صالئوب یالکز اوچ بعدہ اوچنجی دفعہسی بر ایکی کون
دوام ایلر اقتضا ایدر ایسه دردنجی دفعہ اولہرق بردها صو
صالنور .

چایرلر ہر دفعہ ییچلدکجہ هوا قوراق وصیجاق ایسه

ایکشر کون دوام ایتک اوزره برر کره صوارلق لازمدر
صالحه سولر برطرفدن چایرلره کیروب دیگر طرفدن جریان
ایده جکی جهتله پک اوقدر میل ترک ایده میه جکندن و حالبوکه
صواریلان چایرلرک فدانلری چوغالوب بونلری بسله مکه شایدکه
طوپراغک قوتی کفایت ایتیه جکندن ایجابنه و چایرلرک صورت
نشو و غماسنه کوره بویله یرلرده قیش ایچنده چایرلره برمقدار
کوبره ویرمک ایودر یوخسه طوپراق ضعیفلشور فقط صوار-
یلان دره وچای سولری کوی و شهرلر ایچندن کچور ايسه
بویله سولرده زیاده مواد عضویه بولنه جغندن کوبره ویرمکه
حاجت براقز .

طوپراغی صویه غرق ایتک آز چوق درین برطبقه صو
ایله چایرلری ستر ایتکدن عبارتدر فقط بوبابده دقت اولنه جق
شی زمین چوقورلی اولیوب غایت دوز و مستوی اولسی
وصولر خارجه صیزماق ایچون اطرافنده لزومی قدر یوکسک
سدر بولنسیدر .

طوپراغی اصلاح اولنه جق چایرلر ایچون بواصول پک
منفعتلی اولدیغندن سولرک بولانق و قنی کوزتملی یعنی ایلک بهارلری
اجرا ایتلیدر زیرا اولوقت سولرده زیاده مواد عضویه و تراییه
بولنور شوقدرکه چایر بوی الماش غایت قیصه ايسه بویولده
ویریلان صویک فائده سی اولور اگر یوکسک و بویلی ايسه
چایر ضرر کورر .

بووجهله صویه غرق ایدیلان چایرلرک سولری براقلانغنه

ویوزنده کوف کبی بیاض ماده لر کورنگه باشلدنی آنده اطرا.
فنده بولنان سدرك قباقلری آچیلوب صولر طیشاری آقیدیلور
بویله صولرك چوکه لکی هرطوبراغی وخصوصیه قوری قوم
یاخود ساده چاقیلقدن عبارت اولان یرلری غایت منبت
و محسولدار ایدر .

صیزمه طریقه کلنجه بویولده استعمال اولنه جق صولر
مخصوصاً حفر اولسان خندقلرده بریکوب یانلرندن صیزه رق
طوبراغه تأثیر ایدر بووجهله صولامه صیجاق یرلره باخصوص
خفیف وکوشك طوبراقلره مخصوصدر فقط چوق صو ایستر
زیرا مذکور خندقلر برقاچ هفته متماداً زمیندن لااقل ۱۶
پارمق قدر صو ایله طولو طوره جفشدن صیزمق و بخاره قلب
اولمق ایله زیاده صو ضایع ایدر و بویولده صواریلان چایرلر
زیاده جه کوبره ایستر .



اون ايكنجي كتاب اصول حصاد بيانده در

مخاربه لرده يالکز غلبه کافی اوليوب مظفريتدن استفاده لازم اولدینی کبی زرع اولسان تخمدن فائده کورمک يالکز ايو چفت سورمک وایوجه زرع ایتک ایله اوليوب محصولک کماله رسیده اولدینی وقتی بیلهرک اصوليله ییچوب الده ایتمه متوقفدر زیرا انشای حصادده اک کوچک دقتسزک بیوک ضرری موجب اولور بناءً علیه بوکتابی برملاحظه وایکی فصله تقسیم ایدرک فصلک برینی اکیئرک اصول حصادینه وديکریخی چایرلری ییچوب قورتمه نك طریقته تخصیص ایلدک .

ملاحظات عمومیہ

اتالرمترك (اخشامکی ایشکی صباحه براقه) سوزینی خاطرندن چیقارمیه رق اوراق وقتنده بوکون کوريله جک ایشی هیج بروقت یارینه براماقق الزمدر اکیئرلی ییچوب دمت و ییغین ایتک وصوکره خرمانه نقل ایلیمک ایچون لزومی اولان یناشمه خدمتکار واوراقچیلر وقتيله بولتوب تعین اولنسی و انبار صمانلق و اوتخانه. لرك تعمیره محتاج اولئرلرینک تعمیر ایدلمسی ویاغموردن محافظه

ایچون چاتیلری یوقلانونب ایجابنه کوره کیره میدلرینک اقطاعلرلی
وصیچان کبی مضر حیوان دلیکلری وار ایسه کوزلجه قبادلرلی
لازمدر .

ایکی ایشی بر خدمتکاره کوردیروب مصرفی اسیرمک کبی
احوال بو خصوصده تصرفدن صایلمز زیرا اوراقچی و خدمتکار
آزلی خدمتترینک و قتیله کوریلهمیوب ارادن کون کچمسنه
واوراق ایشینک اوزامسی دانهلرک حد کمالی کچوب دوکلمسنه
و قیمتدن دوشمسنه سبب اولهجنی کبی خدمتکارلرک نسبتدن
زیاده بولندیرلرلی دخی چوق ایش کورلیوب بیهوده مصارفی
وبلکده تلفات واسرافاتی موجب اولور .

زمان حصاد یعنی اوراق موسمی چفتچی ورنجبرک اولوقته
قدر اتخاذا ایلدیکی تدایر ایله صرف ایلدیکی مساعینک ثمره سنی
کوره جکلری زماندر بوبایده ادنا سوء تدیر واهمال صرف اولنان
بونجه امکلری هبا ایده بیلور بناء علیه اوراق وقتی ایچون اولجه
حاضرق کورمک وایشه مباشرتده سرعت ممکنه ایله بتوروب
ایچندن چیقماق الزمدر چونکه کثرتلی یاغمورلر شدتلی صیجاق
وروزکار حصاده مضر اولدیغندن بو احتمالاتی کوز اوکنه
آلوب و خدمتکارلری و قتیله حاضر لایوب ایشی چابوق بتورمیدر
بوزمانده ایدیهلرک مصرف زمان اولورکه یوز مثلی نسبتده
اودنور .

کذلک حاصلاتک نقلیچون استعمال اولنان آراهه وسائر
آلات و ادواتک تعمیر و ترمیمیه اوراقدن اول حاضر ایدلرلی اهمدر


اوراق و حصاڊ خدمتی اغیر اولدیغندن بوسره ده حیوانلرک دخی می ارترملی اوکوز ومانده لره یشیلدن بشقه قوری یم دخی ویرملیدر هوا صیجاق اولور ایسه آرا به لرك حین تحمیل و تخلیه لرنده صو طولی قوغه یه بر مقدار سیرکه قارشدر یلوب حیوانلرک برونلری کوزلجه ییقانور ایسه هم یورغونقلری خفیفنور و همده هوانک تأثیرات مضره سندن حیوانلر مصون اولور .

هر شیک اولجه حاضر ایدلسندن بشقه یوللرک دخی ممکن مرتبه مروره مانع اولیه جق صورتده تسویه سی اقتضا ایدر اکثر چفت و چفتلک اصحابی یوللره صرف ایده جکلری امک و مصرفی اسیرکیوب قطعاً قید ایتزلر حالبوکه اک زیاده نظر دقتی دعوت ایده جک شی یوللرک حسن انتظامیدر بزده ایسه ایکیده بر آرا به قیرلق و دویرملک یوللرک فالغندن طولای عادت حکمنه کیرمش و بو حاللر کورلدکجه ینه قیدسزلقدده دوام اولنوب اصلا اهمیت ویرلماشدر .

حالبوکه آرا به قیرلمسی شویله طورسون یوللرک بوزقلغندن برچیرکلک محله آرا به ایله صاپ و اکین و سائر برشی طاشیمقدده برکونلک یول سورلمش قدر حیوانلر یورولور بعض یرلرده آرا به ایشلیه بیله جک قدر یول دخی اولیوب کویلولر حوایجنی بیکیر مرکب ایله طاشرلر موازنه اولنسه یوللره صرف اولنه جق امک و مصرف ضرردن پک چوق اشاغی قالور .

حاصلی یوللرک تسویه سیله برابر صو جریانی ایچون خندق

باغلی ال ایله بوکمک وقته محتاج اولدیغندن بعض محللرده عادی چیققلر ایجاد اولمشدرکه بونلر ایله برایشی هربری ۲۲ - ۲۴ کره بوککش اولدینی حالدده ساعتده ۱۸۴ قدر باغ یاپه بیلور ذکر اولنان چیققلردن برینک رسمی شودر (شکل ۲۳۱)



(شکل ۲۳۱) دمت باعی چیققری

برتوصیه مز قالدیکه اوده یاغورلردن ویا سائر اسبابدن طولایی براز بوزق اولان دمت ودانه لری ایوسنه قارشیدر میوب بشقه جه حفظ ایلمکدر .

حاصلی چفتجینک بولندینی حال وموقعه کوره دها لازم اوله جق هرشیء وقیله دوشنهرک تدارک ایدوب رغیرت ودقت مخصوصه ایله ایشنی چاپوق کوروب بتورملیدر .

برنجی فصل اکین حصادی

چفتجینی اوزون وتهلکلی برسفردن سوکره لیانه کیرن

برکمی به بکره در لر فی الواقع چفتجی برکیجی به بکرکه شدتلی روزکار و فورطنه لرك مهاجانه طیانوب مقابله ایدرك دشمنه قارشو کورک و ضعیف اولان کیسنی لیانه طوغری کو تر رفقط لیانه کیره جکی صروده دخی کوزه کورغز برطاقم طاش و قیالرك اراسنده ساحل سلامته یناشد قجه تهلمکسی آرتار .

فن زراعتنه واقف اولان و برچوق عملیات ایله ملکه و مهارت کسب ایلیان برچفتجی کوزل قازاراکر فقط حاصلندن استفاده ایتک اصول اداره یی بیلوب وقتنده اجرا ایتکه متوقفدر بوبابده اصل نظر دقته چاربان شی اکینلرك تمام زمان ادراکنی بیلوب وقتنده یچمکدر .

اوراق وقتنک تعینی — اگر انسانک ایستکی طبیعتک مقصدیله بر اولسیدی اوراق وقتی تعین ایتکده قطعاً کوچلک چکلمز ایدی چونکه موسم حصاد میوه نك تمام اولغون وقتی اوله جقدرکه تخم اتخاذاولنه حق اکینلر اولوقت حصاد اولنور . فقط زرع اولنان ذخیره یالکر تخم ایچون دکل اکثری انسانلرك اداره سیچون اولدیغندن تخمک کماله ایرمی وقتنه باقلمیوب آتیده ذکر اولنه حق دیگر نقطه لره نظر ایدیله لرك اکاکوره حصاد اولنور شوراسنی دخی بیان ایدهلمکه میوه ودانه لرك کالی یالکر آغاج وفدانلری اوزرنده بولملرینه متوقف دکدر بلکه قوبارلدقدن صوکره دخی کالنی بولور .

مشهور مؤلفین ایله ارباب ملکه و تجربه نك افاده لرینه نظراً تمام کالنی بولزدن ییچیلان بوغدای کیله ده ۴ اوقه آغیر کلدیکی

کبی صمانی دخی چوق اولور بالعکس کالی بکنیسلان دانه لری قوشلر ییوب تلف ایتدکدن بشقه بشاق ودانه لری سهولته صاپلرندن آیریلوب شدتلی روزکاره تصادف ایله یره دوکلور . حتی برزانبق یومروسی پرتوسز (خرده بین) ایله ایلک بهار معاینه اولندقدن حاوی اولدینی نشاسته دانه لری ۱,۱۰۰ خط اولدینی حالده اون بش کون آچیقده بر اقلدینی زمان جرمی اوج مثلی ایریلشدیکی کورلمشدر .

حبوبات دانه سی کندو ظهورینه باعث اولان تمک عینی شکلی آلدینی زمان فدانک بدنی وظیفه سنی بتورمش اوله جنی جهته قوریمغه باشلر برفدانک ختام حیاتی ابتدای حیاتی موجب اعضادن یعنی کوکدن باشلر قوریمش کوکلر ایسه هیچ برایشه یرامیوب دانه یی بسله یه مز شو حاله نظراً بوغدای دانه سی صاپندن آیرلقدن صوکره دخی کالنی بوله بیلور تمایله ادراک ایتیمان بوغدایک بریحق قیه اونی تمایله ادراک ایدن بوغدایک بریحق قیه اونندن ۱۲۵ درهم فضله اتمک ویرر آنک ایچون فرونجیلر بوغدایک تمایله یرنده ادراک ایدوب ایتیمانی طائر واوله سنی دیکرندن بهالی آلور .

بوراجقده بوغدای تمایله ادراک ایتزدن اول ییچلمکده کی فوائد ومضرتی اولا ذکر ایله بعده نتیجه یه وارلم کالندن اول ییچیلان اکنندن شوفائده لر استحصال اولنور .

اولا دانه لر عموماً بروقت وزمانده ادراک ایتیمه جکلرندن حین حصاده صوکره یه قلان دانه لر یره دوکلور بالعکس صاپلر

تکمیل صرار مقسزین بیچیلور ایسه هیچ برشی غائب ایتمز .
 ثانیاً اول بیچیلان صاپک صمانی حیواناته دها ایو یرار .
 ثالثاً اولجه حصاد اولندیغدن طولای حادثات سماویه دن
 یعنی روزکار ویاغموردن مصون اولور .

رابعاً اول بیچیلان دانه نك کچی آز اولور چونکه اوراق
 نه قدر کچیکور ایسه دانه لرك زارلری او نسبتده قالینلشور .
 کله لمضر تری جهته اولا دانه لرك آراسنده ایو یاپنه مامش
 بعض دانه لر بولنور .

ثانیاً زیاده یاغمورلی یر و سنه لرده دانه لر قولای قوریمز
 قیزار چیملنور .
 ثالثاً تخمه یرامز .

شوایکی صورتده کوستریلان مضر تیر عادتاً صاییلور
 ضرر لر دن اولدیغدن ایکسی دخی تجویز اولنه مز ایسه ده تمام
 ادراک ایتمزدن بیچیلان دانه لرك آغیرلغدن واونی زیاده اولمسندن
 حاصل اوله جق فوائدی دخی فدا لایق اولیه جغدن شونک
 ایکسی اورته سی دانه لر پارمق ایله صیقلدقه ازیلوب قیرلیدی
 زمان بیچمکدرکه بو حال دانه لر ادراک ایتمزدن ۷ - ۸ کون
 اول وقوعبولور لکن آق بشاق ایله صاری بوغدای دانه لرینی
 دیکر لری کبی دوکمز امام بوغدای کبی قیلچقسز اجنبی بوغدای
 جنسی بوغدایلر اکثریا دانه لرینی سریعاً دوکه جکندن اومقوله لری
 دیدیکمز کبی تمامیه صرار مزدن بیچملی ویالکر تخمه مخصوص
 بشاقلرك هر نه قدر برازی ضایع اولور ایسه ده تمامیه ادراک
 ایدنجه یه قدر بکاملیدر .

اکزلرک بوی — اکزلرک بویلی رینه کوره اوزون
یاخود قیصه براقیلور بعض محللرده ۴۸ - ۳۲ و بعض یرلرده
۱۶ پارمق اوزون براقلدینی کبی بعض ممالکده دخی یر ایله
برابر بیچیلور اکتریا کیلی وقتی طوپراقلرده اکزلر یوکسک
براقیلوب اوراقدن صوکره درحال طوپراغی اینجلمک ایچون
صبان ایله کومله رک مصرفسز ترلایه قسماً کوبره ویرلمش اولور.
فقط طوپراغه کوملان بواکزلر ایله یتاق کوبره لری
بیننده اولان فرق عظیم نظر مطالعه یه النور ایسه اکزی محضا
بویولده طوپراغی کوبره ملک ایچون اوزون براقمق اساسلی
براداره دکلدن بواصولک انجق بوغدا ی صاپلری ایچنده بولنان
قیصه برطنامق مضر اوتلرک تخم لری بشاقلره قارشامق ایچون
فائده سی اوله بیلور بوبابده دخی اکزلری یره کومه جک یرده
اوراقدن ۱۵ کون صوکره بیچوب حیوانه یدیرمک ویاخود
یرنده بوزاغی اوتارمق اولادر لکن بوکبی مضر اوتلرک ظهوری
اصولیه زراعت اولنور ایسه برطرف اولور یغنی اوحالده یبانی
اوت نادر ظهور ایدر .

ضروری یوکسک بیچیه جک اولور ایسه مضر اوتلرک
تمخی طوپراغه دوکلوب ایلروکی اکینی اضرار ایتامک ایچون
قلان صاپلری اوتلر ایله برابر یرنده یاقمق ده ایدور چونکه
بونک کوللری قتی طوپراقلر ایچون اعلا مصلح اولور .

بویله یاپلمز ایسه اوزون براقیلان اکز ایچنده صبان کوچ
اداره اولنور واکتریا قیش ایچنده هوانک تأثیری آلتنده قالمق


ایچون کوزین قازلمسی لازمکلان قتی طوپراقلرک حفرینه مانع اولور دیکر طرفدن مضر اوتلرک تخملری اطرافه طاغیله رق سنه اتیه محصولی اضرار ایدر .

وقتیله طوپراغی مضر اوتلردن تطهیر ایدیله رک اصولیله زرع اولنان یرلرده آکرلری اوده اوراق و طرپان استعمالنده قولایلق حاصل اولق ایچون یردن برقاچ یارمق یوکسک براقق کفایت ایدر .

اما ترلا حقیقه مضر اوتلر ایله طولو ایسه یوکسک بیچملی فقط ایچنده حیوان اوتاریله جنی یرده ایو آجیق وقوری برکونده آتش و یریلهرک یاقلیدرک بوطریق ایله هم یبائی تخمل خراب اولور و همده کولی قتی طوپراقلر ایچون کوزل مصلح یرینی طوتار .

اوراق آلاتی — علی العموم اکینلر طرپان قوسه و اوراق ایله بیچیلور اوراق پک اسکی زماندنبرو قوللانیلور اغاج برصاپ ایله یارم دائره یعنی آی شکلنده بر تیمور بچاقدن عبارتدر . اوراق — اوراقلرک بعضیسنک آغزی دوز کسکین بعضیسی دخی دستره کبی صابه طوغری مائل دیشلیدرک (شکل ۲۳۲) ایکسیسی دخی یکدیکرینک ایشنی کورر .

اوراق ایکی صورتله استعمال اولنور برنده اوراقچی بیچمک ایستدیکی اکینه دونوب صول ایله برطوتام صاپ طوته رق آووجی ایچنه طوغری بوکدکن صوکره صاغ ایله اوراغی صالوب کندویه طوغری چکهرک صاپلری کسر و طوتاملری



اوافق اوافق صول طرفنه ییغارکه بوکا
قاورامه دیرلر

ایکنجیسنده بیچهجکی اکینک
صولنده طوره رق صول الیه
طوتامی یردن ۴۸ پارمق یوکسک
طوتوب آووجی ایچنده خارجه
طوغری بوکدکن صوکره اوراغی
چله رک صاپلری کسر وبرادیم کیرو

کلوب کسیلان طوتامی یاتماق ایچون (شکل ۲۳۲) دیشلی اوراق
هنوز کسلیمان صاپله طیار وایکنجی برطوتام انه آلور بر ییغین
تشکیل ایدنجه قدر بویولده عمل ایدرک کسیلانلری طوپلایوب صاغنه
براقور بووجهله صاپلری یقین کسیلوب عملیات دخی قولای اولور.
اوراق اسنعمالنده کی فائده شونلردر اولا اکین بیچلدکجه
دوز کونجه یره براقیلور ثانیاً ۱۵ - ۲۰ پارمق اوزون صاپ
اوزرنده بولنه جقلری جهتله ایوجه یاتریلوب ایچنده هوا سهولتله
جریان ایدرک دانه لر چابوق قورر ثالثاً بشاقلر طوپراغه طوقا.
نمدیقندن رطوبتلی سنه لرده چیملمسندن قورقلمز رابعاً
استعمالی چوق قوته محتاج اولیوب هر خدمتکار ویناشمه
بوخدمتده استخدام اولنه بیلور .

بونکله برابر پک ماهر اوراقچی اوراق ایله یومیه آنجق ۲۰۰۰
ارشون یر بیچه بیلور صاپلر دخی تمامیه یردن کسیله مدیکندن
صماندن اییجه ضایعات اولور .

طریان — صیرمه (شکل ۲۳۳ - ۲۳۴) اوراقدن زیاده

ایش کورر اوجنده بر اوراق

تیموری ایله بشقه جه بر چنکلی


واردر طریانچی چنکل ایله

صاپلری طوتوب صاغ النده کی طریان ایله

قطع ایدر ترلاده یاتمش قاریشق صاپلر طریان

ایله پک قولای بیچیلور بوکاده صیرمه تعیر

ایدر لر .



(شکل ۲۳۳)

بونده اک کوچ عملیات طریانچینک الی

بوش اولدیغیچون کیسلان صاپلری طوبلایه.

میوب حالیه یرنده قالور فقط بونک ایله

طریانچی ۴۰۰۰ آرشون محله طریان آته جفندن

بو یوزدن اوراغه ترجیح اولنور و صاپلری

یر ایله برابر کسه بیلور شوقدرکه آزیوکسک

وسیرک اکینلرده طریان کوچ استعمال اولنور

برده بچاغی پک زیاده یره یاقلشدیغندن شولی

وانکبه لک یرلرده ایشه یرامز.

اوچنجیسی قوسه — (شکل ۲۳۵)

اوراقچی بشاقلرینی صوله آله رق اوراغی

صاغدن صوله چلوب کیسلان صاپلری


کسلماش صاپلره طیار آرقه سنده کی دمتچی

بونک کسدیکی صاپلری طوتام یاپار قوسه نک



(شکل ۲۳۴)

آرقه جهنده - ۱ - حرفيله مرقم قفسك علاوه سندن مقصد كسيلان
صايلرى قوسه نك اوته طرفه يعنى خارجه دوشور مامكدور اولكيلرينه



قياساً بونكله يوميه ۶۰۰۰ آرشون ترلا
يچيلور وسرعتله ايش كوريلور صايلر ير
ايله برابر كسيلور و طوتا ملر يك قالين اولميه.
جغندن دها قولاي قورر فقط قاريشق
وياتق اكينلرده ايوايشله مز برده دها زياده
قوت و مهارته محتاج اولد ينى كې صايلرى
زياده صار صديغندن كچكين دانه لر
اوتيه برويه دوكلور.

بيان اولنان احوالرينه نظراً بزجه شو اوج التدن مطلق
بريسى ترجيح اولنه ميوب يرينه كوره اوچيده استعمال اولنور
كوچك ترلار ايله خدمتكارى زياده اولان يرلرده اوراق
قاريشق و ياتغين اكينلرده و واسع بيوك ترلارلرده طريان ماهر
اوراچى اولوبده طوپراغى غير منتظم تزكلى ديكن و بوكورتلى
محللرده قوسه استعمالى مناسبدر .

هر حالده مملكتك اصول و عادتنه دخى اويىق لازمدر
چونكه اصول و عادت بردنبه دكشد يريلوب يكي الت استعمال.
لنده ملكه و مهارتى اولميان خدمتجى استخدام اولنور ايسه
فائده دن زياده مضرتى كويلور .

اوراچى يه درت اوا دانلق لازمدر برنجى مشين قوشاق ايله
اوراغى بيله مك ايچون طاش و صو قوطيسى قوشاق مشيندن
معمول و قوطى على العاده براوكوز بوينوزندن عبارتدر


ایکنجیسی بیلکو طاشیدر بونک اعلاسنی بولمق کوچدر بعضیسی
 پک قتی وبعضیسی یومشاق اولور یاخود یوزی دوز اولمز
 بو اوینوسزلنک دفعیچون طبیعی طاشلردن ایو برطاق صنای
 طاشلر اعمال اولمشدر اشبو یایمه طاشلر هم اوراغی ایو بیلر
 وممده اوراقجی بی یورمز اوچنجیسی طوقق دردنجیسی
 اورسدر که بونلر ایله آشینان اوراق وطرپان اغزلری آشه
 قونوب دوزلدیلور .

چودار بوغدای کبی دانه لرنی دوکدیکچون ادراکه
 قدر یرنده براقیله بیلور وبوغدای کبی بیچلدکن صوکره
 بشاغی ایچنده ادراک ایدمه جهکندن هر حالده تمامیه اولمدقجه
 بیچلمز فقط بعض یرلرک چوداری بویله دکدر انلرک دانه لری
 پک چابوق دوشر حتی بشقه اکین وار ایکن خرمانه صوقغه
 گلز بریردن دیکر یره نقل ایتدکجه پتر پتر دوکلور انک ایچون
 چوداری تمامیه ادراک ایتزدن بیچمک ایودر .

یولاف بیچلدکن صوکره دخی ادراک ایدمه بیلور فقط
 یرنده ایکن پارچه پارچه ادراک ایدمه جهکندن برپارچه سی ادراک
 ایدر ایتمز ضایعات اولماق ایچون درحال بیچیلور لکن طرپان
 ایله بیچلدیکی حالده کسیلان صاپلر طرپانچینک صاغ طرفه
 طوغری وصره ایله دویرلمیدر بو حالده اکین بشاقلری طریا
 نچینک صولنده قالوب طرپانی صولدن صاغه چلر بوچلیم ایچون
 طرپانک ارقه سنه یابا شکنده برطراق وضع اولنور که (شکل ۲۳۶)
 بو طراق کسیلان صاپلری اوراقچینک اوفاق برحرکتیه صاغه

دویرر شوقدرکه یولاف بیچلیدیکی کی دیکنه دمت یاپلی ویرنده
چوق طوردرماملیدر زیر اوزرینه قارنجیه اوشوشوب دانهلری
طاشیر ارپه دخی سهولتله نخنی دوکدیکندن صاپلری صرارنجیه
قدر بکلیوب صرار دینی کی بیچیلور اکر بووقت کچوریلور
ایسه صباخلین غایت ایرکن ودقت ایله یولاف طرزنده حصاد
اولنور.

قره بوغدايک
دانه وچیچکلری دخی
تدیر ییجی ادراک ایدر
یعنی بر بشاغک بعض



دانهلری تمامیه اولدینی حالده بعضیلری هنوز
یشیل و برطاقی چیچکده بولنور ادراک ایدن
دانهلر کندو کندویه دوکدیکندن کرک ایلک
دانهلر ادراک ایدر ایتمز بیچلسون کرک بولر.
دن اکثرینک ادراکنه انتظار اولنسون دایما
ضایعات اکسیک اولمز بونک ایچون دانهلرینک
اوچده ایکسی ادراک ایتدیکی کی اوراق
ایله بیچلوب ال ایله صاپلری یردن چیقاریله.

(شکل ۲۳۶) رق برقاچ کون ترلاسنده قوریدقدن صوکره
بشاقلری یوقاریده اولدینی حالده دمت یاپیلوب ادراک ایتدیریلور.
بو حالده ۱۵ - ۲۰ کون قدر یاغموردن محافظه ایدیلهرک
قوریدقدن صوکره خرمان ایدیلور .


پرنجه کلنجه بشاقلری آکیلوب قزلسی صاری بررنک پیدا
ایلدکلری زمان ادراک ایتمش اولور بو حالدہ پرنج دانهلری طرناق
ایله کسیلور ایسه سود کبی یومشاق اولمیوب سرت اولدینی اکلاشیلور
فقط هر طاوه نک اکنی دفعته ادراک ایتمدیکندن اکثریسی صراردینی
زمان بیچیلور اوراق زمانی کلنجه صولر چکیلوب طاوه لر قوریدیلور
و بدنلری اوراق ایله بیچیلوب در عقب دمت و یغین یاییلور .
مصر قوچانلرینک یراقلری قوریوب اچلمغه باشلادینی
وقت دانه لرك ادراکی یقین اولدینی اکلاشیلور ایسه ده دانهلری
مساوی بررنک آلدقجه و سرتلمدکجه تمامیلہ ادراک ایتمامشدر
هوا رطوبتلی ایسه کوفلنمماک ایچون دانهلری ادراک ایدر
ایتمز طویلانمیدر بالعکس هوا اچیق وقوری ایسه مصر سائر
حبوباب کبی دانهلرینی دوکمدیکچون صاپنده برمدت ترک اولنور .
اکثریا مصر قوچانلرینی طویلایوب صاپلرینی برمدت یرنده
براقورلر ۲۶ کشی یومیہ ۴ دونم ترلانک قوچانلرینی طویلار
قوچانلر طویلاندقندن صوکره چقتلکه کوتریلوب هوادار بر
محله یاییلور صوکره ۲۰ پارمق قالین طبقه طبقه استیف ایدیلهرک
رطوبت المامق ایچون صیق صیق چویریلور و هرکون یراقلری
صویلہ بیله جک قدر قوچان طویلایوب درحال یراقلری
صویلور چونکه صویلمزده یراغی ایچنده قالور ایسه قیزار
قوچانلر قوپارلدقندن صوکره صاپلری دخی یر ایله برابر
کسیلوب دمت یاییله رق یرنده براقیلور قوریدقندن
صوکره چقتلکه کوتریلوب یا حیوانلره یدیرلمک اوزره حفظ

اولنور یاخود یتاق یاپیلور دانه لری الثان چیلاق قوچانلر ایلك صباندن صوکره تر لایه کوتریلوب اوفاق اوفاق ییغینلری یاپیله رق احراق ایله کوللری صبان ایله خفیفجه کوملور ایسه طوبراغی پک ایو اصلاح ایدر .

قوچانلرک یراقلری قوپاریلور قوپارلر صویلملیدر بوایش ال ایله کوریلور بعضاً قوچانک تکمیل یراقلری صویلمیوب آصق ایچون برایکی دانه سی اوزرنده یراقلور یراقلری صویلدیغی زمان الكاعلا وکوزللی تخلق ایچون تفریق اولنور . مصر قوچانلری قوپارلدقن صوکره دخی دانه لرنده براز صو بولنور بوصوی غائب ایتمک ایچون آزچوق زمان لازمدر نه وقت قوچانلرک خفیفلشمکه یعنی اغیرلقلری اکسلمکه باشلار ایسه اولوقت ایکنجی ادراک وجوده کلور یعنی دانه لرنده قلان صو غائب اولور بونک ایچون برقاج اصول استعمال ایدرلر .

بعض محللرده قوچانلرک یراقلری چیقاریلور چیقارلر انجه طبقه طبقه چارشاف اوزرینه یاییلوب کونش وهوانک تأثیریه صیق صیق قارشیدریله رق قوریدیلور یاغمورلی اولان محللرده اوستی قالی وهوادار یرلرده آچیقده قوریدیلورکه خیلی وقت کچر . بعضاً قوچانک اوزرنده یراقلان یراقلر ایله ۸ - ۱۰ قوچان بر یرده باغلانوب اواچینده یاخود یاغموردن محفوظ هوادار یرلرده آصیلور فقط زیاده محصول آنسان محللرده بواصول کافی اولیه جفندن (شکل ۲۳۷) شکله انبارلر انشا اولنور بوانبارلر ۴ - ۴ بچق ارشون یوکسک و ۶۵ - ۸۰ پارمق اکلی اولوب

یا لکز محصولک مقدار و کثرته کوره سهولته هوا جریان ایتک



(شکل ۲۳۷)

ایچون بویلی ایستلدیکی قدر اوزادیلور دانه لری فارملردن قورومق ایچون دایما زمیندن بر بریحق ارشون یوکسک قازقلر اوزرنده پاییلوب دیب تحتلرینک ارالری چیته ایله قیادیلور . قابلامه چوققلری ایچ طرفندن چیویلی وقوچانلر طیشاری دوشمیه جک صورتده سیرکجه یاپلملیدر انباری طولیدیرمق ایچون یناشمه اولا اکتال قپودن کیررک ایوجه طولیدردقن صوکره او قپوی قباهرق اوست طرفنده کی دلیکدن کوروب اورایه قدر طولیدرر بعده چاتیسنده بولسان دیکر قپوی اچوب تپه سنه قدر املا ایدر بوشالیدیلور ایکن اکتال قپو اچیلوب قوچانلر طیشاری اقدیلور .

زیاده رطوبتلی محللرده قوچانلر اتمکچی فرونلرنده قورید . یلور فرونک حراتی اتمک لازم اولان درجه دن ده ا زیاده

کتور یلوب قوچانلر بیراقسز اوله رق فرونه اتیلور بونلرک تجری فرونک حراتی آکسیلدر سریعاً براده ده قوریمق ایچون کونده بش التی دفعه هرجه تدن الت اوست ایدیلور بوایش ۲۴ ساعت ظرفده تمام اولور بوصورتله قوریدی لان مصر امکه کلز ایسه ده اتمک ایچون پک اعلادر .


داری دانه لرینک اکثری ادرک ایتدکن صوکره اوراق ایله ییچیلوب دمت باغلانور بعده ایچی بز قابلی آربه لر ایله چفتلکه نقل اولوب درعقب دوکلور صمانی کونشده قوریدلد . قدن صوکره حیوانلره یدیریلور .

عرب داریمی ادرک ایتدکن صوکره اوراق ایله بشاغنک ۷۵ پارق الت طرفدن ییچیلوب دانه لری النقدن صوکره بدنلری باغلانوب سپورکه جیلره ساتیلور .

اوراق ماکنه لری — بیوک وواسع چفتلک وترلارک اوراق و طریان ایله ییچلمسی خلی وقته متوقف اولدینی کبی بعضاً هوالرک مساعده سز لکندن و بعضاً دخی اوراقچی بولنه . میوب بولنسه بیله زیاده پاره صرفنه احتیاج کورندیکدن طولای عموم اوروپا و آمریقاده برطاقم اوراق ماکنه لری ایجاد واستعمال اولنقده در شمدی به قدر قوللانه قوللانه کوریلان نقصانی اکمال ایدیلرک مکمل برحاله کتوریلان واک ایوایشه یرایان موسیو (بورژس) و (کی) نک اوراق ماکنه لریدرکه بورایه رسمنی وضع ایله تعریفنی مناسب کوردک (شکل ۲۳۸) .


بوماکنه حین حاجتده بری برندن ایریلور ایکی قسمدن

عبارت اولوب قسملردن بری اصل ماکنه دیکری بیجقیدر



(شکل ۲۳۸) اوراق بیجقیدی

ماکنه نك - ب - اشارتلی قطعه سنده بولنان برطاقم دیشلر صابلی
اراسنه الوب - س - دستره سی ایلرو کیرو حرکت ایدر کیره
یقین بیچلنجه قدر طوتارو - ج - اشارتلی تختهدن معمول
(شکل ۲۳۹) غاغه لی مفرق دخی کیسلان صابلی ایروب
- آ - تخته اوزرینه دوشور - ژ - اشارتلی ایکی ترلکک
بریکه طیش طرفدن ماکنه نك حرکتی تأمین ایچون موضوع
چیقندلری حاویدر بو - ق - کنکره واری تاجی واسطه سیله
دستره بی تحریک ایدر - ح - قولی دخی ماکنه یه یول ویرمک



(شکل ۲۳۹)

یاخود طور دیر مق ایچون استعمال اولنور - ط - قولی ا

ماکنه بی طاشدن صاقمق ایچون برمقدار کیرو المغه خدمت
ایدر افقی تکرلک — غ — بیچقینک ارتفاعنی یعنی صاپلر نه قدر
یوکسکدن قطع اولنه جقنی کوسترر ماکنه بی قوللانان کیمسه
— ه — نقطه سنده اوتوروب — د — موقعنده بولنان دیکر ایشجی
دخی — آ — تختیه دوشن صاپلری — ل — طرمیق ایله طوللا
یوب ماکنه نك یان طرفدن طیشاری اتار بیکیرلرک قوشوملری
— ن — نقطه سنده کوستریلان اوزنکی باغنه طاقیلور .


ماکنه بی تحرکه ایکی خدمتکار ایله ایکی بیکیر لازمدر خدمتکارک
بری ماکنه بی اداره ایدر دیکری کسیلان صاپلری طیشاری
اتار فقط ایکی بیکیر مذکور ماکنه بی اون ساعت متماًدیاً چکمه
مقدر دکدر اولسه بيله حیوانلر پک زیاده یوروله جفندن
ارده دکشدیرمک ایجاب ایدر .

خرمانه قدر صاپلرک اصول محافظه سی — صیجاق
اقلیملرده هوانک حرارت ویبوستی قیزمقسزین صاپلری
قوریده بيله جکندن اويله یرلرده بیچلدیکی انده دمت یاپیلور
فقط دیکر یرلرده طوتاملری ۳ — ۵ کون کونشه قارشو یرده
براقق لازمدر برده صاپلرده قاریشق اولان نباتات مضره
قیزوب دمتلری بوزمامق ایچون بویولده ایوجه قوریدلمسی
ضروریدر بونکله برابر بیچیلان صاپلرک دانلری ۳ — ۴ کون
چیک کوردیکی کبی چیکنه مک ویا دوکمکله بشاقلرندن پک قولای
ایریلور .

هوا مساعد ایسه صاپلری یرده قورتمق قولایدر ترلاده

براقلان صابله ۳ - ۴ کون صباحلری صره ایله الت اوست
ایدیلوب هر طرفی کونش وچیکه کوستریلور صابله ایوجه
قوریدقدن صوکره دمت یاپوب رطوبتدن عاری بر محله نقل
ایدیلور فقط هوا یاغمورلی اولور ایسه یرده براقلان بشاقلر
چیملوب کوفلنور .

اوراق وقتی یاغمورلی اولان محللرده صابله یرده براقلمیوب
اتیده ذکر ایدم جکمز زنجیر اصولی اوزره ییغین یاییلور ترلانک
اک یوکسک واک قوری محلی دوزلدیلوب نسخه شکلنده بشاقلری
طوپراغه دمکسزین بری دیکرینک اوزرنده اوله رق اوج
طوتام یره یاتریلورکه بوکا زنجیرله تعیر ایدرلر (شکل ۲۴۰)
بونک اوزرنده بشاقلری اورته سنه طوغری وبری برینه بتیشک
دیگر طوتاملر ایله مدور بدائرہ تشکیل اولنه رق (شکل ۲۴۱)




(شکل ۲۴۱)



(شکل ۲۴۰)

برارشون ۳۲ پارمق یوکسلنجه قدر بودائرہ نک اوزرینه ییغین
تشکیل اولنور بشاقلر ییغینک دائما اورته سنده بولنه جنی جهته
اورته سی یانلرندن یوکسک اوله جغندن ییغینه دوشن یاغمور
سهولته طپشاری اقرار و تپه سی ۴۵ درجه برخط انحراف تشکیل
ایدرکه یاغموردن لاجل المحافظه بوتپه نک اوزرینه قالین اوتدن

اوجی باغلی برکلاه یاییله رق کچوریلور (شکل ۲۴۲)
 ییغینک بردیکر دورلوسی دخی ۳ - ۴ دمت تشکیل
 ایدمک مقدار طوتاملر النوب خونیاوری دیکنه یولاف دمتی
 کبی یره اوتوردیلور بعدم باشاقدن ۲۰ - ۲۵ پارمق الت طرفی
 ایوجه باغلانور وایچنده هوا جریانیجون دیبلری اچیلوب یره
 اوتوردیلور (شکل ۲۴۳) بونک اوزرینه دخی باشاقلری
 اشاغیده ومقطعه لرندن باغلی اوت یرینه صاپلردن معمول
 برکلاه کچوریلور .



(شکل ۲۴۳)



(شکل ۲۴۲)

بوایکنجی ییغین اولکیدن دها زیاده سهولته یاییلور ایسه ده
 دمتلر ترلاده چوق طورمق ایجاب ایدر ایسه شدتلی یاغمولرک
 مضرتندن مصون اوله میه جغندن زنجیرله اصولی ایله یاییلان
 ییغینلر دها ایودر .
 آکینلر بوجمهله ۱۵ کون ودها زیاده یرنده براقیلورکه
 هوالرک قنالفندن بوزلیه رق دانه لری لایقیه کمالی بولور .
 بوغدای صاپلری قوریوب ادراک ایتدکدن صوکره دمت
 باغلامغه باشلانور .

اگر صاپلر اراسنده برچوق یشیل اوت بولمز و بیچلیدی
وقت ایصلاق اولمز ایسه دانهلر هر نه قدر تمامیه کالئی بولامش
اولسه بیله در حال ییغین یاییله بیلور عکسی حالنده براز قورتمق
واوتک مضرتی تهوین ایتک لازمدر .
بویله جه یاییلان کومه لر اگر چه برخیلی مدت یرنده بوزلمز
ایسه ده ایکی اوج هفته دن زیاده طور دیرمیوب همان خرمان
ایدملیدر .

ایکنجی فصل چایرلرک حصادی

موسم تجفیف یعنی قورتمه — چایرلر هم چوق وهمده
کوزل یتشدیکی زمان بیچیلور ایسه ده اک مناسب وقتی چیچکه
کلدکلری وقتدر نه چاره که هر نوع چایر برزمانده چیچکه کلد.
یکندن بیچم زمانی لایقیله تعین اولنه مز مع مافیه اولدجه مناسب
زمانی بولق ایچون چایری تشکیل ایدن فدانلرک برچو غنک
چیچکه کلسنه انتظار اولنور دها اول بیچیلور ایسه فدانلر
تمامیه یتشماش اوله جغندن اوتک مقداری از اولور کیج
بیچلیدیکنده دخی مقداری ارتقدن بشقه کیفیتی بوزولور
زیرا اوتک قسم اعظی قوه غدائیسی یراقلرنده از اولان
قوری صاپلردن عبارت قالور .

دیگر طرفدن کیج بیچیلان فدانلرک کوکلری ضعیف
قالوب ایکنجی واوچنجی ییچمه اوقدر یرامز .


چیچک موسمی اقلیم ایله طوبراغک کیفیتنه و خصوصیه

چایری تشکیلی ایدن فدانلرک قسم اعظمک طبیعتنه تابعدر سنوی ایکی دفعه بیچیلان اقلیملرده برنجی بیچم ۱۵ خزیرانده حلول ایدر ایسه ده اوج بیچم النان یرلرده برنجی دفعه مایس اواخرنده بیچیلورکه اوتلرک کوکلی قوت الوب ایو سوره جکندن ایکنجی و اوچنجی بیچیمده زیاده اوت التقدن بشقه صوک بیچیم کیچ قالمه جفندن قوریمق ایچون میدان بولمش اولور. صغیر اوکوز کی حیوانلره ویریه جک اوت ایرکن بیکر قیونلر ایچون کیچ بیچیلور.

بیچم زماننک چایرک کیفیت و مقدارینه خلی دخلی واردر برچایرلق زمان تزهری مختلف فدانلردن مرکب اولوبده مواسم مختلفه نک وسطی تعین اولنه رق اوتلر بیچیلور ایسه ایلک اول چیچکلنلر اولوقته قدر تخمیرنی دوکمش اوله جقلمندن دائما ارتار فقط الک صوک تخم دوکحق فدانلر ایسه اول بیچلمش اوله جقلمندن جنسی ازاله رق کیت کیده چایرک بتون بتون کیفیتی دکشور و تخم براقانلرک جنسی ادنا ایسه چایر فسالشور بناء علیه محافظه سی مطلوب اولان نوعلرک غائب اولمامسیچون اراصره بیچم نوبتی انلرک تخم دوکلمرینه تعلیق اقتضا ایدر .

بیچمه — طبیعی یعنی کندو کندویه یتشان خدایی چایرلر دخی صناعی چایرلر کی بیچیلور فقط هر حالده طوپراغه یقین بیچمک کرکدر زیرا خدایی چایرلر طوپراغه یقین بیچیلدکجه زیاده واعلا اوت ویرر خصوصیه منتشر یعنی طوپراق یوزینه

طوغری اوزانان یونجه ایله جزری یعنی کوکدن ییزاق سورن
وامثالی فدانلر دیبدن بیچیلور طبیعی چایرلری صناعی چایرلر
ایچون استعمال اولسان (شکل ۲۴۴ — ۲۴۵) شکلرده کی



(شکل ۲۴۴)

(شکل ۲۴۵)

اوراقلر ایله بیچرلر بونلری ارآنده دمت یایمق اقتضا ایتیموب
بیچیلدکن صوکره قوریمق ایچون یره یایارلر .
قورمه — یرینه کوره صاحیلن چیک چکبدکن صوکره
بیچیلان اوت طرمیق یاخود چتال ایله یاییلوب واخشامدن .
اول بردها الت اوست ایدیلوب مؤخرأ اوافق بیغین یاییلور
کیچ بیچیلان اوتلر طوتام طوتام یرلرنده براییلوب ایرتسی
کونی چیک کچدکن صوکره بیچیلان اوت ایله برابر یاییلور
بعده اوافق بیغینلر یاییلوب اوچی دردی یان یانه کتوریلهرک

اخشامیلین اورتە بیوک کوزل متانتلی بریغین شکلنه قونور .
 بوصورتله یاییلان اوت طرمیق وچتال ایله قارشیدریلوب
 چویریلوب اوچنجی کون بواورته بیوک ییغینلر تکرار ایکی اوچ
 دفعه چویریلوب اخشام اوستی بش التیسی بریرده بیوک ییغین
 یاییلور بووجهله اوت براز قیزوب ترلر ایرتسی کونی چیکدن
 صوکره نه رطوبتلی ونهده پک فوری اولیهرق انباره
 نقل اولنور .

فقط بو عملیات اثناسنده هوا قانور ایسه طوتاملر ییغین
 یایلمقسزین یرنده براقیلوب هرکونش ظهورنده براز قارشیدر .
 یلور اوت یشیل اولوب طوتام طوتام قالور ایسه یاغموردن
 اوقدر قورقیهجنی کبی ییغینلر صورت منتظمهده یاپلیدینی حالده
 یاغمور نادراً ایچنه کچر فقط هوا فنا اولوبده اوتک قوریمیهجنی
 اکلاشیلور ایسه یونجهلرده اولدینی کبی قوریدیلور یاخود اوتلرک
 محافظهسی حقنده تعریف ایده جکمز یولده حفظ اولنور .

قوری یاخود ازغناک چایرلرده اوتلر پک قولای قوریدیلور
 ایسهده زیاده رطوبتلی یاخود بطاق چایرلرده هوا قوری اولسه
 دخی کوچ قورر چونکه طوبراغک یاشلنی یاییلی اوتلرک تجر
 ایله ضایع ایلدکلری رطوبتی اوتلره اعاده ایدر بویله چایر
 اوتلرینی یونجه فصلنده بحث ایلدیکمز یولده قورتمقدن بشقه
 چاره یوقدر .


صوک بهارده بیچیلان اوتی قورتمق پک مشکلدیر زیرا بو
 موسمده هم اوت صولی همده هوا سرین ورطوبتلی اولور

بو حالده بیچله جک اوت ۱۰۰۰ قیه بی تجاوز ایتمز ایسه بیچلیوب
ایچنده حیوان اوتارمق دها ایودر مطلق بیچلیوب قورتمق
مطلوب ایسه یاری قوری اوتلری قورتمق ایچون اتخاذا اولنان
اصوله مراجعت لازمکلور شاید بیچیلان اوت قوریدقدن
صوکره براز وقت دها اچیقده قالمق اقتضا ایدر ایسه ایلروده
بیان ایدیله جکی وجهله بیغینلر یاپیلور دمت باغلامغه کلنجه
هوانک سؤ تاثیراتنده قالمق ایچون اوتلقخانه یه کوترلدکن
صوکره لدی الحاحه دمت یاپیلور .

صوک بیچمدن صوکره اتی ایلک بهاره قدر چایرلر
حیوانلره ترك اولنه ییلور ایسه ده فنا هواده یاخود طوپراق
رطوبتلی وچامورلی اولدینی زمانده حیوان صالیورلمز حیوان
ایاقلرینک تضییقی طوکدن قباران طوپراغی برکشیدر دکلر ایچون
چایرلره چوق فائده سی اولور فقط ایلک بهار اوائلنده یکی
سورن اوتلری اضرار ایتمک ایچون اقلیمه کوره چایرلر
مارتک اون بشندن نیسانک اون بشنه قدر حیواندن خالی
براقیلور .

اوتلری قورتمقده اغاجدن معمول طرمیق و یابا استعمال
ایدرلر چتالر ایکی اوچ دیشلی اولوب (شکل ۲۴۶ - ۲۴۷)
دیش بوداق قره اغاج کورکن کستانه اغاجلرندن فقط سهولته
استعمال ایتمک ایچون صاپلری غایت اوزون یاپیلور چتال
کسلدکن صوکره قبوغی چیقاریلوب از قرارنجه قدر فرونده
قوریدیلور صوکره سرتلشوب قیرلماق ایچون یاغلی برشی ایله

سورشدیریلور بعضا اوج دیشلی یا پیه چتالار (شکل ۲۴۸) دخی




(شکل ۲۴۸) (شکل ۲۴۶ - ۲۴۷)

اولور طرمیق دخی اغاجدن معمول ایکی صره اوزون دیشلی
اولوب اوتی چویروب ییغنه ییغیق ایچون قوللانیلور (شکل
۲۴۹) .


فرانسهده بر طراق اعمال ایدرلرکه (شکل ۲۵۰) برارشون
۴۰ پارمق اوزون واوزرنده متوازی برکیریش واردر صاپی
برارشون آلتی پارمق بویلی واکریجهدر منحصرأ اوتی چکمکده
استعمال اولنور .

اوتی قورتمق ایچون بر چوق ماکنه لر ایجاد اولنشد که



(شکل ۲۴۹)

اولا اوت طوتاملرینی یایوب چویرمه مخصوص اولان ماکنه یی
تعریف ایدهلر بو ماکنه نك اك اعلاسی انکلیز ماکنه سیدر




(شکل ۲۵۰)

(شکل ۲۵۱) بو ماکنه کیرپی شکلنده برسلندردن عبارت
اولوب چفتجینک مطلوبنه کوره طوبراغه یاقلشدیروب
اوزاقلشدیریلور سلندردنه ۸ صره آگری دیشلی چبوقلر بولنوب
ایکی صورتله حرکت ایدرلر بری رایله برابر وعموم ماکنه نك
حرکتله مشابه دیکری محوری اطرافنده بشقه یولده حرکتدن
عبارت اولوب تصادف ایلدیکی اوتلری یایار .

بو ماکنه کرك بر حیوان ویایا قلاغوزایله یاخود ایکی حیوان
ایله آرايه کبی سرعتله حرکت ایتدیریلور.

اگر اوت پک چوق دکل ایسه ماکنه طوتاملر ایله متوازیاً حرکت ایتدیریلور طراغک بوی ۲ ارشوندن عبارت اولدیغندن ایکی طوتامی بردن یایار بو حالده حیوان بیجیلی اوتلرک اورتہ.




(شکل ۲۵۱) انکلیر ماکنہ سی

سندن کیدر فقط اوت چوق وبویلی ایسه ماکنہ یی حرکتدن الیقویہ جقلمندن طوتاملرک یان طرفلمندن حرکت ایتدیرلمک لازمدر اوت بولمیان یرلردن کچدیکی وقت الدیغی سرعتہ طوتاملر هر نه قدر بویلی اولسه دخی مقاومت ایدہ میوب یاییلور فقط بوماکنہ اووالرده وخصوصیلہ طوپراغی قتی یرلرده بر چوق آدم یرینی طوته بیلور بر حیوان ایله حرکت ایتدیریلور ایسه بر ساعت ۴۰ دقیقه ده ۴ وایکی حیوان قوشیلور ایسه ۸ دونم چاری دور ایدہ بیلور .


اوتی ییغین یایمق ایچون ال ایله استعمال اولنان طراقلر یرینه حیوان ایله چکیلور انکلیر طراغی ایجاد اولنمشدر :

(شکل ۲۵۲) بو طراق - ۱ - حرفیله مرقم تکرلک دینکلنه مربوط - ب - ایکی چوق و اوچلری بونلره متصل اولان - ج - اشارتلی دیگر ایکی قیصه چوقلر ایله - د - ۲۱ پارمق



(شکل ۲۵۲) انگلیز طراغی

بویده بشقه بر چوق ایله تحکیم اولمیشدر دینکل اوزرنده قوشوم ایچون ایکی قولی دخی واردر طراغی برارشون ۳۳ پارمق اوزون اولوب ایکی اداره قولی بولنور - ح - تکرلکلی ۶۰ پارمق قطرنددر طراق ۳۸ پارمق اوزون ۱۵ دیشدن مرتبدر بعضاً (شکل ۲۵۳) شکله کوسترلدیکی وجهله تکرلکلی




(شکل ۲۵۳)


چیقاریلوب اویلده قوللانیلور .

اوتی ییغین یایمق ایچون شمدییه قدر ایجاد اولنان ماکنه لر

دن اك زياده شايان توصيه اولان (هوارد) طراغيدر
(شكل ۲۵۴) بوماكنه چليكدن معمول ۲۴ مدور اكري
ديشدن عبارت اولوب بوديشلر برمانعويه تصادف ايدرلر ايسه
يای ايله قالديريوب سقطنمقدن محافظه اولنور فيثاتي
۱۰۰۰ غروشدر .




(شكل ۲۵۴) هوارد طراغی
فلمنكده (شكل ۲۵۵) شكلده كوستريلان و برحيوان ايله



(شكل ۲۵۵)


چیکلان برنوع سورکی ایله اوتی روزکارک تأثیرینه وضع ایدرلر بوسورکینک فائدهسی هوا کوزل قوری وروزکارلی اولدینی زمان کوریلور دیشلری اراسنده بریکن اوتلری چیقارمق ایچون سورکی بی برادمک تعقیب ایتمسی لازمدر اوت بووجهله طراقلر ایله خط خط یایلدقدن صوکره اشاغیدهکی قزاق ایله طوپلانونوب ییغینه کوتریلور .

(شکل ۲۵۶) شکله کوستریلان انکلز قزاقی یکدیگرندن برارشون سیرک وبرطاقم کریشر ایله مربوط صندالیه ارقهسی شکلنده ایکی افقی طباندن عبارتدر طبانلرک درت طرفندن درت زنجیر ایله ایکی قوشوم مرتکلرینه باغلیدرلر بونلرک بهرینه بریکیر قوشیلوب حرکت ایتدیریلور .



(شکل ۲۵۶)

خلاصه بوماکنهلر بیوک ایش کوره بیلورلر لکن استعمال اولندقلری یرلرک یوزی غایت دوز اولمیلدر یوخسه انکبهلک چایلرده برایشه یرامز .



اون اوچنجی کتاب ضرب خرمان و محافظه محصولات

بیاننده در

اوراقدن تا خرمان وقتنه قدر محصولاتک انواع تأثیرات
مصره دن محافظه سی الزم اولدیغندن بز دخی بو کتابده خرماندن
اول صاپلرک حفظی و صورت ضربیله بعده صیانت و محافظه سی
حقنده مرعی اولان اصوللری ذکر و بیان ایده جکر .

اکثر یرلرده اکیئر بیچلدکن صوکره خرمان ایدلیوب
از چوق بر مدت ایچون دمت ویا ییغین شککنده ترك و حفظ
ایتدکلرینه و بالعکس بعض محلرده حصاد موسمنده زخایری
بیچدکن صوکره در حال خرمان ایدوب بعده مخصوص انبارلرده
حفظ ایلدکلرینه نظراً بز دخی بو کتابی درت فصله تقسیم ایدرک
برنجیده اکیئرک خرماندن اول حفظلی ایکنجیده خرمان اصولی
اوچنچیده بعد الضرب زخیره نك اصول محافظه سنی دردنجیده
قوری اوتلرک مضرتدن وقایت و صنایتی ذکر ایده جکر .

برنجی فصل خرمان ایدنجه قدر اکیئرک محافظه سی

اکیئرلی بچوبده قوریدیغی انده خرمان ایدوب قالدیرمق
پک ایودرکه مالمکمزده اکثر عادت بودر فقط اوروپانک ککیش

وواسع چفتلکلرنده و بعضاً هوالرک مساعده سز لکندن طولای
اکثر مملکتلریزده در حال خرمان ایدلیوب بیوک ییغینلرده
حفظ ایله لدی الحاحه دوکوب قالدیر لر واقعا یاغورلری چوق
اولان ممالکده بعضاً خرمانه وقت قالمیه جغندن بو وجهله ییغینلر
اعمالیه حین حاجتده قبالو یرلرده دوکمک موافقدر زیرا
بویغینلردقت کامله و اصول وقاعده سی اوزره یاپیلور ایسه قطعاً
متضرر اولیوب بعض محللرده اولدینی کبی مخصوص بنالره
احتیاج بر اقرز .

ییغین — ییغین بر چوق دمتی خرمانه قدر محافظه ایچون
بر یره بر یکدیر مکه دیر لر ییغین اعمالی زیاده دقته شایان بر ایشدر
بر قاج اصول اوزره یاپیلور ییغین یاپیله جنی صرده اوله سطح
زمینده چالی چرپی و اوافق داللدن مرتب بر طبقه اوزرینه
بیاغی صمان یاپیلور ثانیاً بو طبقه نك اورتیه سنه بشاقلری مرکزده
بری برینه قارشو خاچواری براز دمتلر قونوب اندن
صوکره اطرافنه برینک بشاغی دیکرینک صاپ دیننده اولق
شرطیله ایکی صره ده قارشولقلی دمت دیزیلور بو وجهله
قات قات غایت دقتله صیقجه ییغوب و دیزدکجه دیز ایله ایوجه
باصوب تمام ارتفاعنی بولنجه چاتیسنی تشکیل ایچون بشاقلری
یوقاری دیکنه بر چوق دمتلر قونیلوب بوش یرلری اکین صاپلری
ویا دمتلری ایله تولدیریلور .

ییغین چاتیسنک قباغه کلنجه مذکور چاتی بشاقلری
دیندن باغلی بر طاقم طوتاملردن عبارتدر که اشبو طوتاملرک

بشاقلىرى چاتىنىك تېپىنى تشكىل ايدوب ساپلىرى يايىلەرق
مخصوص بعض اغاج چيوليرايله ييغىنىك تېپىسنە رېط اولنور
فقط مذکور طوتاملىك برنجيسنىك يوقارى اوجلىرى ايكىنجى
صرەنىك اوجلىرىلە قىانوب بويىلەجە صرە ايله وضع اولنەرق
كلاە ھىتىتە قونىلور وبعضاً دىخى چاتىي باغلامق ايچون ساپدن
معمول وبرى برندن ۴۰ پارمق قدر مسافەلى اولەرق چاتىنىك
الت طرفە فیرطولايى باغلى برخلاطە مربوط برطاقم ایلیرايله
تحکیم اولنور . (شکل ۲۵۷)

مذکور ييغىنلىك جسامتلىرىنە كورە چورەسى ۴ - ۱۰
ارشون ويوكسكلىكلىرى على السويه
طوپراقدن تا چاتىيە قدر ۵ - ۶ ارشون
قدر اولور بونلىك كوچكنك قطرى
۴ وارتفاعى ۵ ارشون اولور ايسە
ھمان ۳۰۰۰ وبعض بيوك ييغىنلىر
ياپىلور كە ۶۰۰۰ - ۸۰۰۰ دمت الور.




(شکل ۲۵۷) ييغىن

ييغىن حقنە دىكر براصول
دھاواردركە بودە ييغىنلىك يريوزندن
۶۵ پارمق يوكسك اغاج قازقلر اوزرنده

انشايتمكدن عبارتدر بوقازقلرك دردى درت كوشەلرە وبشنجيسى
دىخى اورتەيە قاقيلوب اوزرىنە (شکل ۲۵۸) شكلدە كریشلر
قونىلەرق اوستنە چالى چرپى ياپىلور ييغىنلرە فارە چيقەمامق
ايچون قازقلرك يوقارىسندە اغزى اشاغى تنكەدن معمول


خونیلر کچوریلور وشدتلی روزکارلردن وقایه ایچون ییغینک
ارتفاعنه کوره مرکزندن بردیرک دیکیلوب اطرافه پاینده لر



(شکل ۲۵۸)

وضع ایله تحکیم ایدیلور (شکل ۲۵۹) بواياقلر
دهاقوی اولق ایچون طاش یاخود طوغله دن
وانکلترده اولدینی کچی دوکه تیموردن
دخی یاپیلور دوشمه سی کیریجی حیوانلر

چیقه میه حق صورتده دوز و لزومی قدر ککیش یاپیلوب
شدتلی روزکارلردن مصون اولق ایچون اورتیه سنه بردیرک
ویاسرن دیکیلوب یاننه درت پاینده وضع اولنور که (شکل



(شکل ۲۶۰)



(شکل ۲۵۹)

(۲۶۰) اورته دیرکله


بونی تحکیم ایدن درت

پاینده لر ۸ گوشه لی

کریشر و کریشر

دخی تیمور ایاقلر اوزرنده بولنور.


بعض يرلرده ييغينلري دكرمي ياييوب (شكل ۲۶۱)



(شكل ۲۶۱) اوزون ييغين

شكلده كوسترلديكي وجهله بالعكس طار و اوزون انشا ايدرلر
كرچه بويله اوزون ييغينلر پك شدتلي روزكاره چو قجه مقاومت
ايدة مز ايسده انشاسي قولاي اولوب چاتيسي ايچون بر چوق
تكلفاته احتياج براقز واقتضا ايتدكجه بوييغندن لزومي قدر
دمت النور شو قدر واركه لدی الحاحه خرمان ايديله جك
دمتار يا غمور كله جكي طرفك عكسندن يوقاريدن اشاغی كسيلوب
خرمان ايديلور .

انكلترده بويله ييغينلردن خرمانه دمت نقل ايتك كبي كلفتلره
وبر ييغين بوزولديني زمان دفعة نزول ايدة جك يا غمور مخاطر اته
ميدان ويرمامك ايچون اشبو ييغينلرك او كنده (شكل ۲۶۱ - ۱)
تكرلك اوزرنده متحرك بر انبار بولنديروب دمتلري اوراده
دوكرلر بوانبار ۶ تكرلك اوزرنده




تخته دن و چاتيسي صايدن ياييلور (۲۶۲)
كلده كوستريلان مذكور متحرك انبارك
مینی - ب - حرفيله مرقم قطعه ايكي قسمه

(شكل ۲۶۲)

بولسوب ييغين ۲ ارشون ۹۰ پارمق قدر بر قسمنك ايچنه
كبرر ديكر قسمي ۵ ارشون ۸۵ پارمق اوزون و ۵ ارشون ۲۰
پارمق يوكسك و ۵ ارشون ۵۲ پارمق كگيش اولديغندن دمتر
بوراده دوكلور .

لازم اولدقچه خدمتكار دمتري الوب دوكر ويغين اكسيلد.
كجه انباري كيرويه ايتوب ييغينك بر قسمي كالاول ايچرو
آلور ييغين بو وجهله دوكلوب بتدكدن صوكره انباري ديكر
ييغينك ياننه كو ترر .


يوكسك ييغين انشاسيچون استعمال اوانان اسكله لرك
يوقاري اوچلرنده زنجير ايله اصلي ككيشجه بر دوشمه
بولوب عمله دمتري اشاغيدن مخصوص طراقلر ايله دوشمه نك
اوزرينه آتوب اوراده بولنان ديكر بر عمله اخذ ايله ييغيني
تنظيم ايدن آدمه ويرر (شكل ۲۶۳)



(شكل ۲۶۳)


فرانسه نك بعض محللرنده ييغينلري صاپ ايله اورتوب
اوزرينه ايلره باغلي آغير صريقلر قويهرق تحكيم ايدرلر (۲۶۴)

بعض یرلرده دخی ییغینلر غایت اوافق یاپیلوب اوزری ۱-۲



(شکل ۲۶۴)

پارمق ایجیه طوبراق ایله ستر اولنور و مصر صاپلریخی حیوانلره
یدیرمک ایچون ییراقلریله برابر بریغین تشکیل ایله حفظ
ایدیلور و روزکاردن دویرلماک ایچون صاپدن معمول قالین ایپلر
ایله باغلانور (شکل ۲۶۵)



(شکل ۲۶۵)

ییغینلری هوانک تأثیرات
مضره سندن ده ایهو حفظ ایتمک
ایچون متحرک و قفسواری برنوع
چارطاقلر اعمال ایدرلرکه انبار
انسانندن ده ایهون و اداره لیدر.
بو چارطاقلر اکثریا ۲۷ - ۳۲

پارمق قطرنده و ۲۶ - ۳۲ پارمق
ارتفاعنده ۸ دیرک ایله انشا اولنور (شکل ۲۶۶) دیرکلر
بری دیکرندن ۷ - ۸ آرشون اوزاق و ۱,۶۲ و یا ۱,۹۵
پارمق قدر زمینه کوملوب یر یوزندن ۲,۶۰ پارمق
یوقاریسندن محکم بردوشمه ایله - ب - بربرینه ربط اولنور .

مذکور دوشمه نك آلتنده بولنان - ج ج - محل خرمان



مقامنده يا خود ادوات محافظه سنده
قوللانيلوب دوشمه نك اوزرينه همان
ديركلرك تپه لرينه قدر دمتلري استيف
ايتدكدن صوكره ديركلره كچورلمش تيمور
خلفه لر واسطه سيله اشاغى يوقارى
اينديريلوب چيقاريلور اوزرينى متحرك

برچائى ايله - دد - اورته رك تيمور (شكل ۲۶۷) متحرك دمت چارطاغى
چيويلر ايله يرنده طوتديرلر وحتى موفقيت كامله يه علامت
ايچون مطلوب ايسه چاينك اوسته برده سنجاق ديكرلر فلمنكده
دخى بونك كې فقط دوشمه سز درت كوشه لى چارطاقلر ياپارلر .
اشبو دمت چارطاقلرى چفتلكات ايچون فوق العاده مهم
ولازمدر موجود اولان كوى وچفتلكده ييغين انشاسنه حاجت
براقز بونلردن ماعدا دوكلش صمان دخى بوراده صاقلانور
وحاصلات آز چوق نه قدر اولور ايسه اولسون جمله سى بومثللو
چارطاقلر التنده محافظه اولنور واقتضا ايتدكجه تدريجا النوب
دوكلور .

۶ آرشون قطرنده و ۹ زراع ارتفاعنده برچارطاق همان
۸۰۰۰ و ۵۵ آرشون قطرنده و ۶ - ۷ آرشون ارتفاعنده بولنان
۵۵۰۰ و ۴ آرشون قطرنده وينه اولكى ارتفاعده اولان
۳۵۰۰ دمت آله بيلور .

بوچارطاقلرك انشاسى انبار مصارفك نصفه بالغ اولمز فقط

شواخطارمنز دمتلری بشاقلری اوزرنده اولدینی حالده حفظ ایتمه منحصر اولوب یوخسه محصولاتک کافه سنی در حال خرمان ایدرک دانه لری تفریق و در انبار اولندقدن صوکره بوکلفتله حاجت قالمز .

خصوصیه خرمان ایتمکسزین آکین صاپلرینی حفظ ایتمک اعشاری مقطوعاً بده مربوط اولان اوروپا کبی محلله مخصوص اولوب یوخسه عیناً عشر ویریلان بزم ممالکمزده رنجبر همان خرماننی دوکوب عشرینی اعطایه مجبوردر .

صاپلری محافظه ایچون چارطاق انشاسی لزومی دردست تنظیم اولان اصلاحات داخلیه جمله سندن اوله رق اعشارک الزامی و یا امانه تعشیری کبی اصول مضره نک لغوی مقرر اولدینی جهته بومثللو چارطاقلرک فوائد و محسناتندن ایلروده اصحاب زراع استفاده ایدر امیدینه مبنی کتانبزه درج اولمشدر . کرچه هوالر مساعدده ایدر ایه صاپلری خرمان ایدوب دانه و صمانلری بشقه بشقه حفظ ایتمک ایوکورینور لکن خرمان ایتمکه ایش بتمیوب صاورمق ایچون روزکاره انتظار ایله خیلی زمان کچورمکده و موسم دخی یا غمورلره تصاف ایتدیکيچون فقرا برچوق ضررلره اوغرامقده در و همده استفاده سنی بکلمیوب همان رایحیه صاتمقده بلکه احتیاجندن طولانی پاره سنی وقتندن اول المقده در .

برطرفدن محصولک بومثللو آفتله اوغرامسی و دیگر طر . فدن لایقیله فیأته انتظار ایتمیوب همان اللرندن چیقمس رنجبرک

برسنه لك چكدیكى مشقت و مصرفه بدل اولان نتیجه استفاده سنی
غائب ایدیور خصوصیه خرمانلر هنوز نهایت بولدن موسم
زرع حلول ایدوب بریاندن ذخیره یی دوکوب انبارلره و یا شهرلره
نقل ایتک و برطرفدن نطس یا تمق تخم اکمک و اودون طاشیمق
ایله بیچاره حیوانلر نفس الامیوب برطاقم خسته لقلره دوچار
اوله رق تلف اولوب کیدیور .

اشبو بحثك زمان تسویدی که ۱۲۹۳ سنه سی تشرین
اول اوائلیدر ایوم روم ایلی و اناطولینک اکثر جهتلرنده
خرمانلر هنوز اکمال اولندیغی حالده اون کوندن متجاوز نزول
ایدن یا غمورلر بتون اووا و قیرلری چامور دریاسنه دوندرمش
و جای و ایرمقلر جوشوب مرور و عبوری کسهرک صاپلرک
چوغنی چورتمشدر .

برده بزده قیشین حیوانلری بسله مک همان صمانه منحصر
اولیورکه اکینلر اوراقدان کچدکدن صوکره توقف ایتیبوب
خرمان دوکمه محبوریتک بریده بودر اما جایرلر کتابنده بیان
اولندیغی وجهله قیشین حیوانلر ایچون برطاقم اوت و نباتات
سائر تدارک اولنور و عیناً عسر مسئله سی دخی برطرف ایدیلور
ایسه صاپلرک بروجیه محرر حفظلیله لدی الحاجه خرمان ایدلمسی
هم حیواناتک قوت بدنلرینک محافظه سنه و همده برطاقم ضررلره
اوغرامق سزین منافع کثیریه دسترس اولنور یوخسه حال حاضر
یعنی شمدیکی اصول دوام ایتدکجه بزده شوسه لر و تیمور یوللر
دخی مکمل اولسه چفتجی ورنجبر طاقنک متحمل اولدقلری اعمال


شاقیه نسبتاً استفاده لری مطلوبرندن پك از اوله جقدر .
 انبارلر یاخود دمتخانهلر — اورویاده سالف الذکر چارطاق
 مثللو اکیلری حفظ ایتک واوراده دوکمک ایچون انبارلر دخی
 انشا ایدرلر بونلرک اطرافی عموماً دیوارایله محفوظ اولوب یالکر
 برقاج اوفاق پنجره لری حاویدر بری برینه قارشماق ایچون ممکن
 مرتبه هر نوع حاصلاته مخصوص دمتخانهلر اعمال اولنور فقط
 بودمتخانهلر یوکل ارا به لری سهولتله ایچنه الور حولیسی واسع
 ودوشمه سی یردن لا اقل ۳۳ پارمق یوکسک یاییلور .

دیوارلر طاش ویا طوغله دن انشا اولنوب صیجان حیقهماق
 ایچون ایوجه صیوانه رق کوزلده بادانه ایدییلور بودمتخانهلر
 بنالردن ایری منفرد فقط چفتلک حولیلرنده اولوب دمتلری
 حفظ ایده جک یرندن بشقه دوکمک ایچرویه آلق ایچون ایری
 محللری واکینلر دوکلده تراکم ایدن زار واینجه صمانلریچون
 دخی بشقه یرلری بولنور .

خرمان یرلری دخی اولو طوپراغی تسویه ایدیله رک طوقاق
 ایله ایوجه دوکلده کن صوکره ایکی اوچ طبقه اکثریا کیل ایله
 منبت طوپراق و بعضاً قی طوپراق ایله اوجده براینک کو بره
 سی و بر مقدار قریق اوت یاخود صمان و بعض دفعه دخی
 اینجه چاقیل و برازده کیرچ توزی یاییلور بونلر بردوزیه
 طوپراغه یاییلوب طوقاق ایله برچوق دفعه دوکلده هیچ برپارمق
 چوقور یری قالمق اوزره تقویه و تحکیم ایدییلور .
 دمتخانهلرک طول وجسامته کانهجه بهرکیل حاصلات ایچون

۳ ارشون ۲۰ پارمق ۷۶ نقطه مکعب بر محل لازم اولسنه و ۳۰۰ کيلهك دمتلر ايچون ۷ ارشون يوكسك اولمق حسابيله دمتخانهلرک وسقى (شکل ۲۶۷) کوسترلسنه نظراً محصوله کوره اونسبتده دمتخانه انشاسى اقتضا ايدر .

برده اخشاب دمتخانهلر انشا ايدرلرکه مصارفى کارکير * دمتخانهلرک انجق نصفه بالغ اولور بونلر اکثريا ميشه اغاجندن مقطوع يردن ۶۵ پارمق يوكسك قازقلر اوزرنده بنا اولنوب



(شکل ۲۶۷)

(شکل ۲۶۸)


حاصلاتی فارهلرک مضر تندن قورتارلر .

اخشاب دمتخانهلر (شکل ۲۶۸ - ۲۶۹ - ۲۷۰) شو اوچ متعدد شکلرده ياپيلوب بناسنک بويى ۱ ارشون ۷۸۶ خط واکى ايله يوكسکلکى ۷ ارشون ۱۴ پارمق وچايسنک ارتفاعى ۳ ارشون ۵۷ پارمق اولور .


اکثريا قازقيرينه طاش ياخود طوغله دن ينه او بويده اياقلر

انشا اولنوب اوزرینه طول وعرضه موضوع برطاقم طبانلردن معمول برنوع قفس قورلرکه دمتخانه اشبو قفسك اوسته بنا اولور .

اخشابی کونش ویاغموردن وقایه ایچون قبله وکون باطیسی



(شکل ۲۶۹) دمتخانه



(شکل ۲۷۰) دمتخانه

طرفلری جاتیسی کبی برطبقه قره طاش ایله قابلانور ایچروسنه کیرمک ایچون تیموردن بر بابه مقاعمال اولنوب فاره لردن لاجل الوقایه مربوط زنجیر واسطه سیله لدی الحاحه قالدیریلور .

مذکور اخشاب دمتخانه لرده دانه لر ایو بر حالده وهیچ برقا رایحه پیدا ایتمکسزین خیلی سنه لر حفظ اولنه بیلور

وآرابه‌لر بنانك هر طرفنه یناشوب دمتلری پك زیاده سهولته بوشالدر .

ایشته دمت حالنده اکینلری محافظه ایتك ایستیانلر ییغینلر . دن زیاده ذکر اولنان چارطاق ویا دمتخانه‌لری ترجیح ایتلیدر زیرا ازهر جهت اداره‌لی اولدقلرندن بشقه هر سنه ییغین اعمالنه حاجت مس ایتمز وییغین اعمالنه ویریله‌جك یومیه چارطاق ویا دمتخانه انشاسنه صرف اولنه‌جق مبالغك فائضنی تجاوز ایتمز .

ایکینچی فصل ضرب خرمان و تطهیر ذخایر

اکین دوکمکده شم‌دی‌یه قدر استعمال اولان اصول اوچدر بری ال دوکینله دوکمکدرکه هر نه قدر مضر ایسه‌ده بعض محله مستعمل اولدیغندن ممکن مرتبه معلومات اعطاسنی مناسب کوردك . بو عملیات علی‌العاده دمتخانه‌لر ایچنده و دمتخانه اولیان صیجاق یرلرده اچیکده یاییلور .



دکنك دوکنی — دکنك دوکنی دیدکلری (شکل ۲۷۱ بری دیکرینك اوجنه قایش ایله مربوط ایکی دکنکدن عبارتدر بر قاج عمله ایکشر ایکشر مناسب مسافه‌ده طور و ب بودکنکلر ایله اوکلرنده یاییلی اولان دمتلك یا لکر بشاقلرینی ضرب ایتوب عموماً دمتلك طولنه ضرب ایدرلرکه اك قیصه صاپلرک بشاقلری دخی الویره‌جك قدر دوکلوب دانه‌لری (شکل ۲۷۱) تفریق اولنور .

دکنك دوکنی

دمتلك اولاً برطرفی چویریلوب دیگر طرفی ایوجه
ضرب اولندقدن صوکره عمله مذکور دمتلك باغنی چوزرك
۱۰ - ۱۶ پارمق قالین بر طبقه تشکیل ایدنجهیه دکنین یره
فرش ایدوب هر ایکی طرفدن ینه دوکلور وتکرار دکنک ایله
قارشدیریلوب یکیدن ضرب اولنور که جمعاً هر بر دمت دکنک
آلتنده ۸ کره چویریلوب دوکلور آکر دانهلری قوری اولوبده
صاپلردن سهولتله ایریلور ایهه یالکز ۶ کره چویریلوب دوکمک
کفایت ایدر .

دانهلردن ایریلان صاپلر دمتخانهک برکنارینه
کوتریلوب همان ۶ قیه ثقلتنده دمتلر اعمال اولنور کرک اوکون
اخشاملین یاخود ایرتسی کون دانهلرقالبوردن کچوریلوب دیگر
طرفه ییغیلور .

دکنک ایله اکین دوکمکده عمله پک یوریلور زیرا برخدمتکار
بر دقیقه ظرفنده دکنکی ازدن ۳۷ دفعه قالدیروب قوتله
ایندیرر آکر برکونده ۱۰ ساعت ایشلر ایهه او اگیر دکنکلری
۲۲,۲۰۰ کره قالدیروب ایندیرمسی لازمکلور که انسانک
نه درجه درمائی دوکنه جکی قولایجه اکلاشیلور .

بوندن ماعدا خرمانک پک اگیر ایلرو کیتیمی بشقهجه
بر مضرتر فی الواقع قوتلی بر عمله ۴ دونم یرک حاصلاتی
۸ - ۱۰ کون ظرفنده یالکز دوکه بیلور ایههده صمائی کافی
درجهده کسر ایده مدیکندن حیوان ایچون استعماله کلز .


چائی — بو اوصولده دکنک یرینه حیوان استعمال اولنور

بر اصولدز شویله که اکین بچلوب طوتاملر قیرغین کونش
ایوجه قوریدقدن صوکره اچقده بر خرمان یزی اتخاذا
اولنه رق اولا خرمانک اورته سنه بشاقلری یوقاری چوزلاماش
ۛ دمت قونور وبونلرک اطرافه دخی دمت قوندقه ابتداکی
دمتلردن باشلایه رق صره ایله باغلری کسلوب دویرلماک.
ایچون بری برینه صیقشدریلور بووجهله خرمان دمت ایله
طولدرلدقدن صوکره جسامته کوره ایکشیرایکشر باغلی اوله رق
خرمانه لزومی قدر بیکیر یاخود قاطر سوریلور بر ایسک
اوجنی خرمانک ال ایجروکی دائره سنده اولان حیوانک کمنه
طاقوب دیکر اوجنی دائما خرمانک اورته سنده طوران خرمانجی
النه الور بر ادم بو صورتله ۶ چفت حیوان اداره ایده ییلور
ایپی صاغ ایله طوتوب صول النده بولنان قریاج ایله حیوانلری
طریسه قوشدیرر وبو ائنده دیکر خدمتکارلر الویره جک قدر
ازیلیمیان صاپلری حیوانلرک ایاغی التته ایتوب دوشورر .

حیوانلر خرمانک اطرافدن اورته سنه طوغری فیرطولایی
برطاقم دائرلر اوزرنده دائما طریسه قوشه جقلری جهته باشلری
دونماک ایچون دکرمان بیکیرلری کبی کوزلرینی باغلامق
اقتضا ایدر .

ایلک چفت حیوان دائره نک برنجی وایکنجی چفت ایکنجی
وهکذا بو یولده دائره نک دمتلرینی چیکنه یرک نهایتیه قدر
کیدر خرمانجی التمه کی ایپی کندوینه چکمک و یا کوشتمک ایله
حیوانلری ایستدیکی دائره ده قوشدیرر .

(شکل ۲۷۲) شکله کوسترلیدیکی وجهله - نج ج ج - حرفلر



ایله مریم دائره خرمانک
ایچ دائره سی اولور
خرمانجینک انسانی
اداره ده بولندیقی نقطه
ایله چیزیکلی دائره لر
حیوانلرک سیرایتدکلی
دائرة لر در بو اصولک
ال دوکندن زیاده فائده.

(شکل ۲۷۲) چاقی خرمانی

سی خرمان اندن چاپوق


بتوب صمانک ایوجه دوکلوب ایجلمسیدر فقط بو بولده خرمان
ایچقده پایله جفندن دائما کوزل هواده و صاپلر کونشده ایوقور.
یدقدن صوکره اولور چوق یاغمور یاغان یرلرده ایسه مضرتی
درکاردن ناصلکه روم ایلی و اناطولینک بعض یرلرنده و طاع
کویلرنده کوریلور.

خرمان دوکنلری — صاپلری حیوانلره چیکنتمکدن
بشقه یوارلاق دوکنلر ایله دخی خرمان دوکلورکه اولکیدن
دها اهنندر چونکه حیوانلر بودوکنلره قوشلیدیقی حالده
ایاقلریله چیکنه دکلی صاپلردن دها زیاده صاپ ازه بیلورلر
فقط ینه ایش اغیر ایلر و کیدر .

ایلك اول خرمان دوکنی ایجاد اولندیغنده اوروپاده
ششخانه لی یوارلاق دوکن قوللانورلر دیسه ده ششخانه سزلری

دها فائده‌لی اولدینی مؤخرأ اکلاشلمغله اولکیلر ترك اولمشدر
زیرا ششخانه‌سز دوکنلر ایله ششخانه‌لی دوکنلر قدر ایش
کورلدیکی حالدده حیوانلر اوقدر یورلمز .

ششخانه‌سز دوز دوکنلر اوچ پارچه میسه اغاجندن
معمول یوزلری دوز و دینکلری اغاجدندر ایکی اوجلریله
اورته‌سندده تیمور چنبرلر وارددر حیوان طور دیرلدینی وقت ایلا
قلرینه طوقمامق ایچون برچفت قزاغه مربوطدر (شکل ۲۷۳)



۵۰۰ غروشه النور .

درت کوشه‌لی بر

خرمانده ایکی دائره اراسنه

دمتار قونورکه وسعتی

دوکنک بش مثلی نسبتده در

(شکل ۲۷۳) یورلاق دوکن

دمتار چوزیلوب صاپلر دیکنه وضع اولنور خرمانجی خرمانک
اورته‌سندده طوررق دوکنی چکن حیوانی مرکزده طوغری
تقریب وتبعید ایدر .

بعضاً مربع خرمانک کوشه لرندن بشقه سطوح سائرهنه‌دخی
دمتار قونور خرمانک اورته‌سندده برقازق قاقیلوب حیوانلرک یولاری
اوقازغه باغلانور حیوان قوشدقجه یولاری قازغه صاریلهرق
دائره‌سی تدریجی طارالوب یولار تکمیل قازغه صارلمش اولور
بعده قازق چیقاریلوب الی اوستنه چویریلهرک ینه یره صو-
قیلوب تکرار حیوان سوریلور الی نهایتده بویولده عمل اولنور
خرمان اوزون اولور ایسه حیوانلر مساوی دائره‌لر

اوزرنده کردیریلوب خرمانچی مناسب نقطه لرده طور هرق حیوانی سورر و صره ایله حرکتی نقطه لرینی تعیین ایلر .
 بودوکنک حرکتی فیرطولایی بردائره اوزرنده اولدېغندن دوکنک مرکزینه یقین اولان چوره سی کنارندن دها گکیش اولورکه مخروطی شکل ناقصه بکزر بویله اولمز ایسه سوروشوب قوتی غائب ایدر .

بزده دخی خرمان محلی اولدقجه هوادار ودوز برمیدان انتخاب اولنوب بوغدای آرپه چودار وسائر حیواناتک دمتری ارا به لره تحمیل ایدیلرکه ترلاردن خرمانک برجانبنه نقل ایله ییغیلور وهر برنوعدن اقتضاسی قدر بشقه بشقه دمتر خرمانه یایلوب براز کون صیجاغنه براقیلور .

خرمان ایچون لازم اولان ادوات آلتنه چاقق طاشی قاقلی دوکن بیوندرق، یبا صیرغی، دیرن، قالبور، کورک، طرمیق، اوکندیره، سپورکه، صندوق و چیتی آرا به لردن عبارت اولمغله صاپلرخرمان یرنده کونشدن بر از قیزدقدن صوکره یرینه واقضاسنه کوره برقاچ چفت بیکیر ویاخود اوکوزه قوشلمش وایچنده بر خدمتچی اوتورمش دوکنلر ایله ابتدا صاپلرک قباسی یاترلدقدن صوکره عمله درعقب صاپلری الت اوست ایدرک و دوکنچی حیوانلری سوررک صاپلرک اوزرنده کردیرر .

دوکن ایله برقاچ دفعه خرمان ایدلدکدن صوکره صاپلرک التی اوسته کتوریلرک تکرار کردیریلور وائنانی سیرده حیوا نلرک پیسلکی صاپلرک اوسته دوشماک ایچون جین افرانغنده

دوکنجی طرفدن درحال کورک ايله النوب خارجه آتيلور
بواصول اوزره بشاقار قيريلوب صاپلری لایقيله خرده خرده
کسلدکدن صوکره صیرغی ايله خرمانده بولان صمانی بوغداي
صناوورلق ایچون بریره طوبلانونب ییغیلور اکثر یرلرده دوکلش
اشبو ییغینه (طناز) تعیر ایدرلر .

دوکن ايله برکونده یرینه کوره ۱۵ - ۲۰ کیله دن عبارت
۱۲۰ دمت بوغداي ۱۵۰ دمت یولاف و ۲۰۰ دمت آریه
دو:کوب تفریق ایديله بیلور .

بویله بویله برطرفدن خرمان دوکلوب دیگر طرفدن
روزکار بولندقجه طنازلر صاورولوب دانهلر تفریق اولنهرق
قالبوردن کچورلدکدن صوکره انبارلره نقل ايله حفظ اولنور
صمانلری دخی چیتلی آرابه لر ايله صمانلغه کوتررلر .

برنجی فصلده دخی بیان اولندینی وجهله مالکمزک اکثر
جهتلرنده خرمانلرک وقت ادراکی یاغمور موسمنه یقین اولمسندن
طولایي خرمانلر وقتيله سوریلوب آکینلر قالدیريله مدیغندن یاغمورلره
تصادف ایدرک اهل زراعتک خبی ضررلره اوغرامقده اولدینی
هر وقت کوریلور هله روزکار اولمز ایسه بیچاره رنجبرک اللری
بوکرنده قالور خصوصيله صاپلرک تقلینده و صاورلدینی صرده
روزکارک شدتدن واسباب سائرده دن طولایي برچوق دانه لر دخی
ضایع اولوب کیدیور .

تصادفات مضره شویله طورسون بواصول ايله ایشک پک
آغیر ایلرو کیتمی و بعضاً تشرین اول ایچنده بيله خرمانلر اکمال

ایدیله میوب قیش نطسبرینک چوق کیرو قالدینی کورلمکده در -
 اسباب مشروحه دن طولایی اوروپاده برچوق خرمان
 ماکنه لری ایجاد اولنشدرکه آچیق و قبالو محللرده آز آدم ایله
 چوق و چابوق ایش کورمکده اولدیغندن مذکور ماکنه لرك بزده
 دخی تدارك واستعمالی پك الزمدر .

واقعا بزم چفتجیلریز هنوز ماکنه لرك استعمالندن غافل
 ایسه لرده اوکرنوب آیشلمسی پك قولایدر اگرچه ماکنه لر
 دانه لری کوزل تفریق ایدیور ایسه ده صمائی بزم دوکنلر کبی
 خرده خرده ازوب قطع ایده میه جکنه اعتراض اولنور ایسه
 بوراسی تسلیم اولنسه بیله اك اول الده ایدلمسی مقصود اولان
 دانه لر اولوب انلر و قیلله اندقدن صوکره ایستلیدیکی حالده بزم
 دوکنلر ایله صابلری مساعد هوالرده تدریج ایله دوکوب
 کسمک قولایدر .


حاصل کلام اصول حاضره ایله ارباب زراعت ضرر
 و خساردن قورتلهمیه جنی جهتله هر حالده ماکنه لره مراجعت
 اولمننی اهمیتله توصیه ایدرز بناءً علیه لایقیله تفهیم ایچون
 ماکنه لری تعریفده تفصیلدن اجتناب ایتیه جکر .

خرمان ماکنه لری یاخود طولابلری — شمیدی به قدر
 خرمان ایچون اختیار واتخاذا اولنان اصوللرك ایشی پك آغیر
 ایلرو کوترمسندن طولایی اوزرندن وقت وزمان کچهرک اکینلر
 حادثات سماویه دن واسباب سائرده دن متضرر اولدینی جهتله
 تخفیف بار ومضرت ایچون انکلتزده ده ۱۰۰ سنه دن اول برطاقم

خرمان ماکنه لری ایجاد اولمشیدی واقعا ایلک حالنده اشبو
ماکنه لر تامایله مطلوبه توافق ایتماش ایسه ده مرور زمان ایله
اوروپانک قطعات ساثره سنه ادخال اولنه رق و کیت کیده
وایدیلان تجربه لره کوره اصلاح واکمال ایدیله رک الیوم استعمالی
اوروپانک هر طرفنده تعمم ایتمشدر .


مذکور ماکنه لرک عددی چوق ایسه ده الک ایواصلاح اولنوب
استعمالنده فوق العاده سهولت ومنفعت درکار اولان بروجه اتی
برقاج خرمان ماکنه لری نی تعریف و بیان ایله اکثفا ایدرز .

بوماکنه لردن بری موسیو (فوشه) طرفندن اصلاح
اولنمش ماکنه درکه (شکل ۲۷۴ — ۲۷۵) باشلیجه اوچ قطعه دن



اشکل ۲۷۴) فوشه خرمان طولابی
یعنی سهوانله قولالانیلور مدخل ساندرا ایله دوکن بورسی
وقالبوردن عبارتدر .

مدخل نام سندرلر (شکل ۲۷۵-د) ماکنه نك او ك قطعه سنی
تشکیل ایدوب ۱۳ پارمق قطرنده و ۱ ارشون ۵۰ پارمق بویده
یدی خط درین او یولی و بر بریسه موضوع ایکی اسطوانی بوریلرک



(شکل ۲۷۵) فوشه حارماں طولاسك. مقطوعی

الت طرفنده کی بوری طیشاریدن برواسطه ایله چویرلدکجه
یوقاریده بولنان سندر دخی دوزر سندرلرک اوکنده و بتشد.
کلری خطک برازا اشاغیسنده ۱ ارشون ۶۰ پارمق اوزون بیوک
برتخته - و - بولنورکه ماکنه یه ادخال اولنه جق دمتلر بوتخته نك
اوزرینه قونور سندرلرک یاسنه قونیلان دمتلرک او جلری می مذکور
درین او یولی دیشلر طوتوب سندر دوندکجه طوتیلان صاپلر
اطرافنده بولنان سائر صاپلری دخی چکوب ماکنه نك ایجنه الور
اگر برازده خدمتچی یاردم ایدر ایسه صاپلر قولایحه جق ماکنه یه
داخل اولور.

دوکن - ب - ماکنه نك اورته سننده بولنوب اچیق و ۴۰
پارمق قطرنده بر بوریدرکه کنارنده بولنان ۸ عدد درت کوشه لی
تیمور دوکمه لر ایله صاپلرک بشاقلرینی دوکر و بر دقیقه ده ۳۸۰
دفعه دوزر .

بودوکنک الت طرفنده طربزون واری دیشلی شبه دوکن
 ه — بولنورکه دائروی و متحرک اولوب دوکنک چوره سنک
 همان اوجده بری قدردر دوکملر ایله اراسنده ۲ پارمق آراق
 واردر .

مدخل سلندردن کجن بشاقلر درحال دوکنک التنه کیدر
 شبه دوکنک دیشلری بشاق و صاپلری سرعتله کچمکدن برمدتجک
 الیقویوب دانهلری سهولتله تفریق ایلر .

صمان ودانهلر دوکنک حرکتندن طولایی سوریلوب ماکنه.
 نک اوچنجی قسمنده بولسان قالبوره — ز — داخل اولور
 مذکور قالبور دخی ۱ ارشون ۴۰ پارمق بویده بولسان اغاچ
 چپو قلردن معمول بیوک بر قفسدن عبارت اولمقله قالبور متماً دیاً ایلرو
 کیرو اکریمجه حرکت ایتدکجه دانهلری صماندن ایرر یعنی دانهلر
 قفسدن کچوب بشقهجه موضوع برانباره و یاخود بعضاً بوماکنه
 ایله برلشدیرلمش اولان قالبور طولایی ایچنه دوکلور و قالبورده
 قلان صمان ایسه یان قونیلان قفسه — ک — واصل اولوب اورادن
 ماکنه نک التنه دوکلور .

بوقالبور — ح ح — مدور اغاچلر اوزرنده اولوب براوجی
 شبه دوکنه و دیگر اوجی قفسه مربوط بزله صمان ودانهلری
 یوللرندن چیمقدن منع ایدر .

اشبو ماکنه نک مجموعی ۲ ارشون ۵۰ پارمق اوزون اولوب
 اوستنده تختهدن معمول برکمر — ا — وینه تختهدن یاییلی
 براوچاق واردرکه — ن — صاپلرک دوکلسندن حاصل اولان توز

بو او چاقدن طیشاری چیقار کمرک کیروسنک براز ایلروسنه
تاقالبورک اوزرینه قدر بیوک بربرز اورتیلورکه دوکنک قوتندن
طولایی اتیلان بعضدانه و صمان طیشاری فرلامسون .

بوماکنه لدی الانجاب صو ویا بیکیر ایله تحریک اولنور
بعضا قالبور طولابلی خرمان ماکنه لریله برلشدیریلوب
ایکی ایش بردن کوریلور یعنی هم دانه لر صماندن ایریلور و همده
قالبورلنوب تمیزلنور فقط بشقه بشقه یاپیلور ایسه ده ایا اولور .
اشبو خرمان ماکنه سی ایکی بیکیر و بش ایشچی ایله اداره
اولنور ایشچینک ایکسی دمتلری حاضرلامق وایکیسی دخی
ماکنه یه ادخال ایتک وبری دخی بیکیرلری قوللانق
خدمت لرنده بولنور یولیه اداره اولنور ایسه برکونده ۶۰۰ دمت
دوکه ییلور .

بو ماکنه دن چیقان دانه و صمان کندوسی تغیردن پک
کوزل محافظه ایدر فقط تیموردن معمول مدخل سلندرک یالکز
محوری تیموردن اولوبده کندوسی اغاجدن یاپلمش اولسه قطعاً
دانه ازمز و برملز ظن ایدرز .

اشبو خرمان ماکنه سی یاخود طولابی یالکز بوغدای ارپه
وچودار کبی زخایره مخصوص اولیوب دانه لی نباتاتک اکثرینی
مثلاً بذلیه فاصولیه و فول کبی هر نوع محصولات دانه لری
تفریقده دخی استعمال اولنور شو حالده مدخل سلندرلر یینده
اولان احیقانی دانه نک جسامته کوره طار اتمق یاخود ککیشتمک
کافیدر - ل - قوی ایله لزومنه کوره شبه دوکن ازچوق اصل


دوکنه تقریب و تبعید ایدیلور محلنده قیمت ۵۰۰۰ غروشدرد.
خرمان طولابلرینک دیکری موسیو (رنود) و (لوج)
طرفلرندن اصلاح اولنان ماکنه در اشبو ماکنه ده اکین صابلری
مدخلندن دخول ایدوب قارشو جهندن خروج ایدر دوکنک
کنارلرنده بش عدد یای موجود اولوب اوقلرینک کوستردیکی
استقامته طوغری دوزر دوکن مقریه مربوط برطاقم قایشلر ایله
حرکت ایلر .

بشاقلر مدخلنه صوقلده یای ایله طوتیلهرق دوکن
دوندکجه ازیلوب دانه لرینی ترک ایدرک دیکر جهندن طیشاری
ایدیلور دانه ایله ایجه صمان شبه دوکن اوزرنده بولنان اوچ
قالبور واری قطعه لردن دوکلور .

مذکور دوکن (رانسوم) دوکی کبی بیکیر یاخود بخار ایله
تحریک اولنور دقیقه ده ۱۱۰۰ کره دوزر ۱۲ ساعتده ۱۰۰
کیله دن ۳۰۰ کیله بوغدای دوکوب اییرر وایستیلان یره نقل
اولنه بیلور فقط صمانی براز ایریجه کسر .


ینه بونلرک ایجادی اولان برواپور دوکنی واردرکه (شکل
۲۷۶) اوچ یحق بیکیر قوتنده در ۱۲ ساعت ظرفنده ۴۰۰ اولچک
معدن کوموری صرف ایدر فنیاتی ۱۹۰۰۰ غروش صاغ اچقه در
بو ماکنه یومیه ۶۰۰ دمت بوغدای چودار ۹۰۰ دمت ارپه
یولاف و ۱۲۰۰ دمت قره بوغدای دوکر .

درت حیوان واون بش عمله ایله اداره اولنور یرده (رانسوم)
ماکنه سی واردرکه (شکل ۲۷۷) ۱۰ ساعتده ۳۰۰۰ دمت



(شکل ۲۷۶) دود و لوح واپور دومی

ذخیره دو کر قوتی آرتیلورایسه دو کدیکی ۴۰۰۰ دمه بالغ اولور



(شکل ۲۷۷) راسوم دوکی

ودقیقه ده ۹۰۰ کره دوزر فقط اوحالده دانه لرك برازی ازیلور ایسه ده صمانی غایت ایجه کسرکه حیوانلر ایجه صماندن پک زیاده خوشلانور یتاغه دخی ایوکلور چونکه بویله ایجه صمان چابوق چورر آیروجه صمان بچاغی استعمالنه ده حاجت قالمز بوماکنه برمحلدن دیگر محله نقل اولنوب قورولور سرعتنه باقیلور ایسه سائرلرینه ترجیح اولنسی لازم کلور ایسه ده بهاسی وخدمتی چوق اولدیغندن اورته چفتلکله کلز بویله یرلرایچون فوشه ماکنه سی ده ایدور .


کوچک چفتلک وکویلور ایچون بوکونه قدر اهون ایشه یرار برخرمان ماکنه سی ایجاد ایدیله مامشدر . هر شخصک ایشه مخصوصاً بویله برماکنه ایدمکه قدرتی یتز اولسه اولسه کویجه برماکنه النوبده نوبته استعمال اولنه بیلورکه یوقاریده تعداد اولنان ضررلردن قورتلحق ایچون فوشه ماکنه سنک ایدینلمسنی خالصانه توصیه ایدرز .

اشبو ماکنه لرك دها برچوق فائده لری واردر اولا تفریق ایلدیکی دانه دیگر صورتله اخذ اولنان دانه لرك مقدارندن

۱/۲ زیاده در زیر بشاقلردها ابو دوکلور ثانیاً عملیاتی فوق‌العاده سرعتله اجرا اولندیغندن چفتجینک نظارتی مکمل اولوب وقتی بیهوده چکمز و برشی غائب ایتمز ثانیاً عمله و خدمتکارلر دخی سائر خرمانلر کبی زیاده زحمت و یورغونلق چکمز رابعا ماکنهلر سهولتله سوکیلوب قورلدینی ایچون یالکز بنالر التنده دکل هر وقت زرده ایستیلور ایسه قوریلوب ایشدیلور چفتجینک ایشنی اک زیاده تسهیل ایدن جهتده بودر .

قالبور طولابلی — دانلری بشاقلردن آیرلقدن صوکره صرف اولنزدن اول قاریشق اولان ایجه زار و صماندن ویبانیجی دانهلردن تطهیر لازمدر .

بزم کوی و چفتکلریمزده ایچروده خرمان ایدیلنلر آزار آزار بر سبت ایچنه (شکل ۲۷۸) قونیلهرق ایکی ال ایله طوتیلوب بحاق آراسندن یوقاری ایتیلهرک دانهلر تحریک اولندقجه اک حقیف زار و صمان هوا ایله طیشاری دوکلوب دیگر اجنبی آغیر دانهلر سبتک اورتده .




(شکل ۲۷۸)

سنده بریکورکه اووج ایله قولایجه طوبلانوب آتیلور .


آچقده خرمان ایدیلنلر کورک ایله هوایه صاورولوب اک آغیر دانهلر یوقاریدن آشانی طوغریجه یره دوشدیکی حالده دیگر خقیف شیلر اوزاغه آتیلهرق بویولده ابو دانهلر تمیزلور . اوروپاده ایسه بوخصوصده (تارار) دنیلان برطاقم قالبور طولابلی استعمال ایدرلر (شکل ۲۷۹ — ۲۸۰ — ۲۸۱)

اشبو قالبور طولابنك - ج - حرفله كوستريلان تكنه.



(شكل ۲۷۹) قالبور طولابى

تميزلنه جك محصولات
قونيلور تكنه نك الت
طرفنده طربزون
وارى اويولى بربرى
- د - بولور كه او جنده
كى مقره واسطه سيله
حركت ايدوب تميزلنه
جك دانلر ك تكنه نك
آلتنه آقسنى تسهيل
ايدر .




(شكل ۲۸۰) قالبور طولابنك مقطوعى

صمان ايله قارشق
دانلر تكنه دن قالبوره
- و - آقوب قالبورك
افقه طوغرى واركل
كبي اولان حركتى بر
او جندن طولاب چر
خك ميلنه وديكر
اوجى قالبورك استناد
ايتديكى تختيه مربوط

بر قول ايله حاصل اولور دانلر قالبوردن كچديكى صرده چرخك

دورندن حاصل اولان غایت شدتی روزکاره تصادف ایدرکه
اشبو روزکار زارلری وسائر
ایجه صمانلری طولابك طیشارو.
سنه آثار .



(شکل ۲۸۱)

اوزرینه دوکلرک زمینه واصل . قالبور طولابك اوکدن کورشی
اولور .

ط - حرفیله کوستریلان ویده ایله - ج - تکنه نك
آشاغیکی آغزی زیاده جه قانور ایسه دانه لر آزارآزار آقه جفندن
روزکارک شدتی بونلری خفیف وقولای صاوره جنی جهتله
چورتی چوغالور فقط کیرو قلان بوغدایلر هم غایت ایری
تمیز وکیفتلری اعلا اولور .

بو طولابك فیاتی ۳۶۰ غروشدر تحریک ایچون بهری
نوبتله یارمشر ساعت ایشلمک اوزره ایکی خدمتچی کفایت
ایدر بری قولی چویرر دیکری تکنه بی طولدیرر اگر حیوان
ایله اداره اولنور ایسه مصرفی ده اهنلشور ساتیله جق


ذخیره اشبو طولابدن آزدن اوج دفعه کچورمیلیدرکه کوزلجه
ولایقیله تمیزلنسون .

مصر بوغدایی ایله پرنجك ضرب و تطهیری — بالاده تعریف
اولتان اصول اوزره ماکنه لر هر نوع حبوباتی دوکرایسه ده مصر
بوغدایی ایله پرنج بشقه صورتله خرمان ایدیلوب قالمورلنور .
مصر بوغدایی — مصر قوچانلری بربرینه سورتیلوبده
دانه لری دوککور ایسه لایقیله قوریدیغی اکلاشیلور که اولوقت
خرمانی قولای اولور .

اکثر محله مصر دانه لری بشاقلریخی بری بریله یاخود مخصوص
دیشلی بر تخته اوزرینه سورتیمکله و بعض یرلرده دخی اووج
ایچنده بورمغله تفریق ایدرلر ایسه ده بویله لکله از ایش کوریله .
جکندن اوروپاده بونک ایچون مخصوص ماکنه لر ایجاد ایتشلر درر .
اشبو ماکنه لر میاننده موسیو (بونافوس) ک ایجاد ایلدیکی ماکنه
(شکل ۲۸۲) استعمال اولنور ایسه هم جابوق ایش کورر و همد
اهون و اداره لی اولر .

— د — تکنه سی ایچنه الویره جک قدر قوچان قویدقدن
صوکره — ه — قوی چویرلده درعقب — وز — مقره
— ب — ایپلری واسطه سیله — ج — تکنه سی حرکنه باشلا یوب
— ح — اوقلاغولر دخی — ا — طولابی دوکنک دوندیکی
استقامتده فقط اغیرجه دوندرر شو حالده تکنه دن دوش
قوچانلر هروقت دوکن و طولابک الی رقاصنک — ط — بریله
کافیجه صیقیلوب دانه لرندن سریعاً ایریلور .


دانه‌لر طولاب ایله کریشلیری بیننده اولان اراقندن



(شکل ۲۸۲) (بونافوس) ک مصر خرمان ماکنه‌سی

طیشاری اتیلوب قوچانلر ماکنه‌ده قالور که مؤخرأ طولابک
ایکی کریشلیری چکیلوب قوچانلر چیقاریلور بو وجهله دانه‌لر
ایرلقدن صوکره سائر اکینلر کبی قالبورلنور .

صوکره دن موسیو (قارولیس) بر ماکنه ده ايجاد
ایتمشدر که سهولت استعمالنه نظراً اولکنه مرچدر (شکل ۲۸۳).




پرنج — پرنج ال دوکنیله
وجاتی اصولیله ضرب اولنوب
بشاقلرندن تفریق اولندقدن
صوکره طنازیاییله رق صاورولور
بعده کونشده یاخود بر جارداق
التنده ایوجه قور یینجه قدر
کورکه ارا صره قارشدیریلور

دانه‌لر دیشه طیاندینی زمان تمام . (۲۸۳) (قارولیس) ک مصر دوکنی

قوریش اوله جغندن او حالدله اوچ متنوع قالبوردن کچوریلهرک
ایوجه تمیزلنور.

اندن صوکره چلتیکندن تفریق ایچون ایثالیاده استعمال
اولسان اصوللر همان بزم قوللانیدیغمز دینکلره بکزر ایسه ده انلر
بشقه یولده یاپلمشدر یعنی پرنج تکتیهواری برطاش ایچنه وضع
اولنوب صو یاخود سائر بر قوت واسطه سیله تحریک اولنان
طوقاقلر ایله دوکله رک تفریق اولنور.

اسپانیاده ایسه برنجی دفعه اون دکرمانلری واسطه سیله چلتیکندن
ایررلر ودانه لر ازیلمامک ایچون دکرمانک الت طاشنه بر
طبقه منطار وضع وربط ایدرلر فقط اک قولایی بوکا مخصوص
ماکنه ایله چلتیکندن ایرمقدر پرنج ایچون ایجاد اولنان
ماکنه لر میاننده (شکل ۲۸۴) شکله کوستریلان دینک



(شکل ۲۸۴) پرنج دیسی

استعماله دها مناسبدر اشبو دینک اغاچدن معمول کلاهواری

برارشون ۶۲ پارمقدن ۲ ارشون ۲۷ پارمق اوزون و طبانك چو-
 ره سی برارشوندن نهایت ۶۲ پارمق و تپه سنککی ۳۲ - ۴۰ پارمق
 قدر برطاقم کراسته دن بیوک و قوتلی اکسر لر ایله چیویلی و صیقیجه
 بر تیمور چنبر - ب - ایله طوغله دن یاپیلی زمین - ج ج -
 اوزرنده بولور دینکک طیش یوزی کمری هربری ۳ درین
 ۹ - ۱۱ بچق خط قالین اولمق اوزره طولاً اکریجه دیش
 شکلنده اویوقدر دینکه بکرز مخروطی برقاق - دد - تماماً
 دینکی ستر ایدر قباغك چوقورلی ایچ یوزی عینله چکرده بکرز
 فقط عکسی جهته مائل دیشلیدر اشبو قپاق فوجی تخته سی کی
 قالین تخته لردن معمول ۳ و یا خود ۴ تیمور چنبر لر ایله باغلی
 و قباغك موازنتی دخی دینکک تپه سنه قاقیلی چال کچور
 برچیوی ایله تعین اولنمشدر مذکور چیوی قباغك
 اورته سندن تکه نك دینه طوغری مستقیماً کچور یلوب تکه نك
 دیی دخی برطاقم دلیکلری حاویدر که پرنج دانه لری ازار ازار
 بو دلیکلردن دیشلر ایله قباغك اراسنه دوشوب قپاق دونمکله
 چلتیکندن ایریلور قپاق دخی اوزرنده بولنان ایکی قول
 ایله صاغدن صوله چویریلور بونك ایله ایکی آدم کونده ۲۰۰
 قه پرنجی چلتیکندن ایرر.

اوچنجی فصل ذخیره نك خرماندن صوکره محافظه سی

حبوباتك اك قیمتی و اهمیتلی بوغدای اولدیغندن بو
 فصلده انك اصول محافظه سندن بحث اولنه جقدر که دیگر لرینك

اكا نسبتله هر دورلو ضرر و خساردن محافظه لری قولایدر .
تعریف ایده جگمز اصول ایله یکی تخم زرغنه یا خود لایق فیئات
بولنجه قدر بوزلمق سزین بوغدای تمیز اولدینی حالده حفظ ایدیله
بیلور حتی اشاعیده ذکر ایده جگمز دیگر یولده اوچ درت سنه
صاقلامق ممکندر .

بوابده اك زیاده دقت اولنه حق نقطه قیزوب یا نامق ایچون
دانه لری سریعاً قورتمق صیچان و کوستبک و قادلی قنادسز
بوجکلرک مضر تندن سیانت ایتمکدر .

بونك ایچون مخصوص کارگیر انبارلر بنا ایدرلرکه اخور
اغیل جای و کول اطراف و جوارنده اولماق شرطیله ایری
منفرد و هر طرفدن سهولتله هوا جریان ایدر بر محله دیوارلری
قالین و ممکن مرتبه بنا طاشندن انشا اولنه رق رطوبتدن وقایته
ایچنی برقات چنتو ایله کاملاً صیوارلر و دروننه جریان ایده جک
هوا سرین و قوری اولق ایچون یلدز طرفه قبله دن زیاده
پنجره لر اچوب حیوانات مضره نك ایچرویه دخولی منع ضمننده
دخی پرینچ تللی اینجه قفسلر ایله ستر ایدرلر قبله طرفنده کی
پنجره لر جاملی اولوب قبله روزکاری اسدیکی زمان قباترلر .
بوانبارلر ممکن ایسه ایکی قات یاپیلوب اوست قات دوشمه
سنده متحرک قباقلی کوزلر اعمال اولنورکه لدی الحاحه ذخیره
سهولتله الت قاتنه ایدیلور .

انبارلرک وسعت و جسامته کلنجه شوراسی ملاحظه اولنمیدرکه
بوغدای خرمانده دوکلوب تمیزلند کدن صوکره التی ای قدر حفظ

اولنه بياصمك ايچون وضع اولنه جق انبارك كوزلري انجق ۳۳ پارمق يوكسك اولمليدر دها درين اولور ايسه هنوز بوغداي تازه اولديني جهتله قيزوب يانار انك ايچون اولان ۷۰ پارمق درين كوزلرنده طوتيلوب ايوجه قور يدقدن صوكره ۵۰ كوزلره نقل اولنه بيلور شو ايكي كوزلرك اورتھسي اولان ۵۰ پارمق درين ۱۵ ارشون اوزون و ۴ ارشون ككيش بر كوز همان ۱۲۰ كيله بوغداي الور .

زخيرھي انبارلره قويميزدن اول توز بوجك قوزه ويومورطه. لريني دفع ايچون ديوار ودوشمه لريني قبا برسپوركه ايله ايوجه سپورمك وديوارلرده يارق و دليك وارايسه الهي معجون ويا كير. جلي خرج ايله ايوجه طولديرمق لازمدر بعده قالبور ويا ماكنه دن كچوريلوب تميزلنمش اولان بوغداي انبار كوزلرينك دوشمه. لرينه ياييلوب كوركله قارشديريله رق طولديريلور اگر چه ايلروده قيزمق و يافسا قوقو پيدا ايتمك كي برشي حس اولور ايسه وقوعندن اول بوغداي قارشديريله رق هوالنديريلوب لدی الحاحه تكرار قالبوردن كچوريلور و بويله جه فنا لنگ او كي انه من ايسه دوشمه لرنده كي قاقلا اجيلوب بوغداي الت كوزه اقيديلور و ممك مرتبه كوز تكميل طولديريلوب ۵۰ پارمق قدر دها اشاغی براقيلور. بوغداي ايوجه قوري اولديني حالدھ چواللر ايچنده صا. قلامق دها امين ايسه ده زياده يره و مصرفه محتاج اوله جفندن ديديكمز كي انبار كوزلرنده حفظ اولنق ايودر علي الخصوص لايقيه قوري دكل ايسه چوال ايچنده هوا آله ميه جفندن چارچابوق قيزوب فنا لشور .

اوروپانك اكثر يرلرنده بوغداي انبارلرينك كوزلرينه قولزا تخني قوقلري يايوب بوغداي انك اوزرينه طولديرلركه قوقلرده بولان ياغ مادهسى دانلري سرين طوتوب قوقوسيله مضر حيوان و بوجكلري دفع ايدر .

بعضيلرك قولنجه توزلي اولمهرق يالكز الويره جك قدر اينجه صمان زارلريله قاريشق بوغداي طولى كوزلر نه قدر درين اولور ايسه اولسون ايوجه قبالي اولديني حالده الى نهايه صاغ وسالم قالور اراصره كورك ايله قارشديرمنغه دخى حاجت براقز يالكز صرف اولنه جنى وياصاتيله جنى زمان برايكي دفعه قالبوردن كچورلك كفائيت ايدر .

بعض يرلرده دخى بوغداي فوجيلره طولديروب قباقلري اوزرينه آغير طاش قويهرق ديوار دينه برصره ديزرلر ياخود انبارك الت قاتنده قرانلق يرلره قورلر رطوبت ضيا و حراوتى منع ايجون انبار و فوجيلري دائماً قبالي طوتارلر فى الواقع بويولده حفظ اولنان زخاير بونجك فاره و توزدن سالم قالور و هيچ برقا قوقو پيدا ايتمز و بوزلمز ايسه ده كليتلو بوغدايك فوجيلرده محافظه سى مصرفلى اولور .

اسكى و قتلرده آسيا افريقا و اوروپانك قبله طرفلرنده ذخيره يى بر نوع مخزنلرده صاقلرلر ايديسه ده ايديلان تجربه لره نظراً زياده مصارفى و عظيم مشكلاتى موجب اولدينى جهتله اليوم بواصول متروكدر .

ذخيره يى يالكز فاره ياشلق و توز كې شيلر اضرار ايتمز

بر طاقم بوجکله دخی مسلط اولوب تلف ایدرکه بونلرک بری
تخل یاخود بوغدای تی ایکنجیسی بوغدای کلبکی اوچنجیسی
بوغدای کوه سیدر .

بوغدای تی — (شکل ۲۸۵) مغطی الجناح طاقه سندن

جسمی غایت کوچک بیضی سیاهجه بوی ۳

(شکل ۲۸۵)
بوغدای تی

عرضی بر خط قدر اولوب قنادلری یوقدر
کوزلری یان و باشک اوست طرفنده در آغزی کوچک و اوجی
غایت اینجه اسطوانی بر خورطومی واردر کوکسی نقطه لی و طیش
قنادی چیز کیلیدر بو بوجک پک اغیر حرکت ایدر برشیدن
قورق دینی وقت ایاقلریله سائر آلتلرینی وجودینک آلتنه طوبلارکه
او حالده همان بوغدای دانه سنه بکزر .

مدت عمری درت مختلف شکلده کچر برنجی یومورطه
حالیدرکه دانه نک اوزرنده یاخود کوزینه پک یقین یرده بر نوع
ساقز ایله مستور اولدینی حالده یاپشوق طورر غایت کوچکدر
ایکنجی حالی اقلیمک درجه حرارتنه کوره ۲-۳-۴ ونهایت
۸ کون ظرفنده یومورطه دن غایت بیاض و کوچک ۲ خط
بویده قوردجغز شکلنده چیقوب یاپشوق اولدینی دانه یی پک
اینجه دلهرک ایچنه کیر ۲۰ کون نهایتده دانه نک نشاسته سنی
یعنی اوننی کاملاً یر طیشاریسندن اثرینی بللو ایتمز آندن
صوکره اوچنجی حالی که قوزاق ایچنده عمر کچورمسیدر
اولوقت یمیز شو سکونتدن ۱۲-۱۵ کون صوکره قیافتی
مکمل بوجکه دکشدیروب دانه دن طیشاری حیقهرق تکرار

خساراتی تجدیده باشلر و یومورطه لرینی دانه لرك اوزرنده ترك ایلر .
 صیجاق یرلرده بوبو جکلر بریاز ایچنده همان ۷-۸ کره یآوری
 چیقاروب چوغالور ارککی چقتلشد کدن دیشیسی یومورطه سندن
 برکون صوکره تلف اولور ایسه ده یومورطه لرندن حاصل اولان
 یاوریلرك ینه قوق العاده مضر تلری درکاردر شمدی یه قدر
 ایدیلان حساب وتجربه لره نظراً بوغدای بتك بر دیشی سندن
 نیساندن ایلوله قدر یتیشان بوجکلر ۶۰۴۵ عدد دانه اتلاف
 ایدیکي تحقیق اولمشدر .

بوغدای بتی قورد ایکن دانه ایچنده پاشادینی جهتله اتلافی
 بك کوچدر فقط بوجك هیئته کیردیکي وقت دائماً قرانلی
 و راحت و حرارتی سودیکي چون آیدینلق وهوادار یرلرده
 بوغدای صیق صیق قارشیدیریلوب قابورلندقدمه راحتسز اوله .
 جقلرندن صاوشوب دفع و تلف اولورلر فقط بواصول ایله ینه
 بوجکلر تامایله اتلاف ایدیله میه جکندن آتی الذکر اصولره مراجعت
 لازمکلور .


بوغدای بتی تلف ایدن ماده لرك باشلیجه لری توتون وسائر
 قوقولی پیراق وفدانلر ایله توسولمك وشدتلی قوقولی مثلاتره متین
 وکبری تلی غازلر و تازه کنویر وجوز پیراغی ایله بوغدایی قاریشق
 صاقلامق وفسا و قوقولی فدانلرك قاینق صوبی ايله صولامق
 ویاخود بردن بره ۷۰ درجه بر حرارته براقق کبی وسائط
 ایسه ده بونلرك اصول استعمالنده ملکه وتجربه لازم اولدیغندن
 هرکسك ایشی دکلددر .

بعض ارباب تجربه نك افاده سنه كوره اسكى تخته لر آغاچ
قطرانی ایله ایوجه قطرانلانونب انبارك مناسب یرینه وضع
اولنور ایسه آز برمدت ظرفده موجود بوغداى بتلری دانه
لردن آیریلوب دیوارلره واورالردن دخی انبارك طیشاریسینه
فرار ایدر تخته لرك قطرانی اراصره تجدید اولنور ایسه
عودت لرینك اوکی الغش اولور بونك اجراسی قولای ایشی
ومصارفی ایسه برشی دکلدر .


دیگر برتدیر دها وارددر بومثللو بوغداى بتلری پیدا
اولان ذخیره ییغینك یانسه خفیفجه ایصلاق اوافق براکین
کومه سی قونور بیوک ییغین کورک ایله صیق صیق قارشیدیرلدجه
چیقان بتلر اشبو اوافق کومه یه طویلانور وبرقاج کون
ظرفنده اوافق کومه ده بتلرک عددی چوغالدینی کوریلنجه
مذکور کومه اوزرینه قاینارصو دوکلوب بوجکلر تلف ایدیلور
اگر بواوافق کومه آرپه دن یاپیلور ایسه دها ایو اولور زیرا
بتلر آرپه یی بوغدایه ترجیح ایدرلر .

حبوبات محافظه سیچون موسیو (والر) ك ایجاد ایلدیکی آلت
حبوباتی بوغداى بشتدن پك کوزل محافظه ایلر بوکا متحرك
قالبور دیرلر تخته دن معمول بیوک قالبور واری (شکل ۲۸۶ —
۲۸۷-۲۸۸) متوازیاً محوری اوزرنده دوزیوارلاق برطولابدن
عبارتدر خارجا تیمور چنبر ایله باغلیدر طولابك اوزرنده
بولسان برچوق دلیکلر هم هوانك جریانته وهمده بوجکلرک
فرارینه سبب اولور هرطرفی اولوجهله یابلمشدرکه هیچ بر

• بوجك طيشاريدن ايجرى كيره من فقط لايقيه دونك ايجون



(شكل ۲۸۶) بوغداى بتى قابورى



(شكل ۲۸۷) بوغداى بتى قابورى (شكل ۲۸۸) بوغداى بتى قابورى

آغزينه قدر دانه ايله طولديرلمايليدر قوتى مركزه طوغرى
كیدن آلتك نهايتدهكى يلبازه ايچنده بولنان هواى طيشارييه
وطيشاريدىكى هواى ايجرويه آلور بووجهله دانهلر لايقيه هوا.
لنديرملغه بتلر غائب اولور.

ايديلان تجربه لرده ۱۲۰ كيله بتلى بوغداى بو طولابده ۴۸
ساعت چويرلدكن صوكره بوغدايده بولنان ۲۷۹۵۰ بىتن

یالکر ۲۰ قدری قالب قصوری کاملاً فرار ایتشدر بوالت
 رطوبتی دانه‌ری دخی هوالندیره هوالندیره قوریدر نه‌چاره‌که
 بهالیدر ۱۰۰۰ کیله دانه آلور برطولابی ۳۰۰۰۰ غروشه ویررلر
 بونی برآدم چویروب اداره ایده‌یلور کتایم‌زده استعمان اولنان
 کیله یکی کیله اولدیغندن اسکسیله قیاس ایدر ایسه‌ک ۱۰۰۰ کیله
 ۳۰۰۰ کیله یقین اولور .

موسیو (دمارسای) بوغدای محافظه‌سیچون اولکیدن
 ده‌ها ساده براصول اتخاذا ایتشدرکه عینی بوزخانه کبی طوبراق
 ایچنده انبار انشاسندن عبارتدر بوزقونیلان قفس یرینه
 زمیندن ۳۲ پارمق یوکسک تخته دوشمه یاییلوب مجموع ارتفاعیله
 ۴ آرشون ۲۱ پارمق طوبراغه کوملی اولور واطرافنه بری
 دیکنندن ۶۴ پارمق اوزاق ۱۰ پارمق قالین دیرکلر قاقیلوب
 یوزینه ۲۰ پارمق قالین تخته قاپلانور که کورنیشی دکرمی
 برصندوقه بکزر بوغدای بوسندوقک ایچنه طولدیریلهرق اوستی
 چاتی کبی تخته‌دن برقاق‌ایله قادیلور .

شوقدروارکه بوغدای قونور ایکن بتلی ایسه‌بتلر چوغالوب
 بتون دانه‌ری تلف ایدر فقط بتسز اولدینی حالد بر قاج سنه
 کورکلمکه محتاج اولمق‌سزین محافظه اولنور .

حرارتی دائماً ۱۱ درجه‌ده بولندینی جهته‌لر بتلرک یومورطه
 لری اویانه‌میوب اوچ سنه صوکره دانه‌لر حصاد زماننده اولدینی
 رنکی ومنظره‌بی محافظه ایلر .

دانه‌لرک قوری اولدینی حالد وضعی لازم ایسه‌ده براز

یاش ایکن طولدیریلور ایسه دخی انبارده قوریدینی کورلمشدر
۱۲۵۰ کیله بوغدای الان بویله بر انبار ۵۵۰۰ غروشه پاییلور.
هرنه صورتله اولور ایسه اولسون آکینلرک محافظه سیچون
انبارک لزومی درکاردر بر چوق سنه دنبرو متعدد انبارلر
یابلمش ایسه ده بونلردن قنغیسنک ترجیحی اقتضا ایده جکنه
دائر نتیجه لی تجربه لر استحصال ایدیله مامشدر .

بوغدای هرنه قدر قوری فرض اولنور ایسه دخی یوزده
۸ بچقدن ۱۸ بچقه قدر ینه صوبی بولنه جغندن قوری بر محله
قونلدیغی زمان تریلکه باشلر انک ایچون سریخه یرلرده و طوپراق
ایچنده محافظه اولنان بوغدای بوزولور .

بو اوینونسزلی دفع ایچون بوغدایه سوکامش توز کیرج
قارشیدیرلر ۳۰۰۰ قیه دانه یه ۶۰ قیه کیرج الویرر بو کیرج
صوکره قالبور ایله دانه دن قولایجه جک ایریلور چیملمک و بوزلمغه
یوز طوتان بوغدای توز کیرج ایله اصلاح اولنه رق قالبوردن
کچورلدکده ایو بوغدای رنکنی آلور .


کیرج بوغدایک کرک یرالتنده و کرک اوستنده محافظه سنی
تأمین ایلدیکی وقوع بولان متعدد تجربه لر ایله اکلار شلمشدر چونکه
کیرج بوغدای هم قیزمقدن منع و همده مضر بت و بوجک
قوردلرینی محو ایلر .

بوغدای قوردی — بوغدای قوردی خروشی الجناح
یاخود کلبک طائفه سندنر (شکل ۲۸۹ - ۲۹۰) بونک دخی
بوغدای تی کبی حیاتی معین درت موسمه منقسمدر طرطیل

یاخود قوردی (شکل ۲۹۱ - ۲۹۲) بوغدایده ظهور ایلدیکی وقت برچوق دانه‌لری ایپکی برنوع قوزه ایله بربرینه باغلی (شکل ۲۹۳) اوزرنده کورینان اوفاق مدور بیاضمراق



شکل ۲۸۹) بوغدا۱ قوردی بوچی (شکل ۲۹۰) بوغدا۱ قوردی بوچی



(شکل ۲۹۱) بوغدا۱ قوردی (شکل ۲۹۲) طرطیل (شکل ۲۹۳) نقطه‌لر بوچکک پیسلکیدر باغلی بوغدا۱ دانه‌لری آیرلقدده ایچینک برازی ینمش اولدینی وبعضیلرنده دخی قوردلر بولندینی کوریلور .


بو قوردلر قوزه‌یه کیرمک ایچون دانه‌لردن آیریلوب بوغدا۱ ییغینه وانبارک دیوار و دیرکلرینه یاییلور که کوچک قورد شکلنده اولدقلرندن بوغدا۱ قوردی دینور بو قورد بولسندی برده قویروغندن تل ایله اصله‌رق قوزه‌یه کیروب براز مدت صوکره کلککه دوزر .

بوکلککلر بوغدا۱ انبارلرینی اصلا ترک ایتمه‌رک کوندز

اڤقرا نلق يرلرده صاقلانور كرك قوزه و كرك كلك هيشنده ضرر و يرمنز فقط قورد و طرطيل شكلنده ايكن دانهلري يوب تلف ايدر .
دانهلر كورك ويا قالبور ايله قارشديرلدقه ارالرنده
ازيلوب تلف اولور يا خود دانهلري براقوب ديوار و ديركلره
چيقدينغه قولايجه تلف ايديلور .


الوسيت دنيلان بوغداي كوهسي — اولكينه پك زياده
بكرر آندن فرقي رنكي دها پارلاق اولسي و قنادلري اوزرنده
اسمر لكه لري و اوينا ق بوينوزلري مياننده ايكي كوچك
خورطومى بولنسيدير .

(شكل ۲۹۴ - ۲۹۵) بوده يالكز طرطيل و قورد ايكن
بوغدايه تسلط ايدر دانهلرك اطرافنده غايت اينجه براغ
اوردكدن صوكره (شكل ۲۹۶) كوكبكك چيز كيسندن اينجه
دخول ايله دانه يي ير و كلك اولنجه
(شكل ۲۹۷) قدر ايچندن چيقمز
يارلديني زمان ايچنده طرطيل قوزه .
سي بولنور دانهلر نه قدر قارشديرلسه
يرندن قلدانمز .



(شكل ۲۹۴) بوغداي كوهسي (شكل ۲۹۵) (شكل ۲۹۶)
كلبكك لري بوغداي ييغيني اوزرنده ظهور ايتزدن اول

نه لرك آغيرلقلى ازالمسندن و كلبكرك ظهورندن برقاج كون
ل بوغدايك قيزمسندن كلبكلسنديكى
كلاشيلور .



(شكل ۲۹۷)

هوا صوغوق دكل ايسه كلبكرك
نبارلرده طورميوب ترلاره ياييلورلر
كر ايلك بهار اواخرنده ظهور ايدر
يسه حبوبات وخصوصيله بوغداي
ترلارينه اوشوشوب بشاقلرى اوزرنده




(شكل ۲۹۸)

بومورطه براقورلر (شكل ۲۹۸) بو حيوانلر
سنده برقاج شكله كيردكلرى كجى كلبكلى
كرك انبارده بولسان دانه و كرك ترلاده كى
بشاقلره يومورطه براقوب طرطيللرى بشاقده
وانبارده دانه لرى كيررلر .

بونلرى اتلاف ايجون اك مناسب تدبير
زخيره يي ايصتمقدركه بوده خارجاً ايصيدلمش
مائل اسطوانى بربوريدن كچورلمكدن عبارتدر
دانهلر بورينك اوست طرفدن ادخال اولنوب
الت قطعه سندن چيقاريلور بورينك درجه
حرارتى موجود اولان ميزان الحارره ايله تعيين
اولنور ۵۷ درجه دن اشاعى و ۶۲ درجه دن
يوقارى اوليان حرارتده بو وجهله اصلاح
اولمش زخيره نه فلزلنه قوتنى ونه دخى اتمك يايقى

استعدادی غائب ایتمز دیگر اصول ایسه بوجکلری ضرب ایله تلف ایتمکدر بو خدمتی اڤصورتله اجرا ایدن الت موسیو (دوایر) ڤا ايجاد ایلدیکی ماکنه در .

بوماکنه (شکل ۲۹۹) اولامتحدالمکرر یعنی بری برینک ایچنه کچورلمش ایکی بوریدن عبارت اولوب بوریلرک بری خارجی وثابت دیگری



داخلی اوله رق

سرعت ایله

محوری اوزرنده

دوئر بوریلرک

ایکیسی دخی

بعض چیقند.

(شکل ۲۹۹)

یلری حاوی اولوب تکنه دن ایکی بورینک اراسنه دوکلان دانه لری شدتله تضییق ایدر .

دوئر بوری خارجاً ۴ دیش وبرقول ایله حرکت ایدر

سرعتی دقیقه ده ۷۵۰ - ۸۰۰ ارشون ایسه ده بوجکلری

محو ایچون ۶۰۰ - ۶۵۰ ارشون سرعت الویرر دانه لر اولو تکنه نڤ ایچنده بولنان ایکی قالبوردن کچوب برنجی دفعه اوله رق

تطهیر وبعده بوریلرک اراسنه واصل اولوب بردها دورایتدکن صوکره ۸ یاخود ۱۰ ارشون مسافه ده طیشاری یه فیرلار .

ایشته شو فیرلامه دن طولایی دانه لر تمیزلمش اولور زیرا

اڤ آغیر تخم کندو ثقلتی سببیه اوزاق اتیلوب خفیف وبوش اولان دانه لر ایسه ماکنه نڤ آغزینه یقین یره دوشر .

رطوبتك تأثیرندن تغیر ایدن دانه لری اسکی حالنه کتورمک
 پك قولایدر شویله که اولاخفیف طوزلی قاینار وبعده صوغوق
 صو ایله ییقادقدن صوکره کرك اورتیه حالده صیجاق بر بوری
 ایچنه وکرك اتمک چیقارلدقدن ایکی ساعت صوکره بر فورونه
 وضع اولنور ایسه سریعاً قوریوب اسکی حالنه عودت ایدر.
 فقط بویولده قوریدلمش ذخیره تمخلق اوله مزایسه ده اتمک یایمق
 و باخصوص سائر ده ایاو اون ایله قارشیدروب استعمال اتمک
 ممکندر شوقدرکه سریعاً پیشمک ایچون مایه سی زیاده تازه وصوبی از
 صیجاق و خموری زیاده صیقی و فورون دخی پك صیجاق اولمیدر.
 اگر بوغدایلر قوریوب یانار و یابوزولور ایسه اتمکی ایاو
 اولمز اولسه بیله انسان بسله یه مز و بلکه ده ضررلی اولور فقط
 نشاسته جیلره کلور .

دردنجی فصل اوت وچایرلرک محافظه سی

چایرلر فصلنده بیان اولندیغی وجهله اوتک بوزولمقسزین
 کوزلجه محافظه سی قوریللی درجه سنه کوره اولدیغندن اوتی
 محافظه دن اول کمال دقت واعتنا ایله قورتمق انزمدر .
 اوت الویره جک قدر قوریدقدن صوکره کرك بنالرجوارنده
 مخصوص ییغین یاپیله رق وکرك اوتلق و یاصمانلقلره نقل ایدیله رک
 حفظ اولنور .
 " اکثر یرلرده اوتی ییغین یاپه رق محافظه اتمک همان عمومی
 برشیدر زیرا ییغینلر فوائد کثیره نی موجب اولیور اوتخانه انشاسی

کبی برطاقم مصارفه محتاج اولدقدن بشقه ییغین ایله حفظ اولنان اوتك کیفیتى اوتلقردمکی اوتك خاصه سندن دها اعلادر فقط یاغموردن قورونمق ایچون هر حالده ییغینلری قاعده سینه موافق صورتده یا بمق لازمدر .

ییغین ایکی دورلو یاپیلور بری موقت ییغینلردرکه مقصد اوتده قلان صویك بر مقدارنی تجیرایتمك در اکرئی ییغینلر اوت قیزدقدن صوکره بوزیلوب محللرینه نقل ایله یرلی ییغین یاپیلور دیکری باقی ودائم ییغینلردرکه انبار مقامنده اولوب اوتی صرف ایدنجه قدر کوزل محافظه ایدر .

آرآبه لر ایله نقلنی تسهیل ایچون اکرئی ییغینلر چایرلرک اک یوکسک ویوله یقین یرلرنده یاپیلور چایرده قوریان اوت چتاللر ایله اخذ اولنوب تعین اولان زمینه کوتریله رک اکثریا خونی شککنده منتظم ییغین اعمال اولنور ییغین تدریجاً یوکسلدکجه اوتی ممکن مرتبه صیقجه باصوب اطرافی طراقلانه رق ایوجه صیقشما . نلری دوشریلوب ییغینک اوزرینه اتیلور و بویغینلر اکثریا برقاج ای حالیه چایرلرده قاله جقلرندن ممکن مرتبه بیوک یاپیلور (شکل ۳۰۰) قدیم ویرلی ییغینلر اکثریا بنالر جوارنده قوریلور بونلرک التنه طوپراقدن بر طبقه چالی چرپی صاپ یاخود اینجه داللر یاپیلور بعض یرلرده دخی ۱۶ - ۲۰ پارمق یوکسک قازقلمه مربوط بردوشمه اوزرنده قوریلورکه بوصورتله اوت طوپراغک رطوبتندن و بردرجه به قدر صیجان وامثالی حیواناتک تخرینندن مصون اولور .

ییغینلرک شکلی اکثریا بیضی مستوی یاخود مربع اولوب فقط

هر حالده تپه‌لری سیوریدر دکر می ییغیلری اورته‌سندن طوپراغه

قایلی اوزون آغاچ اطرافه

ییغوب قورارلر اوت ییغین

یا ییله‌جق محله تدریجاً کوتر.

لدکده زمیننه یاییلوب

و اوزرینه باصیلوب منتظم

طبقه‌لر هیئتنده استیف

ایدیلور و مناسب ارتفاع

کسب ایتدکده اطرافی



(شکل ۳۰۰) اکر تی ییغین

طراقلانور و خارجه چیقان اوزون وزاند اوتلر قطع ایله رطوب-

بتدن بوزلاماق ایچون ییغینک چوقور یرلرینه طولدیریلور .

ییغین تکمیل اولدقده براب ایله قازغک تپه‌سنه باغلی

و آشاغیسی متساویاً مقطوع صمان طوتاملری بری برینی اورته‌جک

صورته کیره‌مید کی ییغینک اوزرینه وضع اولنه‌رق قبادیلور

واک تپه‌سی کذلک دیرکه باغلی دیکر دمتلر اورتلمسیله اکمال

ایدیلور و اطرافه یاغور صولری طوبلانماق ایچون خندقلر

اچیلوب صولر اوزاغه آقیدیلور (شکل ۳۰۱)

ییغین تکمیل اولنجه قدر رطوبتدن محافظه ایچون لزومی

حالنده قالین و یا قترانی موشامبه ایله قبالو طوتلمق لازمدر.


اشبو دائمی ییغینلرک هربری ۳۰۰۰۰ — ۴۰۰۰۰ قیه قدر اوت

آلور فقط خدا کوسترمسون شاید که صاعقه‌اصابت ایدر ایسه

اوته‌کیلری دخی یا قماق ایچون بری برینه براز اوزاغه یاپلملیدر.

قوری اوت برخیلی زمان ییغینلرده محافظه اولنور ایسه‌ده


اوقدر اوتوروب صیقیشورکه چتال ایله حیقارمق مشکل اولور
شوحالده اوتی یرینه کوره مختلف
شکلده بجاقلر ایله کسوب آلورلر
(شکل ۳۰۲—۳۰۳—۳۰۴) اوت
بجاق ایله کسلور ایسه چیچک ویرا-
قلری دوکلز بویولده اخشام صباح
فقط یاغموړکلان یرک عکسی جهندن
کسلوب حیوانلره یدیریلور .



صیقی باصدیریلان ییغینلرده
اوت قیزوب بر طاقم قوقولی
ورطوبتلی بخار نشر اتمکه باشلرکه
(شکل ۳۰۱) یری ییغین

عینی جیره قیزمه سنه بکزر اوتده بولنان رطوبتدن حاصل اولور
اوت ظاهرده هر نه قدر قوری کورینور ایسه ده آزچوق ینه
رطوبتلیدر بوقیزمه برچوق ای دوام ایله اوتک خشبی لیفلرینی
یومشادوب زیاده بسله ییجی ونازک ایدر زیرا لعابی وحشوی


موادک بر قسمی
شکره تحویل ایدوب



اوت خفیف بر بال رایحه سی نشرایلر اشبو قیزیش
تمامیله کچدکجه اوتی استعمال ایتزلر ایدیلور ایسه بر طاقم
خسته لقلری موجب اولور شاید قیزمه کچمزدن استعمالی
ضروری ایسه اسکی اوت ویا صمان ایله قارشدیرمق

(شکل ۳۰۲) هر حالده لازمدر .

انکلیز چفتجیلری اوت ییغیلرینی یابدقن برسنه صوکر.



قوللانور لر قیمتلی جنس
آت مراقلیلری حیوا.
نلرینه ایکی سنه لك اوت
یدیر لر ۴ سنه دن
زیاده طوران بریغین
پك زیاده قوریوب
اوتنك کیفیتنی غائب
ایدر اوتك اك ايو
واعلاسی یاغمور و
چیکدن ایصلاقمسزین

(شکل ۳۰۳)



و یاشلقدن قوری و قوریلقدن یاشلق کورمکسزین
قوریدیلاندر یاغمورلری کثیر اولان سنه لرده
هرنه قدر زیاده خدمتجی استخدام اولنسه دخی



اوت صورت مطلوبه ده قوریدیلوب ییغین یاییله میه. (شکل ۳۰۴)
جغندن کوفلنوب چورر وقوه غدائیسه نی غائب ایدرك حیوانلره
مضر اولور بونك اوکنی آلق ایچون انکلتزه وفلمنکده اورته سی
بوش بعض ییغیلر یاپارلرکه شومضر تی تخفیف ایتدکدن بشقه
یاغمورلی سنه لرده زیاده فائده ایدر. (شکل ۳۰۵ — ۳۰۶).

صورت اعمالی شویله در ییغین یاییله جق موقعده بهری
۶ ارشون اوزون الی صیریفك زمینی همان ۲ ارشون چوره سنه

بر دایره تشکیل ایدم جک صورتده بری برندن ایری و باشلری



(شکل ۳۰۶) اوچاقلی بیغین

(شکل ۳۰۵)

ایپ ایله یکدیگرینه باغلی یره دیکلوب - ا ب ج د ه و ز -
بعده اوتلر بر یچق ارشون عرضنده و طبقه هیئتده صیریقارک
اطرافه استیف ایدیلور بیغین یوکسلدجه طبقه لک عرضی
دخی طارالتیلوب زمیننه - ح ح - ح ح - اوچ اولوق
(اوجاق) وهوانک جریاننی تسهیل ایچون کون طوغیشی
طرفده - ط - دیگر بر اوجاق (باجه) ترتیب وتنظیم ایدیلور.
بیغینک زمیننده یاپیله جق اوجاقلرک اوکنده بولسان کلاه
شکلنده کی صیریقار اوزرینه طوبراقدن ۵۰ پارمق یوکسک
و ۲ ارشون بویده دوز برر دکنک - ل ل ل - قونوب دیگر
اوجی بیغینک چوره سی خارجنده طوبراغه قاقیلی - ن ن ن - اوچ
چتال اوزرینه وضع ایله بیغینک کی ۵ و بوی ۶ ارشون بر ایلور.

کرحه سائر عادی ییغینلردن یوکسک واز ککیش ایسه ده تپه لری
سائر ییغینلرک تپه لرندن ده سیوریدر بویغینلری روزکارک
شدندن وقایه و تأمین ایچون تپه سنه اورتیلان اوت صیریقلره
باغلانوب — مم — صمان صاپندن معمول برکلاه ایله قبادیلورکه
بودخی بر بوغوم ایله صیریقلرک باشنه باغلانور واوزینه — نن —
برجنبر کچوریلوب اوچلرینه ایپ باغلی ۵ — ۶ اغاچ قالر ایله
ییغینک اوزرینه صوقله رق ربط اولنور .

بوصورتله ییغیلان اوت رطوبته باقیه رق قیزمقسزین قورر
ویغیلدقدن ۵ — ۶ کون صوکره دمت باغلانه بیلور شاید
۵ — ۶ کوندن زیاده براقیله حق اولور ایسه زیاده قوریماق
ایچون التندن قوپاریلان اوت ایله الت واوست پاچه لری قبادیلور .
صیجاق ورطوبتلی هوالرده شدتله قیزه جغندن اوت پک
صیقشدیرلمیه رق اتم اتم قازق ایله یان طرفندن برطاقم باجه لر اچیلور
— ع ع — یاخود اوتک اراسنه ۱۰-۱۲ پارمق قالین بر طبقه صمان
یاییلورکه بو صمان اوتدن اله جنی قوقو و طعمدن طولای ایواولور .
ارباب زراعتدن بعضیسی قوری اوتلری هوالندیرمق ایستمد .
کلرندن ییغین ایچنده هوا جریان ایندیرلما سنی توصیه ایدرلر انک ایچون
صماندن معمول ثابت کلاهلری متحرک چاتیلره ترجیح ایلرلر .
فی الواقع چاتیلری قوری اوتدن یاییلان ییغینلر صیقچه
باصلمدینی حالده بوش یرلرنده قلان هوا اول درجه قیزارکه
همان بتون ییغینی یاقه بیلور بوقضا موقت ییغینلرده نادر دکلدرد
فقط هر طرفی ایوجه باصدیرلمش ییغینلرده اصلا ظهور ایتز

واوتی کوفلنمز مکرسه رطوبتی حاصل ایتدیکی درجه حرارت ايله تبخر ایتسون .

برده رطوبتلی و طورغون هوا ايله هوا جریانی بیننده بیوک فرق واردد زیرا هوا اشاغیدن یوقاری جریان ایتدیکی حالده اوتک قیزمسنه و آتش المسنه مانع اولور بعض محللرده اسمر قوری اوت استعمال ایدرلرکه هنوز یاش اولدینی حالده ییغین یاییله رق صیقیجه باصدیردقلرندن طولانی قیزمش اوتدر ییغیندن برچوق بخار چیقهرق ییغین اوتوروب قتی واسمر وپک سرت برحاله کیرر بواسمر اوت بچاق ايله کسلوب حیوا . نلره یدیریلور حیوانلر بواوتی پک سورلور یشیل اوتدن زیاده حیوانلری سمیردر دیرلر .

انکلتزه واوروپانک صوغوق مملکتلرنده اوتی ییغین یاپدقلری ائئاده هر ۱۰۰ قیه اوتی برقیه ۲۵۰ درهم طوز ايله قالبور واسطه سیله طوزلرلر سبی دخی طوز اوتک تخر ایدن صوی ايله اریوب عموماً و متساویاً ییغینک ایچنه یاییله رق اوتی کوفدن وچوریمکدن وقایه و کیفیتنی ایواید اوتی بویولده طوز لمغله حیوانلره ذاتاً ویریه جک طوز اودغش و جزوی طوز مصرفیه چوق ایش کورلش اولور یعنی هم اوتک ثقلتی و همد بهاسی اتریلور .


اگر اوت چامور و قوم ايله قاریشق یاخود قوریدینی ائئاده نزول ایدن کثرتلی یا غمورلردن ایصلانوب کوفلنمش ایه دکز طوزی استعمالی ضروریدر بوکی فنا اوتلری حیوانلره یدیرمک برطاقم خسته لقلر ظهورینه و حیوانلرک تلفنه سبب

اوله جفنسدن بویه اوتلری کوبره اولمق ایچون کوبره ییغینه اتمق لازمکلور ایسه ده حیوان می قط اولان یرلرده طوز قارشیدیرمغله فالنی کیدریلور هر ۱۰۰ قیه سنه ۲ اوقه طوز علاوه اولنور برده آکشی یاخود بتاقلق چایرلرک قامش ایله قاریشق اوتلرینه دخی اولمقدار طوز علاوه ایتک لازمدر.

اوت طور دجّه ثقلتی ازالور یشیل اوت قوریدینی وقت اغیرلنک درتده برینی غائب ایدر ۱۰۰ قیه قوری اوت ییغین یابلدیغندن برای صکره ۹۵ واوزرندن قیش مرورنده ۹۰ وکله جک یاز موسمنده یالکز ۸۰ قیه قالب ارتق اکسلمز .

مساوی مقدار اوت یازین صاتلدقده یالکز ۸۰ ویشین صاتیلور ایسه ۹۰ قیه ثقلتنده بولنه جفنسدن اوتی صاتمق ایچون صاقیلانلر بورالری نظر دقه الوب اکا و فیاتنه کوره صانه جنی وقتی تعیین ایتلیدر .

اوتک ترالاردن کوی وچفتلکله نفلیچون بارکیر اوکوز




(شکل ۳۰۷) اوت ارا به سی

یاخود قاطر قوشولی برطاق ارا به لر استعمال اولنمقده در یرینه کوره شکل وجسامتلی مختلفدر .

اوروپانک اکثر یرنده استعمال اولنان ارا به (شکل ۳۰۷)


شکلده کوستریلان ایکی تکرلکی ارا به اولوب اوتی ایکی یانندن
طونق ایچون چوق ایله اوریلی چیتلی واردر .
انکلترده قایق شکلنده ارا به استعمال ایدرلر (شکل ۳۰۸)
اوکنده پولنان برزنجیر ایله اکیدیلوب ایستیلان استقامتده طور-
دیریلور زنجره باغلی چیوی چیقارلدینی حالده آرقیه دویریلور
ویرینه کچوریلنجه طوغری طورر .

فراسه بلچقا والمانیانک بعض محللرنده درت تکرلکی
ارابه لر قوللانورلر (شکل ۳۰۹) فقط بو آرا به لرك حمله سی



(شکل ۳۰۸) انکلیر اوت ارا به سی

آغیر اولوب برقاچ بیکیره محتاح اولدقلرندن (شکل ۳۱۰)




(شکل ۳۰۹) فراسر اوت ارا به سی

شکلده کوستریلان تک بیکیرلی ارا به جمله سنه مر محمدر .

ارابه به تڪ حيوان قوشمق هم قولای و همده بيوك فائده لی
اولور زیرا تڪ قوشیلان حیوان مشترک قوشولی حیوانلردن
آز یورولور وقوتی چوغالور .

بوارابه درت آت ایله چکیلان عادی ارابه دن دها خفیف



(شکل ۳۲۰) بلجیقاوت ارابه سی

اولدینی حالده دیگرینک آلدینی یوک قدر یوک آلور حیوانی آز
یورار وسهولتله یوکلنوب بوشالیدیلور برده سقطلنی نادر
وقوعبولور بوندن بشقه بو ارابه به یالکز بر حیوان قوشلیدیغدن
۱۰ - ۱۵ یاشنده برچوجق اداره ایده بیلور حالبوکه برقاچ
حیوان قوشیلان دیگر ارابه لر اجرتلری بهالو اولان ماھر
ارابه حیلره محتاجدر .

اوتی قوریدقدن صوکره درحال یاخود برقاچ ای ییغین
یابلدقدن صوکره مخصوص اوتلق ویا ماندیره لره نقل ایله حفظ ایدرلر .
اگر هوا قپالی وشبهلی یاخود نقل اولنه جق اوتک مقداری
چوق وهنوز ایوجه قوریماش اولور ایسه دخی باس اولیوب
نقلنه مباشرت اولنمیدر شو قدرکه اراسنده بوش محل قالماق
وباشلیجه هوا جریان ایده مامک ایچون صیقیجه استیف ایدمیلیدر .
اوتلقرده اکثر یا ییغینلرک اوستی متضرر اولور زیرا ییغیندن
چیقان بخار خارجده کی هوا ایله تماس ایتدکده صویه دونوب

بیغینلرک یوزنده طویلانورکه اوتی بوزار فقط شومضرت بیغینلرک یوزی برطبقه قوری صمان ایله ستر اولمغله مندفع اولور و اوت قیزدقدن صوکره صمان قالدیریلوب فشقی مقامنده استعمال اولنور. موجود اولان اخور واغیللر اوتلری استیعایه کافی دکل ایسه مخصوص اوتلقخانه لر یا پلمسی اقتضا ایدر بونلرک انشاسی اولجه انبار وصمانقلر حقنده بیان اولنان قاعده یه توفیقاً وسعتی اوتک مقدارینه و برسنه ظرفنده موجود حیوانلرک محتاج اولدینی غدایه نظراً تعیین اولنور اتیده کی مثال براونلقخانه نك وسعتی سهولتله تفهیم ایدر مثلاً .

بربیکره یومیه ۱۲ براوکوزه کذلک ۱۲ برقیونه ۱,۴۰ قیه اوت الویرر برارشون انبارهمان ۱۰۰ اوقه اوت اله جغندن بربیکر اوکوز ویا اینکک سنه ده ییه جکی اوت ایچون ۴۵,۶۲ و برقیون ایچون ۵,۱۱ انبار (مکعب) محل لازمدر.

ایمیدی ۴,۵۶۲ عددی چفتلکده بولنان بیکر اینک و اوکوزک و ۵,۱۱ عددی دخی موجود قیونک مقدار یله ضرب ایتدیکمزده حاصل ضرب انبار و اوتلقلرک اقتضا ایدن وسعتی تمامیه کوسترر. مثلاً برچفتلکده ۵ بیکر ۱۰ اینک ۲۰۰ قیون بولنور ایسه اوتلغک یری ۱۷۰۶,۲۰ انباره بالغ اولور حسابیده شودر.

عدد	سنوی	یومیه
۵	۲۲۸,۱۰	۴۵,۶۲
۱۰	۴۵۶,۲۰	۵۴,۶۲
۲۰۰	۱۰۲۲۰۰	۰۵,۱۱
۲۱۵	۱۷۰۶,۲۰	۹۶,۳۵

یعنی اولمقدار اینک بیکر و قیونلرک سنوی ییه جکی اوتی
استیباب ایتمک ایچون جدولده کوسترلدیکی وجهله اوتلق ۱۷۰۶
ارشون ۲۰ پارمق انبار اولمق لازمکلور .

حیوانات مذکوره سنه نك نصفی کچورر ایسه اولوقت
اوتلغک وسعتی نصفه تنزل ایدر بونکله برابر حیوانلره پتاته
هاوج و پانجار کبی شیلر دخی یدیریلور ایسه چونکه بونلرایرو
محللرده محفوظ اوله جفندن اوتلغک وسعتی نباتات مذکوره نك
یرینی طوتان اوتک جمعی قدر اکسلتمک لازمکلور اوتقلره
ادخال اولنه جق اوتلر ییغینلرده اولدینی کبی طوزلمسی لازمدر
و چامورلی اوتلر اوتلملره قونلمزدن اول کرک ال دوکی ویا
ماکنه ایله دوکلوب توزی کیدرملیدر اگر اوت اوتلغه حین وضعنده
طوزلنماش ایسه حیوانلره ویریه جکی ائشاده اخور و اوتلغک
خارجنده اوزرنده کی چامور و قوری توزلری سیلیکلوب
دفع اولندقدن صوکره طوزلی صو ایله دخی صوارملق و بو صو
اوتک هر طرفه واصل اوله بیلیمک ایچون چتال ایله اوتی
قارشیدیرمق وبعده یارم ساعت قدر ترک ایتمک لازمدر بو وجهله
تربیه کورمش اوتلری مبارک حیوانلر کمال اشتها ایله اوتلارلر.
چایرلردن ایکنجی دفعه بیچیلان اوتی محافظه ایچون اوتقلره
ادخال اولنه جنی صره ده صمان ایله قارشیدیرملق فائده دن خالی
دکلدر زیرا اوت قیزدینی ائشاده قاریشق اولان صمان اوتک
خاصه سنک برازینی کندویه جذب ایده جکی جهته حیوانلره غایت
مفید اولور بو صمان ارپه یولاف صمانی اولور ایسه ده ایدور.
ایو بر صورتله واصل جدیده اوزره اداره اولسان

برچفتلکده عموماً صرف اولنان اوت اولتقدن چیقاریله.
جنى صروده دمت یاییلوب اويله چیقاریلر زیرا سهولتله
حیوانلره تقسیم اولندقدن بشقه یهوده اوتیه برویه دوکلوب
نلف اولز اکثریا ایشه مانع اولان یاغمورلی کونلرده بر آدم
بومیه هربری ۵ قهلق ۲۰۰ - ۴۰۰ دمته قدر باغلايه بیلور .

خیلی وقتدنبرو انکلترده اوتی محافظه ونقل ایچون غایت
نوتلی تضییق منکنلری استعمال ایدرلر بونک باشلیجه فائده لری
اولا اوت تکمیل رایحه وقوتی محافظه ایتمی ثانیاً توزه قار-
شمیوب مخملرینی ایوجه صاقلامسی ثالثاً یاغمورلرده یالکز اوستی
ایصلانه جغندن سرعتله قوریمسی رابعا تضییق اولندوقده زیاده
اغیر اوله جغندن قیزوب یاغامسی خامسا تضییق ایله اوت صیقیلوب
لدی الحاحه اله جنى وقت مخصوص اوت بجاقلریله قطع اولنمیسدر.
طبیعی چایر اوتلرینی اکمه چایر اوتلرندن زیاده صیقمق
ایودر فقط تضییق ماکنه سنک غایت واسع چایرلرایله عسکره اوت
ویرن تجمار ایچون فائده سی افکار اولنه مز ایسه ده عادى
چفتلکلرده استعمالی ممکن دکلدز زیرا بعضا فائده سی اولمدقدن
بشقه زیان دخی ایدر فرانسه کارخانه لرنده تضییق اولنان ۱۰۰
قه اوتک مصارفی همان التی غروشه بالغ اولور .

اغاچ پیراقلرینک تروتازه محافظه سی — چایر فصلنده ذکر
اولنان بعض اغاچلرک پیراقلرینی محافظه ایچون فوچیلره وضع
ایدوب ممکن مرتبه زیاده تضییق ایدرک تکمیل قوم ایچنه کومرلر
لدی الحاحه اله جنى صروده هوايه کوسترمکسزین الوب ینه قوم
ایله قادرلر بواصول ایله بتون قیش پیراقلر تازه ویشیل قالور.

بعض محللرده یرده مخصوص خندقلراجوب اوئی ایچنه طولد.
 یررق اوزرینه صمان اورترلر ودها اوزرینه قوم یاخود طوپراق
 یایارلر ایچنه داللری یاغمور ورطوبندن بوزلامق ایچون قوری
 وهوادار برمحله قورلر بو طریق ایله حیوانلری ایوبسلرلر .

برنجی جلدك صوکی

درون کتابده مندرج خطالرك تصحیحی

- صحیفه
 ۱ الی ۱۰۳ یوز اوچ صحیفه یه قدر (خط) یازیلو اولنلر
 « یارمق » اوله جقدر .
 ۵۳۱ صحیفه ده کی (اسکی استانبول کیله سی حسابیلا
 ۴ کیله ایدر) یرینه « ۳ » کیله دن پک آز ایدر
 اوله جقدر .
 ۶۷۲ صحیفه نك نهایتنه شوعباره علاوه اولنه جقدر
 « وزمانی تمامیه چیچکه کلدیکی خزیران ایچنده ده
 ابتدا فدانلر چیقاریلوب برنجی صبان ایلا
 آچیله حق اولکلره یاتریله رق ایکنجی صبان »
 بورادن صوکره التیوز یتیش اوچنجی صحیفه
 کچر .

